

Holy Bible

Aionian Edition®

बघल्याणी नवां विधान

Mahasu Pahari Baghlayani Bible

AionianBible.org
The world's first Holy Bible untranslation
100% free to copy and print
also known as " The Purple Bible "

Holy Bible Aionian Edition ®

बघल्याणी नवां विधान

Mahasu Pahari Baghlayani Bible

Creative Commons Attribution ShareAlike 4.0 International, 2018-2025

Source text: eBible.org

Source version: 12/28/2024

Source copyright: Creative Commons Attribution ShareAlike 4.0

The Love Fellowship, 2021

Formatted by Speedata Publisher 4.21.5 (Pro) on 1/28/2025

100% Free to Copy and Print

TOR Anonymously

<https://AionianBible.org>

Published by Nainoia Inc, <https://Nainoia-Inc.signedon.net>

All profits are given to <https://CoolCup.org>

We pray for a modern Creative Commons translation in every language

Translator resources at <https://AionianBible.org/Third-Party-Publisher-Resources>

Report content and format concerns to Nainoia Inc

Volunteer help is welcome and appreciated!

Celebrate Jesus Christ's victory of grace!

Preface

बघल्याणी at AionianBible.org/Preface

The *Holy Bible Aionian Edition* ® is the world's first Bible *un-translation!* What is an *un-translation?* Bibles are translated into each of our languages from the original Hebrew, Aramaic, and Koine Greek. Occasionally, the best word translation cannot be found and these words are transliterated letter by letter. Four well known transliterations are *Christ*, *baptism*, *angel*, and *apostle*. The meaning is then preserved more accurately through context and a dictionary. The Aionian Bible un-translates and instead transliterates eleven additional Aionian Glossary words to help us better understand God's love for individuals and all mankind, and the nature of afterlife destinies.

The first three words are *aiōn*, *aiōnios*, and *aīdios*, typically translated as *eternal* and also *world* or *eon*. The Aionian Bible is named after an alternative spelling of *aiōnios*. Consider that researchers question if *aiōn* and *aiōnios* actually mean *eternal*. Translating *aiōn* as *eternal* in Matthew 28:20 makes no sense, as all agree. The Greek word for *eternal* is *aīdios*, used in Romans 1:20 about God and in Jude 6 about demon imprisonment. Yet what about *aiōnios* in John 3:16? Certainly we do not question whether salvation is *eternal*! However, *aiōnios* means something much more wonderful than infinite time! Ancient Greeks used *aiōn* to mean *eon* or *age*. They also used the adjective *aiōnios* to mean *entirety*, such as *complete* or even *consummate*, but never infinite time. Read Dr. Heleen Keizer and Ramelli and Konstan for proofs. So *aiōnios* is the perfect description of God's Word which has *everything* we need for life and godliness! And the *aiōnios* life promised in John 3:16 is not simply a ticket to *eternal* life in the future, but the invitation through faith to the *consummate* life beginning now!

The next seven words are *Sheol*, *Hadēs*, *Geenna*, *Tartaroō*, *Abyssos*, and *Limnē Pyr*. These words are often translated as *Hell*, the place of eternal punishment. However, *Hell* is ill-defined when compared with the Hebrew and Greek. For example, *Sheol* is the abode of deceased believers and unbelievers and should never be translated as *Hell*. *Hadēs* is a temporary place of punishment, Revelation 20:13-14. *Geenna* is the Valley of Hinnom, Jerusalem's refuse dump, a temporal judgment for sin. *Tartaroō* is a prison for demons, mentioned once in 2 Peter 2:4. *Abyssos* is a temporary prison for the Beast and Satan. Translators are also inconsistent because *Hell* is used by the King James Version 54 times, the New International Version 14 times, and the World English Bible zero times. Finally, *Limnē Pyr* is the Lake of Fire, yet Matthew 25:41 explains that these fires are prepared for the Devil and his angels. So there is reason to review our conclusions about the destinies of redeemed mankind and fallen angels.

The eleventh word, *eleēsē*, reveals the grand conclusion of grace in Romans 11:32. Please understand these eleven words. The original translation is unaltered and a highlighted note is added to 64 Old Testament and 200 New Testament verses. To help parallel study and Strong's Concordance use, apocryphal text is removed and most variant verse numbering is mapped to the English standard. We thank our sources at eBible.org, Crosswire.org, unbound.Biola.edu, Bible4u.net, and NHEB.net. The Aionian Bible is copyrighted with creativecommons.org/licenses/by/4.0, allowing 100% freedom to copy and print, if respecting source copyrights. Check the Reader's Guide and read at AionianBible.org, with Android, and with TOR network. Why purple? King Jesus' Word is royal and purple is the color of royalty! All profits are given to CoolCup.org.

History

बघल्याणी at AionianBible.org/History

- 04/15/85 - Aionian Bible conceived as B. and J. pray.
- 12/18/13 - Aionian Bible announced as J. and J. pray.
- 06/21/15 - Aionian Bible birthed as G. and J. pray.
- 01/11/16 - AionianBible.org domain registered.
- 06/21/16 - 30 translations available in 12 languages.
- 12/07/16 - Nainoia Inc established as non-profit corporation.
- 01/01/17 - Creative Commons Attribution No Derivatives 4.0 license added.
- 01/16/17 - Aionian Bible Google Play Store App published.
- 07/01/17 - 'The Purple Bible' nickname begins.
- 07/30/17 - 42 translations now available in 22 languages.
- 02/01/18 - Holy Bible Aionian Edition® trademark registered.
- 03/06/18 - Aionian Bibles available in print at Amazon.com.
- 09/15/18 - Aionian Bible dedicated as J. and J. pray again.
- 10/20/18 - 70 translations now available in 33 languages.
- 11/17/18 - 104 translations now available in 57 languages.
- 03/24/19 - 135 translations now available in 67 languages.
- 10/28/19 - Aionian Bible nursed as J. and J. pray.
- 10/31/19 - 174 translations now available in 74 languages.
- 02/22/20 - Aionian Bibles available in print at Lulu.com.
- 05/25/20 - Illustrations by Gustave Doré, La Grande Bible de Tours, Felix Just.
- 08/29/20 - Aionian Bibles now available in ePub format.
- 12/01/20 - Right to left and Hindic languages now available in PDF format.
- 03/31/21 - 214 translations now available in 99 languages.
- 11/17/21 - Aionian Bible Branded Leather Bible Covers now available.
- 12/20/21 - Social media presence on Facebook, Twitter, LinkedIn, YouTube, etc.
- 01/01/22 - 216 translations now available in 99 languages.
- 01/09/22 - StudyPack resources for Bible translation study.
- 02/14/22 - Strong's Concordance from Open Scriptures and STEPBible.
- 02/14/23 - Aionian Bible published on the TOR Network.
- 12/04/23 - Eleēsē added to the Aionian Glossary.
- 02/04/24 - 352 translations now available in 142 languages.
- 05/01/24 - 370 translations now available in 164 languages.
- 08/05/24 - 378 translations now available in 165 languages.
- 08/18/24 - Creative Commons Attribution 4.0 International, if source allows.
- 10/20/24 - Gospel Primer handout format.
- 11/24/24 - Progressive Web Application off-line format.
- 01/28/25 - All profits are given to CoolCup.org.

Table of Contents

NEW TESTAMENT

मत्ती	11
मरकुस	35
लूका	51
यूहन्ना	77
प्रेरितों के काम	97
रेमियों	123
1 कुरिन्थियों	135
2 कुरिन्थियों	147
गलातियों	155
इफिसियों	160
फिलिप्पियों	164
कुलुसियों	167
1 थिस्सलुनीकियों	170
2 थिस्सलुनीकियों	173
1 तीमुथियुस	175
2 तीमुथियुस	179
तीतुस	182
फिलेमोन	184
इब्रानियों	185
याकूब	194
1 पतरस	197
2 पतरस	201
1 यूहन्ना	204
2 यूहन्ना	207
3 यूहन्ना	208
यहूदा	209
प्रकाशित वाक्य	211

APPENDIX

Reader's Guide

Glossary

Maps

Destiny

Illustrations, Doré

NEW TESTAMENT



तेवे यीशुए बोलेया, “ओ पिता! इना खे माफ कर, कऊँकि यो नि जाणदे कि क्या लगी रे करने?”

और तिने चिट्ठिया पायी की तिना रे टाले बांडी ते।

लूका 23:34

मत्ती

१ ये यीशु मसीहे रे पुर्वजा रे नाओं ए जो राजा दाऊद और अब्राहमो रे वंशो रे थे। २ अब्राहमो ते इसहाक ऊआ; इसहाको ते याकूब ऊआ, याकूबो ते यहूदा और तेसरे ओर बी बक्तप पाई ऊए। ३ यहूदा री लाड़ी तामारा ते फिरिस और जोरह ऊआ, फिरिसो ते हिसोन जम्मेया और हिसोनो ते एराम ऊआ, ४ एरामो ते अम्मीनादाब ऊआ, अम्मीनादाबो ते नहशोन ऊआ और नहशोनो ते सलमोन ऊआ। ५ सलमोन और तेसरी लाड़ी राहाबा ते बोअज ऊआ, बोअज और रुता ते ओबेद ऊआ और ओबेदो ते यिशे ऊआ। ६ यिशे ते दाऊद राजा जम्मेया। दाऊदो ते सुलेमान तेसा जवाणसा ते ऊआ, जो पईले उरियाहो री लाड़ी थी। ७ सुलेमानो ते रहबाम ऊआ, रहबामो ते अबिय्याह ऊआ, अबिय्याहो ते आसा ऊआ, ८ आसा ते यहोशफात ऊआ, यहोशफातो ते योराम और योरामो ते उज्जियाह ऊआ। ९ उज्जियाहो ते योताम, योतामो ते आहाज और आहाजो ते हिजिकिय्याह ऊआ। १० हिजिकिय्याहो ते मनश्शह, मनश्शहो ते आमोन और आमोनो ते योशिय्याह ऊआ। ११ इसाएली लोका खे बेबीलोनो खे बन्दी बणाई की लई जागे ते पईले योशिय्याहो रे पोते यकुन्न्याह और तेसरे पाई ऊए। १२ बन्दी ऊई की बेबीलोनो रे पँछाणे ते बाद यकुन्न्याहो ते शालतिल जम्मेया और शालतिलो रा पोता जरूब्बाबिल ऊआ। १३ जरूब्बाबिलो ते अबीहूद, अबीहूदो ते इल्याकीम और इल्याकीमो ते अजोर ऊआ। १४ अजोरो ते सदोक, सदोको ते अखीम और अखीमो ते इलीहूद ऊआ। १५ इलीहूदो ते इलियाजार, इलियाजारो ते मत्तान और मत्तानो ते याकूब ऊआ। १६ याकूबो ते यूसुफ ऊआ, जो मरियमा रा लाड़ा था। मरियमा रे यीशु पवित्र आत्मा ते जम्मेया, जिना खे मसीह बोलेया जाओआ। १७ अब्राहमो ते दाऊदो तक सारिया चौदा पीढ़िया ऊईया और दाऊदो ते इसाएलिया खे बाबेलो तक बन्दी बणाई की पँछाणे तक चौदा पीढ़िया ऊईया और बेबीलोनो तक बन्दी बणाई की पँछाणे ते मसीह तक चौदा पीढ़िया ऊईया। १८ एबे यीशु मसीह रा जन्म ईयां ऊआ, कि जेबे तिना री आम्मा मरियमा री मंगणी यूसुफो साथे ऊई, तेबे तिना रा ब्या ऊणे ते पईले ई मरियम पवित्र आत्मा री तरफा ते गर्भवती ऊईगी। १९ तेबे तेसा रा ऊणे वाला लाड़ा यूसुफ जो तर्मी था, से तेसा खे बदनाम नि करना चाओथा, तिने आपणे मनो रे सोचेया कि मां ये चुपचाप छाड़ी देणी। २० जेबे से एड़ा सोचणे ई लगी रा था, तेबे प्रभुए रा स्वर्गदूत तेसरे सुपने रे दिशेया और से तेसरे बोलणे लगेया, “ओ दाऊदो रे वंशो रे यूसुफ! तू आपणी ऊणे वाली लाड़ी मरियमा खे आपणे कअरे ल्याऊणे ते नि डर, कऊँकि जो तेसा रे पेटो रे बच्चा ए, से पवित्र आत्मा रिया तरफा तेआ। २१ तेसा रे एक पाऊ जमणा, तैं तेसरा नाओं यीशु राख्यान। कऊँकि तेस आपणे लोक तिना रे पापो ते बच्चाई देणो।” २२ ये सब कुछ तेबे ऊआ ताकि जो वचन प्रभुए भविष्यबक्ता ते बुलाई राखे, सेयो पूरे ओ २३ “देखो, एक कुआँरी गर्भवती ऊणी और तेसा रे एक पाऊ जमणा और तेसरा नाओं

इम्मानुएल ऊणा,” जेतेरा मतलब ए “परमेश्वर आसा साथे ए।” २४ तेबे यूसुफ सधी की उठेया और जियाँ ई तेसरे परमेश्वरो रे स्वर्गदूत बोलेया था, तियाँ ई से आपणी ऊणे वाली लाड़िया खे आपणे कअरे ली आया २५ और जदुओं तक, तेसा रे पाऊ नि जम्मेया, तदुओं तक यूसुफ तेसा गे नि गया और तेबे तेसा रे पाऊ जम्मेया और तिने तेसरा नाओं यीशु राख्येया।

२ हेरोदेस राजे रे बखते जेबे यहूदिया प्रदेशो रे बैतलहम नगरो रे यीशुए रा जन्म ऊआ, तेबे देखो, पूर्व देशो ते कई ज्योतर्षी यरूशलेम नगरो रे आए और पूछणे लगे, २ “जो यहूदिया रा राजा जम्मी रा, से केर्ई ए? कऊँकि आसे पूर्वो रे तेसरा तारा देखेया जो तेसरे जन्मो रे बारे रे बताओआ और आसे तेसरे माथा टेकगे आवी रे।” ३ ये सुणी की हेरोदेस राजा और तेस साथे पूरा यरूशलेम कबराईगा। ४ तिने लोका रे सब बड़े पुरोईत और शास्त्री कट्टे कित्ते और पूछेया, “मसीह रा जन्म केर्ई ऊणा चाईयो?” ५ तिने सबी हेरोदेस राजे खे बोलेया, “यहूदिया प्रदेशो रे बैतलहम नगरो रे; कऊँकि परमेश्वरे मीका भविष्यबक्ते रे जरिए एई अया बोलेया रा ६ “ओ बैतलहम, जो यहूदा रे प्रदेशो रे, तू किंयाँ वी यहूदा रे अधिकारिया रे सबी ते छोटा निया; कऊँकि तां बीचा ते एक राज करने वाला निकलना जो मेरी प्रजा इसाएलो रा रखवाला ऊणा।” ७ तेबे हेरोदेसे ज्योतर्षी चोरिए जे बुलाए और तिना ते पूछेया कि तारा ठीक केस बखते दिशेया था? ८ तिने ये बोली की सेयो बैतलहमो खे पेजे, “जाओ, और जाई की तेस बच्चे रे बारे रे ठीक-ठीक पता करो। जेबे से मिली जाओगा, तो आईकि मांगे बताओ, ताकि आऊँ वी आईकि तेसरे माथा टेकी सकूँ।” ९ सेयो राजे री गल्ल सुणी की चली गे और देखो, जो तारा तिने पूर्वो रे देखेया था, से तिना ते आगे-आगे चलणे लगेया और जेती बच्चा था, तेती जाई की रुकी गा। १० तेस तारे खे देखी की सेयो बऊत खुश ऊए। ११ तेबे सेयो तेस कअरो रे पँछे और तिने बच्चा तेसरी माए मरियमा साथे देखेया, तेबे तिने मुंओ रे पारे लेटी की यीशुए गे माथा टेकेया और आपणा-आपणा चोला खोलेया और सुईना, लोबान और गन्धरसो री पेंट चढ़ाई। १२ तेबे सुपने रे तिना खे ये आज्ञा मिली कि हेरोदेस राजे गे फेर नि जाणा, तेबे सेयो दुजिया बाटा रिये आपणे देशो खे चली गे। १३ तिना ज्योतर्षिया रे चली जागे ते बाद परमेश्वरो रे एक स्वर्गदूत यूसुफो खे सुपने रे दिशेयो ते बाद बोलेया, “उठ, और एस बच्चे और एसरी माया खे लयी की मिस देशो खे नठी जा और जदुओं तक आऊँ ताखे नि बोलूँ तदुओं तक तेथी रण, कऊँकि हेरोदेस राजा एस बच्चे खे काणा चाओआ और से एसरे टोलने लगी रा।” १४ तेबे से रातो-रात उठेया और बच्चे और बच्चे री माया खे लई की मिस देशो खे चली गा। १५ जदुओं तक हेरोदेस नि मरेया, तदुओं तक से तेथी रण, ताकि जो वचन प्रभुए होशे भविष्यबक्ता ते बुलाई राखे, सेयो पूरे ओ कि, “मैं आपणा पाऊ मिस देशो ते बुलाया।” १६ जेबे हेरोदेसो खे पता चलेया कि ज्योतर्षिये आऊँ ठंगी ता, तेबे तेसरे बड़ा पारी रोष आया। तेबे तिने ज्योतर्षिया रे जरिए सई बखत पूछे रे

मुताबिक आपणे मांणू बैतलहम और नेडे-तेडे पेजे और जो दो साला रे पाऊ थे और तिना ते छोटे थे, कुलाई ते। 17 तेबे जो वचन यर्मयाह भविष्यबक्ते बोलेया था, से पूरा ऊआ; 18 “रामाह नगरो रे बडिया-पारी राडिया सुणिया, रोणा और शोग; राहेल आपणे बच्चेया खे रोणे लगी री थी और चुप नि ऊणा चाओ थी, कँडकि तिना रे बच्चे काईते थे।” 19 हेरोदेसो रे मरने ते बाद, परमेश्वरो रे स्वर्गदूते मिस देशो रे यूसुफो खे सुपने रे बोलेया 20 “उठ और बच्चे और तेसरी आम्मा खे लई की इसाएल देशो खे चली जा, कँडकि जो बच्चे खे काणा चाओ थे, सेयो तो मरी गे।” 21 से उठेया और बच्चे और तेसरी आम्मा खे साथे लई की इसाएल देशो खे आईगा। 22 पर जेबे तिने सुणिया कि हेरोदेसो री जगा पाँदे एबे तेसरा पाऊ अराखिलाऊस यहूदिया प्रदेशो रे राज्य लगी रा चलागे, तो से तेती जागे ते डरिगा। तेबे सुपने रे तेसखे चेतावनी मिली और से गलील देशो खे चली गा। 23 तेबे से नासरत नाऊं रे नगरो रे बसी गा, ताकि भविष्यबक्ते रे जरिए बोलेया रा वचन पूरा ओ कि, “तेसखे नासरी बोलेया जाणा।”

3 तिना दिना रे यूहन्ना बपतिस्मा देणे वाला यहूदिया रे सुणसाण जगा रे आयी की ये प्रचार करने लगेया, 2 “मन फेरो; कँडकि स्वर्गो रा राज्य नेडे आईगा रा।” 3 ये सई मांणू ए, जेसरी गल्ल यशायाह भविष्यबक्ते कित्ती थी कि, “सुणसाण जगा रे एक आकाका पाणे वाले री आवाज ओई, ‘प्रभुए री बाट त्यार करो, और तिना री सङ्कासीदिया करो।’” 4 तिने यूहन्ने ऊँटो रे बालो रे टाले पईनी राखे थे और आपणे लको रे चामडे रा पटू बानेया रा था और तेसरी रोटी टिड्यु और बणो रा सईत था। 5 तेबे यरूशलेमो रे, सारे यहूदिया प्रदेशो रे और सारे यरदन देशो रे ओरले-पोरले मांणू तेसगे आए। 6 तेबे तिने आपणे-आपणे पापो खे मानी की यरदन नदिया रे तेसते बपतिस्मा लया। 7 जेबे तिने देखेया कि बऊत सारे फरीसी और सदूकी मांगे बपतिस्मा लणे लगी रे आऊणे, तेबे तिना खे बोलेया, “ओ सापो जेडे जईरिले लोको! तुसा खे किने जताई ता कि आऊणे वाले परमेश्वरो रे रोणो ते नठो? 8 इजी री खातर मन फिराओ और अच्छे काम करो। 9 और आपणे-आपणे मनो रे एडा नि सोयो, ‘आसा रा बाओ अब्राहम ए।’ कँडकि आऊ तुसा खे बोलूँआ कि परमेश्वर इना पात्थरा ते अब्राहमो खे ल्लाद पैदा करी सकोआ। 10 एपे परमेश्वर तुसा खे सजा देणे वाला ए, तेबेई तो जो-जो डाल खरा फल नि ल्याऊँदे, से बाढे और आयी रे सेटे जाओए। 11 “आऊं तो पाणिए की तुसा खे मन फेरने रा बपतिस्मा देऊँआ, पर जो मांते बाद आऊणे वाला ए से मांते बी जादा महान् ए, आऊं तेसे जोडे कंकणे जोगा पनिए। तेस तुसा खे पवित्र आत्मा और आगी साथे बपतिस्मा देणा। 12 तेसरा सूप तेसरे आथो रे ए और तेस आपणा खल्याण ठीक टंगो ते साफ करना और कणक तो आपणे पण्डिरो रे राखी देणी, पर जो पूरु ऊणा, से एडिया आगी रे सेटणा, जो कदी नि बिजणी।” 13 तेस बखते यीशु मसीह गलीलो ते यरदन नदिया रे कनारे यूहन्ने ते बपतिस्मा लणे आये। 14 पर यूहन्ना तेसखे ये बोली की रोकणे लगेया, “माखे तो तुसा रे आथो

ते बपतिस्मा लणे री जसूरत ए और तुसे मांगे आयी रे” 15 यीशुए तेसखे ये जवाब दितेया, “एबे तो एडा ई ऊणे दे; कँडकि आसा खे ईयां ई सारी धार्मिकता पूरी करनी ठीक ए।” तेबे तिने यीशुए री गल्ल मानी 16 और यीशु मसीहे फटाफट बपतिस्मा लया और पाणिए ते पाँदे आए, और देखो, तिना खे सर्ग खुली गा; तेबे तिने परमेश्वरो री पवित्र आत्मा खे जिंयाँ कबूतर उड़दा ऊआ थाले आओआ तिंयाँ ई तिने आपू पाँदे आऊँदे ऊए देखेया 17 और देखो, स्वर्गो ते ये आवाज आयी, “ये मेरा प्यारा पुत्र ए, आऊँ एसते बऊत खुश ए।”

4 तेबे पवित्र आत्मा यीशुए खे सुणसाण जगा रे लईगा, ताकि शैतानो ते तिना री परीक्षा ओ। 2 सेयो चाली दिन और चाली राती पूख्ये रये और तेबे तिना खे पूख लगी। 3 तेबे शैताने यीशुए गे आई की बोलेया, “जे तूँ परमेश्वरो रा पुत्र ए, तो इना पात्थरा खे बोल कि रोटी बणी जाओ।” 4 यीशुए जवाब दितेया, “पवित्र शास्त्रो रे लिखी राखेया, “मांणू रेटिया साथे ई जिझंदा नि रणा, पर हर एक वचन, जो परमेश्वरो रे मुंओ ते निकली रे तिना खे मानी की जिझंदा रओआ।” 5 तेबे शैतान यीशुए खे पवित्र नगर यरूशलेमो खे लईगा और सेयो मन्दरो री चूँडिया पाँदे खडे करी ते। 6 तेबे तिना खे बोलणे लगेया, “जे तूँ परमेश्वरो रा पुत्र ए, तो आपू खे एथा ते थाले रुड़ाई दे; कँडकि पवित्र शास्त्रो रे लिखी राखेया कि परमेश्वरो तेरिया तंई आपणे स्वर्गदूता खे आज्ञा देणी, “‘और तिना तूँ आपणे आथो-आथ चकी लणा, केथी एडा नि ओ कि तेरे पैरो रे पात्थरो साथे बूढो।’” 7 यीशुए तेसखे बोलेया, “पवित्र शास्त्रो रे एडा बीए लिखे रा, ‘तूँ प्रभु, आपणे परमेश्वरो खे नि परख्या।’” 8 तेबे शैतान तिना खे एक ऊच्चे पाहँडो पाँदे लईगा और सारी दुनिया रे सारे राज्य और तिजी रे एशो-आराम दखाई की। 9 तिना खे बोलेया, “जे तां मांगे माथा टेकणा, तो मां ताखे ये सब कुछ देई देणा।” 10 तेबे यीशुए तेसखे बोलेया, “हईओ शैतान; मेरी नजरा ते दूर ऊई जा, कँडकि पवित्र शास्त्रो रे एडा लिखी राखेया, ‘तूँ प्रभु आपणे परमेश्वरो गे ई माथा टेक और बस तिना री ई आराधना कर।’” 11 तेबे शैतान यीशुए गे ते चली गा और स्वर्गदूत तिना री सेवा करने लगे। 12 जेबे यीशुए सुणीया कि यूहन्ना पकड़वाईता, तेबे सेयो यहूदिया प्रदेशो खे छाडी की गलील प्रदेशो रे नासरत नगरो खे चली गे। 13 और फेर सेयो नासरत नगरो खे छाडी की कफरनहूम नगरो रे रणे लगे, जो जबूलून और नपाली इलाके रे समुद्रो रे कनारे था। 14 ताकि जो यशायाह भविष्यबक्ते बोलेया था, से पूरा ओ, 15 “जबूलून और नपालीया रे इलाके, समुद्रो री बाटा रिये यरदन नदिया रे पार, दूजी जातिया रा गलील। 16 जो मांणू परमेश्वरो खे नि जाणदे और न्हेरे रे जिझंदे लगी रे थे, तिने बड़ी जोति देखी; और जो मौता ते दरी की जिझंदे लगी रे थे, तिना पाँदे जोति चमकी।” 17 तेस बखतो ते यीशुए ये प्रचार करना और ये बोलणा शुरू करी ता कि, “मन फेरो कँडकि स्वर्गो रा राज्य नेडे आईगा रा।” 18 तेबे तिने गलीलो रे समुद्रो रे कनारे कूमदे ऊए दो पाई, मतलब-शमाइन, जेसखे पतरस बी बोलोए और तेसरा पाई अन्द्रियास समुद्रो रे जाल पाँदे ऊए देखेया, कँडकि

सेयो मछलिया पकड़ने वाले थे। 19 तेबे यीशुए तिना खे बोलेया, “मां पीछे आओ और जिंयाँ तुसे मच्छली पकड़ना जाणोए तियाँ ई मां तुसा खे परमेशरो गे मांणू पकड़ी की ल्पाऊणे सिखाणे।” 20 सेयो तेबुई जाल छाडी की यीशुए पीछे चली पड़े। 21 तेथा ते आगे जाई की यीशुए और दो पाई मतलब जटिए रे पाओ याकूब और तेसरा पाई यूहन्ना आपणे पिते साथे किस्तिया पाँदे जाल ठीक करदे ऊए देखे और तिने सेयो बी बुलाए। 22 सेयो तेबुई आपणी किस्ती और आपणे पिते खे छाडी की यीशुए रे पीछे चली पड़े। 23 यीशु गलील प्रदेशो रे बजत सारी जगा रे कूमदे रए और तिना री प्रार्थना रे कअरोए रे उपदेश और राज्य रा सुसमाचार प्रचार करदे रए और लोका री बमारिया और कमजोरिया खे दूर करदे रए। 24 तेबे सारे सीरिया प्रदेशो रे सेयो मशुर ऊईंगे और लोक सारे बमारा खे, जो कई प्रकारा रिया बमारिया ते और दुःखो रे जकड़ी रे थे, जिना रे दुष्टात्मा थिया, मिर्गी वाले और अदरंगो रे रोगिया खे यीशुए गे ल्याए और तिने सेयो ठीक कितो। 25 तेबे गलील प्रदेश, दिकापुलिस इलाका, यस्तश्लेम नगर, यहूदिया प्रदेश और यरदनो री नदिया ते पारो ते पीड़ा री पीड़ तिना पीछे आईंगी।

5 यीशु तेसा पीड़ा खे देखी की पाहड़ो पाँदे चढ़ी गे, जेबे सेयो उपदेश लगे: 3 “धन्य ए सेयो, जो मनो रे सलीन ए, कऊँकि स्वर्गो रा राज्य तिना रा ईए। 4 धन्य ए सेयो, जो शोग करोए, कऊँकि परमेशरो तिना खे शान्ति देणी। 5 धन्य ए सेयो, जो नम्र ए, कऊँकि सेयो तरतिया रे अक्कदार ऊणे। 6 धन्य ए सेयो, जो धार्मिकता री जिन्दगी जिऊणे खे पूर्खे ए और त्याय ए, कऊँकि सेयो रजाए जाणे। 7 धन्य ए सेयो, जो दयाल ए, कऊँकि परमेशरो तिना पाँदे दया करनी। 8 धन्य ए सेयो, जिना रे मन साफ ए, कऊँकि तिना परमेशर देखणा। 9 धन्य ए सेयो, जो मेल-जोल कराओए, कऊँकि तिना खे परमेशरो रे बच्चे बोलेया जाणा, 10 धन्य ए सेयो, जो धार्मिकता री जिन्दगी जिऊणे री तंई सताए जाओए, कऊँकि स्वर्गो रा राज्य तिना रा ईए। 11 “धन्य ए तुसे, जेबे लोक मेरी बजअ ते तुसा री निन्दा करोए, तुसा खे सताओए और छूठ बोली-बोली की तुसा रे खलाफ बुरी-बुरी गल्ला बोलोए। 12 तेबे खुश और मगन ऊणा, कऊँकि तुसा खे स्वर्गो रे बजत बड़ा ईनाम मिलणा, कऊँकि तिने, जो तुसा ते बजत पईले भविष्यबक्ता थे, सेयो बी ईयाँ ई सताए थे। 13 “तुसे तरतिया रे रणे वाले लोका खे लूणो जेडे ए। पर जे लूणो रा स्वाद बिगड़ी जाओ, तेबे कुण जी एड़ी चीज ए जेते की लूणका ऊई जाओ। तेबे से किजी कामो रा नि रंदा सिवाए एतेरे कि तेसखे बारे सेटी देयो और लोक तिजी खे पैरा निठे केसदे रओ। 14 तुसे दुनिया री जोति ए, जो नगर पाहड़ो पाँदे बसी रा, से लूकी नि सकदा। 15 लोक दिझआ बाली की टोकरूए निठे नि राखदे, पर फटिया पाँदे राखोए, तेबे तिजी साथे कअरो रे सारे मांणूआ खे प्रयासा ओआ। 16 तियाँ ई तुसा रा प्रयासा बी लोका सामणे चमको, ताकि तुसा रे खरे काम देखी की सेयो तुसा रे पिते री, जो स्वर्गो रे ए, तिना री तारीफ करो। 17 “एड़ा नि

समजो कि आऊँ मूसे रा बिधान या भविष्यबक्ता री कताबा खे रचाणे आयी रा, आऊँ रचाणे नि, पर पूरा करसे आयी रा। 18 कऊँकि आऊँ तुसा खे सच लगी रा बोलणे कि जदुओ तक सर्ग और तरती नि टली जाओगी, तदुओ तक बिधानो ते एक बी मात्रा या एक बी बिन्दु बिना पूरा ऊए नि टलाना। 19 तेबेई तो जो कोई इना छोटिया ते छोटी आज्ञा बीचा ते केसी एकी खे पनि मानोगा और तेड़ा ई लोका खे सिखाओगा, से स्वर्गो रे राज्य रे सबी ते छोटा ऊणा, पर जो कोई तिना आज्ञा खे मानोगा और तिना खे बी सिखाओगा, सेई स्वर्गो रे राज्य रे बड़ा ऊणा। 20 कऊँकि आऊँ तुसा खे बोलूँआ कि जे तुसे परमेशरो री आज्ञा खे शास्त्री और फरीसिया री आज्ञा ते बड़ी की नि मानो, तो तुसे कदी बी स्वर्गो रे राज्य रे नि जाई सकदे। 21 “तुसे सुणी चुकी रे कि पुराणे बख्तो रे माणूआ खे बोलेया था कि ‘अत्या नि करनी’, और जो कोई बी अत्या करोगा तेसखे कचैरिया रे सजा मिलणी। 22 पर आऊँ तुसा खे ये बोलूँआ कि जो बी आपणे पाईए पाँदे रोष करोगा, तेसखे कचैरिया रे सजा मिलणी और जो कोई आपणे पाईए खे नकम्मा बोलोगा, तेसखे बडिया सभा रे सजा मिलणी और जो कोई दूजे खे ‘अरे मूर्ख’ बोलोगा से नरको री आगी री सजा जोगा ऊणा। (Geenna g1067) 23 इजी री खातर जेबे तैं आपणी पेट बेदिया पाँदे ल्याओ और तेती तैं याद करे कि तेरे पाईए रे मनो रे तेरिया तंई खोट ए, 24 तो आपणी पेट तेथी बेदिया रे सामणे छाडी दे और पईले जाई की आपणे पाईए साथे मेल-जोल कर, तेबे आसी की आपणी पेट चढ़ा। 25 जदुओ तक तैं आपणे दुश्मणो साथे बाटा रेईए, तेस साथे फटाफट मेल-जोल करी लो, केथी एड़ा नि ओ कि तेरा दुश्मण ताखे हाकिमो रे आथो रे दई देओ और हाकिम ताखे सिपाईया रे आथो रे दई देओ और ताखे जेला रे पाई देओ। 26 आऊँ ताखे सच बोलूँआ कि जदुओ तक तैं पाई-पाई नि दई देओगा, तदुओ तक तेथा ते छुटणा नि। 27 “तुसे सुणी चुकी रे कि बोलेया था, ‘व्याभिचार नि करना’। 28 पर आऊँ तुसा खे ये बोलूँआ कि जो कोई बी केसी जवाणसा खे बुरी नजरा ते देखोआ, तो तिने आपणे मनो रेई तेसा साथे व्याभिचार करी ला। 29 जे तेरी दाँणी आख ताखे ठोकरा री बजअ बणो ई, तो तैं तेसा खे काडी की सेटी दे; कऊँकि ताखे येई ठीक ए कि तेरे अंगा बीचा ते एक नाश बी ऊई जाओ, तो सारा शरीर नरको रे नि पड़ना। (एतेरा मतलब ये नियाँ कि आसा आपणी आख काडी की सेटी देणी या आपणा आथ बाडी देणा पर ये कि जो काम तुसा खे परमेशरो रे राज्य रे आगे बड़ने ते रोको ए या जो मांणू तुसा खे गलत करने खे उकसाओ ए तो तुसा से मांण या चीज छाडी देणी चाईयो।) (Geenna g1067) 30 जे तेरा दाँणा आथ ताखे ठोकरा री बजअ बणोआ, तो तेस बाडी की सेटी दे, कऊँकि ताखे येई ठीक ए कि तेरे अंगा बीचा ते एक नाश बी ऊई जाओ तो सारा शरीर नरको रे नि पड़ना। (एतेरा मतलब ये नियाँ कि आसा आपणी आख काडी की सेटी देणी या आपणा आथ बाडी देणा पर ये कि जो काम तुसा खे परमेशरो रे राज्य रे आगे बड़ने ते रोको ए या जो मांणू तुसा खे गलत करने खे उकसाओ ए तो तुसा से मांण या चीज छाडी देणी चाईयो।) (Geenna g1067) 31 “ये बी बोलेया रा था, ‘जो कोई आपणी लाडिया खे तलाक देणा चाओ, तो से तेसा खे त्यागपत्र देयो।’ 32 पर आऊँ तुसा खे ये बोलूँआ कि जो कोई आपणी लाडिया खे व्याभिचारो ते अलावा किंजी ओरी बजअ ते छाडोगा, तो से तेसा ते

व्याभिचार करवाओआ और जो कोई तेसा छाड़ी रिया जवाणसा साथे ब्या करोआ, से बी व्याभिचार करोआ। 33 “फेर तुसे सुणी चुकी रे कि पुराणे जमाने रे लोका खे बोलेया रा था, ‘चूठी कसम नि खाणी, पर प्रभुए री खातर आपणी कसम पूरी करनी’” 34 पर आऊँ तुसा खे ये बोलूँआ, कि कदी कसम नि खाणी, ना तो स्वर्गो री, कऊँकि से पमेशरो रा सिंहासन ए। 35 ना तरतिया री, कऊँकि से तिना रे पैरो री चौकी ए, ना यश्वरलेमो री, कऊँकि से महाराजे रा नगर ए। 36 आपणे सिरो री कसम पनि खाणा, कऊँकि तूँ एक बी बालो खे न तो सफेद करी सकदा, ना ई काला। 37 पर तुसा री गल्ल ‘आ री आ’ और ‘ना री ना’ ऊणी चाईयो; कऊँकि जो गल्ल इजी ते जादा ओई, से शैतानो री तरफा तेई ओई। 38 “तुसे सुणी चुकी रे कि बिधानो रे बोलेया रा था, ‘आखी रे बदले आख, और दाँदो रे बदले दाँद।’” 39 पर आऊँ तुसा खे ये बोलूँआ कि जो कोई तां साथे बुरा करो तेरो बदला नि लणा, पर जो कोई तुसा री दाँणी खाखा रे थप्पड बाओआ, तो तेस कनारो खे दूजी खाख बी करी देओ। 40 जे कोई तां पाँदे दोष लगाई की तांते तेरा कुरता लणा चाओआ, तो तेसखे तोती बी लणे देओ। 41 जे कोई जबरदस्ती ताखे एक मील लई चलोआ, तो तूँ दो मील तेस साथे चल। 42 जो कोई तांते माँगो, तेसखे दे और जो कोई तांते त्वार लणा चाओआ, तो तूँ तेसते मूँ नि फेर। 43 “तुसे सुणी चुकी रे कि बिधानो रे बोलेया रा था, ‘आपणे पड़ोसिये साथे प्यार राखो और आपणे बैरिया साथे बैरै।’” 44 पर आऊँ तुसा खे बोलूँआ कि आपणे दुश्मणा साथे प्यार राखो और जो तुसा खे सताओआ, तो तेसखे प्रार्थना करेया करो। 45 ताकि तुसे आपणे स्वर्गो रे पिते रे बच्चे ठईरो, कऊँकि से खेरो लोका और बुरे लोका दूँझ पाँदे आपणा सूरज निकयालोआ और तर्मी लोका और पापी लोका दूँझ पाँदे बरखा करोआ। 46 कऊँकि जे तुसे आपू साथे प्यार राखणे वालेया साथे ई प्यार राखेगे, तो तुसा खे क्या फाईदा ऊणा? क्या कर लणे वाले बी एड़ा ई नि करदे? 47 “जे तुसे आपणे पाईए खेई नमस्कार करोए, तो कुण जा बड़ा काम करोए? क्या दूजी जातिया रे बी एड़ा ई नि करदे? 48 इजी री तंई तुसे सिद्ध बणो, जेडा तुसा रा स्वर्गिय पिता सिद्ध ए।

6 “सावधान रओ! तुसे लोका खे दखाणे रिया तंई तर्मो रे काम नि करो, नई तो आपणे स्वर्गिय पिते ते कुछ बी फल नि मिलणा। 2 तेबेई तो जेबे तूँ दान करे, तो सबी गे राग नि लगा, जेडा कपटी, प्रार्थना रे कअरो रे और गलिया रे करोए, ताकि लोक तिना री तारीफ करो। आऊँ तुसा खे सच बोलूँआ कि सेयो आपणा फल पाई चुके। 3 पर जेबे तूँ दान करे, तो जो तेरा दाँण आथ करोआ, से तेरे खूँजे आथो खे पता नि ऊणा चाईए। 4 ताकि तेरा दान गुप्त रओ और तेबे तेरा पिता जो गुप्तो रे देखोआ, तेस ताखे फल देणा। 5 “जेबे तूँ प्रार्थना करे, तो कपटिया जेडी नि ऊणी चाईयो, कऊँकि लोका खे दखाणे रिया तंई प्रार्थना रे कअरो रे और सङ्का रे मोडो रे खड़े ऊई की प्रार्थना करना खे अच्छा लगोआ, पर आऊँ तुसा खे सच बोलूँआ कि सेयो आपणा फल पाई

चुके। 6 पर जेबे तूँ प्रार्थना करे, तो आपणे कमरे रे जा और दरवाजा बन्द करी की आपणे पिते ते, जो गुप्तो रे ए, प्रार्थना कर। तेबे तेरा पिता, जो गुप्तो रे देखोआ, तेस ताखे फल देणा। 7 जेबे तूँ प्रार्थना करे तो दूजी जातिया जेडी बक-बक नि कर, कऊँकि सेयो समजोए कि तिना रे बऊत बोलागे ते तिना री सुणनी। 8 इजी री खातर तुसे तिना जेडे नि बणो, कऊँकि तुसा रा पिता पईले ई जाणोआ कि तुसा री क्या-क्या जरूरता ए। 9 “तो तुसे ईंयां प्रार्थना करेया करो; ““ओ म्हरे पिता, तुसे जो स्वर्गो रे ए, तुसा रा नाओं पवित्र मानेया जाओ। 10 तुसा रा राज्य आओ, जेडी तुसा री इच्छा स्वर्गो रे पूरी ओई, तेडी ई, तरतिया पाँदे बी ओ। 11 आसा रे पूरे दिनो री रोटी आज आसा खे दे। 12 और जियाँ आसे आपणे अपराधिया खे माफ कित्तेया, तियाँ ई म्हरे अपराध बी माफ करो। 13 आसा खे परीक्षा रे नि ल्याओ, पर शैतानो ते बचाओ, कऊँकि राज्य, पराक्रम और महिमा तुसा री ए। आमीन्।” 14 “तेबेई तो जे तुसे लोका रे अपराध माफ करोगे, तो तुसा रे स्वर्गिय पिते बी तुसा रे अपराध माफ करने। 15 जे तुसे लोका रे अपराध माफ करो, तुसा रे पिते बी तुसा रे अपराध माफ करने। 16 “जेबे तुसे बअरत करोए, तो कपटिया जेडी तुसा रे मुंओ पाँदे उदासी नि रओ, कऊँकि सेयो आपणा मूँ एतरी तंई बणाई राखोए, ताकि लोक तिना खे बअरततारी जाणो; आऊँ तुसा खे सच बोलूँआ कि सेयो आपणा फल पाई चुके। 17 पर जेबे तूँ बअरत करे, तो आपणे सिरो रे तेल मल और मूँ तोओ। 18 ताकि लोक नि, पर तेरा पिता, जो गुप्तो रे ए, से ताखे बअरततारी जाणो, एड़िया दशा रे तेरा पिता, जो गुप्तो रे ए, से देखोआ और तेस ताखे फल देणा। 19 “आपणी तंई तरतिया पाँदे धन कट्टा नि करो, जेती कीडा और केअट लगी जाओई और जेती चोरा खे पता लगी जाओआ और चोरी करोए। 20 पर आपू खे खरा काम करी की स्वर्गो रे धन कट्टा करो, जेती ना कीडा लगो, ना खराब ओ, ना तेती चोरो खे पता लगोआ और ना ई चोरी करदे। 21 कऊँकि जेती तेरा धन ए, तेती तेरा मन बी लगेया रा रण। 22 “शरीरो रा दिझआ तो आखी ए, तेबे जे तेरी आखी साफ ए, तो तेरे सारे शरीरो रे बी प्रयासा ऊणा। 23 पर जे तेरी आखी बुरिया ए, तो तेरे सारे शरीरो रे बी न्हेरा ई ऊणा, इजी बजअ ते से प्रयासा, जो तादे ए, जे न्हेरा ओ, तो से न्हेरा कितणा बड़ा ऊणा! 24 “कोई बी मांण एकी बखतो रे दो मालका री सेवा नि करी सकदा, कऊँकि तेस एकी साथे प्यार और दूजे साथे बैर राखणा या एकी साथे मिले रा रणा और दूजा तेस तुच्छ जाणना। तुसे परमेशर और धन दूँझ री सेवा नि करी सकदे। 25 तेबेई तो आऊँ तुसा खे बोलूँआ कि आपणी जिन्दगिया रे बारे रे ये चिन्ता नि करो कि आसे क्या खाऊँगे और क्या पिऊँगे? ना आपणे शरीरो रे बारे रे कि क्या पईनुँगे? क्या जिन्दानी रोटिया ते और शरीर टालेया ते बढ़ी की निए? 26 सर्गो रे पंछिया खे देखो, सेयो ना बांदे, ना बाढ़दे और ना ई पण्डारो रे कट्टा करदे, तेबे बी आसा रा स्वर्गिय पिता तिना खे खुलाओआ। क्या तुसे तिना ते जादा किमती निए? 27 तुसा बीचा ते एड़ा कुण ए, जो चिन्ता करी की आपणिया जिन्दगिया री एक कअड़ी बी बढ़ाई सकोआ? 28

“तुसे टालेया री चिन्ता कँकँ करोए? बांके जंगली फूला पाँदे त्यान करो कि सेयो कियाँ बड़ोए? सेयो ना तो मईणत करदे ना आपू खे टाले बणाओए। 29 पर आँऊ तुसा खे बोलूँआ कि राजा सुलेमान आपणे सारे एशो-आरामो रे रओ था और बऊत बांके टाले पईनो था, पर तेरे बी तेरे टाले तिना जंगली फूला ते जादा बांके नि थे। 30 तेरेई तो जेबे परमेश्वर मैदानो रे काओ खे, जो आज आए और काल आगी बीचे फूकी देणा, तो जो तिरे बी एड़े बांके फूल खिलाओआ, तो ओ कम विश्वास करने वालेयो! तुसा खे तेस इना ते बढ़ी की बांके टाले कँकँ नि पनयाणे? 31 “तेरेई तो तुसे चिन्ता करी की ये नि बोलाणा, ‘आसे क्या खाऊँगे?’ और ‘क्या पिऊँगे?’ 32 दूजी जातिया रे लोक इना सबी चीजा री चिन्ता करोईया, पर तुसे इना चीजा री चिन्ता नि करो। कँकँकि तुसा रा स्वर्गिय पिता जाणोआ कि तुसा खे इना सबी चीजा री जरूरत ए। 33 इजी री खातर, जे पड़ले तुसे परमेश्वरो रे राज्य री टोल करो और धार्मिकता री जिन्दगी जिओ, तो यो सब चीजा तुसा खे मिली जाणिया। 34 इजी खे कालकी चिन्ता नि करो, कँकँकि काल का जो दिन ऊणा, तेस आपणी चिन्ता आपू करी लणी, आजो खे तो आजका दु: ख ई बऊत ए।

7 “दोष मत लगाओ, ताकि तुसा पाँदे बी दोष नि लगाया जाओ। 2 कँकँकि जियाँ तुसे दोष लगाओए, तियाँ ई परमेश्वरो तुसा पाँदे बी दोष लगाणा और जेडा बर्ताव तुसे लोका साथे करोए परमेश्वरो बी तेड़ा ई बर्ताव तुसा साथे करना। 3 “तूँ कँकँ आपणे पाईए री छोटी-छोटी गलतिया टोलेया तांदे आपणिया बड़ी-बड़ी गलतिया नजर कँकँ नि आँऊदिया? 4 जेबे तांदे आपू दे बड़ी-बड़ी गलतिया ए, तो तूँ आपणे पाईए खे कियाँ बोली सकेया, ‘तूँ गळत ए?’ 5 ओ कपटी! पईले आपणी बड़ी-बड़ी गलतिया देख, तेबई तो तूँ आपणे पाईए री गलतिया ठीक-टंगो रे देखी की निकयाती सकेया। 6 “पवित्र चीज कुतेया खे नि देओ और आपणे मोती सूंओरो रे आगे नि सेटो, एड़ा नि ओ कि सेयो तिना खे आपणे ऐरा निठे केसी देयो और ताखे खाणे पड़ो। 7 “तुसा री जो बी जरूरत ए से परमेश्वरो ते माँगो और परमेश्वरो ते पाणे री उम्मीद बी राखो। 8 कँकँकि जो कोई माँगोआ तेसखे मिलोआ। जो टोलोआ, से पाओआ। जो खटखटाओआ तेसखे खोलेया जाओआ। 9 तुसा बीचा ते कुण एड़ा मांणू ए कि तेसरा पाऊ तेसते रोटी मांगोगा और से तेसखे पाथर देओ? 10 या मछली माँगो और तेसखे साप देओ? 11 तो तेरे तुसे बुरे ऊई की आपणे बच्येया खे खरी चीजा देणा जाणोए, तो तुसा रे स्वर्गिय पिते आपणे मांगणे वालेया खे अच्छी चीजा कँकँ नि देणियाँ? 12 इजी बजअ ते जो कुछ तुसे चाओए कि मांणू तुसा साथे करो, तुसे बी तिना साथे तेड़ा ई करो, कँकँकि मूसे रा बिधान और भविष्यबक्तेया री येई शिक्षा ए। 13 “स्वर्गो रे परमेश्वरो तक पँकँछणे री बाट बऊत कठण ए। पर एते बाटा रिये तुसा चलणा ईए। एक और चौड़ी बाट ए जिदे जादातर लोक चलणा पसंद करोए, से बाट नरको खे जाओई और लोक तिरे मरी जाणे। (questioned) 14 कँकँकि संगढ़ा ए से फाटक और

कठण ए से बाट, जो अनन्त जिन्दगिया खे पँकँछाओई और सेयो थोड़े ईए, जिना खे से मिलोई। 15 “चूठे भविष्यबक्तेया ते सावधान रओ, जो पेढा रे पेषो रे तुसा गे आओए, पर पीतरो ते सेयो फाड़ने वाले भेड़िए ओए। 16 तिना रे बुरे कामो ते तुसा सेयो पछयाणी लणे, क्या जाड़ो रे अँगूर और कांडेया ते दाऊगले तोड़े जाओए? 17 तियाँ ई हर एक अच्छा डाल अच्छा फल ल्याओआ और नकम्मा डाल बुरा फल। 18 अच्छा डाल बुरा फल नि ल्याई सकदा और ना नकम्मा डाल अच्छा फल ल्याई सकदा। 19 जियाँ जो-जो डाल अच्छा फल नि ल्याऊँदे, सेयो बांडे जाओए और आगी बीचे सेटे जाओए। तियाँ ई चूठे भविष्यबक्ता बी नरको री आगी रे सेटे जाणे। (questioned) 20 ईयां तिना रे कामो ते तुसा सेयो पछयाणी लणे। 21 “जो माखे, ‘ओ प्रभु, ओ प्रभु’ बोलोआ, तिना बीचा ते हर एक स्वर्गो रे राज्य रे नि जाणा, पर सेई, जो-जो मेरे स्वर्गिय पिते री इच्छा पाँदे चलोआ। 22 न्याय रे तेस दिने बऊत माणूआ माखे बोलाणा, ‘ओ प्रभु, ओ प्रभु, क्या आसे तेरे नाओं ते भविष्यबाणी नि किती, और तेरे नाओं ते दुष्टात्मा नि निकयालिया, और तेरे नाओं ते बऊत सामर्थ्य रे काम नि किते?’ 23 तेरे मां तिना खे खुली की बोली देणा, ‘आँऊ तो तुसा खे कर्दी नि जाणदा। ओ कुर्कम करने वालेयो, मांगा गे ते चली जाओ।’ 24 “इजी री खातर जो कोई मेरिया गल्ला सुणी की तिना खे मानोआ, से तेस अकलमंद माणूए जेडा ऊणा, जिने आपणा कअर चट्टानी पाँदे बणाया। 25 तेरे बरखा उईया, बाढ़ा आईया और तूफान चले, और तेस कअरो रे टकराए, पर से कअर नि टलेया, कँकँकि तिजी री निऊँ चट्टानी पाँदे थी बणाई री। 26 पर जो कोई मेरी इना गल्ला तो सुणोआ, पर मानदा नि, से तेस मूर्ख माणूए जेडा ऊणा, जिने आपणा कअर बालूए पाँदे बणाया। 27 जेबे बरखा उईया, बाढ़ा आईया, तूफान चले और तेस कअरो साथे टकराए और से कअर तेबुई टलीया और सत्यानाश ऊईगा।” 28 जेबे यीशु इना गल्ला करी चुके, तो एड़ा ऊआ कि जो तेती पीड़ थी, से हैरान ऊईगी। 29 कँकँकि सेयो तिना शस्त्रिया जेडे नि, पर अकको साथे उपदेश देयो थे।

8 जेबे यीशु तेस पाहड़े ते उतरे, तो एक बऊत बड़ी पीड़ तिना पीछे आईगी। 2 जेबे देखो, एक कोहिए तिना गे आयी की तिना गे माथा टेकेया और बोलेया, “ओ प्रभु, जे तुसे चाओ तो माखे ठीक करी सकोए!” 3 यीशुए आपणा आथ आगे कितेया और से छँयां और तेसखे बोलेया, “आँऊ चाँऊँका कि तूँ ठीक ऊई जाए!” से तेबुई आपणे कोढ़ो ते ठीक ऊईगा। 4 यीशुए तेसखे बोलेया, “देख, केसी गे नि बताणा, पर जाई की आपू खे पुरोईते गे दखा और जो कुछ मूसे नबीए चढ़ावा ठराई राखेया, तेस चढ़ा, ताकि तिना खे गवाई ओ कि तूँ ठीक ऊईगा।” 5 जेबे यीशु कफरनहूम नगरो रे आए, तो एकी सूबेदारे तिना गे आयी की तिना ते बिनती किती, 6 “ओ प्रभु! मेरा दास कअरे अदरंगो ते दुः खी पड़ी रा।” 7 यीशुए तेसखे बोलेया, “आँऊ आयी की तेसखे ठीक करँगा।” 8 सूबेदारे जवाब दितेया, “ओ प्रभु! आँऊ एते जोगा निए कि तुसे मेरे कअरे आयी सको, पर जे तुसे आपणे मुंओ तेई बोली देओ, तो से मेरा

दास ठीक ऊई जाणा। ९ कँडकि आँऊ बी पराथीन मांणू ए और सिपाई मेरे आथो रे ए। जेबे एकी खे बोलूँआ, ‘जा,’ तो से जाओआ और दूजे खे बोलूँ, ‘आओ,’ तो से आओआ। आपणे दासा खे बोलूँ, ‘ये कर,’ तो से करोए।” १० ये सुणी की यीशु हैरान ऊईगा और जो तिना पीछे आऊणे लगी रे थे, तिने तिना खे बोलेया, “आँऊ तुसा खे सच लगी रा बोलणे कि मैं इसाएलो रे बी एड़ा विश्वास नि देखेया। ११ आँऊ तुसा खे बोलूँआ कि बऊत सारे दूजिया जातिया रे लोक पूर्वो और पच्छमो ते आयी की अब्राहम, इसहाक और याकूबो साथे स्वर्गो रे राज्य रे रोटी खाणे बैठणो।

१२ पर बऊत सारे इसाएली जिना खे स्वर्गो रा राज्य त्यार कितेया राए, बारे न्हेरे रे पाई देणा, तेती रोणा और दाँदा रा किरडना ई ऊणा।” १३ तेबे यीशुए सूबेदारो खे बोलेया, “कऊरे जा, जेडा तेरा विश्वास ए, तेडा ई ताखे ओो।” और तेबुई तेसरा दास ठीक ऊईगा। १४ जेबे यीशु पतरसो रे कअरे आए, तो तिने पतरसो री सासु बुखारो साथे पड़ी री देखी। १५ तिने तेसा रा आथ छूँयां और तेसा रा बुखार उतरी गा। तेबे से उठी की तिना री सेवा करने लगी। १६ जेबे साँज ऊई, तेबे सेयो बऊत लोका खे यीशुए गे ल्याए, जिना रे दुष्टात्मा थिया और तिने दुष्टात्मा आपणे वचनो साथे निकयालिया और सब बमार ठीक कितो। १७ ताकि जो वचन यशायाह भविष्यवक्ते बोलेया था से पूरा ओ “तिने आपू ई म्हारिया कमजोरिया लवी लिया और म्हारिया बमारिया चकी तिया।” १८ यीशुए जेबे आपणे चड़े, कनारे लोका री एक बड़ी पीड़ देखी, तो तिने आपणे चेलेया खे गलीली समुद्रो ते पार जाणे री आज्ञा दिती। १९ तेबे एक शास्त्रिए तिना गे नेडे आयी की बोलेया, “ओ गुरु! जेती केथी तुसे जाओगे, मां तुसा पीछे-पीछे चली पड़ना।” २० यीशुए तेसखे बोलेया, “गीदिंया रे डवार और सर्गो रे पछिया रे बसेरे ओए, पर मां माणू रे पुत्रो खे सिर राखणे खे बी आपणा कअर निए।” २१ एक और चेले तिना खे बोलेया, “ओ प्रभु! पइले माखे जाणे दे कि आँऊ आपणे पिते खे दबाई आँऊआ। तेबे तां पीछे चली पङ्कुगा।” २२ यीशुए तेसखे बोलेया, “तूँ मां पीछे आईजा, और जो आत्मिक रूपो रे मरे रे ए तिना खे आपणे मुझ्दे दबाणे दे।” २३ जेबे यीशु किस्तिया रे चढ़े, तो तिना रे चेले तिना पीछे आईगे। २४ तेबे देखो, समुद्रो रे बऊत बड़ा तूफान आया जेते की किस्ती पाणिए साथे टखी गी और यीशु सये रे थे। २५ तेबे चेलेया नेडे आयी की यीशु जगाए और तिना खे बोलेया, “ओ प्रभु! आसा खे बचा, आसे डूबणे वाले ए।” २६ यीशुए आपणे चेलेया खे बोलेया, “ओ कम विश्वास करने वालेयो! कऊ डरोए!” तेबे यीशु उठे और तूफान और पाणिए खे बकणे लगे और तेबे सब शान्त ऊईगा। २७ तेबे लोक हैरान ऊई की बोलणे लगे, “ये केडा मांणूए? तूफान और पाणी बी एसरी आज्ञा खे मानोए।” २८ जेबे सेयो पार गदरेनिया रे देशो रे पँडुचे, तेबे दो मांणू जिना रे दुष्टात्मा थिया कब्रा ते निकलदे ऊए तिना खे मिले। सेयो इतणे प्रचण्ड थे कि कोई बी तेसा बाटा रिये जाई नि सको था। २९ तेबे तिने चींगी की बोलेया, “ओ परमेश्वरो रे पुत्रु! आसा रा तां साथे क्या काम? क्या तूँ बखतो ते पइले ई आसा खे एती दुःख देणे आयी रा?” ३० तिना

ते थोड़ी जी दूर सूंअरो रा एक चूण्ड चरने लगी रा था। ३१ दुष्टात्मे तिना ते ये बोली की बिनती कित्ती, “जे तूँ आसा खे निकयालने ई लगी रा तो सूंअरा रे चूण्डो रे पेजी दे।” ३२ तिने तिना खे बोलेया, “जाओ!” सेयो निकली की सूंअरा रे बैठी गिया और सारा चूण्ड का अड़ी ते छवाल लयी की ढबी गा और मरी गा। ३३ तिना खे चराणे वाले नठे और नगरो रे गए और जिना रे दुष्टात्मा थिया तिना रा सारा आल सुणाया। ३४ तेबे सारे नगरो रे लोक यीशुए खे मिलणे आए, और तिना खे देखी की बिनती किती कि म्हरे बन्ने ते निकली जाओ।

९ तेबे यीशु किस्तिया रे चढ़ी की पार गए, और आपणे नगरो खे आए।

२ तेबे यीशुए देखेया, कई लोक एक अदरंगो रे रोगिए खे माँजे पाँदे चकी की तिना गे ल्याए, यीशुए तेसरा विश्वास देखेया और तेस अदरंगो रे रोगिए खे बोलेया, “ओ पाऊआ! याओ राख; तेरे पाप माफ ऊईगा।”

३ तेबे कई शास्त्रिए सोवेया, “ये तो परमेश्वरो री निन्दा करने लगी रा।”

४ यीशुए तिना रे मनो री गल्ल जाणी की तिना खे बोलेया, “तुसे आपणे मनो रे बुरा विचार कऊँ करने लगी रे? ५ ये बोलणा बऊत आसान ए कि, ‘तेरे पाप माफ ऊईगे’, पर ये बोलणा बऊत कठण ए कि, ‘आपणा मांजा चकी की चल फिर।’ ६ पर इजी री खातर कि तुसे जाणी लओ कि मां माणू रे पुत्रो खे तरतिया पाँदे पाप माफ करने रा बी अक्क ए।” यीशुए तेस अदरंगो रे रोगिए खे बोलेया, “उठ, आपणा मांजा चक और आपणे कअरो खे चली जा।” ७ से उठी की आपणे कअरो खे चली गा।

८ लोक ये देखी की डरी गे और परमेश्वरो री महिमा लगे करने, जिने माणूआ खे एड़ा अक्क दई राख्येया। ९ तेथा ते आगे चली की यीशुए मत्ती नाओं रा एक माणू करो री चौकिया पाँदे बैठेया रा देखेया और तिने तेसखे बोलेया, “मां पीछे आओ।” से उठेया और तिना पीछे चली पड़ेया। १० जेबे यीशु कअरे रोटी खाणे बैठेया, तेबे बऊत जणे कर लागे वाले और पापी आयी की यीशु और तिना रे चेलेया साथे रोटी खाणे बैठे। ११ ये देखी कि फरीसिये तिना रे चेलेया खे बोलेया, “तुसा रा गुरु इना कर लागे वाले और पापिया साथे रोटी खाणे कऊँ बैठी रा।” १२ यीशुए ये सुणी की तिना खे बोलेया, “बैद बमारा खे चाईयो, पलेया-चंगेया खे नि। १३ तो तुसे जाओ और इजी रा मतलब जाणी लओ कि, ‘आँऊ बलिदान नि, पर दया चाऊआ।’ कऊँकि आँऊ तर्मिया खे नि, पर पापिया खे बुलाणे आयी रा।” १४ तेबे बपतिस्मा देगे वाले यूहन्ने रे चेलेया तिना गे आयी की बोलेया, “क्या बजअ ए कि आसे और फरीसी इतणे बअरत कहूँए और तेरे चेले बअरत नि करदे?” १५ यीशुए तिना खे बोलेया, “क्या बराती, जुदो तक लाडा तिना साथे ए, तदुओ तक शोग मनाई सको ए? पर सेयो दिन आऊणे, जेबे लाडा बरातिया ते लग करेया जाणा, तेस बखते तिना बअरत करना। १६ नये टाले री टाली, पुराणे टालेया रे कोई नि लगांदा, कऊँकि टाली पुराणे टालेया खे ओर बी कट्टा करी देओ ई, मतलब-नया टाला पुराणे साथे ओर बी जादा फटी जाओआ। १७ नया अँगूरा रा रस पुराणे खल्लुडुआ रे कोई नि परदा। कऊँकि एड़ा करने ते खल्लुडु फटी जाओए और अँगूरा रा रस

बारे निकली जाओआ और खल्लदु नाश ऊई जाओ। पर जे नया अँगूरा रा रस नये खल्लदुआ रे परो तो दोनो बचे रे रओए।” 18 जेबे यीशु इना गल्ला तिना खे बोलणे ई लगी रे थे, तेबे एक अधिकारी तिना गे आया और तिना गे माथा टेकेया और बोलेया, “मेरी बेटी एनु-एनु मरी गी, पर जे तुसे चलो और आपणा आथ राखो तो से जिझैंदी ऊई जाणी।” 19 यीशु उठे और आपणे चेलेया लयी की तेस पीछे चली गे। 20 तेबे एक जवाणस आयी, तेसा खे बारा साला ते खून बढणे री बमारी थी, से पीछे ते आयी और तेसे यीशुए रे टालेया रा कनारा ढूँयां। 21 कँडँकि से आपणे मनो रे बोलो थी, “जे आँऊ तिना रे टाले ई छुँई लँगी, तो ठीक ऊई जाणी।” 22 यीशुए तेसा खे मुडी की बोलेया, “बेटिये! याओ राख, तेरे विश्वासे तूँ बचाईंती।” तेबे से जवाणस तेबुई ठीक ऊईगी। 23 जेबे यीशु तेस अधिकारिए रे कअरे पँछे, तेबे तिने बांसली बजागे वाले और पीड़ आल्ला-गोल्ला करदे ऊए देखी। 24 तेबे यीशुए बोलेया, “आटी जाओ, मुन्नी मरी नि रई, पर सऱ्हणे लगी री।” ये सुणी की सेयो तिना रा मजाक लगे ऊळाणे। 25 पर जेबे पीड़ तेथा निकयाली ती, तेबे तिने पीतरे जाई की तेसा मुनिन्या रा आथ पकडेया और से ठीक ऊईगी। 26 तेबे ये गल्ल पूरे देशो रे फैली गी। 27 जेबे यीशु तेथा ते आगे गए, तेबे दो अन्दे तिना पीछे ये बोली की आक्का लगे पाणे, “ओ दाऊदे री ल्लावद! आसा पौँद दया कर।” 28 जेबे सेयो कअरे पँछे, तेबे सेयो दो अन्दे तिना गे आए, तेबे यीशुए तिना खे बोलेया, “क्या तुसा खे विश्वास ए कि आँऊ तुसा खे ठीक करी सकूँआ?” तिने बोलेया, “आ प्रभु।” 29 तेबे यीशुए तिना रिया आखिया छुँई की तिना खे बोलेया, “तुसा रे विश्वासे रे मुताबिक तुसा साथे ओ।” 30 और सेयो तेबुई देखेणे लगे। यीशुए तिना खे सावधान करदे ऊए बोलेया, “देखो! कोई बी एसा गल्ला खे नि जाणो।” 31 पर तिने बारे निकली की तिना रा यश सारे देशो रे फैलाई ता। 32 जेबे सेयो बारे लगी रे थे जाणे, तेबे लोक एक गँगी खे जेसरे दुष्टामा थी, यीशुए गे ल्याए। 33 जेबे यीशुए दुष्टामा निकयाली ती, तेबे गँगा बोलणे लगेया और लोके हैरान ऊई की बोलेया, “इसाएलो रे एडा कदी नि देखेया।” 34 पर फरीसिये बोलेया, “ये तो दुष्टामा रे सदरारो री मतादा ते दुष्टामा खे निकयालोआ।” 35 यीशु और तिना रे चेले गलील प्रदेशो रे कई नगर और कई गांव रे कूमदे रए और तिना रे प्रार्थना रे कअरो रे उपदेश देंदे रए और परमेश्वरो रे राज्य रा सुसमाचार प्रचार करदे रए और हर बमारी और कमजोरी दूर करदे रए। 36 जेबे तिने पीड़ देखी तो तिना खे लोका पौँद तरस आया, कँडँकि सेयो तिना पेडा जेडे, जिना रा कोई रखवाला नि ऊळा, बैचैन और पटके ऊए रे थे। 37 तेबे यीशुए आपणे चेलेया खे बोलेया, “पाकके रे डोरु तो बऊत ए, पर मजूरदार कम ए। 38 इंजी री खातर डोरुआ रे मालको ते प्रार्थना करो कि सेयो आपणे डोरुआ बडाणे खे मजूरदार पेजो।”

10 तेबे यीशुए आपणे बारा चेले बुलाए और तिना खे दुष्टामा पौँद आक्क दितेया कि हर बमारिया खे निकयालो और हर कमजोरिया खे दूर करो। 2 इना बारा प्रेरिता रे नाओंयो ए-पईला शमैन, जेसखे

पतरस बी बोलोए, और तेसरा पाई अन्द्रियास, जब्दियो रा पाऊ याकूब और तेसरा पाई यूहन्ना। 3 फिलिप्पुस, बरतुल्म थोमा, कर लणे वाला मत्ती, हलफईसो रा पाऊ याकूब और तदै। 4 शमैन कनानी, यहूदा इस्करियोती, जिने सेयो पकडवाए बी थे। 5 यो बारा जणे यीशुए ये आज्ञा देई की पेजे कि ओरी जातिया बीचे नि जाणा, “ना ई रासमिरिया रे केसी बी देशो रे जाणा। 6 पर इस्माएलो रे कराने री राची रिया पेडा गे ई जाणा 7 और चलदे-चलदे ये प्रचार करो कि स्वर्गो रा राज्य नेडे आईगा रा। 8 बमारा खे ठीक करो, मरेया रे खे जिझैदा करो, कोदिया खे शुद्ध करो, दुष्टामा खे निकयालो, तुसे मुफ्त पाई राखेया और मुफ्त ई देऊ। 9 आपणी गाठडिया रे ना सुईना, ना रूपा और ना तांबा राखणा। 10 बाटा खे ना बोला, ना दो कुरते, ना जेडे और ना ई सोता लजो, कँडँकि मजूरदारो खे तेसरी रेटी तो मिलणी ई चाईंगो। 11 “तुसे जेते बी गांव या नगरो रे जाओ तो पता लगाओ कि कुण खरा ए? और जटुओ तक तेथा ते नि निकलो, तेसगे ई रओ। 12 जेबे तुसे तेसरे कअरे जाओ तो तेसखे आशीष देणी। 13 जे तेस कअरो रे मांणू खरे ओगे तो तुसा रा कल्याण तुसा गे वापस आयी जाणा। 14 जो कोई तुसा खे मानोगा नि और तुसा री गल्ला नि सुणो, तो तेस कअरो या नगरो ते निकलदे ऊए आपणे पैरा री तूँ तेथी चाडी देयो। 15 आँऊ तुसा खे सच बोलूँआ कि जेबे न्याय रा दिन आऊणा, तेबे तेस नगरो री दशा ते, सदोम और गमोरा रे देशो री दशा जादा सईंगे जोगी ऊणी।” 16 और यीशुए बोलेया, “देखो, आँऊ तुसा खे पेडा जेडे तिना लोका बीचे पेजुँआ जो भेड़िए जेडे खतरनाक ए, तो तुसे सापो जेडे अक्लमंद और कबूतरो जेडे शरीफ रओ बणे रे। 17 पर लोका ते चौकस रओ, कँडँकि तिना तुसे पंचायती रे देई देणे और आपणी प्रार्थना रे कअरो रे तुसा खे कोडे बाणे। 18 तुसे मेरी तंई हाकिमो और राजेया रे सामणे तिना पौँद और दूजी जातिया पौँद गवा ऊणे खे पँछाए जाणे। 19 जेबे सेयो तुसा खे पकडवाओगे, तेबे ये चिन्ता नि करनी कि आसा किंयाँ और क्या करना, कँडँकि जो बी तुसा बोलणा ओगा, से तुसा खे तेस बखते ई बताई देणा। 20 कँडँकि बोलणे वाले तुसे नि, पर तुसा रे पिते रा पवित्र आत्मा तुसा रे बोलोआ। 21 “पाईया आपणे पाई और पितेया आपणे पाऊ कुलवागे खे पकडवाणे और बच्चे आपणे माया-बाओ रे खलाफ उठणे और तिना सेयो कुलाई देणे। 22 मेरे नाओं री बजअ ते सबी लोका तुसा ते बैर राखणा, पर जो आखरी तक सब्र राखोगा, तेसरा ई उद्धार ऊणा। 23 जेबे सेयो तुसा खे एकी जगा रे सताओगे, तो तुसे दूजी जगा खे नठी जाणा। आँऊ तुसा खे सच लगी रो बोलणे कि तुसे इस्माएलो रे सारे देशो रे कूमी नि चुकणे कि तदुओ खे मांणू रा पुत्र आयी जाणा। 24 “चेला आपणे गुरुओ ते बडा नि ऊळा; ना दास आपणे मालको ते। 25 चेले रा गुरुओ रे और दासो रा मालको रे बराबर ऊणा ई बऊत ए; जेबे तिने कअरो रे मालको खे शैतान बोलेया, तो तेसरे कअरो वालेया खे क्या कुछ नि बोलणा? 26 “इंजी री खातर मांणूआ ते नि डरो, कँडँकि कुछ बी टकेया रा निए, जो खोलेया नि

जाणा और ना कुछ छिपेया राए, जो जाणी नि सकदे। 27 जो आँऊं तुसा खे न्हेरे रे बोलूँआ, तिजी खे तुसे लोका बीचे दिनो रे बखते सबी रे सामणे खुली की बोलेया करो और जो आपणे कानो रे खसफस करोए, तेस छतो पाँदे ते बोलेया करो। 28 जो शरीरो खे काई सकोए, पर आत्मा खे काई नि सकदे, तिना ते नि डरो, पर परमेश्वरो तई डरो, जो आत्मा और शरीर दूँझ खे नरको रे नाश करी सकोआ। (Geenna g1067) 29 एकी पैसे साथे दो चिड़िया बिकोईया? तेबे बी तुसा रे पिते री इच्छा ते बिना तिना बीचा ते एक बी जमीना रे नि पड़ी सकदी। 30 तुसा रे सिरो रे बाल बी सारे गिणे रे ए। 31 इजी री खातर डरो नि; तुसे मुखती चिड़िया ते बी बढ़ी की ए। 32 “जो कोई मांगूआ सामणे माखे मानी लओगा, से मां बी आपणे स्वर्गिय पिते सामणे मानी लणा। 33 पर जो कोई मांगूआ सामणे माखे नि मानोगा, तो मां बी से स्वर्गिय पिते सामणे नि मानणा। 34 “ये नि समजो कि आँऊं तरतिया पाँदे मेल-जोल करने आयी रा, आँऊं मेल-जोल करने नि, पर तलवार चलवाणे आयी रा। 35 आँऊं तो आयी इजी खे रया कि ‘मांगूए खे तेसरे पिते ते और बेटिया खे तेसा री माया ते और बऊआ खे तेसा री सासुआ ते लग कहँ। 36 मांगूए रे बैरी तेसरे कअरो रेई लोक ऊणो।’ 37 “जो माया-बावा खे मांते जादा प्यार करोआ, से मेरे लायक निए और जो माठे-बेटिया खे मांते जादा प्यार करोआ, से बी मेरे लायक निए। 38 जे तुसे मेरे चेले बणना चाओए, पर मेरिया तई मरने खे त्यार निए, तो तुसे मेरे लायक निए। 39 जो आपणे प्राण बचाओआ, तेस से खोणा और जो मेरी बजअ ते आपणे प्राण खोओआ, तेस अनन्त जिन्दगी पाणी। 40 “जो तुसा खे मानोआ, से माखे मानोआ और जो माखे मानोआ, से मेरे पेजणे वाले खे मानोआ। 41 जो भविष्यबक्ते खे भविष्यबक्ता जाणी की ग्रहण करोआ, तेस भविष्यबक्ते जेडा ईनाम पाणा और जो तर्मियों खे तर्मी जाणी की ग्रहण करो, तेस तर्मियों जेडा ईनाम पाणा। 42 जो कोई इना छोटेया बीचा ते एकी खे बी मेरा चेला जाणी की बस एक ठण्डे पाणिए रा कटोरा पल्याओगा, आँऊं तुसा खे सच लगी रा बोलणे, तेस किंयाँ बी आपणा प्रतिफल नि खोणा।”

11 जेबे यीश आपणे बारा चेलेया खे आज्ञा देई चुके, तेबे सेयो तिना

रे नगरो रे उपदेश और प्रचार करने खे तेथा ते चली गे। 2 यूहन्ने जेला रे मसीहे रे कामो रा प्रचार सुणी की आपणे चेले तिना ते ये पूछणे पेजे, 3 “क्या आऊणे वाले मसीह जेते रा वादा परमेश्वरे करी राखेया से तुसे ईए, या आसे केसी दूजे री बाट देखूँ?” 4 यीशुए जवाब दितेया, “जो कुछ तुसे सुणोए और देखोए, से सब जाई की यूहन्ने खे बताओ 5 कि अन्दे देखोए, लंगडे चलोए, कोढ़ी शुद्ध ऊई जाओए, टकणे सुणोए, मुड्दे जिऊदे ऊई जाओए और कंगाला खे सुसमाचार सुणाया जाओआ। 6 धन्य ए सेयो, जो मेरी बजअ ते आपणा विश्वास नि छाडदे।” 7 जेबे यूहन्ना रे चेले तेथा ते चली गे, तेबे यीश यूहन्ने रे बारे रे लोका खे बताणे लगे, “तुसे जंगलो रे क्या देखणे गए थे? क्या अवा साथे ईलदे ऊए

काओ जेडे नगलो खे? 8 तेबे तुसे क्या देखणे गए थे? क्या तेस मांगूए खे, जिने नरम टाले थे पईने रे? देखो, जो नरम टाले पईनोए, सेयो राजभवने रे रओए। 9 तेबे तुसे कँऊं गए थे? क्या केसी भविष्यबक्ते खे देखणे? आ, आँऊं तुसा खे बोलूँआ कि तुसे तो भविष्यबक्ते ते बी बड़े खे देखणे गए थे। 10 ये सेर्हाए, जेसरे बारे रे पवित्र शास्त्रो रे लिखी राखेया कि “देख, आँऊं आपणे दूपो खे तांते आगे-आगे पेजुँआ, जेस तांते आगे जाई की तेरी बाट त्यार करनी।” 11 “आँऊं तुसा खे सच लगी रा बोलणे कि जो जवाणसा ते जमीने रे, तिना बीचा ते यूहन्ना बपतिस्मा देणे वाले ते, कोई बी बड़ा नि ऊआ, पर जो स्वर्गो रे राज्य रे छोटे ते छोटा ए से तेसते बड़ा ए। 12 यूहन्ना बपतिस्मा देणे वाले रे दिना ते लयी की एबुए तक स्वर्गो रे राज्य रे बलपूर्वक प्रवेश ऊँदा रया, पर तागातबर तेसखे जबरदस्ती छुड़ाई लओए। 13 यूहन्ना बपतिस्मा देणे वाले तक सारे भविष्यबक्ता और बिधान भविष्यबाणी करदे रए। 14 जे चाओ, तो मानो कि एलिय्या हो आऊणे वाला था, से येर्हाए। 15 जो समजी सकोआ से तिजी खे त्यानो साथे सुणो और मानी बी लओ। 16 “आँऊं आजकाल के लोका री उपमा किजी साथे कहँ? सेयो तिना बच्येया जेडे ए, जो बजारो रे बैठी की एकी-दूजे खे आक्का पाई की बोलोए। 17 कि आसे तुसा खे बांसली बजाई, पर तुसे नि नाचे; आसे शोग कित्तेया, पर तुसे छाती नि बजाई। 18 कँऊंकि यूहन्ना ना खांदा आया और ना पींदा आया और सेयो बोलोए, ‘तेसरे दुष्टात्मा ए।’ 19 पर आँऊं मांगू रा पुत्र खांदा-पींदा ऊआ आया और सेयो बोलोए कि देखो, पेटू और पियकड़ मांगू, कर लणे वालेया रा और पापिया रा दोस्त ए, पर ज्ञान आपणे कामो की सच्चा ठारई राखेया।” 20 तेबे यीशु तिना रे लोका नगरा खे लवामे देणे लगेया, जिना बीचे तिने बऊत सामर्था रे काम कित्ते थे, कँऊंकि तिने आपणा मन नि था फेरेया रा। 21 “हाय खुराजीन! हाय बैतसैदा! जो सामर्था रे काम तुसा रे किते, जे सेयो सूर और सैदा रे नगरा रे ऊँदे, तो से आजो तक बणेया रा रणा था। (Hades g86) 24 पर आँऊं तुसा खे बोलूँआ कि जेबे न्याय रा दिन ऊणा, तेबे तुसा री दशा ते, सूर और सैदा नगरो री दशा जादा सईणे जोगी ऊणी। 23 ओ कफरनहूम! क्या तूँ स्वर्गो तक ऊच्चा करेया जाणा? तूँ तो नरको तक थाले करेया जाणा। जो सामर्था रे काम तांदे ऊए, जे सेयो काम, सदोम नगरो रे ऊँदे, तो से आजो तक बणेया रा रणा था। 25 तेस ई बखते यीशुए बोलेया, “ओ पिता! स्वर्ग और तरतिया रे प्रभु! आँऊं तुसा रा धन्यवाद कँऊंआ कि तुसे यो गल्ला जानी और समजदारा ते लकोई रिया राखिया और बालका गे बताईया। ओ पिता! कँऊंकि तुसा खे येर्ह खरा लोया।” 26 आ, ओ पिता! कँऊंकि तुसा खे येर्ह खरा लोया। 27 “मेरे पिते मागे सब कुछ संबाली राखेया। कोई पुत्रो खे नि जाणदा, बस पिता जाणोआ। कोई पिते खे नि जाणदा, बस पुत्र जाणोआ और से, जेस पाँदे पुत्र तिजी खे प्रगट करना चाओ। 28 ओ

सब मर्झिणत करने वालेयो! और बोजे की दबे रे लोको, मांगे आओ, मां तुसा खे आराम देणा। 29 “मेरे चेले बणो और मेरी गल्ल मानेया करो कऊँकि आऊँ नम्र और मनो ते दीन ए, और तेबे तुसा आपणे मनो रे आराम पाणा। 30 कऊँकि मेरा काम आसान ए और बोज अलका ए।”

12 तेस बखते यीशु आरामो रे दिने डोरुआ रिये जागे लगी रे थे।

जेबे तिना रे चेलेया के पूख लगी, तेबे सेयो सिल्ले तोड़ी-तोड़ी की खाणे लगे। 2 तेबे फरीसिये तिना खे देखी की यीशुए खे बोलेया, “देख, तेबे चेले से काम लगी रे करने, जो आरामो रे दिने करना ठीक निए।” 3 यीशुए तिना खे बोलेया, “क्या तुसे पढ़ी नि राखेया कि जेबे दाऊँ और तेसरे साथिया खे पूख लगी, तो तिने क्या कितेया? 4 सेयो किंयाँ परमेश्वरो रे भवनो रे गये और तिने पेटा रिया रोटिया खाईया, जबकि बिधानो रे मुताबिक तिना, ना तो से और ना तेसरे साथी खाई सको थे, पर पुरोईत ई खाई सको थे। 5 क्या तुसे बिधानो रे नि पढ़ेया कि पुरोईत आरामो रे दिनो रे मन्दरो रे नियम तोड़ने रे बी निर्दोष ठईरो थे? 6 पर आऊँ तुसा खे बोलूँए कि ऐती से ए, जो मन्दरो ते बी बड़ा ए। 7 जे तुसे एतेरा मतलब जानदे कि, ‘आऊँ कृपा ते खुश ए,’ बलिदानो ते नि, तो तुसे निर्दोषो खे दोषी नि ठराए। 8 आऊँ माणूं रा पुत्र आरामो रे दिनो रा बी प्रभु ए!” 9 तेथा ते चली की सेयो तिना रे प्रार्थना रे कअरो रे आए। 10 तेती एक माणूं था, जेसरा आथ सुकेया रा था। तिने यीशुए पाँदे दोष लगागे रिया तंई तिना ते पूछेया, “क्या आरामो रे दिने चंगा करना ठीक ए?” 11 यीशुए तिना खे बोलेया, “तुसा बीचा ते एडा कूणे, जेसगे एक ई पेड ओ और से आरामो रे दिने गहुे रे पड़ी जाओ और से तेसा खे नि निकयालो? 12 पला, माणूए री कीमत तो पेडा ते कितणी बड़ी की ए। इजी री खातर बिधानो रे मुताबिक आरामो रे दिने पला करना ठीक ए।” 13 तेबे यीशुए तेस माणूए खे बोलेया, “आपणा आथ आगे कर” तिने आगे कितेया, तेबे तेसरा आथ दूजे आथो जेडा ठीक ऊँगा। 14 तेबे फरीसिये बारे जाई की यीशुए रे खलाफ योजना बणाई कि तिना खे किंयाँ बर्बाद करिए। 15 ये जाणी की यीशु तेथा ते चली गे और बऊत जणे तिना पीछे आईंगे और यीशुए सबी खे चंगाई दिती। 16 तेबे यीशुए सेयो सावधान किते कि मेरे बारे रे केसी गे नि बताणा, “आऊँ परमेश्वरो रा पुत्र ए।” 17 ताकि जो वचन यशायाह भविष्यवक्ते बोलेया था, से पूरा ओ; 18 “देखो, ये मेरा सेवक ए, जो मैं चूणी राखेया। मेरा प्यारा, जेसते मेरा मन खुश ए, मां आपणा पवित्र आत्मा तेसरे पाणा; और तेस अन्य जातिया खे न्याय रा सुसमाचार देणा। 19 तेस ना चागडा करना, ना चिल्लाणा, और ना ई केसी बजारो रे तेसरी आवाज सुणनी। 20 जो लोक बेसहारा ए, तेस तिना साथे नरमाईया ते पेश आऊणा। तेस सेयो मरने नि देणे और तिना रा न्याय करना, जदुओ तक तिना खे निर्दोष नि ठराई देओ। 21 जो दुजिया जातिया ऊणिया तिना खे तेसरे नाओं पाँदे उम्मीद रणी।” 22 तेबे लोक एक माणूए खे तिना गे ल्याए, जो अन्दा और गँगा था, तिने से ठीक कितेया और से देखणे और बोलणे लगेया। 23 ये देखी की लोक हैरान ऊँकी बोलणे लगे, “क्या

ये दाऊदे री ल्वाद ए?” 24 पर फरीसिये ये सुणी की बोलेया, “ये तो दुष्टात्मा रे सरदार शैतानो री मतादा ते दुष्टात्मा खे निकयालोआ।” 25 यीशुए तिना रे मनो री गल्ल जाणी ली और तिना खे बोलेया, “जेस बी राज्य रे फूट ओई, से ऊजड़ी जाओआ, और कोई बी नगर या कराना, जिदे फूट ओई, से कदी नि बर्सी सकदा। 26 और जे शैतान ई शैतानो खे लगेया निकयालने, तो से तो आपणा ई बिरोदी ऊँगा। तेबे तेसरा राज्य किंयाँ बणेया रा रणा? 27 जे आऊँ शैतानो री मतादा ते दुष्टात्मा खे निकयालूँआ, तो तुसा रे वंश केसरी मतादा ते निकयालोए? बस, तेबे सेयो ई तुसा रा न्याय करोगे। 28 पर जे आऊँ परमेश्वरो री पवित्र आत्मा री मतादा ते दुष्टात्मा खे निकयालूँआ, तो परमेश्वरो रा राज्य तुसा गे आईगा रा। 29 “या किंयाँ कोई माणूं केसी तागतबरो रे कअरे कूसी की तेसरा माल लूटी सकोआ, जदुओ तक से तेसखे बानी नि लओगे? तेबे ई से तेसरा माल लूटी सकोआ। 30 “जो मां साथे निए, से मेरे खलाफ ए और जो मां साथे कट्टा नि करदा, से बखेरोआ। 31 इजी री खातर आऊँ तुसा खे बोलूँआ कि माणूए रे सारे पाप और निन्दा माफ ऊँजा जाणे, पर पवित्र आत्मा री निन्दा माफ नि ऊणी। 32 जो कोई मां माणूं रे पुत्रो रे खलाफ कोई बी गल्ल बोलोगा, तेसरा ये अपराध माफ ऊँजा जाणा। पर जो कोई पवित्र आत्मा रे खलाफ कुछ बी बोलोगा, तेसरा अपराध ना तो एते लोको रे और ना ई परलोको रे माफ ऊणा। (aiōn g165) 33 “जे डालो खे अच्छा बोलो, तो तिजी रे फलो खे बी अच्छा बोलो। या डालो खे नकम्मा बोलो, तो तिजी रे फलो खे बी नकम्मा ई बोलो; कऊँकि डाल आपणे फलो साथे ई पछयाणा जाओआ। 34 ओ सापो जेडे जईरिते लोको! तुसे बुरे ऊँकी किंयाँ खरिया गल्ला बोली सकोए? कऊँकि जो तुसा रे मनो रे ओआ, सेई तुसा री जबानी पाँदे आओआ। 35 खरा माणूं आपणे खरे मनो रे पण्डारो ते खरिया गल्ला निकयालोआ और बुरा माणूं आपणे बुरे मनो रे पण्डारो ते बुरिया गल्ला निकयालोआ। 36 आऊँ तुसा खे बोलूँआ कि जो-जो नकम्मिया गल्ला माणूआ बोलणिया, जेबे न्याय रा दिन आऊणा, तेबे तिना खे हर गल्ला रा लेखा देणा पड़ना। 37 कऊँकि तूँ आपणिया गल्ला तेई, दोषी और निर्दोष ऊणा।” 38 ये सुणी की कुछ शास्त्रिए और कुछ फरीसिये तिना खे बोलेया, “ओ गुरु! आसे तुसा ते एक चिह्न देखणा चाऊँए।” 39 यीशुए तिना खे जवाब दितेया, “एते जुगो रे बुरे और व्याभिचारी लोक चिह्न टोलोए; पर, योना भविष्यवक्ते रे चिह्नो खे छाडी की कोई और चिह्न तिना खे नि देणा। 40 योना, तीन रात-दिन पाणिए रे बड़ी मच्छलिया रे पेटो रे रया, तिंयाँ ई आऊँ माणूं रा पुत्र, तीन रात-दिन तरतिया ते पीतरे रणा। 41 नीनवे रे लोक न्याय रे दिनो दे, एस बखतो रे लोका साथे उणे, और तिना सेयो ई दोषी ठराणे, कऊँकि तिने योने रा प्रवार सुणी की मन फेरेया, पर देखो, एती तो से ए, जो योना ते बड़ा ए। 42 दख्खणो री राणी, न्याय रे दिनो रे, एस बखतो रे लोका साथे उणी और सेयो दोषी ठराणे, कऊँकि से सुलेमानो रा जान सुणने खे तरतिया रे दूजे कनारे पाँदा ते आयी थी और देखो, एती तो से ए, जो सुलेमानो ते बी

बड़ा ए। 43 “जेबे दुष्टात्मा मांणूए ते निकली जाओई, तेबे से सूकी जगा आराम करने खे टोलो ई, पर तेसा खे मिलदी नि। 44 तेबे से आपणे आपू रे बोलोई, ‘मां आपणे तेस मांणूए रेई, जेथा ते से आयी थी, तेथी वापस चली जाणा।’ जेबे से वापस आओई, तेबे तेसा खे से मांणू कअरो जेडा, कल्ला, साफ-सुथरा और सजाया रा मिलोआ। 45 तेबे से दुष्टात्मा आपू साथे सात और दुष्टात्मा खे ल्याओई और सेयो तेस मांणूए रे बैठी जाओईया और तेथी वास करोईया और तेस मांणूए री दशा पईलकी दशा ते बी खराब ऊई जाओई। एस जुगो रे बुले लोका री दशा बी एडी ई ऊणी।” 46 जेबे यीशु पीड़ा साथे इना गल्ला करने ई लगी रे थे, तेबे तिना री आम्मा और पाई बारे खड़ी रे थे और तिना साथे कुछ गल्ल करना चाओ थे। 47 तेबे किने तिना खे बोलेया, “देखो, तुसा री आम्मा और पाई और बईण बारे खड़ी रे और तुसा साथे गल्ल करना चाओए।” 48 ये सुणी की तिने बोलणे वाले खे जवाब दित्तेया, “कुण मेरी आम्मा ए? और कुण मेरा पाई ए?” 49 तेबे तिने आपणे चेलेया री तरफा खे आथ कित्तेया और बोलेया, “देखो, मेरी आम्मा और मेरे पाई तो यो ए। 50 कऊंकि जो कोई मेरे स्वर्गिय पिते री इच्छा पाँदे चलोआ, सेई मेरा पाई, बईण और आम्मा ए।”

13 तेस दिने यीशु कअरो ते निकली की समुद्रे रे कनारे बैठीगे। 2

तेबे तिना गे बऊत बड़ी पीड़ कटी ऊईगी। तेबे सेयो किस्तिया पाँदे चढ़ी गे और सारी पीड़ कनारे पाँदे खड़ी री रई। 3 तेबे यीशुए तिना खे बऊत गल्ला उदारणा रे बोलिया, “एक बार बाणे वाला, बेजा बाणे निकलेया। 4 बांदे ऊए कुछ बिऊ बाटा रे कनारे छूटी गे और पंछी आए और तिने बीज चूगी ले। 5 कुछ बिऊ सापड़ी वाली जगा रे छूटी गे, जेती तिना खे जादा माटी नि मिली और जादा गईरी माटी ना मिलणे री बजअ ते सेयो चट-चट जम्मी गे। 6 पर सूरज निकलदे ई सेयो फूकी गे और जड़ ना पकड़ने री बजअ ते सेयो सूकी गे। 7 कुछ बिऊ जाड़ो रे छूटे, तेबे जाड़ बड़ा ऊईगा और तिने सेयो दबाई ते। 8 पर कुछ बिऊ अच्छी जमीना पाँदे छूटे और फल ल्याए, कोई सौ गुणा, कोई साठ गुणा और कोई तीइ गुणा। 9 जो समजी सकोआ से तिजी खे त्यानो साथे सुणो और मानी बी लओ।” 10 चेलेया नेडे आयी की तिना खे बोलेया, “तुसे उदारणा रे लोका साथे गल्ला कड़े करोए?” 11 यीशुए तिना खे जवाब दित्तेया, “तुसा खे तो स्वर्गो रे राज्य रे पेतो री समज दिती रिये, पर तिना खे निए। 12 कऊंकि जेसगे आए तेसखे ओर बी देणा, तेबे तेसे बऊत ऊई जाणा। पर जेसगे कुछ पनिए, तेसगे जो कुछ बी आए से बी लई लया जाणा। 13 आऊं तिना साथे उदारणा रे इजी री खातर गल्ला करूँआ, कऊंकि सेयो, देखदे ऊए पनि देखदे, सुणदे ऊए पनि सुणदे और ना समजदे। 14 तिना रे बारे रे यशायाह भविष्यबक्ते री ये भविष्यबाणी पूरी ओई, “तुसा कानो ते तो सुणाना, पर समजणा नि और आयी ते तो देखणा, पर दिशणा नि। 15 कऊंकि इना लोका रा मन मोटा ऊईगा रा और सेयो कानो ते ऊच्चा सुणोए, तिने आपणी आखी बन्द करी ती रिया। केथी एड़ा नि ओ कि सेयो, आखी ते देखणे लगो,

कानो ते सुणने लगो, मनो ते समजणे लगो, और फिरी जाओ और आऊं तिना खे ठीक करी देऊँ।” 16 “पर धन्य ए तुसा री आखी जो देखोईया और तुसा रे कान, जो सुणोए। 17 कऊंकि आऊं तुसा खे सच बोतूँआ कि बऊत सारे भविष्यबक्ते और तर्मी लोके चाया कि जो गल्ला तुसे देखोए, तिना देखो, पर देखी नि सके, और जो गल्ला तुसे सुणोए, सुण, पर सुणी नि सके। 18 “एबे तुसे बाणे वाले रे उदारणो रा मतलब सुणो। 19 जो कोई परमेश्वरो रा वचन सुणी की नि समजदा, तेसे मनो रे जो कुछ बाई राखेया था, तेसखे से दुष्ट आयी की छुड़ाई की लई जाओआ। ये सेईए जो बाटा रे कनारे बाई राखेया था। 20 जो सापड़ी पाँदली जमीना पाँदे बाई राखेया था, ये से ए, जो वचन सुणी की फटाफट खुशिया साथे मानी लओआ। 21 पर आपू रे जड़ ना राखणे री बजअ ते से, थोड़े ई दिनो खे ए और जेबे वचनो री बजअ ते कलेश या बुरा ओआ, तो चट ई ठोकर खाई लओआ। 22 जो जाड़ो रे बाया, से ये ए, जो वचनो खे तो सुणोआ, पर दुनिया री चिन्ता, धनो रा तोखा, वचनो खे दबाई देओआ और से फल नि ल्याऊँदा। (aiōn g165) 23 जो अच्छी जमीना रे बाया, से ये जो वचनो खे सुणी की समजोआ और फल ल्याओआ, कोई सौ गुणा, कोई साठ गुणा और कोई तीइ गुणा।” 24 यीशुए तिना खे एक और उदारण दित्तेया, “स्वर्गो रा राज्य, तेस जिमीदारो जेडा ए, जिने आपणे डोरुआ रे अच्छा बीज बाया। 25 पर जेबे लोक सऊणे लगी रे थे, तेबे तेसरा दुश्मण आया और कणका बीचे जंगली बीज बाई की चली गा। 26 जेबे लूंग आयी और सिल्ले लगे, तेबे जंगली दाणेया री डाली बी दिशणे लगे। 27 तेबे कअरो रे दासे आयी की तेसखे बोलया, “ओ मालक! क्या तुसे आपणे डोरुआ रे रंगो रा बीज नि था बाए रा? तेबे जंगली दाणे रिया डालिया तेतो बीचे केथा ते आईया?” 28 तिने तिना खे बोलेया, “ये तो केसी दुश्मणो रा काम ए।” तेबे जो दास थे, तिने तेसखे बोलेया, “क्या तेरी इच्छा ए कि आसे जाई की तिना खे कट्ठा करी देऊँ?” 29 तिने बोलेया, “ना, एड़ा नि ओ कि जंगली दाणेया री डालिया खे कट्टै करदे-करदे, कणका खे बी पटी देयो। 30 बाडणो रे बखतो तक तिना ढूँध खे साथे-साथे बड़ने देयो और जेबे बाडणे रा बखत आऊणा तेबे मां बाडणे वाले खे बोलणा कि जंगली दाणे कट्टै करी की फूकणे खे, तिना रे बिडे बानी देयो, और कणका खे मेरे पण्डारो रे कट्ठा करी देयो।” 31 यीशुए तिना खे एक और उदारण दित्तेया, “स्वर्गो रा राज्य अऊरिया रे एक दाणे जेडा ए, जो एकी मांणूए लया और आपणे डोरुआ रे बीजी ता। 32 से सबी बीजो ते तो छोटा ए, पर जेबे से बढ़ोआ, तेबे सबी सागो-पातो ते बड़ा ओआ और एड़ा डाल ऊई जाओआ कि सर्गो रे पंछी आयी की तेतेरी डालिया रे आपणा बसेरा करोए।” 33 तिने एक ओर उदारण सुणाया, “स्वर्गो रा राज्य, सजेडे जेडा ए, जो एकी जवाणसे लया और बीइ किलो ते जादा आटे रे गूँदी ता और ऊँदे-ऊँदे सारा आटा सजेडा ऊईगा।” 34 ये सब गल्ला यीशुए लोका खे उदारणा रे बोलिया और बिना उदारणो ते सेयो तिना खे कुछ नि बोलो थे। 35 ताकि जो वचन भविष्यबक्ते बोलेया था, से पूरा ओ कि “मां उदारण

बोलणे खे आपणा मूँ खोलणा; मां सेयो गल्ला बोलणिया, जो दुनिया री शुरुआता ते गुप्त ए।” 36 तेबे यीशु पीडा खे छाडी की कअरे आए, तेबे तिना रे चेलेया तिना गे आयी की बोलेया, “डोरुआ रे जंगली दाणे रा उदारण आसा खे समजाई देओ।” 37 यीशुए तिना खे जवाब दितेया, “अच्छे बीज बाणे वाला माणू रा पुत्र ए। 38 डोरु दुनिया रे लोक ए, अच्छा बीज राज्य रे से लोक ए जिना पाँदे परमेश्वर राज करने ते खुश ए और जंगली बीज, दुषी री से ल्वाद ए जो शैतानो री आज्ञा मानी की काम करोए। 39 जिने दुश्मणे सेयो बीजे, से शैतान ए; बडाई दुनिया रा अंत ए और बाडणे वाले स्वर्गदूत ए। (aiōn g165) 40 तेबे जियाँ जंगली दाणे कटै करोए और फूकी देओए, तेडा ई दुनिया रे अंतो रे ऊणा। (aiōn g165) 41 मां माणू रे पुत्रो आपणे स्वर्गदूत पेजणे, तिना तेसरे राज्य रे, सब, जो ठीकारा री बजअ ओ ए और पाप करने वाले, कटै करने 42 और सेयो आगी रे कुण्डो रे सेटी देणे, जेती रोणा और दाँद किरडना ई ऊणा। 43 तेस बखते तर्मी आपणे पिते रे राज्य रे सूरजो जेडे चमकणे, जो समजी सकोआ से तिजी खे त्यानो साथे सुणो और मानी बी लओ। 44 “स्वर्गो रा राज्य डोरुआ रे लूके रे खजाने जेडा ए, जो केसी माणूपू खे मिलेया और तिने लकोईता, तेबे तिने खुश ई की आपणा सब कुछ बेची ता और से डोरु खरीदी ला। 45 “स्वर्गो रा राज्य एक बपारिए जेडा ए, जो खेरे मोतिए री टोला रे था। 46 जेबे तेसखे एक किमती मोती मिली गा, तेबे तिने जाई की आपणा सब कुछ बेची ता और से मोती खरीदी ला। 47 “फेर, स्वर्गो रा राज्य तेस बडे जालो जेडा ए, जो समुद्रो रे पाया और हर प्रकारा रिया मछलिया तिदे आयी गिया 48 और जेबे जाल फरी गा, तेबे मछली पकडने वाले तिजी खे कनरे पाँदे खिंजी की ली आए और जो अच्छी-अच्छी मछलिया थिया सेयो पांडे रे राखी तिया और जो नकमिया थिया सेयो सेटी तिया। 49 दुनिया रे अंतो रे एडा ई ऊणा, तेबे स्वर्गदूत आयी की दुष तर्मिया ते लग कने, (aiōn g165) 50 और सेयो आगी रे कुण्डो रे सेटी देणे। तेती रोणा और दाँद किरडना ई ऊणा। 51 “क्या तुसे यो सब गल्ला समजिया?” तिने यीशुए खे बोलेया, “आ।” 52 तेबे यीशुए तिना खे बोलेया, “हर एक शास्त्री, जो स्वर्गो रे राज्य रा चेला बणी रा, तेस करेलू माणूपू जेडा ए, जो आपणे पण्डरो ते नईया और पुराणिया चीजा निकयालोआ।” 53 जेबे यीशु इना सारे उदारणा बोली चुके, तेबे सेयो तेथा ते चली गे। 54 तेबे आपणे नगरो रे आयी की तिना रे प्रार्थना रे कअरो रे तिना खे एडा उपदेश लगे देणे कि सेयो हैरान ऊई की तिना खे बोलणे लगे, “इना खे इताणा ज्ञान और सामर्थ्ये रे काम केथा ते मिले? 55 क्या ये मिस्त्रियो रा पाऊ निए? क्या इना री आम्मा रा नाओं मरियम निए और पाईयो रा नाओं याकूब, यूसुफ, शमोन और यहूदा निए? 56 क्या इना रिया सारिया बईणा आसा बीचे नि रंदिया? तेबे इना खे ये सब कुछ केथा ते मिलेया?” 57 यीशुए तिना री बजअ ते ठोकर खाई पर तिने तिना खे बोलेया, “भविष्यबक्ते रा आपणे देश और आपणे कअरो खे छाडी की ओरथी केथी बी नरादर नि ऊंदा।” 58 तेबे यीशुए तिना रे अविश्वासो री बजअ ते जादा सामर्थ्ये रे काम नि किते।

14 तेस बखते चौथाई देशो रे राजे हेरोदेसे यीशुए री चर्चा सुणी, 2

और तेबे तिने आपणे दासा खे बोलेया, “ये यूहन्ना बपतिस्मा देगे वाला ए और मरे रेया बीचा ते जिङ्दा ऊईगा रा, तेबेई तो एसते सामर्थ्ये रे काम ओए।” 3 कऊंकि हेरोदेसे, आपणे पाई फिलिप्पुसो री लाडी हेरोदियासा री बजअ ते, यूहन्ना पकडी की बनेया और जेला रे पाईता था। 4 कऊंकि यूहन्ने तेसखे बोलेया था, “एसा खे राखणा बिधानो रे मुताबिक ताखे ठीक निए।” 5 इजी री बजअ ते से यूहन्ने खे काणा चाओ था, पर लोका ते डोरे था, कऊंकि लोक तेसखे भविष्यबक्ता मानो थे। 6 पर जेबे हेरोदेसो रा जन्मदिन आया, तेबे हेरोदियासा री बेटिये त्योआरो रे नाची की हेरोदेस खुश करी ता। 7 तेबे तिने कसम खाई की वचन दितेया, “जो कुछ तूँ मांगेगी, मां ताखे देणा।” 8 से आपणी आम्मा री सकली री थी और तेसे बोलेया, “यूहन्ने बपतिस्मे रा सिर थालिया रे एधी माखे मंगवाई दे।” 9 राजा दुःखी ऊईगा, पर आपणी कसमा री और आपू साथे बैठणे वालेया री बजअ ते, तिने आज्ञा दित्ती कि दई दो। 10 तेबे तिने जेला रे आपणे माणूआ खे पेजी की यूहन्ने रा सिर बडवाईता 11 और तेसरा सिर थालिया रे ल्याया और मुन्निया खे दितेया और से तिजी खे आपणी आम्मा गे लईगी। 12 तेबे यूहन्ने रे चेले आए और तेसरी लोथ लई की दबाई ती और यीशुए खे एतेरा समाचार सुणाया। 13 जेबे यीशुए ये सब सुणेया, तेबे सेयो किस्तिया रे बैठी की सुणासाण जगा रे लग जे चली गे और जेबे लोके ये सुणेया तेबे सेयो नगरो-नगरो रिये हांडी की तिना पीछे आईगे। 14 यीशुए निकली की एक बडी पीडे देखी और तिना पाँदे तेसखे तरस आया और तिने तिना रे बमार ठीक किते। 15 जेबे साँज ऊई, तेबे तिना रे चेले तिना गे आए और बोलणे लगे, “एती तो सुणासाण जगा ए और देर लगी री ऊणे, तुसे लोका खे बिदा करो, ताकि सेयो जाई की बस्तिया रे आपू खे रोटी खरीदी सको।” 16 यीशुए तिना खे बोलेया, “तिना रा जाणा जरूरी निए, तुसेई इना खे खाणे खे देवो।” 17 तिने बोलेया, “एती तो आसा गे पाँज रोटिया और दो मछलिया छाडी की कुछ निए।” 18 यीशुए बोलेया, “तिना खे मांगे ली आओ。” 19 तेबे तिने लोका खे काओ पाँदे बैठणे खे बोलेया, तेबे तिने सेयो पाँज रोटिया और दो मछलिया लईया और स्वर्गो खे देखेया और धन्यवाद कितेया और रोटिया तोड़ी-नोड़ी की चेलेया खे दितिया और चेलेया लोका खे। 20 जेबे सब खाई की रजी गे, तेबे चेलेया जो टुकडे थे बचे रे तिना रिया बारा टोकरिया परिया और चकिया। 21 खणो वाले जवाणसा और बच्चेया खे छाडी की तकरीबन पाँज ह्जार मर्द थे। 22 तेबे यीशुए तेबुई आपणे चेले किस्तिया रे चढाणे खे मजबूर किते कि जदुओ तक आऊँ लोका खे बिदा करूँआ, तुसे तिजी ते पईले पर चली जाओ। 23 तेबे यीशु लोका खे बिदा करी की प्रार्थना करने खे लग पाह्डो पाँदे चली गे और साँजा तक तेती कल्ले थे। 24 तेस बखते किस्ती समुद्रो रे लईरा साथे छूनके खाणे लगी, कऊंकि सामणी अवा थी। 25 तेबे यीशु राशियो रे चैथे पझरो रे समुद्रो रे चली की तिना गे आए। 26 चेले तिना खे समुद्रो रे चलदे ऊए देखी की कबराइगे और

बोलणे लगे, “ए तो पूत ए,” और सेयो डरी गे और चिंगणे लगे। 27 यीशु तेबुई तिना साथे गल्ला किसिया और बोलेया, “इम्मत राखो, आँ ए, डरो नि!” 28 पतरसे तिना खे बोलेया, “ओ प्रभु! जे तुसे ईए, तो माखे आपू गे चली की आऊणे री आज्ञा देयो!” 29 यीशुए बोलेया, “आईजा!” तेबे पतरस किसित्या ते पाणिए बीचे उतरेया और यीशुए गे जाणे खे पाणिए बीचे चलणे लगेया। 30 पर से पाणिए खे देखी की जो समुद्रो रे अवा साथे लईरा उठणे लगी री थिया देखी की डरीगा और जेबे ढूबणे लगेया, तेबे चींगी की बोलणे लगेया, “ओ प्रभु, माखे बचा!” 31 यीशुए फटाफट आपणा आथ आगे कितेया और से बचाईता और तेस्वे बोलेया, “ओ कम विश्वास करने वाले, तैं शक कँक कितेया?” 32 जेबे सेयो किसित्या रे चढ़ी गे, तेबे अवा रुकी गी। 33 ये देखी की जो किसित्या रे थे थे तिने तिना गे माथा टेकी की बोलेया, “सच्ची तुसे परमेश्वरो रे पुत्र ए!” 34 सेयो पार उतरी की गन्नेसरत देशो रे पँछें। 35 तेथो रे लोके सेयो पछ्याणी ले और ओरे-पोरे सबी गे बोलेया और सब लोक बमारा खे तिना गे ल्याए 36 और यीशुए ते प्रार्थना करने लगे कि आसा खे बस आपणे टाले रा पल्ला ई छूणे दे, और जितणेया बी सेयो हँए, सब ठीक ऊईंगी।

15 तेबे यरुशलेमो रे बऊत शास्त्री और फरीसी यीशुए गे आए और बोलणे लगे, 2 “तुसा रे चेले बुजुर्गा री रवाजा खे कँक नि मानदे और बिना आथ तोए रोटी खाओए?” 3 यीशुए तिना खे जवाब दित्येया, “तुसे बी आपणिया रवाजा रे खलाफ कँक परमेश्वरो रिया आज्ञा खे तोड़ोए? 4 कँकिं करमेश्वरे बोलेया था, ‘आपणे माया-बाओ रा आदर करो,’ और ‘जो कोई आपणे माया-बावा खे बुरा बोलोगा से काया जाओ।’ 5 पर तुसे बोलोए कि जे कोई आपणे माया-बावा खे बोलो, ‘जो कुछ ताखे माते फाईदा ऊई सको था, से परमेश्वरो खे पेंट चढाईता।’ 6 तो से आपणे पिते रा आदर नि करो, तुसे आपणी रवाजा री बजअ ते परमेश्वरो रा वचन टाली ता। 7 ओ कपटियो! यशायाहे तुसा रे बारे ये भविष्यबाणी ठीक कित्ती: 8 “यो लोक मुंओ ते तो मेरा आदर करोए, पर मनो ते मांते दूर रओए 9 और यो बेकार ई मेरी भक्ति करोए, कँकिं मांणूए रिया रवाजा खे तर्मो रा उपदेश मानोए।” 10 तेबे यीशुए लोका खे आपू गे बुलाई की बोलेया, “सुणो, और समजो। 11 जो मुंओ रे जाओआ से मांणूए खे अशुद्ध नि करदा, पर जो मुंओ रिये निकलोआ से मांणूए खे अशुद्ध करोआ।” 12 तेबे चेलेया आयी की तिना खे बोलेया, “क्या तुसे जाणोए कि फरीसिये ये वचन सुणी की ठोकर खाई?” 13 यीशुए जवाब दित्येया, “हर डाली जो मेरे स्वर्गिय पिते निए लगाई री, से पटी देणी। 14 तिना खे जाणे देयो, सेयो अनदी बाट दखाणे वाले ए और अन्दा जे अन्दे खेर्ई बाट बताओगा तो देने गढ़े रे पड़ी जाणे।” 15 ये सुणी की पतरसे तिना खे बोलेया, “एस उदारणो आसा खे समजयाई दो।” 16 यीशुए बोलेया, “क्या तुसे बी एबुए तक नि समजी रे? 17 क्या तुसे नि जाणदे कि जो कुछ मुंओ रिये जाओआ, से पेटो रे पड़ोआ और सड्यानी साथे बारे निकलोआ। 18 पर जो कुछ मुंओ रिये निकलोआ, से

मनो ते निकलोआ और सेर्ई मांणूए खे अशुद्ध बणाओआ। 19 कँकिं बुरे बिचार, अत्या, परस्त्रीगमन, व्याभिचार, चोरी, चूठी गवाई और निन्दा मनो तेर्ई निकलोई। 20 येर्ईए जो मांणूए खे अशुद्ध करोए, पर बिना आथ तोए रोटी खाणा मांणूए खे अशुद्ध नि करदा।” 21 यीशु तेथा ते निकली की सूर और सैदा रे नगरो खे चली गे। 22 तेबे तेस देशो ते एक कनानी जवाणस निकली, और से चींगी की बोलणे लगी, “ओ प्रभु दाऊदो री ल्लाद! मां पाँदे दया कर, मेरी मुनिया खे दुष्टात्मा बऊत तंग लगी री करने।” 23 पर तिने तेसा खे कोई बी जवाब नि दित्येया, तेबे तिना रे चेलेया बोलेया, “एसा खे एथा ते पेजी दे, कँकिं कि ये तो आसा पीछे आल्ला पाँदी ऊई आऊणे लगी री।” 24 तिने बोलेया, “इसाएलो रे करने रिया राची रिया पेडा खे छाडी की आँकेकेसी गे निए पेजेया रा।” 25 पर से आयी और तिना गे माथा टेकी की बोलणे लगी, “ओ प्रभु, मेरी मताद करो।” 26 प्रभुए तेसा खे बोलेया, “बच्येया री रोटी कुत्तेया रे आगे देणे ते कोई फाईदा निए।” 27 जवाणसे बोलेया, “सच ए प्रभु, पर कुत्ते बी तेस चुरा-चूरा खाओए, जो तिना रे मालका री मेजा ते छुटोआ।” 28 ये सुणी की यीशुए तेसा खे बोलेया, “ओ जवाणसे! तेरा विश्वास बड़ा ए, जेडा तूं चाए ई तेडा ई ओं” और तेसा री मुन्नी तेबुई ठीक ऊईंगी। 29 यीशु तेथा ते गलीलो रे समुद्रो रे आए और पाहडो पाँदे चढ़ी की बैठीगे। 30 तेबे पीडा री पीड़ यीशुए गे आयी और अन्दे, लंगडे, गूँगे, टूण्डे और ओर बी कई जेण्या खे यीशुए गे ल्याए और सेयो तिना रे पैरा पाँदे राखी ते और तिने सेयो ठीक कित्ते। 31 तेबे, जेबे लोके देखेया कि गूँगे बोलणे लगे, अन्दे देखणे लगे, टूण्डे ठीक ऊईंगे, लंगडे चलणे लगी गे तो तिने हैरान ऊई की इसाएलो रे परमेश्वरो री तारीफ कित्ती। 32 यीशुए आपणे चेले बुलाए और तिना खे बोलेया, “माखे एसा पीडा पाँदे तरस आओए, कँकिं कि ये तीन दिना ते मां साथे ए और इना गे कुछ बी खाणे खे निए। आँक तिना खे पूखे नि पेजणा चांदा, केथी एडा नि ओ कि यो बाटा रे थकी जाओ।” 33 चेलेया तिना खे बोलेया, “आसा खे जंगलो रे इतणिया सारिया रोटिया केथा ते मिलणिया कि आसे इतणी बड़ी पीडा खे रजाई सकिए?” 34 यीशुए तिना ते पूछेया, “तुसा गे कितणी रोटिया ए?” तिने बोलेया, “सात, और कुछ छोटिया मछलिया ए।” 35 तेबे तिने लोका खे जमीना पाँदे बैठणे री आज्ञा दित्ती। 36 और तिने सेयो सात रोटिया और मछलिया लईया और धन्यवाद करी की तोड़िया और आपणे चेलेया खे दित्यिया और चेलेया लोका खे। 37 तेबे सब तिना खाई की रज्जी गे और चेलेया बचे रे टुकडेया ते परे रे सात टोकेरे चके। 38 खाणे वाले, जवाणसा और बच्येया खे छाडी की चार हजार मर्द थे 39 तेबे सेयो पीडा खे बिदा करी की किसित्या पाँदे चढ़ी गे और मगदन देशो रे बन्ने रे आए।

16 तेबे फरीसिये और सरूकिये नेडे आयी की यीशुए खे परखणे खे बोलया, “आसा खे स्वर्गो रा कोई चिह्न दखाओ।” 2 तिने तिना खे जवाब दित्येया, “साँजा खे तुसे बोलोए, ‘मौसम साफ रणा, कँकिं कि सर्ग लाल ए,’ 3 और प्यागा खे बोलोए, ‘आज तूफान आऊणा, कँकिं कि सर्ग लाल और तूँदला ए।’ तुसे सर्गो खे देखी की पेत बताई सकोए,

पर बखतों रे चिह्नों रा पेत नि बताई सकदे? 4 एस जुगों रे बुरे और व्याभिचारी लोक चिह्न टोलोए; पर योने रे चिह्नों खे छाडी की कोई और चिह्न तिना खे नि देणा।” यीशु इना खे छाडी की चली जाणा। 5 चेले समुद्रो ते पार पकँछी गे, पर सेयो रोटी लणा पूरी गे थे। 6 यीशुए तिना खे बोलेया, “देखो, फरीसी और सदूकीये रे सजेडे ते चौकस रणा।” 7 सेयो आपू बीचे सोचणे लगे, “आसे तो रोटी ल्याई नि राखी, तेबैई तो यो आसा खे एडा बोलणे लाई रे।” 8 ये जाणी की यीशुए तिना खे बोलेया, “ओ कम विश्वास करने वालेयो! तुसे आपू बीचे कँऊ लगी रे सोचणे कि आसा गे रोटी निए? 9 क्या तुसे एबुए तक नि समजे? क्या तुसा खे सेयो पाँज हजारा रिया पाँज रोटिया याद निए, और ना ये कि तुसे किटणिया टोकरिया चकिया थिया? 10 ना तिना चार हजारा रिया सात रोटिया; और ना ये कि तुसे किटणे टोकरे चके थे? 11 तुसे कँऊ नि समजदे कि मैं तुसा खे रोटिया रे बारे रे नि बोलेया? पर ये कि तुसे फरीसी और सदूकीये रे सजेडे ते चौकस रएयो।” 12 तेबे तिना खे समज आया कि प्रभुए तिना खे रोटिया रे सजेडे ते नि पर फरीसी और सदूकीयो रिया शिक्षा ते चौकस रणे खे बोलेया था। 13 यीशु कैसरिया और फिलिप्पिया रे देशों रे आयी की आपणे चेलेया खे पूछणे लगे, “लोक माखे माणूं रे पुत्रों खे क्या बोलोए?” 14 तिने बोलेया, “कोई तो यूहन्ना बपतिस्मा देणे वाला, कोई एलियाह, कोई यिर्मयाह और कोई बोलोए कि ये तो भविष्यबक्तेया बीचा ते कोई एक ए।” 15 तेबे तिने तिना खे बोलेया, “तुसे माखे क्या बोलोए?” 16 शमौन पतरसे जवाब दितेया, “तुसे जिङ्केंदे परमेश्वरो रे पुत्र मसीह ए।” 17 यीशुए तेसखे जवाब दितेया, “ओ शमौन, योने रा पाठु! तूँ धन्य ए; कँऊकि मांस और खूने नि, पर मेरा पिता जो स्वर्गों रे ए, तिने ये गल्ल तांते बुलाई राखी 18 और आऊं बी ताखे बोलूँआ कि तूँ पतरस ए और मां एस पात्थरो पाँदे आपणी मण्डली बनाणी और नरकों रे फाटक एस पाँदे प्रबल नि ऊगे।” (Hades g86) 19 मां ताखे स्वर्गों रे राज्य रिया कुँजियां देणियां और तां जो कुछ तरतिया पाँदे बानणा, से स्वर्गों रे बानेया जाणा और जो कुछ तां तरतिया रे खोलणा, से स्वर्गों रे खुलणा। 20 तेबे तिने चेलेया खे सावधान करी की बोलेया कि केसी गे नि बोलणा कि आऊं मसीह ए। 21 तेस बखतों ते यीशु आपणे चेलेया खे बताणे लगे, “जरुरी ए कि आऊं यस्त्वलेमो खे जाऊं और बुजुर्गा ते, बड़े पुरोर्ईता ते और शास्त्रिया ते दुःख उठाऊं और कुलाया जाऊं और तीजे दिने जिङ्का ऊई जाऊं।” 22 ये सुणी की पतरस तिना खे लग जे लिंगा और थिङ्कणे लगेया, “ओ प्रभु! परमेश्वर नि करो तुसा साथे कदी एडा ओ।” 23 यीशुए मुड़ी की पतरसों खे बोलेया, “ओ शैतान! मेरी नजरा ते दूर ऊई जा, तूँ माखे ठोकरा रा कारण ए, कँऊकि तूँ परमेश्वरो री गल्ला पाँदे नि, पर माणूं रिया गल्ला पाँदे मन लगाएया।” 24 तेबे यीशुए आपणे चेलेया खे बोलेया, “जे कोई मां पीछे आऊणा चाओआ तो आपणे आपू खे ना कारी दो और आपणा कूस आपू चको और मां पीछे आयी जाओ। 25 कँऊकि जो कोई आपणा प्राण बचाणा चाओआ, तेस से खोणा और

जो कोई आपणा प्राण मेरी बजअ ते खोओगा, तेस से पाणा। 26 जे माणूं खे सारी दुनिया मिली जाओ और आपणे प्राण नि रओ, तो क्या फाईदा ऊणा? या माणूं आपणे प्राणों रे बदले क्या देणा। 27 मां माणूं रे पुत्रों आपणे स्वर्गदूता साथे आपणे पिते रिया महिमा रे आऊणा, और तेस बखते मां हर एकी खे तेसरे कामों रे मुताबिक फल देणा। 28 आऊं तुसा खे सच लगी रा बोलणे कि जो एती खड़ी रे, तिना बीचा ते कुछ ऐडे ए, जो तदुओं तक नि मरने, जदुओं तक माणूं रे पुत्रों खे तेसरे राज्य रे आऊँदा ऊआ नि देखी लंओगो।”

17 छे दिनो ते बाद यीशुए, पतरस, याकूब और तेसरा पाई यूहन्ना साथे लये और तिना खे लग जे केथी पाहड़ो पाँदे लईंगे। 2 तेबे तिना सामणे यीशुए री शक्त बदली गी और तिना रा मूँ सूरजो जेडा चमकीगा, तिना रे टालेया रे जेतिया जेडा प्रयासा ऊईगा। 3 तेबे तिना खे मूसा और एलियाह, यीशुए साथे गल्ला करदे ऊए दिखें। 4 ये देखी की पतरसे यीशुए खे बोलेया, “ओ प्रभु! आसा रा एती रणा ठीक ए! जे तेरी इच्छा ए तो आऊं एती तीन तम्बू बणाई देऊं, एक तुसा खे, एक मूसे खे और एक एलियाह खे।” 5 से ये बोलणे ई लगी रा था कि एक प्रयासे वाला बादल तिना पाँदे छाईगा और तेस बादलों ते परमेश्वरो री ये आवाज आई, “ये मेरा प्यारा पुत्र ए, आऊं एसते बक्त खुश ए; एसरी सुणो।” 6 चेले ये सुणी की मुंगो रे पारे रुड़ी गे और बक्त जादा डरी गे। 7 यीशुए नेडे आयी की सेयो छूँए और तिना खे बोलेया, “उठी जाओ, डरो नि।” 8 तेबे तिने आपणी आखी ऊबे चकिया और यीशुए खे छाडी की और कोई नि देखेया। 9 जेबे सेयो पाहड़ो ते उतरने लगी रे थे, तेबे यीशुए तिना खे ये आज्ञा दिती, “जदुओं तक आऊं माणूं रा पुत्र मरे रेया बीचा ते जिङ्काना नि ऊई जाओ, तदुओं तक जो कुछ तुसे देखेया, से केसी गे नि बताणा।” 10 तेबे तिना रे चेलेया तिना ते पूछेया, “तेबे शास्त्री कँऊ बोलोए कि एलियाह रा पईले आऊणा जरुरी ए?” 11 यीशुए जवाब दितेया, “एलियाह तो जरुर आऊणा और तेस सब कुछ सुदारना। 12 पर आऊं तुसा खे बोलूँआ कि एलियाह तो आयी चुकेया रा और लोके से नि पछयाणेया; पर जो चाया, से तेस साथे कितेया, तियां ई माणूं रे पुत्रों बी तिना रे आथो ते दुःख उठाणा।” 13 तेबे चेलेया खे समज आया कि तिने आसा गे यूहन्ना बपतिस्मा देणे वाले रे बारे रे बोलेया। 14 जेबे यीशु पीड़ा रे नेडे आए, तेबे एक माणूं तिना गे आया और कुटणे टेकी की बोलणे लगेया, 15 “ओ प्रभु! मेरे पाऊए पाँदे दया कर, कँऊकि तेसखे मिर्गी ए और तेसखे बक्त दुःख ओआ, से बार-बार पाणिए रे और बार-बार आगी रे पड़ी जाओआ।” 16 आऊं तेसखे तुसा रे चेलेया गे ल्याया था, पर तिना रे बोले से ठीक नि ऊआ।” 17 यीशुए जवाब दितेया, “ओ अविश्वास करने वालेयो और टीट लोको! मां कदुओं तक तुसा साथे रणा? कदुओं तक तुसा खे सईन करूँ? तेसखे औरे ल्याओ मांगे।” 18 तेबे यीशु दुष्टात्मा खे बके और तेबे दुष्टात्मा बारे निकली गी और से पाठु तेसी बखते ठीक ऊईगा। 19 तेबे चेलेया कल्ले जे आयी की यीशुए ते पूछेया, “आसे एसा खे कँऊ नि निकयाली

सके?” 20 तिने तिना खे बोलेया, “आपणे कम विश्वासी री कमिया री बजअ ते; कऊँकि आँऊ तुसा खे सच लगी रा बोलणे कि जे तुसा रा विश्वास एक अऊरिया रे दाणे बराबर बी ऊँदा, तो तुसे एस पाहडो खे बोलोगे, ‘एथा ते पोरो खे सरकी जा’, तो से चली जाणा और कोई बी गल्ल तुसा खे कठण नि ऊणी। 21 पर ये जाति बिना प्रार्थना और बअरतो ते नि निकलदी।” 22 जेबे सेयो गलीलो रे थे, तेबे यीशुए तिना खे बोलेया, आँऊ माणूं रा पुत्र, माणूआ रे आथो रे पकडवाऊणा। 23 तिना आँऊ काई देणा और आँऊ तीजे दिने जिऊँदा ऊई जाणा। ये सुपी की सेयो बऊत दुःखी ऊईगी। 24 जेबे सेयो कफरनहूम पाँछे तेबे मन्दरो रा कर लाणे वालेया, पतरसो गे आयी की पूछेया, “क्या तुसा रा गुरु मन्दरो रा कर नि देंदा?” 25 तिने बोलेया, “आ, देओआ।” जेबे सेयो कअरे आये तेबे यीशुए तेसरे पूछणे ते पईले ई तेसखे बोलेया, “ओ शमौन! तूं क्या समजेया? तरतिया रे राजे कर केस ते लओए? आपणे बच्येया ते या पराया ते?” 26 पतरसे तिना खे बोलेया, “पराया ते!” यीशुए तेसखे बोलेया, “तेबे पाऊ तो बची गे। 27 पर तेबे बी आसे तिना खे ठोकर नि देणा चांदे। तूं समुद्रो रे कनारे जा और बंसी पाणिए रे पा, जो मछली पईले निकलो, तेसा खे लओ और तेसा रा मूँ खोली की ताखे एक सिक्का मिलणा। तेस लओ और आपणे और मेरे बदले तिना खे देई दे।”

18 तेस बखते चेले यीशुए गे आयी की पूछणे लगे, “स्वर्गो रे राज्य रे बडा कुण ए?” 2 यीशुए एक बालक आपू गे बुलाया और तिना बीचे खडा कितेया 3 और बोलेया, “आँऊ तुसा खे सच लगी रा बोलणे कि जदुओ तक तुसे नि फिरो और बच्ये जेडे नि बणो, तुसे स्वर्गो रे राज्य रे नि जाई सकदे। 4 जो कोई एस बच्ये जेडा आपू खे छोटा करोगा, से स्वर्गो रे राज्य रे बडा ऊणा 5 और जो कोई मेरे नाओं ते एडे बालको खे मानोआ, से माखे मानोआ। 6 “पर जो कोई इना छोटेया बीचा ते, जो मां पाँदे विश्वास राखोए, एकी खे बी ठोकर देओगा, तो तेसखे पला ऊँदा कि तेसरे गले रे चाकिकया रा एक बडा पूऱ लटकाई देओ और तेसखे समुद्रे रे सेटी देओ। 7 ठोकरा री बजअ ते एसा दुनिया पाँदे हाय! ठोकरा रा लगणा जरूरी ए; पर हाय तेस माणूं खे जेसरे पापो री बजअ ते ठोकर लगोई। 8 “जे तेरा आथ या पैर ताखे ठोकर देओआ, तो तेस बाढी की सेटी दे, कऊँकि तेरे दो आथ और दो पैर ऊँदे ऊए बी जे तूं अनन्त आगी रे सेटेया जाओआ, तो ताखे बडिया ए कि तूं टूण्डा या लंगडा ऊई की जिन्दगी बिताए। (aiōnios g166) 9 जे तेरी आखी ताखे पापो री बजअ बणो ई, तो तेसा निकयाली की सेटी दे। काणा ऊई कि जिन्दगिया रे जाणा ताखे ये पला ए कि दो आखी रंदे ऊए तूं नरको रिया आगी रे सेटेया जाओ। (Geenna g1067) 10 “देखो, तुसे इना छोटेया बीचा ते केसी खे बी तुच्छ नि जाणना। कऊँकि आँऊ तुसा खे सच लगी रा बोलणे कि स्वर्गो रे तिना रे स्वर्गदूत मेरे स्वर्गिय पिते रे सामणे बिनती करने रे मकसदो ते सदा तिना सामणे आजीर रओए। 11 कऊँकि आँऊ माणूं रा पुत्र राचेया रे खे बचाणे आयी रा। 12 “तुसे क्या सोचोए? जे

मानी लो केसी माणूए गे सौ पेडा ए और तिना बीचा ते एक पेड राची जाओ, तो क्या से तिना नडिनूए पेडा खे छाडी की और पाहडो पाँदे जाई की तेसा राची रिया पेडा खे टोलने नि जाणा? 13 और जेबे तेसखे से पेड मिली जाओ तो आँऊ तुसा खे सच लगी रा बोलणे कि से तिना नडिनूए पेडा खे, जो राची नि रईया थिया, ईतना खुश नि ऊणा, जितणा तेसा राची री एक पेडा खे। 14 एडी ई इच्छा, तुसा रे स्वर्गिय पिते री निए कि इना छोटेया बीचा ते एक बी नाश ओ। 15 “जे तेरा कोई विश्वासी पाई तेरे खलाफ अपराध करो, तो तेसखे कल्ले जे लई जाई की समजेया, जे से तेरी सुणोगा तो तैं आपणा विश्वासी पाई पायी ला। 16 जे से तेरी नि सुणोगा, तो तूं आपू साथे, एकी-दूँड़ी जणे खे ओरी खे बी लई जा, ताकि ‘भूसे रा बिधानो रे मुताबिक हर एक गल्ला री गवाई, दो या तीन जणेया रे मुंओ ते पककी कित्ती जाओ।’ 17 जे से तिना री पनि मानो, तो तूं मण्डलिया खे बोल, पर जे से मण्डलिया री पनि सुणोगा, तो तूं तेसखे दूजी जातिया रा और कर कर लाणे वाला जेडा समज। 18 “आँऊ तुसा खे सच लगी रा बोलणे कि जो कुछ तुसा तरतिया रे खोलणा, से स्वर्गो रे बानेया जाणा और जो कुछ तुसा तरतिया रे खोलणा, से स्वर्गो रे खोलेया जाणा। 19 फेर आँऊ तुसा खे बोल्तूंआ कि जो कोई तरतिया रे दो जणे एक मन ऊई की तिजी खे माँगो, तो से मेरे स्वर्गिय पिते री तरफा ते, जो स्वर्गो रे ए, से तिना खे ऊई जाणा। 20 कऊँकि जेती दो या तीन जणे मेरे नाओं ते कट्टे ओए, तेरी आँऊ तिना बीचे ओऊँआ।” 21 तेबे पतरसे नेडे आयी की यीशुए खे बोलेया, “ओ प्रभु! जे मेरा विश्वासी पाई अपराध ई करदा रओ, तो आँऊ कितणी बार तेसखे माफ करूँ? क्या सात बार तक?” 22 यीशुए तेसखे बोलेया, “आँऊ तुसा खे ये नि बोलदा कि सात बार, बल्कि सात बारा रे सत्तर गुणे तक माफ करो। 23 “तेबई तो स्वर्गो रा राज्य तेस राजे जेडा ए, जिने आपणे दासा ते लेखा लणा चाया। 24 जेबे से लेखा लाणे लगेया, तेबे एक माणूं तेस सामणे ल्याया जो दस हजार सूझने रे सिक्के रा कर्जदार था। 25 जबकि तेसगे कर्ज चुकाणे खे कुछ पनि था। तेबे तेसरे मालके बोलेया, एसखे, एसरी लाडी, एसरे बच्ये और जो कुछ एसरे कअरो रे ए, से सब बेची देयो और तेबे एसरा कर्ज चुकदा ऊई जाणा। 26 तेबे से दास, आपणे मालको रे पैरा पाँदे पड़ी गा और माथा टेकणे लगेया, और बोलणे लगेया, ‘सब्र राख, मां सब वापस करी देणा।’ 27 तेबे तेस दासो रे मालको खे तेस पाँदे तरस आईगा और तिने तेसरा सारा त्वार माफ करी ता। 28 “पर जेबे से दास बारे निकलेया तेबे तेस साथले दास बीचा ते तेसखे एक जणा मिलेया, जो, तेसरे सौ चाँदिए रे सिक्के रा कर्जदार था; तिने से पकड़ी की तेसरा गला कोटेया और बोलेया, ‘जो तांगे मेरा त्वार ए तेस वापस कर।’ 29 तेबे तेस साथला दास तेसरे पैरा पाँदे पड़ी की बोलणे लगेया, ‘सब्र राख, मां तेरा कर्ज चुकाई देणा।’ 30 पर से नि मानेया और तिने से जेला रे पाईता कि जदुओ तक इने मेरा कर्ज नि दितेया, तदुओ तक ये एथी रणा। 31 तेसरा साथी ये देखी की बऊत दुःखी ऊईगा और तिने सारा आल जाई की आपणे मालको गे बताया। 32 “तेबे तेसरे

मालके से बुलाया और तेसखे बोलेया, ओ दुष्ट दास! जेबे तैं मांते प्रार्थना कित्ती थी, तेबे मैं तो तेरा सारा कर्ज माफ करी ता था। 33 जेबे मैं तां पाँदे दया कित्ती, तो ताखे एस पाँदे दया नि करनी चाईयो थी? 34 तेबे मालको खे रोष आईगा और तिने से सजा देणे वालेया गे देईता और बोलेया कि जदुओं तक ये कर्ज नि देई देंदा, तदुओं तक एसखे आपू गे ई राखो। 35 तेबेई तो जो कोई तुसा बीचा ते आपणे विश्वासी पाईरे पाप माफ नि करदा, तो मेरा पिता जो स्वर्गों रे ए, तिना बीं तुसा साथे एड़ा ई करना।”

19 जेबे यीशु इना गल्ला बोली चुके, तेबे सेयो गलील प्रदेशो ते चली गे और यरदन नदिया ते पार यहूदिया प्रदेशो रे आए। 2 तेबे एक बड़ी पीड़ तिना पीछे आईगी और तिने सेयो तेती ठीक कित्ते। 3 तेबे फरीसी तिना खे परखणे खे तिना गे आए और बोलणे लगे, “क्या हर एक बजअ ते आपणी लाडी छाडणी खरी गल्ल ए?” 4 यीशुए जवाब दितेया, “क्या तुसे नि पड़ी राखेया, जिने सेयो बणाई राखे तिने शुरुओं तेर्ई मर्द और जवाणस बणाई की बोलेया, 5 ‘इजी बजअ ते मांणू आपणे माया-बावा ते लग ऊई की आपणिया लाडिया साथे रणा और सेयो दोनो एक तन ऊणे’ 6 तो एबे सेयो, दो नि पर एक तन ए। इजी री खातर, जो परमेशरे जोड़ी राखेया, तिना खे मांणू लग नि करो।” 7 तिने यीशुए खे बोलेया, “तेबे मूसे कऊँ ठराई राखेया कि त्यागपत्र देई की तेसा खे छाडी देओ?” 8 तिने तिना खे बोलेया, “मूसे तुसा रे मनो रे जिद्दी स्वभाव री बजअ ते तुसा खे आपणी लाडी छाडणे री आज्ञा दित्ती; पर शुरुओं रे एड़ा नि था। 9 पर आऊँ तुसा खे सच बोलूँआ कि जो कोई व्याभिचार छाडी की ओर केसी बजअ ते आपणी लाडिया खे त्यागपत्र देई की, केसी दुजिया साथे ब्या करोआ, से व्याभिचार करोआ। जो कोई तेसा छाडी रिया जवाणसा साथे ब्या करोआ, से बी व्याभिचार करोआ।” 10 चेलेया तिना खे बोलेया, “जे मर्दों रा जवाणसा साथे एड़ा सम्बन्ध ए, तो क्या ब्या करना खरा निए?” 11 तिने तिना खे बोलेया, “सोरे ये वचन मानी नि सकदे, बस सेयो ई जिना खे परमेशरे एतेरा दान देई राखेया। 12 कऊँकि कुछ नपुंसक एड़े ए, जो माया रे पेटो तेर्ई एड़े जम्मी रे; और कुछ नपुंसक एड़े ए, जो मांणूए नपुंसक बणाए और कुछ नपुंसक एड़े ए, जिने स्वर्गों रे राज्य खे आपू खेर्ई नपुंसक बणाई राखेया। जो कोई इजी खे समजी सकोआ, ओ समजी लओ।” 13 तेबे लोक बच्चेया खे तिना गे ल्याए, ताकि सेयो तिना पाँदे आपणा आथ राखो और प्रार्थना करो; पर चेले तिना खे बकणे लगे। 14 यीशुए तिना खे बोलेया, “बच्चेया खे मांगे आऊणे देयो और तिना खे ना नि करो, कऊँकि स्वर्गों रा राज्य एड़ेया रा ईए।” 15 तेबे सेयो तिना पाँदे आथ राखीं की तेथा ते चली गे। 16 तेबे एक मांणूए तिना गे आयी की बोलेया, “ओ गुरु! आऊँ एड़ा कुण जा खरा काम करूं कि अनन्त जीवन पाऊँ?” (aiōnios g166) 17 यीशुए तेसखे बोलेया, “तूँ मांते पलाईया रे बारे रे कऊँ लगी रा पूछणे? खरा तो एक ईए, पर जे तूँ जिन्दियां रे जाणा चाओतो, आज्ञा खे मानेया कर।” 18 तिने यीशुए ते पूछेया, “कुण जी आज्ञा ए?”

तिने बोलेया, “अत्या, व्याभिचार, चोरी नि करना और ना चूठी गवाई देणा, 19 आपणे माया-बावा रा आदर करना और आपणे पड़ोसिये साथे आपू जेड़ा प्यार करना।” 20 तिने जवाने तिना खे बोलेया, “इना सबी गल्ला खे तो आऊँ मानूँआ, एबे मांदे किंजी गल्ला री कमी ए?” 21 यीशुए तेसखे बोलेया, “जे तूँ सिद्ध बणना चाया, तो जा, आपणा सारा माल बेची की कंगाला खे देई दे; तेबे ताखे स्वर्गों रे खजाना मिलणा और आयी की, मां पीछे आईजा।” 22 पर इना गल्ला सुणी की से उदास ऊईगा और तेथा ते चली गा, कऊँकि से बऊत साऊकार था। 23 तेबे यीशुए आपणे चेलेया खे बोलेया, “आऊँ तुसा खे सच लगी रा बोलणे कि अमीरा रा स्वर्गों रे राज्य रे जाणा मुश्किल ए। 24 आऊँ तुसा खे फेर बोलूँआ कि परमेशरो रे राज्य रे अमीरा रा जाणा, ऊंटो रा सूर्युद्या रे नाके ते निकलना सान ए।” 25 ये सुणी की चेलेया हैरान ऊई की बोलेया, “तेबे केसरा उद्धार ऊई सकोआ?” 26 यीशुए तिना री तरफा खे देखेया और बोलेया, “मांणूआ ते तो ये ऊई नि सकदा, पर परमेशरो ते सब कुछ ऊई सकोआ।” 27 तेबे पतरसे बोलेया, “देखो, आसे तो सब कुछ छाडी की तुसा पीछे आईगी रे, तो आसा खे क्या मिलणा?” 28 यीशुए तिना खे बोलेया, “आऊँ तुसा खे सच लगी रा बोलणे कि जेबे नई सृष्टि ऊणी और आऊँ मांणू रा पुत्र महिमा रे सिंहासनो रे बैठाणा, तो तुसे बी, जो मां पीछे आयी रे, बारा सिंहासनो पाँदे बैठणे और इसाएलो रे बारा गोत्रा रा न्याय करना 29 और जिने बी आपणे कउर, पाईं, बईं, बाओ, माए, लाडी, बाल-बच्चे और डोरु मां पीछे छाडी राखे, तेसखे सौ गुणा मिलणा और से अनन्त जीवनो रा अक्कदार ऊणा। (aiōnios g166) 30 पर एबे बऊत सारे लोक जो आपणे आपू खे एते दुनिया रे बड़े समजोए, सेयो परमेशरो री नजरा रे छोटे ऊई जाणे, और जिना खे संसार एबु छोटा समजोआ, सेयो परमेशरो री नजरा रे बड़े समजे जाणे।”

20 यीशुए फेर बोलेया, “स्वर्गों रा राज्य केसी कअरो रे मालको जेड़ा ए, जो प्यागा निकलेया, ताकि आपणे अँगूरा रे बगीचे रे मजूरदार लगाओ। 2 तेबे तिने मजूरदारा री त्याड़ी एक चौंदिए रे सिक्के रे बराबर देणी कित्ती और सेयो आपणे अँगूरा रे बगीचे रे पेजे। 3 तेबे तिने पईदे पझैर बजारो रे जाई की कुछ ओर मजूरदार बेकार खड़े रे देखे। 4 तिने तिना खे बोलेया, ‘तुसे बी अँगूरा रे बगीचे रे जाओ और जो कुछ ठीक ऊणा, से तुसा खे देऊँगा।’ 5 तेबे सेयो बी काम करने खे चली गे। 5 तेबे तिने दूजे और तीजे पईदो रे नेडे निकली की एड़ा ई कितेया। 6 तेबे एक कंटा दिन रखे और तिने फेर दूजे खड़े देखे और तिना खे बोलेया, ‘कऊँकि आसे किने त्याडिया पाँदे निए लगाए रे।’ 7 तिने तिना खे बी बोलेया, ‘तुसे बी अँगूरा रे बगीचे रे काम करने जाओ।’ 8 “सॉजा अँगूरा रे बगीचे रे मालके आपणे पण्डारिये खे बोलेया, ‘मजूरदारा खे बुलाई की पिछलेया ते लई की आगलेया तक सबी खे मजदूरी देई दे।’ 9 जेबे सेयो आए तेबे जो एक कंटे री त्याडिया पाँदे थे आए रे, तिना खे एक दिनो री त्याडी एक चौंदिए रे सिक्के रे बराबर मिली। 10 जो पईदो थे आए रे तिने सोचेया

कि आसा खे तो जादा मिलणा, पर तिना खे बी एकी दिनो री त्याड़ी एक चाँदिए रे सिक्के के बराबर मिली। 11 जेबे त्याड़ी मिलीगी, तेबे सेयो मनो रे मालको खे कुड़कुड़ाणे लगे और बोलणे लगे 12 ‘कि जो आसा ते बादो ते आए थे तिने तो एक ईं कंटा काम कित्तेया था और तिना खे बी आसा बराबर ईं दित्तेया और जिने पूरा दिन काम कित्तेया, पा अर चकेया और तूप सईन किती?’ 13 तिने तिना बीचा ते एकी जणे खे जवाब दित्तेया, ‘ओ दोस्त! मैं तां साथे कोई अन्याय निए कि कित्तेया रा, क्या तैं ई माखे एक दिनो री त्याड़िया खे नि बोलेया था? 14 जो तेरी त्याड़ी बणी ई, तेस चक और चली जा; मेरी ये इच्छा ए कि जितणा ताखे देंऊँ, तिथणा ई पछले खे बी देंऊँ। 15 क्या ये ठीक निए कि आऊँ आपणे मालो साथे जो चाऊँ से करूँ। क्या तूँ मेरे खरे ऊँदे ऊए बी माखे बुरी नजरा ते देखेया?’ 16 पर एवे बऊत सारे लोक जो आपणे आपू खे एते दुनिया रे बड़े समजोए, सेयो परमेशरो री नजरा रे छोटे ऊई जाणे, और जिना खे संसार एबु छोटा समजोआ, सेयो परमेशरो री नजरा रे बड़े समजे जाणे।’ 17 यीशु यस्तलेम नगरो खे जांदे ऊए आपणे बारा चेलेया खे लग जे लझी और बाटा रे तिना खे बोलणे लगे, 18 ‘देखो, आसे यस्तलेम नगरो खे चली रे और आऊँ माणूं रा पुत्र, बड़े पुरोर्ईत और शास्त्रिया ते पकड़वाऊणा और तिना आऊँ काणे जोगा ठारणा। 19 तिना आऊँ दुजिया जातिया रे आथो रे देई देणा, ताकि सेयो मेरा मजाक ऊड़ाओ, कोडे बाओ और क्रूसो पांदि चढ़ाओ। पर आऊँ नीजे दिने जिंकेंदा ऊई जाणा।’ 20 तेबे जब्दिए रे पाऊआ री आम्मा आपणे पाऊआ साथे आयी और यीशुए गे माथा टेकेया और तिना ते कुछ मांगणे लगी। 21 यीशुए तेसा खे बोलेया, “तूँ क्या चाए ई?” तेसे बोलेया, “आऊँ चाऊँई कि तूँ वादा कर कि मेरे ये दोनो पाऊ, तेरे राज्य रे, एक दाँण और एक खूँजे कनारे बैठो।” 22 यीशुए जवाब दित्तेया, “तुसे नि जाणदे कि क्या लगी रे मांगणे? जो दुःख आऊँ सईन करने वाला ए, क्या से दुःख तुसे सईन करी सकोए?” तिने बोलेया, “आसे सईन करी सकूँए।” 23 यीशुए तिना खे बोलेया, “तुसे मेरा दुःख तो सईन करी सकोए, पर आपणे दाँणे और खूँजे बठयालना मेरा काम निए, पर जो मेरे पिते री तरफा ते त्यार ए कित्ते रे, तिना राए।” 24 ये सुणी की बाकि दस चेलेया खे तिना झूँई पाईया पांदि रोष आया। 25 यीशुए सेयो आपू गे बुलाए और बोलेया, “तुसे जाणोए कि दूजी जातिया रे हाकिम तिना पांदि राज करोए और जो बड़े ए, सेयो तिना पांदि अक्क जमाओए। 26 पर तुसा बीचे एडा नि ऊणा; पर जो कोई तुसा बीचा ते बडा ऊणा चाओआ, से तुसा रा दास बणो 27 और जो तुसा बीचा ते प्रदान ऊणा चाओआ, से तुसा रा दास बणो। 28 जेडा की माणूं रा पुत्र, से इजी खे नि आयी रा कि तेसरी देख-बाल करो, पर इजी खे आयी रा कि से देख-बाल करो और बऊत जणेया खे छुड़ाणे री खातर आपणे प्राण देई देओ।” 29 जेबे सेयो यरीहो नगरो ते निकलने लगी रे थे, तेबे एक बड़ी पीड़ तिना पीछे आईगी। 30 तेबे दो अन्दे, जो सङ्का रे कनारे बैठी रे थे, तिने जेबे ये सुणेया कि यीशु जाणे लगी रे, तो सेयो आक्का पायी की बोलणे लगे,

“ओ प्रभु! दाऊदो री ल्वाद, आसा पांदे दया कर।” 31 लोक तिना खे बकणे लगे कि चुप रओ, पर सेयो ओर बी चींगी की बोलणे लगे, “ओ प्रभु! दाऊदो री ल्वाद, आसा पांदे दया कर।” 32 तेबे यीशुए खड़े ऊई की सेयो बुलाए और बोलेया, “तुसे क्या चाओए कि आऊँ तुसा खे करूँ?” 33 तिने बोलेया, “ओ प्रभु! ये कि महारिया आखी खुली जाओ।” 34 यीशुए खे तिना पांदे तरस आया और तिने तिना रिया आखिया छूँईया और सेयो तेबुई देखणे लगे और सेयो तिना पीछे चलणे लगे।

21 जेबे सेयो यस्तलेम नगरो रे नेडे पकँछी की जैतून पाढ़ो पांदे

बैतफगे गांव रे नेडे आए, तेबे यीशुए आपणे दो चेले ये बोली की पेजे 2 “आपणे सामणे रे गांव रे जाओ, तेती पकँछदे ई तुसा खे एक गह्दी बानी री मिलणी और तेसा साथे एक बच्चा तुसा खे मिलणा, तिना खे खोली की मांगे ली आओ। 3 जे तुसा खे कोई कुछ बोलोगा, तेबे तिना खे बोलणा कि प्रभुए खे इना ते कुछ मतलब ए, तेबे तिना तेबुई से पेजी देण।” 4 ये तेबे ऊआ ताकि जो वचन भविष्यवक्ते बोलेया था, से पूरा ओ; 5 “सिय्योनो री बेटिया खे बोलो, ‘देख, तेरा राजा तांगे आओआ, से नम्र ए और गह्दे पांदि बैठी रा, बल्कि लादूओ रे बच्चे पांदि।’” 6 चेलेया जाई की जिंयाँ यीशुए बोलेया था तिंयाँ ई कित्तेया। 7 गह्दिया और बच्चे खे ल्याई की तिना पांदे आपणे टाले पाए और यीशु तिना पांदे बैठीगे। 8 तेबे बऊत जणेया आपणी-आपणी चादरी बाटा रे बछाइतिया और कई खजूरे रिया डालिया बाडी-बाडी की तिना रे स्वागतो खे की बछाइतिया। 9 जो पीड़ आगे-आगे और पीछे-पीछे चली री थी, से आक्का पाई-पाई की बोलणे लगी री थी, “दाऊदो री ल्वाद खे होशन्ना; धन्य ए से, जो प्रभुए रे नाओं ते आओआ, स्वर्गो रे होशन्ना।” 10 जेबे सेयो यस्तलेम नगरो रे पकँछे, तो सरे नगरो रे अलचल ऊईगी और लोक बोलणे लगे, “ये कुण ए?” 11 लोके बोलेया, “ये गलीलो रे नासरतो रा भविष्यवक्ता यीशु ए।” 12 यीशुए परमेशरो रे मन्दरो रे जाई की सेयो सब जणे निकयाली ते, जो लेण-देण लगी रे थे करने और सराफो रे पीढे और कबूतरा खे बेचणे वालिया चौकिया मूँदिया करी तिया। 13 और तिना खे बोलेया, “लिखी राखेया, ‘मेरे कअरो खे प्रार्थना रा मन्दर बोलोए,’ पर तुसे से डाकूआ रा डवार बणाई ता रा।” 14 तेबे अन्दे और लंगडे, मन्दरो रे तिना गे आए और तिने सेयो ठीक करी ते। 15 पर जेबे, बड़े पुरोर्ईत और शास्त्रिए, ये अचम्बे वाले काम, जो तिने किते थे और लोका खे मन्दरो रे “दाऊदो री ल्वाद खे होशन्ना,” बोलदे उए देखेया, तो सेयो बऊत रोषे ऊईगी 16 और बोलणे लगे, “क्या तूँ सुणने लगी रा कि लोक क्या लगी रे बोलणे?” यीशुए तिना खे बोलेया, “आ; क्या तैं ये कदी नि पढ़ेया कि, ‘बालक और दूद पीणे वाले बच्चेया रे मुओं ते तैं अपार स्तुति कराई?’” 17 तेबे सेयो तिना खे छाडी की नगरो ते बारे बैतनिय्याहो खे गए, और राथियो खे तेथी रए। 18 प्यागा जेबे सेयो नगरो खे आऊणे लगी रे थे, तो तिना खे पूख लगी। 19 तेबे तिने सङ्का रे कनारे दाऊगले रा एक डाल देखी की

तेसगे चली गे, पर तिदे पत्तेया खे छाडी की ओर कुछ नि था, तेबे तिने बोलेया, “आजो ते तांदे कोई फल नि लगणा!” और दाऊगले रा डाल तेबुई सूकी गा। (aiōn g165) 20 ये देखी की चेले हैरान ऊँड़ीं और पूछणे लगे, “ये दाऊगले रा डाल एबु ई किंयाँ सूकी गा?” 21 यीशुए तिना खे जवाब दित्तेया, “आऊं तुसा खे सच लगी रा बोलणे कि जे तुसे विश्वास राख्यो और शक नि करो तो, तुसा इतणा ई नि करना, जो एस दाऊगले रे डालो साथे ऊआ; पर जे एस पाढ़ो खे बी बोलागे, कि ‘पट्टी जा, और समुद्रो रे पड़ी जा,’ तो ऊई जाणा। 22 और जो कुछ तुसे प्रार्थना रे विश्वासो साथे मांगोगे, तो से सब तुसा खे मिली जाणा।” 23 जेबे सेयो मन्दरो रे उपदेश लगी रे थे करने, तेबे बड़े पुरोहित और लोका रे बुजुर्ग तिना गे आए और पूछणे लगे, “तूँ इना कामा केसरे अक्को ते करेया? और ताखे ये अक्क किने देई राखेया?” 24 यीशुए तिना खे जवाब दित्तेया, “आऊं बी तुसा ते एक गल्ल पुँछआ, जे तुसे बताओगे, तो मां बी बताई देणा कि आऊं इना कामा केसरे अक्को ते करूँआ। 25 यूहन्ने रा बपतिस्मा केथा ते था? स्वर्गो रिया तरफा ते या मांणूए रिया तरफा ते?” सेयो आपू बीचे बिचार करने लगे, “जे आसे बोलूँगे कि ‘स्वर्गो री तरफा ते’, तो एस पूछणा, ‘तेबे तुसे तेसरा विश्वास कऊँ नि कित्तेया?’ 26 और जे बोलूँगे, ‘मांणूए री तरफा ते’, तो आसा खे लोका रा डर ए, कऊँकि यो सब तेसखे भविष्यबक्ता जाणे थे।” 27 तो, तेबे तिने यीशुए खे जवाब दित्तेया, “आसे नि जाणदे।” तेबे तिने बी तिना खे बोलेया, “तेबे आऊं बी तुसा खे कुछ नि बतांदा कि इना कामा केसरे अक्को ते करूँआ। 28 “एस उदारणो रे बारे रे तुसे क्या समजोए? केसी मांणूए रे दो पाऊ थे; तिने पईले पाऊए गे जाई की बोलेया, ‘ओ पाऊ, आज अँगूरा रे बगीचे रे जा और काम कर।’ 29 तिने बोलेया, ‘मां नि जाणा,’ पर से बादो ते मनो रे पछताई की चली गा। 30 तेबे पिते दूजे गे जाई की बी एड़ा ई बोलेया, तिने जवाब दित्तेया, ‘अच्छा जी जाऊँआ,’ पर गया नि। 31 इना दूँझ बीचा ते किने पिते री इच्छा पूरी कित्ती?” तिने बोलेया “पईले।” यीशुए तिना खे बोलेया, “आऊं तुसा खे सच लगी रा बोलणे कि कर लणे वाले और वेश्या, तुसा ते पड़ले परमेशरो रे राज्य रे जाओए। 32 कऊँकि बपतिस्मा देणे वाला यूहन्ना तर्मो री बाट बतांदे ऊए तुसा गे आया और तुसे तेसरा विश्वास नि कित्तेया, पर कर लणे वाले और वेश्या तेसरा विश्वास कित्तेया और तुसे ये देखी की बादो ते पनि पछताए कि तेसरा विश्वास करी लंदे। 33 “एक ओर उदारण सुणो कि एक करेलू मालक था। जिने अँगूरा रा बगीचा लगाया और तिजी रे चऊँ कनरे बाड़ लगाया और अँगूरा रे रसो खे पाठ्यरो दे एक गड्हा खणेया, जुगाली बणाई और ठेकेदारा खे तिजी रा ठेका देई की परदेशो खे चली गा। 34 जेबे फलो रा बखत नेड़े आया तेबे तिने आपणे दास तिजी रा फल लणे तिना ठेकेदारा गे पेजे। 35 पर ठेकेदारे तेसरे दास पकड़ी की कोई कूटे, कोई काई ते और केसी खे पाठ्यर बाए। 36 तेबे तिने पईले ते जादा दास पेजे, पर तिने तिना साथे बी तेड़ा ई कित्तेया। 37 आखरी रे तिने आपणे पाऊए तिना गे ये सोची की पेजेया कि तिना मेरे पाऊए रा आदर करना।

38 पर ठेकेदारे पाऊए खे देखी की आपू बीचे ये बोलेया, “ये तो बारस ए, आओ एसखे काई देऊए और एसरी जायदात लयी लऊए।” 39 तेबे तिने से पकड़ेया और अँगूरा रे बगीचे ते बारे निकयाली की काई ता। 40 बादो ते जेबे अँगूरा रे बगीचे रा मालक आऊणा, तो तेस तिना ठेकेदारा साथे क्या करना?” 41 तिने यीशुए खे जवाब दित्तेया, “तेस बुरे लोक बुरी तरभ ते नाश करने और अँगूरा रे बगीचे रा ठेका केसी ओरी ठेकेदारा गे देई देणा। जिना बखतो पाँदे तेसखे फल देई देया करना।” 42 यीशुए तिना खे बोलेया, “क्या तुसे पवित्र शास्त्रो रे ये कदी नि पढ़ेया, “जो पात्थर राजमिस्त्रिए नकम्मा ठराया, सेई कूणे रे सिरे रा पात्थर ऊईगा। ये प्रभुए रिया तरफा ते ऊआ, पर आसा री नजरा रे नजरुआ ईए?” 43 “तेबुई तो आऊं तुसा खे बोलूँआ कि परमेशरो रा राज्य तुसा ते लई लणा और एड़िया जातिया गे देई देणा, जो फल ल्याओ। 44 जो एस पात्थरो पाँदे पड़ना, से चूर-चूर ऊई जाणा और जेस पाँदे ये पड़ना, तेस से पीसी देणा।” 45 बड़े पुरोहित और फरीसी तिना रे उदारण सुणी की समजी गे कि सेयो आसा रे बारे रे लगी रे बोलणे। 46 तेबे तिने सेयो पकड़ने चाए, पर लोका ते डरी गे, कऊँकि सेयो तिना खे भविष्यबक्ता मानो थे।

22 तेबे फेर यीशु तिना साथे उदारणा रे बोलणे लगे, 2 “स्वर्गो रा राज्य तेस राजे जेड़ा ए, जिने आपणे पाऊए रा ब्या कित्तेया। 3 तेबे तिने आपणे दास पेजे कि जाओ, निऊँदा दित्ते रे लोका खे ब्याओ री पाटिया रे बुलाओ, पर तिने आऊणा नि चाया। 4 तेबे तिने आपणे दास ये बोली की पेजे, निऊँदा दित्ते रे लोका खे बोलो, देखो, आऊं पाट्टी त्यार करी चुकेया रा। मेरे बलद और पाले रे डांगर सब बाडी ते रे; और सब कुछ त्यार ए, ब्याओ री पाटिया रे आओ। 5 पर तिने कोई परवा नि कित्ती और कोई आपणे डोरुआ खे और कोई आपणे कामो खे चली गा। 6 और जो बचे, तिने सेयो दास पकड़े और तिना रा मजाक ऊड़ाया और काई ते। 7 जेबे राजे ये सुणेया तेबे तिना खे रोष आईगा और तिने आपणी सेना पेजी और जो अत्यारे थे, तिना रा सत्यानाश करी ता और तिना रे नगर फूकी ते। 8 तेबे तिने आपणे दासा खे बोलेया, ब्याओ री रोटी तो त्यार ए, पर खाणे वाले नि आए। 9 एवे एड़ा करो कि चौको रे जाओ और जितणे लोक तुसा खे मिलोगे, तिना खे रोटी खाणे ली आओ। 10 तेबे तिने दासे सङ्का दे जाई की क्या खरे बुरे जो बी मिले सबी खे कट्टे करी की ली आया और ब्याओ रा कअर मांणूआ साथे फरी गा। 11 “जेबे राजा मईमाना खे देखणे पीतेरे गया, तेबे तिने देखेया कि एक मांणूए ब्याओ रे टाले नि थे पझने रे जो राजे ब्याओ खे तेसखे पईनणे खे दित्ते थे? और से मांणू चुप ऊईगा। 13 तेबे राजे, दासा खे बोलेया कि एसरे आथ-पैर बानो और एसखे बारे न्होरे रे राखी देओ, तेती रोणा और दाँद किरड़ना ई ऊणा। 14 कऊँकि बुलाए रे तो बऊत ए, पर चुणे रे थोड़े ईए।” 15 तेबे फरीसी गए और आपू बीचे सोच-बिचार लगे करने कि एसखे किंयाँ फसाइए? 16 तेबे यहूदी अगुवे यीशु गल्ला रे फसाणे री

तईं कई फरीसी चेले और हेरोदेस राजे रा समर्थन करने वाले यहूदी तिना गे पेजे। और तिने आयी की तिना खे बोलेया, “ओ गुरु! आसे जाणूंए कि तुसे सच्चे और परमेशरो री बाट सच्चाईया साथे सिखाओए, और केसी री परवा नि करदे, कऊँकि तुसे माणूंगा रा मूँ देखी की गल्ल नि करदे। 17 तो तुमे आसा खे बताओ कि तुमे क्या समजोए? कैसरो खे कर देणा खरा ए, या नई” 18 यीशुए खे तिना री दुष्टा पता थी और तिने बोलेया, “ओ कपटियो; माखे कऊँ परखोए? 19 करो रा सिक्का मांगे दखाओ।” तेबे सेयो तिना गे एक चौंदिए रा सिक्का ली आए। 20 तिने तिना ते पूछेया, “ये मूर्ति और ये नाओं केसरा ए?” 21 तिने बोलेया, “कैसरो रा!” तेबे तिने बोलेया, “जो कैसरो राए से कैसरो खे और जो परमेशरो राए से परमेशरो खे देओ।” 22 ये सुणी की सेयो हैरान ऊँझी और तिना खे छाडी की चली गे। 23 तेसी दिने सदूकी, जो बोलो थे कि जो मरी जाओए तिना रा दुबारा जन्म नि ऊँदा, यीशुए गे आए और पूछणे लगे, 24 “ओ गुरु, मूसे बोलेया था कि जे कोई बिना ल्वादा ते मरी जाओ, तो तेसरा पाई तेसरी लाइया साथे ब्या करी लओ और आपणे पाई खे वंश पैदा करो। 25 एवे आसा रे सात पाई थे, पर्झिला पाई ब्या करी की बिना ल्वादा तई मरी गा और ल्वाद ना ऊणे री बजअ ते आपणी लाडिया खे आपणे पाई खे छाडी गा। 26 तियाँ ई दूजे और तीजे बी एड़ा ई कितेया और साता साथे एड़ा ई ऊआ। 27 सबी ते बादो ते, से जवाणस बी मरी गी। 28 जेबे से जिऊँदी ऊणी तो केसरी लाडी ऊणी? कऊँकि से तो सबी री लाडी रई चुकी थी।” 29 यीशुए तिना खे जवाब दितेया, “तुसे पवित्र शास्त्र और परमेशरो री सामर्थ नि जाणदे, तेबेई तो तुसा ते पूल ऊई री। 30 कऊँकि जेबे जिऊँदे ऊणे, तेबे ब्या-शादिया नि ऊणिया, पर सेयो स्वर्गो रे परमेशरो रे स्वर्गदूतो जेडे ऊणे। 31 पर क्या तुसे, मरे रे जिऊँदे ऊणे रे बारे रे ये वचन नि पढ़ेया, जो परमेशरे तुसे खे बोलेया, 32 आऊँ अब्राहमो रा परमेशर, इसहाको रा परमेशर और याकूबो रा परमेशर आ? सेयो मरे रेया रे नि, पर जिऊँदेया रे परमेशर ए।” 33 ये सुणी की लोक तिना रे उपदेशो ते हैरान ऊँझी। 34 जेबे फरीसिये सुणेया कि तिने सदूकिये रे मूँ बन्द करी ते, तो सेयो कहु ऊई। 35 तेबे तिना बीचा ते एक धर्मशास्त्रीए परखणे खे तिना ते पूछेया, 36 “ओ गुरु! बिधानो रे कुण जी गल्ल बड़ी ए?” 37 यीशुए तेसखे बोलेया, “तूँ परमेशर आपणे प्रभुए साथे, आपणे पुरे मन, आपणे पुरे प्राण और आपणी पूरी अकला साथे प्यार राख। 38 बड़ी और मुख्य आज्ञा तो येईए। 39 और एसा ई जेडी ये दूजी बी ए, ‘तूँ आपणे पड़ोसिये साथे आपू जेडा प्यार राख।’ 40 येई दो आज्ञा सारा बिधान और भविष्यबक्तेया रा आधार ए।” 41 जेबे फरीसी कहु थे, तेबे यीशुए तिना ते पूछेया, 42 “मसीह रे बारे रे तुसे क्या समजोए? से केसरी ल्वाद ए?” फरीसिये बोलेया, “दाऊदो री।” 43 तेबे तिने फेर पूछेया, “तेबे दाऊद आत्मा रे परी की तेसखे प्रभु कऊँ बोलोआ? 44 प्रभुए, मरे प्रभुए खे बोलेया, ‘मेरे दाँगे बैठ, जदुओ तक आऊँ तेरे बैरिया खे तेरे पैरा निठे नि ल्याई देऊँ।’ 45 तो, जेबे दाऊद तेसखे प्रभु बोलोआ, तो से तेसरा

पुत्र किंयाँ ऊआ?” 46 इज्जी रा जवाब कोई नि देई सकेया। पर तिजी ते बादो ते केसी खे बी तिना ते कुछ पूछणे री इम्मत नि ऊई।

23 तेबे यीशुए पीड़ा खे और आपणे चेलेया खे बोलेया, 2 “शास्त्री

और फरीसी, मूसे रे बिधानो खे अकको साथे बताओ थे। 3 तो, सेयो तुसा खे जो कुछ बोलो, से करना और मानणा, पर तिना जेडे काम नि करना, कऊँकि सेयो ओरी खे सिखाओ तो आए, पर आपू तिना कामा खे करदे नि। 4 सेयो लोका खे एड़े-एड़े कड़े नियम मानणे खे मजबूर करो थे जिना खे मानणा तिना खे बऊत कठण ए। पर आपू तिना नियमा खे मानणे री बी कोशिश तक नि करदे। 5 सेयो आपणे सारे काम लोका खे दखाणे री तईं करोए, सेयो आपणे जन्त्र चौड़े करोए और आपणे टालेया रे पल्ले बड़ाओ ए। 6 पाढ़िया रे खास-खास जगा और प्रार्थना रे कअरो रे खास-खास जगा 7 और बजारो रे नमस्ते और माणूआ ते गुरु बुलाणा तिना खे अच्छा लगोआ। 8 पर तुसे आपणे आपू खे गुरु नि बुलाणा; कऊँकि तुसा रा एक ई गुरुए और तुसे सब आपू बीचे पाई ए। 9 तरतिया रे केसी खे आपणा पिता नि बोलणा, कऊँकि तुसा रा एक ई पिता ए, परमेशर जो स्वर्गो रे ए। 10 और मालक पनि बुलाणा, कऊँकि तुसा रा एक ई मालक ए, मतलब-मसीह। 11 जो तुसा बीचा ते बड़ा ओ, से तुसा रा दास बणो। 12 जो कोई आपू खे बड़ा बणाओगा, से छोटा ऊणा; और जो कोई आपू खे छोटा बणाओगा से बड़ा ऊणा। 13 “ओ कपटी शास्त्री और फरीसियो तुसा पौंद हाय! तुसे माणूआ खे स्वर्गो रे राज्य रा द्वार बंद करोए। तुसे ना तो आपू ई तेती जाए और ना ई तिदे जाणे वालेया खे जाणे दें। 14 ओ कपटी शास्त्री और फरीसियो तुसा खे हाय! तुसे बिदुआ रे कअर खाई जाओए और दखाणे री तईं बऊत देर तक प्रार्थना करदे रहोए, तेबेई तो तुसा खे जादा सजा मिलणी। 15 “ओ कपटी शास्त्री और फरीसियो तुसा खे हाय! तुसे एकी जणे खे आपणे मतो रे ल्याऊणे री तईं सारे जल और थलो रे फिरोए और जेबे से तुसा रे मतो रे आयी जाओआ, तो तेसखे आपू ते दुणा नरको री सजा जोगा बणाई देओए। (Geenna g1067) 16 “ओ अन्दे अगुओ तुसा खे हाय! जो बोलोए कि जे कोई मन्दरो री कसम खाओ तो कुछ नि, पर जो मन्दरो रे सूझने री कसम खाओगा तो तिना खे तेसा कसमा खे पूरा करना जरूरी ए। 17 ओ मूर्खों और अन्दो कुण बड़ा ए, सुईना या से मन्दर, जेते साथे सुईना पवित्र ओआ? 18 फेर बोलोए कि जे कोई बेदिया री कसम खाओ तो कुछ निए, पर से पैट जो तिजी पौंद ए, तेतेरी कसम खाओगा, तो तिना खे तेसा कसमा खे पूरा करना जरूरी ए। 19 ओ अन्दो! कुण बड़ा ए, पैट या बेदी; जेते साथे पैट पवित्र ओई? 20 तेबेई तो, जो बेदिया री कसम खाओआ, से तेतेरी और जो बी तेते पैट ए, तेतेरी बी कसम खाओआ। 21 जो मन्दरो री कसम खाओआ, से तेतेरी और तिदे रणे वालेया री बी कसम खाओआ। 22 जो स्वर्गो री कसम खाओआ, से परमेशरो रे सिंहासनो री और तिदे बैठणे वालेया री बी कसम खाओआ। 23 “ओ कपटी शास्त्री और फरीसियो तुसा खे हाय! तुसे पर्दीने, संफ और जीरे रा दसुआ पाअग देओए, पर

तुसे विधानो रिया गूढ़ गल्ला मतलब न्याय, कृपा और विश्वास छाड़ी तेरे, तुसा खे चाईयो था कि इना खे बी करदे रंदे और तिना खे पनि छाड़दे। 24 ओ अन्दे अगुओ! तुसे छोटिया-छोटिया गल्ला रे नियम तो ईयां मानी लओए जियाँ माच्छरो खे पाणिए ते कनारे ताली देओए! पर परमेशरो री खास आज्ञा खे टालना, तुसा खे ऊंटो खे निगली जाणे रे बराबर ए। 25 “ओ कपटी शास्त्रियो और फरीसियो तुसा खे हाय! तुसे तिना कठोरे और थालिया जेडे ए, जिना खे पाँदा-पाँदा ते तो मांजी लओए, पर पितरे तिना रे गन्दगी परी री रओई। 26 हे अन्दे फरीसी, पर्झिले कठोरे और थालिया खे पीतरा ते मांजी लओ ताकि से बारा ते बी साफ ओ। 27 “ओ कपटी शास्त्रियो और फरीसियो तुसा खे हाय! तुसे चूना फिरी री कब्रा जेडे ए, जो पाँदा ते तो सुन्दर दिशोई पर, पर पीतरा ते मेरेया रिया अहिया और सारिया गन्दे कामो साथे फरी रिये। 28 तिंयाँ ई तुसे बी, सामणे तो आपणे-आपू खे लोका खे तर्मी दखाओ ए, पर पीतरो ते कपट और पापो साथे फरे रे ए। 29 “ओ कपटी शास्त्रियो और फरीसियो तुसा खे हाय! तुसे भविष्यबक्तेया रिया कब्रा सजाओए और तर्मिया रे समारक बणाओए। 30 और बोलोए, ‘जे आसे आपणे बाप-दादेया रे बखतो रे ऊंटे, तो भविष्यबक्तेया रिया अत्या रे तिना रा साथ नि देंदे।’ 31 इज्जी ते तो तुसे आपू ई आपणे खलाफ गवाई देओए कि तुसे भविष्यबक्तेया खे काणे वालेया रे ल्वाद ए। 32 तो तुसे आपणे बाप-दादेया रे जो बुरे काम तिने करी राखे तिजी खे पूरा करने वाले ओ। 33 ओ जईरीले सापो जेडे लोको, और जईरीले सापो री ल्वाद! तुसे ये किंयाँ सोचा ला तुसे नरको रे दण्डो ते बची जाणे? (Geenna g1067)

34 तेबैई तो देखो, आऊँ तुसा गे भविष्यबक्ता खे, अकलमंदा खे और शास्त्रिया खे पेजुँआ और तुसा तिना बीचा ते कुछ लोक काणे और कुछ लोक कूसो पाँदे चढ़ाई देणे और कईया खे आपणे प्रार्थना रे कठोरो रे कोडे बाणे और सेयो एकी नगरो ते दूजे नगरो खे नठोण। 35 जिदे तर्मी हाबिलो ते लई की बिरिक्याहो रा पाऊ जकरयाहो तक, जो तुसे मन्दरो रे और बेदिया बीचे काए थे, जितणे तर्मिया रा खून तरतिया रे बर्यी रा, तेतेरी सजा तुसा सबी खे मिलणी। 36 आऊँ तुसा खे सच बोलूँआ कि इना सबी अत्या री सजा एस बखतो रे सबी लोका खे मिलणी। 37 “ओ यरुशलेमो रे लोको, ओ यरुशलेमो रे लोको! तूँ जो भविष्यबक्तेया खे काओआ और जो तांगे पेजी राखे, तिना खे पात्थर बाएआ, किंतणी बार मैं चाया कि जियाँ मुर्गी आपणे बच्चेया खे आपणे पंखो निठे कट्टा करी की समालौई, तियाँ ई आऊँ बी चाऊँआ कि तेरे बालका खे कट्टा करी की समालूँ। पर तुसे नि चाया। 38 देखो, तुसा रा कअर तुसा खे उजाड़ी की छाडीता। 39 कऊँकि आऊँ तुसा खे बोलूँआ कि एबुए ते जदुओ तक तुसे नि बोलोगे, ‘धन्य ए सेयो, जो प्रभुए रे नाओए ते आओए’ तदुओ तक तुसा आऊँ फेर कदी नि देखणा।”

24 जेबे यीशु मन्दरो ते निकली की जाणे लगी रे थे, तेबे तिना रे चेले मन्दरो री रचना दखाणे खे तिना गे आए। 2 यीशु तिना खे बोलेया, “तुसे जो ये सब कुछ लगी रे ना देखणे, आऊँ तुसा खे सच लगी

रा बोलणे कि एती जो पात्थरो पाँदे पात्थर लगी रे, सब टाले जाणे।” 3 जेबे यीशु जैतूनो पाढ़ो पाँदे बैठे रे थे, तेबे चेलेया लग जे आयी की तिना खे बोलेया, “आसा गे बताओ कि यो गल्ला कदी ऊणिया? तुसा रे आऊणे रा और दुनिया रे आखरी रा क्या चिह्न ऊणा?” (aiōn g165) 4 यीशुए तिना खे जवाब दितेया, “चौकस रओ कि कोई तुसा खे बईकाओ नि। 5 कऊँकि बऊत जणे एडे ऊणे जो, मेरे नाओं ते आऊणे और बोलणा, ‘आऊँ मसीह ए’, और तिना बऊत जणे भरमाणे। 6 तुसा लड़ाई और लड़ाईया रे बारे रे सुणो, पर कबराणा नि कऊँकि इना रा ऊणा जरूरी ए, पर तेस बखते अंत नि ऊणा। 7 कऊँकि जातिया पाँदे जातिया और राज्य पाँदे राज्य अमला करना और जगा-जगा अकाल पड़ना और इल्लण ऊणे। 8 इना सबी गल्ला ते, पीड़ा री शुरूआत ऊणी। 9 तेबे सेयो लोक जो तुसा रे खलाफ ए क्लेश देणे खे तुसे पकड़वाणे और तुसे काणे और मां पाँदे विश्वास करने री बजअ ते सबी जातिया रे लोका तुसा ते बैर राखणा। 10 तेबे बऊत जणेया विश्वास करना छाडी देणा और एकी-दूजे पकड़वाणे और एकी-दूजे ते बैर राखणा। 11 बऊत सारे चूठे भविष्यबक्ता आऊणे और तिना बऊत लोक भरमाणे। 12 पापो रे बड़ने ते बऊत जणेया एकी दूजे साथे प्यार नि राखणा। 13 पर जो आखरी तक सब्र राखोगा, तेसरा ई उद्घार ऊणा। 14 और राज्य रा ये सुसमाचार सारी दुनिया रे प्रचार ऊणा, ताकि सब देशो रे लोका खे सुसमाचारो खे मानणे रा मामीका भिलो, तेबे दुनिया रा अन्त आयी जाणा। 15 “पढ़ने वाला समजी लओ, जेबे तुसे, तेसा उजाड़ने वाली घृणित चीज जेतेरे बारे रे दानियल भविष्यबक्ते बोलेया था, जेती ठीक निए तेती मतलब मन्दरो रे खड़ी री देखो। 16 तेबे जो यहूदिया रे ओ, सेयो पाढ़ो खे नठी जाओ। 17 जो कोई छतो पाँदे ओ, सेयो आपणे कअरे कुछ बी लणे खे थाले नि आओ और ना ई पीतरे जाओ। 18 “और जो कोई डोस्झा रे ओ, सेयो आपणे टाले लणे पीछे नि आटो। 19 तिना दिना रे जो गर्भवती ऊणी और जो दूद पलत्याणे वाली ऊणी तिना खे हाय! हाय! 20 प्रार्थना करेया करो कि तुसा खे ठण्डी रे और आरामो रे दिने नठणा नि पड़ो। 21 कऊँकि तेस बखते एडा पारी क्लेश ऊणा, जेडा दुनिया री शुरूओ ते लई की एबुए तक कदी नि ऊआ और ना ऊणा। 22 जे सेयो दिन कटाए रे नि ऊंटे, तो कोई प्राणी नि बचणा था; पर चुणे ऊरी बजअ ते सेयो दिन कटाए जाणे। 23 तेस बखते जे कोई तुसा खे बोलो कि देखो, मसीह एती ए, या तेती ए, तो विश्वास नि करना। 24 “कऊँकि चूठे मसीह और चूठे भविष्यबक्ता खड़े ऊणे और तिना बड़े-बड़े चिह्न और अचम्बे रे काम दखाणे, जे ऊई सको तो जो परमेशरो रे चूणे रे ए, तिना खे बी भरमाई देओ। 25 देखो, मैं पइले तई तुसा खे ये सब कुछ बोली ता रा। 26 तेबे जे सेयो तुसा खे बोलो, देखो, से जंगले रे ए, तो चली नि जाणा, या देखो, से छतो पाँदे ए, तो विश्वास नि करना। 27 “कऊँकि जियाँ बिजली पर्वों ते निकली की पच्छमो तक चमकोई, तियाँ ई मां माणूरे पुत्रो रा आऊणा बी ऊणा। 28 जेती लोथ ऊणी, तेथी इल्ला कटिया ऊणिया। 29 “तिना दिना रे, तेस क्लेशो ते बाद सूरजो रा चमकदा प्रयासा न्हेरा

पड़ी जाणा और चांदे प्रयासा नि देणा। और सर्गों ते तारे छुटणे शुरू ऊणे और सर्गों रिया शक्तिया इलाईया जाणिया। 30 तेबे माणू रे पुत्रो रा चिह्न सर्गों रे दिशणा। तेबे तरतिया रे सबी कुला रे लोका छातिया पीटियां और माणू रा पुत्र बड़ी सामर्थ और महिमा साथे सर्गों रे बादला पाँदे आऊँदे ऊए देखणा। 31 तेस तुरहिया रे बड़ी आवाजा साथे, आपणे स्वर्गदूत पेजणे और तिना सर्गों रे एकी कनारे ते लई की दूजे कनारे तक, चारो दिशा रे तेसरे चूणे रे कढे करने। 32 “दाऊगले रे डालो ते ये उदारण सीखो, जेबे तेरेरी डाली नमस ऊई जाओई और पत्ते निकलने लगोए, तो तुसे जाणी लओए कि तऊँदी नेडे ए। 33 ईयां ई जेबे तुसे इन गल्ला खे ऊँदे ऊए देखो, तो समजी जाणा कि एबे आऊँ नेडे ईए, बलिक द्वारो पाँदे ईए खडेया रा। 34 आऊँ तुसा खे सच लगी रा बोलणे कि जदुओ तक यो सब गल्ला पूरिया नि ऊई जाओगिया, तदुओ तक एसा पीढिया रे लोका री मौत नि ऊणी। 35 सर्गा और तरती टली जाओगी, पर मेरा वचन कदी नि टलना।” 36 “तेस दिनो रे बारे रे और तेसा कअडिया रे बारे रे कोई नि जाणदा, न स्वर्गदूत, न पुत्र, पर बस पिता। 37 जेडे नूहो रे दिन थे, तियाँ ई मां माणू रे पुत्रो रा आऊणा बी ऊणा। 38 कऊँकि जियाँ जल-प्रलय ते पर्झिले, जदुओ तक नूह जाहजो रे नि चडेया, तदुओ तक लोक खाओ-पीओ थे और तिना रे ब्या-शादिया ओ थे 39 और जदुओ तक जल-प्रलय तिना सबी खे हडाई की नि लईगा, तदुओ तक तिना खे कुछ बी पता नि चलेया; तियाँ ई मां माणू रे पुत्रो रा बी आऊणा ऊणा। 40 तेस बखते दो जणे डोरुआ रे ऊणे, एक लयी लणा और दूजा छाडी देणा। 41 दो जवाणसा चाक्की पीशणे लगी री ऊणिया, एक लयी जाणी और दूजी छाडी देणी। 42 तेबे ई तो, जागदे रओ, कऊँकि तुसे नि जाणदे कि तुसा रा प्रभु केस दिने आयी जाणा। 43 पर ये जाणी लओ कि जे कअरो रा मालक जाणदा कि चोर कदी जे आऊणा तो, से जागदा रंदा और आपणे कअरे चोरी नि ऊणे देंदा। 44 इजी री खातर तुसे बी त्यार रओ, कऊँकि जेसा कअडिया रे बारे रे तुसे सोचदे पनि, तेसी कअडिया रे आऊँ माणू रा पुत्र आयी जाणा। 45 “एक विश्वासी जोगा और अकलमंद दास एडा ए: जेसखे कअरो रा मालक दूजे दासा पाँदे निगरानी और बखतो पाँदे रोटी देणे खे जिम्मेवारी देओआ। तिजी ते बाद से परदेशो खे चली जाओआ। 46 धन्य ए से दास, जेसखे तेसरा मालक आयी की एडा ई करदा ऊआ पाओ। 47 आऊँ तुसा खे सच लगी रा बोलणे कि तेस से आपणी सारी सम्पत्तिया पाँदे अक्कदार ठराणा। 48 पर जे से दृष्ट दास सोचणे लगो कि मेरे मालको खे आऊणे रे देर ए 49 और आपणे साथलेया दासा खे कुटणे लगी जाओ और पीणे वालेया साथे खाओ-पीओ, 50 तो तेस दासो रा मालक एडे दिने आऊणा, जेबे से तेसखे न्यालदा ई ना ओ और एडिया कअडिया रे, जेतेखे से नि जाणदा ओ। 51 तेबे तेस तेसखे बऊत दण्ड देणा और तेसरा इस्सा कपटिया साथे ठराणा; तेती रोणा और दाँद किरडना ऊणा।”

25 तेबे यीशुए आपणे चेलेया खे फेर बोलेया, “जेबे आऊँ माणू रा पुत्र आऊणा, तेबे स्वर्गो रा राज्य लाडिया री तिना दस कुआँरिया

सहेलिया जेडा ऊणा, जो आपणिया मशाला लयी की तेसा रे लाडे साथे मिलणे खे निकलिया। 2 तिना बीचा ते पाँज मूर्ख और पाँज समजदार थिया। 3 जो मूर्ख थिया तिने आपणिया मशाला तो लईया, पर आपू साथे फालतू तेल नि लया। 4 पर समजदारे आपणिया मशाला साथे आपणिया कूपिया रे तेल बी परी ला। 5 जेबे लाडे खे आऊणे रे देर ऊईगी, तेबे तिना खे नींजा रे टमके लगणे लगे और सेयो सयी गिया। 6 “आदिया राती आल्ला-गोल्ला लगेया ऊणे कि देखो, लाडा आऊणे लगी रा, तेस साथे मिलणे चलो। 7 तेबे सेयो सब कुआँरिया उठिया और आपणी-आपणी मशाला ठीक करने लगिया। 8 तेबे जो मूर्ख थिया सेयो समजदारा खे लगिया बोलणे, ‘आपणे तेलो बीचा ते आसा खे बी थोडा जा तेल दई दो, कऊँकि आसा री मशाला बिजणे लगी रिया।’ 9 पर समजदारे बोलेया, ‘थे आसा और तुसा खे पूरा नि ऊणा। खरा तो ये कि तुसे जाओ और बेचणे वालेया ते खरीदी की ली आओ।’ 10 जदुओ खे सेयो खरीदणे गईया, तदुओ खे लाडा आईगा और जो त्यार थिया, सेयो तेस साथे ब्याओ रे कअरे चली गिया और द्वार बंद करी ता। 11 तिजी ते बाद सेयो दुजिया कुआँरिया बी आयी की लाडे खे बोलणे लगिया, ‘ओ मालक, ओ मालक, आसा खे बी दरवाजा खोलो।’ 12 तिने जवाब दियेया, ‘आऊँ तुसा खे सच लगी रा बोलणे कि आऊँ तुसा खे नि जाणदा।’ 13 इजी री खातर जागदे रओ, कऊँकि तुसे ना तो मेरे आऊणे रे तेस दिनो खे जाणोए और ना तेसा कअडिया खे। 14 “स्वर्गों रा राज्य तेस माणूए जेडा बी ए, जिने परदेशो खे जांदे ऊए आपणी सारी सम्पत्ति, आपणे दासा खे बुलाई की तिना गे सम्बाली ती। 15 तिने एकी खे पाँज तोडे, (एक तोडा मतलब पन्द्रहा साला री त्याडी) दूजे खे दो और तीजे खे एक, मतलब हर एकी खे तेसरी काबलियता रे मुताबिक दितेया और तेबे परदेशो खे चली गा। 16 तेबे, जेसखे पाँज तोडे मिले थे, से गया और तिने जाई की तिजी साथे लेण-देण कितेया और पाँज तोडे ओर कमाए। 17 ईयां ई जेसखे दो तोडे मिले थे तिने बी दो तोडे ओर कमाए। 18 पर जेसखे एक तोडा मिलेया था, तिने जाई की माटी खणी और आपणे मालको रे पैसे लकोई ते। 19 “बऊत दिना बाद तिना दासा रा मालक आया और तिना ते लेखा लगेया लणे। 20 जेसखे पाँज तोडे मिले थे, तिने पाँज तोडे ओर ल्याई की बोलेया, ‘ओ मालक, तुसे माखे पाँज तोडे दिते थे और मैं इजी ते पाँज तोडे ओर कमाए।’ 21 तेसरे मालके तेसखे बोलेया, ‘धन्य ए तूँ, खरे और विश्वास जोगे दास, तूँ थोडे रेई विश्वासी जोगा रया, मां तूँ बऊत चीजा रा अक्कदार बनाणा, आओ मां साथे खुशिया रे शामिल ओ।’ 22 “तेबे जेसखे दो तोडे मिले थे, तिने बी आयी की बोलेया, ‘ओ मालक! तुसे माखे दो तोडे दिते थे, देखो, मैं दो तोडे ओर कमाए।’ 23 तेसरे मालके तेसखे बोलेया, ‘धन्य ए तूँ, खरे और विश्वास जोगे दास, तूँ थोडे रेई विश्वासी जोगा रया, मां तूँ बऊत चीजा रा अक्कदार बनाणा, आओ मां साथे खुशिया रे शामिल ओ।’ 24 “तेबे जेसखे एक तोडे मिलेया था, तिने आयी की बोलेया, ‘ओ मालक! आऊँ तुसा खे जाणूआ कि तुसे कठोर माणू ए। तुसे जेती बांदे नि तेती, बांडोए

और जेती फरकांदा नि, तेती कट्टा करोए।’ 25 तो आँऊं डरीगा और जाई की तुसा रा तोड़ा माटिया रे लकोईता, देखो, ‘जो तुसा राए, से ये ए।’ 26 तेसरे मालके तेसखे जवाब दितेया, ‘ओ दृष्ट और आलसी दास, जेबे तूँ जाणेया था कि जेती मैं नि बायी राखेया, से बाडी देऊँआ और जेती फरकांदा नि, तेथा ते कट्टा करूँआ। 27 तो ताखे चाईयो था कि तूँ मेरे पैसे साऊकारो गे देई देंदा, तेबे आँऊं आयी की आपणा पैसा व्याजो समेत लई लंदा। 28 इजी खे ये तोड़ा एसते लई लो और जेसगे दस तोड़े ए, तेसखे देई देझो’ 29 कऊँकि जेस केसी गे आए, तेसखे और देणा और तेसगे और ऊई जाणा, पर जेसगे कुछ निए, तेसते से बी, जो तेसगे आए, लई लणा। 30 एस नकम्मे दासो खे बारे नहेरे रे सेटी देओ, जेती रोणा और दाँद किरडना ई ऊणा। 31 “जेबे आँऊं माणूँ रा पुत्र आपणी महिमा रे आऊणा, तेबे सब स्वर्गदूत मां साथे आऊणे, तेबे मां आपणी महिमा रे सिंहासनो रे बैठणा। 32 तेबे सब जातिया तेस सामणे कट्टिया करी देणियां और जियाँ गाढ़ी बाकरिया खे पेडा ते लग करी देओआ, तियाँ ई तेस सेयो एकी-दूजे ते लग करी देणियां। 33 तेस पेडा मतलब तर्मी लोक आपणी दाणे कनारे खड़े करने और बाकरिया मतलब पापी लोक खूँजे कनारे। 34 तेबे मां राजे आपणी दाँणे कनारे वालेया खे बोलणा, ‘ओ मेरे पिते रे धन्य लोको; आओ, तेस राज्य रे अकदार ऊई जाओ, जो दुनिया रे सृष्टिया ते तुसा खे त्यार ए किते रा। 35 कऊँकि जेबे आँऊं पूखा था और तुसे माखे खाणे खे दितेया, जेबे आँऊं त्याया था, तुसे माखे पाणी पल्लयाया, जेबे आँऊं परदेशी था, तुसे आँऊं आपणे कअरे ठारया। 36 जेबे आँऊं नांगा था, तुसे माखे टाले दित्ते, जेबे आँऊं बमार था और तुसे मेरी सम्भाल लई, जेबे आँऊं जेला रे था और तुसे माखे मिलणे आए।’ 37 “तेबे तर्मिया तेसते पूछणा, ‘आसे कदी तूँ पूखा देखेया और ताखे खुलाया? या त्याया देखेया और पाणी पल्लयाया? 38 आसे कदी तूँ परदेशी देखेया और आपणे कअरे ठारया? या नांगा देखेया और टाले पण्याए? 39 आसे कदी तूँ जेला रे या बमार देखेया और ताखे मिलणे आए?’ 40 तेबे राजे तिना खे जवाब देणा, ‘आँऊं तुसा खे सच लगी रा बोलणे कि तुसे इना मेरे छोटेया ते छोटेया, केसी एकी पाईए साथे बी कितेया, से मां ई साथे कितेया।’ 41 “तेबे तेस खूँजे कनारे वालेया खे बोलणा, ‘ओ सापित लोको! मां सामणे ते एसा अनन्त आपी रे चली जाओ, जो परमेश्वरे शैतानो खे और तेसरे दूतो खे त्यार ए कित्ती री। (aiōnios g166) 42 कऊँकि आँऊं पूखा था, पर तुसे माखे रोटी नि दिती और आँऊं त्याया था, पर तुसे माखे पाणी नि पल्लयाया? 43 आँऊं परदेशी था, पर तुसे माखे आपणे कअरे जगा नि दिती, आँऊं नांगा था, पर तुसे माखे टाले नि दित्ते। आँऊं जेला रे और बमार था, पर तुसे माखे मिलणे नि आए।’ 44 “तेबे तिना जवाब देणा, ‘ओ प्रभु! आसे कदी तूँ पूखा, त्याया, परदेशी, नांगा, बमार और जेला रे देखेया और तेरी सेवा नि कित्ती?’ 45 तेबे मां तिना खे जवाब देणा, ‘आँऊं तुसा खे सच लगी रा बोलणे कि जो तुसे इना छोटेया ते छोटे बीचा ते केसी एकी साथे

पनि कितेया, से मां साथे पनि कितेया’ 46 और तिना खे अनन्त सजा मिलणी, पर तर्मी, अनन्त जीवनो खे जाणे।” (aiōnios g166)

26 जेबे यीशु इना सबी गल्ला बोली चुके, तेबे आपणे चेलेया खे बोलणे लगे, 2 “तुसे जाणोए कि दो दिन बाद फस्ह हर त्योआर ए और माणूँ रा पुत्र कूसो पाँदे चढ़ाणे रिया तंझै पकड़वाया जाणा।” 3 तेबे बड़े पुरोईत और लोका रे बुजुर्ग, कैफा नाअंसे रे प्रदान पुरोईतो रे आँण्गो रे कठ्ठे ऊए 4 और आपू बीचे बिचार करने लगे कि यीशुए खे तोखे रे पकड़ी की काई देऊँए। 5 पर सेयो बोलो थे, “त्योआरो रे बखते नि, केथी एड़ा नि ओ कि लोका बीचे हुङ्दंग मर्ची जाओ।” 6 जेबे यीशु बैतनिय्या हाँव रे शमीन कोटिए रे कअरे थे 7 तेबे एक जवाणस संगमरमरो रे पांडे री सुराइया रे मईगा इत्र लयी की तिना गे आयी और जेबे सेयो रोटी खाणे बैठे रे थे, तेबे तेसे तिना रे सिरो पाँदे उलटाईता। 8 ये देखी की तिना रे चेले जलने लगे और बोलणे लगे, “एते इत्रो रा सत्यानाश कऊँ कितेया? 9 एस इत्रो खे खेरे दामो रे बेची की कंगाला खे बांडी सको थे।” 10 ये जाणी की यीशुए तिना खे बोलेया, “एसा जवाणसा खे तंग कऊँ लगी रे करने? एसे मां साथे पलाई करी राखी। 11 कंगाल तो तुसा साथे सदा रओए, पर आँऊं तुसा साथे सदा नि रण। 12 तेसे मेरे शरीरो रे जो ये इत्र उलटाया, से मेरे दबाणे खे करी राखेया। 13 आँऊं तुसा खे सच लगी रा बोलणे कि सारी दुनिया रे जेती केथी बी ये सुसमाचार प्रचार ऊणा, तेती एस कामो री चर्चा तेसा री यादा रे ऊणी।” 14 तेबे यहूदा इस्करियोती जो बारा चेलेया बीचा ते एक था, तिने बड़े पुरोईतो गे जाई की बोलेया, 15 “जे आँऊं तिना खे तुसा रे आथो रे पकड़वाई देऊँ तो माखे क्या देणा?” तिने तेसखे तीई चाँदिए रे सिक्के तोली की देई ते। 16 तेबे से तेसी बखतो ते यीशुए खे पकड़वाणे रा मोका टोलने लगेया। 17 तेबे बिना सजेडे री रोटिया रे त्योआरो रे पईलके दिने चेले आयी की यीशुए ते पूछणे लगे, “तुसे केयी चाओए कि आसे तुसा खे फस्ह हरे त्योआरो री रोटी खाणे री त्यारी करिए?” 18 यीशुए बोलेया, “नगरो रे अमुक नाओं रे माणूँए गे जाओ और तेसखे बोली कि गुरु बोलोआ कि मेरा बखत नेड़े ए, मां आपणे चेलेया साथे तेरे कअरे ये फस्ह हर त्योआर मनाणा।” 19 तेबे चेलेया यीशुए री आज्ञा मानी और फस्ह हरे त्योआरो री रोटी त्यार किती। 20 जेबे सौंज ऊई तेबे सेयो आपणे बारा चेलेया साथे रोटी खाणे बैठे। 21 जेबे सेयो खाणे लगी रे थे तेबे तिने बोलेया, “आँऊं तुसा खे सच लगी रा बोलणे कि तुसा बीचा ते एकी जणे आँऊं पकड़वाणा।” 22 ये सुणी की सेयो बऊत दुःखी ऊईगे और सब तिना ते पूछणे लगे, “ओ गुरु! क्या से आँऊं ए?” 23 तिने जवाब दितेया, “जिने मां साथे थालिया रे आथ पाई राखेया, तेस आँऊं पकड़वाणा। 24 आँऊं माणूँ रा पुत्र पक्का ई मारेया जाणा जेडा मेरे बारे रे पवित्र शास्त्रो रे लिखी राखेया, पर तेस माणूँए खे हाय, जेस आँऊं पकड़वाणा। तेस माणूँए खे खरा था कि से जमदा ई नि।” 25 तेबे तिना खे पकड़वाणे वाले यहूदे बोलेया, “ओ गुरु! क्या से आँऊं ए?” तिने तेसखे बोलेया, “तूँ आपू ई बोली चुकेया।” 26 जेबे सेयो

खाणे लगी रे थे, तेबे यीशुए रोटी लयी और आशीष मांगी की तोड़ी और चेलेया खे दित्ती और बोलेया, “लओ खाओ; ये मेरा शरीर ए।” 27 तेबे तिने कठोरा लयी की धन्यवाद कितेया और तिना खे देई की बोलेया, “तुसे सब एते बीचा ते पियो। 28 कऊँकि ये वाचा रा मेरा से खून ए, जो बऊत जणोया रे पापो री माफिया खे बाह्या जाओआ। 29 आऊँ तुसा खे सच बोलूँआ कि मां अँगूरा रा रस तेस दिनो तक फेर कदी नि पीणा, जदुओं तक तुसा साथे आपणे पिते रे राज्य रे नया नि पीऊँ।” 30 तेबे सेयो पअजन गायी की जैतूनो रे पाहड़ी पांदि गए। 31 तेबे यीशुए तिना खे बोलेया, “तुसा सबी आजी राती मेरे बारे रे ठोकर खाणी; कऊँकि लिखी राख्यो, ‘मां गाही काणे और चूण्डा रिया पेडा ओरे-पोरे ऊई जाणिया।’ 32 पर मेरे रेया बीचा ते जिउँदे ऊणे ते बाद, मां तुसा ते पईले गलीलो खे जाणा।” 33 ये सुणी की पतरसे तिना खे बोलेया, “चाए सब तुसा रे बारे रे ठोकर खाओ तो खाओ, पर मां कदी नि खाणी।” 34 यीशुए तेसखे बोलेया, “आऊँ ताखे सच लगी रा बोलणे कि आज राती मुर्गे री बांग देणे ते पढ़ले, तूँ तीन बार माखे जाणने ते मुक्री जाणा।” 35 पतरसे तिना खे बोलेया, “जे माखे तुसा साथे मरना बी पड़ोगा, तो बी मां कदी ना नि करनी” और सबी चेले बी एड़ा ई बोलेया। 36 तेबे यीशु आपणे चेलेया साथे गतसमनी नाओं री जगा रे आए और आपणे चेलेया खे बोलणे लगे, “एथी बैठे रे रणा, जदुओं तक आऊँ तेती जाई की प्रार्थना कहूँ।” 37 सेयो पतरस और जब्दिए रे दोनों पाऊए खे साथे लईगे और उदास और बेचैन ऊणे लगे। 38 तेबे यीशुए तिना खे बोलेया, “मेरा जिऊ बऊत उदास ए, एथो तक कि मेरे प्राण निकलने लगी रे; तुसे एथी रुकी और मां साथे जागदे रओ।” 39 तेबे सेयो थोड़ी जी आगे चली की मुंओं रे पारे रुड़ी गे और ये प्रार्थना करने लगे, “ओ मेरे पिता! ऊई सको तो ये दुःख मांगा गे ते टली जाओ, पर तेबे बी जेडा आऊँ चाऊँआ, तेडा नि, पर जेडा तुसे चाओए तेडा ओ।” 40 तेबे जेबे सेयो वापस आए तो चेले सऊणे लगी रे थे, तेबे तिने पतरसे खे बोलेया, “क्या तुसे मां साथे एक कअड़ी पनि जागी सके? 41 जागदे रओ और प्रार्थना करदे रओ कि केथी तुसे परीक्षा रे नि पड़ी जाओ; आत्मा तो त्याए ए, पर शरीर कमजोर ए।” 42 फेर तिने दूजी बार जाई की प्रार्थना कित्ती, “ओ मेरे पिता! जे ये मेरे पीणे ते बिना नि आटी सकदा, तो तुसा री इच्छा पूरी ओ।” 43 तेबे फेर जेबे सेयो आए तो तिने आपणे चेले सए रे पाए, कऊँकि तिना री आखी रे नींज थी। 44 तिना खे छाडी की सेयो फेर चली गे और तिना ई शब्दा ते तिने तीन बार प्रार्थना कित्ती। 45 तेबे यीशुए चेलेया गे आयी की बोलेया, “एबे सँऊँदे रओ और आराम करो। देखो, से कअड़ी आईगी री कि आऊँ माणूर रा पुत्र पापिया रे आथे पकड़वाणे वाला ए। 46 उठो, चलो, देखो, माखे पकड़वाणे वाला नेड़े आईगा रा।” 47 यीशु ये बोलणे ई लगी रे थे तदुओं कि यहूदा, जो बारा चेलेया बीचा ते एक था, आया और तेस साथे बड़े पुरोईत और लोका रे बुजुर्गा री तरफा ते एक बड़ी पीड़, तलवार और डउँ लयी की आयी। 48 तिना खे पकड़वाणे वाले तिना खे बताई ता था कि, “जेसखे

आऊँ नमस्ते कहूँ और गले लगूँ सई ऊणा और तुसे से पकड़ी की लई जाणा।” 49 तेबे तिने फटाफट यीशुए गे आयी की बोलेया, “ओ गुहु!” और तेसखे नमस्ते कित्ती और गले लगेया। 50 यीशुए तेसखे बोलेया, “ओ दोस्त! जेते कामो खे तूँ आयी रा तेस कर।” तेबे तिने नेडे आयी की यीशु पकड़ी ले। 51 तेबे यीशुए रे चेलेया बीचा ते एकी जगे आथ आगे करी की आपणी तलवार खिंजी ली और प्रदान पुरोईतो रे एकी दासों पाँदै चलाई और तेसरा कान ऊड़ाई ता। 52 तेबे यीशुए तेसखे बोलेया, “आपणी तलवार म्यानो रे राखी दे, कऊँकि जो तलवार चलाओए, तिना रा तलवारी साथे नाश ऊणा।” 53 क्या तूँ नि जाणदा कि आऊँ आपणे पिते ते बिनती करी सकूँआ और सेयो आपणे स्वर्वादूतो रिया बारा पलटणा ते बी जादा एबु मांगे पेजी सकोए? 54 पर ये पवित्र शास्त्रो रिया गल्ला कि ईयां ई ऊणा जरूरी ए, किंयाँ पूरिया ऊणिया।” 55 तेस बखते यीशुए पीड़ा खे बोलेया, “क्या तुसे माखे डाकू समजोए कि तलवारी और डण्डे लयी की माखे पकड़ने आयी रे? आऊँ रोज मन्दरो रे बैठी की उपदेश देऊँ था, तेबे तुसे कऊँ नि पकड़या? 56 पर ये सब तेबे ऊआ ताकि भविष्यबक्ते रे वचन पूरे ओ” और सब चेले तिना खे छाडी की नठीगे। 57 तेबे यीशुए खे पकड़ने वाले तिना खे कैफा नाओं रे प्रदान पुरोईतो गे लईगे। जेती शास्त्री और बुजुर्ग कट्टे थे ऊए रे। 58 पतरस दूरो तेई तिना ते पीछे-पीछे प्रदान पुरोईतो रे अँगणो तक गया और पीतरे जाई की अन्त देखणे खे प्रायदेया साथे बैठी गा। 59 बड़े पुरोईत और सारी बड़ी सभा यीशुए खे काणे रिया तईं चूठी गवाई सोचणे लगी रे थे। 60 पर बऊत चूठे गवा आए, पर तेबे पनि मिली। 61 बादो ते दो जणेया आयी की बोलेया, “इने बोली राखेया कि आऊँ परमेश्वरो रे मन्दरो खे टाली सकूँआ और तीजे दिने दूजा बणाई सकूँआ।” 62 तेबे प्रदान पुरोईते खड़े ऊई की बोलेया, “क्या तूँ कोई जवाब नि देणा चांदा? यो लोक तेरे बारे रे क्या गवाई लगी रे देणे?” 63 पर यीशु चुप रए। तेबे प्रदान पुरोईते तिना खे बोलेया, “आऊँ ताखे जिउँदे परमेश्वरो री कसम देऊँआ कि जे तूँ परमेश्वरो रा पुत्र मसीह ए तो आसा गे बोली दे।” 64 यीशुए तेसखे बोलेया, “तैं आपू ई बोली ता; बल्कि आऊँ तुसा खे ये बी बोलूँआ कि आजो ते तुसा आऊँ माणूर रा पुत्र, सर्वशक्तिमानो रे दाँगे कनारे और सर्गों रे बादला पाँदै आऊँदे ऊए देखणा।” 65 तेबे प्रदान पुरोईते आपणे टाले फाड़े और बोलेया, “इने परमेश्वरो री निन्दा करी राखी, एबे आसा खे गवाओ री क्या जरूरत ए। देखो, तुसे एबु ये निन्दा सुणी राखी। 66 तुसे क्या सोचोए?” तिने जवाब दितेया, “ये तो काणे जोगा ए।” 67 तेबे तिने यीशुए रे मुंओं पाँदै थूकेया और तिना खे मुक्के बाए और किने तो थप्पड़ बाए और बोलेया, 68 “ओ मसीह, आसा खे भविष्यबाणी करी की बोल कि तांदे किने बाई?” 69 पतरस बारे अँगणो रे बैठे रा था, तेबे एक दासी तेसगे आयी और बोलेया, “तूँ बी तो यीशु गलीलीए साथे था?” 70 तेबे से सबी सामणे मुकरी गा और तिने बोलेया, “आऊँ नि जाणदा कि तूँ क्या लगी री बोलणे।” 71 जेबे से बारे देऊलिया गे चली गा, तेबे दूजी दासिये बी तेसखे देखी की जो तेती थे

तिना खे बोलया, “ये बी तो यीशु नासरियो साथे था।” 72 पतरसे फेर कसम खाई की बोलया, “आऊँ एस मांणूए खे नि जाणदा।” 73 थोड़ी देर बाद लोके जो तेती खड़ी रे थे, तिने पतरसो गे आयी की तेसखे बोलया, “सच्ची तुँ बी तिना बीचा ते एक ए, कऊँकि तेरी पाषा तेरा पेत बताओई।” 74 तेबे से आपू खे कोसणे लगेया और कसम खाणे लगेया, “आऊँ एस मांणूए खे नि जाणदा” और तेबुई मुर्गे बांग दित्ती। 75 तेबे पतरसो खे यीशुए री गल्ल याद आयी कि, “मुर्गे री तीन बार बांग देणे ते पइले तां मेरे बारे रे जाणने ते ना करनी,” तेबे से बारे जाई की फुटी-फुटी की रोणे लगेया।

27 जेबे प्याग ऊई तेबे सबी बड़े पुरोईत और लोका रे बुजुर्गे यीशुए

खे काणे री योजना बाणाई। 2 तेबे सेयो यीशुए खे बानी की लईंग और पिलातुस हाकिमो रे आथो रे देई ते। 3 जेबे यीशुए खे तोखे ते पकड़वाणे वाले यहूदे देखेया कि सेयो दोषी ठाई ते, तेबे से बऊत पछताया और तिना चाँदिए रे तीई सिक्केया लयी की बड़े पुरोईता गे और बुजुर्गा गे फेर ली आया 4 और बोलणे लगेया, “मैं बेकसुर मांणूए री मौत करवाणे खे पकड़वाई की पाप करी राखेया।” तेबे तिने बोलया, “आसा खे क्या ए? तुँ ई जाण।” 5 तेबे यहूदा तिना सिक्केया खे मन्दरो रे सेटी की चली गा और जाई की आपू खे गलफा लगाइता। 6 तेबे बड़े पुरोईते तिना सिक्केया खे लयी की बोलया, “इना खे पण्डारे रे राखणा ठीक निए, कऊँकि ये खून कराणे खे दिती री कीमत ए।” 7 तेबे तिने योजना बाणाई की तिना सिक्केया ते परदेशिया खे दबाणे रिया तई कुम्हरो रा डोरू मोले लयी ला। 8 तेबे तो आजो तक तेस डोरूआ खे खूनो रा डोरू बोलोए। 9 तेबे जो वचन यिर्मयाह भविष्यवके बोलेया था, से पूरा ऊआ, “तिने सेयो तीई सिक्के, मतलब जो मोल था राखेया रा (जो इस्साएलो री ल्वादा बीचा ते कितणेया जणे ठाराया था) लयी ला 10 और जियाँ माखे प्रभुए अज्ञा दित्ती थी, तियाँ ई से कुम्हरा रे डोरूआ रे मोलो रे देर्इता।” 11 जेबे यीशु हाकिमो सामणे खडे थे, तेबे हाकिमे पूछेया, “क्या तूँ यहूदिये रा राजा ए?” यीशुए तेसखे बोलेया, “तुँ आपू ई लगी रा बोलणे।” 12 जेबे बड़े पुरोईत और बुजुर्ग तिना पाँदे दोष लगी रे थे लगाणे, तेबे तिने कोई जवाब नि दित्तेया। 13 तेबे पिलातुसे तिना खे बोलेया, “क्या तूँ सुणने नि लगी रा कि यो तेरे खलाफ कितणिया गवाईया लगी रे देणे।” 14 पर यीशुए तेसरी एक बी गल्ला रा जवाब नि दित्तेया, ये देखी की हाकिमो खे बऊत हैरानी ऊई। 15 हाकिमो रा ये रवाज था कि तेस त्वोआरो खे लोका री तई जेसखे सेयो चाओ थे, एकी बन्दुओ खे छाडी देयो था। 16 तेस बखते तिना गे बरअब्बा नाओं रा एक मानेया रा बन्दुआ था। 17 तेबे, जेबे सेयो कठुे ऊए, तेबे पिलातुसे तिना खे बोलया, “तुसे केसखे चाओए कि आऊँ तुसा री तई छाडी देई? बरअब्बे खे या यीशुए खे, जेसखे मसीह बी बोलोए?” 18 कऊँकि पिलातुस जाणो था कि तिने से जल्नी रे पकड़वाया। 19 जेबे से न्याय आसणो री गद्दिया पाँदे था बैठे रा, तेबे तेसरी लाडिए तेसखे सन्देशा पेजेया कि, “तुँ तेस तर्मी मांणूए रे बारे रे दखलांदाजी नि कर; कऊँकि

आज माखे सुपने रे तेसरी बजअ ते बऊत दुः ख ऊआ।” 20 बड़े पुरोईत और बुजुर्ग लोक ऊकसाए कि तुसे बरअब्बे खे माँगो और यीशुए खे नाश कराओ। 21 हाकिमे तिना ते पूछेया, “तुसे इना दूँझ बीचा ते केसखे चाओए कि आऊँ तुसा खे छाडी देई?” तिने बोलया, “बरअब्बे खे।” 22 पिलातुसे तिना ते पूछेया, “नेबे यीशुए खे, जेसखे मसीह बोलोए, तेस साथे क्या कहैं?” सबी तेसखे बोलया, “एसखे कूसो पाँदे चढ़ाओ।” 23 हाकिमे पूछेया, “कऊँ, तिने क्या बुरा करी राखेया?” पर सेयो ओर बी चींगी-बींगी की बोलणे लगे, “एसखे कूसो पाँदे चढ़ाओ।” 24 जेबे पिलातुसे देखेया कि कोई बात नि लगी री बणने, बल्कि बिगड़ने ई लगी री, तेबे तिने पाणी लई की पीड़ा सामणे आपणे आथ तोए और बोलया, “आऊँ एस तर्मीयों रे खूनो ते निर्दोष ए; तुसेई जाणो।” 25 सबी जवाब दित्तेया, “एसरे खूनो री अत्या आसा खे और आसा री ल्वादा खे लगो!” 26 तेबे तिने बरअब्बा तिना खे छाडीता और यीशु कोडे लगवाई की तिना खे देई ते कि कूसो पाँदे चढ़ाई देयो। 27 तेबे हाकिमो रे सिपाई यीशुए खे किले दे लईगे और सारी पलटण तिना रे चाँक कनरे कट्ठी करी ती, 28 और तिना रे टाले खोली की तिना खे लाल रंगो रा चौगा पण्याई ता 29 और कांडेया रा मुकट बूरी की तिना रे सिरो पाँदे राखेया और तिना रे दाँगे आथो रे एक नगलो रा डण्डा देर्हता और तिना रे आगे कुटणे टेकी की तिना रा मजाक ऊड़ाणे लगे और बोलणे लगे, “ओ यहूदिया रे राजा नमस्कार!” 30 और तिना पाँदे थूकेया और सेई नगलो रा डण्डा लयी की तिना रे सिरो पाँदे बाणे लगे। 31 जेबे सेयो तिना रा मजाक ऊड़ाई चुके, तेबे तिने तिना पाँदो ते से चौगा उतारेया और तिना खे तिना रे ई टाल्ले पण्याईते और कूसो पाँदे चढ़ाणे खे लयी चले। 32 बारे जाई की तिना खे शमैन नाओं रा एक कुरेनी मांणू, जो दूजे गांव ते आऊणे लगी रा था, तेसी बखते से तिसिये निकलेया। तेबे सिपाई ई पकड़ी ता कि यीशु रा कूस चकी की लई चल। 33 तेसा जगा रे जो गुलगुता, मतलब-जेथो खे खोपड़िया री जगा बी बोलोए, तेती पञ्चांची की 34 तिने यीशुए खे पित मलाए रा अँगूरा रा रस पीणे खे दित्तेया, पर तिने चाखी की पीणा नि चाया। 35 तेबे तिने यीशु कूसो पाँदे चढ़ाई ते और चिट्ठिया पाई की तिना रे टाले बांडी ते 36 और तेती बैठी की तिना रा पईरा देणे लगे। 37 तेबे तिना रा दोष पत्र तिना रे सिरो पाँदे लगाया, “ये यहूदिया रा राजा यीशु ए।” 38 तेबे तिना साथे दो डाकू, एक दाँगे कनरे और दूजा खूँजे कनरे कूसो पाँदे चढ़ाए। 39 आऊणे जाणे वाले सिर इलाई-इलाई की तिना री निन्दा करदे रओ थे 40 और ये बोलदे रओ थे, “ओ मन्दरो खे टालने वाले और तीन दिना रे बनाणे वाले, आपू खे तो बचा। जे तुँ परमेशरो रा पुरु ए, तो कूसो पाँदो ते उतरी की थाले आओ।” 41 तियाँ ई बड़े पुरोईत, शास्त्री और बुजुर्ग मजाक ऊड़ाई की बोलो थे, 42 “इने और बचाए, पर आपू खे नि बचाई सकदा। ये तो ‘इस्साएलो रा राजा’ ए जे एबे कूसो ते ऊतरी की आओ, तो आसे विश्वास करिए। 43 इने तो परमेशरो पाँदे विश्वास राखी राखेया, जे से एसखे चाओआ, तो एबे एसखे छुड़ाई लो, कऊँकि इने बोलेया था, कि आऊँ परमेशरो रा पुत्र

ए” 44 तिंयाँ ई सेयो डाकू बी, जो यीशुए साथे कूसो पाँदे चढ़ाई राखे थे, निन्दा करदे रओ थे। 45 त्याड़िया ते लयी की तीजे पट्टो तक सारे देशो रे न्हेरा ई रया। 46 तीजे पट्टो रे नेडे यीशुए जोरे की आकका पाई की बोलेया, “एली, एली, लमा शबक्तनी?” मतलब “ओ मेरे परमेशर, ओ मेरे परमेशर! तैं आऊँ कऊँ छाडीता?” 47 जो तेती थे खड़े रे, तिना बीचा ते बऊत जणेया ये सुणी की बोलेया, “ये एलिय्याह खे लगी रा आकका पाणे।” 48 तिना बीचा ते एक फटाफट दौड़ेया और स्पंज लयी की सिरेके बीचे डबोया और नगलो रे डण्डे रे राखी की तिना खे चुसाया। 49 तेबे ओरी बोलेया, “देखी लऊँए कि एलिय्याह एसखे बचाणे आओआ कि नई।” 50 तेबे यीशु फेर जोरे की चींगे और प्राण छाडी ते। 51 तेबे मन्दरो रा पड़दा पाँदो ते लई की थालो तक फटीगा और तिजी रे दो टुकड़े ऊँझी। ये ए दखाओआ कि एबे कोई बी मांगू परमेशरो री हजुरिया रे जाई सकोआ। तरती ईलणे लगी और जानी तिड़की गिया 52 और कब्रा खुली गिया और मरे रे पवित्र लोका रिया बऊत लोथ उठी गिया। 53 और तिना रे जिऊँदे ऊँगे ते बाद सेयो कब्रा ते निकली की पवित्र नगरो खे गए और बऊत लोका खे दिखे। 54 तेबे सूरेदार और जो तेस साथे पट्टारा देणो लगी रे थे, ईल्लण और जो कुछ तेती ऊआ, देखी की बऊत डरी गे और बोलणे लगे, “सच्ची, ये तो परमेशरो रा ई पुत्र था।” 55 तेती बऊत जवाणसा, जो गलील प्रदेशो ते यीशुए साथे तिना री सेवा करदिया ऊईया आईया थिया, ये दूरो ते लगी री थिया देखणे। 56 तिना बीचे मरियम मगदलिनी और याकूब और योसेसो री आम्मा मरियम और जब्दिए रे पाऊए री आम्मा थी। 57 जेबे साँज ऊई तेबे यूसुफ नाओं रा अरिमतियाह रा एक अमीर मांगू जो आपू बी यीशुए रा चेला था, आया। 58 तिने पिलातुसो गे जाई की यीशुए री लोथ मांगी। तेबे पिलातुसे देणे री आज्ञा देईती। 59 यूसुफे लोथ लई और सफेद चादरी रे लपेटी ती 60 और से आपणी नईया कब्रा रे राखी, जो तिने चट्टानी रे थी खणवाई री और कब्रा रे द्वारो पाँदे एक बड़ा पाठ्यर खसकेयी की चली गा। 61 मरियम मगदलिनी और दूर्जी मरियम तेती कब्रा सामणे बैठी रिया थिया। 62 दूजे दिने, जो आसमो रा दिन था, बड़े पुरोईत और फरीसिये कट्टे ऊई की पिलातुसो खे बोलेया, 63 “ओ महाराज! आसा खे याद ए कि तिने भरमाणे वाले, जेबे से जिऊँदा था तिने बोलेया था कि, मां मने ते बाद तीजे दिने जिऊँदा ऊई जाणा।” 64 तो आज्ञा दे कि तीन दिना तक कब्रा री रखवाली ओ, एड़ा नि ओ कि तेसरे चेले आयी की तेसखे चोरी की लयी जाओ और लोका खे बोलो कि, से मरे रे बीचा ते जिऊँदा ऊईगा; तेबे पिछला तोखा, पट्टले ते बी बुरा ऊणा।” 65 पिलातुसे तिना खे बोलेया, “तुसा गे पट्टिदार आए। तिना खे लयी जाओ और आपणी समजा रे मुताबिक रखवाली करो।” 66 तेबे सेयो पट्टिदारा खे साथे लयी गे और पाठ्यरो पाँदे मोहर लगाई की कब्रा री रखवाली करने लगे।

28 आरामो रे दिनो ते बाद, अप्रते रे पट्टले दिने, तड़के-तड़के मरियम मगदलिनी और दूर्जी मरियम, कब्र देखणे आईया। 2 तेबे देखो, बऊत बड़ा ईल्लण ऊआ, कऊँकि प्रभुए रा एक स्वर्गदूत स्वर्गो ते उत्तरेया

और तिने नेडे आयी की कब्रा रा पाठ्यर कनारे खसकेयी ता और तेते पाँदे बैठी गा। 3 तेसरा रूप बिजलिया जेडा और टाले पाले जेडे चमकीले थे। 4 तेस देखी की पट्टिदार थरथराईंगे और बेओश ऊईंगे। 5 स्वर्गदूत तिना जवाणसा खे बोलेया, “दरो नि; कऊँकि माखे पता ए कि तुसे यीशुए खे, जो कूसो पाँदे चढ़ाया था, तेसखे टोळने लगी रिया। 6 से एती निए, पर आपणे वचनो रे मुताबिक जिऊँदा ऊईंगा रा। आओ, एसा जगा खे देखो, जेती प्रभु थे राखे रे 7 और फटाफट जाई की तिना रे चेलेया खे बोलो कि सेयो मरे रे बीचा ते जिऊँदे ऊईंगे रे और सेयो तुसा ते पट्टले गलील प्रदेशो रे पकँछी जाणे, तेती तुसा खे तिना रा दर्शन ऊणा, मैं तुसा खे बोली ता।” 8 सेयो जवाणसा डर और खुशिया साथे कब्रा ते फटाफट वापस ऊई की चेलेया खे ये समाचार देणे दौड़ी गिया। 9 तेबे यीशु तिना खे मिले और बोलेया, “नमस्ते!” सेयो नेडे आईया और तिना रे पैर पकड़ी की तिना गे माथा टेकेया। 10 तेबे प्रभु यीशुए तिना खे बोलेया, “दरो नि; मेरे चेलेया खे जाई की बोलो कि गलीलो खे चली जाओ। तेती तिना आऊँ देखणा।” 11 जेबे सेयो जवाणसा चेलेया खे ये समाचार देणे जाणे ई लगी रिया थिया, तुडुओ तक पट्टिदारा बीचा ते कई जणेया नगरो रे आयी की सारा आल बड़े पुरोईता गे सुणाया। 12 तेबे बड़े पुरोईते और बुजुर्गा साथे कट्टे ऊई की सम्मति कित्ती और पट्टिदारा खे बऊत चाँदी देई की बोलेया, 13 “तुसे सबी लोका गे ये बोलणा कि जेबे राती आसे सऱ्गणे लगी रे थे, तेबे तेसरे चेले आए और तेसखे चोरी की लईंगे 14 और जे ये बात हाकिमो तक पकँछी गी तो आसे तेसखे समजयाई लऊँगे और तुसा खे मुशिकला ते चर्चाई लऊँगे।” 15 तेबे तिने पैसे लए और जेडा बोलेया था, तेडा ई कित्तेया। ये गल्ल आजो तक बी यहूदिया बीचे प्रचलित ए। 16 तेबे ग्यारा चेले गलील प्रदेशो रे तेस पाहड़ो पाँदे गए, जो यीशुए तिना खे बर्ताई राखेया था। 17 तेबे तिने यीशुए रे दर्शन कित्ते और तिना गे माथा टेकेया, पर तिना बीचा ते केसी-केसी खे शक ऊआ कि जिऊँदा ऊईंगा रा 18 यीशुए तिना रे नेडे आयी की बोलेया, “स्वर्ग और तरतिया रा सारा अक्क मांगे देई राखेया। 19 तो, तुसे जाओ और सब जातिया रे लोका खे चेला बणाओ, और तिना खे पिता, पुत्र और पवित्र आत्मा रे नाओं ते बपतिस्मा देओ 20 और तिना खे सब गल्ला, जो मैं तुसा खे आज्ञा देई राखिया, मानणा सिखाओ, और देखो, आऊँ दुनिया रे आखरी तक सदा तुसा साथे ए।” (aiōn g165)

मरकुस

1 यीशु मसीह जो परमेशरों रा पुत्र ए, तेसरे बारे रे सुसमाचारों री

शुरूआत। 2 जेड़ा यशायाह भविष्यतकर्ते री कताबा रे लिखी राखेया, परमेशरों आपणे पुत्रो खे बोलेया। “देख, आँऊ आपणे दूतो खे तांते पईले पेजुँआ, तेस लोका रे मन ताखे त्यार करने।” 3 “सुणसाण जगा रे एक आक्का पाणे वाले री आवाज सुनने लगी री, ‘प्रभुरी खातर लोका रे मनो खे त्यार करो, और तिना रे मनो खे सीदा करो।’” 4 यूहन्ना आया, जो सुणसाण जगा रे बपतिस्मा देओ था और पापो री माफिया खे मन फेरने रे बपतिस्मे रा प्रचार करो था। 5 तेबे बऊत सारे यहूदिया प्रदेशो रे लोक और यस्तलेन नगरो रे बी बऊत सारे रणे वाले लोक निकली की तेसरो गये और आपणे पापो खे मानी की यरदन नदिया रे तेसरे बपतिस्मा लया। 6 यूहन्ना ऊँटो रे बालो रे टाले पईनो था और आपणे लको रे चामडे रा पट्टू बानी राखो था और टिट्ठिया और बणो रा सईत खाया करो था। 7 से ये प्रचार करो था, “जो मांते बाद आऊणे वाला ए, से मांते बी जादा महान् ए, आँऊ तो एते जोगा पनिए कि चुकी की तेसरे जोडे रे फिथे खोलूँ। 8 मैं तो तुसा खे पाणिए साथे बपतिस्मा दिरेया, पर तेस तुसा खे पवित्र आत्मा साथे बपतिस्मा देणा।” 9 तेस बखते यीशुए, गलील प्रदेशो रे नासरत नगरो ते आई की यरदन नदिया रे यूहन्नने ते बपतिस्मा लया। 10 जेबे यीशु पाणिए बीचा ते निकली की पाँदे आए, तेबे तिने तेबु सर्ग खुलादा ऊआ और जियाँ कबूतर उड्डा ऊआ थाले आओआ तिंयाँ ई तिने पवित्र आत्मा आपू पाँदे आँऊदे ऊए देखेया। 11 तेबे स्वर्गो ते ये आवाज आई, “तूँ मेरा प्यारा पुत्र ए और आँऊ तांते खुश ए।” 12 तेबे पवित्र आत्मा तेबुई यीशुए खे सुणसाण जगा रे लईगा। 13 सुणसाण जगा रे चाली दिन तक शैतान तिना री परीक्षा करदा रया और सेयो जंगली जानवरो साथे रए और स्वर्गदूत तिना री सेवा करदे रये। 14 यूहन्ने रे पकड़वाए जाणे ते बाद, यीशुए गलील प्रदेशो रे आई की परमेशरो रे राज्य रा सुसमाचार प्रचार कित्तेया। 15 तिने बोलेया, “बखत पूरा ऊईगा रा और परमेशरो रा राज्य नेडे आईगा रा, मन फेरो और सुसमाचारो पाँदे विश्वास करो।” 16 गलीलो रे समुद्रे रे कनारे-कनारे जांदे ऊए यीशुए शमौन और तेसरा पाई अन्द्रियास समुद्रे रे जाल पाँदे ऊए देखेया, कऊँकि सेयो मछलिया पकड़ने वाले थे। 17 तेबे यीशुए तिना खे बोलेया, “मां पीछे आओ और जियाँ तुसे मच्छली पकड़ना जाणोए तिंयाँ ई मां तुसा खे परमेशरो गे मांणू पकड़ी की ल्याऊणे सिखाणे।” 18 सेयो तेबुई जाल छाडी की यीशुए पीछे चली पडे। 19 तेबे थोड़ी जी आगे जाई की यीशुए, जब्दिए रे पाऊ याकूब और तेसरा पाई यूहन्ना किस्तिया पाँदे जाल ठीक करदे ऊए देखे। 20 तिने तेबुई सेयो बुलाए और सेयो आपणे पिते जब्दियो खे मजदूरा साथे, किस्तिया पाँदे छाडी की यीशुए रे पीछे चली पडे। 21 तेबे यीशु और तिना रे चेले कफरनहूम नगरो रे आए और यीशु आरामो रे दिने प्रार्थना रे कअरो रे गए और उपदेश देणे लगे। 22 लोक तिना रे उपदेशो ते हैरान ऊईंगा, कऊँकि

सेयो तिना खे शास्त्रिया जेडे नि, पर अधिकारो साथे उपदेश देओ थे। 23 तेबे तेस बखते तिना रे प्रार्थना रे कअरो रे एक एड़ा मांणू था, जेसरे दुष्टात्मा थी। 24 तिने चींगी की बोलेया, “ओ यीशु नासरी! आसा खे तांते क्या काम ए? क्या तूँ आसा खे नाश करने आई रा? आँऊ ताखे जाणूँआ कि तूँ कूण ए? तूँ परमेशरो रा पवित्र पुत्र ए।” 25 यीशु तेसरे बक्के और बोलेया, “चुप रओ और एसते निकली जा।” 26 तेबे दुष्टात्मा तेसखे मकरेडी की और जोरे की चींगदी ऊई, तेसते निकली गी। 27 ये देखी की सब लोक हैरान ऊईंगे और आपू बीचे बईस करने लगे, “ये केड़ी गल्ल ए? ये तो कोई नया ई उपदेश ए। ये तो अधिकारो साथे दुष्टात्मा खे बी आज्ञा देओआ और सेयो एसरी आज्ञा खे मानोईया।” 28 तेबे यीशुए रा नाओं गलीलो रे सारे प्रदेशो रे फैली गा। 29 तेबे यीशु तेबुई प्रार्थना रे कअरो ते निकली की याकूब और यूहन्नने साथे, शमौन और अन्द्रियासो रे कअरे आए। 30 शमौनो री सासुला खे बऊत बुखार था से माँजे पाँदे सुती री थी और तेबे तिने फटाफट तेसा रे बारे रे यीशुए खे बोलेया। 31 तेबे यीशुए नेडे जाई की तेसा रा आथ पकड़ी की से ऊबे ठावाली और तेसा रा बुखार उतरी गा और तेबे से तिना री सेवा करने लगी। 32 सॉंजके बखते जेबे सूरज डूबी गा तेबे लोक बऊत सारे बमारा खे और जिना रे दुष्टात्मा थिया, तिना खे लई की यीशुए गे आए। 33 तेबे नगरो रे बऊत सारे लोक द्वारे पाँदे कट्टा ऊईंगे। 34 तेबे यीशुए, जो कईया प्रकारा रिया बमारिया ते दुःखी थे, सब ठीक किन्ते, कई दुष्टात्मा निकयालिया और दुष्टात्मा खे बोलणे नि देओ थे, कऊँकि सेयो तिना खे जाणो थिया कि सेयो परमेशरो रे पुत्र ए। 35 तेबे यीशु तड़के ई उठी गे और सुनसाण जगा खे चली गे और तेती प्रार्थना करने लगे। 36 तेबे शमौन और तेसरे साथी तिना खे टोलादे ऊए गए। 37 जेबे सेयो मिली गे, तेबे तिना खे बोलेया, “बऊत सारे लोक तुसा खे टोलने लगी रे।” 38 तेबे यीशुए तिना खे बोलेया, “चलो, आसे केथी नेडे-तेडे बस्तिया रे चलूँए, ताकि आँऊ तेती बी प्रचार करी सकूँ, कऊँकि आँऊ आई इजी खे रया।” 39 तेबे सेयो गलील प्रदेशो रे बऊत सारी जगा रे और तिना रे प्रार्थना रे कअरो रे जाई-जाई की प्रचार करदे और दुष्टात्मा खे निकयालादे रओ थे। 40 तेबे एक कोंदिए यीशुए गे आई की बिनती कित्ती और तिना रे सामणे कूटणे टेकी की तिना खे बोलेया, “जे तुसे चाओ, तो माखे ठीक करी सकोए।” 41 तेबे यीशुए तेस पाँदे तरस खाई की आपणा आथ आगे कित्तेया और तेसखे छुँई की बोलेया, “आँऊ चाऊंआ कि तूँ ठीक ऊई जाए।” 42 तेबे तेबुई तेसरा कोढ निकली गा और से ठीक ऊईगा। 43 तेबे यीशुए सावधान करी की से तेथा ते फटाफट पेजी ता। 44 और तेसखे बोलेया, “देख, केसी गे नि बताणा, पर जाई की आपू खे पुरोहितो गे दखा और आपणे ठीक ऊणे रे बारे रे जो कुछ मूसे नबीए चढावा ठाराई राखेया, तेस चढावा, ताकि लोका बीचे तेरी गवाई ओ कि तूँ ठीक ऊईगा।” 45 और से बारे जाई की एसा गल्ला रा बऊत प्रचार करने लगेया और एसा गल्ला खे एथो तक फैलाणे लगेया कि यीशु फेर नगरो

रे खुल्लमखुल्ले नि जाई सके, पर सेयो सुणसाण जगा रे रए, पर तेती बी लोक चँक कनारे ते तिना गे आँडैदे रये।

2 कुछ दिना ते बाद यीशु फेर कफरनहूमो नगरो खे आए और सुणने बीचे आया कि सेयो कअरे ए। 2 तेबे इतणे लोक कट्टे ऊँझे कि द्वारो पाँदे बी खड़े खे जगा नि रई और यीशु तिना खे वचन सुनाणे लगी रे थे। 3 तेबे लोक एक अदरंगो रे रोगिए खे चार मांणूआ ते चकाई की तिना गे ली आए। 4 पर जेबे सेयो पीड़ा रिया बजअ ते यीशुए गे नि पँछी सके, तेबे तिने से छत जेते निहे यीशु थे, खोली ता और जेबे सेयो तेस पटी चुके, तेबे से मांजा जेते पाँदे अदरंगो रा रोगी पड़ी रा था, यीशुए रे सामणे त्वरिया। 5 यीशुए तिना रा विश्वास देखी की तेस अदरंगो रे रोगिए खे बोलेया, “ओ पाऊआ, तेरे पाप माफ ऊँझे।” 6 तेबे कुछ शास्त्री जो तेती बैठी रे थे, आपणे-आपणे मनो रे सोचणे लगे, 7 “ये मांणू कऊँ एड़ा बोलोआ? ये तो परमेश्वरो री निन्दा करने लगी रा। परमेश्वरो खे छाडी की ओर कूण पाप माफ करी सकोआ?” 8 यीशुए तेबुई आपणी आत्मा रे जाणी ला कि सेयो आपणे मनो रे एड़ा लगी रे सोचणे तेबे तिने तिना खे बोलेया, “तुसे आपणे-आपणे मनो रे एड़ा बिचार कऊँ करने लगी रे? 9 ये बोलणा बऊत आसान ए कि तेरे पाप माफ ऊँझे पर ये बोलणा बऊत कठण ए कि आपणा मांजा चकी की चल फिर। 10 इजी री खातर तुसे जाणी लओ कि मां माणू रे पुत्रो खे तरतिया पाँदे पाप माफ करने रा बी अक्क ए।” यीशुए तेस अदरंगो रे रोगिए खे बोलेया, 11 “आँऊँ ताखे बोलूँआ कि उठ! आपणा मांजा चकी की आपणे कअरो खे चली जा” 12 से उठेया और तेबु आपणा मांजा चकी की सबी रे सामणे ते निकली की चली गा। तेबे सब हैरान ऊँझे और परमेश्वरो री तारिफ करी की बोलणे लगे, “आसे एड़ा कदी पनि देखेया।” 13 यीशु तेथा ते निकली कि समुद्रे रे कनारे चली गे और सारी पीड़ तिना गे आईंगी, तेबे सेयो तिना खे उपदेश देणे लगे। 14 तेबे जांदे ऊए तिने हलफ़इसो रा पाऊ लेवी चुंगी लणे री चौकिया पाँदे बैठे रा देखेया और तेसखे बोलेया, “मां पीछे आओ” और से उठी की तिना पीछे चली पड़ेया। 15 जेबे यीशु लेवीए रे कअरे रोटी खागे बैठेया, तेबे बऊत चुंगी लणे वाले और पापी, यीशु और तेसरे चेलेया साथे रोटी खागे बैठे, और सेयो बऊत थे जो तिना पीछे आईंगे थे। 16 शास्त्रिए और फरीसिये ये देखी खे की ये तो पापिया और चुंगी लणे वालेया साथे रोटी खाणे लगी रा, तेसरे चेलेया खे बोलेया, “ये तो चुंगी लणे वाले और पापिया साथे कऊँ खाओ पीओआ?” 17 यीशुए ये सुणी की तिना खे बोलेया, “जो पले चंगे ए, तिना खे बैदो री जरूरत नि ऊँटी, पर बमारा खे ओई। आँऊँ एड़ेया लोका खे बुलाणे नि आई रा जो सोचोए कि आँऊ तर्मी ए, पर आँऊँ पापिया खे बुलाणे और तिना रा उद्धार करने आई रा।” 18 बपतिस्मा देणे वाले यूहन्ने रे चेले और फरीसी बअरत करोए। तेबे कुछ लोक यीशुए गे आये और पूछेया, “यूहन्ने रे चेले और फरीसी बअरत राखोए, पर तेरे चेले कऊँ बअरत नि करदे?” 19 यीशुए तिना खे बोलेया, “जदुओ तक लाडा बरातिया साथे रओआ, क्या सेयो बअरत

करी सकोए? ना, जदुओ तक लाडा तिना साथे ए, तदुओ तक सेयो बअरत नि करी सकदे। 20 पर, सेयो दिन आऊणे, जेबे लाडा बरातिया ते लग करेया जाणा, तेस बखते तिना बअरत करना। 21 “नये कपड़े री टाली, पुराणे टालेया रे कोई नि लगांदा, कऊँकि टाली पुराणे टालेया खे और बी कट्टा करी देओ ई, मतलब-नया टाला पुराणे साथे ओर बी जादा फटी जाओआ। 22 नया अँगूरा रा रस पुराणे खल्लडुआ रे कोई नि परदा, नई तो अँगूरा रा रस फैली जाणा और तेस खल्लडुफ़ा फाड़ी देणे और अँगूरा रा रस और खल्लडुदो दोनो ई खराब ऊई जाणे, पर नया अँगूरा रा रस, नये खल्लडुआ रे परेया जाओआ।” 23 एड़ा ऊआ कि यीशु और तिना रे चेले जांदे ऊए सिल्ले तोड़े लगो। 24 तेबे फरीसिये ये देखी की यीशुए खे बोलेया, “तेरे चेले आरामो रे दिने एड़ा काम कऊँ लगी रे करने? क्या इना खे एड़ा करना बिधानो रे मुताबिक खरा ए?” 25 यीशुए तिना खे बोलेया, “क्या तुसे पढ़ी नि राखेया कि जेबे दाऊदो खे जरूरत पड़ी और जेबे तेसखे और तेसरे साथिया खे पूख लगी, तेबे तिने क्या कितेया था? 26 तिने कियाँ अबियातार प्रदान पुरोईतो रे बखते परमेश्वरो रे भवनो रे जाई की पेटा रिया रोटिया खाईया, बिधानो रे मुताबिक पुरोईतो खे छाडी की ओर केसी खे बी खाणा ठीक निए और आपणे साथिया खे बी दितिया।” 27 यीशुए तिना खे बोलेया, “आरामो रा दिन मांणूआ खे बणाई राखेया, माणू आरामो खे निए बणाए रे। 28 तेबेई तो आँऊ माणू रा पुत्र आरामो रे दिनो रा बी प्रभु ए।”

3 यीशु प्रार्थना रे कअरो रे फेर गए, तेबे तेती एक मांणू था, जेसरा आथ सूकेया रा था। 2 तेबे कुछ फरीसी यीशुए पाँदे दोष लगाणे खे और तिना खे काणे रे चक्रो रे थे कि देखूँए कि आरामो रे दिने तेसखे ये ठीक करोआ की नयी। 3 तिने सूके रे आथो वाले माणू खे बोलेया, “बीचे जे खड़ा ऊई जा।” 4 तेबे यीशुए फरीसिया खे बोलेया, “आरामो रे दिने बिधानो रे मुताबिक खरा करना ठीक ए या बुरा करना, प्राण बचाणा या मारना।” पर सेयो चुप रए। 5 तेबे यीशुए तिना रे मनो रे जिही सबाओ ते उदास ऊई की तिना खे रोजो रे चँक कनारो खे देखेया और तेस माणूए खे बोलेया, “आपणा आथ आगे कर” तिने आगे कितेया और तेसरा आथ ठीक ऊईगा। 6 तेबे फरीसी बारे गए और हेरोदेसो खे समर्थन देणे वाले यहूदिया साथे मिली की तिना रे खलाफ योजना बणाई कि तिना खे कियाँ नाश करिए? 7 यीशु आपणे चेलेया साथे समुद्रो रे कनारे चली गे और गलील प्रदेश ते एक बड़ी पीड़ तिना पीछे आईंगी। 8 तेबे तिना रे अचाब्दे रे काम सुणी की यस्तशलैम नगरो, यहूदिया प्रदेश, इदुमिया प्रदेश और यरदन नदिया रे पारो ते सूर और सैदा नगरो रे नेडे ते एक बड़ी पीड़ तिना गे आई। 9 तेबे यीशुए आपणे चेलेया खे बोलेया, “पीड़ मुख्यी ए, एड़ा नि ओ केथी आँऊँ दबी जाऊँ, तो तुसे माखे एक किस्ती त्यार करी दो।” 10 कऊँकि तिने बऊत ठीक कित्ते थे, तेबे जितणे लोका खे बमारिया थिया, सेयो तिना खे छूणे री खातर तिना पाँदे टूटी पड़ो थे। 11 दुष्टात्मा बी, जेबे यीशुए खे देखो थिया, तो सेयो तिना रे सामणे रुड़ी

जाओ थिया; और चींगी की बोलो थिया, “तूँ परमेशरो रा पुत्र ए।” 12 यीशुपु दुष्टात्मा बक्तुत सावधान कित्तिया कि केसी गे मेरे बारे रे नि बताणा, “आँऊ परमेशरो रा पुत्र ए।” 13 इन्हीं ते बाद यीशु पाहङ्गो पाँदे चली गे, और जिना खे से चाओ थे, सेयो आपू गे बुलाए और सेयो तिना गे चली गे। 14 तेबे यीशुपु बारा मर्दा खे पेरिता री पदवी दिती ताकि सेयो तिना साथे-साथे रओ और तिना खे प्रचार करने खे पेजो। 15 और तिना खे दुष्टात्मा खे निकयालूने रा अक्क ओ। 16 और सेयो यो ए, शमौन जेसरा नाओं यीशुए पतरस राखेया। 17 जब्दिर रे पाऊ याकूब और तेसरा पाई यूहन्ना, जिना रा नाओं तिने बूअनरगिस, मतलब, गर्जणो रे पाऊ राखेया। 18 और अन्द्रियास, फिलिप्पुस, बरतुलमै, मत्ती, थोमा, हलफर्ड्सो रा पाऊ याकूब, तदै और दूजा शमौन कनानी, देशभक्त तेते समूह रा सदस्य था जो रोमी सरकारा रे खलाफ थे। 19 और यहूदा इस्करियोती, जिने यीशु बादो ते तोखे ते पकड़वाए बी थे। 20 तेबे यीशु और तिना रे चेले कअरे आए और तिना गे फेर इताणी पीड़ कट्टी ऊईंगी कि सेयो रोटी पनि खाई सके। 21 जेबे तिना रे टब्बरो वालेया ये सुणेया, तो सेयो तिना खे पकड़ने खे निकले, कऊँकि तिना रा मानणा था कि एसरा दमाक ठकाणो निए। 22 जो शास्त्री यस्तश्लेम नगरो ते आए थे सेयो बोलो थे, “एसरे शैतान ए,” और “ये दुष्टात्मा रे सरदारो री मतादा साथे दुष्टात्मा खे निकयालोआ।” 23 तेबे यीशु तिना खे नेढ़े बुलाई की तिना ते उदारणो रे बोलणे लगे, “शैतान आपणे आपू खे और आपणी दुष्टात्मा खे किंयाँ निकयाली सकोआ? 24 और जे केसी राज्य रे फूट पड़ी जाओ तो, से राज्य किंयाँ खड़ा रई सकोआ? 25 और केसी रे कअरे फूट पड़ी जाओ तो, से कअर किंयाँ बणेया रा रई सकोआ? 26 और जे शैतान आपणेया रा ई बैरी बणी जाओगा, तो, से किंयाँ बणेया रा रई सकोआ? तेसरा तो अन्त ई ऊई जाणा। 27 “पर कोई मांणु केसी तागतबरो रे कअरे कूसी की, तेसरा माल किंयाँ लूटी सकोआ? जदुओ तक से तेसखे बानी नि लओगा और तिजी ते बाद ई से तेसरा माल लूटी सकोआ। 28 “आँऊ तुसा खे सच लगी रा बोलणे कि मांणूपु रे सारे पाप और निन्दा जो से करोआ, माफ ऊई जाणे। 29 पर जो पवित्र आत्मा री निन्दा करोआ, तेसखे कदी बी माफी नि मिलणी, और से अनन्त पापो रा अपराह्नी ऊई जाओ आ।” (aiōn g165, aiōnios g166) 30 यीशुए ये तेबे बोलेया कऊँकि सेयो ईयां बोलो थे, “एसरे दुष्टात्मा ए।” 31 तेबे यीशुए री आम्मा और तेसरे पाई आए और तेबे तिने बारे खड़ी की तिना खे सन्देशा पेजेया। 32 यीशुए रे नेढ़े पीड़ थी बैठी री, तेबे तिने यीशुए खे बोलेया, “देख, तुसा री आम्मा और पाई और बईण तुसा ते मिलणा चाओए।” 33 यीशुए तिना खे बोलेया, “मेरी आम्मा और पाई कूणे?” 34 तेबे तिने, जो तिना रे नेढ़े थे बैठे रे, तिना खे देखेया और बोलेया, “देखो, मेरी आम्मा और पाई यो ईए। 35 कऊँकि जो परमेशरो री इच्छा पाँदे चलोआ, सई मेरे पाई, बईण और आम्मा ए।”

4 यीशु फेर समुद्रो रे कनारे उपदेश देणे लगे, तेबे लोका री इताणी बड़ी पीड़ तेती कट्टी ऊईंगी कि सेयो समुद्रो रे एक किसित्या रे बैठीगे

और लोक कनारे पाँदे खड़े रे रये। 2 तेबे से उदारणो रे तिना खे बक्त गल्ला सिखाणे लगे और उपदेशो रे तिना खे बोलणे लगेया, 3 “सुणो! देखो, एक बेजा बाणे वाला, बेजा बाणे निकलेया। 4 तेबे कुछ बिझ बांदे बखते बाटा रे छूटी गे और सेयो पंछिए चुपी ले। 5 कुछ बिझ सापड़ी पाँदे छूटी गे और तेती जादा माटी ना ऊणे री बजअ ते सेयो चट-चट जम्मी गे 6 और जेबे सूरज निकलेया तो तूपा रे फूकी गे और जड़ना पकड़ने री बजअ ते सूकी गे। 7 तेबे कुछ बिझ जाड़ो रे छूटी गे और जाड़ बड़ी गा और सेयो दबी गे और तिना रे कोई फल नि लगेया। 8 पर कुछ बिझ अच्छी जमीना पाँदे छूटे और सेयो जम्मी गे और बड़े ऊई की फल ल्याए, कोई तीइ गुणा, कोई साठ गुणा और कोई सौ गुणा।” 9 तेबे तिने बोलेया, “जो समजी सकोआ से तिजी खे त्यानो साथे सुणो और मानी बी लओ।” 10 जेबे यीशु आपणे बारा बोलेया और कुछ साथिया साथे कलले थे तेबे तिने यीशुए ते इना उदारणा रे बारे रे पूछेया। 11 यीशुए तिना खे बोलेया, “तुसा खे तो परमेशरो रे राज्य रे पेतो री समज दिती रिये, पर बाकि लोका खे उदारणा रेई सारिया गल्ला बोलणिया पढ़ोईया। 12 कऊँकि “सेयो देखोए, पर तिना खे सुजदा नि, सेयो सुणदे ऊर तो सुणोए, पर समजदे नि, एड़ा नि ओ केथी तिना रा मन फिरी जाओ और तिना रे पाप माफ ऊई जाओ।” 13 तेबे यीशुए तिना खे बोलेया, “अगर तुसे एस उदारणो खे नि समजदे? तो तुसा ओर क्या उदारण समजणे 14 बाणे वाला परमेशरो रा वचन लगी रा बाणे। 15 जो बिझ बाटा रे छूटे थे, सेयो ये लोक ए जिने परमेशरो रा वचन सुणेया, पर शैतान तिना खे फटाफट जो तिने सुणी राखेया था, चोरी की लई जाओआ। 16 तिंवाँ ई जो सापड़ी पाँदली जमीना पाँदे बाए जाओए, सेयो ये लोक ए जो परमेशरो रा वचन सुणी की खुशी-खुशी मानी लओए। 17 पर सेयो लोक तिना खे छोटी जी डालिया जेड़े जो जड़ ना राखणे री बजअ ते सेयो थोड़े ई दिना खे ओर्डिया; जेबे वचनो री बजअ ते तिना पाँदे क्लेश या उपद्रव ओए, तो सेयो चट ई ठोकर खाई लओए 18 और जो जाड़ो रे बाए थे, सेयो ये लोक ए, जिने परमेशरो रा वचन सुणेया, 19 पर दुनिया री चिन्ता, पैसे रा तोखा और कई चीजां रा लोब तिना रे बसी की वचनो खे दबाई देओआ और से निष्फल रई जाओआ। (aiōn g165) 20 जो अच्छी जमीना रे बाए थे, सेयो यो लोक ए, जो परमेशरो रा वचन सुणी की मानी लओए और आत्मिक फल ल्याओ ए, कोई तीइ गुणा, कोई साठ गुणा और कोई सौ गुणा।” 21 तेबे यीशुए तिना खे बोलेया, “क्या दिउए खे इजी री खातर नि कि फटिया पाँदे राखो? क्या इजी री खातर नि कि टोकरूप या माँजे निठे राखो? क्या इजी री खातर नि कि फटिया पाँदे राखो? 22 कऊँकि कोई बी चीज लिपी नि सकदी; पर सामणे आओई ना कुछ गुप्त ए, पर सामणे आई जाओआ। 23 जो समजी सकोआ से तिजी खे त्यानो साथे सुणो और मानी बी लओ।” 24 तेबे यीशुए तिना खे बोलेया, “चौकस रओ कि क्या लगी रे सुणने? जेते नापे की तुसे नापोए, तिजी नापो साथे तुसा खे बी नापेया जाणा और तुसा खे जादा देणा। 25 जो मेरा वचन सुणोआ तेसखे ओर बी अकल दिती

जाणी, पर जो मेरा वचन नि सुणदा, तेसते से बी जो तेसगे आए लई लणा।” 26 तेबे यीशुए बोलेया, “परमेश्वरो रा राज्य एडा ए, जियाँ कोई मांणू डोरुआ रे बीज सेटोआ 27 और ये जिम्मीदार राती सओआ, दिने जागोआ और सेयो बिक एडे जम्मोए और बडोए कि तेसखे पता इनि लगदा। 28 तरती आपू फल ल्याओ ई पईले लूंग तेबे सिल्ले और तेबे सिल्लेया रे त्यार दाँण। 29 पर जेबे दाँणा पाककी जाओआ, तेबे ये जिम्मीदार फटाफट दराटी लगाओआ, कऊँकि बाढणे रा बखत ऊई जाओआ।” 30 तेबे यीशुए बोलेया, “आसे परमेश्वरो रे राज्य री तुलना किजी साथे करिए और केस उदारणो साथे परमेश्वरो रे राज्य रे बारे रे बताईए? 31 परमेश्वरो रा राज्य अउरिया रे दाणे जेडा ए कि जेबे जमीना रे बाओए, तेबे सबी दाणेया ते छोटा ओआ। 32 पर जेबे से जम्मोआ, तेबे सबी सागो-पातो ते बडा ऊई जाओआ और तिजी रिया इतियां बड़िया डालिया निकलोईया कि सर्गो रे पंछी तिजी री छांयाँ रे बसेरा करी सकोए।” 33 यीशु एडे बऊत उदारण देई की तिना रे समजणे रे मुताबिक तिना खे परमेश्वरो रा वचन सुणाओ थे 34 और सब कुछ उदारणो साथे बोलो थे, पर सेयो कल्ले जे आपणे चेलेया खे बुलाओ थे और हर उदारणा रा मतलब समजयाओ थे। 35 तेसी दिने जेबे साँज ऊई, तेबे यीशुए चेलेया खे बोलेया, “आओ, आसे समुद्रो ते पार चलूए।” 36 तेबे चेले पीडा खे छाडी की तेते किस्तिया रे गए, जेते किस्तिया रे यीशु पईले तेई बैठे रे थे और सेयो यीशुए खे लई की पार चली गे और तिना साथे और बी किस्तिया थिया। 37 तेबे बऊत बडा पारी तूफान आया और लईरा एड़िया आईया कि किस्ती पाणिए साथे फरने वाली थी। 38 यीशु पीछे गदिया पाँदे सङ्गले लारी रे थे, तेबे चेलेया यीशुए खे जगाई की बोलेया, “ओ गुरु! क्या तुसा खे फिकर निए कि आसे डूबणे वाले ए?” 39 तेबे यीशु उठी की तूफानो खे बके और पाणिए खे बोलेया, “शान्त रओ और रुकी जाइ!” और तूफान रुकी गा, तेबे बड़ी शांति ऊईगी। 40 तेबे यीशुए चेलेया खे बोलेया, “तुसे कऊँ डरोए? क्या तुसा खे एबुए तक विश्वास निए?” 41 तेबे चेले बऊत डरी गे और आपू बीचे बोलणे लगे, “ये कूणे, जो न केवल दुष्टात्मा बल्कि तूफान और पाणी बी एसरी आज्ञा खे मानोए?”

5 तेबे यीशु और तिना रे चेले गलीली समुद्रो ते पार गिरासेनियो रे प्रदेशो रे पऊँछी गे। 2 जेबे यीशु किस्तिया ते उतरे, तेबे तेबुई एक मांणू, जेसरे दुष्टात्मा थी, कब्रा ते निकली की तिना खे मिलेया। 3 से कब्रिस्तानो रे रओ था और बऊत ई हुँड़गंग मचाणे वाला था। तेसखे कोई बी एबुए तक साँगलो रे बानी की नि राखी सको था। 4 कऊँकि से कई बार बेड़िये की और साँगलो साथे बानेया, पर तिने साँगल तोड़ी ते और बेड़िया रे टुकड़े-टुकड़े करी ते, तेसखे कोई बी वशो रे नि करी सको था। 5 से रात-दिन कब्रिस्तानो रे और पाह्डो रे चींगदा रओ था और आपू खे पात्थरो साथे काईल करदा रओ था। 6 से यीशुए खे देखी की दूरो तेई दौड़ी गा और तिने तिना गे माथा टेकेया। 7 तेबे तिने ऊच्ची आवाजा रे चींगी की बोलेया, “ओ यीशु परमप्रदान परमेश्वरो रे पुत्र! माखे तांते क्या

काम? आऊँ ताखे परमेश्वरो री कसम देऊँआ कि माखे दुःखी न कर।” 8 कऊँकि तिने तेसखे बोलेया था, “ओ दुष्टात्मा, एस मांणूए ते निकली जा।” 9 यीशुए तेसते पूछेया, “तेरा नाओं क्या ए?” दुष्टात्मे बोलेया, “सेना कऊँकि आसे बऊत सारे ए।” 10 तेबे तिने तिना ते बऊत बिनती किती, “आसा खे एसा जगा ते बारे नि पेज।” 11 तेती पाह्डो पाँदे सूंअरो रा एक चूण्ड चरने लगी रा था। 12 तेबे दुष्टात्मा यीशुए ते बिनती किती, “आसा खे इना सूंअरा बीचे पेजी दे, ताकि आसे इना रे पीतरे चली जाऊँ।” 13 तेबे यीशुए तिना खे आज्ञा दिती, और दुष्टात्मा निकली और सूंअरा रे चूण्डा रे समाई गी। जो दो हजारा रा था। तेबे से काअड़ी पाँदो ते छवाल खाई की समुद्रो रे पड़ी गा और डूबी की मरी गा। 14 तेबे तिना खे चराणे वालेया दौड़ी की गांव और शर्फोरे रे खबर दिती और जो ऊआ था लोक तेस देखणे आए। 15 यीशुए गे आई की सेयो, जेसरे दुष्टात्मा थी, मतलब-जेसरे सेना समाई री थी, से बिल्कुल ओशा रे और टाले पईनी की बैठे रा देखेया, और डरी गे। 16 एस आदसे खे देखणे वालेया, तेसरा, जेसरे दुष्टात्मा थी और सूंअरा रा पूरा आल तिना खे सुणाया। 17 तेबे सेयो यीशुए ते बिनती करने लगे, “म्हरि बन्ने ते चली जाओ।” 18 जेबे यीशु किस्तिया रे चढ़ने लगे और जेसरे दुष्टात्मा थी, तिने बोलेया, “माखे बी आपू साथे आऊणे दे।” 19 पर यीशुए तेसखे ना करी ती और तेसखे बोलेया कि आपणे कअरो खे वापस चली जा और लोका खे बता कि तां पाँदे प्रभुए केड़ी दिया किती और तेरी तई कितणे बड़े काम किते।” 20 तेबे से दिकापुलिस प्रदेशो खे गया और इना गल्ला रा प्रचार करने लगेया, “यीशुए मेरिया तंई कितणे बड़े काम किते।” ये सुणी की सब लोक हैरान ऊई गे। 21 जेबे यीशु किस्तिया रे वारले कनारे आए और समुद्रो रे कनारे पऊँछी गे तेबे एक बड़ी पारी पीड़ तिना गे कट्टी ऊईगी। 22 तेबे याईर नाओं रे प्राथना रे कअरो रे सरदारा बीचा ते एक तेती आया और यीशुए खे देखी की तिना रे पैरो पाँदे पड़ी गा। 23 तेबे तिने बिनती किती और बोलेया, “मेरी छोटी बेटी मरने वाली ए, तुसे मेरे कअरे आई की तेसा पाँदे आथ राखो, ताकि से ठीक ऊई जाओ और जिऊँदी रओ।” 24 तेबे यीशु तेस साथे चली गे, और एक बड़ी पारी पीड़ बी तिना साथे आईगी, एथो तक की लोक तिना पाँदे रूड़ी जाओ थे। 25 तेबे एक जवानस जो तेसा पीडा री थी, जेसा खे बारा साला ते खून बड़गे री बमारी थी 26 और से आपू खे ठीक ऊणे री तंई कई बैदा गे गई और आपणा सब कुछ खर्च करी ता, पर से ओर बी बमार ऊईगी और कुछ फाईदा नि ऊआ। 27 यीशुए रे बारे रे सुणी की से पीडा ते पीछे ते आई और तिना रे टाले लूँए। 28 कऊँकि से बोलो थी, “जे आऊँ तिना रे टाले ई छुँई लऊँगी, तो ठीक ऊई जाणी।” 29 और तेबुई तेसा रा खून बड़गा बंद ऊईगा और तेसे आपणे शरीरो ते जाणी ला कि मेरी बमारी ठीक ऊईगी। 30 यीशुए तेबुई आपू रे जाणी ला, “मांते सामर्थ निकली री।” तेबे तिने पीडा रे पीछे मुड़ी की पूछेया, “मेरे टाले किने छुँए?” 31 तिना रे चेलेया तिना खे बोलेया, “तुसा खे पता तो आए कि इतपी पीड़ तुसा पाँदे पड़ी री और तुसे बोलोए, ‘आऊँ किने छूँयां?’” 32 तेबे यीशु ये

देखणे री तंई, “आऊँ किने छूँयां” सेयो चऊँ कनारे देखणे लगे। 33 तेबे से जवानास ये जाणी गी कि मां साथे केडी पलाई ऊई री, से डरदी और थरथरांदी ऊई आई और यीशुए रे पैरा पौंद पड़ी गी और तेसे सारा आल सच-सच तिना खे सुनाया। 34 यीशुए तेसा खे बोलेया, “बैटिये, तेरे विश्वासे तूँ ठीक कित्ती। बैफिकर ऊई की जा और आपणी एसा बमारिया ते बची री रओ।” 35 यीशु ये बोलणे ई लगी रे थे कि प्रार्थना रे कअरो रे सरदारो रे कअरो ते कुछ लोक आए और बोलेया, “तेरी मुन्नी मरी गी। एबे गुहओ खे कष्ट कऊँ लगी रा देणे?” 36 जो गल्ल सेयो करने लगी रे थे, से यीशुए अणसुणी करी की प्रार्थना रे कअरो रे सरदारो खे बोलेया, “डर निः बस विश्वास रखा।” 37 तेबे यीशुए पतरस, याकूब और तेसरा पाई यूहन्ने खे छाडी की कोई बी आपू साथे आउणे नि दित्तेया। 38 तेबे प्रार्थना रे कअरो रे सरदारो रे कअरे पऊँची की तिने लोक रोंदे ऊए और राडिया देंदे ऊए देखे। 39 तेबे यीशुए पीतरे जाई की तिना खे बोलेया, “तुसे रोणे और राडिया कऊँ लगी रे देणे? तेरी मुन्नी मरी नि रई, पर सऊणे लगी री।” 40 सेयो ये गल्ल सुणी की यीशुए रा मजाक लगे ऊडाणे, पर तिने सब जणे बारे निकायाली की मुनिया रे माए-बाओ और आपणे तीनो चेलेया साथे पितरे गया, जेती मुन्नी थी पड़ी री। 41 तेबे तिने मुनिया रा आथ पकड़ी की तेसा खे बोलेया, “तलीता कूमी!” मतलब “ओ मुनिए आऊँ ताखे बोलूँआ कि उठ।” 42 तेबे मुन्नी उठी और फटाफट चलणे-फिरने लगी। से बारा साला री थी। ये देखी की सारे लोक बऊत हैरान रई गे। 43 तेबे तिने तिना खे सावधान करी की बोलेया, “ये गल्ल केसी गे नि बोलणी और एसा मुनिया खे कुछ खाणे खे देओ।”

6 यीशु कफरनहूमो ते निकली की आपणे नगर नासरतो खे आए और तिना रे चेले बी तिना साथे आए। 2 आरामो रे दिने सेयो प्रार्थना रे कअरो रे उपदेश देणे लगे, उपदेश सुणी की लोक हैरान ऊईगे और बोलणे लगे, “यो गल्ला एसखे कियाँ ए पता? और ये कुण जा ज्ञान ए, जो एसखे दई राखेया? और एसरे आथो साथे यो सामर्थे रे काम कियाँ ओए? 3 आसे जाणूए कि ये लकडिया रा मिस्त्री ए, जो मरियोरा पाऊ ए और याकूब, योसेस, यूहदा और शमैनोरा पाई ए और क्या एसरिया बईंगी आसा बीचे ई नि रंदिया?” इजी बजअ ते तिने तेसखे अपनाणे ते न कित्ती। 4 यीशुए तिना खे बोलेया, “भविष्यबक्ता रा आपणे इलाके रे, आपणे टब्बर और आपणे कअरो खे छाडी की ओरथी सारी जगा आदर ओआ।” 5 तेबे सेयो नासरत नगरो रे बऊत सामर्थ रे काम नि करी सके, बस तिने कुछ बमारा पाँदे आथ राखी की सेयो ठीक कित्ते। 6 तेबे सेयो, तिना रा अविश्वास देखी की हैरान ऊईगे, और तेबे सेयो गांव रे चऊँ कनारे कूमदे ऊए उपदेश देणे लगे। 7 तेबे यीशुए बारा चेले बुलाई की दो-दो करी की पेजे और तिना खे दुष्टात्मा खे निकालने रा अक्क दित्तेया। 8 तेबे यीशुए तिना खे आज्ञा दित्ती, “बाटा खे आपू साथे डण्डा छाडी की ओर कुछ नि लणा; ना रोटी, ना चोली और ना बटुए रे पैसे। 9 पर जोड़े पईनो, और आपू साथे दो जोड़ी टाल्ले नि राखो।” 10 तेबे तिने तिना खे

बोलेया, “जेबे तुसे केसी नगरो रे जाओ और कोई तुसा खे आपणे कअरे बुलाओ, तो जदुओ तक तुसे तेस इलाके ते चली नि जाओ, तदुओ तक तेस ई कअरो रे रओ। 11 जेते जगा रे लोक तुसा खे नि मानो और तुसा री नि सुणो, तो तेथा ते चलदे बणो और आपणे पैरा री तूँ तेथी चाड़ी देओ, ताकि तिना रे खलाफ सबूत ओ।” 12 तेबे चेलेया जाई की प्रचार कित्तेया, “मन फिराओ।” 13 तिने बऊत दुष्टात्मा निकयालिया और बऊत बमार तेल मली की ठीक कित्ते। 14 तेबे हेरोदेस राजे यीशुए रे बारे रे सुणेया, कऊँकि तिना रा नाअं बऊत फैली गा था। तेबे कुछ लोक ईयां बोलो थे, “यूहन्ना बपतिस्मा देणे वाला मरे रेया बीचा ते जिँऊँदा ऊई रा, तेबैई तो तेसते यो सामर्थे रे काम ओए।” 15 तेबे कुछ जणे बोलेया, “ये तो एलिय्याह ए”, कुछ जणे बोलेया, “भविष्यबक्ता बीचा ते कोई एक ए।” 16 हेरोदेस राजे ये सुणी की बोलेया, “जेस यूहन्ने रा सिर मैं बडवाया था, ये सेई जिँऊँदा ऊईगा रा।” 17 कऊँकि हेरोदेसे आपणे पाई फिलिप्पुसो री लाडी हेरोदियासा री बजअ ते, जेसा साथे तिने व्या कित्तेया था, लोका खे जेजी की यूहन्ना पकडवाया और जेला रे पाईता था। 18 कऊँकि यूहन्ने हेरोदेसो खे बोलेया था, “आपणे पाईए री लाडी राखणा ताखे खरी गल्ल निए।” 19 तेबैई तो हेरोदियास यूहन्ने साथे दुश्मणी राखो थी और ये चाओ थी कि एसखे कुलवाई देऊँ, पर एड़ा नि ऊई सकेया। 20 कऊँकि हेरोदेस यूहन्ने खे तर्मी और पवित्र माणू मानो था और तेसते डरो था और तेसखे बचाए रे राखो था और तेसरी सुणी की बऊत कबराओ था, पर बऊत खुश ओ था। 21 तेबे ठीक मोके पाँदे, जेबे हेरोदेसो रा जन्मदिन था, तेबे तिने आपणे प्रदाना खे, सेनापतिया और गलीलो रे बड़े लोका खे पाटी राखी। 22 तेबे हेरोदियासा री मुन्नी पीतरे आई और नाचणे लगी, तेसा रा नाच देखी की हेरोदेस और तेस साथे बैठणे वाले खुश ऊईगे। तेबे हेरोदेस राजे तेसा खे बोलेया, “मँग, जो ताखे चाईयो, मां ताखे देणा।” 23 और तिने कसम खाई, “आदे राज्य तक, जो तूँ मांगेगी, मां ताखे देणा।” 24 तेसे बारे जाई की आपणी आम्मा ते पूछेया, “आऊँ क्या मांगू?” माए बोलेया, “यूहन्ना बपतिस्मा देणे वालेया रा सिर चाईयो।” 25 तेबे मुन्नी फटाफट राजे गे पितरे आई और तेसते बिनती करी की बोलेया, “आऊँ चाऊई कि तूँ एबु यूहन्ना बपतिस्मा देणे वाले रा सिर एक थालिया रे माखे मंगवाई दे।” 26 तेबे हेरोदेस राजा बऊत उदास ऊईगा, पर आपणी कसमा री बजअ ते और आपू साथे बैठे रे लोका री बजअ ते, से तेसा री गल्ल टाली नि सकेया। 27 तेबे राजे तेबैई एक जलाद पेजेया और तेसखे आज्ञा दित्ती कि तेसरा सिर बाडी की ल्याओ। 28 तेबे तिने जेला रे जाई की तेसरा सिर बाडेया और एक थालिया रे पाई की ल्याया और हेरोदियासा री मुनिया खे दित्तेया, और मुनिए आपणी आम्मा खे दित्तेया। 29 ये बुरी खबर सुणी की यूहन्ना रे चेले आए और तेसरी लोथ चकी की कब्रा रे राखी। 30 जेबे बारा प्रेरित जो यीशुए दुष्टात्माओं खे निकालने रा अक्क देई की दो-दो करी की पेजे थे वापस आए तो जो कुछ तिने कित्तेया और जो सिखाई राखेया था, सब तिना गे बताया। 31 यीशुए चेलेया खे बोलेया, “तुसे

आपू बी केथी जंगलों रे जाई की आराम करी लो।” तिने ये इज्जी खे बोलेया था, कऊँकि बऊत लोक आओ थे और तिना खे रोटी खाणे खे बी बखत नि मिलो था। 32 तेबे यीशु और तिना रे चेले किस्तिया रे चढ़ी की, सुणसाण जगा रे चली गे। 33 तेबे बऊत जणेया यीशु और तिना रे चेले जाए ऊ देखी ले और तेबे सब नगरो रे लोक कट्टू ऊई की पैदल ई दौड़ी गे और तिना ते पइले तेती पऊँछी गे। 34 तेबे तिने किस्तिया ते उतरी की एक बड़ी पीड़ देखी और तिना खे तेसा पीड़ा पाँद तरस आया, कऊँकि सेयो तिना पेडा जेडे थे, जिना रा कोई रखवाला नि ऊँदा। तेबे यीशु तिना खे बऊत गल्ला सिखाणे लगे। 35 तेबे सौँज ऊणे वाली थी, तेबे तिना रे चेले तिना खे बोलणे लगे, “ये सुणसाण जगा ए और दिन बऊत चढ़ी गा रा। 36 एबे इना खे बिदा करी देयो, ताकि यो गांव, और बस्तिया रे जाई की आपू खे खाणे खे कुछ खरीदी सको।” 37 यीशुए तिना खे बोलेया, “तुम्हेई इना खे खाणे खे देयो।” चेलेया बोलेया, “क्या आसे इना खे दो सौ चाँदिए रे सिक्केया रे मोलो रे बराबर (मतलब दो सौ दिनो री मजदूरिया रे बराबर ए) रोटिया खरीदी लईये और इना खे खुलाईए?” 38 यीशुए तिना खे बोलेया, “जाओ और देखो तुसा गे कितानिया रोटिया ए?” तिने पता करी की बोलेया, “पाँज रोटिया और दो मछलिया ए।” 39 तेबे यीशुए चेलेया खे आज्ञा दित्ती कि सबी खे अरे काओ पाँद बाँईठी रे बठयाली देओ। 40 सेयो सौ-सौ और पंजा-पंजा, बाँईठी रे बैठीगे। 41 तेबे यीशुए सेयो दो मछलिया और पाँज रोटिया लईया और स्वर्णो खे देखी की धन्यवाद कित्तेया और रोटिया तोड़ी-तोड़ी की आपणे चेलेया खे दित्तिया कि लोका खे बांडी देओ और सेयो मछलिया बी बांडिया। 42 तेबे सब खाई की रजी गे। 43 और तेबे तिने बचे रे तुकड़ेया रिया बारा टोकरिया परी की चकिया और कुछ मछलिया बी थिया। 44 जिने रोटिया खाईया, तिना बीचे जादातर पाँज झजार तो मर्द थे। 45 तेबे यीशुए तेबुई आपणे चेले किस्तिया रे चढ़ाए, ताकि सेयो तिना ते पईले, पार बैतसैदा नगरो खे चली जाओ, जदुओ तक की सेयो लोका खे बिदा करोए। 46 तेबे से पीड़ा खे बिदा करी की पाहड़ो पाँद प्रार्थना करने खे गए। 47 जेबे सौँज ऊई, तेबे चेलेया री किस्ती समुद्रो रे थी और यीशु कल्ले जमीना पाँद थे। 48 यीशुए देखेया कि तिना रे चेले बड़ी मुश्किला साथे चप्प चलादें-चलादें ऊए कबराणे लगी रे, कऊँकि अवा तिना रे खलाफ थी, तेबे सेयो राथियो रे चौथे पझोरे रे नेडे, समुद्रो रे पाणिए पाँद चली की तिना गे आए और सेयो तिना ते आगे निकलना चाओ थे। 49 पर जियाँ ई चेलेया यीशुए खे समुद्रो रे पाणिए पाँद चलदे ऊए देखी की सोचेया कि ये तो पूत ए और सब डरो रे मारे चींगणे लगे। 50 कऊँकि सब तिना खे देखी की कबराई गे थे, पर यीशुए फटाफट तिना साथे गल्ल कित्ती और बोलेया, “याओ राखो। आऊँ ए। डरो नि।” 51 तेबे सेयो तिना साथे किस्तिया रे आए और अवा रुकी गी, तिना रे चेले ये देखी की हैरान ऊईगी। 52 कऊँकि सेयो एथो तक तिना रोटिया रे बारे रे नि समजे थे। और तिना रे मन कठोर ऊईगे थे। 53 तेबे यीशु और तिना रे चेले गलीली समुद्रो ते उतरी की गनेसरत नगरो री जगा रे पऊँछे

और किस्ती कनारे पाँद लगाई री। 54 जेबे सेयो किस्तिया ते उतरे, तेबे लोक तिना खे पछयाणने लगे 55 और ओरे-पोरे सारे-देशो रे दौड़े और बमारा खे माँजे पाँद लट्याली की, जेती-जेती सुणेया कि यीशु तेती ए, 56 सेयो तेथी-तेथी पऊँछी गे। और जेती केथी सेयो, गांव, नगर और बस्तिया रे जाओ थे, तेबे लोक बमारा खे बजारो रे छाडी की तिना ते बिनती करो थे कि बमारा खे बस आपणे टाले रा पल्ला ई छूणे दे। और जितणे तिना खे छूणो थे, सेयो ठीक ऊई जाओ थे।

7 तेबे फरीसी और कई शास्त्री यीशुए गे कट्टू ऊए, जो यरशलेम नगरो ते आए थे। 2 तेबे तिने तिना रे चेले बिना आथ तोए रोटी खाँदे ऊए देखे। 3 कऊँकि फरीसी और सब यहूदी बुजुर्गा रिया रवाजा पाँद चलो थे और जदुओ तक तिना री रिवाजा रे मुताबिक ठीक टंगो रे आथ नि तोई लओ थे, तदुओ तक नि खाओ थे। 4 और बजारो ते आई की जदुओ तक नाई नि लओ थे, तदुओ तक नि खाओ थे और बऊत एडिया गल्ला ए, जो सेयो मानोए-जेडे-कटोरे, लोटे और तांबेया रे पांड मांजणो। 5 तेबेर्ई तो तिने फरीसिये और शास्त्रिए यीशुए ते पूछेया, “तेरे चेले बुजुर्गा रिया गल्ला कऊँ नि मानदे और बिना आथ तोए रोटी खाओए?” 6 यीशुए तिना खे बोलेया, “यशायाह भविष्यबक्ते तुसा कपटिया रे बारे रे ठीक भविष्यबाणी ए कित्ती री; जेडा लिखी राखेया, “यो लोक मुंओ ते तो मेरा आदर करोए, पर मनो ते मांते दूर रओए। 7 यो बिना मतलबो ते मेरी भक्ति करोए, कऊँकि मांण्यूए री आज्ञा खे यो तर्मो रा उपदेश करी की सिखाओए।” 8 कऊँकि तुसे परमेश्वरो री आज्ञा खे ताली की मांण्यूए री रवाजा खे मानोए।” 9 तेबे यीशुए तिना खे बोलेया, “तुम्हे मांण्यूए रे जरिए बणाई री रीति-रिवाजा खे मानणे री ताँई परमेश्वरो री आज्ञा खे कितणी चलाकिया साथे ताली देओए। 10 कऊँकि मूसे नबीए बिधानो रे बोती राखेया, ‘आपणे माया-बावा रा आदर कर’ और ‘जो कोई तिना खे बुरा बोलोगा से जरूर काया जाणा।’ 11 पर तुम्हे बोलोए कि जे कोई आपणे माया-बावा खे बोलो, ‘जो कुछ तुसा खे मांते फाईदा ऊई सकोआ, से कुरबान ए, सब कुछ परमेश्वरो खे।’ क्या एड़ा बोलणा ठीक ए? 12 तो तेबे तुसे तेसखे आपणे माया-बावा री कुछ बी सेवा करने नि देंदे। 13 ईयाँ ई तुसे आपणी रवाजा ते, जो तुसे बणाई राखिया, परमेश्वरो रा वचन ताली देओए और एड़े-एड़े ई बऊत बुरे काम करोए।” 14 तेबे यीशुए लोका खे आपू गे बुलाई की बोलेया, “तुम्हे सब मेरी सुणो और समजो। 15 एड़ी कोई बी चीज निए जो मांण्यूए खे बाअरा ते अशुद्ध करोई, पर जो गल्ला मांण्यूए रे पीतारो ते निकलोई, से मांण्यूए खे अशुद्ध करोई। 16 जो समजी सकोआ से तीजी खे त्यानो साथे सुणो और मानी बी लओ।” 17 जेबे यीशु पीड़ा गे ते कअरो खे गए, तेबे तिना रे चेलेया तिना ते एस उदारणो रे बारे रे पूछेया। 18 तिने तिना खे बोलेया, “क्या तुम्हे बी एड़े ई नासमज ए? क्या तुम्हे नि जाणदे कि जो रोटी मांण् य खाओआ, से तिजी ते अशुद्ध नि ऊई सकदा? 19 कऊँकि से तेसरे मनो रे नि, पर पेटो रे जाओई, और सड़यानी साथे निकलोई।” ये बोली की

तिने सारी खाणे रिया चीजा शुद्ध ठंडराई रखिया। 20 तेबे तिने बोलेया, “जो बुरिया गल्ला मांगूआ रे मुंओ ते निकलोईया, सई तेसखे अशुद्ध बणा ओईया। 21 कऊँकि मांणूए रे मनो रे बुरे-बुरे बिचार, व्याभिचार, चोरी, अत्या, 22 परस्त्रीगमन, लोब, दुष्टा, छल, लुचपण, तुरी नजर, निन्दा, कमण्ड और मुख्ता निकलोई। 23 यो सब बुरिया गल्ला पीतरो ते इन निकलोईया और मांणूए खे बुरा बणा ओईया।” 24 तेबे यीशु और तिना रे चेले गलील प्रदेशो ते उठी की सूर और सैदा रे नगरो खे आए और एक कअरो रे गए और सेयो चाओ थे कि कोई बी तिना रे बारे रे नि जाणो, पर सेयो लुकी नि सके। 25 तेबे एक जवाणस थी, जेसा री छोटी मुनिया रे दुष्टात्मा आत्मा थी, तेसे यीशु रे बारे रे सुणेया और तेबे से तिना गे आई और तिना रे पैरो पाँदे पढ़ी गी। 26 ये यूनानी और सूफ़ीनीकी जातिया री थी, तेसे यीशु ते बिनती कित्ती, “मेरी मुनिया ते दुष्टात्मा निकलाली दे।” 27 तिने तेसा खे बोलेया, “पईले बच्चेया खे रजणे दे, कऊँकि बच्चेया री रोटी कुत्तेया रे आगे राखणा खरी गल्ल निए।” 28 तेसे जवाणसे बोलेया, “सब ए प्रभु, पर तेबे बी तो छोटे कुते बी बच्चेया री रोटिया ते बचे रे टुकड़ेया रा चूरा खाई लओए।” 29 यीशु रे तेसा खे बोलेया, “जे एड़ी गल्ल ए, तेबे तो तूँ चली जा; दुष्टात्मा तेरी मुनिया ते निकली गी री।” 30 तेबे से आपणे कअरे आई और तेसे देखेया कि तेसा री मुन्नी माँजे पाँदे ए और दुष्टात्मा निकली गी री। 31 तेबे यीशु सूर और सैदा रे नगरो ते निकली की सिदेन और दिकापुलिसो रे प्रदेशो रे ऊँदे ऊए गलीलो रे समुद्रो रे नेडे पँकछे। 32 तेबे लोके एक मांणू तिना गे ल्याया जो टौणा और तूतला था, तेबे तिने यीशु ते बिनती करी की बोलेया, “आपणा आथ एस पाँदे राखी देयो।” 33 तेबे यीशु तेसखे पीड़ा ते लग जे लईगे और आपणिया गुठिया तेसे कानो रे पाईया और थूक लगाई की तेसरी जीब छुँई। 34 तेबे तिने स्वर्गो खे लांबा साआ परी की देखेया और बोलेया, “ईप्फतहा!” मतलब “खुली जा!” 35 तेबे से तेबुई सुनने लगेया और तेसरी जीब खुली गी और से साफ-साफ बोलणे लगेया। 36 तेबे तिने तेसखे सावधान करी की बोलेया, “केसी गे नि बोलाना।” पर जिताणा तिने से सावधान कितेया, तिथाई ई से ओर बी प्रचार करने लगेया। 37 तेबे सेयो लोक बकउ हैरान ऊई की बोलणे लगे, “तिने जो कुछ कितेया, अच्छा कितेया, सेयो टौणेया खे सुणने री और गूँगीया खे बोलणे री शक्ति देओ ए।”

8 तिना दिना रे जेबे बड़ी पीड़ कट्टी ऊई और तिना गे कुछ खाणे खे नि था, तेबे तिने आपणे चेलेया खे आपू गे बुलाई की बोलेया, 2 “माखे एसा पीड़ा पाँदे तरस आओआ, कऊँकि ये तीन दिना ते बराबर मां साथे ए और इना गे कुछ बी एबे खाणे खे निए। 3 जे आऊँ इना खे पूखा कअरो खे पेजुँगा, तो यो बाटा रेई थकी जाणे, कऊँकि इना बीचा ते कोई-कोई बड़ी दूरो ते आईरे।” 4 तिना रे चेलेया तिना खे बोलेया, “एती सुणसाण जगा रे इतणिया सारिया रोटिया केथा ते ल्याईए, ताकि यो रज्जी जाओ?” 5 यीशु तिना ते पूछेया, “तुसा गे कितणी रोटिया ए?” तिने बोलेया, “सात।” 6 तेबे यीशु तिना खे बोलेया, “जमीना पाँदे बैठी

जाओ।” तिने सेयो सात रोटिया लईया और परमेशरो रा धन्यवाद करी की तोड़िया और आपणे चेलेया खे देंदे गए कि इना लोका खे देओ, और सेयो लोका खे देंदे गए। 7 तिना गे थोड़ी जीया छोटिया मछलिया बी थिया और यीशु ए सेयो बी धन्यवाद करी की लोका खे देणे खे बोलेया। 8 तेबे सेयो खाई की रज्जी गे और जो टुकड़े बची रे थे तिना रे सात बड़े टोकरू परी की चके। 9 खाणे वाले तकरीबन चार हजार लोक थे; तेबे तिने सेयो बिदा करी ते। 10 तेबे यीशु आपणेया चेलेया साथे किसित्या पाँदे चढ़ी की दलमनूता नाओं रे नगरो खे चली गे। 11 तेबे फरीटी यीशु ए साथे बईस करने लगे और तिना खे परखणे खे बोलेया, “कोई स्वर्गिय चिह्न बता।” 12 तिने लांबा साआ परी की बोलेया, “एते जमाने रे लोक चिह्न कऊँ टोनोए? आऊँ तुसा खे सच बोलूँजा कि एस बखतो रे लोका खे कोई बी चिह्न नि देणा।” 13 तेबे सेयो तिना खे छाड़ी की किसित्या रे बैठे और पार चली गे 14 चेले रोटिया लणा पूली गे थे और किसित्या रे तिना गे बस एक ई रोटी थी। 15 तेबे यीशु ए सेयो सावधान कित्ते कि देखो, “फरीसिये रे सजेडे और हेरोदेसो रे सजेडे ते चौकस रएयो।” 16 चेले आपू बीचे सोच-बिचार करी की बोलणे लगे, “से इजी खे बोलोआ कऊँकि आसा गे तो रोटी आए ईनि।” 17 ये जाणी की यीशु तिना खे बोलेया, “तुसे आपू बीचे ये बिचार कऊँ लगी रे करने कि आसा गे रोटी निए? क्या एबुए तक नि जाणदे और समजदे नि? क्या तुसा रे अक्तु निए? 18 क्या आखी ऊँदे ऊए पनि देखदे और कान ऊँदे ऊए पनि सुणदे? क्या तुसा खे याद निए? 19 कि जेबे मैं पाँज हजार लोका खे पाँज रोटिया तोड़िया थिया और तुसे टुकड़े रिया कितणिया टोकरिया चकिया थिया?” तिने तिना खे बोलेया, “बारा टोकरिया।” 20 यीशु ए फेर पूछेया, “जेबे चार हजार लोका खे सात रोटिया थिया, तो तेबे तुसे टुकड़े रिया कितणिया टोकरिया चकिया थिया?” चेलेया बोलेया, “सात टोकरिया।” 21 यीशु ए तिना खे बोलेया, “क्या तुसे एबुए तक नि समजदे?” 22 तेबे सेयो बैतसैदा नगरो खे आए और लोक एक अदे खे यीशु ए ल्याए और बिनती कित्ती कि तुसे एसखे छुँई देओ। 23 तेबे यीशु तेस अन्दे खे आथ पकड़ी की गांव ते बारे लईगे और तेसरी आखी पाँदे थूकी की आथ राखे और तेसते पूछेया, “क्या तूँ देखी सकेया?” 24 तिने आखी चकी की बोलेया, “आऊँ मांगूआ खे देखी सकूँआ, सेयो माखे चलदे ऊए डाला जेडे दिशोए।” 25 तेबे यीशु ए तेसरी आखी पाँदे फेर आथ राखे और तेबे तिने अन्दे त्यानो साथे देखेया और से ठीक ऊईगा और सब कुछ साफ-साफ देखणे लगेया। 26 यीशु ए से कअरो खे पेजेया और तेसखे बोलेया, “एस गांव रे पीतरे पैर पनि राखणा।” 27 यीशु और तिना रे चेले कैसरिया फिलिप्पिया नगरो रे नेडे-तेडे गांव खे चली गे; तेबे यीशु बाटा रे तिना ते पूछेया, “लोक माखे क्या बोलोए?” 28 चेलेया जबाब दितेया, “यूहन्ना बपतिस्मा देणे वाला; पर कोई-कोई एलियाह और कोई-कोई भविष्यबक्ता बीचा ते एक बी बोलोए।” 29 यीशु ए तिना ते पूछेया, “पर तुसे माखे क्या बोलोए?” परतसे तिना खे बोलेया, “तुसे मसीह ए, परमेशरो रे पेजे रे।” 30 तेबे यीशु ए तिना खे

सावधान करी की बोलेया, ये केसी गे नि बताणा, “आँऊ ई मसीह ए।” 31 तेबे यीशु तिना खे बताणे लगे कि, “मां माणू रे पुत्रो खे जरूरी ए कि आँऊ बऊत दुः ख उठाऊँ और बुजुर्ग, बड़े पुरोईत और शास्त्री माखे तुच्छ जाणी की काई देओ और आँऊ तीजे दिने जिउँदा ऊई जाऊँ।” 32 यीशुए तिना खे साफ-साफ बताई ता। ये सुणी की पतरस तिना खे लग जे लईगा और थिड़कणे लगेया। 33 पर यीशु मुड़े और आपणेया चेलेया खे देखी की पतरसो खे थिड़कणे लगे, “ओ शैतान! मेरी नजरा ते दूर ऊई जा; कऊंकि तूँ परमेश्वरो रिया गल्ला रे नि, पर माणूए रिया गल्ला पाँदि आपणा मन लगाएया।” 34 यीशुए पीड़ा समेत आपणे चेले आपू गे बुलाए और तिना खे बोलेया, “जो कोई मां पीछे आऊणा चाओआ, से आपणा सब कुछ छाडी की और आपणे दुःखो और कष्टा रा कूस चकी की आपणी इच्छा ते मां पीछे आई जाओ।” 35 कऊंकि जो कोई आपणा प्राण बचाणा चाओगा, तेस से खोणा, पर जो कोई मेरिया और सुसमाचारो रिया तंई आपणे प्राण देओगा, तेस सच्ची ई आपणे प्राण बचाणे। 36 जे माणूए खे सारी दुनिया मिली जाओ, और आपणे ई प्राण नि रओ, तो तेसखे क्या फाईदा? 37 और माणूए आपणे प्राणो रे बदले ओर क्या देई सकोआ? 38 जो कोई एसा व्याभिचारिया और पापी जातिया बीचे, मांते और मेरिया गल्ला ते शर्माओगा, तो तेबे मां माणू रा पुत्रो बी, जेबे पवित्र स्वर्वदूता साथे आपणे पिते री महिमा साथे आऊणा, तो मां बी तेसते शर्माणा।”

9 यीशुए तिना खे बोलेया, “आँऊ तुसा खे सच लगी रा बोलणे कि जो एती खड़ी रे तिना बीचा ते कई एड़े ए, कि जदुओं तक परमेश्वरो रे राज्य खे सामर्था साथे आँऊंदा ऊआ नि देखी लओगे, तदुओं तक नि मरने।” 2 छे दिनो ते बाद यीशुए पतरस, याकूब और युहन्ना आपू साथे लए और लग जे ऊच्छे जे पाहड़ी पाँदि चली गे और तेती तिना सामणे यीशुए री शक्ल बदली गी। 3 तेबे तिना रे टाले ईतणे चमकणे लगे कि बड़े पारी साफ ऊईगे और तरतिया रे कोई बी तोबी इताण साफ नि करी सकदा। 4 तेबे चेलेया खे पुराणे बखतो रे दो भविष्यवक्ता मूसा और एलिय्यह दिशे और सेयो यीशुए साथे गल्ला करो थे। 5 ये देखी की पतरसे यीशुए खे बोलेया, “ओ गुरु! आसा रा एती रणा ठीक ए और आसे एड़ा कर्हए कि तीन तम्बू बणाऊँए; एक तुसा खे, एक मूसे खे और एक एलिय्यह खे।” 6 कऊंकि सेयो बऊत डरी गे थे और पतरस नि जाणो था कि क्या जवाब देऊँ। 7 तेबे एक बादल तिना पाँदि छाईगा और तेस बादलो ते परमेश्वरो री ये आवाज आई, “ये मेरा प्यारा पुत्र ए, एसरी सुणो।” 8 तेबे सेयो फटाफट चऊं कनारे देखणे लगे और यीशुए खे छाडी की तिने और कोई नि देखेया। 9 पाहड़ी ते उतरदे ऊए यीशुए तिना खे आज्ञा दिती कि, “जदुओं तक आँऊ माणू रा पुत्र, मरे रेया बीचा ते जिउँदा नि ऊई जाऊँ, तदुओं तक जो कुछ तुसे देखी राखेया, से केसी गे नि बताणा।” 10 चेलेया ये गल्ल आपू तक ई राखी और आपू बीचे बात-चीत करने लगे, “मरे रेया बीचा ते जिउँदा ऊणे रा क्या मतलब ए?” 11 तेबे तिने यीशुए ते पूछेया, “शास्त्री कऊं बोलाए कि मसीह रे आऊणे ते

पईले एलिय्याहो रा आऊणा जरूरी ए?” 12 यीशुए तिना खे जवाब दित्तेया, “एलिय्याह रा तो सच्ची पईले आऊणा और लोका रे मनो खे मेरिया तई त्यार करना जरूरी ए। पर पवित्र शास्त्रो रे माणू रे पुत्रो रे बारे रे बी एड़ा कऊं लिखी राखेया कि तेसखे बऊत दुः ख ऊणे और से तुच्छ समजेया जाणा? 13 पर आँऊ तुसा खे सच बोलूँआ कि एलिय्याह तो आई चुकेया रा और जो तेसरे बारे रे लिखी राखेया था, तिने जो कुछ चाया तेस साथे कितेया।” 14 और जेबे यीशु आपणे तीनो चेलेया साथे ओरी चेलेया नेडे आए तो तेबे तिने देखेया कि तिना रे चऊं कनारे पीड़ लगी री और शास्त्री तिना साथे बईस करने लगी रे थे। 15 तेबे यीशुए खे देखी की सब हैरान ऊईगे और तिना गे दौड़ी की तिना खे नमस्कार कितेया। 16 यीशुए तिना ते पूछेया, “तुसे इना साथे क्या बईस लगी रे करने?” 17 पीड़ी बीचा ते एकी जणे बोलेया, “ओ गुरु! आँऊ आपणे पाऊए खे तुसा गे ल्याई राखेया, जैसे दुष्टात्मे ये गँगा करी राखेया। 18 जेती-केथी से तेसखे पकड़ोई, तेथी पटकी देओई और एसरे मुंओ ते जगुड़ निकलने लगी जाओआ और से दाँद किरदारा रओआ और सूकदा रओआ। मैं तुसा रे चेलेया खे बोलेया, ‘तुसे एसा खे निकयाली देओ, पर सेयो निकयाली नि सके।’” 19 ये सुणी की यीशुए तिना खे जवाब दित्तेया, “ओ अविश्वासी लोको! मां कदुओं तक तुसा साथे रणा? और कदुओं तक तुसा खे सईन करूँ? बच्चे खे मांगे ल्याओ।” 20 तेबे सेयो बच्चे खे यीशुए गे ल्याए; और जेबे दुष्टात्मे यीशुए खे देखेया, तो तेबे दुष्टात्मे बच्चा फटाफट मकरेड़ी ता और बच्चा जमीना पाँदि पड़ी गा, और से मुंओ ते जगुड़ निकयाल़दे ऊए कजणे लगेया। 21 यीशुए तेसरे बाओ ते पूछेया, “एसरी ये आलत कदुओं ते ए?” 22 तिने बोलेया, “बचपनो ते। दुष्टात्मा एसरा नाश करने री तंई, कदी ये आगी रे और कदी पाणिए रे रुड़ाया। पर जे तुसे कुछ करी सकोए तो आसा पाँदि तरस खाई की एसखे ठीक करी देयो।” 23 यीशुए तेसखे बोलेया, “जे तुसे करी सकोए तो, ये क्या गल्ल ऊई? विश्वास करने वालेया खे सब कुछ ऊई सकोआ।” 24 तेस पाऊए रे बाओ फटाफट गिड़गिड़ाई की बोलेया, “ओ प्रभु! आँऊ विश्वास करूँआ। मेरे विश्वासो खे और बड़ाई देओ।” 25 जेबे यीशुए देखेया कि लोक दौड़ी की पीड़ लगी रे लगाणे, तो सेयो दुष्टात्मा खे बके कि ओ “गँगा और टौणा करने वाली दुष्टात्मा, आँऊ ताखे आज्ञा देऊँआ कि एस बच्चे ते निकली जा; और एसरे कदी दुबारा नि आऊणा।” 26 तेबे से चींगी की और तेसखे मकरेड़ी की निकली गी और पाऊ मरे रे जेडा ऊईगा। एथो तक बऊत लोक बोलणे लगे, “ये तो मरी गा रा।” 27 पर यीशुए तेसरा आथ पकड़ी की से ठालेया और से खड़ा ऊईगा। 28 जेबे यीशु कअरे आए, तेबे तिना रे चेलेया तिना ते लग जे जाई की पूछेया, “आसे तेसा खे कऊं नि निकयाली सके?” 29 यीशुए तिना खे बोलेया, “ये एड़ी दुष्टात्मा ए जो बअरतो साथे प्रार्थना करने ते अलावा कोई और उपाय ते नि निकली सकदी।” 30 तेबे यीशु और तिना रे चेले तेथा ते चली की गलील प्रदेशो ते ऊई की जाणे लगी रे थे और सेयो नि चाओ थे कि कोई जाणो। 31 तेबे यीशु आपणे चेलेया

खे उपदेश देणा चाहो था और बोलणे लगे, “आँऊ मांणू रा पुत्र, मांणूआ रे आथो रे पकड़वाऊणा और तिना आँऊ काई देणा और आँऊ मरने ते तीजे दिने जिऊंदा ऊई जाणा।” 32 पर ये गल्ल तिना री समजा रे नि आई और सेयो तिना ते पूछणे ते डरो थे। 33 तेबे यीशु आपणे चेलेया साथे कफरनहूम नारो खे आए और कअरे आई की यीशुए तिना ते पूछेया, “बाटा रे तुसे कुण जी गल्ला रे बईस लगी रे थे करने?” 34 सेयो चुप रए, कऊंकि बाटा रे तिने बईस कित्ती थी, “आसा बीचा ते बडा कूण ए?” 35 तेबे यीशुए आपणे बारा चेले बुलाए और बोलेया, “जे कोई बडा ऊणा चाहोआ तो, सबी ते छोटा और सबी रा सेवक बणो।” 36 तेबे तिने एक बाल्क आपणी गोदा रे लया और तिना बीचे खड़ा कित्तेया और तिना खे बोलेया, 37 “जो मेरे नाओं ते एडे केसी एकी बाल्को खे बी मानोआ, से माखे मानोआ, और जो माखे मानोआ, से माखे नि, पर मेरे पेजणे वाले खे मानोआ।” 38 तेबे यूहने नाओं रे चेले यीशुए खे बोलेया, “ओ गुरु! आसे एक माणू तुसा रे नाओं ते दुष्टात्मा खे निकायालदा ऊआ देखेया और आसे तेसखे एडा करने ते ना कित्ती। कऊंकि से तेरा चेला नि था।” 39 यीशुए बोलेया, “तेसखे ना नि करो, कऊंकि एडा कोई निए जो मेरे नाओं ते सामर्था रे काम नि करो और फटाफट माखे बुरा बोली सको। 40 कऊंकि जो म्हारे खलाफ निए, से आसा साथे ए। 41 जो कोई तुसा खे एक कटोरा पाणिए रा इजी री खातर पलयाओ कि तुसे मसीहे रे ए, तो आऊं तुसा खे सच लगी रा बोलणे कि तेस आपणा प्रतिफल कियाँ पनि खोणा।” 42 यीशुए बोलेया, “पर जो इना छोटेया बीचा ते, जो मां पाँदि विश्वास राखोए, केसी खे बी पापो रे पाओ तिना खे बऊत खतरनाक सजा मिलणी। तेसखे ये पला ऊंदा कि तेसे गले रे एक बडा चाकिया रा पूऱ्ह लटकाई देओ और तेसखे समुद्रो रे सेटी देओ। 43 जे तेरा आथ ताखे पापो री बजअ बणोआ तो, तेस बाडी दे और टुप्पडा ऊई की जिन्दी जियो। ताखे येई ठीक ए कि दो आथ रंदे ऊए ताखे नरको री आगी रे सेटी देओ जो कदी बिजणी नि। (Geenna g1067) 44 जेती कीडा शरीरो खे सदा खांदा रओआ और मरदा नि और आग बी सदा बलदी रओई। 45 जे तेरा पैर पापो री बजअ बणोआ, तो तेस बाडी दे। लंगडा ऊई की तेरा जिऊण इजी ते खरा ए कि दो पैर रंदे ऊए ताखे नरको रे सेटी देओ। (Geenna g1067) 46 जेती कीडा शरीरो खे सदा खांदा रओआ और मरदा नि और आग बी सदा बलदी रओई। 47 जे तेरी आख ताखे पापो री बजअ बणो ई, तो तेसा निकायाली दे। काणा ऊई कि परमेशरो रे राज्य रे जाणा ताखे ये पला ए कि दो आखी रंदे ऊए तूँ नरको रे सेटेया जाओ। (Geenna g1067) 48 जेती कीडा शरीरो खे सदा खांदा रओआ और मरदा नि और आग बी सदा बलदी रओई। 49 कऊंकि हर एक माणू आगी साथे ईयां परखेया जाणा, जियाँ खाणे दे लूणो रा स्वाद चाखेया जाओआ। 50 लूण अच्छा ए, पर जे लूणो रा स्वाद बिगड़ी जाओ तो से किजी साथे लूणका करना? आपू रे लूणो जेडा मित्रता रा स्वभाव राखो और आपू बीचे मिली-जुली की रओ।”

10 तेबे यीशु और तिना रे चेले कफरनहूम नगरो ते उठी की यहूदिया प्रदेशो रे बन्ने रे और यरदनो नदिया ते पार आए। पीड़ फेर तिना गे कट्टी ऊईशी और यीशु तिना खे आपणे तरीके ते उपदेश देणे लगे। 2 तेबे फरीसिये तिना खे परखणे री तंई तिना ते पूछेया, “क्या मांणूए खे आपणी लाडिया खे छाडणा खरी गल्ल ए?” 3 यीशुए तिना खे जवाब दित्तेया, “मूसे बिधानो रे मुताबिक तुसा खे क्या आज्ञा दई राखी?” 4 फरीसिये बोलेया, “मूसे त्यागपत्र लिखणे री और छाडणे री आज्ञा दई राखी।” 5 यीशुए बोलेया, “तुसा रे मनो रे जिद्दी सबाओ री बजअ ते तिने तुसा खे ये आज्ञा लिखी राखी। 6 पर सृष्टिया री शुरुआता तेरई परमेशरे मर्द और जवाणस करी की सेयो बणाई राखे। 7 इजी बजअ ते माणू आपणे माया-बावा ते लग ऊई की आपणी लाडिया साथे रणा 8 और सेयो दोनो एक तन ऊणे। एबे सेयो दो नि, पर एक तन ए। 9 इजी री खातर जो परमेशरे जोड़ी राखे, तो लाडा-लाडी आपू बीचे एकी-दूजे खे नि छाडो।” 10 कअरे जाई की चेलेया एतेरे बारे रे फेर यीशुए ते पूछेया। 11 यीशुए तिना खे बोलेया, “जो कोई आपणी लाडिया खे छाडी की केसी ओरी साथे व्या करोआ, तो से तेसा पईलकिया रे खलाफ व्याभिचार करोआ। 12 जे लाडी आपणे लाडे खे छाडी की दूजा व्या करो, तो से व्याभिचार करोई।” 13 तेबे लोक बच्चेया खे यीशुए गे ल्याऊणे लगे, ताकि सेयो तिना पाँदि आथ राखी की आशीर्वाद देओ, पर चेले तिना खे बकणे लगे। 14 यीशुए ये देखी की तिना खे रोधो रे बोलेया, “बाल्का खे मांगे आऊणे देओ और तिना खे ना नि करो, कऊंकि परमेशरो रा राज्य एडे रा ईए। 15 आऊं तुसा खे सच लगी रा बोलणे कि जो कोई परमेशरो रा राज्य बाल्को जेडा समजी की मानदा नि, से कदी तिदे नि जाणा।” 16 तेबे यीशुए बच्चे गोदा रे लाए और तिना रे सिरो पाँदि आथ राखी की तिना खे आशीर्वाद दिती। 17 जेबे यीशु तेथा ते निकली की बाटा रे चली रे थे, तेबे एक माणू तिना गे दौड़ा ऊआ आया और तिना रे पैरो पाँदि पड़ी की तिना ते पूछेया, “ओ उत्तम गुरु! अनन्त जीवनो रा अथिकारी ऊणे खे आऊं क्या करूँ?” (aiónios g166) 18 यीशुए तेसखे बोलेया, “तूँ माखे उत्तम कऊं बोलेया? कोई उत्तम निए, बस एक-मतलब, परमेशर ई उत्तम ए। 19 तूँ आज्ञा खे तो जाणेया, ‘अत्या, व्याभिचार, चोरी नि करना, चूर्छी गवाई नि देणी, छल नि करना, आपणे माया-बावा रा आदर करना।’” 20 तिने माणूए बोलेया, “ओ गुरु! इना सबी आज्ञा खे तो आऊं बचपनो ते मानूआ।” 21 यीशुए तेसखे प्यारो ते देखेया और तेसखे बोलेया, “तादे एक गल्ला री कमी ए, जा, जो कुछ तांगे आए, से बेची की कंगाला खे दई दे और ताखे स्वर्गो रे सच्चा धन मिलणा, और मां पीछे आईजा।” 22 ये सुणी की से उदास ऊईगा और से दुःखी ऊई की कअरो खे चली गा, कऊंकि से बऊत अमीर था। 23 यीशुए चऊं कनारे देखी की आपणे चेलेया खे बोलेया, “अमीर लोका खे परमेशरो रे राज्य रे जाणा बऊत कठण ए।” 24 चेले तिना री गल्ला ते हैरान ऊईंगे, ये देखी की यीशुए तिना खे फेर बताया, “ओ बाल्को! जो धनो पाँदि विश्वास राखोए, तिना खे परमेशरो रे राज्य रे

जाणा बऊत कठण ए। 25 परमेश्वरो रे राज्य रे अमीरा रा जाणा ईंयां बऊत कठण ए, जिंयाँ की ऊँटो रा सूर्झया रे छेदो रिये निकलना कठण ए।” 26 चेले बऊत हैरान ऊँझे और आपू बीचे बोलणे लगे, “तेबे केसरा उद्धार ऊँझ सकोआ?” 27 यीशुए तिना खे देखी की बोलेया, “मांणूआ ते तो ये ऊँझे नि सकदा, पर परमेश्वरो ते सब कुछ ऊँझ सकोआ। कऊँकि परमेश्वरो खे सब कुछ सम्भव ए” 28 पतरस तिना खे बोलणे लगेया, “देखो, आसे तो सब कुछ छाडी की तुसा पीछे आईंगे रे।” 29 यीशुए तिना खे बोलेया, “आऊं तुसा खे सब लागी रा बोलणे कि हर कोई जिने माखे और सुसमाचारो री तंईं कअर, पाई, बईण, माप-बाओ, बाल-बच्चे या डोरु छाडे ओ, 30 और तेस एबे एस बखते सौ गुणा फल पाणा। कअर, पाई, बईण माए, बाल-बच्चे और डोरु सताव साथे पाणे और परलोको रे अनन्त जीवन पाणा। (aiōn g165, aiōnios g166) 31 पर एबे बऊत सारे लोक जो आपणे आपू खे एते दुनिया रे बडे समजोए, सेयो परमेश्वरो री नजरा रे छोटे ऊँझे जाणे, और जिना खे संसार एबु छोटा समजोआ, सेयो परमेश्वरो री नजरा रे बडे समजे जाणे।” 32 सेयो यस्थलेम नगरो खे जांदे ऊँए बाटा रे थे और यीशु तिना ते आगे चली रे थे और चेले हैरान ऊँझे और जो लोक पीछे चली रे थे सेयो डरने लगे। तेबे यीशु तिना बारा चेलेया खे लई कि तिना खे सेयो गल्ला बताणे लगे, जो तिना पाँदे आऊणे वालिया थिया। 33 यीशुए बोलेया, “देखो, आसे यस्थलेम नगरो खे जाणे लागी रे और आऊं माणूं रा पुत्र बडे पुरोहित और शास्त्रिया रे आथो रे देई देणा और तिना आऊं काणे जोगा ठराणा और दुजिया जातिया रे आथो रे देई देणा। 34 तिना मेरा मजाक उडाणा, मां पाँदे थूकणा, माखे कोडे बाणे, आऊं काणा और आऊं तीजे दिने जिऊँदा ऊँझे जाणा।” 35 तेबे जब्दिए रे पाऊए, याकूब और यूहने तिना गे आई की बोलेया, “ओ गुरु! आसे चाऊं ए कि जो कुछ आसे तुसा ते मांगू तेडा ई तुसे आसा खे करो।” 36 यीशुए तिना खे बोलेया, “तुसे क्या चाओए कि आऊं तुसा खे करूँ?” 37 तिने बोलेया, “आसे चाऊं ए कि जेबे तुसे आपणी महिमामय राज्य रे आओ तो आसे दोनो एक तुसा रे दाँणे और एक खूँजे कनारे बैठिए।” 38 यीशुए तिना खे बोलेया, “तुसे नि जाणदे कि क्या लागी रे मांगणे? जो दुःख आऊं सईन करने वाला ए, क्या से दुःख तुसे सईन करी सकोए? और जो मौता रा बपतिस्मा आऊं लणे वाला ए, क्या तुसे लई सकोए?” 39 तिने बोलेया, “आसे करी सकूँए!” यीशुए तिना खे बोलेया, “जो दुःख आऊं सईन करने वाला ए, से तुसे सईन करी सकोए; और जो मौता रा बपतिस्मा आऊं लणे वाला ए, से तुसा लणा। 40 पर जो त्यार कित्ते रे ए, तिना खे छाडी की ओर कोई आपणे दाँणे और खूँजे बठयालना मेरा काम निए।” 41 ये सुणी की बाकि दस चेले, याकूब और यूहने पाँदे रोष करने लगे। 42 यीशुए सेयो आपू गे बुलाए और तिना खे बोलेया, “तुसे जाणोए कि जो दुजिया जातिया रे हाकिम समजे जाओए, सेयो तिना पाँदे जबरदस्ती राज करोए और जो तिना बीचे बडे ए, तिना पाँदे अक्क जताओए। 43 पर तुसा बीचे एडा नि ऊणा चाईयो, बल्कि जो कोई तुसा बीचा ते बडा ऊणा चाओआ,

से तुसा रा दास बणो। 44 और जो कोई तुसा रा प्रदान बणना चाओआ, से सबी रा दास बणो। 45 कऊँकि आऊं माणूं रा पुत्र इजी खे नि आया कि मेरी सेवा करो, बल्कि इजी खे आया कि से आपू सेवा करो और बऊत जेण्या छुडाणे खे आपणा प्राण देई देओ।” 46 यीशु और तिना रे चेले यरीहो नगरो रे आए। और जेबे सेयो और तिना रे चेले बाटा रे थे, तेबे एक बड़ी पीड़ तिना पीछे-पीछे जाणे लागी री थी, तेबे तिमाईयो रा पाऊ बरतिमाई एक अन्दा भिखारी सड़का रे कनारे बैठेया रा था। 47 जेबे तिने ये सुणीया कि यीशु नासीरी थे, तेबे से जोरे-जोरे की आकका पाणे लगेया कि, “ओ दाऊदो री ल्वाद, यीशु! मां पाँदे दया कर।” 48 कई जणे तेसखे बकणे लगे कि चुप रओ, पर से ओर बी आकका पाणे लगेया कि, “ओ दाऊदो री ल्वाद! मां पाँदे दया कर।” 49 तेबे यीशुए रुक्की की बोलेया, “तेसखे बुलाओ।” तेबे लोके से अन्दा बुलाई की तेसखे बोलेया, “याओ राख, उठ, यीशु ताखे बुलाणे लागी रे।” 50 से आपणी चादर सेटी की फटाफट उठी गा और यीशुए गे आईगा। 51 तेबे यीशुए तेसखे बोलेया, “तूँ क्या चाएया कि आऊं ताखे क्या करूँ?” अन्दे बोलेया, “ओ गुरु! ये कि आऊं देखणे लागी जाऊँ।” 52 यीशुए तेसखे बोलेया, “चली जा, तेरे विश्वासे तूँ ठीक करी ता” और से तेबुई देखणे लगेया और बाटा रे से तिना पीछे चलणे लगेया।

11 जेबे यीशु और तिना रे चेले यस्थलेम नगरो रे नेडे जैतून पाहड़ो

पाँदे, बैतफगे और बैतनिय्याहो गांव रे नेडे आए, तो तेबे यीशुए आपणे चेलेया बीचा ते दो जणे ये बोली की पेजे, 2 “सामणे रे गांव रे जाओ, और तेती पञ्च्छी की तुसा खे एक गटिद्या रा बच्चा, जेस पाँदे कटी कोई नि बैठी रा, बाने रा तुसा खे मिलणा, तेस खोली की ल्याओ। 3 जे तुसा खे कोई पूछो गा “एडा कऊं लागी रे करने?” तो बोलणा, “मेरे प्रभुए खे एसते कुछ काम ए,” और तिना फटाफट से एती पेजी देणा।” 4 चेलेया से गटिद्या रा बच्चा बाओरे गलिया रे दरवाजे रे नेडे बाने रा देखेया और सेयो तेसखे खोलणे लगे। 5 तेबे जो तेती खड़ी रे थे, तिना बीचा ते कोई-कोई बोलणे लगे, “ये क्या लागी रे करने? गटिद्या रे बच्चे खे कऊं लागी रे खोलणे?” 6 चेलेया, जिंयाँ यीशुए था बोले रा, तिंयाँ ई तिना खे बोलणे लगे, तेबे तिने सेयो जाणे दिते। 7 चेलेया से गटिद्या रा बच्चा यीशुए गे ल्याया और तेस पाँदे आपणे टाले पाए और यीशु तेस पाँदे बैठिए। 8 तेबे बऊत जेण्या आपणी-आपणी चादी बाटा रे बछाइतिया और कईए डोरुआ ते खजूरो रिया डालिया बाडी-बाडी की तिना रे स्वागतो खे बछाइतिया। 9 तेबे जो यीशुए रे आगे और पीछे चली रे थे, सेयो जोरे-जोरे की बोलणे लागी रे थे, “होशन्ना, धन्य ए से, जो प्रभुए रे नाओंते आओआ। 10 आसा रे पिता दाऊदो रा राज्य जो आऊणे लागी रा; से धन्य ए; स्वर्गो रे होशन्ना।” 11 तेबे यीशु यस्थलेम नगरो रे पञ्च्छी की मन्दरो रे आए और चऊं कनारे सब कुछ देखी की आपणे बारा चेलेया साथे बैतनिय्याहो गांव ते निकले, तेबे यीशुए खे थी। 12 दूजे दिने जेबे सेयो बैतनिय्याहो गांव ते निकले, तेबे यीशुए खे

पूर्ख लगी। 13 तेबे तिने दूरों ते एक दाऊगले रा अरा डाल देखेया और तेस डालों रे नेढ़े आए कि क्या पता इदै कुछ लगी रा ओगा, पर पत्तेया खे छाडी की ओर कुछ नि मिलेया, कऊँकि फल लगणे रा बखत नि था। 14 तेबे यीशुए तेस डालों खे बोलेया, “आजो ते बाद तेरा फल केसी नि खाणा” और तिना रे चेले सुणने लगी रे थे। (aiōn g165) 15 तेबे यीशु यस्तलेमो नगरो खे आए और मन्दरो रे गए, तेबे जो तेती लेण-देण लगी रे थे करने, सेयो तिना खे बारे निकायालेने लगे और सरफि रिया पेटिया और कबूतरा खे बेचणे वालिया चौकिया मौदिया करी तिया 16 और मन्दरो रिये कोई बी सामान लई की आऊणे-जाणे नि दित्तेया। 17 तेबे उपदेश देई की तिना खे बोलेया, “एडा लिखी राखेया, मेरा मन्दर, सब जातिया खे प्रार्थना रा कअर ऊणा। पर तुसे ये डाकूआ री गुफा बाणाई ती री।” 18 ये सुणी की बड़े पुरोइत और शास्त्री यीशुए खे बर्बाद करने रा मोका टोलेने लगे, कऊँकि सेयो तिना ते डरो थे और लोक बी तिना रे उपदेशो ते हैरान थे। 19 साँज ऊँदे ई यीशु और तिना रे चेले नगरो ते बाआरे चली गे। 20 तेबे प्यागा सेयो तिसिये गए और चेलेया से दाऊगले रा डाल जड़ा ते सूकेया रा देखेया। 21 पतरसो खे से गल्ल याद आई और तिने यीशुए खे बोलेया, “ओ गुरु! देख, ये दाऊगले रा डाल, जेसखे तुसे साप दित्तेया था, सूकी गा रा।” 22 यीशुए जवाब दित्तेया, “परमेशरो पाँदे विश्वास राखो। 23 आऊँ तुसा खे सच बोलूँआ कि जे कोई एस पाहड़ो खे बोलो, ‘तूँ पट्ठी जा और समुद्रो रे पड़ी जा,’ और आपणे मनो रे शक नि करो, बल्कि विश्वास राखो कि जो बोलूँआ, से ऊई जाणा, तो तेसखे से ऊई जाणा। 24 तेबे ई तो आऊँ तुसा खे बोलूँआ कि जो कुछ तुसे प्रार्थना करी की मांगोगे, तो विश्वास राखो कि तुसा खे मिली गा और तुसा खे ऊई जाणा। 25 जेबे कदी तुसे खड़े ऊई की प्रार्थना करोए और तुसा रे मनो रे केसी रे खलाफ कोई गल्ल ओ, तो तेसखे माफ करी देओ। तुसा रा स्वर्गिय पिता बी तुसा रे पाप माफ करोआ। 26 और जे तुसे माफ नि करोगे, तो तुसा रे स्वर्गिय पिते बी तुसा रे अपराध माफ नि करने।” 27 तेबे यीशु और तिना रे चेले फेर यस्तलेमो नगरो खे आए और जेबे यीशु मन्दरो रे कूमोंगे लगी रे थे, तेबे बड़े पुरोइत, शास्त्री और बुजुर्ग तिना गे आई की पूछणे लगे, 28 “तूँ इना कामा केस अक्को ते करेया? और ताखे ये अक्क किने देई राखेया कि तूँ इना कामा खे करे?” 29 यीशुए तिना खे बोलेया, “आऊँ बी तुसा ते एक गल्ल पुछूँआ, माखे जवाब देओ, तो मां बी तुसा खे बताणा कि इना कामा केस अक्को ते करूँआ? 30 यूहन्ने रा बपतिस्मा क्या स्वर्गों ते था या मांणूए री तरफा ते था? माखे जवाब देओ।” 31 तेबे सेयो आपू बीचे बात-चीत करने लगे, “जे आसे बोलूँ कि ‘स्वर्गों री तरफा ते था,’ तो एस बोलणा, ‘तेबे तुसे तेस पाँदे विश्वास कऊँ नि कित्तेया?’ 32 और जे आसे बोलूँगे, ‘मांणूए री तरफा ते ए,’ तो लोका रा डर ए, कि लोक गुस्सा ऊई जाणे; कऊँकि सब जाणोए कि यूहन्ना भविष्यवक्ता था।” 33 तो तेबे तिने यीशुए खे जवाब दित्तेया, “आसे नि जाणदे!” यीशुए बी तिना खे बोलेया, “मां पनि बताणा कि ये काम केसरे अक्को ते करूँआ।”

12 यीशु उदारणा रे तिना साथे गल्ला करने लगे, “एकी मांणूए अँगूरा रा बगीचा लगाया और तिजी रे चक्क करारे बाढ़ लगाया और अँगूरा रे रसो खे पात्थरो दे एक गड्हा खणेया, जुगाली बणाई और ठेकेदारा खे तिजी रा ठेका देई की परदेशो खे चली गा। 2 जेबे फल लगणे रा बखत ऊआ तेबे तिने आपणा एक दास ठेकेदारा गे पेजेया कि तिना ते अँगूरा रे बगीचे रे फलो रा इस्सा ल्याओ। 3 पर ठेकेदारे से पकड़ी की कूटेया और खाली आथे पेजी ता। 4 तेबे तिने एक और दास पेजेया और तिने तेसरा सिर फोड़ी ता और तेसरी बेज्जती कित्ती। 5 तेबे तिने एक और पेजेया और तिने से काई ता; तेबे तिने और कई जणे पेजे; तिना बीचा ते तिने कई जणे कूटे और कई जणे काई ते। 6 एबे एक ई रई गा था, जो तेसरा प्यारा पाऊ था, तिने आखरी रे से बी ये सोची की पेजेया, “तिना मेरे पाऊए रा तो आदर करना।” 7 पर तिने ठेकेदारे आपू बीचे बोलेया, “थई तो बारस ए,” आओ एसखे काई देऊँए, तेबे जायदात म्हारी ऊई जाणी। 8 तेबे तिने से पकड़ी की काई ता और अँगूरा रे बगीचे ते बारे सेटी ता।” 9 यीशुए पूछेया, “तो तेबे अँगूरा रे बगीचे रे मालके क्या करना? तेस आई की तिना ठेकेदारो रा नाश करी देणा और अँगूरा रा बगीचा ओरी गे देई देणा। 10 क्या तुसे पवित्र शास्त्रो रे ये वचन नि पढ़ेया, “जेस पात्थरो खे राजमिस्त्रिए नकम्मा बोलेया था, सेई कूणे रा सिरा ऊईगा।” 11 “ये प्रभुए री तरफा ते ऊआ, और आसा री नजरा रे नउखा ए?” 12 तेबे तिने से पकड़ना चाया, कऊँकि सेयो समजी गे थे, “तिने ये उदारण आसा रे बारे रे बोलेया।” पर सेयो लोका ते डरी गे और तिना खे छाडी की चली गे। 13 तेबे यहूदी अगुवे यीशु गल्ला रे फसाणे री तंई कई फरीसी और हेरोदेस राजे रा समर्थन करने वाले यहूदी तिना गे पेजे। 14 और तिने आई की तिना खे बोलेया, “ओ गुरु! आसे जाणूए कि तुसे सच्चे ए और केसी री परवा नि करदे, कऊँकि तुसे मांणूआ रा मूँ देखी की गल्ल नि करदे, पर परमेशरो री बाट सच्चाईया साथे बताओ।” तो क्या कैसरो खे कर देणा खरी गल्ल या नि? 15 आसे देऊँ या नई देऊँ? यीशुए तिना रा कपट जाणी की बोलेया, “माखे कऊँ परखोए? एक चाँदिए रा सिक्का मांगे ल्याओ ताकि आऊँ देखूँ।” 16 सेयो ली आए और तिने तिना खे बोलेया, “ये मूर्ति और नाओं केसरा ए?” तिने बोलेया, “रोमो रे राजा कैसरो रा।” 17 यीशुए तिना खे बोलेया, “जो कैसरो राए, से कैसरो खे और जो परमेशरो राए, से परमेशरो खे देयो।” तेबे सेयो तिना खे हैरानी करने लगे। 18 तेबे सदूकिये बी जो एड़ा बोलो थे कि मरेया रा जिंदा ऊई नि सकदा, तिने यीशुए गे आई की पूछेया, 19 “ओ गुरु, मूसे आसा खे लिखी राखेया कि जे केसी मांणूए रा पाई बिना ल्वादा ते मरी जाओ और तेसरी लाडी रई जाओ, तो तेसरा पाई तेसा बिदुआ साथे ब्या करी लाओ और आपणे पाई खे ल्वाद पैदा करो। 20 एक बार सात पाई थे; पईला पाई ब्या करी की बिना ल्वादा ते मरी गा। 21 तेबे दूजे पाईए तेसा बिदुआ साथे ब्या करी ला और से बी बिना ल्वादा ते मरी गा; और तिन्याँ ई तीजे बी कित्तेया। 22 साता पाईया ते ल्वाद नि ऊई। सबी ते बाद से जवाणस बी मरी गी। 23 तो तेबे, जेबे

सेयो जिंदे ऊणे, तो से तिना बीचा ते केसरी लाडी ऊणी? कऊँकि से साता जगेया री लाडी ऊई चुकी थी।” 24 यीशुए तिना खे बोलेया, “तुसे केथी एते पूला रे तो निए कि ना तुसे पवित्र शास्त्रो खेर्ह जाणदे और ना ई परमेश्वरी री सामर्था थे? 25 कऊँकि जेबे सेयो मरेया रे बीचा ते जिंदे ऊणे, तो तिना बीचे शादी-ब्या नि ऊणे, पर सर्वगद्वौ जेडे ऊणे। 26 मरे रे बीचा ते जिंदे ऊणे रे बरे रे क्या तुसे मूसे री कताबा रे बल्दे ऊए जाडे री काणियां रे नि पढेया कि परमेश्वरे तेसखे बोलेया, ‘आऊँ अब्राहमो रा परमेश्वर, इसहाको रा परमेश्वर और याकूबो रा परमेश्वर ए?’ 27 परमेश्वर मरेया रा नि, पर जिंदेया रा परमेश्वर ए। तो तुसे बऊत बडी पूला रे पडी रे।” 28 तेबे शास्त्रिया बीचा ते एकी जणे आई की सेयो बईस करदे ऊए सुणे और ये जाणी की कि यीशुए तिना खे खरा जवाब दित्तेया, तेबे तिने यीशुए ते पूछेया, “सबी ते खास आज्ञा कूण जिए।” 29 यीशुए तेसखे जवाब दित्तेया, “सबी आज्ञा बीचा ते ये आज्ञा बडी ए कि, ‘ओ इस्पाएल सुण, प्रभु आसा रा परमेश्वर एक ई प्रभु ए 30 और तूँ प्रभु आपणे परमेश्वरो साथे आपणे पुरे मनो ते, पुरे प्राणो ते, पुरे दमाको ते और आपणी पुरिया तागता ते प्यार राख।’ 31 और दूजी ये कि, ‘तूँ आपणे पड़ोसिये साथे आपू जेडा प्यार राख’ इजी ते बडी और कोई आज्ञा निए।” 32 शास्त्रिए तिना खे बोलेया, “ओ गुरु! बऊत खरा।” तुसे सच बोलेया, “परमेश्वर एक ईए और परमेश्वरो खे छाडी की ओर कोई बडा निए 33 और तेस साथे पुरे मन, पुरे दमाक और पुरिया तागता साथे प्यार राख और आपणे पड़ोसिये साथे आपू जेडा प्यार राख। सारे अवन और बलिदानो ते बडी की ए।” 34 जेबे यीशुए देखेया कि तिने समजदारिया साथे जवाब दित्तेया, तो तेसखे बोलेया, “तूँ परमेश्वरो रे राज्य ते दूर निए।” तेबे केसी खे बी तिना ते कुछ पूछेणे री इम्मत नि ऊई। 35 तेबे यीशुए मन्दरो रे ये उपदेश देंदे ऊए बोलेया, “शास्त्री कऊँ बोलोए, कि मसीह दाऊदो रा पाऊ? 36 दाऊदे आपू ई पवित्र आत्मा रे परी की बोलेया था कि: “‘प्रभुए मेरे प्रभुए खे बोलेया: ‘मेरे दाँणे कनारे बैठ जदुओं तक आऊँ तेरे बैरिया खे तेरे पैरो निठे नि करी देंऊ।’” 37 दाऊद तो आपू ई तेसखे प्रभु बोलोआ, तो आऊँ तेसरा पुत्र किंयाँ ऊआ?” और जो पीडा रे लोक थे सेयो तिना री गल्ल खुश ऊई की सुणो थे। 38 यीशुए तिना खे आपणे उपदेशो रे बोलेया, “शास्त्रिया ते चौकस रओ, जो लाम्बे टाले पईनी की कूमदे रओए और बजारो रे नमस्कार, 39 और प्रार्थना रे कअरो रे खास-खास जगा और पाटिया रे खास जगा चाओए। 40 सेयो बिदुआ रे कअरो खे खाई जाओए और दखाणे खे मुखती देर तक प्रार्थना करोए, इना खे जादा सजा मिलणी।” 41 यीशु मन्दरो रे दान-पात्रो रे सामणे बैठी की देखेणे लगी रे थे कि लोक मन्दरो रे दान-पात्रो रे किंयाँ पैसे पाओए और जादा अमीर लोके बऊत पाया। 42 तेबे एक कंगाल बिदुआ आई और तेसे दो दमडिया पाईया, जो एक तेअले रे बराबर थिया। 43 तेबे यीशुए आपणे चेलेया खे बुलाई की बोलेया, “आऊँ तुसा खे सच लगी रा बोलणे कि जिने मन्दरो रे दान-पात्रो रे पाया, तिना बीचा ते एसे कंगाल बिदुए सबी ते जादा पाई

राखेया। 44 कऊँकि सबी आपणे बऊत सारे खजाने बीचा ते थोडा जा पाया, पर एसे आपणी कमिया बीचा ते जो कुछ एसा गे था-मतलब-आपणी सारी कमाई पाई ती।”

13 जेबे यीशु मन्दरो ते निकलने लगी रे थे, तेबे तिना रे चेलेया बीचा

ते एकी जणे तिना खे बोलेया, “ओ गुरु! देखो, कितणे बडे-बडे पात्थर ए और कितणे अच्छे-अच्छे भवन ए।” 2 यीशुए तेसखे बोलेया, “क्या तूँ ये बडे-बडे भवन लगी रा देखणे? इदे जो पात्थरो पाँदे पात्थर लगी रे, सब टाले जाणे।” 3 जेबे यीशु जैतूनो रे पाहडो पाँदे, मन्दरो रे सामणे थे बैठे रे, तेबे पतरस, याकूब, यूहने और अन्द्रियासे तिना ते लग जे जाई की पूछेया, 4 “आसा गे बताओ कि यो गल्ला कदी ऊणिया? और जेस बखते यो गल्ला पुरिया ऊणे वालिया ऊणिया, तेस बखते क्या चिह्न ऊणे?” 5 यीशुए तिना खे बोलेया, “चौकस रओ कि कोई तुसा खे बईकाओ नि। 6 बऊत एडे ऊणे, जो मेरे नाओं ते आऊणे और बोलणा, ‘आऊँ ई मसीह ए,’ और बऊत जणे बईकाओ। 7 जेबे तुसे लडाई और लडाईया रे बारे रे सुणो, तो कबराणा नि; कऊँकि इना रा ऊण जरुरी ए, पर तेस बखते अंत नि ऊण। 8 कऊँकि जातिया पाँदे जातिया और राज्य पाँदे राज्य अमला करना और बऊत जगा दे ईल्लण ऊणे, अकाल पड़ने। ये तो पीडा री शुरूआत ई ऊणी। 9 “पर तुसे आपणे बारे रे चौकस रओ, कऊँकि लोका तुसे पंचायती रे देई देणे और प्रार्थना रे कअरो रे कूटणे और मेरी बजअ ते हाकिमो और राजेया रे सामणे खड़े करने, पर ये तुसा खे सुसमाचार सुनाणे रा मोका ऊण। 10 पर जरुरी ए कि अंत आऊणे ते पईले सुसमाचार सबी जातिया रे प्रचार ओ। 11 जेबे सेयो तुसा खे लगी जाई की अधिकारिए रे आथो रे देई देओगे, तो पईले तेई चिन्ता नि करनी, ‘आसा क्या बोलणा।’ पर जो कुछ तुसा गे तेस बखते बताणा, सेर्ह बोलणा, कऊँकि बोलणे वाले तुसे नि ऊणे, बल्कि पवित्र आत्मा ऊण। 12 पाईए आपणा पाई और पिते आपणे बच्चे काणे खे देई देणे, बाल-बच्चे आपणे माया-बावा रे खलाफ ऊणे और तिना सेयो कुलवाणे। 13 तुसे मां पाँदे विश्वास कित्तेया इजी बजअ ते सबी लोका तुसा ते बैर राखणा, पर जो आखरी तक सब राखोगा, तेसरा ई उद्धार ऊण। 14 “पढ़ने वाला समजी लओ। जेबे तुसे तेसा उजाड़ने वाली धृणित चीज जेतरे बारे दानिय्यत भविष्यबक्ते बोलेया था, जेती ठीक निए तेती मतलब मन्दरो रे खडी री देखो, तेबे जो लोक यहूदिया प्रदेशो रे ओ, सेयो पाहडो खे नठी जाओ। 15 जो कोई छतो पाँदे ओ, सेयो आपणे कअरे कुछ बी लगे खे थाले नि आओ और ना ई पीतरे जाओ। 16 और जो कोई डोरुआ रे ओ, सेयो आपणे टाले लगे पीछे नि आटो। 17 तिना दिना रे जो गर्भवती ऊणी और जो दूद पल्लयाणे वाली ऊणी तिना खे हाय! हाय! 18 प्रार्थना करेया करो कि ये सब कुछ ठण्डी रे दिना रे नि ओ। 19 कऊँकि तेस बखते एडे क्लेश ऊणे, जो सृष्टिया री शुरूआता दे, जो परमेश्वर बणाई थी, आजो तक ना ऊआ और ना कदी फेर ऊण। 20 और जे प्रभु तिना दिना खे नि कटाई, तो कोई प्राणी नि बचणा था; पर तिना परमेश्वरो रे चुणेया री बजअ ते, सेयो मुश्किल दिन

कटाईते। 21 तेस बखते जे कोई तुसा खे बोलो, ‘देखो, मसीह एती ये?’ या ‘देखो, मसीह तेती ये’ तो विश्वास नि करना। 22 कऊँकि चूठे मसीह और चूठे भविष्यबक्ता खड़े ऊणे और तिना बड़े-बड़े चिह्न और अचाके रे काम दखाणे, जे ऊई सको तो जो परमेश्वरो रे चूणे रे ए, तिना खे बी भरमाई देओ। 23 पर तुसे चौकस रओ। देखो, मैं तुसा खे सारी गल्ला मुसीबत आऊणे ते पईले ई बताई ती रिया। 24 “तिना दिना रे, तेस क्लेशो ते बाद सूरजो रा चमकदा प्रयासा न्हेरा पडी जाणा और चांदे प्रयासा नि देणा। 25 और सर्गो ते तारे छुटणे शुरू ऊणे और सर्गो रिया शक्तिया इलाईया जाणिया। 26 तेबे लोका आँऊ माणूं रा पुत्र बड़ी सामर्थ और महिमा साथे बादला रे आऊँदे ऊए देखणा। 27 तेस बखते मां आपणे स्वर्गदूत पेजणे और तरतिया रे एकी कनारे ते लई की सर्गो रे दूजे कनारे तक, चऊँ दिशा ते आपणे चूणे रे लोक कटै करने। 28 “दाऊळे रे डाळो ते एस उदारणो खे सीखो, जेबे तिजी री डाळी नरम ऊई जाओई और पत्ते निकलने लगी जाओए, तो तुसा खे पता लगी जाओआ कि तऊँदी आऊणे वाली ए। 29 ईयां ई जेबे तुसे इन गल्ला खे ऊँदे ऊए देखो, तो समजी जाणा कि एबे आँऊ नेडे ईए, बलिक द्वारो पांदे ईए खड़ेगा रा। 30 आऊँ तुसा खे सच लगी रा बोलणे कि जुडुओ तक यो सब गल्ला पूरिया नि ऊई जाओगिया, तदुओ तक एसा पीढिया रे लोका री मौत नि ऊणी। 31 सर्ग और तरती टड़ी जाओगी, पर मेरा वचन कदी नि टलना। 32 “यो गल्ला कदी ऊणिया तेस दिनो रे बारे रे या तेसा कअडिया रे बारे रे कोई नि जाणदा, न स्वर्गदूत और ना पुत्र, पर बस पिता जाणोआ। 33 देखो, जागदे और प्रार्थना करदे रओ; कऊँकि तुसे नि जाणदे कि से बखत कदी जे आई जाणा। 34 ये तेस माणूं री जी दशा ए, जो परदेशो खे जांदे ऊए आपणा कअर छाडी जाओ और आपणे दासा खे अक्क देई दो और हर एकी खे तेसरा काम बताई देओ और चौकीदार खे जागणे री आज्ञा देओ। 35 “जागदे रओ, कऊँकि तुसे नि जाणदे कि कअरो रा मालक कदी जे आई जाणा, साँजा या आदी राथियो रे या मुर्गे री बांग देणे रे बखते या प्यागा। 36 एडा नि ओ कि से केथी अचाणक ई आई जाओ और तुसा खे सऊँदा ऊआ देखो। 37 से जो आऊँ तुसा खे बोलूँआ, सेई सबी खे बोलूँआ कि जागदे रओ!”

14 दो दिन बाद फसह रा त्योआर और बिना सजेडे री रोटिया रा

त्योआर ऊणे वाला था। बड़े पुरोईत और शास्त्री एडी गल्ला री टोला रे थे कि किंयाँ यीशुए खे तोखे रे मरवाईए। 2 पर बोलो थे, “त्योआरो रे दिने नि, केथी एडा नि ओ कि लोका बीचे हुडंग मची जाओ।” 3 जेबे यीशु बैतनिय्या हांग रे शमौन जेसखे पईले कोढ़ था तेसरे कअरे रोटी खाणे बैठे रे थे, तेबे एक जवाणस संगमरमरो रे पांडे (सुराई) रे जटामासिया रा मझ्गा और साफ इत्र लई की आई और पांडा तोड़ी की इत्र तिना रे सिरो रे लटी ता। 4 तेबे कोई-कोई गुस्सा करी की बोलणे लगे, “एस इत्रो रा सत्यानाश कऊँ कितेया? 5 कऊँकि ये इत्र तो तीन सौ चाँदिए रे सिक्केया रे मोलो ते जादा पैसेया रा बेची की कंगाला खे बांडी सको थे।” सेयो तेसा खे थिड़कणे लगे। 6 यीशुए

बोलेया, “एसा खे छाडी देओ। एसा खे कऊँ सताणे लगी रे? एसे तो मां साथे पलाई ए कित्ती री। 7 कंगाल तो तुसा साथे सदा रओए और तुसे जेबे चाओ, तेबे तिना साथे पलाई करी सकोए। पर आऊँ तुसा साथे सदा नि रण। 8 जो कुछ ये करी सको थी, एसे कितेया, एसे मेरे दबाणे री त्यारिया ते पईले ई मेरे शरिरो रे इत्र मलीता। 9 आऊँ तुसा खे सच बोलूँआ कि सारी दुनिया रे जेती, केथी सुसमाचार प्रचार ऊणा, तेती एसा रे एस कामो री चर्चा, एसा री यादा रे ऊणी।” 10 तेबे यहूदा इस्करियोती, जो बारा चेलेया बीचा ते एक था, बड़े पुरोईतो गे गया, ताकि यीशु तिना रे आथे पकड़वाया जाओ। 11 सेयो ये सुणी की खुश ऊईगे और तेसखे पैसे देणा मंजूर कित्तेया। तेबे से मोका टोलने लगेया कि यीशुए खे किंयाँ पकड़वाऊँ। 12 बिना सजेडे री रोटिया रे त्योआरो रे पईले दिने, जिदे सेयो फसह रे मिन्हूओ रा बलिदान करो थे, तिना रे चेले तिना ते पूछेया, “तुसे केयी चाओए कि आसे तुसा खे फसह रे त्योआरो री रोटी खाणे री त्यारी कहूँ?” 13 यीशु आपणे चेलेया बीचा ते दो जणे ये बोली की पेजे, “नगरो रे जाओ और तेती तुसा खे एक माणूं मिलाणा, जिने एक पाणिए रा कअड़ा ऊणा चकेया रा, तेस पीछे चली जाणा 14 और से जेते कअरो रे जाओगा, तेस कअरो रे मालको खे बोलणा, ‘गुरु बोलोआ, “मेरा बैठका रा कमरा, जेती आऊँ आपणे चेलेया साथे फसह रे त्योआरो री रोटी खाऊँ, से केयी ए?”” 15 तेस तुसा खे एक सजी-सजाई री और त्यार किनी री बड़ी बाऊँडो दखाणी। तेती आसा खे फसह खाणे री त्यारी करो।” 16 तेबे चेले निकली की नगरो खे आए और जेडा यीशुए तिना खे बोलेया था, तेडा ई पाया और फसह रे त्योआरो री रोटी त्यार कित्ती। 17 जेबे साँज ऊई, तेबे यीशु बारा चेलेया साथे तेती आए। 18 और जेबे सेयो रोटी खाणे लगी रे थे, तेबे यीशुए बोलेया, “आऊँ तुसा खे सच लगी रा बोलणे कि तुसा बीचा ते एक ए, जो मां साथे रोटी लगी रा खाणे, तेस आऊँ पकड़वाणा।” 19 चेले उदास ऊईगे और तिना बीचा ते एक-एक तिना खे पूछणे लगेया, “क्या से आऊँ ए?” 20 यीशुए तिना खे बोलेया, “से बारा बीचा ते एक ए, जो मां साथे थालिया रे आथ पाओआ। 21 आऊँ माणूं रा पुत्र पक्का ई मरेया जाणा जेडा मेरे बारे रे पवित्र शास्त्रो रे लिखी राखेया, पर तेस माणूंए खे हाय, जेस आऊँ पकड़वाणा। तेस माणूंए खे खरा था कि से जमदा ई नि।” 22 जेबे सेयो खाणे ई लगी रे थे, तेबे यीशुए रोटी लगी और आशीष मांगी की तोड़ी और चेलेया खे दिती और बोलेया, “लाओ और खाओ, ये मेरा शरीर ए।” 23 तेबे तिने कटोरा लयी की धन्यवाद कितेया और तिना खे दितेया और तिने सबी तिजी ते पिया। 24 यीशुए तिना खे बोलेया, “ये मेरा से खून ए, जो परमेश्वर और तिना रे लोका बीचे नई वाचा ए, और बऊत जणेया रे पापो री माफिया खे बाह्या जाओआ। 25 आऊँ तुसा खे सच बोलूँआ कि मां अँगूरा रा रस तेस दिनो तक फेर कदी नि पीणा, जदुओ तक परमेश्वरो रे राज्य रे नया नि पीड़गा।” 26 तेबे सेयो पअजन गायी की बारे जैतूनो रे पाहड़ो पांदे गए। 27 तेबे यीशुए तिना खे बोलेया, “तुसे सब माखे छाडी की चली जाणे, कऊँकि लिखी राखेया,

‘मां रखवाला काई देणा और पेड़ा ओरे-पोरे ऊई जाणिया।’ 28 पर मां मुड़देया बीचा ते जिंदा ऊणे ते बाद, तुसा ते पईले गलीलो खे जाणा।” 29 पतरसे तिना खे बोलेया, “जे तुसा खे छाडी की सब जणे चली बी जाओ, तेबे बी मां तुसा खे छाडी की कदी नि जाणा।” 30 यीशुए तेसखे बोलेया, “आऊं ताखे सच लगी रा बोलणे कि आज ई राती रे मुर्मे री दो बार बांग देणे ते पईले तूँ तीन बार माखे जाणने ते मुकरना।” 31 पर पतरसे ओर बी जोर दई की बोलेया, “जे माखे तुसा साथे मरना बी पड़ो, तो तेबे बी मां तुसा खे ना नि करनी।” ईयां ई अरी सबी बी बोलेया। 32 तेबे सेयो गतसमनी नाऊं री जगा रे आए और यीशुए आपणे चेलेया खे बोलेया, “जटुओ तक आऊं प्रार्थना करूँआ, तटुओ तक तुसे एथी बैठे रे रओ।” 33 यीशु पतरस, यूहन्ना और याकूबो खे आपू साथे लईंगे और बऊत ई बेवैन और परेशन ऊणे लगे। 34 तेबे यीशुए तिना खे बोलेया, “मेरा जिऊ बऊत उदास ए, एथो तक कि आऊं मरने पाँदे ए। तुसे एथी रुको और जागदे रओ।” 35 यीशु थोड़े जे आगे गए और जमीना पाँदे पड़ी की प्रार्थना करने लगे कि, “जे ऊई सको तो ये दुःखो री काड़ी मां पाँदे ते टली जाओ।” 36 और बोलेया, “ओ अब्बा! ओ पिता! तुसा ते सब कुछ ऊई सकोआ, एस दुःखो खे मांगा गे ते टाई दे, पर तेबे बी जेड़ा आऊं चाऊँआ, तेड़ा नि, पर जो तुसे चाओए सेई ओ।” 37 तेबे यीशु आए और चेले सये रे देखी की पतरसो खे बोलेया, “ओ शमैन तूँ सऊणे लगी रा? क्या तूँ एक काड़ी पनि जागी सकेया? 38 जागदे और प्रार्थना करदे रओ, ताकि परीक्षा रे नि पड़ो; आत्मा तो त्यार ए, पर शरीर कमजोर ए।” 39 यीशु फेर चली गे और सेई प्रार्थना किती। 40 तेबे दूजी बार आई की सेयो सये रे देखे, कऊँकि तिना री आखी रे नींज थी और सेयो नि जाणो थे कि यीशुए खे क्या जवाब देईए। 41 तेबे यीशुए तीजी बार आई की बोलेया, “एबे सऊँदे रओ और आराम करदे रओ, बस से कअड़ी आईगी री। देखो, आऊं माणूँ रा पुत्र पापिया रे आथे पकड़वाई जाऊणा। 42 उठो चलो। देखो, माखे पकड़वाणे वाला नेड़े आईगा रा।” 43 सेयो ये बोलणे ई लगी रे थे कि यहूदा, जो बारा चेलेया बीचा ते एक था, से आया। और तेस साथे बड़े पुरोईत, शास्त्री, और बुजुर्गा री तरफा ते एक बड़ी पीड़, तलवार और डण्डे लयी की फटाफट आईगी। 44 तिना खे पकड़वाणे वाले तिना खे बताई ता था, “जेसखे आऊं नमस्ते करूँ और गले लग्नूँ सेई ऊणा और तुसे से पकड़ी की लई जाणा।” 45 तेबे यहूदा यीशुए गे आया और बोलेया, “ओ गुरु!” और तेसखे नमस्ते किती और गले लगेया। 46 तेबे तिने सेयो आथ पाई की पकड़ी ले। 47 तिना बीचा ते जो नेड़े खड़ी रे थे, एकी जणे तलवार खिंजी की प्रदान पुरोईते रे दासो पाँदे चलाई और तेसरा कान ऊडाई ता। 48 यीशुए तिना खे बोलेया, “क्या तुसे आऊं डाकू समजी रा खेया, जो माखे पकड़ने री तंई डण्डे और तलवारी लई की आई रे? 49 आऊं तो हर दिन तुसा साथे मन्दोरे रे उपदेश देऊँ था और तेबे तो तुसे आऊं नि पकड़ेया। पर ये सब कुछ तेबे ऊआ, ताकि पवित्र शास्त्रो रे मेरे बारे जो गल्ल भविष्यवत्ते लिखी राखी थी, से पूरी ओ।” 50 तेबे तिना रे सारे चेले तिना खे छाडी

की नठीगे। 51 तेबे एक जवान आपणे नांगे शरीरो रे चादर टखी की तिना पीछे-पीछे चली गा और लोके से चेला समजी की पकड़ी ता। 52 पर से चादर छाडी की नांगा ई नठी गा। 53 तेबे सेयो यीशुए खे बड़े पुरोईते रे कअरे लईंगे और सब प्रदान पुरोईत, शास्त्री और बुजुर्ग तेसगे कटू ऊईंगे। 54 पतरस दूरो तेरई तिना पीछे-पीछे प्रदान पुरोईते रे आँगणो रे पीतरो तक गया और चौकीदारा साथे बैठी की आग सेखणे लगेया। 55 बड़े पुरोईत और सारी बड़ी सभा यीशुए खे काणे री तंई, तिना रे खलाफ गवाई लगी रे थे टोलने, पर मिली नि। 56 कऊँकि बऊत जगे तिना रे खलाफ चूठी गवाई लगी रे थे देणे, पर तिना री गवाई एक जेड़ी नि थी। 57 तेबे बऊत जणेया तिना रे खलाफ ये चूठी गवाई दिती कि 58 “आसे ये, ए बोलदे ऊए सुणी राखेया, ‘मां ये आथो साथे बणाया रा मन्दर टाली देणा और तीजे दिने दूजा बणाई देणा, जो आथो साथे बणे रा ऊणा।’” 59 एते पाँदे बी सबी री गवाई एक जेड़ी नि निकली। 60 तेबे प्रदान पुरोईत, बीचे खड़े ऊई की, यीशुए ते पूछेया, “क्या तूँ कोई जवाब नि देणा चांदा? यो लोक तेरे बारे रे क्या गवाई लगी रे देणे?” 61 पर यीशु चुप रए और कुछ बी जवाब नि दितेया। प्रदान पुरोईते तिना ते फेर पूछेया, “क्या तूँ परमधन्य परमेश्वरो रा पुत्र मसीह ए?” 62 यीशुए बोलेया, “आ, आऊं आए; और तुसा आँऊ माणूँ रा पुत्र सर्वशक्तिमानो रे दाँणे कनारे बैठे रा और सर्गो रे बादलो पाँदे आऊँदा ऊआ देखणा।” 63 तेबे प्रदान पुरोईते आपणे टाले फाड़ी की बोलेया, “एबे आसा खे गवाओ रा क्या काम ए? 64 तुसे ये निन्दा सुणी, तुसा री क्या राय ए?” तिने सबी बोलेया, “ये तो काणे जोगा ए!” 65 तेबे कोई तिना पाँदे थूकणे लगे, कोई मूँ टुक्खणे लगे, कोई मुक्के बाणे लगे और तिना ते बोलणे लगे, “भविष्यबाणी कर।” और सिपाई तिना खे पकड़ी की थप्पड़ बाणे लगे। 66 जेबे पतरस आँगणो रे था, तेबे प्रदान पुरोईतो री दासिया बीचा ते एक तेती आई 67 और जेबे पतरस आग सेखणे लगी रा था, तेबे से तेसखे टकटक करी की देखणे लगी और बोलणे लगी, “तूँ बी तो तेस यीशु नासरियो साथे था।” 68 से मुकरी गा, और बोलणे लगेया, “आऊं तो नि जाणदा और मेरी समजा रे नि आऊँदा कि तूँ क्या लगी री बोलणे।” तेबे से बारे देऊँलिया गे गया और मुर्मे बांग दिती। 69 तेबे से दासी फेर तेसखे देखी की, जो तेती नेड़े खड़ी रे थे, तिना गे बोलणे लगी, “ये तो तिना बीचा ते एक ए।” 70 पर से फेर मुकरी गा और थोड़ी देर बाद जो तेती खड़ी रे थे, तिने फेर पतरसो खे बोलेया, “पक्का तूँ तिना बीचा ते एक ए, तूँ बी तो गलीली ए, कऊँकि तेरी बोलिया ते तूँ गलीली लगोआ।” 71 तेबे से आपू खे कोसणे लगेया और कसम खाणे लगेया, “जेस माणूए रे बारे रे तुसे बोलणे लगी रे, आऊं तेसखे बिल्कुल पनि जाणदा।” 72 तेबे तेबुई मुर्ग दूजी बार फेर बांग दिती। तेबे पतरसो खे से गल्ल, जो यीशुए तेसखे बोली थी, याद आई कि, “मुर्मे री दो बार बांग देणे ते पईले तूँ तीन बार माखे जाणने ते मुकरना।” तेबे से एसा गल्ला सोची की जोरे-जोरे की रोणे लगेया।

15 यागा ऊंदे ई फटाफट बड़े पुरोहित, बुजुर्ग, शास्त्री और सारी बड़ी

सभा सलाह कित्ती कि एस साथे क्या करिए। तेबे यीशु बानी ते और तिना खे लईगे और पिलातुस हाकिमो रे आथो रे दई ते। 2 तेबे पिलातुसे तिना ते पूछेया, “क्या तूँ यहूदिया रा राजा ए?” यीशुए तेसखे बोलेया, “तूँ आपू ई लगी रा बोलणे।” 3 बड़े पुरोहित तिना पाँदे बऊत दोष लगाणे लगी रे थे। 4 पिलातुसे तिना ते फेर पूछेया, “क्या तांगे कोई जवाब ए देणे खे? देख, यो तां पाँदे कितणे दोष लगी रे लगाणे।” 5 यीशुए फेर बी कुछ जवाब नि दितेया। ये देखी की पिलातुस हैरान ऊँझ्गा। 6 पिलातुस हर साल फस्ह रे त्योआरो रे एकी कैदियो खे, जेसखे सेयो बोलो थे, तिना खे छाडी देओ था। 7 तेस बखते बरअब्बा नाओं रा एक माणू तिना हुड़ंगा करने वालेया साथे जेला रे था, जिने दोगेया रे अत्या कित्ती थी। 8 तेबे पीड़ ऊबे जाई की तेसते बिन्ती करने लगी, “जेड़ा तुसे आसा खे करदे आए, तेड़ा ई करो।” 9 पिलातुसे तिना खे बोलेया, “क्या तुसे ये चाओए कि आऊँ तुसा खे यहूदिये रे राजे खे छाडी देक्ते?” 10 पिलातुस जाणो था कि बड़े पुरोहिते यीशुए ते जलन राखोए, तेबैई तिने से पकड़वाया। 11 पर बड़े पुरोहिते लोक ऊकसाए, “बरअब्बे खे आसा खे छाडी देओ।” 12 ये सुणी की पिलातुसे तिना ते फेर पूछेया, “जेसखे तुसे यहूदिया रा राजा बोलोए, तेस साथे क्या कहँ?” 13 सेयो ओर बी चिंगणे लगे, “एसखे कूसो पाँदे चढ़ाओ।” 14 पिलातुसे तिना खे बोलेया, “कँड़े? इने क्या बुरा करी राख्या?” पर सेयो और बी चिंगणे लगे, “एसखे कूसो पाँदे चढ़ाओ।” 15 तेबे पिलातुसे पीड़ा खे खुश करने री ईच्छा ते बरअब्बा तिना खे छाडीता, और यीशुए खे कोडे लगवाई की तिना गे सम्भाली ता कि कूसो पाँदे चढ़ाया जाओ। 16 तेबे रोमी सिपाई यीशुए खे पीतरे आँगणो दे लईगे, जेतेखे प्रीटोरियुम राज्यपालो रा मुख्यालय बी बोलोए, और यीशुए कोडे लगवाई की तिना गे सम्भाली ता कि कूसो पाँदे चढ़ाया जाओ। 17 तेबे तिने यीशुए खे बैंगणी टाले पण्याए और कांडेया रा मुकट बूणी की तिना रे सिरो पाँदे राखी ता। 18 और तिना खे ये बोली की तिना रा मजाक उड़ाणे लगे, “हे यहूदिया रे राजा, नमस्कार।” 19 सेयो तिना रे सिरो पाँदे नगलो रे डण्डे की बाओ थे, तिना पाँदे थूको थे और कूटणे टेकी की माथा टेको थे। 20 जेबे सेयो तिना रा मजाक उड़ाई चूके, तेबे तिना पाँदे ते बैंगणी टाले खुलाई ते और तिना रेई टाले पण्याईते और यीशुए खे कूसो पाँदे चढ़ाणे खे बारे ली आए। 21 जेबे सेयो यीशुए खे कूसो पाँदे चढ़ाणे खे लयी चली रे थे। तेबे सिकन्दर और रफुसो रा पिता, शमैन नाओं रा एक कुरेनी माणू जो द्रूजे गांव ते आऊणे लगी रा था, तेसी बखते से तिसिये निकलेया। तेबे सिपाईए से ईयां ई पकड़ी ता कि यीशु रा कूस चक्की की लई चल। 22 तेबे सेयो यीशुए खे गुलगुता नाओं री जगा रे पकड़ी की लईगे, जेतेखे खोपड़िया री जगा बी बोलोए। 23 तेबे सेयो तिना खे मुर्न नाओं री जड़ी बूटी मलाई की अँगूरा रा रस पीणे खे देणे लगे, पर तिने नि पिया। 24 तेबे तिने यीशु कूसो पाँदे चढ़ाए और तेबे तिना रे टाले रिया चिठ्ठिया पाईया कि केसी खे क्या मिलणा, और सेयो बांडी ते। 25 तेबे यागा रे नौ बजे रा बखत था,

जेबे तिने सेयो कूसो पाँदे चढ़ाई ते। 26 और तिना रा दोष-पत्र लिखी की कूसो पाँदे तिना पाँदे लगाई ता कि “यहूदिया रा राजा।” 27 तेबे तिने दो डाकू, एक तिना रे दाँणे कनारे और एक खूँजे कनारे, कूसो पाँदे चढ़ाए। 28 तेबे धर्मस्त्रो रा से वचन कि, “से अपराधिया साथे गिणेया जाणा” पूरा ऊआ। 29 बाटा रे जाणे वाले सिर इलाई-इलाई की ये बोली की तिना री निन्दा करो थे, “वाह! मन्दरो खे टालने वाले और तीन दिना रे बनाणे वाले, 30 कूसो पाँदा ते ऊतरी की आपणे आपू खे बाचा।” 31 ईयां ई बड़े पुरोहित बी, शास्त्रिया साथे, आपू बीचे मजाक करो थे, “इने ओर तो बचाए, पर आपू खे नि बचाई सकेया। 32 इसाएलो रा राजा मसीह, एबे कूसो ते ऊतरी की तो आओ, ताकि आसे बी देखी की विश्वास करिए।” जो तिना साथे कूसो पाँदे चढ़ाए राखे थे, सेयो बी तिना री निन्दा करो थे। 33 और जेबे त्याड़ी ऊई, तेबे सारे देशो रे न्हेरा ऊँझ्गा और तीजे पर्झी तक रया। 34 तीजे पझो रे यीशुए जेरो की बोलेया, “इलोई, इलोई लमा शबक्कनी?” जेतेरा मतलब ए, “ओ मेरे परमेश्वर, ओ मेरे परमेश्वर! तुसे आऊँ कँज छाडीता?” 35 जो नेड़े थे खड़े रे, तिना बीचा ते कुछ जणेया ये सुणी की बोलेया, “देखो, ये एलियाहो खे आकका पाणे लगी रा।” 36 तेबे एकी जणे दौड़ी की स्पंज सिरके रे डबोया और नगलो रे डण्डे पाँदे राखेया और तिना खे चुसाया, और बोलेया, “चलो थोड़ा रुकी कि देखूँए कि एलियाह एसखे उतारने आओआ कि नि।” 37 तेबे यीशुए जेरो की चींगी की प्राण छाडी ते। 38 तेबे मन्दरो रा पड़ावा पाँदो ते लई की थालो तक फटीगा और तिजी रे दो टुकड़े ऊँझ्गे। ए ये दखाओ कि एबे कोई बी माणू परमेश्वरो री हजुरिया रे जाई सकोआ। 39 जो सूबेदार तेती था खड़े रा, जेबे तिने यीशु ईयां चींगी की प्राण छाड़े ऊए देखे, तो तेबे तिने बोलेया, “सच्ची ये तो परमेश्वरो रा पुत्र था।” 40 कुछ जवाणसा दूरो ते देखणे लगी री थिया, तिना बीचा ते मरियम मगदलिनी और छोटे याकूब और योसेसो री आम्मा मरियम और सलोमी थिया। 41 जेबे यीशु गलील प्रदेशो रे थे, तेबे सेयो तिना पीछे-पीछे जाओ थिया और तिना री सेवा करो थिया, और बी कई जवाणसा थिया, जो तिना साथे यश्शलेम नगरो रे आईया थिया। 42 जेबे साँज ऊई, तेबे, कँऊकि से त्यारिया रा दिन था, जो आरामो रे एक दिन पर्झले ओआ, 43 तेबे अरिमतियाह रा रणे वाला यूसुफ आया, जो बड़ी सभा रा खास जाणेया-मानेया रा सदस्य था और आपू बी परमेश्वरो रे राज्य री बाट न्यालो था। से याओ करी की पिलातुसो गे गया और यीशुए री लोथ मांगी। 44 पिलातुस हैरान ऊँझ्गा कि से ईतणे चट मरी गा; तेबे तिने सूबेदार बुलाया और तेसते पूछेया, “क्या यीशु सच्ची मरी गा?” 45 जेबे तिने सूबेदारो ते सारा आल जाणी ला, तेबे पिलातुसे लोथ यूसुफो खे दलाई ती। 46 तेबे तिने एक मलमलो री चादर खरीदी और लोथ ऊतरी की चादरी रे लपेटी और कब्रा रे राखी, जो चटानी रे थी खणी री। तेबे कब्रा रे द्वारो पाँदे एक पात्थर खसकेर्झता। 47 तेबे मरियम मगदलिनी और योसेसो री आम्मा मरियम देखणे लगी री थिया कि तिने यीशुए री लोथ केवी राखी रिये।

16 जेबे आरामो रा दिन बीती गा, तेबे मरियम मगदलिनी और याकूबो

री आम्मा मरियम और सलोमिए, अच्छी बासी बालिया चीजा
मोले लईया, ताकि आई की तिना पाँदे मलिए। 2 और अप्रते रे पईले
दिने, जेबे प्याग ऊई और सूरज निकलेया ई था, तेबे सेयो कब्रा गे
आईया। 3 और आपू बीचे बोलणे लगीया, “आसा खे कब्रा रे द्वारो पाँदे
ते पात्थर केस टाणा?” 4 जेबे तिने आखी चकिया तो देखेया कि पात्थर
तो कनरे टाये राए। कऊँकि से बऊत बड़ा था। 5 तेबे कब्रा रे पीतरे जाई
की तिने एक जवाम सफेद टाले पड़ने रा और दाणे कनारे बैठे रा देखेया
और सेयो बऊत हैरान ऊई गिया। 6 तिने तिना खे बोलेया, “डरो नि।
तुसे जेस यीशु नासरिये खे, जो कूसो पाँदे लटकाया था, टोलने लगी
रिया। से जिऊंदा ऊईगा रा, से एती निए देखी लो; ये सेई जगा ए जेती
से राखी राखेया था। 7 पर तुसे जाओ और तिना रे चेलेया खे और
पतरसो खे बोलो, ‘सेयो तुसा ते पईले गलील प्रदेशो रे पऊँछी जाणे,
जेडा तिने तुसा खे बोलेया था, तुसा से तेथी देखणा।’” 8 तेबे सेयो कब्रा
गे ते नठी गिया, कऊँकि सेयो कबराई गिया थिया और तिना रे थुरनी
छूटी गी थी, तिने डरो रे मारे केसी गे कुछ नि बोलेया। 9 (note: The most
reliable and earliest manuscripts do not include Mark 16:9-20.) अप्रते रे
पईले दिने प्यागा ई, जेबे यीशु मरे रेया बीचा ते जिऊंदे ऊए तेबे सबी ते
पईले मरियम मगदलिनिया खे दिशे। पईले जेसा ते तिने सात दुष्टात्मा
निकालिया थिया। 10 तेसे जाई की तिना रे चेलेया गे, जो बऊत दुःखी
थे और रोणे लगी रे थे, तिना गे समाचार सुणाया। 11 पर तिने मरियम
मगदलीनिया री गल्ला पाँदे विश्वास नि कित्तेया कि यीशु जिऊंदे ऊईंगे रे
और तेसे सेयो देखे। 12 तिजी ते बाद यीशु दूजे रूपो रे तिना बीचा ते दूँड़
जणेया खे दिशे, जेबे सेयो गांव खे जाणे लगी रे थे। 13 तिने बी जाई की
ओरी खे समाचार दित्तेया, पर तिने तिना पाँदे बी विश्वास नि कित्तेया।
14 बादो ते यीशु तिना ग्यारा चेलेया खे बी दिशी गे, जेबे सेयो रोटी लगी रे
थे खाए और तिना रे अविश्वासो और काठे मनो खे लवामा दित्तेया,
कऊँकि जिने सेयो जिऊंदे ऊणे ते बाद देखे थे, तिने तिना रा विश्वास नि
कित्तेया। 15 यीशुए तिना खे बोलेया, “तुसे सारी दुनिया रे जाई की सारी
सृष्टिया रे लोका खे सुसमाचार प्रचार करो। 16 जेस विश्वास करना और
बपतिस्मा लणा, तेसरा ई उद्धार ऊणा, पर जेस विश्वास नि करना से
दोषी ठईराया जाणा। 17 और विश्वास करने वालेया रे ये चिह्न ऊणे कि
तिना मेरे नाओं ते दुष्टात्मा निकालिनिया; नई-नई पाषा बोलणिया; 18
साप चकी देणे और जे सेयो नाश करने वाली चीज बी पी लओगे, तो
तेबे बी तिना खे कुछ नि ऊणा, तिना बमारा पाँदे आथ राखणा और सेयो
ठीक ऊई जाणे।” 19 तिना साथे गल्ला करने ते बाद प्रभु यीशु स्वर्गो खे
चकी ते और सेयो परमेश्वरो रे दाँणे कनरे बैठे। 20 तेबे चेलेया हर जगा
प्रचार कित्तेया, प्रभु तिना साथे काम करदे रए, और तिना चिह्ना साथे,
जो साथे-साथे ऊणे लगी रे थे, और ये सामणे ल्याऊँदे रए कि परमेश्वरो
रा ये सन्देश सच्चा ए। आमीन्।

लूका

1 बऊत जणेया सेयो गल्ला, जो आसा बीचे ओईया, इतियास लिखणे

रे आसा री मताद कित्ती, 2 जेडा कि पईले ई तिने जो इना गल्ला खे देखणे वाले और वचनो खे मानणे वाले सेवक थे, आसा गे पँक्छाईया। 3 तेबैई तो, ओ श्रीमान् थियुफिलुस! माखे बी ये ठीक लगेया कि तिना सबी गल्ला रा सारा आल शुरुओ तेई ठीक-ठीक पता लगाई की तिना ताखे एक-एक करी की लिखूँ। 4 ताकि तूँ ये जाणी लो कि यो गल्ला, जिना री तैं शिक्षा पाई राखी, केड़िया अटल ए। 5 यहूदिया प्रदेशो रे राजा हेरोदेसो रे बखते अबिय्याहो रे दलो रे जकरयाह नाऊं रा एक पुरोईत था और तेसरी लाडिया रा नाऊं इलीशिबा था। ये दोनो लाडा-लाडी हारूणो रे कुलो रे थे। 6 सेयो दोनो परमेश्वरो सामणे तर्मी थे और परमेश्वरो री सारी आज्ञा और विधिया पाँदे निर्देष चलो थे। 7 तिना रे कोई ल्वाद नि थी, कऊंकि इलीशिबा बांझ थी और सेयो दोनो स्याणे ऊईगे थे। 8 एक दिन जेबे जकरयाह आपणे दलो री बारिया पाँदे परमेश्वरो सामणे पुरोईतो रा काम करो था। 9 तेबे पुरोईता री रवाजा रे मुताबिक, तेसरे नाऊं री चिट्ठी निकली, कि परमेश्वरो रे मन्दरो रे जाई की तूप बाल। 10 और तूप बालने रे बखते, लोका री सारी मण्डली बारे मन्दरो रे आँगणो रे प्रार्थना करने लगी री थी। 11 तेबे जकरयाहो खे प्रभुए रा स्वर्गदूत तूपो री वेदिया रे दौँणे कनारे खड़ेया रा दिशेया। 12 जकरयाह तेसखे देखी की कबराईगा और बक्त डरीगा। 13 पर स्वर्गदूते तेसखे बोलेया, “ओ जकरयाह! डर नि, कऊंकि परमेश्वरे तेरी प्रार्थना सुणी ली री और जो तेरी लाडी इलीशिबा ए, तेसा रे ताखे एक पाऊ जमणा और तैं तेसरा नाऊं यूहना राखणा। 14 ताखे आनन्द और खुशी ऊणी और बक्त तरे लोक तेसरे जमणे ते खुश ऊणे। 15 कऊंकि से परमेश्वरो सामणे महान् ऊणा, तेस अँगूरा रा रस और शराब कदी नि पीणा और से आपणी माया रे गर्भो तेई पवित्र आत्मा ते परेया रा ऊणा। 16 तेस इसाएलो बीचा ते कई जणे, तिना रे प्रभु परमेश्वरो री तरफा खे फेरने। 17 से एलिय्याह री आत्मा और सामर्था रे ऊई की तेसरे आगे-आगे चलणा ताकि पितरा रा मन बाल-बच्चेया री तरफा खे फेरो। आज्ञा नि मानणे वालेया खे तर्मिया री समजा रे ल्याओ और प्रभुए खे एक लायक प्रजा त्यार करो।” 18 जकरयाहे स्वर्गदूतो ते पूछेया, “ये आऊं किंयाँ जाणू कि एडा ई मां साथे ऊणा? कऊंकि आऊं और मेरी लाडी तो स्याणे ऊईगे रो।” 19 स्वर्गदूते तेसखे बोलेया, “आऊं जिब्राईल ए, जो परमेश्वरो सामणे खड़ा रओआ। आऊं तां साथे गल्ला करने और ये सुसमाचार सुनाणे रिया तंई पेजी राखेया 20 और देख जदुओ तक यो गल्ला पूरिया नि ऊई जाओगिया, तदुओ तक तूँ चुप रणा और बोली नि सकदा। कऊंकि तैं मेरिया गल्ला पाँदे कि सेयो आपणे बखते पूरिया ऊणिया, विश्वास नि कितेया।” 21 लोक जकरयाहो खे न्यालदे रए और हैरन ऊईगे कि तेसखे मन्दरो रे इतणी देर किंयाँ ऊईगी? 22 जेबे से बारे आया, तेबे से तिना साथे गलाई नि सकेया, तेबे तिना खे पता लगी गा कि तिने मन्दरो रे कोई दर्शन पाई

राखेया, से तिना साथे साअरे रे गल्ला करदा रथा और गूँगा ऊर्झागा। 23 जेबे मन्दरो रे तेसरे पुरोईतो रे कामो री सेवा करने रे दिन पूरे ऊर्झे, तेबे से यश्छलेमो नगरो खे छाडी की आपणे कअरो खे चली गा। 24 तेबे तेसरी लाडी इलीशिबा गर्भवती ऊर्झी और पाँज मीने तक आपू खे कअरे ये बोली की लकोए रे राखेया, 25 “मांणूए जो मेरी बेज्जती करी राखी, तिजी खे दूर करने खे, परमेश्वरे मां पाँदे कृपा करने खे एडा करी राखेया।” 26 इलीशिबा रे गर्भविस्था रे छतुए मीने परमेश्वरो री तरफा तेजि जिब्राईल स्वर्गदूत गलील प्रदेशो रे नासरत नाओं नगरो रे, 27 एक कुआँरिया गे चेजेया। तेसारी मंगणी यूसुफ नाओं रे दाऊदो रे कराने रे एक माठे साथे ऊर्झी थी। तेसा कुआँरिया रा नाओं मरियम था। 28 स्वर्गदूते तेसा गे पीतरे आयी की बोलेया, “खुशी और जय तेरी ओ, जेस पाँदे परमेश्वरो री कृपा ऊर्झे री, प्रभु तां साथे ए।” 29 से तेस वचनो ते बऊत कबराई गी और सोचणे लाई कि ये केढ़ी गल्ल ए? 30 स्वर्गदूते तेसा खे बोलेया, “ओ मरियम! डर नि कऊँकि परमेश्वरो री कृपा तां पाँदे ऊर्झे री। 31 देख, तूँ गर्भवती ऊणी, तेरे एक पाऊ जमणा और तै तेसरा नाओं यीशु राखणा। 32 से महान् ऊणा, और परमप्रदानो रा पुत्र ऊणा और प्रभु परमेश्वरे तेसरे पुरखा दाऊदो रा सिंहासन तेसखे देणा। 33 और तेस याकूबो रे कराने रे सदा राज्य करना और तेसरे राज्य रा अंत कदी नि ऊणा।” (aiōn g165) 34 मरियमे स्वर्गदूतो खे बोलेया, “ये किंयाँ ऊणा? आऊं तो मर्दों खे जाणदी ई नि, कऊँकि आऊं तो एबु कुँवारी ए” 35 स्वर्गदूते तेसा खे जवाब दितेया, “पवित्र आत्मा तां पाँदे उतरना और परमप्रदानो री सामर्थ तां पाँदे छांयाँ करनी, तेवेई तो से, जो जमणे वाला ए, तेसखे पवित्र और परमेश्वरो रा पुत्र बोलेया जाणा। 36 देख, तेरे टब्बरो री इलीशिबा रे बीं स्याणादे बखते पाऊ ऊणे वाला ए। ये तेसा रा, जेसा खे बांझ बोलोए, छटा मीन्ना चली रा। 37 कऊँकि परमेश्वर सब कुछ करी सकोआ।” 38 मरियमे बोलेया, “देख, आऊं परमेश्वरो री दासी ए, मां साथे तेरे वचनो रे मुताबिक ओ।” तेबे स्वर्गदूत तेसा गे ते चली गा। 39 तिना दिना रे मरियम उठी की फटाफट पाहड़ी इलाके रे यहूदा प्रदेशो रे एक नगरो खे गई 40 और तेसे जकरयाहो रे कअरे जाई की इलीशिबा खे नमस्ते किती। 41 जियाँ ई इलीशिबे मरियमा री नमस्ते सुणी, तियाँ ई बच्चा तेसा रे पेटो रे उटकेया और इलीशिबा पवित्र आत्मा ते फरी गी। 42 तेबे तेसे मरियमा खे जोरे की बोलेया, “तूँ सबी जवाणसा बीचे धन्य ए और जेस बच्चे खे तां जन्म देणा से बी धन्य ए। 43 ये कृपा मां पाँदे केथा ऊर्झे कि मेरे प्रभुए री आम्मा मांगे आयी? 44 जियाँ ई मैं तेरी नमस्ते सुणी, तियाँ ई बच्चा मेरे पेटो रे खुश ऊर्झे की उटकणे लगेया। 45 धन्य ए से, जिने विश्वास कितेया कि जो गल्ला प्रभुए री तरफा ते तेसा गे बोलिया, सेयो पुरिया ऊणिया।” 46 तेबे मरियमे बोलेया, “मेरा प्राण प्रभुए री बढाई करोआ। 47 और मेरी आत्मा मेरा उद्धार करने वाले परमेश्वरो ते खुश ए। 48 कऊँकि तिने आपणी दासिया कनारो खे देखेया, तेवेई तो, देखो, आजो ते सारे जुगा-जुगा रे लोका माखे धन्य बोलणा। 49 कऊँकि तिने शक्तिमाने मेरे बड़े-बड़े काम

करी राखी और तेसरा नाओं पवित्र ए। 50 तेस परमेश्वरो री दया, जो तेसरे डोरो, पीढ़िया री पीढ़िया तक बणी री रुझै। 51 तिने आपणे आथो रे जरिए सामर्था रे काम दिखाए और जो आपू खे बड़ा समजोए, सेयो रुलाई ते। 52 तिने राजेया रा राज खत्म करी ता और शरीफ ऊच्चे कित्ते। 53 तिने पूखे अच्छी चीजा ते रुजाए और अग्नी खाली आथे निकयाली ते। 54 तिने आपणा सेवक इसाएल सम्बाली ता। ताकि आपणी तेसा दया रे वादे खे याद करूँ, 55 जो अब्राहम और तेसरे कुलो पाँदे सदा रणी, जेडा तिने म्होरे बांओ-दोदेया खे बोलेया था।” (aiōn g165) 56 मरियम तकरीबन तीन मीने तक तेती रई और तेबे कअरो खे चली गी। 57 तेबे इलीशिबा रे बच्चा पैदा करने रा बखत पूरा ऊईगा और तेसा रे एक पाऊ जम्मेया। 58 तेसा रे पड़ोसी और टब्बरो वालेया जेबे ये सुणेया कि प्रभुए तेसा पाँदे बड़ी पारी दया करी राखी, सेयो तेसा साथे बऊत खुश ऊए। 59 तेबे एडा ऊआ कि सेयो आठुए दिने बाल्को रा खतना करने आए और तेसरा नाओं, तेसरे बाओं रे नाओं पाँदे जकरयाह राखणे लगे। 60 तेबे बच्चे री अम्मे बोलेया, “ना; एसरा नाओं यूहन्ना राखणा।” 61 तेबे तिने बोलेया, “तेरे टब्बरो रे एडा नाओं केसी रा निए।” 62 तेबे तिने तेसरे बाओं ते साअरे रे पूछेया, “तूँ एसरा क्या नाओं राखणा चाएया?” 63 तेबे तिने लिखणे री पट्टी मुंगाई की लिखी ता, “एसरा नाओं यूहन्ना ए” और सब हैरान ऊईगे। 64 तेबे तेसरा मूँ और जीब तेबुई खुली गी। तेबे से बोलणे जोगा ऊईगा और परमेश्वरो रा धन्यवाद करने लगेया। 65 तेसरे औरे-पेरे रणे वाले लोक डरी गे और तिना सबी गल्ला री चर्चा यूहदिया प्रदेशो रे सारे पाहडी इलाके रे फैली गी। 66 सब सुणने वाले आपणे-आपणे मनो रे बिचार करने लगे, “ये बालक केडा ऊणा?” कऊँकि परमेश्वरो रा आथ तेस साथे ए। 67 तेबे तेसरा पिता जकरयाह पवित्र आत्मा ते परी गा और भविष्यबाणी करने लगेया, 68 “प्रभु इसाएलो रा परमेश्वर धन्य ए, जो तिने आपणे लोका कनारो खे देखेया और तिना खे छुटकारा दितेया 69 और आपणे सेवक दाऊदो रे करने रे आसा खे उद्घारकर्ता पेजी राखेया। 70 जेडा तिने आपणे पवित्र भविष्यबक्तेया ते बुलवाया था, जो दुनिया रे शुरूओ ते ऊँदे ऊए आयी रे (aiōn g165) 71 मतलब-आसा रे दुश्मणा ते और बैरिया रे आथो ते म्हारा उद्घार करी राखेया। 72 ताकि आसा रे बाप-दोदेया पाँदे कृपा करी की आपणी पवित्र वाचा याद राखो 73 और से कसम जो तिने आसा रे पिते अब्राहमो साथे खाई थी 74 कि तेस आसा खे ये देणा, ताकि आसे आपणे दुश्मणा रे आथो ते बची की 75 परमेश्वरो सामणे पवित्रता, और धार्मिकता साथे सारी जिन्दगी नच्चके रई की तेसरी सेवा करदे रईए। 76 ओ बालक! ताखे परमप्रदान परमेश्वरो रा भविष्यबक्ता बोलेया जाणा, कऊँकि तूँ प्रभुए री बाट त्यार करने खे तिना रे आगे-आगे चलणा। 77 ताकि तिना रे लोका खे उद्घारो रा ज्ञान देई सके, जो तिना रे पापो री माफिया ते मिलोआ। 78 ये आसा रे परमेश्वरो री तेसा बड़िया दया ते ऊणा; जेसरी बजअ ते, स्वर्गो ते आसा पाँदे प्यागा रा प्रयासा ऊणा। 79 ताकि न्हेंरे रे और मरने वालेया खे जिन्दगी दई सको,

और आसा रे पैरा खे शान्तिया री बाटा रे सिदे चलाई सको।” 80 तेबे से बालक यूहन्ना बड़दा और आत्मा रे तागतबर ऊँदा गया और इसाएलो रे सामणे आऊणे रे दिना तक, जंगलो रे रया।

2 तिना दिना रे रोमी महाराजा अगस्तुस कैसरो री तरफा ते आज्ञा

निकली की सारे रोमी साम्राज्य रे लोका री गणना किती जाओ। 2 ये पईली गणना तेस बखते ऊई, जेबे विवरिनियुस सीरिया प्रदेशो रा राज्यपाल था। 3 तेबे सब लोक नाओं लिखाणे खे आपणे-आपणे नगरो खे गए। 4 तेबे यूसुफ बी इजी री खातर कि से दाऊदो रे कराने और कुलो रा था, गलीलो रे नासरत नगरो ते, यहूदिया दे, दाऊदो रे नगर बैतलहमो खे गया। 5 ताकि आपणी मंगेतर मरियमा साथे, जो गर्भवती ए, नाओं लिखाऊँ। 6 जेबे सेयो बैतलहम पँक्छे तेबे मरियमा रे बच्चा जमणे रिया पीडा लगी गिया। 7 तेसा रे पईला बच्चा पाऊ ऊआ, तेसे से टालेया साथे लपेटी की डांगरा री खुरुलिया रे राखेया, कऊँकि तिना खे संरायी रे रणे खे जगा नि मिली। 8 तेस देशो रे बऊत गाढ़ी थे, जो राती मैदानो रे रई की आपणे चूणडो रा पईरा देयो थे। 9 तेबे परमेश्वरो रा एक स्वर्गदूत तिना रे सामणे आयी की खडा ऊईगा और परमेश्वरो रा तेज तिना रे चऊँ कनारे चमकणे लगेया और सेयो बऊत डरी गे। 10 तेबे स्वर्गदूते तिना खे बोलेया, “दुरो नि, कऊँकि देखो आऊँ तुसा खे बऊत खुशिया रा सुसमाचार सुनाणे आयी रा, जो सरे लोका खे ऊणा। 11 कि आज दाऊदो रे नगर बैतलहमो रे तुसा खे एक उद्घारकर्ता जम्मी रा और येई मसीह प्रभुए। 12 और इजी रा पता तुसा खे ईँयां लगणा, तुसा खे एक बालक टालेया रे लपेटेया रा और डांगरा री खुरुलिया रे पडेया रा मिलणा।” 13 तेबे एकदम तेस स्वर्गदूतो साथे, स्वर्गदूता रा एक दल, परमेश्वरो री स्तुति करदे ऊए और ये बोलदे ऊए दिशेया, 14 “स्वर्गो रे परमेश्वरो री महिमा और तरतिया रे, तिना मांणूआ खे जिना ते आऊँ खुश ए, शान्ति ओ।” 15 जेबे स्वर्गदूत तिना गे ते स्वर्गो खे चली गे, तेबे गाढ़ी आपू बीचे बोलणे लगे, “आओ आसे बैतलहमो खे चलूँ और जो गल्ल प्रभुए आसा गे बताई राखी, तेसा देखूँग।” 16 तेबे तिने तेबुई जाई की मरियम और यूसुफ और डांगरा री खुरुलिया रे से बालक लेटेया रा देखेया। 17 इना खे देखी की से गल्ल जो एस बालको रे बारे रे तिने बोली थी, सामणे आयी। 18 सबी सुणने वालेया, तिना गल्ला ते जो गाढ़िये तिना गे बताईया थिया, हैरान ऊईगे। 19 पर मरियम इना सबी गल्ला खे आपणे मनो रे सोचदी रई। 20 तेबे गाढ़ी परमेश्वरो री स्तुति और गुणगाण करदे ऊए वापस चली गे, कऊँकि जो कुछ तिने देखी राखेया था, से ठीक तेडा इ था जेडा स्वर्गदूते तिना खे बोली राखेया था। 21 जेबे आठ दिन पूरे ऊईगे और खतने रा बखत आया, तेबे तेसरा नाओं यीशु राखेया, जो स्वर्गदूते तेसरे मरियमा रे पेटो रे आऊणे ते पईले बताया था। 22 जेबे मूसे रा बिधानो रे मुताबिक मरियम और यूसुफो रे शुद्ध ऊणे रे दिन पूरे ऊए, तेबे सेयो यूश्ललैम मन्दरो खे गए। सेयो बालक यीशुए खे बी आपू साथे यूश्ललैमो रे मन्दरो रे ल्याए कि तेसखे प्रभुए रे सामणे अर्पण करो 23 जेडा प्रभुए रा बिधानो रे लिखी राखेया,

“हर एक जेठा बाल्क प्रभुए खे पवित्र ऊणा।” 24 मरियम और यूसुफ़े रे शुद्ध ऊणे खे प्रभुए रा बिधानो रे वचनो रे मुताबिक कूगीया रा एक जोड़ा या कबूतरो रे दो बच्चे ल्याई की बलिदान करो। 25 तेस बखते यरूशलेमो रे शमौन नाओं रा एक माणू था, से तर्मी और भक्त था और इसाएलो री शान्ति और मसीहे रे आऊणे री बाट न्यालो था और पवित्र आत्मा तेस पाँदि था। 26 पवित्र आत्मा ते तेसखे चेतावणी मिली थी कि जदुओं तक तूँ प्रभुए रे मसीह खे नि देखी लाएगा, तदुओं तक मरना नि। 27 तेबे से आत्मा रा सिखाया, मन्दरो रे आया, जेबे माए-बाओ बाल्क यीशुए खे पीतरे ल्याए, ताकि तेसखे बिधानो री रवाजा रे मुताबिक करूँए 28 तेबे तिने से बाल्क आपणी गोदा रे लया और परमेश्वरो रा धन्यवाद करी की बोलेया, 29 “ओ स्वामी! एबे तूँ आपणे दासो खे आपणे वचनो रे मुताबिक बेफिर कर ऊई की एते दुनिया ते बिदा कर। 30 कऊँकि मेरी आखी तेरा उद्धार देखी ला रा। 31 जो तुसे सबी लोका रे सामणे त्याऊणे खे एक जोति देओ और तेरे आपणे इसाएलो रे लोकारी महिमा ओ।” 33 यीशुए रे माए-बाओ, तिना गल्ला ते, जो शमौने तेसरे बारे रे बोली थी, हैरान ऊईंगो। 34 तेबे शमौने तेसखे आशीष देई की तेसरी आम्मा मरियम खे बोलेया, “देख ये तो इसाएलो रे बऊत जणेया रे रुड़ने, उठणे खे और एक एड़ा चिह्न ऊणे खे ठईराई राखेया, जेसरे खलाफ बऊत गल्ला ऊणिया। 35 एथों तक तेरा प्राण बी तलवारी रे वारो साथे पार छीदी जाऊणा। इजी ते बऊत मनो रे बिचार प्रगट ऊणे।” 36 आशेरो रे गोत्रो बीचा ते हन्नाह नाओं री फनुएलो री बेटी एक भविष्यबक्ती थी। से बऊत स्याणी थी और ब्या ऊणे ते बाद आपणे लाडे साथे बस सात साल तक ई रई। 37 से चुरासी साला ते बिंदुआ थी और जादातर मन्दरो रे रओ थी, से बअरत और प्रार्थना करी की रात-दिन भक्ति करदी रओ थी। 38 तेबे से तेस बखते तेती आयी की परमेश्वरो रा धन्यवाद करने लागी और तिना सबी खे जो यरूशलेमो रे लोका खे छुटकारे री बाट न्यालो थे, तेसरे बारे रे गल्ल करने लागी 39 जेबे यूसुफ़ और मरियम प्रभुए रा बिधानो रे मुताबिक सब कुछ नपटई चूके, तेबे गलीलो रे आपणे नगर नासरतो खे चली गे। 40 तेबे बाल्क बड़वा, और तागतबर और अकला ते परिपूर्ण ऊँदा गया और परमेश्वरो री कृपा तेस साथे थी। 41 यीशुए रे माए-बाओ हर साल फसह रे त्योआरो खे यरूशलेमो खे जाओ थे। 42 जेबे से बारा साला रा ऊआ, तेबे सेयो त्योआरो रे रवाजा रे मुताबिक, यरूशलेमो खे गये। 43 जेबे सेयो तिना दिना खे पूरा करी की आऊणे लगे, तेबे से बाल्क यीशु, यरूशलेमो रई रई गा और ये गल्ल तेसरे माए-बाओ खे नि थी पता। 44 तिने सोचेया कि से औरो यात्रिया साथे ऊणा, एक दिन बीती गा और तेबे सेयो तेसखे आपणे टब्बरो और जाण-पछयाण वालेया गे टोलने लगे। 45 पर जेबे मिलेया नि, तेबे टोलदे-टोलदे यरूशलेमो रे पऊँछी गे। 46 और तेबे तीन दिन बाद तिना खे से मन्दरो रे आँगणो रे, उपदेशका साथे बैठे रे, तिना री सुणदे और तिना ते प्रश्न करदा ऊआ मिलेया। 47 जितणे जणे तेसरी

सुणने लागी रे थे, सेयो सब तेसरी समज और जवाबो ते हैरान थे। 48 तेबे सेयो तेसखे देखी की हैरान ऊईंगे और तेसरी आम्मे तेसखे बोलेया, “ओ पाऊ! तैं आसा साथे एड़ा कऊँ कित्तेया? देख, तेरे पिता जी और आऊँ ताखे रोशो रे टोलने लागी रे थे।” 49 यीशुए तिना खे बोलेया, “तुसे माखे कऊँ लागी रे टोलने? क्या जाणो नि थे कि मेरा मेरे परमेश्वरो रे भवनो रे ऊणा ज़री ए?” 50 पर जो गल्ल तिने तिना खे बोली, से तिना खे समज नि आयी। 51 तेबे से तिना साथे चली गा और नासरतो खे आया और तिना रे कुलो रे रया, तेसरी आम्मे यो सारिया गल्ला आपणे मनो रई राखिया। 52 यीशु बुद्धि और डील-डौल, परमेश्वर और माणपूरी री कृपा रे बड़दे गये।

3 तिबिरियुस महाराजा कैसरो रे राज्य रे पन्द्रह साले जेबे पुनियुस
 पिलातुस यहूदिया प्रदेशो रा राज्यपाल था, और गलीलो रे हेरोदेस, इतुरैया और त्रखोनितीसो रे तेसरा पाई फिलिप्पुस और अबिलेनो रे लिसानियास रे राजा थे। 2 जेबे हन्ना और कैफा प्रदान पुरोर्हित थे, तेस बखते परमेश्वरो रा वचन सुनसाण जगा रे जकरयाहो रे पाऊ यूहने गे पऊँछेया। 3 तेबे से यरदन नदिया रे नेड़े-तेड़े रे सारे देशो रे आयी की, पापो री माफिया खे, मन फेरने रे और बपतिस्मा लाणे रा प्रचार करने लगेया। 4 जेड़ा यशायाह भविष्यबक्ते रे बोले रे वचनो री कताबा रे लिखे राए कि, “सुणसाण जगा रे एक आक्का पाणे री आवाज ऊई कि, प्रभुए री बाट त्यार करो, तिना री सड़का सीदिया करो। 5 हर एक का अटी परी जाणी, हर एक पाह्ड़ और टीला थाले करेया जाणा और जो टेडा ए, से सीदा और जो थाले पाँदे ए, से चौड़ी (सर्वी) बाट बणनी 6 और सबी लोका परमेश्वरो रा उद्धार देखणा।” 7 जो पीड़ा री पीड़ तेसरे बपतिस्मा लाणे आओ थी, तिना खे से बोलो था, “ओ सापो जेड़े जईरीले लोको! तुसा खे किने जराई ता कि आऊणे वाले परमेश्वरो रे रोशो ते नठो? 8 इजी री खातर मन फिराओ और अच्छे काम करो; और आपणे-आपणे मनो रे एड़ा नि सोचो, ‘आसा रा बाओ अब्राहम ए।’ कऊँकि आऊँ तुसा खे बोलूँआ कि परमेश्वर इना पात्थरा ते अब्राहमो खे ल्याद पैदा करी सकोआ। 9 एबे परमेश्वर तुसा खे सजा देणे वाला ए, तेबेई तो जो-जो डाल खरा फल नि ल्याऊँदे, से बाडे और आगी रे सेटे जाओए।” 10 तेबे लोके तेसरे पूछेया, “परमेश्वरो री सजा ते बचणे खे आसे क्या करूँ?” 11 यूहने बोलेया, “जेसगे दो कुरते ए, से तेसखे बांडी देओ, जेसगे आए नि और जेसगे रोटी ओ, से बी एड़ा ई करो।” 12 तेबे कर लाणे वाले बी बपतिस्मा लाणे आए और तेसरे पूछेया, “ओ गुरु! आसे क्या करूँ?” 13 तिने बोलेया, “जो तुसा खे रोमी सरकरे ठराई राखेया, तिजी ते जादा नि लणा।” 14 तेबे सिपाई बी तेसरे पूछेया, “आसे क्या करूँ?” तिने बोलेया, “केसी खे नाजाइज तंग नि करना, ना चूठा दोष लगाणा और आपणी मजदूरिया पाँदे सन्तुष्टी राखणी।” 15 जेबे सबी लोके मसीहे रे आऊणे री उम्मीद लगाई राखी थी और आपणे-आपणे मनो रे यूहने रे बारे रे बिचार करने लागी रे थे कि केथी यई तो मसीह तो निए? 16 तेबे यूहने तिना सबी खे जबाब दिलेया, “आऊँ तो तुसु खे

पाणिए साथे बपतिस्मा देंकँआ, पर जो आऊणे वाला ए, से मांते वी जादा महान् ए। आऊं तो एते जोगा पनिए कि तेसरे जोडे रे फिथे खोली सकूँ। तेस तुसा खे पवित्र आत्मा और आगी साथे बपतिस्मा देणा। 17 तेसरा सूप तेसरे आयो रे ए और तेस आपणा खल्याण ठीक टंगो ते साफ करना और कणक तो आपणे पण्डारे रे राखी देणी पर जो पूऱु ऊणा से एडिया आगी रे सेटणा जो कदी नि बिजणी।” 18 तेबे से बकुट शिक्षा देंई-देई की लोका खे सुसमाचार सुनांदा रया। 19 पर जेबे तिने गलील प्रदेशो रे चौथाई देशो रे राजा हेरोदेसो खे, तेसरे पाई फिलिप्पुसो री लाडी हेरोदियासा रे बारे रे और सब कुकर्मा रे बारे रे जो तिने किते थे, फटकार दित्ती। 20 हेरोदेसे तिना ते बढी की कुकर्म बी कितेया कि यूहन्ना जेला रे पाईता। 21 जेबे सबी लोके बपतिस्मा लया और यीशु बी बपतिस्मा लयी की प्रार्थना करने लगी रे थे, तेबे सर्व खुली गा। 22 तेबे पवित्र आत्मा शारीरिक रूपो रे जियाँ कबूतर उड़दा ऊआ थाले आओआ तियाँ तिने आपू पांदे उतरदे ऊए देखेया और स्वर्वो ते ये आवाज आयी, “तूँ मेरा प्यारा पुत्र ए और आऊं तांते खुश ए।” 23 जेबे यीशु आपू उपदेश देणे लगे, तेबे सेयो तकरीबन तीई साला रे थे (और जेडा समजेया जाओआ) यीशु यूसुफो रे पाऊ थे और यूसुफ एलीयो रा पाऊ था 24 और एली, मत्तातो रा पाऊ था, मत्तात लेवियो रा पाऊ था, लेवी मलकियो रा पाऊ था, मलकी यन्ना रा पाऊ था और यन्ना यूसुफो रा पाऊ था। 25 यूसुफ मत्तियाहो रा पाऊ था, मत्तियाह आमोसो रा पाऊ था, आमोस नहूमो रा पाऊ था, नहूम असल्याहो रा पाऊ था, असल्याह नोगह रा पाऊ था। 26 नोगह मातो रा पाऊ था, मात मत्तियाहो रा पाऊ था, मत्तियाह शिमियो रा पाऊ था, शिमी योसेखो रा पाऊ था और योसेख योदाह रा पाऊ था। 27 योदाह यूहन्ने रा पाऊ था, यूहन्ना रेसा रा पाऊ था, रेसा जरूब्बाबिलो रा पाऊ था, जरूब्बाबिल शालियेलो रा पाऊ था और शालियेल नेरियो रा पाऊ था। 28 नेरी मलकियो रा पाऊ था, मलकी अद्वियो रा पाऊ था, अद्वी कोसामो रा पाऊ था, कोसाम इलमोदामो रा पाऊ था और से एरो रा पाऊ था। 29 एर येशुओ रा पाऊ था, येशु इलाजारो रा पाऊ था, इलाजार योरिमो रा पाऊ था, योरिम मत्तातो रा पाऊ था, मत्तात लेवियो रा पाऊ था। 30 लेवी शमोनो रा पाऊ था, शमोन यद्हूदाह रा पाऊ था, यद्हूदाह यूसुफो रा पाऊ था, यूसुफ योनानो रा पाऊ था, योनान इलायाकीमो रा पाऊ था। 31 और इलायाकीम मलेआहो रा पाऊ था, मलेआह मिन्हाहो रा पाऊ था, मिन्हाह मत्तता रा पाऊ था, मत्तता नातानो रा पाऊ था, नातान दाऊदो रा पाऊ था। 32 दाऊद यिशी रा पाऊ था, यिशी ओबेदो रा पाऊ था, ओबेद बोअजो रा पाऊ था, बोअज सलमोनो रा पाऊ था, सलमोन नहशोनो रा पाऊ था। 33 नहशोन अम्मीनादाबो रा पाऊ था, अम्मीनादाब अरनीयो रा पाऊ था, अरनी हिसोनो रा पाऊ था, हिसोन फिरिसो रा पाऊ था, फिरीस यद्हूदाहो रा पाऊ था। 34 यद्हूदाह याकूबो रा पाऊ था, याकूब इसहाको रा पाऊ था, इसहाक अब्राहमो रा पाऊ था, अब्राहम तिरहो रा पाऊ था, तिरह नाहोरो रा पाऊ था। 35 नारोहो रा सरूगो रा पाऊ था,

सरूग रऊओ रा पाऊ था, रऊ फिलिगो रा पाऊ था, फिलिग एबिरो रा पाऊ था, एबिर शिलहो रा पाऊ था। 36 शिलह केनानो रा पाऊ था, केनान अरफक्षदो रा पाऊ था, अरफक्षद शेमो रा पाऊ था, शेम नूहो रा पाऊ था, नूह लिमिको रा पाऊ था। 37 लिमिक मधूशिलहो रा पाऊ था, मधूशिलह हनोको रा पाऊ था, हनोक यिरिदो रा पाऊ था, यिरिद महललेलो रा पाऊ था, महललेल केनानो रा पाऊ था। 38 केनान इनोशो रा पाऊ था, इनोश शेतो रा पाऊ था, शेत आदमो रा पाऊ था और से परमेशरो रा पाऊ था।

4 तेबे यीशु पवित्र आत्मा ते परी की यरदनो नदिया ते वापस आये और चाली दिन तक आत्मा रे सिखाणे खे सुणसाण जगा रे फिरदे रये; 2 और शैतान चाली दिन तक तिना री परीक्षा करदा रया। तिना दिना रे तिने कुछ नि खाया और जेबे सेयो दिन पूरे ऊईगे तेबे तिना खे पूख लगी। 3 तेबे शैताने यीशुए खे बोलेया, “जे तूँ परमेशरो रा पुत्र ए, तो एस पाठ्यरो खे बोल कि रोटी बणी जाओ।” 4 यीशुए तेसखे जवाब दितेया, “लिखी राखेया कि मांणू रोटिया साथे ई जिऊँदा नि रंणा।” 5 तेबे शैतान तिना खे लईगा और तिना खे एकदम दुनिया रे सारे राज्य दखाए। 6 और शैताने तिना खे बोलेया, “मां यो सब अकक और इना रे एशो-आराम ताखे देई देणे, कऊँकि ये सब कुछ मांगे सम्बाली राखेया और जेसखे चाऊँआ, तेसखे देई देऊँआ।” 7 तेबे तिने यीशुए खे फेर बोलेया, “जे तां मांगे माथा टेकणा, तो ये सब कुछ तेरा ऊई जाणा।” 8 यीशुए तेसखे जवाब दितेया, “लिखी राखेया कि तूँ बस प्रभु आपणे परमेशरो गे ई माथा टेक और बस तिना री ई आराधना करा।” 9 तेबे शैताने यीशु यरूशलेमो रे लयी जाई की मन्दरो री चूँडिया पांदे खड़े करी ते। तेबे तिना खे बोलणे लगेया, “जे तूँ परमेशरो रा पुत्र ए, तो आपू खे एथा ते थाले रुडाई दे।” 10 कऊँकि पवित्र शास्त्रो रे लिखी राखेया कि परमेशरो तेसिया तंई आपणे स्वर्गदूता खे आज्ञा देणी कि सेयो तुसा खे बचाओ। 11 और तिना तूँ आपणे आथो-आथ चकी लणा, केथी एडा नि ओ कि तेरे पैरो रे पाठ्यरो साथे बूडो।” 12 यीशुए तेसखे जवाब दितेया, “पवित्र शास्त्रो रे ये बीए लिखेया राए, ‘तूँ प्रभु आपणे परमेशरो खे नि परख।’” 13 जेबे शैतान तिना री सारिया परीक्षा करी चुकेया, तेबे कुछ बखतो खे यीशुए खे छाडी की चली गा। 14 तेबे यीशु पवित्र आत्मा री सामर्था ते परी की गलीलो खे चली गे और तिना री चर्चा औरे-पैरे सारे देशो रे फैली गी। 15 तेबे सेयो तिना रे प्रार्थना रे कअरो रे उपदेश देई रये और सब तिना री तारीफ करदे रये। 16 तेबे सेयो नासरतो गांव खे वापस आए, जेती सेयो पाले थे और आपणी रवाजा रे मुताबिक आरामो रे दिने प्रार्थना रे कअरो रे जाई की पढ़ने खे खड़े ऊए। 17 यशायाह भविष्यवक्ते री कताब तिना खे दित्ती और तिने कताब खोली की से जगा निकयाली जेती ये लिखी राखेया था, 18 “प्रभुए रा पवित्र आत्मा मां पांदे ए, कऊँकि तिने मेरा अभिषेक कंगाला खे सुसमाचार सुनाणे खे करी राखेया और आऊं इजी खे पेजी राखेया ताकि दुष्टात्मा रे वशो रे पढ़े रे लोका खे छुटकारे रा और अन्देया खे देखणे रा सुसमाचार प्रचार करुँ

और केसेया रे खे छुडाऊँ। 19 और प्रभुए खे खुश रणे रे सालो रा प्रचार करूँ। 20 तेबे तिने कताब बंद करी की सेवको रे आओ रे देईती और बैठिगे और प्रार्थना रे कअरो रे सब लोक तिना खे देखदे ई रये। 21 तेबे सेयो तिना खे बोलणे लगे, “आज ई ये लेख तुसा सामण पूरा ऊई रा।” 22 सबी तिना री तारीफ कित्ती और जो कृपा री गल्ल तिना रे मुंओ ते निकलो थी, तिना ते हैरान ऊईगे और बोलणे लगे, “क्या ये यूसुफो रा पाऊ निए?” 23 तिने तेसखे बोलेया, “तुसा ये कहावत मां पाँदि जस्त बोलणी, ‘ओ बैद आपू खे ठीक क।’ जो कुछ आसे सुणी राखेया कि कफरनहूमो रे करी राखेया, से एती आपणे देशो रे बी कर।” 24 यीशुए बोलेया, “आऊँ तुसा खे सच लगी रा बोलणे कि कोई बी भविष्यबक्ता आपणे देशो रे मान-सम्मान नि पाँदा। 25 आऊँ तुसा खे सच लगी रा बोलणे कि जेबे एलिय्याह नबीए रे दिना रे साडे तीन साल तक सर्ग बंद रया, एथो तक कि सारे देशो रे अकाल पड़ी गा था और इस्साएलो रे बऊत सरी बिदुआ थिया। 26 पर एलिय्याह तिना बीचा ते केसी गे नि पेजेया, बस सिदोनो रे सारफत गांव रे एक बिदुआ ते अलावा। 27 और एलीशा भविष्यबक्ता रे बखते इस्साएलो रे बऊत सारे कोड़ी थे, पर सीरिया देशो रे नामानो खे छाडी की तिना बीचा ते कोई बी ठीक नि कित्तेया।” 28 इना सारिया गल्ला खे सुणी की जो प्रार्थना रे कअरो रे थे तिना सबी खे रोष आईगा। 29 तेबे तिने सबी उठी की सेयो बारे निकायाली ते और जेते पाहड़ो पाँदि तिना रा नगर था, तेतेरी चूँडिया पाँदि लयी चले, ताकि तेथा ते तिना खे थाले सेटी की मारी देओ। 30 पर यीशु तिना बीचा ते निकली की चली गे। 31 तेबे सेयो गलीलो रे कफरनहूम नगरो खे गये और आरामो रे दिने लोका खे उपदेश देणे लगी रे थे। 32 सेयो तिना रे उपदेशो ते हैरान ऊईगे, कऊँकि तिना रा वचन अकको साथे था। 33 प्रार्थना रे कअरो रे एक मांणू था, जेसरे दुष्टात्मा थी। 34 से जेरे की चींगण लगेया कि, “ओ यीशु नासरी! आसा खे तांते क्या काम ए? क्या तूँ आसा खे नाश करने आयी रा? आऊँ ताचे जाणूआ कि तूँ कुण ए? तूँ परमेशरो रा पवित्र पुत्र ए।” 35 यीशु तेसखे बक्के और बोलेया, “चुप रओ; और एसते निकली जा; तेबे दुष्टात्मा तेसखे बीचे पटकी की बिना नुकशाण पड़़छाए तेसते निकली गी।” 36 ये देखी की सब हैरान ऊईगे और सेयो आपू बीचे बोलणे लगे, “ये केड़ा वचन ए? और ये अकक और सामर्था साथे दुष्टात्मा खे आज्ञा देओआ और सेयो निकली जाओईया।” 37 तेबे चँक कनारे तिना रा बोल-बाला फैली गा। 38 यीशु प्रार्थना रे कअरो ते उठी की शमैनो रे कअरो खे गये और शमैनो री सासुआ खे बुखार था और तिने तेसा री खातर, यीशुए ते प्रार्थना कित्ती। 39 सेयो तेसा रे नेढ़े जाई की बुखारो खे बके और तेसा रा बुखार ऊतरी गा और से फटाफट उठी की तिना री सेवा करने लगी। 40 सूरज ढूबणे ते पईले जेती-जेती लोक कईया प्रकारा रिया बमारिया रे पड़ी रे थे, सेयो सब तिना खे तेसगे ली आए और तिने एकी-एकी पाँदि आथ राखी की सेयो ठीक कित्ते। 41 तेबे दुष्टात्मा चींगदी ऊई और ये बोलदी ऊई, “तूँ परमेशरो रा पुत्र ए,” बऊत जणेया ते निकली गी पर सेयो तिना खे बको

थे और बोलणे नि देओ थे, कऊँकि सेयो तिना खे जाणो थिया कि ये मसीह ए। 42 जेबे दिन ऊआ तेबे सेयो निकली की सुनसाण जगा खे चली गे और पीड़ा री पीड़ तिना खे टोलंदी ऊई तिना गे आयी और तिना खे रोकणे लगी कि आसा गे ते नि जाओ। 43 पर तिने तिना खे बोलेया, “माखे ओरी नगरा रे बी परमेशरो रे राज्य रा सुसमाचार सुनाना जरुरी ए, कऊँकि आऊँ इजी खेर्ह पेजी राखेया।” 44 तेबे यीशु यहूदिया प्रदेशो रे प्रार्थना रे कअरो रे प्रचार करदे रये।

5 जेबे पीड़ यीशुए पाँदि पड़ो थी और परमेशरो रे वचन सुणो थी और

सेयो गन्नेसरतो री झीला रे कनारे थे खड़े रे, तेबे एड़ा ऊआ 2 कि तिने झीला रे कनारे दो किस्तिया खड़ी रिया देखिया और मच्छु अरे तिना पाँदो ते ऊतरी की आपणे जाल लगी रे थे तोणे। 3 तिना किस्तिया बीचा ते एक किस्ती जो शमैनो री थी, चढ़ी की यीशुए तेसखे बोलेया, “थोड़ी जी कनारे जे लई चल।” तेबे सेयो किस्तिया पाँदि बैठी की लोका खे उपदेश देणे लगे। 4 जेबे सेयो लोका साथे गल्ला करी चुके, तेबे तिने शमैनो खे बोलेया, “दूगे पाणिए रे लयी चल और मछलिया पकड़ने खे आपणे जाल पाओ।” 5 शमैनो बोलेया, “स्वामी! आसे सारी रात मईणत कित्ती पर कुछ नि पकड़ेया, पर तेबे बी तेरे बोलणे ते जाल पाई देऊँआ।” 6 जेबे पतरस और तिना रे साथिए जाल पाईता तेबे बऊत सारिया मछलिया केरिया और तिना रे जाल फटणे लगे। 7 तेबे तिने आपणे साथिया खे, जो दूजी किस्तिया रे थे, तिना खे साअरा कित्तेया, “आयी की म्हारी मताद करो।” तिने आयी की आपणिया दोनो किस्तिया मछलिया ते इतणिया परी तिया कि सेयो ढुबणे लगिया। 8 ये देखी की शमैन पतरस यीशुए रे पैरा पाँदि पड़ी गा और बोलणे लगेया, “ओ प्रभु! मांगा गे ते चली जा, कऊँकि आऊँ पापी मांणू ए।” 9 कऊँकि इतणिया सारिया मछलिया पकड़ी की देखी की से और तेसरे साथी हैरान ऊईगे। 10 तिंयाँ ई जब्दी और तेसरे पाऊ याकूब और यहून्ने खे बी, जो शमैनो साथे थे, सेयो बी हैरान ऊईगे, तेबे यीशुए शमैनो खे बोलेया, “दर नि, आजो ते तां मांणू परमेशरो री तरफा खे फेरने।” 11 तेबे सेयो किस्तिया खे कनारे पाँदि ली आए और सब कुछ छाडी की यीशुए पीछे चली पड़े। 12 जेबे सेयो नगरो रे थे, तेबे तिना खे तेती एक कोड़ी मिलेया और से प्रभुए खे देखी की तिना रे पैरो पाँदि पड़ी गा और बिनती कित्ती, “ओ प्रभु! जे तुसे चाओ तो माखे ठीक करी सकोए।” 13 यीशुए आपणा आथ आगे कित्तेया और से क्लूँयां और तेसखे बोलेया, “आऊँ चाऊँआ कि तूँ ठीक ऊई जाए” और तेबुई तेसरा कोढ़ चली गा। 14 तेबे यीशुए से सावधान कित्तेया, “केसी गे नि बताणा, पर जाई की आपू खे पुराईतो गे दखा, और आपणे ठीक ऊणे रे बारे रे, जो कुछ मूसे नवीए चढ़ाग ठईराई राखेया, तेस चढ़ा ताकि तिना खे गवाई ओ कि तूँ ठीक ऊईगा।” 15 पर यीशुए रे इना कामा री चर्चा और बी फैली गी और पीड़ा री पीड़ तिना खे सुणने खे और आपणी बमारिया खे ठीक कराने खे कट्टी ऊईगी। 16 यीशु सुनसाण जगा रे जाई की कल्ले जे प्रार्थना

करेया करो थे। 17 तेवे एक दिन एड़ा ऊआ कि सेयो उपदेश देणे लगी रे थे तेबे फरीसी और धर्मशास्त्री तेती थे बैठे रे, जो गलील और यहूदिया प्रदेशो रे हर एक गांव ते और यस्तशलेम नगरो ते थे आए रे और ठीक करने खे प्रभुए री सामर्थ तिना साथे थी। 18 तेबे कई लोक एक मांणूए खे, जो अदरंगो रा रोगी था, माँजे पाँदे ल्याए और सेयो तेसखे पीतरे लयी जाणे खे और यीशुए सामणे राखणे रा तरीका टोलने लगी रे थे। 19 जेबे पीड़ा री बजअ ते सेयो तेसखे पीतरे नि लयी जाई सके, तेबे तिने छतो पाँदे छढ़ी की और खेप्रे टाई की, से माँजे समेत बीचे यीशुए रे सामणे त्वारेया। 20 यीशुए तिना रा विश्वास देखी की तेस अदरंगो रे रोगिए खे बोलेया, “ओ माणू! तेरे पाप माफ ऊईगे।” 21 तेबे शास्त्री और फरीसी बईस करने लगे, “ये कूणे, जो परमेश्वरो री निन्दा करने लगी रा? परमेश्वरो खे छाडी की ओर कुण पाप माफ करी सकोआ?” 22 यीशुए तिना रे मनो री गल्ल जाणी की तिना खे बोलेया, “तुसे आपणे मनो रे क्या सोचणे लगी रे? 23 ये बोलणा बऊत आसान ए कि तेरे पाप माफ ऊईगे पर ये बोलणा बऊत कठण ए कि आपणा मांजा चकी की चल फिर। 24 पर इजी री खातर कि तुसे जाणी लओ कि माणू रे पुत्रो खे तरतिया पाँदे पाप माफ करने रा बी अक्क ए।” यीशुए तेस अदरंगो रे रोगिए खे बोलेया, “आऊँ ताथे बोल्तुआ कि उठ और आपणा मांजा चकी की आपणे कअरो खे चली जा।” 25 से तेबु आपणा मांजा चकी की तिना सामणे उठेया और परमेश्वरो री तरीफ करदा ऊआ आपणे कअरो खे चली गा। 26 तेबे सब हैरान ऊईगे और परमेश्वरो री तरीफ करने लगे और बऊत डरी की बोलणे लगे कि आज आसे नऊखिया गल्ला देखिया। 27 तेबे इजी ते बाद यीशु बारे चली गे और लेवी नाओं रा एक कर लणे वाला करो री चौकिया पाँदे बैठे रा देखेया और तिने तेसखे बोलेया, “मां पछे आओ और मेरे चेले बणो।” 28 तेबे से सब कुछ छाडी की तिना पीछे चली पड़ेया। 29 तेबे लेविए तिना खे आपणे कअरे एक बड़ा भोज राखेया और कर लणे वालेया री और ओरी लोका री जो तिना साथे रोटी खाणे बैठी रे थे तिना री एक बड़ी पीढ़ी थी। 30 तेबे फरीसी और शास्त्री, तिना रे चेलेया ते कुड़कुड़ाणे लगे और बोलणे लगे, “तुसे कर लणे वालेया साथे और पापिया साथे कऊँ खाओ-पियोए?” 31 यीशुए तिना खे जबाब दिरेया, “बैद पलेया-चंगेया खे नि, पर, बमारा खे जर्ही ए। 32 आऊँ तर्मिया खे नि, पर पापिया रा मन फिराणे खे बुलाणे आयी रा।” 33 तेबे तिने तिना खे बोलेया, “बपतिस्मा देणे वाले यहून्हें रे चेले तो सदा बअरत और प्रार्थना करदे रओए और तिंयाँ ई फरीसी बी, पर तेरे चेले तो खाओ पियो ए।” 34 यीशुए तिना खे बोलेया, “क्या बराती, जदुओ तक लाडा तिना साथे ए, तदुओ तक तिना ते बअरत करवाई सको ए? 35 पर सेयो दिन आऊणे, जेबे लाडा बरातिया ते लग करेया जाणा, तेस बखते तिना बअरत करना।” 36 यीशुए तिना खे एक उदारण बोलेया, “कोई बी माणू नए टाले ते फाड़ी की पुराणे टाले रे टाली नि लगांदा, नई तो नया फटी जाणा और तेस पुराणे साथे मेल पनि खाणा। 37 नया अँगूरा रा रस पुराणे खल्लडुआ रे कोई नि परदा, नई तो

याँगूरा रा रस खल्लुड़ा खे फाड़ी की बारे निकली जाणा और खल्लुड़ा रा बी नाश ऊई जाणा। 38 पर जो नया याँगूरा रा रस ओआ, से नये खल्लुड़ा रे परना चाईयो। 39 कोई बी मांणू पुराणा याँगूरा रा रस पी की नया नि चांदा, कऊँकि से बोलोआ कि पुराणा ई अच्छा ए।”

6 तेबे आरामो रे दिने यीशु डोरुआ रिये जाणे लगी रे थे और तिना रे वैले सिल्ले तोड़ी-तोड़ी की और मली-मली की खाणे लगी रे थे। 2 तेबे फरीसिया बीचा ते कई जणे बोलणे लगे, “तुसे से काम कऊँ करोए, जो आरामो रे दिने करना ठीक निए?” 3 यीशुए तिना खे जवाब दितेया, “क्या तुसे ये नि पढ़ी राखेया कि जेबे दाऊद और तेसरे साथी पूखे थे, तो, तेबे तिने क्या कितेया। 4 से कऊँ परमेश्वरो रे भवनो दे गया? और पेंटा रिया रोटिया खाईया, जबकि बिधानो रे मुताबिक सेयो खाणिया पुरोड़ीता खे छाडी की ओरी खे ठीक नि थिया और तिने आपणे चेलेया खे बी दित्तिया।” 5 तेबे तिने तिना खे बोलेया, “आँऊ माणूं रा पुत्र आरामो रे दिनो रा बी प्रभु ए।” 6 तेबे एड़ा ऊआ कि केसी ओरी आरामो रे दिने सेयो प्रार्थना रे कअरो रे उपदेश देणे लगी रे थे, तेबे तेती एक माणूं आया, जेसरा आथ सूकेया रा था। 7 शास्त्री और फरीसी यीशुए पाँदे दोष लगाणे री ताका रे थे कि देखूँप कि आरामो रे दिने तेसखे ये ठीक करोआ की नयी। 8 पर यीशु तिना रे बिचार जाणो थे, तेबे तिने सूके रे आथो रे माणूंए खे बोलेया, “उठ और बीचे खड़े ऊई जा।” से उठेया और खड़ा ऊईगा। 9 यीशुए तिना खे बोलेया, “आँऊ तुसा ते पुछूँआ कि बिधानो रे मुताबिक आरामो रे दिने क्या ठीक ए, पला करना या बुरा करना, प्राणो खे बचाया या नाश करना?” 10 तेबे तिने चऊँ कनारे तिना सबी खे देखी की तेस सूके रे आथो वाले माणूंए खे बोलेया, “आपणा आथ आगे कर।” तिने आगे कितेया और तेसरा आथ ठीक ऊईगा। 11 पर शास्त्री और फरीसी आपणे आपू ते बारे ऊईगे और आपू बीचे बईस करने लगे कि आसे यीशुए साथे क्या करिए? 12 तेबे तिना दिना रे यीशु पाहडो पाँदे प्रार्थना करने खे निकले और सारी रात परमेश्वरो ते प्रार्थना करदे रये। 13 जेबे दिन ऊआ तेबे तिने आपणे खास चेले बुलाई की तिना बीचा ते बारा चूणी ले और तिना खे प्रेरित करी की बोलेया। 14 और सेयो यो ए, शमैन जेसरा नाओं तिने पतरस राखेया, तेसरा पाई अन्द्रियास, याकूब, यूहन्ना, फिलिप्पुस, बरतुल्मै 15 मत्ती, थोमा, हलफईसो रा पाऊ याकूब, शमैन जेसखे जेलोतेस बी बोलोए 16 याकूबो रा पाऊ यहूदा और यहूदा इस्करियोती, जो तिना खे पकड़वाणे वाला बी था। 17 तेबे सेयो तिना साथे उतरी की चौड़ी जगा रे खड़े ऊईगे और तिना रे चेलेया री बड़ी पीड़, और सारे यहूदिया प्रदेश, यस्तश्लेषम नगर, सूर और सैदा नगरो रे समुद्रो रे कनारे रे बजत लोक, 18 जो तिना री सुणने और आपणी बमारिया ते ठीक ऊणे खे तिना गे आए थे, तेती थे। और दुष्टामा रे सताए रे लोक बी ठीक ऊई जाओ थे। 19 तेबे सब यीशुए खे छूणा चाओे थे, कऊँकि तिना ते सामर्थ निकली की सबी खे चंगा करी देयो थी। 20 तेबे यीशुए आपणेया चेलेया खे देखी कि बोलेया, “धन्य ए तुसे, जो सलीन ए, कऊँकि परमेश्वरो रा राज्य तिना रा ईए।” 21

धन्य ए तुमे, जो एबु पूखे ए, कँड़कि रजाए जाणे, धन्य ए तुमे, जो एबु रोए, कँड़कि आसाणे। 22 धन्य ए तुमे, जेबे माणूं रे पुत्रो री बजअ ते लोका तुसा ते बैर राखणा और तुमे निकयाली देणे, तुसा री निन्दा करनी और तुसा रा नाओं बुरा जाणी की कठी देणा। 23 “तेस दिने खुश उई की उटकणा, कँड़कि देखो तुसा खे स्वर्वों रे बऊत बड़ा ईनाम मिलणा, तिना रे बाप-दादे, भविष्यबक्तेया साथे बी एड़ा ई करो थे। 24 “पर हाय! तुसा खे, जो पैसे वाले ए, कँड़कि तुमे आपणे सारे सुख पर्झले ई पाई चुके रे। 25 पर हाय तुसा खे जो एबु रज्जे रे ए, कँड़कि पूखे ऊणे, हाय तुसा खे, जो एबु आसोए, कँड़कि शोग करना और रोणे। 26 हाय तुसा खे, जेबे सब तुसा खे खरा बोलोए, कँड़कि तिना रे बाप-दादे बी चूठे भविष्यबक्तेया साथे एड़ा ई करो थे। 27 “पर आँ तुसा सुणने वालेया खे बोलूँआ कि आपणे दुश्मणा साथे प्यार राखो, जो तुसा साथे बैर राखोए, तिना रा पला करो। 28 जो तुसा खे साप देओ, तिना खे आशीष देओ, जो तुसा रा मजाक करो, तिना खे प्रार्थना करो। 29 जो तुसा री खाखा रे थप्पड़ बाओआ, तो तेस कनारो खे दूजी खाख बी करी देओ और जो तेरा दोहर (तोती) छुड़ाई लओआ, तेसखे कुरता लणे ते पनि रोक। 30 जो कोई ताते माँगो, तेसखे दे और जो तेरी चीज छुड़ाई लओआ, तेसते माँग नि 31 और जेडा तुसे चाओए कि लोक तुसा साथे करो, तुमे बी तिना साथे तेडा ई करो। 32 “जे तुमे आपू साथे प्यार राखणे वालेया साथे प्यार राखो, तो तुसा री क्या तारीफ? कँड़कि पापी बी आपू साथे प्यार राखणेया वालेया साथे प्यार राखोए। 33 जे तुमे आपू साथे खरा करने वालेया साथे ई खरा करोए, तो तुसा री क्या तारीफ? कँड़कि पापी बी पापिया खे त्वार देओए, ताकि तिथणा ई फेर पाओ। 35 बल्कि आपणे दुश्मणा साथे प्यार राखो और तिना रा पला करो, और फेर पापे री उम्मीद नि राखी की त्वार देओ। तेबे तुसा खे बड़ा फल मिलणा और तुमे परमप्रदान परमेश्वरे रे बच्चे ठईरने। कँड़कि से तिना पाँदे जो धन्यवाद नि करदे और बुरेया पाँदे बी कृपा करोआ। 36 जेडा तुसा रा पिता परमेश्वर दयालु ए, तेडे ई तुमे बी दयालु बणो। 37 “दोष मत लगाओ, तो तुसा पाँदे बी दोष नि लगाया जाणा, दोषी नि ठराओ, तो तुमे बी दोषी नि ठराए जाणे, माफ करो, तो तुसा खे बी माफ कित्तेया जाणा। 38 देया करो, तेबे तुसा खे बी दित्तेया जाणा, लोका पूरा नाप दबाई-दबाई की और इलाई-इलाई की और ऊबरदे ऊए तुसा री गोदा रे पाणा, कँड़कि जेस नापो साथे तुमे नापोए, तेसी साथे तुसा खे बी नापेया जाणा।” 39 तेबे यीशुए तिना खे एक उदारण बोलेया, “क्या अन्दा, अन्देया खे बाट दशी सकोआ? क्या दोनो गहुँ रे नि पड़ने। 40 चेला आपणे गुरुओ ते बड़ा नि ऊदा, पर जो कोई सिद्ध ऊणा, से आपणे गुरुओ जेडा ऊणा। 41 तूँ कँड़ आपणे पाईए री छोटी-छोटी गलतिया ठोलेया, तादे आपिण्या बड़ी-बड़ी गलतिया नजर कँड़ नि आँऊदिया? 42 जेबे तांदे आपू रे बड़ी-बड़ी गलतिया ए, तो तूँ आपणे पाईए खे किंयाँ

बोली सकेया कि ओ पाई! तूँ गलत ए? ओ कपटी! पर्झले आपणी बड़ी-बड़ी गलतिया देख, तेबई तो तूँ आपणे पाईए री गलतिया ठीक टंगो रे देखी की निकयाली सकेया। 43 “कोई बी अच्छा डाल निए, जो नकम्मा फल ल्याओ और ना तो नकम्मा डाल ए, जो अच्छा फल ल्याओ। 44 हर एक डाल आपणे फलो साथे पछयाणा जाओआ, कँड़कि लोक जाड़े ते दाऊगले नि तोड़दे और ना कांडेया ते अँगूर। 45 खरा माणू आपणे खेरे मनो रे पण्डारो ते खरिया गल्ला निकयालोआ और बुरा माणू आपणे बुरे मनो रे पण्डारो ते बुरिया गल्ला निकयालोआ, कँड़कि जो, जेसरे मनो रे परे रा ओआ, तेडा ई मुंओ ते निकलोआ। 46 “जेबे तुमे मेरा कईणा नि मानदे, तो, तेबे कँड़ माखे ओ प्रभु, ओ प्रभु बोलोए? 47 जो कोई मांगे आओआ और मेरिया गल्ला सुणी की तिना खे मानोआ, आँऊ तुसा खे बताऊआ कि से केस जेडा ए। 48 से तेस मांणूए जेडा ए, जिने कअर बणांदे बखते, तरतिया रे डूगी निँऊँ खणी की पात्थरा री निँऊँ पाई और जेबे बाढ़ आयी तो ताअर तेस कअरो रे लगी, पर से इलाई नि सकी, कँड़कि से पक्का था। 49 पर जो सुणी की नि मानदा, से तेस मांणूए जेडा ए, जिने माटिया पाँदे बिना निँऊँआ रा कअर बणाया और जेबे तेस कअरो पाँदे ताअर लगी, तो से कअर तेबुई टलीगा और सत्यनाश ऊईगा।”

7 जेबे यीशु लोका खे इना सबी गल्ला बताई चुके, तेबे सेयो कफरनहमू नगरो रे आए। 2 तेबे केसी सूबेदारो रा दास, जो तेसखे बऊत बताई था, बमारिया ते मरने वाला था। 3 तिने यीशुरे बारे रे सुणी की कई यहूदिया रे बुजुर्ग तिना गे ये बिनती करने पेजे कि आयी की मेरे दासो खे बचा। 4 सेयो यीशुरे गे आयी की तिना ते बड़ी बिनती करी की बोलणे लगे, “से एते जोगा आए कि तुमे तेसखे ठीक करी सको। 5 कँड़कि से म्हारी जातिया खे प्यार करोआ और तिने ई आसा रा प्रार्थना रा कअर बणाई राखेया।” 6 यीशु तिना साथे चलणे लगे, जेबे सेयो कअरो रे नेडे पँऊँछणे वाले थे, तेबे तिने सूबेदारे तिना खे आपणे कई दोस्ता रे जरिए सन्देशा पेजेया, “ओ प्रभु कष्ट नि कर कँड़कि आँऊ एते जोगा निए कि तुमे मेरे कअरे आयी सको। 7 इजी बजअ ते आँऊ आपू खे एते जोगा पनि समजदा कि तुसा गे आँऊ, पर तुमे आपणे मुंओ तेई बोली देओ, तो से मेरा दास ठीक ऊई जाणा। 8 आँऊ बी पराधीन माणू ए और सिपाई मेरे आथो रे ए। जेबे एकी खे बोलूँआ, ‘जा,’ तो से जाओआ और दूजे खे बोलूँ ‘आओ,’ तो से आओआ। आपणे दास खे बोलूँ, ‘ये कर,’ तो से करोआ।” 9 ये सुणी की यीशु हैरान ऊझींगे, तेबे तिने मूँ फेरी की तेसा पीड़ा खे जो तिना पीछे आऊणे लगी री थी बोलेया, “आँऊ तुसा खे सच लगी रा बोलणे कि मैं इसाएलो रे बी एड़ा विश्वास नि देखेया।” 10 तेबे जो दोस्त सूबेदारे पेजी राखे थे तिने कअरे जाई की से दास ठीक देखेया। 11 थोड़े दिन बाद सेयो नाईन नाओं रे एक नगरो रे गये और तिना रे चेले और बऊत बड़ी पीड़ तिना साथे चली री थी। 12 जेबे सेयो नगरो रे फाटको गे पँऊँछे, तेबे लोक एक मुडदे खे बारे निणे लगी रे थे।

जो जवान मरी रा था से आपणी बिदुआ माया रा इकलौता पाऊ था। नगरो रे बऊत सारे लोक तेसा साथे थे। 13 तेसा बिदुआ माया खे देखी की यीशुए खे तरस आया और तेसा खे बोलेया, “रोओ नि।” 14 तेबे तिने नेडे जाई की सीढ़ हुँई और सीढ़ चकणे वाले रूकी गे, तेबे तिने बोलेया, “ओ जवान आँऊ ताखे बोलूँपु कि उठ।” 15 तेबे से मुढ़दा उठी गा और बोलणे लगेया, तेबे यीशुए से तेसरी माया गे सम्बाली ता। 16 तेबे सब डरी गे और सेयो परमेशरो री तारीफ करदे ऊए बोलणे लगे, “आसा बीचे एक बऊत बड़ा भविष्यबन्ता आईंगा रा और परमेशरे आसा लोका पाँदे कृपा दृष्टि करी राखी।” 17 और तिना रे बारे रे ये गल्ल सारे रे यहूदिया प्रदेशो और नेडे-तेडे सारे देशो रे फैली गी। 18 यूहन्ने खे तेसरे चेलेया इना सबी गल्ला रा समाचार सुणाया। 19 तेबे यूहन्ने आपणे चेलेया बीचा ते दो जणे बुलाई की यीशुए गे ये पूछणे पेजे, “क्या आऊणे वाले तुसे ईए या आसे केसी ओरी री बाट देखिये?” 20 तिने यीशुए गे आयी की बोलेया, “यूहन्ने बपतिस्मे देणे वाले आसे ये पूछणे पेजी राखे कि क्या आऊणे वाला तूँ ई ये या आसे केसी ओरी री बाट देखिये?” 21 तेसी बखते तिने बऊत जणे बमार और पीड़ा ते ठीक किते और दुष्टात्मा ते छुड़ाए और बऊत जणेया अन्देया खे आखी दित्तिया। 22 यीशुए तिना खे बोलेया, “जो कुछ तुसे देखेया और सुणेया, जाई की यूहन्ने खे बताओ कि अन्दे देखोए, लंगडे चलोए, कोढ़ी शुद्ध ऊई जाओए, टकणे सुणोए और मुँड़दे जिङ्केंदे ऊई जाओए और कंगाला खे सुसमाचार सुणाया जाओआ। 23 थन्य ए सेयो, जो मेरी बजअ ते आपणा विश्वास नि छाड़दे।” 24 जेबे यूहन्ने रे पेजे रे चेले चली गे, तेबे यीशु यूहन्ने रे बारे रे लोका खे बोलणे लगे, “तुसे जंगलो रे क्या देखणे गये थे? क्या अवा साथे ईलदे ऊए काओ जेडे नगलो खे? 25 तो तुसे तेबे क्या देखणे गये थे? क्या नरम टाले पईने रे माण्पाए खे? देखो जो भड़किले टाले पईनोए और सुख-विलासो रे रओए, सेयो राजभवनो रे रओए। 26 तो तेबे क्या देखणे गए थे? क्या केसी भविष्यबक्ते खे? आ, आँऊ तुसा खे बोलूँआ कि भविष्यबक्ते ते बी बड़े खे। 27 से येई, जेसरे बारे रे लिखी राखेया कि, “देख, आँऊ आपणे दूतो खे तांते आगे-आगे पेजुँआ, जेस तांते आगे जाई की बाट ठीक कर्नी। 28 “आँऊ तुसा खे बोलूँआ कि जो जवाणसा ते जम्मी रे तिना बीचा ते यूहन्ने ते बड़ा कोई निए पर जो परमेशरो रे राज्य रे छोटे ते बी छोटा ए, से तेसते बी बड़ा ए।” 29 तेबे सबी आम माण्पाए सुणी की और कर लणे वाले या बी यूहन्ने रा बपतिस्मा लवी की परमेशरो खे सच्चा मानी ला। 30 पर फरीसिये और धर्मशास्त्री तेसते बपतिस्मा ना लयी की परमेशरो री इच्छा आपणे बारे रे टाली ती। 31 यीशुए फेर बोलेया, “आँऊ आजकाल के लोका री उपमा किजी साथे करूँ? 32 सेयो तिना बच्चेया जेडे ए, जो बजारो रे बैठी की एकी-दूजे खे आकका पाई की बोलोए, ‘आसे तुसा खे बांसली बजाई, पर तुसे नि नाचे; आसे शोग कित्तेया, पर तुसे छाती नि बजाई।’ 33 कँऊकि यूहन्ना बपतिस्मा देणे वाला न तो रोटी खांदा आया और ना अँगूरा रा रस पींदा आया और तुसे बोलोए कि तेसरे दुष्टात्मा ए? 34

पर आँऊ माणूं रा पुत्र खांदा-पींदा ऊआ आया और तुसे बोलोए कि, ‘देखो, पेटू और पियकड़ माणूं कर लणे बालेया रा और पापिया रा दोस्त ए।’ 35 पर ज्ञान आपणी ल्वादा ते सच्चा ठराई राखेया।” 36 तेबे किने फरीसिये तिना ते बिनती किती कि मां साथे रोटी खाओ, तेबे सेयो तेसरे करअे जाई की रोटी खाए लगे। 37 तेस नगरो री एक पापी जवाणस ये जाणी की कि यीशु एक फरीसिये रे करअे रोटी खाए बैठी रा, संगमरमरो रे पांडे (सुराई) रे इत्र ल्पाई 38 और तेबे तिना रे पैरा गे पीछे खड़ी ऊई की रोणे लगी और आपणे आसूआ साथे तिना रे पैर तोए और आपणे सिरो रे बालो साथे साफ किते और तिना रे पैर बार-बार चूम्ही की तिना पांदे इत्र मलेया। 39 ये देखी की से फरीसी, जिने यीशु बुलाए थे, आपणे मनो रे सोचणे लगेया, “जे ये भविष्यबन्ता ऊदा तो जाणी लंदा कि ये जो जवाणस एसखे लूणे लगी री, ये कूणे और केढ़ी जवाणस ए? कँऊकि से तो पापी ए?” 40 ये जाणी की यीशुए बोलेया, “ओ शमैन मां ताखे कुछ बोलाणा,” शमैने बोलेया, “ओ गुरु बोलो।” 41 तेबे यीशुए बोलेया, “केसी साऊकारो रे दो देणदार थे, एक पाँज सौ चाँदिए रे सिक्के और दूजा पंजा चाँदिए रे सिक्केया रा देणदार था। 42 जेबे तिना गे वापस करने खे कुछ नि था, तो तेबे तिने टूँझे जणेया रा कर्ज माफ करी ता, तो बता तिना बीचा ते केस तेसखे जादा प्यार करना।” 43 शमैने जवाब दित्तेया, “मेरी समजा ते तेस, जेसरा तिने जादा कर्ज माफ कित्तेया।” यीशुए तेसखे बोलेया, “तैं ठीक उत्तर देई राखेया।” 44 तेबे तेसा जवाणसा कनारे फिरी की तिने शमैनो खे बोलेया, “क्या तूँ एसा जवाणसा खे देखणे लगी रा? आँऊ तेरे करअे आया, पर तैं माखे पैर तोणे खे पापी नि दित्तेया पर एसे मेरे पैर आपणे आसूआ साथे तोए और आपणे बाला साथे साफ किते। 45 तैं मेरे गले लगी की मेरा स्वगत नि कित्तेया, पर जदुओ ते आँऊ आयी रा, तदुओ ते एसे मेरे पैर चूमणे नि छाडी राखे। 46 तैं मेरे सिरो रे तेल नि मलेया, पर एसे मेरे पैरे रे इत्र मलेया। 47 तेबैई तो आँऊ ताखे बोलूँआ कि एसा रे जो बी पाप थे, सेयो माफ ऊईंगे कँऊकि एसे बऊत प्यार कित्तेया, पर जेसरा थोड़ा माफ ऊआ, से थोड़ा ई प्यार करोआ।” 48 तेबे यीशुए तेसा जवाणसा खे बोलेया, “तेरे पाप माफ ऊईंगे।” 49 तेबे जो लोक तिना साथे रोटी खाए बैठी रे थे, सेयो आपणे-आपणे मनो रे सोचणे लगे, “ये कूणे जो पाप बी माफ करी देओआ? जेते खे सिक्के परमेशर ई माफ करी सकोआ।” 50 पर तिने तेसा जवाणसा खे बोलेया, “तेरे विश्वासे तूँ बचाई ली, बेफिकर ऊई की चली जा।”

8 इजी ते बाद सेयो नगर-नगर और गांव-गांव रे प्रचार करदे ऊए और परमेशरो रे राज्य रा सुसमाचार सुणांदे ऊए, फिरने लगे, और सेयो बारा चेले तिना साथे थे, 2 और कुछ जवाणसा बी जो दुष्टात्मा ते और बमारिया ते छुड़ाई राखिया थिया, और तिना बीचा ते यो ए-मरियम मगदलिनी, जेसा ते सात दुष्टात्मा निकाली राखिया थिया 3 और हेरोदेस राजे रे पण्डारी खोजे री लाडी योअन्ना और सूसन्नाह और मुखती सारिया जवाणसा, जो आपणे पैसे साथे यीशु और तिना रे चेलेया री

ਮਤਾਦ ਕਰੋ ਥਿਆ। 4 ਜੇਕੇ ਬਡੀ ਪੀਡੀ ਕੁਝੀ ਊਰੀ ਔਰ ਜਗਾ-ਜਗਾ ਰੇ ਲੋਕ ਤਿਨਾ ਗੇ ਆਂਹੇ ਥੇ, ਤੇਕੇ ਤਿਨੇ ਉਦਾਰਣੋ ਰੇ ਬੋਲੇਧਾ, 5 “ਏਕ ਬੇਯਾ ਬਾਣੇ ਵਾਲਾ ਬੇਯਾ ਬਾਣੇ ਨਿਕਲੇਧਾ ਔਰ ਬਾਂਦੇ ਬਖਤੇ ਕੁਛ ਦਾਂਧੇ ਬਾਟਾ ਰੇ ਛੂਟੇ ਔਰ ਸਰੋਂ ਰੇ ਪਛਿਓ ਸੇਧੋ ਚੂਹੀ ਲੇ। 6 ਕੁਛ ਸਾਪਡੀ ਪਾਂਦੇ ਛੂਟੇ ਔਰ ਜ਼ਮ੍ਸੇ ਪਰ ਸਿਨਕ ਨਾ ਮਿਲਣੇ ਰੀ ਬਜਅ ਤੇ ਸ਼੍ਰੂਕੀ ਗੇ। 7 ਕੁਛ ਕਿਤਾ ਜਾਡੀ ਬੀਚੇ ਛੂਟੇ ਔਰ ਜਾਡੇ ਸਾਥੇ-ਸਾਥੇ ਬਡੀ ਕੀ ਸੇਧੋ ਦਬਾਈ ਤੇ। 8 ਕੁਛ ਅਚਛੀ ਜਮੀਨਾ ਪਾਂਦੇ ਛੂਟੇ ਔਰ ਜ਼ਮ੍ਸੀ ਕੀ ਸੌ ਗੁਣਾ ਫਲ ਲਾਇ।” ਯੇ ਬੋਲੀ ਕੀ ਤਿਨੇ ਜ਼ੋਰੇ ਕੀ ਬੋਲੇਧਾ, “ਜੋ ਸਮਜੀ ਸਕੋਆ ਸੇ ਤਿੰਹੀ ਖੇ ਤਧਾਨੇ ਸਾਥੇ ਸੁਣੋ ਔਰ ਮਾਨੀ ਕੀ ਲਾਓ।” 9 ਤਿਨਾ ਰੇ ਚੇਲੇਧਾ ਤਿਨਾ ਤੇ ਪ੍ਰਛੇਧਾ, “ਧੇ ਉਦਾਰਣ ਕਵਾ ਏ?” 10 ਧੀਸ਼ੁਏ ਬੋਲੇਧਾ, “ਤੁਸਾ ਖੇ ਪਰਮੇਸ਼ਰੋ ਰੇ ਰਾਜਘ ਰੇ ਪੇਤੋ ਰੀ ਸਮਜ ਦਿੱਤੀ ਰਿਧੇ, ਪਰ ਅਹੋ ਖੇ ਉਦਾਰਣੋ ਰੇ ਸੁਣਾਧਾ ਜਾਓਆ, ਤੇਬੇਈ, “ਸੇਧੋ ਦੇਖਦੇ ਊਏ ਪਨਿ ਦੇਖਦੇ, ਔਰ ਸੁਣਦੇ ਊਏ ਪਨਿ ਸਮਜਦੇ। 11 “ਉਦਾਰਣੋ ਰਾ ਮਤਲਬ ਤੋ ਏ: ਦਾਂਧੇ ਪਰਮੇਸ਼ਰੋ ਰਾ ਵਚਨ ਏ। 12 ਬਾਟਾ ਰੇ ਕਨਾਰਲੇ ਸੇਧੋ ਦਾਂਧੇ ਏ, ਜਿਨੇ ਸੁਣੇਧਾ ਪਰ ਥੈਨਾਨ ਤਿਨਾ ਰੇ ਮਨੋ ਚਕੀ ਕੀ ਲਈ ਜਾਓਆ ਕੇਥੀ ਏਡਾ ਨਿ ਆਂ ਕਿ ਸੇਧੋ ਵਿਸ਼ਾਸ ਕਰੀ ਕੀ ਉਦਾਰ ਪਾਓ। 13 ਸਾਪਡੀ ਪਾਂਦਲੇ ਸੇਧੋ ਏ ਕਿ ਜੇਕੇ ਸੁਣੋਏ, ਤੇਕੇ ਖੁਸ਼ ਓਏ, ਪਰ ਜਾਡ ਨਾ ਪਕੜਨੇ ਰੀ ਬਜਅ ਤੇ ਥੋਡੀ ਦੇਰ ਤਕ ਵਿਸ਼ਾਸ ਕਰੋਏ ਔਰ ਪਰੀਕਿਆ ਰੇ ਬਖਤੇ ਪਟਕੀ ਜਾਓਏ। 14 ਜੋ ਜਾਡੀ ਰੇ ਛੂਟੇ ਸੇਧੋ ਧੇ ਕਿ ਜੋ ਸੁਣੋਂ ਤੋ ਆਏ, ਪਰ ਚਿੰਨਾ, ਪੈਸਾ, ਜਿੰਦਗਿਆ ਰੇ ਸੁਖ-ਬਿਲਾਸਾ ਰੇ ਫਸੀ ਜਾਓਏ ਔਰ ਤਿਨਾ ਰਾ ਫਲ ਨਿ ਪਾਕਦਾ। 15 ਪਰ ਅਚਛੀ ਜਮੀਨਾ ਰੇ ਸੇਧੋ ਏ, ਜੋ ਵਚਨ ਸੁਣੀ ਕੀ ਖਰੇ ਔਰ ਖਰੇ ਮਨੋ ਤੇ ਸਮਬਾਲੀ ਕੀ ਰਾਖੋਏ ਔਰ ਸਭਾ ਸਾਥੇ ਫਲ ਲਾਇਆਏ। 16 “ਕੋਈ ਬੀ ਦਿਕਾਏ ਖੇ ਪਾਂਡੇ ਸਾਥੇ ਨਿ ਟਕਦਾ ਔਰ ਨਾ ਮਾੜੇ ਨਿਠੇ ਰਾਖਦਾ, ਪਰ ਫਟਿਆ ਪਾਂਦੇ ਰਾਖੋਆ, ਤਾਕਿ ਪੀਤਰੇ ਆਊਣੇ ਵਾਲੇਧਾ ਖੇ ਪ੍ਰਯਾਸਾ ਓ। 17 ਜੋ ਕੁਛ ਬੀ ਛਿਧੇਧਾ ਰਾਏ, ਸੇ ਸਾਮਣੇ ਆਊਣਾ ਔਰ ਜੋ ਕੁਛ ਗੁਪਤ ਏ, ਸੇ ਜਾਣੇਧਾ ਜਾਣਾ ਔਰ ਸਾਮਣੇ ਬੀ ਆਊਣਾ। 18 ਇੜੀ ਰੀ ਖਾਤਰ ਚੌਕਸ ਰਾਂਡੀ ਕਿ ਤੁਸੇ ਕਿੱਧਾਂ ਸੁਣੋਏ? ਕੱਤੱਕਿ ਜੇਸਗੇ ਆਧਾ, ਤੇਸਖੇ ਦੇਣਾ ਔਰ ਜੇਸਗੇ ਆਏ ਨਿ, ਤੇਸਤੇ ਸੇ ਬੀ ਲਈ ਲਾਣਾ, ਜੇਤੇਖੇ ਸੇ ਆਪਣਾ ਸਮਯੋਆ।” 19 ਧੀਸ਼ੁਏ ਰੀ ਆਮਾ ਔਰ ਪਾਈ ਤਿਨਾ ਗੇ ਆਏ, ਪਰ ਪੀਡਾ ਰੀ ਬਜਅ ਤੇ ਤਿਨਾ ਖੇ ਮਿਲੀ ਨਿ ਸਕੇ। 20 ਤੇਕੇ ਤਿਨਾ ਖੇ ਬੋਲੇਧਾ, “ਤੁਸਾ ਰੀ ਆਮਾ ਔਰ ਪਾਈ ਤੀ ਧੀ ਈ ਧੇ, ਜੋ ਪਰਮੇਸ਼ਰੀ ਰਾ ਵਚਨ ਸੁਣੋਏ ਔਰ ਮਾਨੋਏ।” 22 ਤੇਕੇ ਏਕ ਦਿਨ ਧੀਸ਼ੁ ਔਰ ਤਿਨਾ ਰੇ ਚੇਲੇ ਕਿਸ਼ਿਤਾ ਰੇ ਚੱਢੇ ਔਰ ਤਿਨੇ ਤਿਨਾ ਖੇ ਬੋਲੇਧਾ, “ਆਓ, ਗਲੀਲੀ ਸਮੁਦ੍ਰੇ ਤੇ ਪਾਰ ਚਲ੍ਹੋਏ।” ਤੇਕੇ ਤਿਨੇ ਕਿਸ਼ਿਤੀ ਖੋਲੀ ਤੀ। 23 ਪਰ ਜੇਕੇ ਕਿਸ਼ਿਤੀ ਚਲੀ ਰੀ ਥੀ, ਤੇਕੇ ਧੀਸ਼ੁ ਸਹੀ ਗੇ ਔਰ ਸਮੁਦ੍ਰੇ ਰੇ ਤੂਫਾਨ ਆਧਾ ਔਰ ਕਿਸ਼ਿਤਾ ਰੇ ਧਾਣੀ ਫਰਨੇ ਲਗੇਧਾ ਔਰ ਸੇਧੋ ਮੁਸਿਬਤਾ ਰੇ ਥੇ। 24 ਤੇਕੇ ਚੇਲੇਧਾ ਨੇਡੇ ਆਧੀ ਕੀ ਧੀਸ਼ੁ ਜਗਾਏ ਔਰ ਬੋਲੇਧਾ, “ਓ ਸ਼ਵਾਮੀ! ਸ਼ਵਾਮੀ! ਆਸੇ ਢੁਕੇ ਵਾਲੇ ਏ।” ਤੇਕੇ ਧੀਸ਼ੁ ਊਠੀ ਕੀ ਤੂਫਾਨੇ ਖੇ, ਪਾਣਿਏ ਖੇ ਔਰ ਲਈਧਾ ਖੇ ਬਕਣੇ ਲਗੇ ਔਰ ਸੇਧੋ ਰੁਕੀ ਗੇ ਔਰ ਚੈਨ ਊਝੀਗਾ। 25 ਤੇਕੇ ਧੀਸ਼ੁ ਚੇਲੇਧਾ ਖੇ ਬੋਲੇਧਾ, “ਤੁਸਾ ਰਾ ਵਿਸ਼ਾਸ ਕੇਵੀ ਥਾ?” ਪਰ ਸੇਧੋ ਢੀਰੀ ਗੇ ਔਰ ਹੈਰਾਨ ਊਰੀ ਕੀ ਆਪੂ ਬੀਚੇ ਬੋਲਣੇ ਲਗੇ, “ਧੇ ਕੂਣੇ, ਜੋ ਤੂਫਾਨ ਔਰ ਪਾਣਿਏ ਖੇ ਆਜਾ ਦੇਓਆ ਔਰ ਸੇਧੋ ਏਸਰੀ ਆਜਾ

ਖੇ ਮਾਨੋਏ?” 26 ਤੇਕੇ ਸੇਧੋ ਗਿਰਾਸੇਨਿਧੀ ਰੇ ਦੇਸ਼ੋਂ ਰੇ ਪੱਕੱਛੇ ਜੋ ਗਲੀਲੀ ਤੇ ਪਾਰ, ਸਾਮਣੇ ਏ। 27 ਜੇਕੇ ਧੀਸ਼ੁ ਕਨਾਰੇ ਪਾਂਦੇ ਤੁਰੇ, ਤੇਕੇ ਤਿਨਾ ਖੇ ਤੇਸ ਨਗਰੀ ਰਾ ਏਕ ਮਾਂਣੂ ਮਿਲੇਧਾ, ਜੇਸਰੇ ਦੁਇਤਮਾ ਥੀ ਔਰ ਕਈ ਦਿਨਾ ਤੇ ਨਾ ਟਾਲੇ ਪੱਈਨੇ ਥਾ ਔਰ ਨਾ ਕਅਰੇ ਜਾਓ ਥਾ, ਪਰ ਕਕਾ ਰੇ ਰਾਓ ਥਾ। 28 ਸੇ ਧੀਸ਼ੁ ਖੇ ਦੇਖੀ ਕੀ ਚੰਗੇਧਾ ਔਰ ਤਿਨਾ ਸਾਮਣੇ ਰੂਡੀ ਕੀ ਜੋਂਰੇ ਕੀ ਬੋਲਣੇ ਲਗੇਧਾ, “ਓ ਪਰਮਪ੍ਰਦਾਨ ਪਰਮੇਸ਼ਰੋ ਰੇ ਪੁਤ੍ਰ ਧੀਸ਼ੁ! ਮਾਖੇ ਤਾਂਤੇ ਕਿਆ ਕਾਮ? ਮੇਰੀ ਤਾਂਤੇ ਬਿਨੀਤੀ ਧੇ ਕਿ ਮਾਖੇ ਕਾਈ ਨਿ ਦੇ।” 29 ਕੱਤੱਕਿ ਧੀਸ਼ੁ ਤੇਸ ਮਾਂਣ੍ਹਾਏ ਰੇ ਜੋ ਅਸ਼ੁਦ੍ਧ ਆਤਮਾ ਬੀ ਤੇਸਾ ਖੇ ਨਿਕਲੇਨੇ ਰੀ ਆਜਾ ਲਗੀ ਰੇ ਥੇ ਦੇਣੇ, ਕੱਤੱਕਿ ਸੇ ਬਾਰ-ਬਾਰ ਤੇਸਖੇ ਕਾਈ ਦੇਓ ਥੀ। ਲੋਕ ਤੇਸਖੇ ਸੌਗੜੀਂ ਔਰ ਬੇਡਿਧੇ ਕੀ ਬਾਨੀ ਕੀ ਰਾਖੀ ਥੇ, ਪਰ ਸੇ ਤਿਨਾ ਖੇ ਤੋਡੀ ਕੀ ਬਣੀ ਖੇ ਨਠੀ ਜਾਓ ਥਾ ਔਰ ਦੁਇਤਮਾ ਤੇਸਰੇ ਬੈਠੀ ਗੀ ਥੀ। 30 ਧੀਸ਼ੁ ਤੇਸਤੇ ਪੂਛੇਧਾ ਕਿ ਤੇਰਾ ਨਾਂਓ ਕਿਆ ਏ? ਤਿਨੇ ਬੋਲੇਧਾ ਸੇਨਾ। ਕੱਤੱਕਿ ਮੁਖੀਤੀ ਸਾਰਿਧਾ ਦੁਇਤਮਾ ਤੇਸਰੇ ਬੈਠੀ ਗੀ ਧਿਆ। 31 ਔਰ ਤਿਨੇ ਧੀਸ਼ੁ ਤੇ ਪ੍ਰਾਰਥਨਾ ਕਿਤੀ ਕਿ ਮਾਖੇ ਢੂਗੇ ਗਢ੍ਹੇ ਰੇ ਸੇਟੋਂ ਰੀ ਆਜਾ ਨਿ ਦੇ। (Abyssos g12) 32 ਤੇਤੀ ਪਾਛਡੇ ਪਾਂਦੇ ਸੂਂਅਰੋ ਰਾ ਏਕ ਚੂਣਡ ਚਰਨੇ ਲਗੀ ਰਾ ਥਾ, ਤੋ ਤੇਕੇ ਤਿਨੇ ਤਿਨਾ ਤੇ ਬਿਨੀਤੀ ਕਿਤੀ, “ਆਸਾ ਖੇ ਏਤੇ ਚੂਣਡੇ ਰੇ ਬੈਠੇ ਦੇ।” ਤੀ ਤਿਨੇ ਸੇਧੋ ਜਾਣੇ ਦਿਤਿਆ। 33 ਤੇਕੇ ਦੁਇਤਮਾ ਤੇਸ ਮਾਂਣ੍ਹਾਏ ਤੇ ਨਿਕਲੀ ਕੀ ਸੂਂਅਰੋ ਰੇ ਚਲੀ ਗਿਆ ਔਰ ਸੇ ਚੂਣਡ ਕਾਅਡੀ ਪਾਂਦੀ ਤੇ ਛਾਲ ਲਈ ਕੀ ਸਮੁਦ੍ਰੇ ਰੇ ਢੂਕੀ ਕੀ ਮਰੀ ਗਾ। 34 ਗਵਾਲੇ ਜੋ ਊਆ ਥਾ ਤੇਸ ਦੇਖੀ ਕੀ ਨਠੀਗੇ। ਔਰ ਨਗਰੇ ਔਰ ਗਾਂਵ ਰੇ ਜਾਈ ਕੀ ਸਾਰਾ ਆਲ ਸੁਣਾਧਾ। 35 ਤੇਕੇ ਲੋਕ ਜੋ ਊਆ ਥਾ, ਤੇਸ ਦੇਖਣੇ ਖੇ ਆਏ, ਤੇਕੇ ਤਿਨੇ ਸੇ ਮਾਂਣੂ, ਜੇਸਰੇ ਦੁਇਤਮਾ ਧਿਆ, ਸੇ ਧੀਸ਼ੁ ਰੇ ਪੈਰਾ ਪਾਂਦੇ ਪਡੇ ਰਾ ਔਰ ਟਾਲੇ ਪੱਈਨੀ ਕੀ ਆਸਾ ਰੇ ਬੈਠੇ ਰਾ ਦੇਖੇਧਾ ਔਰ ਢੀਰੀ ਗੇ। 36 ਦੇਖਣੇ ਵਾਲੇਧਾ ਤਿਨਾ ਗੇ ਬਤਾਧਾ ਕਿ ਸੇ ਦੁਇਤਮਾ ਰਾ ਸਤਾਧਾ ਰਾ ਮਾਂਣੂ ਕਿੱਧੀ ਠੀਕ ਊਆ। 37 ਤੇਕੇ ਗਿਰਾਸੇਨਿਧੀ ਰੇ ਆਓਲੇ-ਪੋਰਲੇ ਲੋਕੇ ਧੀਸ਼ੁ ਤੇ ਬਿਨੀਤੀ ਕਿਤੀ ਕਿ ਇਥਾ ਤੇ ਚਲੀ ਜਾ, ਕੱਤੱਕਿ ਸੇਧੋ ਬਕਤ ਢੀਰੀ ਗੇ ਥੇ, ਤੇਕੇ ਸੇਧੋ ਕਿਸ਼ਿਤਾ ਰੇ ਬੈਠੀ ਕੀ ਵਾਪਸ ਊਝੀਗੇ। 38 ਜੇਸ ਮਾਂਣ੍ਹਾਏ ਤੇ ਦੁਇਤਮਾ ਨਿਕਲੀ ਗੀ ਥੀ, ਸੇ ਤਿਨਾ ਤੇ ਬਿਨੀਤੀ ਕਰਨੇ ਲਗੇਧਾ ਕਿ ਮਾਖੇ ਆਪੂ ਸਾਥੇ ਆਊਣੇ ਦੇ, ਪਰ ਧੀਸ਼ੁ ਤੇਸਖੇ ਬਿਦਾ ਕਰਦੇ ਊਏ ਬੋਲੇਧਾ, 39 “ਆਪਣੇ ਕਅਰੇ ਖੇ ਚਲੀ ਜਾ ਔਰ ਲੋਕਾ ਗੇ ਬਤਾ ਕਿ ਪਰਮੇਸ਼ਰੇ ਤੇਰਿਆ ਤੰਈ ਕਿਤਣੇ ਬਡੇ ਕਾਮ ਕਰੀ ਰਾਖੇ।” ਤੇਕੇ ਸੇ ਸਾਰੇ ਨਗਰੇ ਰੇ ਜਾਈ ਕੀ ਪ੍ਰਚਾਰ ਕਰਨੇ ਲਗੇਧਾ ਕਿ ਧੀਸ਼ੁ ਮੇਰਿਆ ਤੰਈ ਕਿਤਣੇ ਬਡੇ ਕਾਮ ਕਰੀ ਰਾਖੇ। 40 ਜੇਕੇ ਧੀਸ਼ੁ ਵਾਪਸ ਊਣੇ ਲਗੀ ਰੇ ਥੇ, ਤੇਕੇ ਲੋਕ ਤਿਨਾ ਸਾਥੇ ਖੁਸ਼ਿਆ ਸਾਥੇ ਮਿਲੇ, ਕੱਤੱਕਿ ਸੇਧੋ ਸਥਾ ਜਾਣੇ ਨਿ ਦੇ ਨਿ ਦੇ। 41 ਤੇਕੇ ਧੀਅਰ ਨਾਂਓ ਰਾ ਏਕ ਮਾਂਣੂ, ਜੋ ਪ੍ਰਾਰਥਨਾ ਰੇ ਕਅਰੇ ਰਾ ਅਧਿਕਾਰੀ ਥਾ, ਧੀਸ਼ੁ ਗੇ ਆਧਾ ਔਰ ਤਿਨਾ ਰੇ ਪੈਰੈ ਪਾਂਦੀ ਪਾਂਡੀ ਕੀ ਪ੍ਰਾਰਥਨਾ ਕਰਨੇ ਲਗੇਧਾ ਕਿ ਆਪਣੀ ਫਰਨੇ ਲਗੇਧਾ ਔਰ ਸੇਧੋ ਰੇ ਕਾਹੀ ਕੀ ਠੀਕ ਨਿ ਊਝੀਗੇ। 42 ਕੱਤੱਕਿ ਤੇਸਰੀ ਬਾਰਾ ਸਾਲਾ ਰੀ ਇਕਲੌਤੀ ਬੇਟੀ ਮਰਨੇ ਵਾਲੀ ਥੀ; ਜੇਕੇ ਸੇਧੋ ਜਾਣੇ ਲਗੀ ਰੇ ਥੇ, ਤੇਕੇ ਲੋਕ ਤਿਨਾ ਪਾਂਦੇ ਰੂਡੀ ਜਾਓ ਥੇ। 43 ਤੇਕੇ ਏਕ ਜਵਾਣਸ ਜੇਸਾ ਖੇ ਬਾਰਾ ਸਾਲਾ ਤੇ ਖੂਨ ਬਡੇ ਰੀ ਬਮਾਰੀ ਥੀ ਔਰ ਸੇ ਆਪਣੀ ਸਾਰੀ ਸਮਪਤੀ ਬੈਦਾ ਖੇ ਦੇਈ ਚੁਕੀ ਥੀ ਪਰ ਤੇਕੇ ਬੀ ਸੇ ਕੇਸੀ ਰੇ ਆਥੀ ਕੀ ਠੀਕ ਨਿ ਊਝੀਗੇ। 44 ਤੇਕੇ ਤੇਸੇ ਪੀਛੇ ਤੇ ਆਧੀ ਕੀ ਧੀਸ਼ੁ ਰੇ ਟਾਲੇ ਵੈਂਹੈ ਔਰ ਤੇਬੁੰਝੀ ਤੇਸਾ ਰਾ ਖੂਨ ਬੱਈਣਾ ਬਨਦ ਊਝੀਗਾ। 45 ਤੇਕੇ ਧੀਸ਼ੁ ਬੋਲੇਧਾ, “ਆਉ ਕਿਨੇ ਛੁੱਧਾਂ?” ਜੇਕੇ ਸਥ ਮੁਕੀ ਗੇ, ਤੇਕੇ ਪਤਰੇ ਔਰ ਤੇਸਰੇ ਸਾਥਿਧੇ ਬੋਲੇਧਾ, “ਓ ਸ਼ਵਾਮੀ! ਤੁਸੇ ਤੋ ਪੀਡੇ

ਜਿਕਕੀ ਤੇ ਔਰ ਯੇ ਤੋ ਤੁਸਾ ਪਾਂਦੇ ਈ ਪਡੀ ਗੀ।” 46 ਪਰ ਧੀਸ਼ੁਏ ਬੋਲੇਧਾ, “ਆੱਕ ਕਿਨੇ ਤੋ ਛੁੱਈ ਰਾਖੇਧਾ।” ਕਹੁੰਕਿ ਮਾਖੇ ਪਤਾ ਲਗੀ ਗਾ ਰਾ ਕਿ ਮਾਂਤੇ ਸਾਮਰਥ ਨਿਕਲੀ ਰੀ। 47 ਜੇਵੇ ਜਵਾਹਣੇ ਦੇਖੇਧਾ ਕਿ ਆੱਕ ਛਿਪੀ ਨਿ ਸਕਦੀ, ਤੇਬੇ ਸੇ ਬੁਝ ਤੱਡੇ-ਨਾਡੇ ਆਧੀ ਔਰ ਤਿਨਾ ਰੇ ਪੈਰਾ ਪਾਂਦੇ ਪਡੀ ਕੀ ਤੇਸੇ ਸਬੰਧ ਲੋਕਾ ਸਾਮਣੇ ਬਤਾਧਾ ਕਿ ਮੈਂ ਕਿੰਜੀ ਰੀ ਬਜ਼ਅ ਤੇ ਤੁਸੇ ਛੁੱਏ ਔਰ ਕਿੰਧੁੱਏ ਫਟਾਫਟ ਠੀਕ ਊਝੀ। 48 ਧੀਸ਼ੁਏ ਤੇਸਾ ਖੇ ਬੋਲੇਧਾ, “ਬੰਟਿਧੇ! ਤੇਰੇ ਵਿਥਾਦੇ ਤੁੱਹ ਬਚਾਈਂਦੀ, ਬੇਫਿਕਰ ਊਝੀ ਕੀ ਚਲੀ ਜਾ।” 49 ਸੇਧੋ ਯੇ ਬੋਲਣੇ ਈ ਲਗੀ ਰੇ ਥੇ ਕਿ ਕਿਨੇ ਪ੍ਰਾਰਥਨਾ ਰੇ ਕਅਰੇ ਰੇ ਸਰਦਾਰੇ ਰੇ ਕਅਰੇ ਤੇ ਆਧੀ ਕੀ ਬੋਲੇਧਾ, “ਤੇਰੀ ਬੇਟੀ ਤੋ ਮਰੀ ਗੀ ਔਰ ਗੁਰੂਆਂ ਖੇ ਕਥ ਨਿ ਦੇ।” 50 ਧੀਸ਼ੁਏ ਧੇ ਸੁਣੀ ਕੀ ਬੋਲੇਧਾ, “ਡਰ ਨਿ; ਬਸ ਵਿਥਾਸ ਰਾਖ ਤੋ ਸੇ ਬਚੀ ਜਾਣੀ।” 51 ਸਰਦਾਰੇ ਰੇ ਕਅਰੇ ਜਾਈ ਕੀ ਧੀਸ਼ੁਏ ਪਤਰਸ, ਧੂਹਨਾ ਧਾਕੂਬ ਔਰ ਤੇਸਾ ਬੇਟਿਆ ਰੇ ਮਾਏ-ਬਾਓਾਂ ਖੇ ਛਾਡੀ ਕੀ ਔਰ ਕੋਈ ਬੀ ਪੀਤਰੇ ਨਿ ਆਝਾਂਦੇ ਦਿੱਤੇ। 52 ਸਬ ਤੇਸਾ ਖੇ ਰੋਣੇ-ਪੀਟਣੇ ਲਗੀ ਰੇ ਥੇ, ਪਰ ਧੀਸ਼ੁਏ ਬੋਲੇਧਾ, “ਰੋਆਂ ਨਿ; ਕਹੁੰਕਿ ਧੇ ਮਰੀ ਨਿ ਰਈ, ਪਰ ਸਥੀ ਰੀ।” 53 ਸੇਧੋ ਯੇ ਜਾਣੀ ਕੀ ਕਿ ਧੇ ਤੋ ਮਰੀ ਗੀ ਰੀ, ਤਿਨਾ ਰਾ ਮਜਾਕ ਊਝਾਣੇ ਲਗੇ। 54 ਪਰ ਧੀਸ਼ੁਏ ਤੇਸਾ ਰਾ ਆਥ ਪਕਡੇਧਾ ਔਰ ਬੋਲੇਧਾ, “ਓ ਬੇਟਿਧੇ ਤਠ!” 55 ਤੇਬੇ ਤੇਸਾ ਰੇ ਪ੍ਰਾਣ ਆਈਂਦੀ ਔਰ ਤੇਬੇ ਸੇ ਫਟਾਫਟ ਊਝੀ ਗੀ। ਤੇਬੇ ਧੀਸ਼ੁਏ ਤਿਨਾ ਖੇ ਆਜਾ ਦਿੱਤੀ ਕਿ ਏਸਾ ਖੇ ਕੁਛ ਖਾਗੇ ਖੇ ਦੇਧੋ। 56 ਤੇਸਾ ਰੇ ਮਾਏ-ਬਾਓਾਂ ਹੈਰਾਨ ਊਝੀ, ਪਰ ਧੀਸ਼ੁਏ ਤਿਨਾ ਖੇ ਸਾਵਧਾਨ ਕਰੀ ਕੀ ਬੋਲੇਧਾ, “ਏਤੀ ਜੋ ਕੁਛ ਊਝਾ, ਸੇ ਕੇਸੀ ਗੇ ਨਿ ਬਤਾਣਾ।”

9 ਤੇਬੇ ਧੀਸ਼ੁਏ ਬਾਰਾ ਚੇਲੇਧਾ ਖੇ ਬੁਲਾਈ ਕੀ ਤਿਨਾ ਖੇ ਸਾਰਿਧਾ ਦੁਇਤਮਾ ਪਾਂਦੇ ਔਰ ਬਮਾਰਿਧਾ ਖੇ ਟ੍ਰੂ ਕਰਨੇ ਰੀ ਸਾਮਰਥ ਔਰ ਅਕਕ ਦਿੱਤੇਧਾ 2 ਔਰ ਤਿਨਾ ਖੇ ਪਰਮੇਸ਼ਰੇ ਰੇ ਰਾਜਧ ਰਾ ਪ੍ਰਚਾਰ ਕਰਨੇ ਔਰ ਬਮਾਰਾ ਖੇ ਠੀਕ ਕਰਨੇ ਪੇਜੇ। 3 ਤੇਬੇ ਧੀਸ਼ੁਏ ਤਿਨਾ ਖੇ ਬੋਲੇਧਾ, “ਬਾਟਾ ਖੇ ਕੁਛ ਨਿ ਲਣਾ, ਨਾ ਡਣਾ, ਨਾ ਚੋਲੀ, ਨਾ ਰੋਟੀ, ਨਾ ਪੈਸੇ ਔਰ ਨਾ ਦੋ ਕੁਰੋਤੇ। 4 ਜੇਸ ਕੇਸੀ ਰੇ ਬੀ ਕਅਰੇ ਤੁਸੇ ਜਾਓ, ਤੇਥੀ ਰਾਓ ਔਰ ਤੇਥਾ ਤੇਈ ਬਿਦਾ ਓ। 5 ਜੋ ਕੋਈ ਤੁਸਾ ਖੇ ਮਾਨੋਗਾ ਨਿ, ਤੇਸ ਨਗਰੋ ਤੇ ਨਿਕਲਦੇ ਊਏ ਆਪਣੇ ਪੈਰਾ ਰੀ ਤ੍ਰੂ ਤੇਥੀ ਚਾਡੀ ਦੇਓ, ਤਾਕਿ ਤਿਨਾ ਪਾਂਦੇ ਗਵਾਈ ਓ।” 6 ਤੇਬੇ ਸੇਧੋ ਨਿਕਲੀ ਕੀ ਗਾਂਭ-ਗਾਂਵ ਰੇ ਸੁਸਮਾਚਾਰ ਸੁਣਾਂਦੇ ਊਏ ਔਰ ਹਰ ਕੇਥੀ ਲੋਕਾ ਖੇ ਠੀਕ ਕਰਦੇ ਊਏ ਕੁਮਦੇ-ਫਿਰਦੇ ਰਖੇ। 7 ਤੇਬੇ ਦੇਸ਼ੋ ਰੇ ਚੌਥਾਈਧਾ ਰਾ ਰਾਜਾ ਹੋਰੇਦੇਸ ਧੇ ਸਬ ਸੁਣੀ ਕੀ ਕਕਵਰਾਈਧਾ, ਕਹੁੰਕਿ ਬੁਝ ਜਾਣੇ ਬੋਲੇਧਾ, “ਧੂਹਨਾ ਬਪਤਿਸਮਾ ਦੇਣੇ ਵਾਲਾ ਮੇਰੇ ਰੇਧ ਬੀਚਾ ਤੇ ਜਿੱਦਾ ਊਝਗਾ ਰਾ।” 8 ਕਈ ਜਣੇਧਾ ਧੇ ਕਿ ਏਲਿਅਧਾ ਦਿੱਤੇਧਾ। ਕਈਏ ਬੋਲੇਧਾ ਕਿ ਪੁਰਾਣੇ ਭਵਿਖਿਕਰੇਧਾ ਬੀਚਾ ਤੇ ਕੋਈ ਜਿੱਦਾ ਊਝਗਾ ਰਾ। 9 ਹੋਰੇਦੇਸੇ ਬੋਲੇਧਾ, “ਧੂਹਨੇ ਰਾ ਤੀ ਮੈਂ ਸਿਰ ਭਡਾਧਾ, ਏਬੇ ਧੇ ਕੂਣੇ, ਜੇਸੇਰੇ ਬਾਰੇ ਰੇ ਏਡਿਆ ਗਲਲਾ ਸੁਣ੍ਹਾ?” ਤੇਬੇ ਤਿਨੇ ਸੇ ਦੇਖਣਾ ਚਾਧਾ। 10 ਤੇਬੇ ਪ੍ਰੇਰਿਤੇ ਵਾਪਸ ਆਧੀ ਕੀ ਜੋ ਕੁਛ ਤਿਨੇ ਕਿਤੇਧਾ ਥਾ, ਤਿਨਾ ਗੇ ਬਤਾਈ ਤਾ, ਤੇਬੇ ਸੇਧੋ ਤਿਨਾ ਖੇ ਲਗ ਕਰੀ ਕੀ ਬੈਤਸੈਦਾ ਨਾਓਂ ਰੇ ਏਕ ਨਗਰੋ ਖੇ ਲਧੀ ਗ। 11 ਧੇ ਜਾਣੀ ਕੀ ਪੀਡੀ ਤੇਸ ਪੀਛੇ ਚਲੀ ਪਡੀ ਔਰ ਸੇ ਖੁਸ਼ਿਧਾ ਤੇ ਤਿਨਾ ਸਾਥੇ ਮਿਲੇਧਾ ਔਰ ਤਿਨਾ ਸਾਥੇ ਪਰਮੇਸ਼ਰੇ ਰੇ ਰਾਜਧ ਰੀ ਗਲਲਾ ਕਰਨੇ ਲਗੇਧਾ ਔਰ ਜੋ ਠੀਕ ਊਝਾ ਚਾਓ ਥੇ ਸੇਧੋ ਠੀਕ ਕਿਤੇ। 12 ਜੇਬੇ ਸਾਂਜ ਊਝਾ ਵਾਲੀ ਥੀ, ਤੇਬੇ ਬਾਰਾ ਚੇਲੇਧਾ ਤਿਨਾ ਗੇ ਆਧੀ ਕੀ ਬੋਲੇਧਾ, “ਪੀਡਾ ਖੇ ਬਿਦਾ ਕਰੋ, ਤਾਕਿ ਚੱਕੁੰਕਿ ਕਨਾਰੇ ਰੇ ਗਾਂਵ ਔਰ ਬਸਿਤਾਧਾ ਰੇ ਜਾਈ ਕੀ ਰਾਓ ਔਰ ਰੋਟਿਆ ਰਾ ਤੁਧਾ ਕਰੋ,

ਕਹੁੰਕਿ ਆਸੇ ਏਤੀ ਸੁਣਸਾਣ ਜਗਾ ਰੇ ਏ।” 13 ਧੀਸ਼ੁਏ ਤਿਨਾ ਖੇ ਬੋਲੇਧਾ, “ਤੁਸੇਈ ਤਿਨਾ ਖੇ ਖਾਗੇ ਖੇ ਦੇਧੋ।” ਚੇਲੇਧਾ ਬੋਲੇਧਾ, “ਆਸਾ ਗੇ ਤੋ ਪਾਂਜ ਰੋਟਿਆ ਔਰ ਦੋ ਮਛਲਿਧਾ ਖੇ ਛਾਡੀ ਕੀ ਔਰ ਕੁਛ ਨਿਏ, ਪਰ ਆ, ਜੇ ਆਸੇ ਜਾਈ ਕੀ ਇਨ੍ਹਾ ਸਬੰਧ ਲੋਕਾ ਖੇ ਰੋਟੀ ਖੀਰੀਦੀ ਲਈਏ, ਤੋ ਊਝ ਸਕਾਓਆ।” ਸੇਧੋ ਲੋਕ ਪਾਂਜ ਹਜ਼ਾਰ ਮਰਦੇ ਰੇ ਤਕਾਰੀਵਨ ਥੇ। 14 ਤੇਬੇ ਧੀਸ਼ੁਏ ਚੇਲੇਧਾ ਖੇ ਬੋਲੇਧਾ, “ਤਿਨਾ ਖੇ ਪੰਜਾ-ਪੰਜਾ ਕਾਰੀ ਕੀ ਬਾਈਠੀ ਰੇ ਬਠਧਾਲੀ ਦੇਓ।” 15 ਤਿਨੇ ਤੇਡਾ ਈ ਕਿਤੇਧਾ ਔਰ ਸਬ ਬਠਧਾਲੀ ਤੇ। 16 ਤੇਬੇ ਧੀਸ਼ੁਏ ਸੇਧੋ ਪਾਂਜ ਰੋਟਿਆ ਔਰ ਦੋ ਮਛਲਿਧਾ ਲਈਧਾ ਔਰ ਸਵਾਂਹੋ ਰੇ ਕਨਾਰੇ ਦੇਖੀ ਕੀ ਥਨਚਵਾਦ ਕਿਤੇਧਾ ਔਰ ਰੋਟਿਆ ਤੋਡੀ-ਤੋਡੀ ਕੀ ਚੇਲੇਧਾ ਖੇ ਟੈਂਦੇ ਗਏ ਕਿ ਲੋਕਾ ਖੇ ਦੇਓ। 17 ਤੇਬੇ ਸਬ ਖਾਈ ਕੀ ਰਜ਼ੀ ਗੇ ਔਰ ਬਚੇ ਰੇ ਟੁਕਡੇਧਾ ਰਿਧਾ ਬਾਰਾ ਟੋਕਰਿਧਾ ਪਰੀ ਕੀ ਚਕਿਧਾ। 18 ਜੇਬੇ ਧੀਸ਼ੁਏ ਕਲਲੇ ਜੇ ਪ੍ਰਾਰਥਨਾ ਕਰਨੇ ਲਗੀ ਰੇ ਥੇ ਔਰ ਚੇਲੇਧਾ ਸਾਥੇ ਥੇ, ਤੇਬੇ ਤਿਨੇ ਚੇਲੇਧਾ ਤੇ ਪ੍ਰੂਛੇਧਾ, “ਲੋਕ ਮਾਖੇ ਕਿਆ ਬੋਲੋਏ?” 19 ਤਿਨੇ ਜਵਾਬ ਦਿੱਤੇਧਾ, “ਧੂਹਨਾ ਬਪਤਿਸਮਾ ਦੇਣੇ ਵਾਲਾ, ਔਰ ਕੋਈ-ਕੋਈ ਏਲਿਅਧਾ ਔਰ ਕੋਈ-ਕੋਈ ਧੇ ਬੋਲੋਏ ਕਿ ਪੁਰਾਣੇ ਭਵਿਖਿਕਰੇਧਾ ਬੀਚਾ ਤੇ ਕੋਈ ਜਿੱਦਾ ਊਝਗਾ ਰਾ।” 20 ਧੀਸ਼ੁਏ ਤਿਨਾ ਤੇ ਪ੍ਰੂਛੇਧਾ, “ਪਰ ਤੁਸੇ ਮਾਖੇ ਕਿਆ ਬੋਲੋਏ?” ਪਤਰਸੇ ਜਵਾਬ ਦਿੱਤੇਧਾ, “ਪਰਮੇਸ਼ਰੋ ਰਾ ਮਸੀਹਾ।” 21 ਤੇਬੇ ਧੀਸ਼ੁਏ ਤਿਨੇ ਚੇਲੇਧਾ, “ਮਾਂ ਮਾਣੂੰ ਰੇ ਪੁਤ੍ਰੀ ਖੇ ਜਸ਼ੀ ਏ ਕਿ ਆੱਕ ਬੁਝ ਦੁ: ਖ ਉਠਾਂ, ਬੁਜੁੰਗ, ਬਡੇ ਪੁਰੋਈਤ ਔਰ ਸ਼ਾਸਤ੍ਰੀ ਮਾਖੇ ਤੁਢੇ ਜਾਣੀ ਕੀ ਕਾਈ ਦੇਓ ਔਰ ਆੱਤ ਤੀਜੇ ਦਿੱਤੇ ਜਿੱਦਾ ਊਝਗਾ ਰਾ।” 23 ਤਿਨੇ ਸਬੰਧ ਖੇ ਬੋਲੇਧਾ, “ਜੇ ਕੋਈ ਮਾਂ ਪੀਛੇ ਆਝਾਣਾ ਚਾਓ, ਤੋ ਆਪਣੇ ਆਪੂ ਖੇ ਨਾ ਕਰੀ ਕੀ ਔਰ ਹਰ ਰੋਜ ਆਪਣਾ ਕ੍ਰੂਸ ਚਕੀ ਕੀ ਮਾਂ ਪੀਛੇ ਆਧੀ ਜਾਧਾ ਕਰੋ। 24 ਕਹੁੰਕਿ ਜੋ ਕੋਈ ਆਪਣਾ ਪ੍ਰਾਣ ਬਚਾਣਾ ਚਾਓਗਾ, ਤੇਸ ਸੇ ਖੋਣਾ, ਪਰ ਜੋ ਕੋਈ ਮਾਂ ਪੀਛੇ ਆਪਣੇ ਪ੍ਰਾਣ ਖੋਓਗਾ, ਤੇਸ ਈ ਸੇ ਬਚਾਣਾ। 25 ਜੇ ਮਾਣੂੰ ਖੇ ਸਾਰੀ ਦੁਨਿਆ ਮਿਲੀ ਜਾਓ ਔਰ ਆਪਣੇ ਪ੍ਰਾਣ ਨਿ ਰੱਖੋ ਧਾ ਤਿਜੀ ਰਾ ਨੁਕਸਾਣ ਓ, ਤੋ ਤੇਸਖੇ ਕਿਆ ਫਾਈਂਦਾ ਊਝਾ। 26 ਜੋ ਕੋਈ ਮਾਂਤੇ ਔਰ ਮੇਰੀ ਗਲਲਾ ਤੇ ਸ਼ਰਮਾਓਗਾ, ਮਾਣੂੰ ਰਾ ਪੁਤ੍ਰ ਬੀ, ਜੇਬੇ ਆਪਣੀ, ਆਪਣੇ ਪਿਤੇ ਰੀ ਔਰ ਪਵਿਤ੍ਰ ਸਵਗਤੂਤ ਰੀ ਮਹਿਮਾ ਸਾਥੇ ਆਝਾਣਾ, ਤੋ ਸੇ ਬੀ ਤੇਸਤੇ ਸ਼ਰਮਾਣਾ। 27 ਆੱਕ ਤੁਸਾ ਖੇ ਸਚ ਲਧੀ ਰਾ ਬੋਲਣੇ ਕਿ ਜੋ ਏਤੀ ਖਡੀ ਰੇ, ਤਿਨਾ ਬੀਚਾ ਤੇ ਕੰਈ ਏਡੇ ਏ ਕਿ ਜਦੁਆਂ ਤਕ ਪਰਮੇਸ਼ਰੋ ਰਾ ਰਾਜਧ ਨਿ ਦੇਖੀ ਲਅਗੇ, ਤਦੁਆਂ ਤਕ ਨਿ ਮਨੇ।” 28 ਇਨ੍ਹਾਂ ਗਲਲਾ ਤੇ ਕੋਈ ਆਠ ਦਿਨ ਬਾਦ ਧੀਸ਼ੁਏ, ਪਤਰਸ, ਧਾਕੂਬ ਔਰ ਧੂਹਨੇ ਖੇ ਲਧੀ ਕੀ ਪ੍ਰਾਰਥਨਾ ਕਰਨੇ ਖੇ ਪਾਹਡੀ ਪਾਂਦੀ ਗਏ। 29 ਜੇਬੇ ਸੇਧੋ ਪ੍ਰਾਰਥਨਾ ਕਰਨੇ ਈ ਲਗੀ ਰੇ ਥੇ, ਤੋ ਤਿਨਾ ਰੇ ਮੁੜ੍ਹੇ ਰੀ ਸ਼ਕਲ ਬਦਲੀ ਗੀ ਔਰ ਤਿਨਾ ਰੇ ਟਾਲੇ ਸਫੇਦ ਊਝੀ ਕੀ ਚਮਕਣੇ ਲਗੇ। 30 ਤੇਬੇ ਦੇਖੋ, ਮੂਸਾ ਔਰ ਏਲਿਅਧਾ, ਧੀ ਦੋਨੋਂ ਮਦਰ ਧੀਸ਼ੁਏ ਸਾਥੇ ਗਲਲਾ ਕਰਨੇ ਲਗੀ ਰੇ ਥੇ। 31 ਧੀ ਮਹਿਮਾ ਸਾਥੇ ਦਿਖੇ ਔਰ ਧੀਸ਼ੁਏ ਰੇ ਮਰਨੇ ਰੀ ਚੰਚਾ ਕਰਨੇ ਲਗੀ ਰੇ ਥੇ, ਜੋ ਧੂਸ਼ਲਾਲੇਮੋ ਰੇ ਊਝੀ ਵਾਲਾ ਥਾ। 32 ਪਤਰਸ ਔਰ ਤੇਸਰੇ ਸਾਥੀ ਨੰਜਾ ਰੇ ਥੇ ਔਰ ਜੇਬੇ ਠੀਕ ਟੰਗੇ ਰੇ ਓਸ ਆਧੀ, ਤੇਬੇ ਧੀਸ਼ੁਏ ਰੀ ਮਹਿਮਾ ਔਰ ਤਿਨਾ ਟੂੰਹੀ ਮਰਦ ਖੇ, ਜੋ ਤਿਨਾ ਸਾਥੇ ਖਡੀ ਰੇ ਥੇ, ਦੇਖੇਧਾ। 33 ਜੇਬੇ ਸੇਧੋ ਧੀਸ਼ੁਏ ਗੇ ਤੇ ਜਾਣੇ ਲਗੇ, ਤੇਬੇ ਪਤਰਸੇ ਧੀਸ਼ੁਏ ਖੇ ਬੋਲੇਧਾ, “ਓ ਮਾਲਕ! ਆਸਾ ਰਾ ਏਤੀ ਰਣਾ ਠੀਕ ਏ, ਤੋ ਆਸੇ ਤੀਨ ਤਮ਼ਬੂ ਬਣਾਊਂਹ, ਏਕ ਤੁਸਾ ਖੇ, ਏਕ ਮੂਸੇ ਖੇ ਔਰ ਏਕ ਏਲਿਅਧਾ ਖੇ।”

तेसखे पता नि था कि से क्या बोलणे लगी रा। 34 से ये बोलणे ई लगी रा था कि एक बादल तिना पाँदे छाईगा और जेबे सेयो तेस बादलों ते किरने लगे, तो डरी गे। 35 तेबे तेस बादलों ते परमेश्वरो री ये आवाज आई, “ये मेरा पुत्र और मेरा चूपेया राए, एसरी सुणो।” 36 ये आवाज ऊँदे ई यीशु तिना खे कल्ले मिले और सेयो चुप रये और तिना री कोई गल्ल तिना दिना रे किने नि बोली। 37 और दूजे दिने जेबे यीशु पाट्ठों ते उतरे, तेबे एक बऊत बड़ी पीड़ तिना खे आयी की मिली। 38 देखो, पीड़ा बीवा ते माणूए चींगी की बोलेया, “ओ गुहा! आऊँ तुसा ते बिनती करूँआ कि मेरे पाऊए पाँदे कृपा करो, कऊँकि से मेरा एकलौता ए।” 39 देख, एक दुष्टामा तेसखे पकड़ोई, ये एकदम चींगणे लगी जाओआ और से एसखे एड़ा मरोड़ोई कि एसरे मुंजो ते जगुड़ निकलने लगी जाओआ और एसखे माण्डी की, मुश्किला साथे छाड़ोई। 40 मैं तुसा रे चेलेया ते बिनती कित्ती कि दुष्टामा खे निकयाली देओ, पर सेयो नि निकयाली सके।” 41 यीशुए जवाब दिरेया, “ओ अविश्वास करने वालेयो और ठीठ लोको! मां कदुओं तक तुसा साथे रणा? कदुओं तक तुसा खे सईन कहें? तेसखे और ल्याओ मांगे।” 42 से आऊणे ई लगी रा था कि दुष्टामे से पटकी की मकरेडेया, पर यीशु दुष्टामा खे बके और पाऊए खे ठीक करी की तेसरे पिते गे सम्बाली ता। 43 तेबे सारे लोक परमेश्वरो री महान् सामर्था ते हैरान ऊँझे। पर जेबे सब लोक तिना सबी कामा ते जो से करो था, अचम्बा करने लगी रे थे, तो तिने आपणे चेलेया खे बोलेया, 44 “चौकस रओ और यो गल्ला तुसे याद राखो, कऊँकि आऊँ माणूं रा पुत्र माणूआ रे आथो रे पकड़वाऊणे वाला ए।” 45 पर सेयो एसा गल्ला खे नि समजो थे और ये तिना ते छिपी री रई, ताकि तिना खे तिजी रे बारे रे पता नि लगो और सेयो एसा गल्ला रे बारे रे पूछणे ते तिना ते डरो थे। 46 तेबे तिना बीचे ये बईस ऊणे लगी कि आसा बीचा ते बड़ा कुण ए? 47 पर यीशुए खे तिना रे मनो री गल्ल पता लगी गी, तेबे तिने एक बालक लयी की आपू गे खड़ा किरेया। 48 तेबे तिना खे बोलेया, “जो कोई मेरे नाऊं ते एस बालको खे मानोआ, से माखे मानोआ, जो माखे मानोआ, से मेरे पेजणे वाले खे मानोआ, कऊँकि जो कोई तुसा बीचा ते छोटे ते छोटा ए, सेई बड़ा ए।” 49 तेबे यूहन्ने बोलेया, “ओ मालक! आसे एक मांगू तुसा रे नाऊं ते दुष्टामा खे निकयालदा ऊआ देखेया और आसे तेसखे एड़ा करने ते ना कित्ती। कऊँकि से तेरा चेला नि था।” 50 यीशुए तिना खे बोलेया, “तेसखे ना नि करो, कऊँकि जो तुसा रे बिरोदे रे निए, से तुसा साथे ए।” 51 जेबे तिना रे ऊबे चकणे रे दिन पूरे ऊणे वाले थे, तेबे तिने यस्तलेमो खे जाणे रे बारे रे पवका बिचार करी ला। 52 तेबे तिने आपू ते आगे दूत पेजे। सेयो सामरिया रे गांव रे गये, ताकि तिना खे जगा त्याकरो। 53 पर तिने लोके सेयो उतरने नि दिरे, कऊँकि सेयो यस्तलेमो खे जाणे लगी रे थे। 54 ये देखी की तिना रे चेले याकूब और यूहन्ने बोलेया, “ओ प्रभु! क्या तुसे चाओए कि आसे आज्ञा देऊँ कि सर्गो ते आग पढ़ी की तिना खे स्वा करी देओ।” 55 पर यीशु मुड़ी की तिना खे बकणे लगे और बोलेया, “तुसे नि जाणदे कि तुसे

केढ़ी आत्मा रे ए? 56 कऊँकि माणूं रा पुत्र लोका रे प्राणा खे नाश करने नि, बल्कि बचाणे खे आयी रा।” तेबे सेयो केसी ओरी रे नगरो खे चली गे। 57 जेबे सेयो बाटा रिये चलणे लगी रे थे, तेबे किने तिना खे बोलेया, “जेती-जेती तुसे जाओगे, मां तुसा पीछे चली पड़ना।” 58 यीशुए तेसखे बोलेया, “गीदिया रे डवर और सर्मों रे पंछिया रे बरसेरे औए, पर मां माणूं रे पुत्रो खे सिर राखणे बी आपणा कअर निए।” 59 यीशुए दूजे खे बोलेया, “मां पीछे आयी जा।” तिने बोलेया, “ओ प्रभु, पईले माखे जाणे दे, कि आऊँ आपणे पिते खे दबाई आऊँआ। तेबे तां पीछे चली पड़ुँगा।” 60 यीशुए तेसखे बोलेया, “जो आत्मिक रूपो रे मरे रे ए तिना खे आपणे मुड़दे दबाणे दे, पर तूँ जाई की परमेश्वरो रे राज्य रा सुसमाचार सुणा।” 61 एकी ओरी बी बोलेया, “ओ प्रभु! मां तुसा पीछे आयी जाणा, पर पईले माखे जाणे दे, ताकि आऊँ आपणे कअरो वालेया ते बिदा लँऊँ।” 62 यीशुए तेसखे बोलेया, “जो कोई आपणा आथ अलो पाँदे राखी की पीछे देखोआ, से परमेश्वरो रे राज्य जोगा निए।”

10 इना गल्ला ते बाद प्रभुए सत्तर और चेले और नियुक्त कित्ते और जेती-जेती नगर और जगा रे सेयो आपू जाणे वाले थे, तेती तिने सेयो दो-दो करी की आपू ते आगे पेजे 2 और यीशुए तिना खे बोलेया, “पाकके रे डोरू तो बऊत ए, पर मजूरदार कम ए इज्जी री खातर डोरूआ रे मालको ते प्रार्थना करो कि सेयो आपणे डोरूआ बडाणे खे मजूरदार पेजो। 3 जाओ; देखो, आऊँ तुसा खे पेडा जेडे तिना लोका बीचे पेजुँआ जो भेड़िए जेडे खतरनाक ए। 4 तेबेई तो ना बटुआ, ना चोली, ना जोड़े लणे और ना ई बाटा रे केसी खे नमस्ते करनी। 5 जेस केसी रे कअरो रे जाओ पईले बोलो, ‘एस कअरो रा कल्याण ओ।’ 6 जे तेती कोई कल्याणो जोगा ओगा, तो तुसा रा कल्याण तेसखे लगणा, नई तो तुसा गे वापस आयी जाणा 7 और तेसी कअरो रे रओ और जो कुछ तुसा खे खाणे-पीणे खे मिलो, खाओ-पीओ, कऊँकि मजूरदारो खे तिना री मजदूरी मिलणी चाईद्यो; और कअरो-कअरो जाई की नि कूमणा 8 “और जेते नगरो रे जाओ और तेथो रे लोक तुसा खे मानो, तो जो सेयो तुसा रे सामणे राखो, सेई खाओ। 9 तेथो रे बमारा खे ठीक करो और तिना खे बोलो कि परमेश्वरो रा राज्य तुसा रे नेडे आयी पऊँछी रा। 10 पर जेस नगरो रे जाओ और तेथो रे लोक तुसा खे नि मानो, तो तिना रे बजरो रे जाई की बोलो 11 ‘तुसा रे नगरो री तूँ बी जो म्हारे पैरो रे लगी री, आसे तुसा सामणे चाड़ी देऊँए, तेबे बी ये जाणी लो कि परमेश्वरो रा राज्य तुसा रे नेडे आयी पऊँछी रा।’ 12 आऊँ तुसा खे बोलूँआ कि तेस दिने, तेस नगरो री दशा ते, सदोम नगरो री दशा जादा सईणे जोगी ऊणी। 13 “हाय खुराजीन! हाय बैतसैदा! जो सामर्थ रे काम तुसा रे कित्ते, जे सेयो सूर और सेदा रे नगरा ऊँदे, तो टाट टखी की और स्वाई बीचे बेठी की सेयो कदका मन फिराई देंदे। 14 पर न्याय रे दिना रे तुसा री दशा ते, सूर और सैदा री दशा जादा सईणे जोगी ऊणी। 15 ओ कफरनहम! क्या तूँ स्वगों तक ऊच्चा करेया जाणा? तूँ तो नरको तक थाले करेया जाणा। (Hades g86) 16 जो तुसा री सुणोआ, से मेरी सुणोआ और जो तुसा खे

तुच्छ जाणोआ, से माखे तुच्छ जाणोआ और जो माखे तुच्छ जाणोआ, से मेरे पेजणे वाले खे तुच्छ जाणोआ।” 17 सेयो सत्तर चेले खुश ऊई की आयी की फेर बोलणे लगे, “ओ प्रभु! तुसा रे नाओं ते दुष्टात्मा बी आसा रे वशो रे ए।” 18 यीशुए तिना खे बोलेया, “आऊँ शैतानो खे बिजिलिया जेडा, स्वर्गो ते ऊतरदा ऊआ देखणे लगी रा था। 19 देखो; मैं तुसा खे सापो और बिच्छुआ खे केसणे रा और तुसा रे दुश्मण शैतानो री सारी सामर्था पाँदे अक्क देई राखेया और केसी बी चीजा ते तुसा खे नुकशाण नि ऊणा। 20 तेबे बी इजी ते खुश नि ओ कि दुष्टात्मा तुसा रे वशो रे, पर इजी ते खुश ओ कि तुसा रे नाओं स्वर्गो रे लिखे रे।” 21 तेसी बखते यीशु पवित्र आत्मा रे खुश ऊई की बोलणे लगे, “ओ पिता! स्वर्ग और तरतिया रे प्रभु! आऊँ तुसा रा धन्यवाद करूँआ कि तुसे यो गल्ला ज्ञानी और समजदारा ते लकोई रिया राखिया और बाल्का गे बताईया। आ, ओ पिता! कऊँकि तुसा खे येई खरा लगेया। 22 मेरे पिते मांगे सब कुछ सम्बाली ता रा, और कोई नि जाणदा कि पुत्र कूणे? बस पिता और पिता कूणे? ये बी कोई नि जाणदा। बस पुत्र और जेस पाँदे पुत्र प्रगट करना चाओ।” 23 तेबे तिने चेलेया री तरफा खे फिरी की बोलेया, “धन्य ए सेयो आखी, जो इना गल्ला खे जो तुसे देखोए, सेयो बी देखोईया। 24 कऊँकि आऊँ तुसा खे बोलूँआ कि बक्त तसे भविष्यबक्ते और राजे चाया कि जो गल्ला तुसे देखोए, देखो, पर देखी नि सके और जो गल्ला तुसे सुणोए, सुणो, पर सुणी नि सके।” 25 एक दिन जेबे यीशु लोका खे उपदेश देणे लगी रे थे तेबे एक धर्मशास्त्री उठेया और ये बोली की तिना री परीक्षा करने लगेया, “ओ गुरु! अनन्त जीवनो रा बारस ऊणे खे आऊँ क्या करूँ?” (*aiōnios g166*) 26 यीशुए तेसखे बोलेया, “मूसे रा बिधानो रे क्या लिखी राखेया? तूँ तिजी रा बखाण किंयाँ करेया?” 27 तिने जवाब दित्तेया, “तूँ प्रभु आपणे परमेश्वरो साथे आपणे पूरे मन, पूरे प्राण, पूरी शक्ति और पूरिया अकला साथे प्यार राख और आपणे पड़ोसिये खे आपू जेडा प्यार राख।” 28 यीशुए तेसखे बोलेया, “तैं ठीक बोलेया, येई कर, तो तां अनन्त जिन्दगी पाणी।” 29 पर तिने आपणे आपू खे तर्मी ऊणे री तंई पूछेया, “तो मेरा पड़ोसी कूणे?” 30 यीशुए बोलेया, “एक मांणू यूरशलेमो ते यरीहो नगरो खे जागे लगी रा था, तेबे डाकूए से पकड़ेया और तेसरे टाले खुलाई ते और तेसखे कुटी की और अदमुआ करी की चली गे। 31 तेबे एड़ा ऊआ कि तेसा ई बाटा ते एक यहूदी पुरोईत जाणे लगी रा था, पर तेसखे देखी की बिना मताद कित्ते ग्लयान करी की चली गा। 32 ईयाँ ई एक लेवी जो मन्दरो रे काम करोआ तिसिये आया, से बी तेसखे देखी की बिना मताद कित्ते ग्लयान करी की चली गा। 33 पर सामरी प्रदेशो रा एक यात्री तिसिये आया। जेबे तेसरी नजर तेस काईल मांणूए पाँदे पड़ी, तेबे तेसखे देखी की तेस सामरिये खे तेस पाँदे तरस आईगा। 34 तेबे तिने तेसगे आयी की, जेती बूढ़ी री थी, तेती तेल और दवाई लगाई की और पटिया बानिया और आपणी सवारिया पाँदे चढ़ाई की संरायी खे लयी गा और तेसरी सेवा किती। 35 दूजे दिने आयी की तिने दो चाँदिए रे सिक्के

निकयाली की संरायी रे मालको खे दिते और बोलेया, ‘‘एसरी सेवा करनी और जो कुछ तेरा और लगणा से जेबे आऊँ वापस आऊणा, तेबे ताखे दई देईगा।’’ 36 एबे बताओ कि जो डाकूआ रे गेडे रे आईगा था, इना तिक्क बीचा ते तेसरा पड़ोसी कूणे?’’ 37 तिने बोलेया से, “जिने तेस पाँदे दया किती।” यीशुए तेसखे बोलेया, “जा तूँ बी एड़ा ई कर।” 38 यीशु और तिना रे चेले सफर करदे ऊए एक गांव रे पड़ँछे, जेती मार्था नाओं री एक जवाणसे सेयो आपणे कअरे बुलाए। 39 मरियम नाओं री तेसा री एक बर्झन थी, से यीशुए रे पैरा गे बैठी की तिना रा उपदेश सुणने लगी री थी। 40 पर मार्था कअरो रा काम करी-करी की थकी गी और तिना गे आयी की बोलणे लगी, “ओ प्रभु! क्या तुसा खे पता निए कि मेरी बईंगे आऊँ कअरो रा काम करने खे कलली छाडी ती री? तो एसा खे बोलो कि मेरी मताद कर।” 41 यीशुए तेसा खे बोलेया, “मार्था ओ मार्था! तूँ बक्त गल्ला री चिन्ता करेई और कबराएई। 42 पर एक गल्ल जसर ए और से उत्तम इस्सा मरियमे चूणी ला रा, जो तेसा ते छुड़ाया नि जाणा।”

11 तेबे यीशु एकी जगा रे प्रार्थना लगी रे थे करने और जेबे सेयो प्रार्थना करी चुके, तेबे तिना रे चेलेया बीचा ते एकी जणे तिना खे बोलेया, “ओ प्रभु! जियाँ यूहने आपणे चेलेया खे प्रार्थना करना सिखाया, तिंयाँ ई तुसे बी आसा खे सिखाई देओ।” 2 यीशुए तिना खे बोलेया, “जेबे तुसे प्रार्थना करो, तो बोलो; “ओ पिता तुसा रा नाओं पवित्र मानेया जाओ, तुसा रा राज्य आओ। 3 आसा रे पूरे दिनो री रोटी, हर दिन आसा खे देया करो। 4 म्हरे पाप माफ करो, कऊँकि आसे बी आपणे हर एक अपराधिया खे माफ करूँए और आसा खे परीक्षा रे नि ल्याओ।” 5 यीशुए तिना खे बोलेया, “तुसा बीचा ते कूणे कि तेसरा एक दोस्त औ और तुसे आदी राती जाई की तेसखे बोलो कि ओ दोस्त! माखे तीन रोटिया दे। 6 कऊँकि एक यात्री मांगे आयी रा और तेसखे देणे खे मांगे कुछ निए 7 और से पीतरो ते जवाब देओ कि माखे तंग नि कर, एबे तो द्वार बंद ऊईंगे रे और मेरे बाल्क मांगे बछाऊणे रे ए, तेवेई तो आऊँ ताखे उठी की देई नि सकदा। 8 आऊँ तुसा खे बोलूँआ कि जे तेसरा दोस्त ऊई की बी, तेसखे उठी की ना करो, तेबे बी तेसखे शर्म छाडी की मांगणे री बजअ ते, जितणी तेसखे जसरत ए, तिथणा उठी की देणा। 9 आऊँ तुसा खे बोलूँआ कि तुसा री जो बी जसरत ए से परमेश्वरो ते माँगो और परमेश्वरो ते पाणे री उम्मीद बी राखो। 10 कऊँकि जो कोई माँगोआ, तेसखे मिलोआ, और जो टोलोआ, से पाओआ और जो खटखटाओआ, तेसखे खोलेया जाओआ। 11 तुसा बीचा ते कुण एड़ा पिता ए कि तेसरा पाऊ तेसते रोटी माँगो और से तेसखे पात्थर देओगा या मछली माँगो और से मछलिया रे बदले साप देओ। 12 या अण्डा माँगो और तेसखे बिच्छु देओ? 13 तो तेबे तुसे बुरे ऊई की आपणे बच्चेया खे खरी चीजा देणा जाणोए, तो तुसा रे स्वर्गिय पिते आपणे मांगणे वालेया खे पवित्र आत्मा कऊँ नि देणी?” 14 तेबे तिने एक गूँगी दुष्टात्मा निकयाली, जेबे दुष्टात्मा निकली गी, तेबे गूँगा बोलणे लगेया और लोक हैरान ऊईंगे। 15

पर तिना बीचा ते कई जणे बोलेया, “ये तो दुष्टात्मा रे सरदार शैतानो री मतादा ते दुष्टात्मा खे निकयालोआ।” 16 तेबे कईइ तिना खे परखणे खे सर्गो रा एक चिह्न मांगेया। 17 पर यीशुए तिना रे मनो री गल्ल जाणी की तिना खे बोलेया, “जेस-जेस राज्य रे फूट ओई, से राज्य ऊङडी जाओआ। और जेस कअरो रे फूट ओई, से नाश ऊई जाओआ। 18 और जे शैतान आपणा ई बिरोदी ऊई जाओगा, तो तेसरा राज्य किंयाँ बणे रा रई सकोआ? कऊँकि तुसे मेरे बारे रे तो बोलोए कि शैतानो री मतादा ते दुष्टात्मा खे निकयालोआ। 19 जे आँ शैतानो री मतादा ते दुष्टात्मा खे निकयालूँआ, तो तुसा री ल्वादा केसरी मतादा ते निकयालोप? इजी री खातर तिना ई तुसा रा न्याय चुकाणा। 20 पर जे आँ परमेशरो री सामर्था ते दुष्टात्मा खे निकयालूँआ, तो परमेशरो रा राज्य तुसा रे नेडे आयी पऊँछी रा 21 जेबे तागतबर मांणू अथिथार बानी की आपणे कअरो री रखवाली करोआ, तो तेबे तेसरे कअरो री सारी सम्पति बची री रओई। 22 पर जेबे कोई तेसते बी बलवान, तेस पाँदे चढाई करी की तेसा जीती लओआ, तेबे तेसरे सेयो अथिथार जिना पाँदे तेसखे विश्वास था, छुडाई लओए और तेसरी सम्पति लूटी की बांडी देओआ। 23 जो मां साथे निए, से मेरे खलाफ ए और जो मां साथे कट्टा निकरदा, से बखरोआ। 24 “जेबे दुष्टात्मा मांणूए ते निकली जाओई, तेबे से राम करने खे सूकी जगा टोलो ई और जेबे मिलदी नि, तेबे बोलोई कि मां आपणे तेस कअरो रेई, जेथा आँ निकली थी, वापस चली जाणा। 25 और तेबे तेसा खे आयी की से, साफ-सुथरा और सजाया रा मिलोआ। 26 तेबे से आपू साथे सात और दुष्टात्मा खे ल्याओई और सेयो तेथी बैठी जाओईया और तेस मांणूए री दशा पईलकी दशा ते बी खराब ऊई जाओई।” 27 जेबे यीशु इना गल्ला करने ई लमी रे थे, तेबे पीड़ी बीचा ते एक जवाणसे जोरे की बोलेया, “धन्य से माए जेसे ताखे जन्म देई राखेया और सेयो स्तन, जो तें चूसी राखे।” 28 यीशुए बोलेया, “आ; पर धन्य ए सेयो, जो परमेशरो रा वचन सुणोए और मानोए।” 29 जेबे बड़ी पीड़ कट्टी ऊङडी, तेबे यीशु बोलणे लगे, “एस जुगो रे लोक बुरे ए, सेयो चिह्न टोलोए, पर योना रे चिह्ने खे छाडी की तिना खे ओर कोई चिह्न नि देणा। 30 जेडा योना नीनवे रे लोका खे चिह्न ऊआ, तिंयाँ ई माणूं रा पुत्र बी एस जुगो रे लोका खे ऊणा। 31 दख्खणो री राणी न्याय रे दिनो रे एस बखतो रे लोका साथे उठणी और सेयो दोषी ठराणे, कऊँकि से सुलेमानो रा ज्ञान सुणने खे तरतिया रे दूजे कनारे पाँदा ते आयी थी और देखो एती तो से ए, जो सुलेमानो ते बी बडा ए। 32 नीनवे रे लोक न्याय रे दिनो दे, एस बखतो रे लोका साथे खड़े ऊई की, सेयो दोषी ठराणे, कऊँकि तिने योना रा प्रचार सुणी की मन फेरेया और देखो एती से ए, जो नीनवे ते बी बडा ए। 33 “कोई बी माणू दिक्कए खे टोकरू निठे या पैमाने ते थाले नि राखदा, पर फटिया पाँदे राखोआ, ताकि पीतरे आउणे वालेया खे प्रयासा ओ। 34 तेरे शरीरो रा दिक्कआ, तेरी आखी ए, तेबेर्इ तो जेबे तेरी आखी साफ ए, तो तेरे सारे शरीरो रे बी प्रयासा ऊणा; पर जे से बुरी ए, तो तेरे शरीरो रे बी न्हेरा ए। 35 इजी री खातर चौकस रणा कि

जो सफाई तादे आए, से मईली नि ऊई जाओ। 36 तेबेर्इ तो जे तेरा सारा शरीर साफ ए और तीजी रा कोई बी इस्सा मईला निए, तो तेबे सारी जगा रे एड़ा प्रयासा ऊणा, जेडा तेस बखते ओआ, जेबे दिक्कआ आपणी चमका ते ताखे प्रयासा देओआ।” 37 जेबे यीशु इना गल्ला करने लगी रे थे, तेबे एक फरीसिये तिना ते बिनती कित्ती कि मेरे कअरे रोटी खाओ और तेबे सेयो पीतरे जाई की रोटी खाणे बैठे। 38 फरीसी ये देखी की हैरान ऊङडा कि ये रोटी खाणे ते पईले नाया नि। 39 यीशुए तेसखे बोलेया, “ओ फरीसियो! तुसे तिना कटोरे और थालिया जेडे ए, जिना खे पाँदा-पाँदा ते तो मांजी लओए, पर पितरे तिना रे गन्धनी परी री रओई। 40 ओ मूर्खो! जिने बारला इस्सा बणाई राखेया, क्या तिने पितरला इस्सा नि बणाया? 41 पर आ; पितरलिया चीजा खे दान करी देओ, तो देखो, सब कुछ तुसा खे शुद्ध ऊई जाणा। 42 “पर ओ फरीसियो! तुसा पाँदे हाय! तुसे पदीने, सुदाब और सब पांती-पांती रे साग पातो रा दसुआ पाअग देओए, पर न्याय और परमेशरो रे प्यारो खे टाली देओए, तुसा खे चाईदो था कि इना खे बी करदे रंदे और तिना खे पनि छाड़दे। 43 ओ फरीसियो तुसा पाँदे हाय! तुसे प्रार्थना रे कअरो रे खास-खास आसण और बजारो रे नमस्ते चाओए। 44 तुसा खे हाय! कऊँकि तुसे तिना छिपी री कब्रा जेडे ए, जिना पाँदे लोक चलोए, पर जाणदे नि।” 45 तेबे एक धर्मशास्त्री तिना खे जवाब दितेया, “ओ गुरु! इना गल्ला करने ते तुसे महारी निन्दा लगी रे करने।” 46 यीशुए बोलेया, “ओ धर्मशास्त्री! तुसा पाँदे हाय! तुसे लोका खे एड़े-एड़े कड़े नियम मानणे खे मजबूर करो थे जिना खे मानणा तिना बक्तु कठण ए। पर आपू तिना नियमा खे मानणे री बी कोशिश तक नि करदे। 47 हाय तुसा खे! तुसे तिना भविष्यबक्त्ते रिया कब्रा बणाओए, जो तुसा रे बाप-दादेया काये थे। 48 तो तुसे गवा ए और आपणे बाप-दादेया रे कामो ते सईमत ए। कऊँकि तिने सेयो काये और तुसे तिना खे कब्रा बणाओए। 49 तेबेर्इ तो परमेशरो री बुद्धिए बी बोलेया कि मां तिना गे भविष्यबक्ता और प्रेरित पेजणे और तिना, तिना बीचा ते कितणे जणे काणे और कितणे जणे सताणे। 50 ताकि जितणे बी भविष्यबक्ते रा खनु दुनिया री शुरूआता ते बाह्यी राखेया, सबी रा लेखा एस जुगो रे लोका ते लया जाओ। 51 “हाबिलो री अत्या ते लयी की जकरयाहो री अत्या तक, जो बेदिया ते लयी की मन्दरो रे बीचा तक काया, आँ तुसा खे सच बोलूँआ कि तीजी रा लेखा एस बखतो रे लोका ते लया जाणा। 52 हाय तुसा धर्मशास्त्री खे! कऊँकि तुसे जानो री कुँजी लयी तो लयी, तुसे ना तो आपू ई तेती जांदे और ना ई तिदे जाणे वालेया खे जाणे देंदे।” 53 जेबे यीशु तेथा ते निकले, तेबे शास्त्री और फरीसी बक्तु पांचे पड़ी गे और तिना खे छेड़ने लगे कि सेयो मुखती सारिया गल्ला बताओ। 54 और तिना री ताका रे लगे रये कि तिना रे मुंओ री केसी गल्ला खे पकड़िए।

12 तदुओ की जेबे ह्यारा री पीड़ लगी गी, एथो तक कि एकी-दूजे पाँदे पड़ने लगी रे थे। तेबे यीशु सबी ते पईले आपणे चेलेया खे बोलणे लगे, “फरीसिये रे कपटी सजेडे ते चौकस रण। 2 कुछ बी

टकेया रा निए, जो खोलेया नि जाणा और ना कुछ छिपेया राए, जो जाणी नि सकदे। ३ तेबेई तो, जो कुछ तुसे न्हेरे रे बोली राखेया, से सामणे सुपेया जाणा और जो तुसे कोठरिया रे आपणे कानो रे खसफस करी की बोली राखेया, से छतो पाँदो ते बोलेया करो। ४ “आऊँ तुसा खे, जो मेरे दोस्त ए, बोलूँआ कि जो शरीरो खे काओए, पर तीजी ते पीछे और कुछ नि करी सकदे, तिना ते नि डरो। ५ आऊँ तुसा खे बताऊँआ कि केस ते डरना चाईयो, घात करने ते बाद, जेसखे नरको रे सेटेण रा अक्क ए, तेसते ई डरो; बल्कि आऊँ तुसा खे बोलूँआ कि तेसते ई डरो। (Geenna g1067) ६ दो पैसे रिया पाँज चिंडिया बिकोईया? तेबे बी परमेशर तिना बीचा ते एकी खे पिन पुलदा। ७ बल्कि तुसा रे सिरो रे बाल बी सारे गिणे रे ए, तो डरो नि, तुसे बऊत चिंडिया ते बढ़ी की ए। ८ “आऊँ तुसा खे बोलूँआ कि जो कोई मांणूआ सामणे माखे मानी लओगा, तेबे से बी मां मांणू रे पुत्रो परमेशरो रे स्वर्गदूता सामणे मानी लणा। ९ पर जो मांणूआ सामणे माखे ना करो, तेसखे परमेशरो रे स्वर्गदूता सामणे ना ऊणी। १० जो कोई मांणू रे पुत्रो रे खलाफ कोई गल्ल बोलोगा, तेसरा से अपराध माफ ऊई जाणा, पर जो कोई पवित्र आत्मा री निन्दा करोगा, तेसरा से अपराध माफ ऊणी। ११ जेबे लोक तुसा खे प्रार्थना रे करअरो रे, हाकिम और अधिकारिए सामणे लयी जाओगे, तो चिन्ता नि करना कि आसे किंयाँ और क्या जवाब देईए। १२ कऊँकि पवित्र आत्मा तुसा गे तेसी बखते बताई देणा कि क्या बोलणा चाईयो?” १३ तेबे पीड़ा बीचा ते एकी जणे यीशुए खे बोलेया, “ओ गुह्य! मेरे पाईयो खे बोलो कि पिते री सम्पति माखे बांडी दे!” १४ यीशुए तेसखे बोलेया, “ओ मांणू! आऊँ किने तुसा रा न्यायी और बांडोंवा लाला बणाई राखेया?” १५ तेबे तिने तिना खे बोलेया, “चौकस रओ; और हर प्रकारा रे लोबो ते आपू खे बचाई की राखो, कऊँकि केसी री बी जिन्दगी, तेसरी सम्पत्या ते बड़ी नि ऊँदी।” १६ यीशुए तिना खे एक उदारण बोलेया, “एक धनवानो री जमीना रे मुखती फसल ऊई। १७ तेबे से आपणे मनो रे सोचणे लगेया कि आऊँ क्या करूँ? कऊँकि मांगे तो जगा निए, जेती आपणी फसल बगैरा राखूँ। १८ तेबे तिने सोचेया कि मां आपणे पण्डार तोड़ी की ओर बड़े पण्डार बनाणे और तेती मां आपणी सारी फसल और सम्पति राखणी १९ और तिजी ते बाद आपणे प्राणो खे बोलणा कि ओ प्राण! ताखे कई साला तक मुखती सम्पति राखी ती री; चैन कर, खा-पी सुखो साथे रओ। २० पर परमेशरे तेसखे बोलेया, ‘ओ मूर्ख! आज की राती ई तेरी मौत ऊई जाणी, तेबे जो कुछ तैं कट्ठा करी राखेया, से केसरा ऊणा?’ २१ एड़ा ई से मांणू बीए, जो आपू खे पैसा कट्ठा करी राखेया, पर परमेशरो री नजरा रे अमीर निए।” २२ तेबे यीशुए आपणे चेलेया खे बोलेया, “तेबेई तो आऊँ तुसा खे बोलूँआ कि आपणी जिन्दगिया रे बारे रे ये चिन्ता नि करो कि आसे क्या खाऊँगे, ना आपणे शरीरो रे बारे रे कि क्या पर्झिनुँगी। २३ कऊँकि रोटिया ते जिन्दगी और टालेया ते शरीर केथी जादा किमती ए। २४ कावा पाँदे त्यान देओ, सेयो ना बांदे, ना बाढ़े, ना तिना रे पण्डार ए और ना पेढ़ू ऊँदा, तेबे बी परमेशर तिना खे पालोआ,

तुसा री कीमत पछिया ते केथी बढ़ी की ए। २५ तुसा बीचा ते एड़ा कुण ए, जो चिन्ता करी की आपणिया जिन्दगिया री एक कअड़ी बी बढ़ाई सकोआ? २६ तेबेई तो जे तुसे सबी ते छोटा काम पनि करी सकदे, तो औरी बढ़ी गल्ला खे चिन्ता करी क्या फाईदा? २७ बांके जंगली फूला पाँदे त्यान करो कि सेयो किंयाँ बड़ोए, सेयो ना तो मईण्ठत करदे, ना आपू खे टाले बणाओए, तेबे बी आऊँ तुसा खे बोलूँआ कि राजा सुलेमान बी आपणे सारे ऐशो-आरामो रे बी, तिना बीचा ते केसी एकी जेडे बी टाले नि पईने रा था। २८ तेबेई तो जेबे परमेशर मैदानो रे काओ खे, जो आज आए, और काल आगी बीचे फूकी देणा, तो जो तिदे बी एड़े बांके फूल खिलाओआ, तो ओ कम विश्वास करने वालेयो! तुसा खे तेस इना ते बढ़ी की बाके टाले कऊँ नि पनयाणे? २९ और तुसे एसा गल्ला री टोला रे नि रओ कि आसे क्या खाऊँगे, क्या पिंड़ेगे और ना शक करो। ३० कऊँकि दुनिया री जातिया इना सबी चीजा री टोला रे रओईया और तुसा रा पिता जाणोआ कि तुसा खे इना सबी चीजा री जरूरत ए। ३१ पर परमेशरो रे राज्य री टोला रे रओ, तो यो सब चीजा बी तुसा खे मिली जाणिया। ३२ “ओ छोटे चूण्ड, डर नि; कऊँकि तुसा रे पिता परमेशरो खे ये अच्छा लगेया कि तुसा खे राज्य देँदे। ३३ आपणी सम्पति बेची की दान करी देओ और आपू खे एड़े बटुए बणाओ, जो पुराणे नि ऊँदे, मतलब-स्वर्गो रे एड़ा धन कट्ठा करो, जो कटदा नि और तीजी रे नेडे चोर नि जांदा और कीड़ा नि खांदा। ३४ कऊँकि जेती तुसा रा धन ए, तेती तुसा रा मन बी लगेया रा रणा। ३५ “तुसा परमेशरो रा काम करने खे सदा त्यार रओ और मसीह रे आऊणे रे बखते और तेसखे ग्रहण करने खे एड़े त्यार रओ जेडे दिजाए बलदे दिजाए रओ। ३६ मेरे वापस आऊणे खे तिना दासा जेडे त्यार रओ, जो आपणे स्वामिए खे न्यालदे रओए कि से व्याओ ते कदी जे आऊणा कि जेबे से आओ और द्वार खटखटाओ तो तेसखे फटाफट खोलेया जाओ। ३७ धन्य ए सेयो दास, जिना खे स्वामी आयी की जागदे ऊए देखोए, आऊँ तुसा खे सच बोलूँआ कि स्वामिए एड़े टाले पर्झनणे जेडे दास पर्झनोए और तेस दासा खे बठायली की से रोटी खाणे खे देणी जो तिने व्याओ ते प्रिया ल्याई राखेया। ३८ जे सेयो तिना खे राती रे दूजे या तीजे पइर आयी की जागदा ऊआ पाओ, तो सेयो दास धन्य ए। ३९ पर तुसे जाणी लओ कि जे कअरो रा मालक जाणदा कि चोर कदी जे आऊणा, तो जागदा रंदा और आपणे कअरे चोरी नि ऊणे देंदा। ४० तेबेई तुसे बी त्यार रओ, कऊँकि जेसा कअडिया रे बारे रे तुसे सोचदे पनि, तेसी कअडिया आऊँ मांणू रा पुत्र आयी जाणा।” ४१ तेबे पतरसे बोलेया, “ओ प्रभु! क्या तुसे ये उदारण आसा खेर्ह बोलणे लगी रे या सबी खे।” ४२ यीशुए बोलेया, “एक विश्वासो जोगा और अक्लमंद पण्डारी एड़ा ए: जेसखे कअरो रा मालक दूजे दासा पाँदे निगरानी और बखतो पाँदे रोटी देणे खे जिम्मेवारी देओआ। तिजी ते बाद से परदेशो खे चली जाओआ। ४३ धन्य ए से दास, जेसखे तेसरा मालक आयी की एड़ा ई करदा ऊआ पाओ। ४४ आऊँ तुसा खे सच लगी रा बोलणे कि तेस से आपणी सारी सम्पत्या

पाँदे अक्कदार ठराणा। 45 पर जे से दास सोचणे लगो कि मेरा मालक आऊणे रे देर करने लगी रा और दास-दासिया खे कुटणे-फानणे और खाणे-पीणे और पियककड़ ऊणे लगो 46 तो तेस दासो रा मालक एडे दिने आऊणा, जेबे से तेसखे न्यालदा ई ना जो और एडिया कअडिया दे, जेतेखे से नि जाणदा ओ। तेबे तेस तेसखे बऊत दपउ देणा और तेसरा इस्सा कपटिया साथे ठराणा। 47 से दास, जो आपणे मालको री इच्छा जाणोआ पर त्यार नि रथा और ना तेसरी इच्छा रे मुताबिक चलेया, तो तेस बऊत मार खाणी। 48 पर जो ना जाणी की मार खाणे जोग काम करोगा, तेस थोड़ी मार खाणी, तेबेई तो जेसखे बऊत दई राखेया, तेसते बऊत मांगेया जाणा और जेसगे बऊत सम्बाली राखेया, तेसते बऊत लया जाणा। 49 “आऊँ तरतिया पाँदे आग लगाणे आयी रा और ये चाऊँआ कि एबु ई सुलगी जांदी। 50 मां तो एक दुःखदाई बपतिस्मा लणा ए और जदुओ तक से नि ऊई लो, तदुओ तक आऊँ केडिया दशा रे रणा? 51 क्या तुसे एडा समजोए कि आऊँ तरतिया पाँदे मेल-जोल करने आयी रा? आऊँ बोलूँआ कि ना, बल्कि लग करने आयी रा। 52 कऊँकि आजो ते एकी कअरे पाँज जणे बिरोदी रणे। तीना, दूँहूं ते और दूँहूं तीना ते। 53 पिते पाऊए ते और पाऊए, पिते ते, माया बेटिया ते और बेटिया माया ते, सासुआ बऊता ते और बऊता सासुआ ते बिरोद राखणा।” 54 यीशुए पीडा खे बी बोलेया, “जेबे बादलो खे पच्छमा ते उड़दे ऊए देखोए, तेबे फटाफट बोलोए कि बर्खा ऊणी और एडा ई ओआ। 55 और जेबे अवा दक्खणो खे चलदी ऊई देखोए, तो बोलोए कि लू चलणी और एडा ई ओआ। 56 ओ कपटियो! तुसे तरती और सर्गो रे रूप-रंगो रे भेद करी सकोए, पर एस जुगो रे बारे रे कऊँ भेद करना नि जाणदे? 57 “तुसे आपू ई न्याय कऊँ नि करी लंदे कि अच्छा क्या ए? 58 जेबे तूँ आपणे दुश्मणो साथे हाकिमो गे जाणे लगी रा, तो बाटा रई तेसते छुटणे री कोशिश करी लो, एडा नि ओ कि से ताखे न्यायियो गे खिंजी की ल्याओ और न्यायी ताखे सिपाईया गे देयो और सिपाई ताखे जेला रे पाई देओ। 59 आऊँ तुसा खे बोलूँआ कि जदुओ तक तुसे दमडी-दमडी (पाई-पाई) नि देई देओगे, तदुओ तक तेथा ते छुटणा नि।”

13

तेस बखते कुछ लोक आए और यीशुए खे बोलेया कि पिलातुसे गलील प्रदेशो रे कुछ लोका री अन्त्या करी ती, जेबे सेयो मन्दरो रे बलिदान करने चढाणे लगी रे थे। 2 ये सुणी की यीशुए तिना खे जवाब दितेया, “क्या तुसे समजोए कि यो गलीली लोक ओर सबी गलीलिया ते जादा पापी थे कि तिना पाँदे एडी बिपदा पडी? 3 आऊँ तुसा खे बोलूँआ कि ना; पर जे तुसे मन नि फेरोगे तुसे बी सब ईंयां ई नाश ऊणो। 4 या तुसे समजोए कि सेयो ठारा जणे जिना पाँदे शीलोहो रा गुम्मट पड़या था और सेयो दबी की मरी गे थे, क्या यस्शलेम और सबी रणे वालेया ते जादा पापी थे? 5 आऊँ तुसा खे बोलूँआ कि ना, पर जे तुसे मन नि फेरोगे, तो तुसे बी ईंयां ई नाश ऊणो।” 6 तेबे यीशुए ये उदारण सुणाया, “केसी रे अँगूरा रे बगीचे रे दाऊगले रा एक डाल लगी रा था, से

तिदे फल टोलने आया, पर मिलेया नि। 7 तेबे तिने बगीचे रे रखवाले खे बोलेया, ‘‘देख आऊँ तीन साला ते इदे फल टोलने आऊँका, पर मिलदा नि, एसखे बाडी दे, ताकि ये खरी जमीना खे पनि रोको।’’ 8 तिने तेसखे बोलेया कि ओ स्वामी! एसखे एस सालो रे ओर रणी दे कि आऊँ एतेरे चाऊँ कनारे खणी की खाद सेटुँ। 9 तो जे आगो खे फल लगेया तो ठीक, नई तो बाडी देयो।” 10 आरामो रे दिने यीशु प्रार्थना रे कअरो रे उपदेश देणे लगी रे थे। 11 तेबे एक जवाणस आयी, जेसा रे ठारा साला ते, कमजोर करने वाली दुष्टात्मा थी और से कुबडी ऊईगी थी और किंवां थी सीदी नि ऊई सको थी। 12 यीशुए से देखी की बुलाई और तेसा खे बोलेया, “ओ जवाणसे! तूँ आपणी कमजोरिया ते छूटी गी।” 13 तेबे तिने तेसा पाँदे आथ राखे और से फटाफट सीदी ऊईगी और परमेश्वरो री तारीफ करने लगी। 14 कऊँकि यीशुए से आरामो रे दिने ठीक किती थी, प्रार्थना रे कअरो रा सरदार जली की लोका खे बोलणे लगेया, “अफ्रते रे छे दिन ए जिदे काम करना चाईयो, तो तिना दिना रे आयी की ठीक ओ, आरामो रे दिने नि।” 15 ये सुणी की यीशुए जवाब दितेया, “ओ कपटियो! क्या आरामो रे दिने तुसा बीचा ते हर एक आपणे बलदा और गट्टेया खे गवाईयी ते खोली की पाणी पल्याणे नि लयी जांदा? 16 तो क्या ठीक नि था कि ये जवाणस जो अब्राहमो रे वंशो ते ए जो शैताने ठारा साला ते बानी राखी थी, आरामो रे दिने एसा खे बन्दनो ते छुड़ाया जाओ।” 17 जेबे यीशुए यो गल्ला बेलिया, तेबे तिना रे सब बिरोदी शर्मिंदा ऊईगी और सारी पीड़ तिना हैरान करने वालेया रे कामा ते, जो सेयो करो थे, खुश ऊई। 18 तेबे यीशुए बोलेया, “परमेश्वरो रा राज्य केस जेडा? और आऊँ तिजी री तुलना किजी साथे कहूँ? 19 से अजरिया रे एक दाणे जेडा ए, जो किने माणूप लयी की आपणे डोरुआ रे बाया और से बड़ा ऊई की डाल बणीगा और सर्गो रे पंछिया तेते पाँदे आपणा बसेरा कित्तेया।” 20 तिने फेर बोलेया, “आऊँ परमेश्वरो रे राज्य री उपमा किजी साथे कहूँ? 21 से सजेडे जेडा ए, जो एकी जवाणसे लया और बीई किलो ते जादा आटे रे गूँटी ता और ऊँदे-ऊँदे सारा आटा सजेडा ऊईगा।” 22 यीशु नगर-नगर और गांव-गांव रे आपणे चेलेया साथे उपदेश देदे ऊए यरूशलेमो खे जाणे लगी रे थे। 23 तेबे किने तिना ते पूछेया, “ओ प्रभु, क्या उद्धार पाणे वाले थोड़े ईए?” यीशु तिना खे बोलेया, 24 “स्वर्गो रे परमेश्वरो तक पक्कणे री बाट बऊत कठण ए। पर एते बाटा रिये तुसा चलणा ईए, कऊँकि आऊँ तुसा खे बोलूँआ कि बऊत जणेया चाणा कि पीतरे जाईए, पर जाई नि सकणे। 25 जेबे परमेश्वर, कअरो रा मालक उठी की द्वार बंद करी चुकेया ओगा और तुसे बारे खड़ी की द्वार खटखटाई की बोलणे लगो, ‘‘ओ प्रभु! आसा खे खोली देओ,’ और से जवाब देओ, ‘आऊँ तुसा खे नि जाणदा, तुसे केथो रे ए?’ 26 तेबे तुसा बोलणे लगणा कि आसे तां सामणे खाया-पिया और तैं आसा रे बजारो रे उपदेश कित्तेया। 27 पर तेस बोलणा, आऊँ तुसा खे बोलूँआ, ‘आऊँ नि जाणदा कि तुसे केथो रे ए? ओ कुकर्म करने वालेयो, तुसे सब मांते दूर रओ।’ 28 तेती रोणा और दाँदा रा किरड़ना ई ऊणा; जेबे तुसा अब्राहम,

इसहाक, याकूब और सब भविष्यवक्ता परमेश्वरों रे राज्य रे बैठे रे देखणे और आपणे आपू खे बारे निकयाले रा देखणा। 29 पूर्व और पच्छम, उत्तर और दक्षिणों रे लोका आयी की परमेश्वरों रे राज्य रे, साथे रोटी खाणी 30 पर एबे बक्तु सारे लोक जो आपणे आपू खे एते दुनिया रे बडे समजोए, सेयो परमेश्वरों री नजरा रे छोटे ऊई जाणे, और जिना खे संसार एबु छोटा समजोआ, सेयो परमेश्वरों री नजरा रे बडे समजे जाणे।” 31 तेसी कअङ्गिया रे बक्तु फरीसिये तिना खे आयी की बोलेया, “एथा ते निकली जा, कँऊकि हेरेदेस तुसा खे काणा चाओआ।” 32 यीशुए तिना खे बोलेया, “जाई की तेसा लोमङ्गिया खे बोली देओ कि देख, माखे आज और काल दुष्टात्मा खे निकयाले और बमारा खे ठीक करदे ऊए तीन दिन लली जाणे। 33 तेबे बी मेरा आज, काल और परसु चलणा जस्ती ए, कँऊकि एडा ऊई नि सकदा कि कोई भविष्यवक्ता यस्तश्लेमो ते बारे मारेया जाओ। 34 “ओ यस्तश्लेमो रे लोको, ओ यस्तश्लेमो रे लोको! तूँ जो भविष्यवक्तेया खे काओआ और जो तांगे पेजी राखे, तिना खे पात्र बाएआ, कितणी बार मैं चाया कि जियाँ मुर्झी आपणे बच्येया खे आपणे पंखो निठे कट्टा करी की समालोई, तियाँ ई आऊँ बी चाऊँआ कि तेरे बालका खे कट्टा करी की समालूँ। पर तुसे नि चाया। 35 देखो, तुसा रा कअर तुसा खे उजाड़ी की छाडीता। कँऊकि आऊँ तुसा खे बोलूँआ कि एबुए ते जट्टुओ तक तुसे नि बोलोगे, ‘धन्य ए सेयो, जो प्रभुए रे नाओं ते आओए’ तदुओ तक तुसा आऊँ फेर कदी नि देखणा।”

14 तेबे यीशु आरामो रे दिने फरीसिया रे अधिकारिया बीचा ते केसी

एकी रे कअरे रोटी खाणे गये और सेयो तिना रे कोई गलती टोल्ने री ताका रे थे, ताकि तिना पाँदे कोई दोष लगाई सको। 2 तेती एक मांगू था जेसरे आयो रे और पैरा रे सोजा था 3 तेबे यीशुए धर्मशास्त्री खे और फरीसिया खे बोलेया, “क्या आरामो रे दिने अच्छा करना विधानो रे मुताबिक ठीक ए कि गलत?” 4 पर सेयो चुप-चाप रये। तेबे यीशुए से आथ लगाई की ठीक कित्तेया और जाणे दित्तेया 5 और तिना खे बोलेया, “तुसा बीचा ते एडा कूणे कि जेसरा पाऊ या बल्द कुँए रे पड़ी जाओ और तेस आरामो रे दिने ई तेसखे बारे नि निकयालो?” 6 सेयो इना गल्ला रा कोई बी जवाब नि देई सके। 7 जेबे यीशुए देखेया कि निऊँदे वाले लोक खास-खास जगा चूर्णी लओए, तेबे तिने एक उदारण सुणाई की तिना खे बोलेया, 8 “जेबे कोई ताखे ब्याओ खे बुलाओ, तो खास जगा रे नि बैठणा, केथी एडा नि ओ कि तिने तांते बी केसी बडे खे निऊँदा देई राखेया ओ। 9 और जिने ताखे और तेसखे, दूँखे खे निऊँदा देई राखेया, आयी की ताखे बोलो कि एसखे जगा छाड और तेबे ताखे सबी ते शर्मिदा ऊई की सबी ते थालली जगा रे बैठणा पड़ो। 10 पर जेबे ताखे बुलाओ, तेबे सबी ते थालली जगा रे जाई की बैठ, ताकि तेबे जिने तूँ बुलाई राखेया, से आओ और ताखे बोलो कि ओ दोस्त! आगे जे बैठ। तेबे तां साथे बैठणे वालेया सामणे तेरी तारिफ ऊणी 11 कँऊकि जो कोई आपू खे बड़ा बणाओगा, से छोटा कित्तेया जाणा और जो आपू खे छोटा बणाओगा, से बड़ा कित्तेया जाणा।” 12 तेबे यीशुए आपणे निऊँदा

देणे वालेया खे बोलेया, “जेबे तूँ दिनो री या साँजा री रोटी खाए तो तेबे तैं, आपणे दोस्त, पाई, टब्बरो वाले और अमीर दोस्त नि बुलाणे, केथी एडा नि ओ कि सेयो ताखे बी निऊँदा देओ और तेरा बदला चुकाई देओ। 13 पर जेबे तूँ रोटी खाए, तेबे कंगाला खे, टुण्डेया खे, लंगडेया खे और अन्देया खे बुला। 14 तेबे तूँ धन्य उणा, कँऊकि तिना गे ताखे बदला देगे खे कुछ निए, पर ताखे तर्मिया लोका रे मुझदेया बीचा ते जिऊँदे ऊणे पाँदे इजी रा ईनाम मिलाणा।” 15 तिना साथे रोटी खाणे वालेया बीचा ते एकी जणे इना गल्ला खे सुणी की बोलेया, “धन्य ए सेयो, जिना परमेश्वरो रे राज्य रे रोटी खाणी।” 16 यीशुए तेसखे बोलेया, “एकी मांपूए बक्त बडिया पाटिया कित्तिया और बक्त जणे बुलाए। 17 जेबे रोटी त्यार ऊईगी, तेबे तिने आपणे दासो रे जरिए निऊँदा दित्ते रे लोका खे बोलेया, ‘आयी जाओ और रोटी त्यार ए।’ 18 पर सेयो सब जणे माफी मांगणे लगे, एकी जणे बोलेया, ‘मैं तो डोरू मोले लयी राखे और माखे सेयो देखणे जर्ही ए, आऊँ तांते बिनती करूँआ कि माखे माफ करी दे।’ 19 दूजे बोलेया, ‘मैं पाँज जोड़े बलदा रे खरीदी राखे और आऊँ तिना खे परखणे खे चली रा, मेरी तांते बिनती ए कि माखे माफ करी दे।’ 20 एकी ओरी बोलेया, ‘मैं ब्या करी राखेया आऊँ नि आयी सकदा।’ 21 तिने दासे सारी गल्ल मालको गे सुणाई, तेबे तिने रोपो रे आयी की आपणे दासो खे बोलेया, ‘नगरो दे, बजारो और गलिया रे जाई की कंगाल, लंगडे, टूण्डे और अन्देया खे एती ली आओ।’ 22 दासे फेर बोलेया, ‘जियाँ तुमे बोलेया था, तियाँ ई कित्तेया, पर फेर बी जगा ए।’ 23 स्वामिए दासो खे बोलेया, ‘सङ्का ते और बाटा ते लोका खे जबरदस्ती ली आओ, ताकि मेरा कअर फरी जाओ।’ 24 कँऊकि आऊँ तुसा खे बोलूँआ कि तिना, जिना खे निऊँदा देई राखेया था, तिना निऊँदा दित्ते रे लोका बीचा ते एकी जणे पनि मेरे कअरे पट्टी चाखणी।” 25 तेबे यीशुए पीछे एक बड़ी पारी पीड़ जाणे लगी री थी, तेबे तिने तिना खे पीछे मुड़ी की बोलेया, 26 “जे कोई मागे आओ और आपणे माए-बाओ, लाडी, बाल-बच्चे, पाई, बईंग, बल्कि आपणे प्राणो ते बी बड़ी की मांते प्यार नि करो, तो से मेरा चेला नि ऊई सकदा। 27 जे तुसे मेरे चेले बणना चाओए, पर मेरिया तंई मरने खे त्यार निए और मां पीछे नि आओ, तो तुसे मेरे चेले नि ऊई सकदे। 28 तुसा बीचा ते कूणे, जो गढ़ बनाणा चाओआ और पईले बैठी की खर्च नि जोड़ी कि पूरा बनाणे लायक आए कि नई। 29 केथी एडा नि ओ कि जेबे निऊँ पाई की त्यार नि करी सको और सब देखणे वाले ये बोली की तेसरा मजाक ऊडणे लगो 30 कि ये मांणू बनाणे तो लगेया, पर त्यार नि करी सकेया। 31 या कुण एडा राजा ए, जो दूजे राजे साथे लड़ने जाओआ और पईले बैठी की बिचार नि करी लो कि जो बीई हजार लई की मां पाँदे चढ़ाई करने आऊणे लगी रा क्या आऊँ दस घ्यार लई की तेसरा सामणा करी सकोआ कि नई। 32 नई तो तेसते दूर रई की तेस आपणा दूत पेजी की मिलाप करना चाणा। 33 ईयाँ ई तुसा बीचा ते जो कोई आपणा सब कुछ नि छाडी देओगा, से मेरा चेला नि ऊई सकदा। 34 “लूण तो अच्छा ए, पर जे लूणो रा स्वाद बिगड़ी जाओ, तो

से किंजी चीजा साथे स्वाद कितेया जाणा? 35 से ना तो जमीना खे और ना खादा खे कामे आओआ, तेसखे तो लोक बारे सेटी देओए। जो समजी सकोआ से तिजी खे त्यानो साथे सुणो और मानी बी लओ।”

15 बऊत सारे चूंगी लणे वाले और पापी यीशुए गे आया करो थे,

ताकि तिना री सुणो 2 तेबे फरीसी और शास्त्री कुड़कुडाई की बोलणे लगे, “ये तो पापिया साथे मिलोआ और तिना साथे खाओ-पीओआ।” 3 तेबे यीशुए तिना खे ये उदारण बोलेया, “जे तुसा बीचा ते केसी एकी गे सौ पेडा ए। तिना बीचा ते एक पेड राची जाओ, तो नडिनूआ खे जंगलो रे छाडी की तेसा एकी खे जो राची री, जटुओ तक से मिली नि जाओ, तदुओ तक से तेसा खे टोलदा रणा 5 और जेबे मिली जाओई, तेबे से तेसा खे बड़ी खुशिया साथे कांदा पौंद चकी लओआ 6 और आपणे कअरे जाईकी आपणे दोस्ता और पड़ोसिया खे कट्टे करी की बोलोआ कि मां साथे खुशी मनाओ, कऊँकि मेरी राची री पेड मिलीगी री। 7 आऊं तुसा खे बोलूँआ ईयां ई एक मन फिराणे वाले पापिया रे बारे रे स्वर्गरे बी एड़ी ई खुशी ऊणी, जितणा नडिनूए एड़े तर्मिया रे बारे रे नि ऊणी, जिना खे मन फिराणे री जरूरत निए। 8 “या कुण एड़ी जवाणस ऊणी, जेसा गे दस सिक्के ओ और तिना बीचा ते एक राची जाओ और से दिझआ बाली की सारे कअरो रे सुण-प्वार करी की, जटुओ तक मिली नि जाओ, तदुओ तक मन लगाई की टोलदी नि रओ? 9 और जेबे मिली जाओआ, तेबे से आपणी सेलिया और पड़ोसणिया खे कट्टी करी की बोलोई कि मां साथे खुशी मनाओ, कऊँकि मेरा राचे रा सिक्का माखे मिली गा रा। 10 आऊं तुसा खे बोलूँआ कि ईयां ई एक मन फिराणे वाले पापिया रे बारे रे परमेशरो रे स्वर्गदूता सामणे खुशी ओई।” 11 तेबे यीशुए एक और उदारण बोलेया, “एक मांणूए रे दो पाऊ थे। 12 तिना बीचा ते छोटे पाऊए आपणे पिते खे बोलेया, ‘ओ पिता सम्पत्तिया बीचा ते जो मेरा इस्सा आए, तेस माखे एबु देई दे।’ तिने तिना खे आपणी सम्पत्ति बांडी ती। 13 तेबे जादा दिन नि थे ऊरे कि छोटा पाऊ आपणा सब कुछ कट्टा करी की दूर देशो खे चली गा और तेती कुकर्मो रे आपणी सम्पत्ति ऊँडाई ती। 14 जेबे से सब कुछ खर्च करी चुकेया, तेबे तेते देशो रे बड़ा अकाल पड़ी गा और से कंगाल ऊँडाई और तेसगे खाणे खे कुछ बी नि रया। 15 तेबे से तेस देशो रे रणे वालेया बीचा ते एकी रे कअरे काम करने गया। तिने से आपणे डोरूआ रे सूंअर चराणे पेजेया 16 और से इतणा पूखा था और चाओ था कि तिना फलिया ते जो सूंअर खाओ ए, तिना साथे आपणा पेट पहू और तेसखे कोई कुछ नि देओ था। 17 जेबे से आपणी ओशा रे आया, तेबे बोलणे लगेया, ‘मेरे पिते रे मजूरदारा खे रेटिया ते जादी रोटी मिलो थी और आऊं एती पूखा मरने लगी रा। 18 मां एबे उठी की आपणे पिते गे जाणा और तेसखे बोलणा कि मैं परमेशरो रे खलाफ और तेरी नजरा रे पाप करी राखेया। 19 एबे एते जोगा नि रया कि तेरा पाऊ ओऊँ, माखे आपू गे एक मजूरदार जेडा राखी दे।’ 20 “तेबे से तेस देशो खे छाडी की आपणे पिते गे चली गा। से एबु दूर ई था कि तेसरे पिते तेसखे देखी की

तरस खाया और दौड़ी की आपणे पाऊए खे गले लगाया और बऊत चूमेया। 21 पाऊए तेसखे बोलेया, ‘पिता जी! मैं परमेशरो रे खलाफ और तेरी नजरा रे पाप करी राखेया और एबे एते जोगा नि रया कि तेरा पाऊ ओऊँ।’ 22 पर पिते आपणे दासा खे बोलेया, ‘फटाफट अच्छे ते अच्छे टाले एसखे पण्याओ और एसरे आपो रे छाप और पैरो रे जूतिया पण्याओ 23 और सबी ते बढ़िया ते बढ़िया खाणा बणाओ, ताकि आसे खाऊँ और खुशी मनाऊँ। 24 कऊँकि मेरा ये पाऊ मरी गा था और फेर जिऊँदा ऊँडाई रा, राची गा था, पर एबे मिली गा रा।’ सेयो खुशी मनागे लगे। 25 “पर तेसरा बड़ा पाऊ डोरूआ रे था और जेबे से आऊँदा ऊआ कअरो रे नेडे पक्केहया, तेबे तिने गाणे बजाणे रा और नाचणे रा अल्ला सुणेया। 26 तेबे तिने एकी दासो ते पूछेया, ‘ये क्या लगी रा ऊणे?’ 27 दासे बोलेया, ‘तेरा पाई वापस आयी रा और तेरे पिते सबी ते बढ़िया खाणा बणवाई राखेया, कऊँकि से ठीक-ठाक मिलेया।’ 28 ये सुणी की तेसखे रोष आईगा और पीतरे नि जाणा चाया, पर तेसरा पिता बारे आयी की तेसखे मनागे लगेया। 29 तिने पिते खे बोलेया, ‘देख, आऊँ इतणे साला ते तेरी सेवा करने लगी रा और कदी बी तेरी आज्ञा नि टाली और तेबे बी तैं माखे कदी बी बढ़िया खाणा नि दितेया, ताकि आऊँ आपणे दोस्ता साथे मजे करूँ? 30 पर जेबे तेरा ये पाऊ आया, जिने तेरी सम्पति वेश्या रे ऊँडाई ती और आया तो तैं एसरी खुशिया रे बड़ी पाट्टी कित्ती।’ 31 पिते तेसखे बोलेया, ‘ओ मेरे पाऊ, तूँ सदा मां साथे ईंद और जो कुछ मेरा ए, से सब तेरा ईंद। 32 पर एबे खुश और मग्न ऊणा चाईयो, कऊँकि ये तेरा पाई मरी गा था और फेर जिऊँदा ऊँडाई और राची गा था, पर फेर मिली गा।”

16 तेबे यीशुए आपणे चेलेया खे बी ये उदारण बोलेया, “केसी

अमीरो रा एक पण्डारी था और लोके तेस सामणे तेस पौंद ये दोष लगाया कि ये तेरा सारा पैसा उड़ाई देओआ। 2 तेबे तिने अमीर मांणूए से बुलाया और बोलेया, ‘ये क्या ए, जो आऊँ तेरे बारे रे सुणने लगी रा? आपणे पण्डारो रा लेखा दे, कऊँकि तूँ आगे ते पण्डारी नि रह सकदा।’ 3 तेबे पण्डारी सोचणे लगेया कि एबे आऊँ क्या करूँ? कऊँकि मेरा मालक तो एबे पण्डारो री जगा मांते छुड़ाणे लगी रा। माट्टी तो मांते खणदी नि और पीख मांगणे तो माखे शर्म आओई। 4 माखे समज आयी की क्या करना; ताकि जेबे पण्डारियो रे कामो ते छुड़ाया जाऊँ तो लोक आपणे कअरे बुलाई लो। 5 तेबे तिने आपणे मालको रे देणदारा बीचा ते एक-एक बुलाए और पर्फिले ते पूछेया कि तां मेरे मालको रा कितणा कर्ज देणा? 6 तिने बोलेया, ‘सौ मण जैतूनो तेल।’ तेबे तिने तेसखे बोलेया, ‘जा और आपणे खाते रे पंजा लिखी दे।’ 7 तेबे तिने दूजे ते पूछेया कि तां मेरे मालको रा कितणा कर्ज देणा? तिने बोलेया सौ मण कणक; तिने तेसखे बोलेया, ‘जा और आपणे खाते रे की अस्सी लिखी दे।’ 8 “मालके से पापी पण्डारी सराया कि तिने चंट ऊई की काम कितेया, कऊँकि एसा दुनिया रे लोक, आपणे बखतो रे लोका रे रीति-रवाजा रे जोतिया रे लोका ते जादा ऊशियार ए। (aiōn g165) 9 आऊँ

तुसा खे बोलूँआ कि पापो रे पैसे ते आपू खे दोस्त बणाई लो, ताकि जेबे से जाओ, तेबे सेयो तुसा खे अनन्त निवासो रे लीचा लो। (aiōnios g166) 10 जो थोड़े ते थोड़े रे सच्चा ए, से बऊत रे बी सच्चा ए और जो थोड़े ते थोड़े रे पापी ए, से बऊत रे बी पापी ए। 11 तेबे, जे तुसे पापो रे धनो रे सच्चे नि ऊ, तो सच्चा धन तुसा गे केस सम्बालना? 12 और जे तुसे पराये धनो रे सच्चे नि ठईर, तो तेबे जो तुसा राए, से तुसा खे केस देणा? 13 “कोई बी दास दो मालका री सेवा नि करी सकदा; कऊँकि तेस एकी साथे बैर और दूजे साथे प्यार राखणा, या एकी साथे मिले रा रणा और दूजा तेस तुच्छ जानना। तुसे परमेश्वर और धन ढूँढ़ी री सेवा नि करी सकदे!” 14 फरीसी जो लालची थे, ये सुनी की तिना रा मजाक करने लगा। 15 यीशुए तिना खे बोलेया, “तुसे तो मांगूआ सामणे आपू खे तर्मी ठराओए, पर परमेश्वर तुसा रे मनो खे जाओआ, कऊँकि जो चीज मांगूआ री नजरा रे महान् ए, से परमेश्वरो सामणे धृणित ए। 16 “यूहन्ना बपतिस्मा देणे वाले तक मूसे रा विधान और भविष्यबक्ता रा संदेश तुसा री अगुवाई करदे रथे। पर एबे परमेश्वरो रे राज्य रा सुसमाचार सुणाया जाए लगी रा और हर कोई तिदे बऊत मईणत करी की जाओआ। 17 सर्व और तरातिया रा टली जाणा, विधानो रे एक बिन्दुओ रे खोणे बराबर ए। 18 “जो कोई आपणी लाड़िया खे छाडी की केसी ओरी साथे ब्या करोआ, से व्याभिचार करोआ और जो कोई एड़ी छाडी रिया जवाणसा साथे ब्या करोआ, से बी व्याभिचार करोआ। 19 “एक अमीर मांगू था जो बैंगनी टाले और मलमलो रे टाले पईनो था और हर रोज सुख-बिलासो रे और मौज-मस्तिया साथे रओ था। 20 लाजर नाओं रा एक गरीब मांगू था, जेसरे सरे शरीरो रे जख्म थे, तेसखे तेस अमीर मांगूए री देझलिया पाँदे छाडी देओ थे। 21 और से चाओं था कि अमीरो री मेजा री जूठा ते आपणा पेट पहँ, एथो तक कि कुत्ते बी तेसरे जख्म खे चाटी देओ थे। 22 तेबे एड़ा ऊआ कि से कंगाल मरी गा और स्वर्गदूते से लीची की अब्राहमो री गोदा रे पँड़छाई ता और से अमीर बी मरी गा और दबाई ता। 23 तेबे तिने नरको री पीड़ा ते ऊबो खे देखेया और दूरो ते अब्राहमो री गोदा रे लाजर देखेया। (Hadēs g86) 24 तेबे तिने आक्का पापी की बोलेया, ‘ओ पिता अब्राहम! मां पाँदे दया करी की लाजरो खे पेजी दे, ताकि से आपणी गुठिया रा सिरा पाणिए साथे सेड़ी की मेरी जीबा खे ठण्डी करो, कऊँकि आँऊ एते आगी रे तड़फणे लगी रा।’ 25 पर अब्राहमे बोलेया, ‘ओ पाऊ! याद कर कि तू आपणी जिन्दगिया रे अच्छी चीजा लायी चुकेया रा और तियाँ ई बुरिया चीजा खे लाजर बी, पर एबे से एती शान्ति पाए लगी रा और तू तेती पीड़ा ते तड़फणे लगी रा। 26 इना सबी गल्ला खे छाडी की आसा बीचे और तां बीचे पारी गड्हा ए ठराए रा, ताकि कोई एथा ते तांगे पार नि जाई सको और ना पारा ते कोई एती आसा गे आयी सको।’ 27 तिने बोलेया, ‘ओ पिता! तेबे आँऊ तांते बिनती करूँआ कि तू लाजरो खे मेरे पिते रे कअरे पेज। 28 कऊँकि मेरे पाँज पाई ए, ये तिना सामणे इना गल्ला री गवाई देओ, एड़ा नि ओ कि सेयो बी मरी की एते पीड़ा री जगा रे आओ।’ 29 अब्राहमे तेसखे बोलेया,

‘तिना गे तो चेतावणी देणे खे मूसे रा विधान और भविष्यबक्ते री कताबा ए, सेयो तिना री सुणो।’ 30 तिने बोलेया, ‘ना, ओ पिता अब्राहम! पर जे कोई एथा ते मरे रे बीचा ते तिना गे जाओगा, तो तिना मन फिराणा।’ 31 तिने तेसखे बोलेया, ‘जेबे सेयो मूसे और भविष्यबक्ते री नि सुणदे, तो जे मरे रे बीचा ते कोई बी जिङ्दा उठोगा, तेबे बी तेसरी नि मानणी।’”

17 तेबे यीशुए आपणे चेलेया खे बोलेया, “एड़ा ऊई नि सकदा कि

ठोकरा नि लगो, पर हाय! तेस मांगूए खे, जेसरी बजअ ते सेयो आओईया। 2 जो इना छोटेया बीचा ते केसी एकी खे बी ठोकर देओगा, तेसखे तो ये पला ऊँदा कि तेसरे गले रे चाकिकया रा एक पूँड़ लटकाई देओ और समुद्रो रे सेटी देओ। 3 चौकस रओ, जे तेरा विश्वासी पाई अपराध करो, तो तेसखे समजेया और जे से पछताओ, तो तेसखे माफ कर। 4 जे एकी दिनो रे से तेरे खलाफ सात बार अपराध करो और सातो बार तांगे फेर आयी की बोलो कि आँऊ पछताऊँआ, तो तेसखे माफ कर।” 5 तेबे प्रेरिते यीशुए खे बोलेया, “आसा रा विश्वास बढ़ा।” 6 यीशुए बोलेया, “जे तुसा खे अऊरिया रे दागे रे बराबर बी विश्वास ऊँदा, तो एस कर्यूँओ रे डालो खे बोलदे कि जड़ा ते पट्टी की समुद्रो रे लगी जा, तो से तुसा री मानी लंदा।” 7 “तुसा बीचा ते एड़ा कूणे कि जेसरा दास अल बाओ या पेडा खे चराओआ और जेबे से डोरुआ ते आओ, तेबे तेसखे बोलो, ‘फटाफट आओ और रोटी खाए बैठी जा?’” 8 और ये नि बोलो कि माखे रोटी बणा, और जदुओ तक आँऊ खाऊँ, तदुओ तक लक बानी की मेरी सेवा कर, तिजी ते बाद तैं बी खाई-पी लणा। 9 क्या तेस, तेस दासो रा एहसान मानणा कि तिने सेयो ई काम किने, जेसरी तिने आज्ञा दिती थी। 10 ईयां ई तुसे बी, जेबे तिना सबी कामा खे करी चुकोगे, जिना खे करने री आज्ञा तुसा खे दई राखी थी, तो बोलो, ‘आसे नक्कमे दास ए; कऊँकि जो आसा करना चाईयो था, बस सेरै ई की राखेया।’” 11 और तेबे एड़ा ऊआ कि यीशु और तिना रे चेले यस्तलेमो खे जांदे ऊए सामरिया और गलीलो प्रदेशो रिये जाए लगी रे थे। 12 तेबे केसी गांव रे जांदे ऊए तिना खे देखी की बोलेया, “ओ यीशु! ओ स्वामी! आसा पाँदे दया कर।” 14 यीशुए तिना खे देखी की बोलेया, “यस्तलेमो रे मन्दरो रे जाओ और आपू खे पुरोईटी गे बताओ।” सेयो जांदे-जांदे ई ठीक ऊईगे। 15 तेबे तिना बीचा ते एक ये देखी की कि आँऊ ठीक ऊईगा, जांदे-जोरे साथे परमेश्वरो री तारीफ करदा ऊआ वापस यीशुए गे आया 16 और यीशुए रे पैरा पाँदे मुंझो रे पारे पड़ी की तिना रा धन्यवाद करने लगेया और से सामरी था। 17 तेबे यीशुए बोलेया, “क्या दस के दस मांगू ठीक नि ऊए, तेबे सेयो नौ मांगू केयी ए?” 18 क्या एस परदेशिया खे छाडी की ओर कोई नि निकलेया, जो परमेश्वरो री तारीफ करो?” 19 तेबे यीशुए तेसखे बोलेया, “उठी की चली जा, तेरे विश्वासे तू बचाईता।” 20 जेबे फरीसिये यीशुए ते पूछेया कि परमेश्वरो रा राज्य कदी आऊणा? तेबे तिने जवाब दित्तेया, “परमेश्वरो रा राज्य प्रगट रूपो रे नि आँऊँदा 21 और लोका एड़ा नि बोलणा कि देखो, एती ए या तेती

ए, कँडकि परमेश्वरो रा राज्य तुसा बीचे ए।” 22 तेबे तिने चेलेया खे बोलेया, “सेयो दिन आऊणे, जेबे तुसा माणू रे पुत्रो रे दिना बीचा ते एकी दिनो खे देखणा चाणा और देखी नि सकणा। 23 लोका तुसा खे बोलणा, देखो, मसीह एती ए!” या देखो, मसीह तेती ए! पर तुसे चली नि जाणा और ना ई तिना पीछे जाणा। 24 कँडकि जिंयां बिजली सर्गारी एकी तरफा ते निकली की सर्गों री दूजी तरफा खे चमकोई, तिंयाँ ई आँऊ माणू रा पुत्र बी आपणे दिनो रे प्रगट ऊणा। 25 पर पईले जरूरी ए कि तेसखे दुःख ओ और एस जुगो रे लोक तेसखे तुच्छ ठारओ। 26 जेडा नहो रे दिनो रे ऊआ था, तेडा ई मां माणू रे पुत्रो रे दिनो रे बी ऊणा। 27 जेस दिनो तक नूह जाह्नो रे नि चढेया, तेस दिनो तक लोक खाओ-पियो थे और तिना रे व्या-शदिया ओ थिया, तेबे जल-प्रलय आवी की सेयो सब नाश किते। 28 तिंयाँ ई जेडा लूतो रे दिना रे ऊआ था कि लोक खाओ-पियो और लेण-देण करो थे, डाल लगाओ थे और कअर बणाओ थे। 29 पर जेस दिने लूत सदोमो ते निकलेया, तेस दिने आग और गन्धक सर्गों ते बरसी और तेते नगरो रे सब लोक नाश करी ते। 30 “मां माणू रे पुत्रो रे प्रगट ऊणे रे दिनो रे बी एडा ई ऊणा। 31 तेस दिने जो छतो पाँदि ओ और तेसरा समान कअरे ओ, से तेस लणे खे नि उतरो और तिंयाँ ई जो डोरुआ रे ओ, सेयो पीछे नि आटो। 32 लूतो री लाडिया खे याद राखो कि जो तेसा साथे उआ! 33 जो कोई आपणा प्राण बचाओआ, तेस से खोणा और जो कोई तेसखे खोओआ, तेस अनन्त जिन्दगी पाणी। 34 आँऊ तुसा खे बोलूआ, कि तेस राती दो लोक आपणे माँजे पाँदे ऊणे, एक लयी लणा और दूजा छाडी देणा। 35 दो जवाणसा साथे-साथे चाककी पिशणे लगी रिया ऊणिया, एक लवी लणी और दूजी छाडी देपी। 36 दो जणे डोरुआ रे ऊणे, एक लयी लणा और दूजा छाडी देणा।” 37 ये सुणी की चेलेया यीशुए ते पूछेया, “ओ प्रभु! ये केयी ऊणा?” तिने तिना खे बोलेया, “जेती लोथ ऊणी, तेथी इल्ला कठिया ऊणिया।”

18

तेबे यीशुए इजी रे बारे रे कि हर रोज ग्रार्थना करना और याओ नि छाडणा चाईयो, ये उदारण आपणे चेलेया खे बोलेया, 2 “केसी नगरो रे एक न्यायी रओ था, जो ना परमेश्वरो ते डरो था और ना ई केसी माणूए री परवा करो था 3 और तेसी नगरो रे एक बिदुआ बी रओ थी, जो तेसगे आयी-आयी की बोलदी रओ थी कि मेरा न्याय करी की माखे दुश्मणा ते बचा। 4 से थोडे बखतो तक नि मानेया पर आखरी रे तिने सोचेया कि हालांकि आँऊ ना परमेश्वरो ते डरदा और ना ई माणूआ री परवा करदा, 5 तेबे बी ये बिदुआ माखे सतांदी रओई, इजी री खातर मां तेसा रा न्याय चुकाई देणा, एडा नि ओ कि कअडिया रे कअडिया आयी की आखरी रे मेरे नाको रे दम करी देओ।” 6 यीशुए बोलेया, “त्यानो साथे सोचो, ये पापी न्यायी क्या बोलोआ? 7 तो क्या परमेश्वरे आपणे चूणे ऊए रा न्याय नि करना, जो रात-दिन तेसरी दुहाई देंदे रओए और क्या तेस तिना रे बारे रे देर करनी? 8 आँऊ तुसा खे बोलूआ कि तेस फटाफट तिना रा न्याय करना, तेबे बी आँऊ माणू रा पुत्र जेबे आऊणा,

तो क्या मां तरतिया पाँदे विश्वास पाणा?” 9 तेबे तिना खे, जो आपू पाँदे विश्वास राखो थे कि आसे तर्मी ए और ओरी खे तुच्छ जाणो थे, ये उदारण बोलेया, 10 “दो माणू प्रार्थना करने खे मन्दरो रे गये, एक फरीसी था और दूजा कर लणे वाला था। 11 फरीसी खडा ऊई की ईयां प्रार्थना करने लगेया, ‘ओ परमेश्वर आँऊ तेग धन्यवाद करूआ कि आँऊ ओरी माणूए जेडा अन्देर करने वाला, अन्यायी और व्याभिचारी निए और ना एस कर लणे वाले जेडा ए। 12 आँऊ अप्रत्ते रे दो बार बअरत करूआ और आँऊ आपणी सरी कमाईया रा दसुआ अंश बी तुसा खे देंक्झा।” 13 पर कर लणे वाले दूर खडे ऊई की स्वर्गो रे कनारो खे आखी पनि चकणिया चाईया, बल्कि आपणी छाती बजाई-बजाई की बोलेया, ‘ओ परमेश्वर! मां पापिए पाँदे दया कर।’ 14 आँऊ तुसा खे बोलूआ कि से दूजा नि पर येर्इ माणू तर्मी ठराई की आपणे कअरो खे गया, कँडकि जो कोई आपू खे बडा बणाओगा, से छोटा करेया जाणा और जो आपू खे छोटा बणाओगा, से बडा करेया जाणा।” 15 तेबे लोक आपणे बच्चेया खे बी तिना गे ल्याऊणे लगे, ताकि सेयो तिना पाँदे आपणा आथ राखो, पर चेले तिना खे देखी की बकणे लगे। 16 यीशुए बच्चेया खे आपू गे बुलाई की बोलया, “बालका खे मांगे आऊणे देओ और तिना खे ना नि करो, कँडकि परमेश्वरो रा राज्य एडे रा ई ये। 17 आँऊ तुसा खे सच बोलूआ कि जो कोई परमेश्वरो रे राज्य खे बालको जेडा नि मानोगा, से कदी बी तेती नि जाणा।” 18 तेबे एकी अधिकारिए यीशुए ते पूछेया, “ओ उत्तम गुरु! अनन्त जीवन पाणे खे आँऊ क्या करूं?” (aiōnios g166) 19 यीशुए तेसखे बोलेया, “तूँ माखे उत्तम कँऊ लगी रा बोलणे? कोई बी उत्तम निए, बस एक, मतलब-परमेश्वर। 20 तूँ आज्ञा खे तो जाणेया कि व्याभिचार नि करना, अत्या नि करना, चोरी नि करना, चूठी गवाई नि देणी, आपणे माए-बाओ रा आदर करना।” 21 तिने बोलेया, “इना गल्ला खे तो आँऊ बचपनो ते मानदा आयी रा।” 22 ये सुणी की यीशुए बोलेया, “तांदे एबु बी एक गल्ला री कमी ए, आपणा सब कुछ बेची की कंगाला खे बांडी दे और ताखे स्वर्गो रे धन मिलणा और आयी की मां पीछे आईजा।” 23 से ये सुणी की से बऊत उदास ऊईगा, कँडकि से बऊत अमीर था। 24 यीशुए तेस देखी की बोलेया, “अमीरा रा परमेश्वरो रे राज्य रे जाणा कितणा कठण ए। 25 परमेश्वरो रे राज्य रे अमीरा रा जाणा, ऊंटो रा सूर्याया रे नाके ते निकलने रे बराबर ए।” 26 तेबे सुणने वालेया बोलेया, “तेबे केसरा उद्धार ऊई सकोआ?” 27 यीशुए बोलेया, “जो माणूआ ते नि उई सकदा, से परमेश्वरो ते उई सकोआ।” 28 पतरसे बोलेया, “देख, आसे तो कअर-बार छाडी की तुसा पीछे आईगे रे।” 29 यीशुए बोलेया, “आँऊ तुसा खे सच बोलूआ जो कोई, परमेश्वरो रे राज्य खे आपणे कअर, लाडी, पाई, बईण, माए-बाओ या बाल-बच्चे छाडी देओगा 30 तेस एस बखते कई गुणा फल पाणा और आऊणे वाले जुगो रे अनन्त जीवन।” (aiōn g165, aiōnios g166) 31 तेबे तिने बारा चेलेया खे साथे लयी की तिना खे बोलेया, “देखो, आसे यरूशलेम नगरो खे जाणे लगी रे और

जितानी गल्ला मां माणूरे पुत्रों रे बारे रे भविष्यबक्ते लिखी राखिया, सेयो सब पुरिया ऊणिया। 32 कऊँकि आँऊँ दुजिया जातिया रे आथो रे दई देणा, और तिना मेरा मजाक उड़ाणा, और मां पाँदे थूकणा 33 और माखे कोडे बाणे और काणा और आँऊँ तीजे दिने जिऊँदा ऊई जाणा।” 34 पर चेलेया इना गल्ला बीचा ते कोई बी गल्ल नि समजी और ये गल्ल तिना ते छिपी री रई और जो बोली राखेया था, से तिना री समजा रे नि आया। 35 जेबे सेयो यरीहो नगरो रे नेडे पऊँछे, तेबे एक अन्दा सङ्कारे कनारे बैठे रा पीछ लगी रा था मांगणे। 36 तेबे से पीड़ा रे हांडणे री छेड़ सुणी की पूछणे लगेया, “ये क्या लगी रा ऊणे?” 37 तिने तेसखे बोलेया, “यीशु नासरी लगी रे जाणे।” 38 तेबे तिने आक्का पायी की बोलेया, “ओ दाऊदो री ल्वाद यीशु! मां पाँदे दया कर!” 39 जो आगे-आगे लगी रे थे चलणे, सेयो तेसखे बकणे लगे कि चुप रओ, पर से ओर बी चींगणे लगेया, “ओ दाऊदो री ल्वाद मां पाँदे दया कर!” 40 तेबे यीशु खड़े ऊई की आज्ञा दिती, “एसखे मांगे ल्याओ।” और जेबे से नेडे आया, तेबे तिने तेसते पूछेया, 41 “तूँ क्या चाएया कि आँऊँ ताखे क्या करँ?” अन्दे बोलेया, “ओ प्रभु ये कि आँऊँ देखणे लगी जाऊँ।” 42 यीशुए बोलेया, “देखणे लग, तेरे विश्वासे तूँ ठीक करी ता।” 43 और से तेबुई देखणे लगेया और परमेशरो री तारीफ करदा ऊआ तिना पीछे चलणे लगेया और सबी लोके ये देखी की परमेशरो री स्तुति किती।

19 यीशु यरीहो नगरो ते जाणे लगी रे थे। 2 तेती जक्कर्इ नाओं रा

एक माणू कर लगे वालेया रा सरदार था और अमीर था। 3 से यीशुए खे देखणा चाओ था कि से कुण जा ए? पर पीड़ा री बजअ ते देखी नि सको था, कऊँकि से बाऊणा था। 4 तेबे से तिना खे देखणे खे आगे दौड़ी की गूलरो रे डालो पाँदे चढ़ी गा, कऊँकि आज मेरा तेरे कअरे राज झर्णी ए।” 5 से फटाफट गूलरो रे डालो ते थाले उतरी की तिना खे खुशिया साथे आपणे कअरो खे लयी गा। 7 ये देखी की सब लोक कुड़कुड़ाई की बोलणे लगे, “ये तो एक पापी माणूरे कअरे जाणे लगी रा।” 8 जक्कर्इये खड़े ऊई की यीशुए के बोलेया, “ओ प्रभु यीशु! देखो, आँऊँ आपणी आदी जायदात कंगाला खे देऊँआ और जे केसी रा कुछ बी अन्नाय करी की लयी राखेया, तो तेसेचे चार गुणा वापस करी देऊँआ।” 9 तेबे यीशुए बोलेया, “आज एते कअरो रे लोका बीचे उद्धार आयी रा, कऊँकि ये बी अंडाहमो रे वंशो राए। 10 कऊँकि आँऊँ माणू रा पुत्र राचे रेया खे टोलने और तिना खे बचाणे आयी रा।” 11 जेबे सेयो इना गल्ला सुणने लगी रे थे, तेबे यीशुए एक उदारण बोलेया, कऊँकि सेयो यस्तलेमो रे नेडे थे, और सेयो समजो थे कि परमेशरो रा राज्य एबु प्रगट ऊणे वाला ए। 12 तेबे यीशुए बोलेया, “एक अमीर माणू दूर देशो खे चली गा, ताकि राजपद पाई की फेर आओ। 13 तिने आपणे दासा बीचा ते दस दासा खे बुलाई की तिना खे दस सूझने रे सिक्के दिते और तिना खे बोलेया कि मेरे वापस आऊणे तक लेण-देण करी लाएओ। 14

पर तेसरे नगरो रे रणे वाले तेसते बैर राखो थे और तेस पीछे दूता खे पेजी की सन्देशा पेजेया कि आसे नि चादे कि ये आसा पाँदे राज्य करो। 15 “जेबे से राजपद पाई की वापस आया, तेबे तिने सेयो दास बुलाए जिना खे तिने सूझने रे सिक्के दिते थे, ताकि पता लगाई सको कि तिने लेण-देणो ते क्या-क्या कमाया। 16 तेबे एकी बोलेया, ओ मालक! तेरे सूझने रे सिक्के साथे दस ओर सिक्के कमाई राखे। 17 तिने तेसखे बोलेया कि ओ उत्तम दास तूँ धन्य ए कऊँकि तूँ थोड़े रई विश्वासो जोगा निकलेया, एबे दस नगरो रा अक्क राख। 18 दूजे बी आयी की बोलेया, ओ मालक! तेरे सूझने रे सिक्के साथे पाँज और सिक्के कमाई राखे। 19 तिने तेसखे बोलेया कि तूँ बी पाँज नगरा रा हाकिम ऊई जा। 20 तीजे जगे आयी की बोलेया, ओ मालक! देख, तेरे सूझने रे सिक्के ये ए, जो मैं परने रे बानी की थे राखे रे। 21 कऊँकि आँऊँ तांते डरू था, कऊँकि तुसे कठोर माणू ए, जो तैने नि राखेया, तेस चकी लऊँआ और जो मैं नि बायी राखेया, से बाड़ी देऊँआ। 23 तो तेबे तैने मेरे पैसे साऊकारो गे कऊँकि नि राखे, ताकि आँऊँ आयी की ब्याजो समेत लई लंदा। 24 और जो लोक नेडे थे खड़े रे, तिने तिना खे बोलेया कि से सिक्का एसते लई लो और जेसगे दस सूझने रे सिक्के ए, तेसखे दई देओ। 25 तिने तेसखे बोलेया कि ओ स्वामी!, एसगे दस सिक्के तो आए। 26 आँऊँ तुसा खे बोलूँआ कि जेसगे आए, तेसखे देणा, और जेसगे आया नि, तेसते से बी जो तेसगे आया, लयी लणा। 27 पर मेरे तिना बैरिया खे, जो नई चाओ थे कि आँऊँ तिना पाँदे राज्य करूँ, तिना खे एती मां सामणे ल्याई की काओ।” 28 ये बोली की यीशु यस्तलेमो री तरफा खे आपणे चेलेया ते आगे-आगे चले। 29 जेबे सेयो जैतून नाओं रे पाहड़ो पाँदे बैतफगे गांव और बैतनिय्याहो गांव रे नेडे पऊँछे, तेबे तिने आपणे चेलेया बीचा ते दो जगे ये बोली की पेजे, 30 “सामणे रे गांव रे जाओ और तेती पऊँछी की एक गहिद्या रा बच्चा, जेस पाँदे कदी कोई नि बैठी रा, बाने रा तुसा खे मिलणा, तेस खोली की ल्याओ। 31 और जे तुसा खे कोई पूछो कि कऊँ लगी रे खोलणे? तो बताई देणा कि प्रभुए खे एसते कुछ मतलब ए।” 32 जो पेजे थे तिने जाई की तेड़ा ई पाया, जो तिना गे बताई राखेया था। 33 जेबे सेयो गट्टे रे बच्चे खे खोलणे लगी रे थे, तेबे तेसरे मालके तिना ते पूछेया, “एस बच्चे खे कऊँ लगी रे खोलणे?” 34 तिने बोलेया, “प्रभुए खे एसते मतलब ए।” 35 सेयो तेसखे यीशुए गे लयी गे और आपणे टाले तेस बच्चे पाँदे पाई की यीशु तेस पाँदे बैठीगे। 36 जेबे सेयो जाणे लगी रे थे, तेबे बऊत जणेया आपणी-आपणी चादरी बाटा रे बछाइत्या। 37 नेडे आयी की जेबे सेयो जैतून पाहड़ो री टलाना रे पऊँछे, तेबे चेलेया री सारी मण्डली, तिना सबी सामर्थ्य रे कामो री बजअ ते, जो तिने देखे थे, खुश ऊई की जोर-जोरे साथे परमेशरो री स्तुति करने लगी कि, 38 “धन्य ए से राजा, जो प्रभुए रे नाओं ते आओआ, स्वर्गो रे शान्ति और सर्गो रे

महिमा ओ।” 39 तेबे पीड़ा बीचा ते कई फरीसी यीशुए खे बोलणे लगे, “ओ गुरु! आपणे चेलेया खे बक!” 40 तिने जवाब दितेया, “आऊं तुसा खे बोलूआ कि जे यो लोक चुप ऊँगे, तो पात्थर चंगणे लगी जाणे!” 41 जेबे यीशु नेडे पँडँछे, तो नगरो खे देखी की तेस पाँदे रोणे लगे 42 और बोलेया, “पला ऊँदा कि तूँ एस दिनो रे शान्तिया री गल्ला जाणदा। पर एबे बक्त देर ऊँझी री और एबे शान्ति तेरी नजरा ते छीपी गी री। 43 कँडँकि सेयो दिन तां पाँदे आऊणे, जेबे तेरे बैरिया मोर्चा बानी की तूँ केरी लणा और चँडँ कनारे ते तूँ दबाई देणा 44 और तूँ आर तेरे बाल्क, जो तां साथे ए, माटिया रे मलाई देणे और एती जो पात्थरो पाँदे पात्थर लगी रे, सब टाले जाणे। कँडँकि तैं से मोका, जेबे तां पाँदे कृपा-दृष्टि कित्ती थी, पछयाणा नि।” 45 तेबे यीशु मन्दरो रे जाई की बेचणे वालेया खे बारे निकयालाने लगे 46 और तिना खे बोलेया, “लिखी राखेया कि मेरा मन्दर प्रार्थना रा कअर ए, पर तुसे से डाकूआ री गुफा बणाई ती।” 47 सेयो हर रोज मन्दरो रे उपदेश करो थे और बडे पुरोहित और शास्त्री और लोका रे खास तिना खे नाश करने रा मोका टोलने लगी रे थे। 48 पर कोई उपाय नि निकयाली सके कि ये किंवाँ करिए, कँडँकि सब लोक बडे त्यानो साथे यीशुए री सुणो थे।

20 एक दिन एडा ऊआ कि जेबे यीशु मन्दरो रे लोका खे उपदेश और सुसमाचार सुनाणे लगी रे थे, तेबे बडे पुरोहित, शास्त्री और बुजुर्ग नेडे आयी की खडे ऊँगे 2 और बोलणे लगे, “आसा गे बता कि तूँ इना कामा केसरे अक्को ते करेया और से कूणे, जिने ताखे ये अक्क देई राखेया?” 3 यीशुए तिना खे जवाब दितेया, “आऊं बी तुसा ते एक गल्ल पुँछुआ। माखे बी बताओ 4 यूहने रा बपतिस्मा स्वर्गो री तरफा ते था या मांणूए री तरफा ते?” 5 तेबे सेयो आपू बीचे बोलणे लगे, “जे आसे बोलूँगे कि स्वर्गो री तरफा ते था, तेबे एस बोलणा कि तेबे तुसे तेस पाँदे विश्वास कँडँ नि कित्तेया? 6 और जे आसे बोलूँगे कि मांणूए री तरफा ते ए, तो सबी लोका आसा खे पात्थर बाणे, कँडँकि तिना खे पक्का पता ए कि यूहना भविष्यवक्ता था।” 7 तेबे तिने जवाब दितेया, “आसे नि जाणदे कि से केसरी तरफा ते था।” 8 यीशुए तिना खे बोलेया, “तेबे आऊं पनि बवांदा कि आऊं इना कामा केसरे अक्को ते करूँआ।” 9 तेबे सेयो लोका खे ये उदारण बोलणे लगे, “एकी मांणूए अँगूरा रा बगीचा लगाया और ठेकेदारा खे तिजी रा ठेका देई की बक्त दिना खे पटदेशो खे चली गा। 10 जेबे बखत आया तेबे तिने ठेकेदारा गे एक दास पेजेया कि से अँगूरा रे बगीचे रा कुछ इस्सा तेसखे देओ, पर ठेकेदारे से कुटी की खाली आथ पेजी ता। 11 तेबे तिने एक और दास पेजेया, पर तिने से बी कुटी की और तेसरी बेज्जती करी की खाली आथ पेजी ता। 12 तेबे तिने तीजा पेजेया, तेबे तिने से बी कायल करी की निकयाली ता। 13 तेबे तिने मालके सोचेया कि एबे आऊं क्या कऱ्हँ? आऊं आपणे प्यारे पाऊए खे तिना गे पेजुँआ, क्या पता सेयो तेसरा आदर करो। 14 जेबे ठेकेदारे से देखेया तो आपू बीचे बिचार करने लगे कि ये तो बारिस ए आओ एसखे काई देऊँए, ताकि जायदात म्हारी ऊँ

जाओ। 15 तेबे तिने से अँगूरा रे बगीचे ते बारे निकयाली की काई ता। तेबे अँगूरा रा बगीचे रे मालके तिना साथे क्या करना? 16 तेस आईकि तिना ठेकेदारा रा नाश करी देणा और अँगूरा रा बगीचा ओरी गे सम्बाली देणा।” ये सुणी की तिने बोलेया, “परमेश्वर करो कि एडा नि जो।” 17 यीशुए तिना री तरफा खे देखी की बोलेया, “तेबे ये क्या लिखी राखेया, “जो पात्थर राजमिस्त्रिए तुच्छ ठराई राखेया था, सेई कूणे रा सिरा ऊँझगा। 18 “जो कोई तेस पात्थरो पाँदे पड़ना, से चूर-चूर ऊँझ जाणा और जेस पाँदे ये पड़ना, तेस से पीसी देणा।” 19 तेसी बखते शास्त्रीए और बडे पुरोहिते सेयो पकड़ना चाए, कँडँकि सेयो समजी गे थे कि इने ये उदारण आसा पाँदे ई बोलेया, पर सेयो लोका ते डरी गे। 20 तेबे सेयो तिना री ताका रे रये और आपणे, पेतिये पेजे कि तर्मो रा पेष बदली की तेसरी कोई ना कोई गल्ल पकड़नी, ताकि तेसखे हाकिमो रे आथो रे और अक्को रे देई देऊँ। 21 तिने यीशुए ते पूछेया, “ओ गुरु! आसा खे पता ए कि तुसे ठीक बोलो और सिखाओए और केसी रा पक्षपात नि करदे, पर परमेश्वरो री बाट सच्चाईया साथे बताओए। 22 तो क्या कैसरो खे कर देणा खरी गल्ल या नि?” 23 यीशुए तिना री चलाकी जाणी की तिना खे बोलेया, 24 “एक चाँदिए रा सिकका मांगे बताओ। इदे कैसरी मूर्ति और नाओं ए?” तिने बोलेया, “कैसरो रा।” 25 यीशुए तिना खे बोलेया, “जो कैसरो राए, से कैसरो खे देओ और जो परमेश्वरो राए, से परमेश्वरो खे देओ।” 26 सेयो लोका सामणे एसा गल्ला रे तिना खे पकड़ी नि सके, बल्कि तिना रा जवाब सुणी की हैरान ऊँगे और चुप रये। 27 तेबे सदूकी, जो बोलो थे कि मरेया रा जिँदा ऊणा आए ई नि, तिना बीचा ते कई जगेया आयी की यीशुए ते पूछेया, 28 “ओ गुरु! मूसे आसा खे ये लिखी राखेया कि जे केसी रा पाई आपणी लाड़िया रे रंदे ऊए बिना ल्वादा ते मरी जाओ, तो तेसरा पाई तेसरी लाड़िया साथे ब्या करी लो और आपणे पाईए खे कुल पैदा करो। 29 सात पाई थे पईला पाई ब्या करी की बिना ल्वादा तेर्ई मरी गा। 30 तेबे दूजे और तीजे बी तेसा जवाणसा साथे ब्या करी ला। 31 ईंयाँ ई सातो पाई बिना ल्वादा ते मरी गे। 32 सबी ते बाद से जवाणस बी मरी गी। 33 तेबे जिँदी ऊणी पाँदे से तिना बीचा ते केसरी लाडी ऊणी? कँडँकि से साता जगेया री लाडी ऊँई चुकी थी।” 34 यीशुए तिना खे बोलेया, “एस जुगो रे लोका बीचे तो ब्या-शादिया ओईर्या। (aiōn g165) 35 पर जो लोक एते जोगे ऊणे कि तेस जुगो खे और मरे रे बीचा ते जिँदे ऊणे ओ, तेबे तिना बीचे ब्या-शादिया नि ऊणिया। (aiōn g165) 36 सेयो फेर मने पनि, कँडँकि सेयो स्वर्गदूता जेडे ऊणे, और जिँदे ऊणे री ल्वाद ऊणे ते, परमेश्वरो री बी ल्वाद ऊणे। 37 पर ये गल्ल कि मरे रे बी फेर जिँदे ऊणे ओ, मूसे जाड़ो री कथा रे प्रगट करी राखी कि से प्रभुए खे अब्राहम, इस्हाक और याकूबो रा परमेश्वर करी की बोलोआ। 38 परमेश्वर मुढेदेया रा नि, बल्कि जिँदेया रा परमेश्वर ए, कँडँकि तेसरे नेडे सब जिँदे ए।” 39 तेबे ये सुणी की शास्त्रिया बीचा ते कई जगे बोलेया, “ओ गुरु! तुसे अच्छा बोलेया।” 40 तेबे तिना खे फेर तिना ते कुछ और पूछणे री इम्मत नि

ऊर्ध्व। 41 तेबे यीशुए तिना ते पूछेया, “मसीहे खे दाऊदो री ल्वाद कँ बोलोए? 42 दाऊद आपू ई भजनसंहिता री कताबा रे बोलोआ, “प्रभुए मेरे प्रभुए खे बोलेया, 43 मेरे दाँणे बैठ, जदुओ तक आऊँ तेरे बैरिया खे तेरे पैरा निठे नि करी देऊँ। 44 “दाऊद तो तेसेखे प्रभु बोलोआ, तो तेबे से तेसरी ल्वाद कियाँ उआ?” 45 जेबे सब लोक सुणने लगी रे थे तेबे यीशुए आपणे चेलेया खे बोलेया, 46 “शास्त्रिया ते चौकस रओ, जो लाघ्व टाले पईनी की कूमदे रओए और बजारो रे नमस्कार, और प्रार्थना रे कअरो रे खास-खास जगा और पाटिया रे खास जगा चाओए। 47 सेयो बिंदुआ रे कअरो खे खाई जाओए और दखाणे खे मुखती देर तक प्रार्थना करोए, इना खे जादा सजा मिलणी।”

21 तेबे यीशुए आखी चकी की अमीर लोक आपणा-आपणा दान

पण्डारो रे पाँदे ऊए देखे। 2 तिने एक कंगाल बिंदुआ खे बी तिदे दो दमडिया पाँदे ऊई देखी। 3 तेबे तिने बोलेया, “आऊँ तुसा खे सच बोलूँआ कि एसे कंगाल बिंदुए सबी ते जादा पाई राखेया। 4 कँऊँकि तिने सबी आपणिया सारिया सम्पत्तिया बीचा ते थोडा जा पाया, पर एसे आपणी कमाईया ते सारी आऊँदणी पाई ती।” 5 जेबे कई जणे मन्दरो रे बारे रे बोलणे लगी रे थे कि यो कितणे सुन्दर पात्थर और पेंटा रिया चीजा साथे सजाई राखेया, तेबे तिने बोलेया, 6 “सेयो दिन आऊणे, जेबे, जो तुसे लगी रे देखणे, तिना बीचा ते एती जो पात्थरो पाँदे पात्थर लगी रे, सब टाले जाणे।” 7 तिने यीशुए ते पूछेया, “ओ गुरु! ये सब कदी ऊणा? और जेबे यो सब गल्ला पुरिया ऊणे वालिया ऊणिया, तेबे, तेस बखतो रा क्या चिह्न ऊणा?” 8 यीशुए बोलेया, “चौकस रओ कि कोई तुसा खे बईकाओ नि जाओ, कँऊँकि बऊत जणे मेरे नाओं ते आऊणे और बोलणा कि आऊँ सेर्ईए और ये बी कि बखत नेडे आईगा रा, तुसे तिना पीछे नि चली जाणा। 9 जेबे तुसे लडाई और हुडंदांगे रे बारे रे सुणो, तेबे कबराणा नि, कँऊँकि इना रा पईले ऊणा जरूरी ए, पर तेस बखते तेबुई अंत नि ऊणा।” 10 तेबे तिने तिना खे बोलेया, “जातिया पाँदे जातिया और राज्य पाँदे राज्य अमला करना 11 और बऊत ईल्लण ऊणे और जगा-जगा अकाल और बमारिया पड़नियां और सर्गोंे डराऊणिया गल्ला और बड़े-बडे चिह्न प्रगट ऊणे। 12 पर इना सबी गल्ला ते पईले तिना तुसे मेरे नाओं ते पकड़ने और सताणे, प्रार्थना रे कअरो रे देई देणे, जेला रे पाणे और राजेया और हाकिमो सामणे लयी जाणे। 13 पर तुसा खे ये गवाई देणे रा मोका ऊई जाणा। 14 इजी री खातर आपणे-आपणे मनो रे ठाणी लो कि आसे पईले तई जवाब देणे री चिन्ता नि करँगे। 15 कँऊँकि मां तुसा खे एडा बोल और बुद्धि देणी कि तुसा रे सब बिरोदी तुसा रा सामणा या खण्डन नि करी सकदे। 16 तुसा रे माए-बाओ, पाई-बईण, टब्बरो रे और दोस्ता बी तुसे पकड़वाणे, एथो तक कि तुसा बीचा ते कई जणे काई देणे। 17 मेरे नाओं री बजह ते सबी लोका तुसा ते बैर राखणा। 18 पर तुसा रे सिरो रा एक बी बाल बांगा नि ऊणा। 19 आपणे सद्ग्रो ते तुसा आपणे प्राण बचाणे। 20 “जेबे तुसे यस्तलेमो खे सेना ते घिरे रा देखो, तो जाणी लणा कि तीजी रा नाश

नेडे ए। 21 तेबे जो यहूदिया प्रदेशो रे ओ, तिने पाहड़ो खे नठी जाणा और जो यस्तलेमो नगरो रे पीतरे ओ, सेयो बारे निकली जाएओ और जो गांव रे ओ। सेयो तिदे नि जाओ। 22 कँऊँकि यो बदला लणे रे एडे दिन ऊणे, जिना रे लिखी रिया सारिया गल्ला पुरिया ऊई जाणिया। 23 तिना दिना रे जो गर्भवती और दूद पल्याणे वाली ऊणी, तिना खे हाय! हाय! कँऊँकि देशो रे बड़ा क्लेश और लोका पाँदे बड़ा प्रकोप ऊणा। 24 सेयो तलवारा रे ग्रा ऊई जाणे और बऊत सारे देशो रे लोका बीचे बन्दुप ऊई की पँछाए जाणे और जदुओ तक दुजिया जातिया रा बखत पूरा नि ऊई जाणा, तदुओ तक यस्तलेम दुजिया जातिया साथे केसेया जाणा। 25 “सूरज, चाँद और तारेया रे चिह्न दिखणे और तरतिया पाँदे देशो-देशो रे जातिया रे लोका खे संकट ऊणा, कँऊँकि सेयो समुद्रो रे गिड़ने और लईरा री छेड़ा ते कबराई जाणे 26 और डरो रे मारे और दुनिया रे आऊणे वाली घटणा री बाट देखदे-देखदे लोका रे जानी पाँदे जान नि रणी, कँऊँकि सर्गों रिया शक्तिया इलाईया जाणिया। 27 तेबे तिना माणूँ रा पुत्र सामर्थ और बड़ी महिमा साथे बादलो पाँदिए आऊँदा ऊआ देखणा। 28 जेबे यो गल्ला ऊणे लगो, तेबे सीदे ऊई की आपणा सिर ऊबे चकणा, कँऊँकि तुसा रा छुटकारा नेडे ऊणा।” 29 यीशुए तिना खे एक उदारण बी बोलेया, “दाऊगले रे डालो खे और सबी डाला खे बी देखो। 30 जिंयाँ ई तिना रे पलँगूर निकलोए, तेबे तुसे देखी की आपू ई जाणी लओए कि तँड़ी नेडे ए। 31 ईयाँ ई जेबे तुसे इना गल्ला खे ऊई ऊआ देखो, तेबे जाणी लो कि परमेश्वरो रा राज्य नेडे ए। 32 आऊँ तुसा खे सच लगी रा बोलणे कि जदुओ तक यो सब गल्ला पूरिया नि ऊई जाओगिया, तदुओ तक एसा पीढिया रे लोका री मौत नि ऊणी। 33 सर्ग और तरती टली जाओगी, पर मेरा वचन कदी नि टलना। 34 इजी री खातर सावधान रओ, एडा नि ओ कि तुसा रे मन, खुमार, मतवालापण और एसा जिन्दगिया री चिन्ता ते सुस्त ऊई जाओ और सेयो दिन तुसा पाँदे फंदे जेडा अचाणक आयी जाओ। 35 “कँऊँकि से सारी तरतिया पाँदे और सब रणे वालेया पाँदे ईयाँ ई पड़ना।” 36 इजी री खातर जागदे रओ, हर बखत प्रार्थना करदे रओ, ताकि तुसे इना सबी आऊणे वालिया घटणा ते बचणे, और माणूँ रे पुत्रो सामणे खड़े ऊणे जोगे बणो।” 37 यीशु दिने मन्दरो रे उपदेश करो थे और राती बारे जाई की जैतून नाऊओ रे पाहड़ो पाँदे रओ थे 38 और प्यागा तड़के सब लोक तिना री सुणने खे मन्दरो रे तिना गे आया करो थे।

22 बिना सजेडे री रोटिया रा त्योआरो, जेतेखे फसह रा त्योआर बी बोलोए, नेडे था 2 और बड़े पुरोईत और शास्त्री एडी गल्ला री टोला रे थे कि यीशुए खे कियाँ मरवाईए, पर सेयो लोका ते डरो थे। 3 तेबे शैतान यहूदा रे समारी गा, जेसखे, इस्करियोती बी बोलोए और बारा चेलेया बीचे गिणेया जाओ था। 4 तिने जाई की बड़े पुरोईत और पट्टिराडा रे सरदारा साथे गल्ल कित्ती कि यीशुए खे तिना रे आथो रे कियाँ पकड़वाईये। 5 सेयो खुश ऊईगे और तेसखे पैसे देणे रा वचन दित्तेया। 6 से मानी गा और बिना उपद्रवो ते यीशुए खे तिना रे आथो रे

पकड़वाणे रा मोका लगेया टोलने। 7 तेबे बिना सजेडे री रोटिया रा त्योआरो था, जिदे फस्ह हे त्योआरो रा मिन्टू बलि करना जरूरी था। 8 यीशुए पतरस और यूहन्ना ये बोली की पेजे, “जाई की आसा खे खाणे खे फस्ह हे त्योआरो री रोटी त्यार करो।” 9 तिने तिना ते पूछेया, “तुसे केयी चाओए कि आसे तुसा खे फस्ह हे त्यार करूँ?” 10 यीशुए तिना खे बोलेया, “देखो नगरो रे जादे ई तुसा खे एक मांणू पाणिए रा कअड़ा चकी की मिलाणा, जेते कअरो रे से जाओ, तुसे तेस पीछे चली जाणा। 11 और तेस कअरो रे मालको खे बोलणा कि गुह्ऱे ताखे बोली राखेया कि से मईमाना रा कमरा केयी ए, जेती आँऊ, आपणे चेलेया साथे फस्ह हे त्योआरो री रोटी खाऊँ? 12 तेस तुसा खे एक सजी-सजाई री बाऊँडो दखाणी, तुसे तेथी त्यारी करनी।” 13 चेलेया जाई की तेडा ई पाया, जेडा यीशुए तिना खे बोलेया था तेडा ई पाया और फस्ह हे त्योआरो री रोटी त्यार किती। 14 जेबे बखत आया तेबे सेयो प्रेरिता साथे रोटी खाणे बढौं। 15 तेबे यीशुए तिना खे बोलेया, “मेरी बडी इच्छा थी कि दुःख सङ्घन करने और मेरे मरने ते पईले तुसा साथे ये फस्ह हे त्योआरो री रोटी खाऊँ। 16 कअँकि आँऊ तुसा खे बोलूँआ कि जदुओ तक से परमेशरो रे राज्य रे पूरा नि ओ, तदुओ तक मां से कदी नि खाणा।” 17 तेबे तिने अँगूरो रे रसो रा कटोरा लयी की परमेशरो रा धन्यवाद कितेया और बोलेया, “पकड़ो और आपू बीचे बांडी लओ। 18 कअँकि आँऊ तुसा खे बोलूँआ कि जदुओ तक परमेशरो रा राज्य नि आओ, तदुओ तक मां अँगूरा रा रस आजो ते कदी नि पीणा।” 19 तेबे तिने रोटी लयी और धन्यवाद करी की तोड़ी और तिना खे ये बोली कि दिती, “ये मेरा शरीर ए, जो तुसा खे देणे लगी रा, मेरी यादा रे एडा ई करेया करना।” 20 ईयां ई तिने रोटिया ते बाद कटोरा लया और ये बोलदे ऊए दितेया, “ये कटोरा मेरे तेस खूनो दे, जो तुसा री खातर बाह्या जाओआ, नयी वाचा ए। 21 पर देखो, मेरे पकड़वाणे वाले रा आथ मां साथे मेजी पाँदे ए। 22 कअँकि आँऊ माणूं रा पुत्र, जेडा मेरे बारे रे ठाराई राखेया, जाणा ई ये। पर हाय! तेस मांणूं खे जेसरी बजअ ते आँऊ पकड़वाया जाणा।” 23 तेबे सेयो आपू-बीचे बात-चीत करने लगे कि आसा बीचा ते एडा कूणे जेस एडा काम करना? 24 तिना बीचे ये बईस बी ऊणे लगी कि आसा बीचा ते बड़ा कुण ए? 25 यीशुए तिना खे बोलेया, “दुजिया जातिया रे राजा तिना पाँदे राज करोए और जो तिना पाँदे अक्क राखोए, तिना खे उपकारक बोलोए। 26 पर तुसे एडे नि ऊणा, बल्कि जो तुसा बीचे बड़ा ए, से छोटेया जेडा और जो बड़ा ए, से सेवको जेडा बणो। 27 कअँकि बड़ा कुण ए? क्या से जो रोटिया पाँदे बैठी रा या से जो सेवा करने लगी रा? क्या से नि जो रोटिया पाँदे बैठी रा? पर आँऊ तुसा बीचे सेवको जेडा ए। 28 “पर तुसे सेयो ए, जो परीक्षा रे लगातार मां साथे रये 29 और जियाँ मेरे पिते माखे एक राज्य ठाराई राखेया। 30 तिंयाँ ई आँऊ बी तुसा खे ठाराऊँआ, ताकि तुसे मेरे राज्य रे मां साथे खाओ-पियो, बल्कि सिंहासनो रे बैठी की इसाएलो रे बारा गोत्रा रा न्याय करो। 31 “शमौन, ओ शमौन! देख, शैताने तुसे

लोक मांगी लये रे, ताकि कणका जेडे फड़ाकुओ। 32 पर मैं तेरिया तंडी प्रार्थना कित्ती कि तुसे मां पाँदे विश्वास करना नि छाडी देओ, और जेबे तूँ आपणा मन फेरो, तो आपणे पाई मजबूत करने।” 33 तिने बोलेया, “ओ प्रभु! आँऊ तुसा साथे जेला रे जाणे खे, बल्कि मरने खे बी त्यार ए।” 34 प्रभुए बोलेया, “ओ पतरस! आँऊ ताखे बोलूँआ कि आज मुर्गे बांग नि देणी, जदुओ तक तूँ माखे तीन बार जाणने ते नि मुकरना।” 35 यीशुए तिना खे बोलेया, “जेबे मैं तुसे सुसमाचार प्रचार करने बटुए, चौली और जोड़ेया ते बिना पेजे थे, तेबे क्या तुसा खे किजी चीजा री कमी ऊई?” तिने बोलेया, “किजी चीजा री नि।” 36 तेबे यीशुए बोलेया, “पर एबे जेसगे बटुआ ए, से लयी लो और तिंयाँ ई चोला बी और जेसगे तलवार निए, से आपणे टाले बेची की एक खरीदी लो। 37 कअँकि आँऊ तुसा खे बोलूँआ कि ये जो पवित्र सास्त्रो रे लिखी राखेया, ‘से अपराधिया साथे गिणेया गया।’ से मां पाँदे ऊणा जरूरी ए, कअँकि मेरे बारे रिया गल्ला पुरिया ऊणे वालिया ए।” 38 चैलेया बोलेया, “ओ प्रभु! देखो, एती दो तलवारी आए, तिने बोलेया बक्त ए।” 39 तेबे यीशु बारे निकली की आपणी रवाजा रे मुताबिक जैतूनो रे पाह्डों पाँदे गये और चेले बी तिना पीछे चली गे। 40 तेते जगा रे पँड़छी की तिने आपणे चेलेया खे बोलेया, “प्रार्थना करदे रओ, ताकि परीक्षा रे नि पड़ो।” 41 तेबे सेयो आपू तिना ते थोड़ी जी दूर चली गे और कुटणे टेकी की प्रार्थना करने लगे 42 और बोलणे लगे, “ओ पिता! जे तुसे चाओ तो एस दुःखो खे मांगा गे ते दूर करी सकोए, तेबे बी मेरी इच्छा नि पर तुसा री इच्छा पूरी ओ।” 43 तेबे स्वर्गो ते एक स्वर्गदूत तिना खे दिशेया, जो तिना खे सामर्थ देयो था। 44 तेबे सेयो जादा मुश्किला रे, व्याकुल ऊई की ओर बी दिलो ते दुःखी ऊई की प्रार्थना करने लगे और तिना रा पसीना, मानो खूनो रे बड़े-बड़े टीपेया जेडा जमीना पाँदे छुटणे लगी रा था। 45 तेबे सेयो प्रार्थना करी की उठे और आपणे चेलेया गे गये ओर तिने सेयो उदास ऊई की सये रे देखे। 46 और तिना खे बोलेया, “सऊणे कअँ लगी रे? उठो और प्रार्थना करो, ताकि परीक्षा रे नि पड़ो।” 47 सेयो ये बोलणे ई लगी रे थे कि एक बड़ी पाड़ तिना गे आयी और तिना बारा बीचा ते, एक जेसरा नाओं यहूदा था, तिना ते आगे-आगे आऊणे लगी रा था और से यीशुए गे आया, ताकि तेसखे चूमो। 48 यीशुए तेसखे बोलेया, “ओ यहूदा! क्या तूँ माणूं रे पुत्रो खे चूमा लयी की पकड़वाएया?” 49 तिना रे साथिये जेबे देखेया कि क्या ऊणे वाला ए, तेबे बोलेया, “ओ प्रभु! क्या आसे तलवार चलाऊँ?” 50 तेबे तिना बीचा ते एकी जणे प्रदान पुरोईतो रे दासो पाँदे तलवार चलाई की तेसरा दाँगा कान ऊड़ाई ता। 51 तेबे यीशुए बोलेया, “एबे बस करो” और तेसरा कान छुँई की से ठीक करी ता। 52 तेबे यीशुए बड़े पुरोईतो ते, मन्दरो रे पर्झादेणे वाले सरदारो ते, बुजुर्गा ते और जो तिना पाँदे चढ़ने लगी रे थे, तिना खे बोलेया, “क्या तुसे आँऊ डाकू समजी राखेया जो माखे पकड़ने खे तलवारी और डण्डे लयी की निकली रे? 53 जेबे आँऊ मन्दरो रे हर दिन तुसा साथे था, तेबे तो तुसे मां पाँदे आथ नि पाया। पर ये तुसा रा बखत

ए और न्हेरे रा अक्क ए।” 54 तेबे सेयो तिना खे पकड़ी की प्रदान पुरोईतो रे आँगणो रे ल्याए और पतरस दूरो-दूरो तेई तिना पीछे-पीछे आईगा 55 और जेबे सेयो आँगणो रे आग बाली की बैठी रे थे, तेबे पतरस बी तिना बीचे बैठे गा। 56 तेबे एक दासी तेसखे आगी रे प्रयासे रे देखी की और तेसरे कनारो खे ताकि की बोलणे लगी, “ये बी तो तेस साथे था?” 57 पर तिने ये बोली की ना करी ती कि, “ओ जवाणसे! आऊं तेसखे नि जाणदा।” 58 थोड़ी देर बाद किने ओरी तेसखे देखी की बोलेया, “तूँ बी तो तिना बीचा ते ए,” पतरसे बोलेया, “ओ माणू! आऊं निए।” 59 तेबे कोई एक कंटे ते बाद एक और माणू पक्का ऊई की बोलणे लगेया, “पक्का ये बी तेस साथे था, कऊँकि ये बी गलीली ए।” 60 पतरसे बोलेया, “ओ माणू! आऊं नि जाणदा कि तूँ क्या लगी रा बोलणे?” से ये बोलणे ई लगी रा था कि तेबुई मुर्मे बांग दित्ती। 61 तेबे यीशुए तेसखे मुटी की देखेया, तेबे पतरसो खे तिना री गल्ल याद आयी, जो तिने बोली थी कि, “आज मुर्मे री बांग देणे ते पईले तूँ माखे तीन बार जाणने ते मुकरना।” 62 तेबे से बारे निकली की फूटी-फूटी की रोणे लगेया। 63 जिने माणूए यीशु पक्की राखे थे, सेयो तिना रा मजाक ऊँझाणे लगे और टीशणो लगे 64 और तिना रिया आखी टखी की तिना ते पूछेया, “भविष्यबाणी करी की बता कि तांदे किने बाई?” 65 तेबे तिने ओर बी बऊत निन्दा रिया गल्ला तिना रे बिरोदो रे बोलिया। 66 जेबे दिन ऊआ तेबे, बुजुंग, बड़े पुरोईते और शास्त्रिए तिना खे आपणी बड़ी सभा रे ल्याई की पूछेया, 67 “जे तूँ मसीह ए, तो आसा गे बताई दे।” यीशुए बोलेया, “जे आऊं बोलूँगा तो तुसा विश्वास नि करना।” 68 और जे पूछूँ तो जवाब नि देणा। 69 पर आजो ते आऊं माणू रा पुत्र सर्वशक्तिमान परमेश्वरो रे दाँणे कनारे बैठे रा रणा।” 70 ये सुणी की सबी जणे बोलेया, “तो क्या तूँ परमेश्वरो रा पुत्र ए?” तिने तिना खे बोलेया, “तुसे आपू ई बोलणे लगी रे, कऊँकि आऊं आए।” 71 तेबे तेसखे, “एबे आसा खे गवाईया री क्या जरूरत ए, कऊँकि आसे आपू ई एसरे मुंओ ते सुणी ता रा।”

23 तेबे सारी सभा उठी की तिना खे पिलातुसो गे लयी गी। 2 सेयो ये बोली की तिना पाँदे दोष लगाणे लगे, “आसे ये लोका खे रोमी सरकारा रे खलाफ बरोद करने खे बईकंटे ऊए और कैसरो खे कर देणे खे ना करदे ऊए और आपू खे मसीह, राजा बोलदे ऊए सुणी राखेया।” 3 पिलातुसे तेसते पूछेया, “क्या तूँ यूहूदिये रा राजा ए?” यीशुए तेसखे बोलेया, “तूँ आपू ई लगी रा बोलणी।” 4 तेबे पिलातुसे बड़े पुरोईत और लोका खे बोलेया, “आऊं एस माणूए रे कोई दोष नि देखदा।” 5 पर सेयो ओर बी पक्के ऊई की बोलणे लगे, “ये गलीलो ते लयी की एथो तक, सारे यहूदिया रे उपदेश देई-देई की लोका खे उकसाओआ।” 6 ये सुणी की पिलातुसे पूछेया, “क्या ये माणू गलीलो रा रणे वाला ए?” 7 तेबे ये जाणी की कि ये हेरोदेसो गी रियासता राए, से हेरोदेसो गे पेजी ता, कऊँकि तिना दिना रे से बी यरूशलेमो रे था। 8 हेरोदेस यीशुए खे देखी की बऊत खुश ऊईगा, कऊँकि से बऊत दिना ते तिना खे देखणा

चाओ था, कऊँकि तिने तिना रे बारे रे सुणी राखेया था और यीशुए ते कोई चिह्न देखणे री उम्मीद राखो था। 9 तेबे से तिना ते मुख्ती गल्ला पूछदा रया, पर तिने तेसखे कुछ बी जवाब नि दित्तेया। 10 तेबे बड़े पुरोईत और शास्त्री खड़े ऊई की तनो-मनो साथे तिना पाँदे दोष लगादे रये। 11 तेबे हेरोदेस आपणे सिपाईया साथे तिना रा मजाक उड़ाया और भड़किले टाले पण्याई की पिलातुसो गे वापस पेजी ता। 12 तेसी दिनो ते हेरोदेस और पिलातुस दोस्त बणी गे, इज्जी ते पईले सेयो एकी-दूजे रे बैरी थे। 13 पिलातुसे बड़े पुरोईत, अधिकारी और लोक बुलाई की तिना खे बोलेया, 14 “तुसे एस माणूए खे लोका खे रोमी सरकारा रे खलाफ बरोद करने खे बईकंटे वाला बोली की मांगे ल्याई राखे और देखो, मैं तुसा सामणे एसरी जांच कित्ती, पर जिना गल्ला रा तुसे एस पाँदे दोष लगी रे लगाणे, तिना गल्ला रे मैं एसरे कोई बी दोष नि पाया।” 15 ना ई हेरोदेस, कऊँकि तिने ये आसा गे वापस पेजी ता रा और देखो, एसते एड़ा कुछ नि ऊई रा, जेतेरी बजअ ते एसखे मृत्यु दण्ड मिलो। 16 तेबे आऊं तेसखे कोड़े लगवाई की छाडी देऊआ।” 17 यहूदिया रे फसह रे त्योआरो रे दिने पिलातुस हर साल एकी कैदियो खे तिना खे छाडी देओ था। 18 तेबे सब मिली की चींगणे लगे, “एसरा काम-तमाम कर और आसा खे बरअबे खे छाडी दे।” 19 ये सेईजे जो हुड़दंगो री बजअ ते, जो नगरो रे ऊआ था और अत्या री बजअ ते जेला रे पायी ता था। 20 पर पिलातुसे यीशुए खे छाडणे री इच्छा ते लोक फेर समजायाए। 21 पर तिने चींगी की बोलेया, “एसखे कूसो पाँदे चढ़ाई देओ, कूसो पाँदे।” 22 तिने तीजी बार तिना खे बोलेया, “कऊँ, इने कुण जी बुराई की राखी? मैं एसरे मृत्यु दण्डो लायक कोई बी गल्ल नि देखी। इज्जी री खातर आऊं एसखे कुटवाई की पेजी देऊआ।” 23 पर सेयो चींगी-चींगी की पीछे ई पड़ी गे कि एसखे कूसो पाँदे चढ़ाओ और तिना रा चींगणा प्रबल ऊईगा। 24 तेबे पिलातुसे आज्ञा दित्ती कि इना री बिनतिया रे मुताबिक कितेया जाओ। 25 तिने से माणू जो हुड़दंग और अत्या री बजअ ते जेला रे पाया था और जेसखे सेयो माँगो थे, छाडीता और यीशु तिना री इच्छा रे मुताबिक तिना रे आथो रे देई ते। 26 जेबे सेयो यीशुए खे नीणे लगी रे थे, तेबे तिने शमैन नाओं रा एक कुरेनी माणू, जो दूजे गांव ते आऊणे लगी रा था, तेसी बखते से तिसिये निकलेया, पकड़ी की तेस पाँदे कूस लादी ता, ताकि एसखे यीशुए पीछे लयी चलो। 27 तेबे लोका री बड़ी पीड़ तिना पीछे चली पड़ी और मुख्ती जवाणसा बी, जो तिना पीछे रोओ थिया और छाती पीटो थिया। 28 यीशुए तिना खे मुटी की बोलेया, “ओ यरूशलेमो री बेटियो! माखे नि रोओ, बल्कि आपू और आपणे बालका खे रोओ जो तुसा साथे ऊणे वाला ए 29 कऊँकि सेयो दिन आऊणे, जेबे बोलणा कि धन्य ए से जवाणसा जो बांझ ए और से गर्भ जिने बच्चे पैदा नि कित्तो और सेयो स्तन जिने दूद नि पलायाया। 30 तेस बखते तिना पाहड़े ते बोलणा कि आसा पाँदे आयी जाओ और टिलेया खे कि आसा खे ठर्ही देओ। 31 “कऊँकि जेबे सेयो अरेया डाला साथे एड़ा करोए, तो सूकेया साथे क्या कुछ नि करेया जाणा।” 32 सिपाई यीशुए साथे दो

ओर मांगूआ खे जो कुकर्मी थे, काणे खे लयी चले। 33 तेबे सेयो तेते जगा रे जेतेखे खोपड़ी बोलो थे, पँड़छे, तेबे तिने तेती यीशु और सेयो दो जणे जो कुकर्मी थे, एक दँगे कनारे और दूजा खूँजे कनारे कूसो पाँदे चढ़ाए। 34 तेबे यीशुए बोलेया, “ओ पिता! इना खे माफ कर, कऊंकि यो नि जाणदे कि क्या लागी रे कन्ने?” और तिने चिट्ठिया पायी की तिना रे टाले बांडी ते। 35 लोक खड़े-खड़े देखणे लगी रे थे और अधिकारी बी मजाक करी-करी की बोलो थे, “इने ओर बचाए, जे ये परमेश्वरो रा मसीह ए और तेसरा वूणे राए, तो आपणे आपू खे बचाई लो।” 36 सिपाई बी नेड़े आओ थे और सिरका दई की तिना रा मजाक करी की बोलो थे, 37 “जे तूं यूहदिया रा राजा ए, तो आपू खे बचा।” 38 तिना पाँदे एक दोष-पत्र बी था लगे रा कि, “ये यूहदिया रा राजा ए।” 39 जो कुकर्मी लटाकाई राखे थे, तिना बीचा ते एकी जणे यीशुए री निन्दा करी की बोलेया, “क्या तूं मसीह निए? तो आपू और आसा खे बचा।” 40 तेबे दूजे जणे तेसखे बकी की बोलेया, “क्या तूं परमेश्वरो रा डर पनि मानदा? तूं बी तो सई सजा पुगतणे लगी रा। 41 आसे तो न्याय रे मुताबिक सजा पाणे लगी रे, कऊंकि आसे आपणे कामो रा अच्छा फल लगी रे पाणे, पर इने कोई बी बुरा काम नि कितेया।” 42 तेबे तिने बोलेया, “ओ यीशु! जेबे तूं आपणे राज्य रे आए, तो मेरी सम्बाल बी लयी लया।” 43 तिने तेसखे बोलेया, “आँक ताखे सच लगी रा बोलणे कि तूं आज ई मां साथे स्वर्गलोको रे ऊणा।” 44 और तकरीबन दोपझिरे रे तीजे पझिरो तक सारे देशो रे नहेरा ऊईगा। 45 और सूरजो रा प्रयासा चली गा, तेबे मन्दरो रा पड़दा पाँदो ते लई की थालो तक फटीगा और तिजी रे दो टुकडे ऊईगे। ए ये दखाओ कि एबे कोई मांगू परमेश्वरो री हजुरिया रे जाई सकोआ। 46 तेबे यीशुए जोरे की बोलेया, “ओ पिता! आँक आपणी आत्मा तुसा रे आथो रे सम्बालूआ और ये बोली की तिने प्राण छाडी ते।” 47 सूबेदारे जो कुछ ऊई रा था देखी की परमेश्वरो री तारीफ किती और बोलेया, “सच्ची ये मांगू तर्मी था।” 48 तेबे पीड़ जो ये देखणे खे कट्टी ऊई री थी, ये घटणा देखी की छाती पिटटी ऊई वापस ऊईगी। 49 पर तिना रे सब जाण-पछ्याण वाले और जो जवाणसा गलील प्रदेशो ते तिना साथे आयी रिया थिया, दूर खड़िया ऊई की ये सब देखणे लगी री थिया। 50 तेती यूसुफ नाओं रा बड़ी सभा रा एक सदस्य था, जो पला और तर्मी मांगू था 51 और तिना री योजना और तिना रे इना कामो ते खुश नि था। से यूहदिया रे नगर अरिमतियाह रा रणे वाला था और परमेश्वरो रे राज्य री बाट न्यालने वाला था। 52 तिने पिलातुसो गे जाई की यीशुए री लोथ मांगी। 53 और से उतारी की मलमलो री चादरी रे लपेटी और कब्रा रे राखी, जो चटानी रे खणी राखी थी और तिदे कटी कोई नि राखी राखेया था। 54 से त्यारिया रा दिन था और आरामो रा दिन शुरू ऊणे वाला था। 55 तिने जवाणसे जो गलीलो ते तिना साथे आयी री थिया, पीछे-पीछे जाई की से कब्र देखी और ये बी कि तिना री लोथ कियाँ थी राखी री। 56 तेबे तिने आपणे कअरे वापस

आयी की खुशबूदार चीजा और इत्र यीशुए रे शरीरो पाँदे मलने खे त्यार कितेया और आरामो रे दिने तिने आज्ञा रे मुताबिक आराम कितेया।

24 तेबे सेयो अप्रते रे पईले दिने प्यागा-प्यागा खुशबूदार चीजा जो तिने त्यार कित्तिया थिया, कब्रा पाँदे लयी की आईया। 2 तिने पात्थर कब्रा पाँदा ते कनारे पाँदे खसकेया रा देखेया। 3 पर पीते जाई की यीशुए री लोथ नि पायी। 4 जेबे सेयो एसा गल्ला ते हैरान ऊणे लगी री थिया, तेबे दो मांगू सफेद टाले पईनी की तिना सामणे खड़े ऊईगे, मतलब दो स्वर्गदूत एकदम आयी तिना सामणे खड़े ऊईगे। 5 जेबे सेयो डरी गिया और तरतिया कनारे खे मूँ जूँगेया रा राखेया, तेबे तिना खे बोलेया, “तुसे जिऊंदे खे मेरे रेया बीचे कऊं लागी रिया टोलने? 6 से एती निए बल्कि जिऊंदा ऊईगा रा, याद करो कि तिने गलीलो रे रंदे ऊए तुसा खे बोलेया था, 7 जरूरी ए कि आँक मांगू रा पुत्र पापिया रे आथो रे पकड़वाया जाओ और कूसो पाँदे लटकाया जाओ और तीजे दिने जिऊंदा ऊई जाओ।” 8 तेबे यीशुए रिया गल्ला तिना खे याद आईया। 9 तेबे तिने कब्रा ते वापस ऊई कि तिना ग्यारा जणेया खे और ओरी सबी खे, यो सब गल्ला बताईया। 10 जिने प्रेरिते यो सब गल्ला बोलिया, सेयो, मरियम मगदलिनी, यूहन्ना और याकूबो री आम्मा मरियम और तिना साथलिया और बी जवाणसा थिया। 11 पर तिना खे तिना री गल्ला काणियां जेडिया लगीया और तिने तिना रा विश्वास नि कितेया। 12 तेबे पतरस उठी की कब्रा आओखे दौड़ी की चली गा और तिने नपी की बस टाले ई पँडे रे देखे और जो ऊआ था तिजी ते हैरान ऊई की कअरो खे चली गा। 13 तेबे तेसी दिने तिना बीचा ते दो चैते इम्माऊस नाओं रे गांव खे जाणे लगी रे थे, जो यस्तलेमो ते तकरीबन ग्यारा किलोमीटर दूर था। 14 सेयो इना सबी गल्ला खे, जो ऊई रिया थिया, आपू बीचे बातवीत करदे ऊए चली रे थे 15 और जेबे सेयो आपू बीचे बातवीत और पूछताछ करने लगी रे थे, तेबे यीशु आपू तिना साथ-साथे चलणे लगे। 16 पर तिना री आखिया एडिया बंद करी ती थिया कि सेयो तिना खे पछ्याणी नि सके। 17 यीशुए तिना ते पूछेया, “यो केडिया गल्ला ए, जो तुसे चलदे-चलदे ऊए आपू बीचे करने लगी रे?” सेयो उदास जे खड़े रे रई गे। 18 ये सुणी की तिना बीचा ते किल्युपास नाओं रे मांगू बोलेया, “क्या तूं यस्तलेमो रे कल्ला परदेशी ए, जो जाणदा नि कि आजकाल तेती क्या ऊई रा?” 19 तिने तिना ते पूछेया, “कुण जीया गल्ला?” तिने बोलेया, “यीशु नासरियो रे बारे रे, जो परमेश्वर और सबी लोका रे नेड़े काम और वचनो रे सामर्थी भविष्यबक्ता था 20 और बड़े पुरोईत और म्हारे अधिकारिए से पकड़वाईता, ताकि तेसखे मौता री सजा दिती जाओ और से कूसो पाँदे चढ़ाया। 21 पर आसा खे उम्मीद थी कि एस ई इसाएलो खे छुटकारा देणा और इना सबी गल्ला ते अलावा एसा घटणा खे आज तीजा दिन ए। 22 और एबे आसा बीचा ते बी कई जवाणसे आसे हैरानिया रे पायी ते रे, जो आज प्यागा कब्रा पाँदे गईया थिया 23 और जेबे तेसरी लोथ नि मिली, तेबे ये बोलिया ऊईया आईया कि आसे स्वर्गदूता रा दर्शन पायी राखेया, जिने आसा गे बताया कि यीशु जिऊंदा

ए। 24 तेबे आसा रे साथिया बीचा ते कई जणे तेती गये और जेडा तिने जवानसे बोलेया था, तेढा ई पाया, पर से नि देखेया।” 25 तेबे यीशुए तिना दो चेलेया खे बोलेया, “ओ मूर्खों! और भविष्यबक्तेया रिया सबी गल्ला रे विश्वास करने रे मंदबुद्धियों। 26 क्या ये जस्ती नि था कि मसीही एस दुः खो ते बाद आपणी महिमा रे आओ?” 27 तेबे तिने मूर्खे ते और सबी भविष्यबक्तेया ते शुरूओं ते और सारे पवित्र शास्त्रा बीचा ते, आपणे बोरे रे लिखी रिया सबी गल्ला रा मतलब तिना खे समजयाई ता।

28 तदुओं कि सेयो तेस गाव रे पँड़छी गे, जेती सेयो जाणे लगी रे थे और यीशुए रे चलणे ते एड़ा लगो था कि सेयो आगे जाणा चाओए। 29 पर तिने सेयो ये बोली की रोके, “आसा साथे रओ, कँकिं सौँज ऊँझी री।” तेबे सेयो तिना साथे पीतरे रणे खे चली गे। 30 जेबे यीशु तिना साथे रोटी खाणे बैठे, तेबे तिने रोटी तोड़ी की धन्यवाद कितेया और तोड़ी की तिना खे देणे लगेया। 31 तेबे तिना री आखिया खुली गिया और तिने सेयो पछ्याणी ले, तेबे यीशु तिना ते लूकी गे। 32 तिने आपू बीचे बोलेया, “जेबे से बाटा रे आसा साथे गल्ला करने लगी रा था और पवित्र शास्त्रो रा मतलब आसा खे समजयाणे लगी रा था, तेबे क्या आसा रे मनो रे उतेजना नि ओ थी?” 33 सेयो तेसी बखते उठी की यरुशलेमो खे वापस ऊँझे, और तिना ग्यारा चेलेया खे और तिना रे साथिया खे कट्टे देखेया। 34 सेयो बोलो थे, “प्रभु सच्ची जिऊँदे ऊँझे रे और शमोंन पतरसो खे दिशेया।” 35 तेबे तिने बाटा रिया गल्ला तिना खे बताई तिया और ये बी कि तिने रोटी तोड़े बखते सेयो कियाँ पछ्याणे? 36 सेयो इना गल्ला करने ई लगी रे थे कि यीशु आपू ई तिना बीचे खड़े ऊँझे और तिना खे बोलेया, “तुसा खे शान्ति मिलो।” 37 पर सेयो कबराई गे, डरी गे और समजणे लगे कि केसी पूतो खे देखणे लगी रे। 38 यीशुए तिना खे बोलेया, “कबराणे कँऊ लगी रे? और तुसा रे मनो रे शक कँऊ ए? 39 मेरे आथा खे और मेरे पैरा खे देखो कि आऊँ सेईए, माखे छुँझी की देखो, कँकिं आत्मा रे आहु और मांस नि ऊँदे, जेडा मादे देखणे लगी रे।” 40 ये बोली की तिने आपणे आथ पैर तिना गे बताए। 41 जेबे खुशिया रे मारे तिना खे विश्वास नि ऊआ कि यीशु जिऊँदा ऊँझा रा और हैरान ऊँझे, तेबे यीशुए बोलेया, “क्या एती तुसा गे कुछ रोटी आयी।” 42 तिने तिना खे पुजी रिया मछलिया रा टुकड़ा दितेया। 43 तिने लयी की तिना सामणे खाया। 44 तेबे यीशुए तिना खे बोलेया, “यो मेरिया सेयो गल्ला ए, जो मैं तुसा साथे रंदे ऊए, तुसा खे बोली थिया, कि जरूरी ए कि जिताणिया गल्ला मूसे रा बिधान और भविष्यबक्ता और पजनों री कताबा रे मेरे बारे रे लिखी राखिया, सेयो सब पुरिया ओ।” 45 तेबे यीशुए पवित्र शास्त्र समजणे खे तिना खे अक्ल दिती। 46 और तिना खे बोलेया, “पवित्र शास्त्रो रे ईयां लिखी राखेया कि मसीहे दुः ख उठाणा और तीजे दिने मरे रेया बीचा ते जिऊँदा ऊणा। 47 और यरुशलेम नगरो ते लयी की सबी जातिया खे मन फिराणे रा और पापो रिया माफिया रा प्रचार, तेसरे ई नाओं ते कितेया जाणा। 48 तुसे इना सबी गल्ला रे गवा ए 49 और देखो, मां आपू पवित्र आत्मा पेजणी जेतेरी

प्रतिज्ञा मेरे पिते करी राखी और जदुओं तक स्वर्गों ते सामर्थ नि पाओ, तदुओं तक एस नगरो रेह्ड रओ।” 50 तेबे यीशु तिना खे बैतनिय्याह नगरो तक बारे लईगे, और आपणे आथ चकी की तिना खे आशीष दिती। 51 और तिना खे आशीष देंदे ऊए सेयो तिना ते लग ऊँझे और स्वर्गों खे चकी ते। 52 तेबे चेले तिना गे माथा टेकी की और बडिया खुशिया साथे यरुशलेमो खे वापस ऊँझे। 53 और हर रोज मन्दरो रे आजीर ऊँझे की परमेश्वरो री स्तुति करेया करो थे।

यूहन्ना

१ सृष्टिया ते पईले वचन था, वचन परमेश्वरो साथे था और वचन

परमेश्वर था। २ येई शुरूओं ते परमेश्वरो साथे था। ३ परमेश्वरे सब कुछ तेसरी जरिए पैदा कितेया और जो कुछ पैदा ऊई रा, तिना बीचा ते कोई बी चीज तेसते बिना नि ऊई। ४ तेसदे जीवन था और से जीवन माणूआ री जोति थी। ५ जोति नहें रे चमकदी रई; पर न्द्रे तिजी पाँदे हावी नि ऊई सकेया। ६ परमेश्वरे एक माणू पेजेया, जेसरा नाओं यूहन्ना था। ७ से तेसा ई जोतिया री गवाई देणे आया, ताकि सब तेसरी बजअ ते विश्वासो रे आओ। ८ यूहन्ना आपू तो, से जोति नि था, पर तेसा जोतिया री गवाई देणे आयी रा था। ९ सच्ची जोति जो हर एक माणूखे प्रयासा देओई, से आपणे आपू खे दुनिया रे लोका पाँदे प्रकट करने वाली थी। १० से दुनिया रे था और दुनिया तेसरे जरिए पैदा ऊई, पर दुनिया रे लोके से नि पछायाण। ११ से आपणे कजरे आपणे लोका बीचे आया पर तेसरे आपणेया से नि मानेया। १२ पर जितेया से मानेया, तिना खे तिने परमेश्वरो री ल्वाड ऊणे रा अकव दितेया। मतलब-जो तेसरे नाओं पाँदे विश्वास राखो थे। १३ सेयो ना तो खूनो ते, ना शरीरो री इच्छा ते, ना माणूरी री इच्छा ते, पर परमेश्वरो ते पैदा ऊई रे। १४ और वचन माणूरे शरीरो रे आया और कृपा और सच्चाईया ते परिपूर्ण ऊई की आसा बीचे डेरा कितेया और आसे तेसरी एडी महिमा देखी, जेडी पिते रे एकलौतै री महिमा। १५ यूहन्ने तेसरे बारे रे गवाई दिती और आक्का पाई की बोलेया, “से येईए, जेसरे बारे रे मैं बोलेया कि जो मांते बाद आऊणे लगी रा, से मांते बढ़ी की ए, कँडकि से मांते पईले था।” १६ कँडकि तेसरी कृपा री परिपूर्णता बीचा ते आसा सबी खे आशीषा पाँदे आशीष मिली। १७ तेबेई परमेश्वरे बिधान तो मूसे रे जरिए दितेया, पर तिने यीशु मसीहे रे जरिए कृपा और सच्चाई दखाई। १८ परमेश्वर कदी बी किने नि देखेया, केवल एकलौता पुत्रे, जो सच्ची ई आपू परमेश्वर ए, और जो पिते री गोदा रे ए, तिने ई ये प्रगट कितेया कि परमेश्वर केडा ए। १९ जेबे यहूदी अगुवे यस्तश्लेम नगरो ते पुरोर्वत और लेविया खे यूहन्ना ते ये पूछणे खे पेजेया, “तूँ कुण ए?” तो यूहन्ने गवाई दिती, २० “आऊँ मसीह निए।” २१ तेबे तिने तेसते पूछेया, “तेबे तूँ कुण ए? क्या तूँ एलिय्याह भविष्यबक्ता ए?” तिने बोलेया, “आऊँ निए।” “तेबे तूँ क्या भविष्यबक्ता ए?” तिने बोलेया, “ना।” २२ तेबे तिने तेसते पूछेया, “तेबे तूँ कुण ए? ताकि आसे आपणे पेजेणे वालेया खे जवाब देऊँ, तूँ आपणे बारे रे क्या बोलेया?” २३ यूहन्ने तिना लोका खे यशायाह भविष्यबक्ते रे वचना रा इस्तेमाल करी की बोलेया, “आऊँ सुणसाण जगा रे एक आक्का पाणे वाले री आवाज ए, ताकि तुसे प्रभुए री बाट सीदी करो।” २४ सेयो फरीसिये री तरफा ते पेजी राखे थे। २५ तिने तेसते ये सवाल पूछेया, “जे तूँ ना तो मसीह ए, ना एलिय्याह और ना भविष्यबक्ता ए, तो बपतिस्मा कऊँ देदा?” २६ यूहन्ने तिना सबी खे जबाब दितेया, “आऊँ तो पाणिए की बपतिस्मा देऊँआ, पर तुसा बीचे

एक माणू खड़ी रा, जेसखे तुसे नि जाणदे। २७ मतलब-मांते बाद आऊणे वाला ए, जेसरे जोडे रे फिथे बी आऊँ खोलणे जोगा निए।” २८ यो गल्ला यरदन नदिया ते पार बैतनिय्या हगंव रे ऊईया, जेती यूहन्ना लोका खे बपतिस्मा देजो था। २९ दूजे दिने तिने यीशुए खे आपू गे आऊँदे ऊए देखी की बोलेया, “देखो, ये परमेश्वरो रा मिन्दू ए, जो दुनिया रे पाप चक्की की लयी जाओआ। ३० ये सेर्ईए, जेसरे बारे रे मैं बोलेया था कि एक मर्द मां पाँछे आओआ, जो मांते बी बड़ा ए, कँडकि से मांते पईले था। ३१ आऊँ तो तेसखे पछायाणु नि था कि से मसीह ए, पर आऊँ इजी री खातर पाणिए की बपतिस्मा देंदा ऊआ आया, ताकि से इसाएलो रे प्रगट ऊई जाओआ।” ३२ यूहन्ने ये गवाई दिती, “जियाँ कबूतर उड़दा ऊआ थाले आओआ तियाँ ई तिने पवित्र आत्मा सर्गो ते उतरदे ऊए देखेया। और से तेस पाँदे रुक्की गा। ३३ आऊँ तो तेसखे पछायाणु नि था, पर जिने आऊँ पाणिए साथे बपतिस्मा देणे खे पेजेया, तिने ई मांगे बोलेया, “जेस पाँदे तूँ आत्मा खे उतरदे ऊए और रुक्कदे ऊए देखेगा, सेर्ई पवित्र आत्मा ते बपतिस्मा देणे वाला ए।” ३४ मैं से देखेया और आऊँ तुसा खे सच-सच बोल्तूँआ कि येई परमेश्वरो रा पुत्र ए।” ३५ दूजे दिने फेर यूहन्ना और तेसरे चेलेया बीचा ते दो जाणे खड़ी रे थे। ३६ और तिने यीशुए खे, जो जाणे लगी रा था, देखी की बोलेया, “देखो, ये तो परमेश्वरो रा मिन्दू ए।” ३७ तेबे सेयो दोनो चेले तेसते ये सुणी की यीशुए पीछे चली पड़े। ३८ यीशुए तिना खे आऊँदे ऊए देखी की पीछे मुझी की बोलेया, “तुसे केसखे लगी रे टोल्ने?” तिने तिना खे बोलेया “ओ गुरु! तुसे केयी रओए?” ३९ यीशुए बोलेया, “चलोगे तो देखी लओगे।” तेबे तिने आयी की तिना रे रणे री जगा देखी और तेस दिने तिना साथे ई रथे और ये दोपर्हो ते बाद तकरीबन चार बजे रे करीब था। ४० तिना दूँबूँ बीचा ते, जो यूहन्ने री गल्ल सुणी की तिना पीछे आए थे तिना बीचा ते एक शमौन पतरसो रा पाई अन्द्रियास था। ४१ तिने पईले आपणे सके पाई शमौने खे मिली की बोलेया, “आसा खे खीस्ट, मतलब मसीह, मिली गा।” ४२ अन्द्रियास तेसखे यीशुए गे ल्याया, यीशुए तेसखे देखी की बोलेया, “तूँ यूहन्ने रा पाऊ शमौन ए, तूँ कैफा नाओं ते जाणेया जाणा,” या पतरस जेतेरा मतलब पाठर ऊणा। ४३ दूजे दिने यीशुए गलील प्रदेशो खे जाणा चाया। जेबे फिलिप्पुस तिना खे मिलेया तो तेसखे बोलेया, “मां पीछे आईजा।” ४४ फिलिप्पुस, अन्द्रियास और पतरसो रे नगर बैतसैदा रा रणे वाला था। ४५ फिलिप्पुस नतनएलो ते मिली की बोलेया, “जेसरे बारे रे मूसे बिधानो रे और भविष्यबक्ते बोली राखेया, से आसा खे मिली गा रा, से यूसुफो रा पाऊ यीशु नासरी ए।” ४६ नतनएले तेसखे बोलेया, “क्या कोई खरी चीज बी नासरतो ते निकली सकोई?” फिलिप्पुस तेसखे बोलेया, “चली की देखी लो।” ४७ यीशुए नतनएलो खे आपू गे आऊँदे ऊए देखी की तेसरे बारे रे बोलेया, “देखो, ये सच्ची इसाएली ए, एसरे कोई कपट निए।” ४८ नतनएले तिना खे बोलेया, “तूँ माखे कियाँ जाणेया?” यीशुए तेसखे जबाब दितेया, “इजी ते पईले फिलिप्पुसे तूँ बुलाया, जेबे तूँ दाऊगले रे डालो निठे था, तेबे मैं तूँ देखेया था।” ४९

नतनएले तिना खे जवाब दित्तेया, “ओ गुरु! तूं परमेशरो रा पुत्र ए, तूं इसाएलो रा महाराजा ए।” 50 यीशुए तेसखे उतर दित्तेया, “मैं जो ताखे बोलेया कि मैं तूं दाऊगले रे डालो निठे देखेया, क्या तूं तेबेई विश्वास करेया? तां इजी ते बी बडे-बडे काम देखणे।” 51 फेर तेसखे बोलेया, “आँ ताखे सच-सच बोलूँआ कि तां स्वर्ग खुलेया रा और परमेशरो रे स्वर्गदूत माणूं रे पुत्रो पाँदे उतरदे और ऊबे जांदे ऊ देखणे।”

2 तीजे दिने गलील प्रदेशो रे काना नगरो रे केसी रा व्या था और यीशुए री आम्मा बी तेती थी। 2 यीशु और तिना रे चेले बी तेती व्याओ खे बुलाई राखे थे। 3 जेबे अँगूरा रा रस कम ऊईगा, तेबे यीशुए री आम्मे तिना खे बोलेया, “तिना गे अँगूरा रा रस नि रया।” 4 यीशुए तेसा खे बोलेया, “ओ जवाणसे! ताखे माते क्या काम ए? एबु मेरा आपणे आपू खे प्रकट करने रा बखत नि आयी रा।” 5 पर तिना री आम्मे दासा खे बोलेया, “जो कुछ ये तुसा खे बोलोगा, सेर्ई करना।” 6 तेती यहूदिया री शुद्ध करने री रवाजा रे मुताबिक, पात्थरा रे छे बडे कअडे राखे रे थे, जिना रे दो-दो और तीन-तीन मण आओ था। 7 यीशुए दासा खे बोलेया, “कअडेया रे पाणी परी देओ।” तिने परी-परी करी ते। 8 यीशुए तेस दासो खे बोलेया, “एबे इजी बीचा ते थोडा पाणी निकयाली की पाटिया (भोज) रे प्रदानो गे लयी जाओ और तिने दासे एडा ई कित्तेया।” 9 जेबे पाटिया रे प्रदाने से पाणी चाखेया, जो अँगूरा रा रस बणीगा था, पर ये नि जाणो था कि केथा ते आया (पर जिने दासे पाणी निकयालेया था, सेयो जाणो थे) तेबे पाटिया रे प्रदाने लाडे खे बुलाई की तेसखे बोलेया, 10 “हर एक माणूं पर्डे बढिया अँगूरा रा रस देओआ और जेबे लोक पी की थकी जाओए, तेबे आदा देओआ, पर तैं बढिया अँगूरा रा रस एबुए तक राखी राखेया।” 11 यीशुए गलील प्रदेशो रे काना नगरो रे आपणा ये पर्डाला चिह्न दखाई की आपणी महिमा प्रगत कित्ती और तिना रे चेलेया तिना पाँदे विश्वास कित्तेया कि सच्ची येई ई मसीह ह। 12 इजी ते बाद यीशु, तिना री आम्मा, तिना रे पाई और तिना रे चेले कफरनहम नगरो खे गये और तेती कुछ दिन तक रये। 13 यहूदिया रा फसह रा त्योआर नेडे था और यीशु यस्तलेम नगरो खे गये। 14 तेबे तिने मन्दरो रे बल्द, पेड, और कबूतरा खे बेचणे वाले और सरफि बैठे रे देखेया। 15 तेबे तिने रसिस्या रा कोडा बणाई की सब पेडा और बल्द मन्दरो ते बारे निकयाली ते और सररफि रे पैसे बखेरी ते और चौकिया मूँदिया करी तिया 16 और कबूतरा खे बेचणे वालेया खे बोलेया, “इना खे एथा ते लयी जाओ, मेरे पिते रे कअरो खे बपारो रा कअर नि बणाओ।” 17 तेबे तिना रे चेलेया खे याद आया कि पवित्र शास्त्रो रे लिखी राखेया, “तेरे कअरो री चिन्ता आँ पितेर-पितेर ई खाई जाणा।” 18 तेबे यहूदिये तिना खे बोलेया, “नूँ जो ये करेया, तो आसा खे क्या चिह्न दखाएया?” 19 यीशुए तिना खे जवाब दित्तेया, “एस मन्दरो खे टाली देओ और मां ये तीन दिना रे फेर खड़ा करी देणा।” 20 यहूदिये बोलेया, “एस मन्दरो खे बनापे खे छायाली साल लगी रे और क्या तां ये तीन दिना रे फेर खड़ा करी देणा?” 21 पर तिने आपणे शरीरो रे मन्दरो रे बारे रे बोलेया था।

22 तो जेबे सेयो मुङ्डेया बीचा ते जिऊँदे ऊँझी थे, तेबे तिना रे चेलेया खे याद आया कि तिने ये बोलेया था और तिने पवित्र शास्त्रो पाँदे और जो वचन यीशुए बोलेया था, विश्वास कित्तेया। 23 जेबे सेयो फसहे रे त्योआरो रे बखते यस्तलेमो रे थे, तेबे बऊत जणेया, सेयो चिह्न, जो सेयो दखाओ थे, देखी की तिना पाँदे विश्वास कित्तेया। 24 पर यीशुए आपणे आपू खे तिना रे परासे नि छाडेया, कँऊकि सेयो सबी खे जाणो थे 25 और तिना खे जस्तर नि थी कि माणूए रे बारे रे कोई गवाई देओ, कँऊकि सेयो आपू जाणो थे कि माणूए रे मनो रे क्या ए?

3 फरेसिया बीचा ते एक नीकुदेमुस नाओं रा माणू था, जो यहूदिया रा धार्मिक अगुवा था। 2 तिने राती आयी की यीशुए खे बोलेया, “ओ गुरु! आसे जाणूए कि तूं परमेशरो री तरफा ते गुरु ऊई की आयी रा, कँऊकि कोई बी इना चमत्कारा खे, जो तूँ दखाएया, जे परमेशर तेस साथे नि ओ, तो दखाई नि सकदा।” 3 यीशुए तेसखे बोलेया, “आँ ताखे सच-सच बोलूँआ कि जे कोई नये सिरे ते नि जम्मो, तो परमेशरो रा राज्य जेती परमेशर राज करोआ देखी नि सकदा।” 4 नीकुदेमुसे तिना खे बोलेया, “जेबे माणू स्याणा उर्द गा, तेबे किंयाँ जम्मी सकोआ? क्या से आपणी आम्मा रे गर्भो रे दूजी बार जाई की जम्मी सकोआ?” 5 यीशुए बोलेया, “आँ ताखे सच-सच बोलूँआ कि जदुओ तक कोई माणू पाणी और आत्मा साथे नि जम्मो, तो से परमेशरो रे राज्य रे नि जाई सकदा। 6 कँऊकि जो शरीरो साथे जम्मी रा, से शरीर ए और जो आत्मा साथे जम्मी रा, से आत्मा ए। 7 हैरान नि ओ कि मैं ताखे बोलेया, ‘तुसा खे नये सिरे ते जम्मा जस्ती ए।’ 8 अवा जेथो खे चाओ, तेथो खे चलो ई और तूँ तिजी री छेड़ सुणेया, पर जाणदा नि कि से केथा ते आयी री और केथो खे जाओई? जो कोई आत्मा ते जम्मी रा, से एडा ईए।” 9 नीकुदेमुसे तिना खे बोलेया, “यो गल्ला किंयाँ ऊई सकोईया?” 10 ये सुणी की यीशुए तेसखे उतर दित्तेया, “तूँ इसाएलिया रा गुरु ऊई की बी क्या इना गल्ला खे नि समजदा? 11 आँ ताखे सच-सच बोलूँआ कि आसे जो जाणूए, से बोलूँए और जो आसे देखी राखेया, तिजी री गवाई देझए, और तुसे म्हारी गवाई नि मानदे। 12 जेबे मैं तुसा गे तरतिया रिया गल्ला बोलिया और तुसे विश्वास नि कित्तेया, तो जे आँ तुसा गे स्वर्गो रिया गल्ला बोलूँ तो तुसा किंयाँ विश्वास करना। 13 कोई इस्वर्गो रे नि चरेद्या, बस से जो स्वर्गो ते उतरेया, मतलब आँऊ माणू रा पुत्र जो स्वर्गो रे ए। 14 और जेते टंगो रे मूसे जंगलो रे पीतलो रा साप ऊच्चे पाँदे चढाया था, तियाँ ई जस्ती ये कि आँऊ माणू रा पुत्र बी ऊच्चे पाँदे चढाया जाओ। 15 ताकि जो कोई मां पाँदे विश्वास करो, से अनन्त जीवन पाओ। (aiōnios g166) 16 “कँऊकि परमेशरे दुनिया रे लोका ते एडा प्यार कित्तेया कि तिने आपणा एकलोता पुत्र देईता, ताकि जो कोई तेस पाँदे विश्वास करो, से नाश नि ओ, पर अनन्त जीवन पाओ। (aiōnios g166) 17 परमेशरे आपणा पुत्र दुनिया रे इजी खे कि दुनिया रे लोक तेसरी बजअ ते उद्धार पाओ। 18 जो मां पाँदे विश्वास

करोआ, तेस पाँदे दण्डो री आज्ञा नि ऊँदी, पर जो मां पाँदे विश्वास नि करदा, से दोषी ठईरी चुकेया, कऊँकि तिने परमेश्वरो रे एकलौते पुत्रो रे नाओं पाँदे विश्वास नि किलेया। 19 और दण्डो री आज्ञा री बजअ थे कि जोति दुनिया रे आयी री और मांणू खे न्हेरा जोतिया ते प्यारा लगेया, कऊँकि तिना रे काम बुरु थे। 20 कऊँकि जो कोई बुराई करोआ, से जोतिया ते बैर राखोआ और जोतिया रे नेडे नि आऊँदा, इडा नि ओ कि तेसरे कामो पाँदे दोष लगाया जाओ। 21 पर जो सच्चाईया पाँदे चलोआ, से जोतिया रे नेडे आओआ, ताकि तेसरे काम सामणे आओ कि सेपो परमेश्वरो री तरफा ते ऊँदेरे।” 22 इजी ते बाद यीशु और तिना रे चेले यहूदिया प्रदेशो रे आए और यीशु तेती तिना साथे इँकी बपतिस्मा देणे लगा। 23 यूहन्ना बी सामरिया प्रदेशो रे शालेम नगरो रे नेडे, ऐनोन गवं रे बपतिस्मा देओ था, कऊँकि तेती बऊत धार्या था और लोक आयी की बपतिस्मा लओ थे। 24 यूहन्ना तेस बखतो तक जेला रे नि पायी राखेया था। 25 तेती यूहन्ने रे चेलेया रा केसी यहूदिये साथे शुद्ध करने री रवाजा रे बारे रे बईस ऊँ। 26 तेबे यूहन्ने रे चेलेया आयी की तेसखे बोलेया, “ओ गुरु! जो मांणू यरदो ते पार तां साथे था और जेसरे बारे रे तैं गवाई दिती थी, देखो, से बपतिस्मा देओआ और लोक तेसगो आओए।” 27 यूहन्ने जवाब दिलेया, “जदुओ तक मांणू खे स्वर्गो ते नि दितेया जाओ, तदुओ तक से कुछ नि पायी सकदा। 28 तुसे तो आपु ई मेरे गवा ए कि मैं बोली राखेया, ‘आऊँ मसीह निए, पर तेसरे आगे पेजी राखेया।’ 29 जेसरी लाडी ए, सेई लाडा ए, पर लाडे रा दोस्त जो खडा ऊँकी की तेसरी सुणोआ, लाडे रे बोलो ते बऊत खुश ओआ, एबे मेरी ये खुशी पूरी ऊँरी। 30 जसरी ए कि से बढादा जाओ और आऊँ कम ऊँदा जाऊँ। 31 “जो स्वर्गो ते आओआ, से सबी ते उत्तम ओआ, जो तरतिया ते आओआ, से तरतिया राए और तरतिया री गल्ला करोआ, जो परमेश्वरो री तरफा ते आओआ, से सबी ते ऊबे ए। 32 जो कुछ तिने देखेया और सुणेया, तेतेरी ई गवाई देओआ और कोई तेसरी गवाई नि मानदा। 33 पर जिने तेसरी गवाई मानी ली, तिने एते गल्ला पाँदे छाप देईती कि परमेश्वर सच्चा ए। 34 कऊँकि जो परमेश्वरे पेजी राखेया, से परमेश्वरो री गल्ला बोलोआ, कऊँकि परमेश्वर तेसखे आपणा आत्मा नापी-नापी की नि देंदा पर खुले दिलो ते देओआ। 35 पिता पुत्रो साथे प्यार राखोआ और तिने सारी चीजा तेसरे आथो रे देईती रिया। 36 जो परमेश्वरो रे पुत्रो पाँदे विश्वास राखोआ, अनन्त जीवन तेसरा ईए, पर जो परमेश्वरो रे पुत्रो री नि मानदा, तेस जीवन नि देखणा, पर परमेश्वरो रा रोष तेस पाँदे रओआ।”

(aiōnios g166)

4 तेबे, जेबे यीशुए खे पता लगेया कि फरीसिये सुणी राखेया कि यीशु यूहन्ने ते जादा चेले बणाओआ और तिना खे बपतिस्मा देओआ। 2 हालाँकि यीशु आपू नि, पर तिना रे चेले बपतिस्मा देओ थे। 3 तेबे सेयो यहूदिया प्रदेशो खे छाडी की फेर गलील प्रदेशो खे चली गे 4 और तिना खे सामरिया प्रदेशो रिये ऊँकी की जाणा पड़ेया। 5 तेबे सेयो सूखार नाओ

रे सामरिया प्रदेशो रे एक नगरो तक आए, जो तेसा जमीना रे नेडे ए, जो याकूबे आपणे पाऊ यूसुफो खे दिती थी 6 और से कूँआं बी जो याकूबे खणेया था, तेथी था। तेबे यीशु बाटा रे थके रे तेस कुँए पाँदे ऊँवा ई बैठीगे। ये गल्ल दोईरी रे तकरीबन ऊँ। 7 तदुओ की एक सामरी जवाणस पाणी परने आयी। यीशुए तेसा खे बोलेया, “माखे पाणी पल्याई दे।” 8 कऊँकि तिना रे चेले नगरो रे रोटी खरीदणे जाई रे थे। 9 तेबे सामरी जवाणसे तिना खे बोलेया, “तूँ यहूदी ऊँकी की मां सामरिया जवाणसा ते पाणी कऊँ मांगेया?” कऊँकि यहूदी सामरिया साथे कोई बी मिलाना-बर्तणा नि राखो थे। 10 यीशुए जवाब दिलेया, “जे तूँ परमेश्वरो रे बरदानो खे जाणदी और ये बी जाणदी कि से कुण ए, जो ताखे बोलोआ, ‘माखे पाणी पल्या,’ तो तूँ तेसरे मांगदी और से ताखे पवित्र आत्मा जीवो रे पाणिए रे रूपो रे देंदा।” 11 जवाणसे तिना खे बोलेया, “ओ प्रभु! तुसा गे तो पाणी परने खे कुछ आया ई नि और कूँआं डूगा ए, तो तेबे से जीवो रा पाणी तुसा गे केथा ते आया? 12 क्या तुसे म्हारे पिता याकूबो ते बी बडे ए, जिने आसा खे ये कूँआं दिलेया और आपू बी आपणे बाल-बच्चेया साथे और डांगरा साथे तिजी ते पिया।” 13 यीशुए तेसा खे जवाब दिलेया, “जेस केसी बी ये पाणी पीणा, से फेर त्याया ऊँ। 14 पर जो कोई तेस पाणिए ते पीओगा, जो मां तेसखे देणा, से कदी फेर अनन्तकालो तक त्याया नि ऊणा, बल्कि जो पाणी मां तेसखे देणा, से तेसरे एक सूबला बणी जाणी जो अनन्त जीवो तक बईदी रणी।” (aiōn g165, aiōnios g166) 15 जवाणसे तिना खे बोलेया, “ओ प्रभु! से पाणी माखे दे ताकि आऊँ त्यायी नि रऊँ और ना आऊँ पाणी परने खे इतणी दूर आऊँ।” 16 यीशुए तेसा खे बोलेया, “जा और आपणे लाडे खे एती बुलाई की ली आओ।” 17 जवाणसे जवाब दित्तेया, “आऊँ बिना लाडे तेई,” यीशुए तेसा खे बोलेया, “तूँ ठीक लगी री बोलणे कि आऊँ बिना लाडे तेई। 18 कऊँकि तूँ पाँज लाडे करी चुकी री और जेस मांणू साथे तूँ एबुए, से बी तेरा लाडा निए, ये तैं सच बोली राखेया।” 19 जवाणसे तिना खे बोलेया, “ओ प्रभु! माखे लगोआ कि तुसे भविष्यवक्ता ए। 20 आसा रे बाप-दादे एस पाहडो पाँदे ई आराधना कित्ती और तुसे बोलोए कि जेती भक्ति करनी चाईयो से जगा यरूशलेम ए।” 21 यीशुए बोलेया, “ओ जवाणसे! मेरी गल्ला पाँदे विश्वास कर कि से बखत आऊणा, जेबे ना तुसा एते पाहडो पाँदे पिते री भक्ति करनी और ना ई यरूशलेमो रे। 22 तुसे सामरी लोक जेसखे जाणदे नि, तेसरी भक्ति करोए और आसे यहूदी जेसखे जाणूए, तेसरी भक्ति करूँए, कऊँकि उद्धार आसा यहूदिया बीचा ते ए। 23 पर से बखत आऊणा, बल्कि एबु बीए, जेबे सच्चे भक्ता, पिते री भक्ति आत्मा और सच्चाईया साथे करनी, कऊँकि पिता आपू खे एडे ई भक्ति करने वालेया खे टोलोआ। 24 परमेश्वर आत्मा ए, इजी खे जसरी ए कि तेसरी भक्ति करने वाले आत्मा और सच्चाईया साथे भक्ति करो।” 25 जवाणसे तिना खे बोलेया, “आऊँ जाणूई कि मसीह जेसखे ख्रीस्ट बोलोए, आऊणे वाला ए, जेबे से आऊणा, तेबे तेस आसा खे सब गल्ला

बताणिया।” 26 यीशुए तेसा खे बोलेया, “आँऊं जो ताखे बोलणे लगी रा, सेर्ई ये।” 27 तदुओ तक तिना रे चेले आईंगे और हैरान ऊँझे कि सेयो जवाणसा साथे गल्ला करने लगी रे, तेबे बी किने नि बोलेया, “तूँ क्या चाएया?” या “तेसा साथे कऊँ लगी रा गलाणे?” 28 तेबे जवाणस आपणा कअडा छाडी की नगरो खे चली गी और लोका खे बोलणे लगी, 29 “आओ, एक मांणूए खे देखो, जिने सब कुछ, जो मैं करी राखेया, माखे बताई ता, केथी येई तो मसीह तो निए?” 30 तेबे सेयो नगरो ते निकली की यीशुए खे देखणे खे तिना गे आऊणे लगो। 31 तदुओ खे यीशुए रे चेले तिना ते बिनती करने लगे, “ओ गुरु! कुछ खाई लो।” 32 पर तिने तिना खे बोलेया, “मांगे खाणे खे एडी रोटी ए, जो तुसे नि जाणदे।” 33 तेबे चेले आपू बीचे बोलणे लगो, “जेबे आसे चली गे थे तो क्या कोई गुरुए खे कुछ खाणे खे ल्याई राखेया?” 34 यीशुए तिना खे बोलेया, “मेरी रोटी ये कि आँऊं आपणे पेजणे वाले री इच्छा पांदे चलूँ और तेसरा काम पूरा करूँ। 35 क्या तुसई नि बोलदे कि बडाई ऊणे खे एबु चर मीने पडे रे ए। देखो, आँऊं तुसा खे बोलूँआ कि आपणिया अखिया चकी की डोरुआ खे देखो, कि सेयो बाडणे खे पाककी चुके रे। 36 बाडणे वाला मजदूरी पाओआ और अनन्त जीवनो खे फल कट्टा करोआ, ताकि बाणे वाला और बाडणे वाला दोनो मिली की खुशी मनाओ। (aiōnios g166) 37 कऊँकि इजी पांदे ये कहावत ठीक बैठो ई कि बाणे वाला ओर ए और बाडणे वाला ओर ए। 38 मैं तुसे तेस डोरुआ खे बाडणे खे पेजी राखे, जिदे तुसे मईणत नि करी राखी, ओरी मईणत कित्ती और तुसे तिना री मईणता रे फलो रे इस्सेदार ऊए।” 39 तेस नगरो रे बकुत सामरिये तेसा जवाणसा रे कईणे पांदे यीशुए पांदे विश्वास कित्तेया, कऊँकि तेसे ये गवाई दित्ती थी, “तिने सब कुछ जो मैं करी राखेया, माखे बताई ता।” 40 तेबे जेबे सेयो सामरी यीशुए गे आए, तेबे तिना ते बिनती करने लगे कि आसा साथे एथी रओ, तेबे सेयो तेती दो दिन तक रथे। 41 तिना रे उपदेश सुणी की ओरी बी कई जाणे विश्वास कित्तेया। 42 तेबे तेसे जवाणसे बोलेया, “एबे आसे तुसा रे बोलणे तेई विश्वास नि करदे, कऊँकि आसे आपू सुणी राखेया और जाणूए कि सच्ची, येई दुनिया रा उद्धारकर्ता ए।” 43 तेबे दो दिनो ते बाद सेयो तेथा ते निकली की गलीलो खे गये। 44 कऊँकि यीशुए आपू ई बोली राखेया कि भविष्यवक्ता आपणे देशो रे आदर नि पाँदा। 45 जेबे सेयो गलीलो रे आये तेबे गलीली तिना साथे खुश ऊँझ की मिले, कऊँकि जितणे काम तिने यश्शलेमो रे त्योआरो खे बखते किते थे, तिने सेयो सब देखे थे, कऊँकि सेयो बी त्योआरो खे जाई रे थे। 46 तेबे यीशु फेर गलील प्रदेशो रे काना गांव रे आए, जेती तिने पाणी अँगूरा रा रस बणाई ता था। तेती राजे रा एक कर्मचारी था, जेसरा पाऊ कफरनहूम नगरो रे बमार था। 47 जेबे तिने ये सुणेया कि यीशु यहूदिया ते गलीलो खे आईंगा रा, तेबे से तिना गे गया और तिना ते बिनती करने लगेया कि चली की मेरे पाऊए खे ठीक करी दे, कऊँकि से मरने वाला ए। 48 यीशुए तेसखे बोलेया, “जदुओ तक तुसे चिह्न और अचम्बे काम नि

देखी लओगे, तदुओ तक कदी बी विश्वास नि करी सकदे।” 49 राजे रे कर्मचारिये तिना खे बोलेया, “ओ प्रभु! मेरे पाऊए रे मरने ते पहले चलो।” 50 यीशुए तेसखे बोलेया, “जा, तेरा पाऊ जिझंदा ए।” तिने माणूए यीशुए री बोली री गल्ला पांदे विश्वास कित्तेया और चली गा। 51 से जेबे बाटा रई था कि तदुओ खे तेसरे दास तेसखे मिली गे और बोलणे लगे, “तेरा पाऊ जिझंदा और तन्दरुस्त ए।” 52 तिने तेसते पूछेया, “कुण जी कअडिया से ठीक ऊणे लगेया था?” तिने तेसखे बोलेया, “काल तकरीबन दोपझरो रे एक बजे रे करीब तेसरा बुखार उतरी गा था।” 53 तेबे से पिता समजी गा कि ये तेस बखते ई ऊआ, जेस बखते यीशुए तेसखे बोलेया था, “तेरा पाऊ जिझंदा ए।” और तिने और तेसरे सारे कराने यीशुए पांदे विश्वास कित्तेया। 54 ये दूजा सामर्था रा काम था, जो यीशुए यहूदिया प्रदेशो ते आई कि गलील प्रदेशो रे दखाया।

5 इना गल्ला ते बाद यहूदिया रा एक त्योआर ऊआ और यीशु

यरुशलेमो खे गये। 2 यरुशलेमो रे पेडा रे फाटको (प्रवेश द्वार) रे नेढे एक कुण्ड ए, जेतेखे इब्रानी पाषा रे बैतसैदा बोलोए और तिदे पाँज बरंडे ए। 3 इना रे बकुत लंगडे, बमार, अन्दे और सूके रे अंग वाले पाणिए रे इलणे री उम्मीदा दे पडे रे रओ थे। 4 कऊँकि ठराए रे बखतो रे परमेश्वरो रे स्वर्गीत कुण्डो रे उतरी की पाणिए खे ईलाया करो थे, पाणी ईलंदे ई जो कोई पर्ले उतरो था, से ठीक ऊई जाओ था, चाए तेसरी कोई बी बमारी कऊँ नि ओ। 5 तेती एक मांणू था, जो ठती साला ते बमार था। 6 यीशुए तेसखे पडेया रा देखी की और ये जाणी की कि से बकुत दिना ते एडिया ई दशा रे ए, तेसते पूछेया, “क्या तूँ ठीक ऊणा चाएया?” 7 तिने बमारे बोलेया, “ओ प्रभु! मेरी मताद करने खे कोई मांणू निए कि जेबे पाणी ईलाया जाओ, तो माखे कुण्डो रे उतारो, पर मेरे पञ्छणे ते पर्ले ई कोई दूजा मांते पर्ले ई उतरी जाओआ।” 8 यीशुए तेसखे बोलेया, “उठ और आपणा मांजा चकी की चल-फिर।” 9 से मांणू तेबुई ठीक ऊईगा और आपणा मांजा चकी की चलणे-फिरने लगेया। से आरामो रा दिन था। 10 तेबे यहूदी अगुवे तेसखे, जो ठीक ऊई रा था, बोलणे लगे, “आज तो आरामो रा दिन ए, मूसे रा बिधानो रे मुताबिक ताखे मांजा चकणा ठीक निए।” 11 तिने तिना खे जवाब दित्तेया, “जिने आँऊं ठीक कित्तेया, तिने ई माखे बोलेया, ‘आपणा मांजा चकी की चल-फिर।’” 12 तिने तेसते पूछेया, “से कुण मांणू ए, जिने ताखे बोलेया, ‘आपणा मांजा चकी की चल-फिर?’” 13 पर जो ठीक ऊईगा था, से नि जाणो था कि से कुण ए, कऊँकि तेतो जगा रे पीड़ ऊणे री बजअ ते यीशु तेथा ते आटी गे थे। 14 इना गल्ला ते बाद से यीशुए खे मन्दरो रे आँगणो रे मिलेया। यीशुए तेसखे बोलेया, “देख, तूँ ठीक ऊईगा रा, दुबारा पाप नि करना, एडा नि ओ कि इजी ते जादा मुसीबत तां पांदे पड़ी जाओ।” 15 तिने माणूए जायी की यहूदी अगुवे गे बताई ता कि जिने आँऊं ठीक करी राखेया से यीशु ए। 16 इजी बजअ ते यहूदी अगुवे यीशुए खे सतापे लगे, कऊँकि सेयो एडे काम आरामो रे दिने करो थे। 17 तेबे यीशुए तिना

खे बोलेया, “मेरा पिता परमेश्वर एबुए तक काम करोआ और आँऊं बी काम करूँआ।” 18 इजी री बजअ ते यहूदी अगुवे और बी जादा तिना खे काणे री कोशिश करने लगे, कँऊंकि से ना बस आरामो रे दिनो री बिधि-विदान तोड़ोआ, बल्कि परमेश्वरो खे आपणा पिता बोली की आपणे आपू खे परमेश्वरो जेडा मानोआ। 19 तेबे यीशुए तिना खे बोलेया, “आँऊं तुसा खे सच-सच बोलूँआ कि आँऊं आपणे आपू ते कुछ नि करी सकदा, बस से जो पिते खे करदा ऊआ देखूँआ, कँऊंकि जो-जो काम से करोआ, आँऊं बी तिंयाँ ई करोआ। 20 कँऊंकि पिता मांते ते प्यार राखोआ और जो-जो काम से आपू करोआ, तिना सबी खे से माखे दखाओआ और तेस इना ते बी बड़े काम माखे दखाणे, ताकि तुसे हैरान ओ। 21 कँऊंकि जिंयाँ पिता मेरे रेया खे उठालोआ और जिउँदा करोआ, तिंयाँ ई आँऊं बी जिना खे चाओआ, जिउँदा करूँआ। 22 पिता केसी रा बी न्याय नि करदा, पर न्याय करने रा सारा काम मांगे गे सम्बाली ता रा। 23 ताकि सब लोक जिंयाँ पिते रा आदर करोए, तिंयाँ ई मेरा बी आदर करो, जो मेरा आदर नि करदा, से पिते रा आदर पनि करदा, जिने से पेजी राखेया। 24 आँऊं तुसा खे सच-सच बोलूँआ कि जो मेरा वचन सुणी की मेरे पेजणे वाले रा विश्वास करोआ, अनन्त जीवन तेसरा ईए और तेस पांदे दण्डो री आज्ञा नि ऊंदी, बल्कि से मौता ते पार ऊई की जीवनो रे जाई चुकेया रा। (aiōnios g166) 25 “आँऊं तुसा खे सच-सच बोलूँआ कि से बखत आओआ, और एबुए, जिदे मेरे रेया लोका, परमेश्वरो रे पुत्रो री आवाज सुणनी और जिना सुणनी, सेयो सदा खे जिउँदे ऊई जाणे। 26 कँऊंकि जिंयाँ पिता आपणे आपू रे जीवन राखोआ, तिंयाँ ई तिने माखे बी अकक देई राखेया कि आपणे आपू रे जीवन राखूँ। 27 बल्कि पिते माखे लोका रा न्याय करने रा अकक बी देई राखेया, कँऊंकि आँऊं माणू रा पुत्र ए। 28 इजी ते हैरान नि ओ, कँऊंकि से बखत आऊणा, जिबे जितणे बी कब्बा रे ए, मेरी आवाज सुणी की जिउँदे ऊई जाणे। 29 जिने-जिने खरा करी राखेया सेयो दुबारा जीवन पाणे खे उठणे और जिने बुराई करी राखी, सेयो दण्ड पाणे खे दुबारा उठणे। 30 “आँऊं आपणे आपू ते कुछ नि करी सकदा, जेडा पिते ते सुणूँआ, तेडा ई न्याय करूँआ और मेरा न्याय सच्चा ए, कँऊंकि आँऊं आपणी इच्छा नि, पर आपणे पेजणे वाले री इच्छा चाऊँआ। 31 जे आँऊं आपू ई आपणी गवाई देङ्गे, तो मेरी गवाई सच्ची निए। 32 एक ओर ए जो मेरी गवाई देओआ और आँऊं जाणूँआ कि मेरी जो गवाई से देओआ, से सच्ची ए। 33 तुसे यूहन्ना बपतिस्मा देणे वाले गे आपणे लोक पृथगे खे पेजे और तिने सच्चाईया री गवाई दिती। 34 पर आँऊं आपणे बारे रे माणूँआ री गवाई नि चांदा, तेबे बी आँऊं इना गल्ला इजी खे बोलूँआ, ताकि तुसा खे उद्धार मिलो। 35 यूहन्ना बपतिस्मा देणे वाला बलदा और चमकदे ऊए दिल्ले जेडा था और तुसा खे कुछ देरा खे तेसरी जोतिया रे मग्न ऊणा अच्छा लगेया। 36 “पर जो मांगे गवाई ए, से यूहन्ना बपतिस्मा देणे वाले री गवाईया ते बड़ी ए। कँऊंकि जो काम पिते मांगे पूरा करने खे सम्बाली राखेया, मतलब-येई काम जो आँऊं करूँआ, सेयो मेरे गवा ए कि पिते आँऊं पेजी

राखेया। 37 और पिते जिने आँऊं पेजी राखेया, तिने ई मेरी गवाई देई राखी, तुसे ना कदी तेसरी आवाज सुणी राखी और ना कदी तेसरा रूप देखी राखेया 38 और तेसरे वचनो खे मनो रे नि बठयालदे, कँऊंकि जो तिने पेजी राखेया, तुसे तेसरा विश्वास नि करदे। 39 तुसे पवित्र शास्त्रो रे टोलोए, कँऊंकि तुसे समजोए कि तुसा खे अनन्त जीवन तिदे मिलोआ और ये सेईर, जो मेरी गवाई देओआ। (aiōnios g166) 40 “तेबे बी तुसे अनन्त जिन्दी पाणे खे मांगे नि आऊणा चांदे। 41 आँऊं माणूँआ ते आदर नि चांदा। 42 पर आँऊं तुसा खे जाणूँआ कि तुसा रे परमेश्वरो रा प्यार निए। 43 आँऊं आपणे पिता परमेश्वरो रे नाऊं ते आयी रा और तुसे माखे नि मानदे, जे कोई दूजा आपणे ई नाऊं ते आओ, तो तुसा से मानी लणा। 44 तुसे जो एकी-दूजे ते आदर चाओए और से आदर जो एक मात्र परमेश्वरो री तरफा ते ए, चांदि नि, किंयाँ विश्वास करी सकोए? 45 ये नि समजो कि मां पिते सामणे तुसा पाँदे दोष लगाणा, तुसा पाँदे तो दोष लगाणे वाला अया, मतलब-मूसा, जेस पाँदे तुसे उम्मीद राखी री ए। 46 कँऊंकि जे तुसे मूसे रा विश्वास करदे, तो मेरा बी विश्वास करदे, कँऊंकि तिने मेरे बारे रे लिखी राखेया। 47 पर जे तुसे तेसरी लिखी री गल्ला रा विश्वास नि करदे, तो मेरी गल्ला रा किंयाँ करना?”

6 इना गल्ला ते बाद यीशु गलीलो रे समुद्रो दे, मतलब-तिबिरियास समुद्रो ते पार गये। 2 तेबे एक बड़ी पारी पीड़ तिना पीछे आईगी, कँऊंकि जो सामर्थ रे काम यीशु बमारा पाँदे करो थे, सेयो तिना खे देखो थे। 3 तेबे यीशु पाहड़ो पाँदे चढ़ी की आपणे चेलेया साथे तेती बैठीगे। 4 यहूदिया रा फसहर रा त्पोआर नेढ़े था। 5 तेबे यीशुए आपणिया आखी चकी की एक बड़ी पीड़ आपू गे आँऊंदी ऊई देखी, तेबे फिलिप्पुसो खे बोलेया, “एबे आसे इना खे केथा ते रोटी खरीदी की ल्याऊँ?” 6 पर तिने ये गल्ल तेसर्खे परखणे खे बोली, कँऊंकि सेयो आपू जाणो थे कि मां क्या करना। 7 फिलिप्पुसे तिना खे बोलेया, “दो सौ चाँदिए रे सिक्केया रे मोलो री रोटी तिना खे थोड़ी-थोड़ी करी की बी पूरी नि ऊणी!” 8 तिना रे चेलेया बीचा ते शमैन पतरसो रे पाईद अन्द्रियासे तिना खे बोलेया, 9 “एती एक पाऊ ए, जेसगे पाँज जौ रिया रोटिया और दो मछलिया ए, पर इतणे लोका खे यो केयी ऊणिया?” 10 यीशुए बोलेया, “लोका खे बठयाली देओ।” तेते जगा रे बक्तु काआ था, तेबे लोक, जिना रे मर्दा री संख्या तकरीबन पाँज ह्याजारा री थी, तेती बैठीगे। 11 तेबे यीशुए सेयो रोटिया लईया और धन्यवाद करी की बैठेणे वालेया खे बांडी तिया और तिंयाँ ई मछलिया बी जितणिया सेयो चाओ थे, तिना खे बांडी तिया। 12 जिबे सेयो खाई की रज्जी गे, तेबे तिने आपणे चेलेया खे बोलेया, “बचे रे टुकड़े कट्ठे करी देओ, कुछ बी सेटणा नि।” 13 तेबे तिने कट्ठे करी ते और बारा टोकरिया परी तिया, जबकि सेयो पांजा रोटिया रे टुकड़े थे, जो खाणे वालेया ते बाद बची रिया थिया। 14 तेबे सामर्थ रे काम यीशुए करी की दखाए, तिना देखी की लोक बोलणे लगे, “से भविष्यबक्ता जो दुनिया रे आऊणे वाला था, पक्का येईए।” 15 यीशु ये जाणी की कि सेयो माखे राजा बनाणे खे पकड़ना चाओए, केव

سے یو پاہنڈو پائیں کاللے چلی گے। 16 جبکہ ساؤنڈ ٹری، توبے تینا رے چلے سامودرے رے کنارے چلی گے 17 اور کیسٹیا رے چڑی کی سامودرے تے پار کفارنہمومو خے جाणے لگے। تے س بخترے نہرہا ٹریگا ثا اور ییشु ابھوں تک تینا گے نی پاٹھی رے یہ۔ 18 توبے توبانو ری بجات تے سامودرے رے لئریا ٹھانے لگیا। 19 جبکہ سے یو کیسٹیا رے سیر کار دے ٹاہے تک ریبنا پاچ-ٹھا: کیلومیٹر نیکلی گے، توبے تینے ییشु سامودرے رے چل دے ٹاہے اور کیسٹیا رے نہنے آٹا ڈے ٹاہے اور سے یو ڈری گے। 20 پار تینے تینا خے بولے یا، “آٹا ہے، ڈرے نی!” 21 توبے سے یو تینا خے کیسٹیا رے چڑھنے خے تپار ٹریگی اور توبے سے کیسٹی فٹافٹ تے تی پاٹھی گی، جتھی سے یو جانا چاہو یہ۔ 22 دجے دینے تے سے پیڈے، جو سامودرے تے پار یہی چھڈی ری، تینے دے یو کی ہتھیا کی ہتھی اور کوئی کیسٹی نی یہی اور ییشु اپاچے چلے یا سا یو تے سا کیسٹیا رے نی چدے، پار بس تینا رے ٹری چلے گے۔ 23 توبے بی اور کیسٹیا تیبیریا ن نگارو تے تے یا رے نہنے آریا، جتھی تینے ییشु رے بھنیا د کر رے تے باد رہتی چھا یہ۔ 24 توبے جبکہ پیڈے دے یو کی ہتھیا کی ہتھی نا یا ییشु اور نا تینا رے چلے، توبے سے یو بی کیسٹیا رے چھڈی کی ییشु خے ٹول دے ٹاہے، کفارنہم نگارو رے پاٹھی گی۔ 25 سامودرے تے پار جبکہ سے یو ییشु خے میلے توبے تینے بولے یا، “او گھر! توسے ہتھی کدی آیے?” 26 ییشु یا جواہ دیتے یا، “آٹا ہے توسا خے سچ-سچ بولنے اک کی توسے مارے کام دے یو، پار یہی یا خاتر کی توسے رہتیا خاہی کی رجھی گے। 27 ناشوان رہتیا خے مہینت نی کرے، پار تے سا رہتیا خے مہینت کرے، جو اننٹ جیونو دے ڈری، جو مان مان ہے پوڑو توسا خے ڈینی، کوئی کی پیتا پارمے شرے مارے یہی خے دے یو را اک کر دے یو را یو۔” (aiōnios g166) 28 تینے ییشु خے بولے یا، “پارمے شرے رے کام کر رے خے اسے کیا کرعنے?” 29 ییشु بولے یا، “پارمے شرے را کام یہ کی توسے تے سا پائی، جو تینے پے یا را یو، ویشوا کر را۔” 30 توبے تینے تینا خے بولے یا، “توبے توسے کوئن جا چھو دخا اکی کی اسے تے سا دے یو کی کی توسا پائی ویشوا کر را، توسے کوئن جا کام دخا اکی؟” 31 اسما رے باپ-دا دے جانگلو رے ماننا یا، جینا پیتھی شاسکو رے لیخی را یو کی کی تینے تینا خے یا خاہی خے سوگو تے رہتی دیتی۔” 32 ییشु تینا خے بولے یا، “آٹا ہے توسا خے سچ-سچ بولنے اک کی سو سے یو رہتیا توسا خے سوگو تے نی دیتیا، بولکی مera پیتا توسا خے سوگو تے رہتی دیتی۔” 33 کوئی کی پارمے شرے ری رہتی سے ہے، جو سوگو تے یا ری کی ٹوہنیا رے لوکا خے جیون دے ڈری۔” 34 توبے تینے تینا خے بولے یا، “او پر بھو! اسما رہتیا اسما خے سدا دے یو کر را۔” 35 ییشु تینا خے بولے یا، “جیونو ری رہتی آٹا ہے؛ جو مان ہے اک اک، سے کدھی پوچھا نی ٹھا اور جس مان پائی ویشوا کر را، سے کدھی تپا یا نی ٹھا۔” 36 پار مان توسا خے بولے یا کی کی توسے آٹا ڈے یو بی لیا را، توبے بی ویشوا نی کر دے۔ 37 جو کوچ پیتا مارے ڈے ڈری، سے سب مان ہے اک اک، جو کوئی مان ہے اک اک سے مان کدھی نی نیکیا لانما۔ 38 کوئی کی آٹا ہے اپاچی یو چھا نی بولکی اپاچے پے یو واٹے ری یو چھا پوری کر رے خے سوگو تے

یا ری را۔ 39 اور مے پے یو واٹے ری یو چھا یہ کی، جو کوچ تینے مارے دے یو را یو، تیجی بیچا تے آٹا ڈکھنے نی رخاٹ، پار تے سا اکھری دینا رے فر جی ڈندا کرعنے۔ 40 کوئی کی مے پیتے ری یو چھا یہ کی جو کوئی پوچھا خے دے یو اور تے سا پائی ویشوا کر را، سے اننٹ جیون پا اکھری اور مان مان اکھری دینو رے فر جی ڈندا کرعنے۔” (aiōnios g166) 41 توبے یو ہو یا دینا پائی کوڈکوڈا ہے لگے، کوئی کی تینے بولے یا، “جو رہتی سوگو تے یا ری را، سے آٹا ہے یو۔” 42 توبے تینے بولے یا، “کیا یہ یو یو سوچو را پا اکھری نی، جسے مان اکھری اکھری اکھری دینو رے فر جی ڈندا کرعنے۔” 43 ییشु تینے تے یا جواہ دیتے یا، “آپو بیچے نی کوڈکوڈا ہے اکھری اکھری اکھری اکھری اکھری اکھری اکھری دینو رے فر جی ڈندا نی کری ڈے ڈنے۔” 44 کوئی مان ہے نی اکھری اکھری اکھری اکھری اکھری اکھری دینو رے فر جی ڈندا نی کری ڈے ڈنے۔” 45 بھیتھی بکٹا رے لیخو ہے یہ لیخی را یو، سے یو سب پارمے شرے ری ترفا تے سخھا رے ٹاہنے۔ جینے کینے بی پیتے تے سوچنے اور سیخی را یو، سے مان ہے اکھری اکھری اکھری اکھری اکھری اکھری دینو رے فر جی ڈندا رے یہ لیخی را یو۔ 46 کینے بی پیتا پارمے شرے نی دے یو را یو، مان ہے اکھری اکھری اکھری اکھری اکھری اکھری دینو رے فر جی ڈندا رے یہ لیخی را یو۔ 47 “آٹا ہے توسا خے سچ-سچ بولنے اکھری اکھری اکھری اکھری اکھری اکھری دینو رے فر جی ڈندا رے یہ لیخی را یو۔” (aiōn g165) 52 یہ سوچنی کی یو ہو یا لیک اپو بیچے لڈنے ہے، “یہ سوچنی کی یہ سوچنی اکھری اکھری اکھری اکھری اکھری اکھری دینو رے فر جی ڈندا رے یہ لیخی را یو۔” 53 ییشु تینے تے یو بولے یا، “آٹا ہے توسا خے سچ-سچ بولنے اکھری اکھری اکھری اکھری اکھری اکھری دینو رے فر جی ڈندا رے یہ لیخی را یو۔” 54 جو مera مان ہے اکھری اکھری اکھری اکھری اکھری دینو رے فر جی ڈندا رے یہ لیخی را یو۔ 55 کوئی کی مera مان ہے اکھری اکھری اکھری اکھری اکھری اکھری دینو رے فر جی ڈندا رے یہ لیخی را یو۔ 56 جو مera مان ہے اکھری اکھری اکھری اکھری اکھری دینو رے فر جی ڈندا رے یہ لیخی را یو۔ 57 جی ڈنے پیتا پارمے شرے اکھری اکھری اکھری اکھری اکھری دینو رے فر جی ڈندا رے یہ لیخی را یو۔ 58 آٹا ہے سے رہتی اے جو سوگو تے یا ری را یو۔ 59 یہ گللا ییشु کفارنہم نگارو رے پراویتھا رے کارو رے، عپدھش دے ڈنے ٹاہنے بولیا۔ 60 توبے تینا رے چلے یا تے کر یا جانے یہ سوچنی کی بولے یا، “یہ گللا تو کھو رے، یہ کوئن سوچنی سکو اکھری اکھری اکھری اکھری اکھری دینو رے فر جی ڈندا رے یہ لیخی را یو۔” 61 ییشु اپاچے مانو رے یہ جانی کی کی مے چلے اپو بیچے اتے گللا پائی کوڈکوڈا ہے، تینا تے پوچھیا، “کیا یہ کوئن سوچنی سکو اکھری اکھری اکھری اکھری اکھری دینو رے فر جی ڈندا رے یہ لیخی را یو۔” 62 اور جو توسے مان مان ہے پوچھو

खे, जेती आँऊ पईले था, तेती ऊबे स्वर्गों खे जादे ऊए देखोगे, तो क्या उणा? 63 परमेश्वरो रा आत्मा ईए जो जीवन देणे वाला ए, पर शरीर ये नि दई सकदा, जो मैं तुसा खे बोली राखिया, सेयो आत्मिक बी ए और जीवन बी ए। 64 पर तुसा बीचा ते कई जणे तो एडे ए, जो विश्वास नि करदे।” कऊँकि यीशु तो पईले तई जापो था कि जो विश्वास नि करदे, सेयो कूणे? और केस आँऊ पकड़वाणा? 65 और तिने बोलेया, “तेबई तो मैं तुसा खे बोलेया था कि जदुओं तक केसी खे पिते री तरफा ते ये बरदान नि दितेया जाओ, तदुओं तक से मांगे नि आयी सकदा।” 66 ये सुणी की तिना रे चेलेया बीचा ते कई जणे उल्टे फिरी गे और तिजी ते बाद तिना साथे नि चले। 67 तेबे यीशुए तिना बारा चेलेया खे बोलेया, “क्या तुसे बी जाणा चाओए?” 68 शमौन पतरसे तिना खे जवाब दितेया, “ओ प्रभु! आसे केसगे जाऊँ? अनन्त जीवनो री गल्ला तो तुसा गे ई ये (aiōnios g166) 69 और आसे विश्वास कितेया और जाणी गे रे कि परमेश्वरो रा पवित्र जन तूँ ई ये।” 70 यीशुए तिना खे बोलेया, “क्या मैं तुसे बारा जणे नि चूणी राखे? तेबे बी तुसा बीचा ते एक मांणू शैतान ए।” 71 ये तिने शमौन इस्करियोतियो रे पाऊ यहूदा रे बारे रे बोलेया था, कऊँकि येई तिना बारा चेलेया बीचा ते था, जो यीशुए खे पकड़वाणे वाला था।

7 इना गल्ला ते बाद यीशु गलील प्रदेशो रे कुमदे-फिरदे रये, कऊँकि यहूदी अगुवे तिना खे काणे री कोशिश करने लगी रे थे, तेबई तो सेयो यहूदिया प्रदेशो रे कूमणा नि चाओ थे। 2 यहूदिया रा चूँगड़िया रा त्योअर नेडे था। 3 यीशुए रे पाईए तिना खे बोलेया, “एथा ते यहूदिया प्रदेशो खे चली जा, ताकि जो चमत्कारा रे काम तूँ करेया, तिना कामा तेरे और चेले तेती बी देखो। 4 कऊँकि एडा कोई नि ऊणा, जो मशुर ऊणा चाओ और लुकी की काम करो, जे तूँ इना काम करोआ, तो आपू खे दुनिया रे सामणे ल्याओ।” 5 कऊँकि तिना रे पाई बी तिना पाँदे विश्वास नि करो थे। 6 तेबे यीशुए तिना खे बोलेया, “मेरा सई बखत एबु नि आयी रा, पर तुसा रिया तई सारा बखत ए। 7 दुनिया रे लोक तुसा ते बैर नि करी सकदे, पर से मांते बैर करोए, कऊँकि आँऊ तेसा रे बिरोदो रे येई गवाई देऊँआ कि तेसा रे काम बुरे ए। 8 तुसे त्योअरो रे जाओ, आँऊ एबु एस त्योअरो खे नि जाई सकदा, कऊँकि एबुए तक मेरा सई बखत पूरा नि ऊई रा।” 9 यीशु तिना साथे इना गल्ला करी की गलील प्रदेशो रेई रई गे। 10 पर जेबे तिना रे पाई त्योअरो खे चली गे, तेबे सेयो आपू बी सामणे नि, पर चोरिए जे चली गे। 11 तेबे यहूदी अगुवे त्योअरो रे तिना खे ये बोली की टोलने लगे कि, “से केयी ए?” 12 और लोका बीचे चोरिए-चोरिए तिना रे बारे रे मुखती गल्ला ऊईया, बऊत जणे बोलो थे, “से पला मांणू ए और कई जणे बोली थे कि नई, से तो लोका खे भरमाओआ।” 13 तेबे बी यहूदिया रे डोरो रे मारे कोई बी मांणू तिना रे बारे रे खुली की नि बोलो था। 14 जेबे त्योअरो रे आदे दिन बीती गे, तेबे यीशु मन्दरो रे आँगणो रे जाई की उपदेश देणे लगे। 15 तेबे यहूदिये

हैरान ऊई की बोलेया, “एसखे बिना पढ़े बिद्या केथा ते आईगी?” 16 यीशुए तिना खे बोलेया, “मेरा उपदेश मेरा नि, बल्कि मेरे पेजणे वाले राए। 17 जे कोई परमेश्वरो री इच्छा पाँदे चलणा चाओ, तो तेसखे एस उपदेशो रे बारे रे पता लगी जाणा कि ये परमेश्वरो रिया तरफा तेया या आँऊ आपू ते बोलूँआ। 18 जो आपू ते कुछ बोलोआ, से आपणी तरीफ चाओआ, पर जो आपणे पेजणे वाले री तारीफ चाओआ, से ई परोसे रे जोगा ए और से पापी निए। 19 क्या मूसे तुसा खे बिधान नि दई राखेया? तेबे बी तुसा बीचा ते कोई बी बिधाने पाँदे नि चलदा। तुसे माखे काणा कऊँ चाओए?” 20 लोके जवाब दितेया, “तादे दुष्टामा ए, ताखे कुण काणा चाओआ।” 21 यीशुए तिना खे जवाब दितेया, “मैं आरामो रे दिने एक चमत्कार कितेया और तुसे सब हैरानी करोए। 22 तुसे बोलोए कि मूसे तुसा खे खतने री आज्ञा देई राखी। इज्जी री बजअ ते तुसे आरामो रे दिने मांणूआ रा खतना करोए। ये नियम मूसे री तरफा ते निए, पर तुसा रे बाप-दादेया रे बखतो ते चले आयी रे। 23 तेबई तो आरामो रे दिने मांणूए रा खतना करेया जाओआ, ताकि मूसे रे बिधानो री आज्ञा टली नि जाओ, तो तुसे मां पाँदे रोष कऊँ करोए कि मैं आरामो रे दिने एक मांणू अच्छी रीतिया ते ठीक कितेया। 24 मूँ देखी की न्याय नि करो, पर ठीक-ठीक न्याय करो।” 25 तेबे कई यरूशलेमी लोक बोलणे लगे, “क्या ये सई निए, जेसखे काणे री कोशिश ऊणे लगी री? 26 पर देखो, ये तो खुल्लमखुल्ला गल्ला करोआ और कोई एसखे कुछ नि बोलदा, कथी एडा तो निए कि अधिकारिए सच-सच जाणी ला रा कि येई मसीह ए? 27 एसखे तो आसे जाणूए कि ये केथो राए; पर मसीह जेबे आऊणा, तेबे केसी नि जाणना कि से केथो राए?” 28 तेबे यीशुए मन्दरो रे आँगणो रे उपदेश देई ऊए जोरे की बोलेया, “तुसे माखे जाणोए और ये बी जाणोए कि आँऊ केथो राए, आँऊ आपू ते नि आयी रा, पर माखे पेजणे वाला सच्चा ए, तेसखे तुसे नि जाणदे। 29 पर आँऊ तेसखे जाणूआ, कऊँकि आँऊ तेसरी तरफा ते और तिने आँऊ पेजी राखेया।” 30 तेबे तिने सेयो पकड़ना चाए, पर तेबे बी किने बी तिना पाँदे आथ नि पाया, कऊँकि तिना रा सई बखत एबुए तक नि आयी रा था। 31 तेबे बी पीड़ा बीचा ते कई जणेया तिना पाँदे विश्वास कितेया और बोलणे लगे, “मसीह जेबे आऊणा, तो क्या एसते जादा सामर्था रे काम दखाणे, जो इने दखाए?” 32 फरीसिये, लोका ते तिना रे बारे रे यो गल्ला चोरिए-चोरिए करदे ऊए सुनिया और बड़े पुरोईत और फरीसिये तिना खे पकड़ने खे मन्दरो रे पझरदार पेजे। 33 तेबे यीशुए बोलेया, “आँऊ थोड़ी देर तक और तुसा साथे ए, तेबे आपणे पेजणे वाले गे चली जाणा।” 34 तुसा आँऊ टोलना, पर मिलणा नि और जेती आँऊ ए, तेती तुसे आयी नि सकदे?” 35 तेबे यहूदिये अगुवे आपू बीचे बोलेया, “ये केयी जाणा, कि आसा खे नि मिलणा? क्या ये तिना बीचे जाणा, जो यूनानो रे ओरे-पोरे ऊई की रओए और यूनानिया खे बी उपदेश देओगा? 36 ये क्या गल्ल ए, जो इने बोली कि, ‘तुसा आँऊ टोलना, पर मिलणा नि और जेती आँऊ ए, तेती तुसे आयी नि सकदे?’” 37 तेबे त्योअरो रे

आखरी दिने, जो खास दिन था, यीशु खड़े ऊर्ध्वे और आकका पाई की बोलेया, “जैसख्ते त्याए, तो से मांगे आओ और पियो। 38 जो मां पाँदे विश्वास करोगा, जेडा पवित्र शास्त्रो रे लिखी राखेया, ‘तेसरे दिलो ते जिन्दगिया रे पाणिए रिया नदिया बईदिया निकलनिया।’” 39 तिने ये वचन पवित्र आत्मा रे बारे रे बोलेया, जो तिना पाँदे विश्वास करने वालेया खे मिलणे वाली थी। कऊँकि पवित्र आत्मा एबुए तक न उतरी रा था, कऊँकि यीशु एबुए तक आपणी महिमा रे नि पँछेया था। 40 तेबे पीडा बीचा ते किने-किने ये गल्ला सुणी की बोलेया, “सच्ची यैई से भविष्यबक्ता ए, जेसरे आऊणे री आसे उम्हींद लगाई राखी।” 41 कईए बोलेया, “ये मसीह ए!” पर कईए बोलेया कऊँ, “क्या मसीह गलील प्रदेशो ते आऊणा? 42 क्या पवित्र शास्त्रो रे नि लिखी राखेया कि मसीह दाऊदो रे कुलो रे और बैतलहमो रे गांव ते आऊणा, जेती दाऊद रओ था?” 43 तेबे तिना री बजअ ते लोका बीचे फूट पड़ी गी। 44 तिना बीचा ते कई जणे यीशुए खे पकड़ना चाओ थे, पर किने बी तिना पाँदे आथ नि पाया। 45 तेबे मन्दरो रे पझिरदार, बडे पुरोर्हित और फरीसिया गे वापस आए, तेबे तिने तिना खे बोलेया, “तुसे तेसखे कऊँ नि ल्याए?” 46 मन्दरो रे पझिरदारे बोलेया, “किने बी मांणूए कदी बी एडिया गल्ला नि बोलिया।” 47 फरीसिये पझिरदार खे बोलेया, “क्या तुसे बी भरमाई गे दे? 48 क्या अधिकारी और फरीसिया बीचा ते किने बी तेस पाँदे विश्वास करी राखेया? 49 पर यो लोक जो मूसे रे बिधानो खे नि जाणदे, परमेशरो री तरफा ते स्थापित ए।” 50 नीकुदेमुसे जो पईले यीशुए गे राती आया था और तिना बीचा ते एक था, तिना खे बोलेया, 51 “क्या आसा रा बिधान केसी मांणूए खे, जटुओ तक तेसरी सुणी की जाणी नि लओ कि से क्या करोए; दोषी मानोआ?” 52 तिने तेसखे जबाब दित्तेया, “ओ नीकुदेमुस, क्या तूं बी गलील प्रदेशो राए? पवित्र शास्त्रो रे टोळ और देख कि गलील प्रदेशो ते कोई बी भविष्यबक्ता आई नि सकदा।” 53 तेबे सब आपणे-आपणे कअरो खे चली गे।

8 यीशु जैतूनो रे पाहङ्गो पाँदे चली गे। 2 अगले दिने प्यागा फेर से मन्दरो रे आईंगे और बऊत लोक तिना गे आईंगे और यीशु मन्दरो रे अँगणो रे बैठी की तिना खे उपदेश देणे लगे। 3 तेबे शास्त्री और फरीसी एक जवाणसा खे ल्याए, जो व्याभिचार करदे ऊए पकड़ी थी और से बीचे खड़ी करी ती 4 और यीशुए खे बोलेया, “ओ गुरु! ये जवाणस व्याभिचार करदे ऊए पकड़ी राखी। 5 बिधानो रे मूसे आसा खे आज्ञा देई राखी कि एडिया जवाणसा खे पत्थराव करना चाईयो। तो तुसे एसा जवाणसा रे बारे रे क्या बोलोए?” 6 तिने तिना खे परखणे खे ये गल्ल बोली, ताकि तिना रे दोष लगाणे खे कोई गल्ल पकड़ो, पर यीशु चुकी की गूठिये की जमीना पाँदे लिखणे लगो। 7 जेबे सेयो तिना ते पुछदे ई रये, तेबे तिने सीदे ऊई की तिना खे बोलेया, “तुसा बीचा ते जो निष्पाप ए सेई एसा पाँदे पईले पात्थर बाओ।” 8 और तेबे फेर चुकी की जमीना पाँदे गुठिया साथे लिखणे लगो। 9 पर सेयो ये सुणी की बडेया ते लयी की छोटेया तक, एक-एक करी की निकली गे और यीशु कल्ले रई गे

और जवाणस तेथी बीचे खड़ी री रईगी। 10 यीशुए सीदे ऊई की तेसा खे बोलेया, “ओ जवाणसे! सेयो केयी गे? क्या किने बी तां पाँदे दण्डो री आज्ञा नि दिती?” 11 तेसे बोलेया, “ओ प्रभु! किने पनि।” यीशुए बोलेया, “आऊँ बी तां पाँदे दण्डो री आज्ञा नि देंदा, जा और फेर पाप नि करना।” 12 तेबे यीशुए फेर लोका खे बोलेया, “दुनिया री जोति आऊँ ई ये, जो मां पीछे आऊणा, से न्हरे रे नि चलणा, बल्कि तेस जोति पाणी जो जीवन देओई।” 13 फरीसिये तिना खे बोलेया, “तूं आपणी गवाई आपू देओआ, तेरी गवाई ठीक निए।” 14 यीशुए तिना खे बोलेया, “बेशक आऊँ आपणी गवाई आपू ई देंक्झा, तेबे बी मेरी गवाई ठीक ए, कऊँकि आऊँ जाणूआ कि आऊँ केथा ते आयी रा और केथो खे जाऊँझा? पर तुसे नि जाणदे कि आऊँ केथा ते आयी रा और केथो खे जाऊँझा? 15 तुसे मूँ देखी की न्याय करोए, आऊँ केसी रा न्याय नि करदा 16 और जे आऊँ न्याय करूँ बी, तो मेरा न्याय सच्चा ए, कऊँकि आऊँ कल्ला निए, पर पिता जिने आऊँ पेजी राखेया मां साधे ए। 17 तुसा रा बिधानो रे बी लिखी राखेया कि दो जणेया री गवाई मिली की ठीक ओई, 18 एक तो आऊँ आपणी गवाई देंक्झा और दूजा पिता मेरी गवाई देओआ, जिने आऊँ पेजी राखेया।” 19 तिने तिना खे बोलेया, “तेरा पिता केयी ए?” यीशुए बोलेया, “ना तुसे माखे जाणदे और ना मेरे पिते खे, जे तुसे माखे जाणदे तो मेरे पिते खे बी जाणदे।” 20 यो गल्ला तिने मन्दरो रे अँगणो रे उपदेश देंदे ऊए पण्डार कअरो रे बोलिया और किने बी सेयो पकड़े नि, कऊँकि एबुए तक तिना रा सई बखत नि आयी रा था। 21 यीशुए फेर तिना खे बोलेया, “आऊँ जाऊँझा और तुसा आऊँ टोलना और आपणे पापो रे मरने। जेती आऊँ जाऊँझा, तेती तुसे नि आयी सकदे।” 22 तेबे यहूदिये अुरुे बोलेया, “क्या ये आपणे आपू खे कायी देओगा, जो बोलोआ, ‘जेती आऊँ जाऊँझा तेती तुसे नि आयी सकदे?’” 23 यीशुए तिना खे बोलेया, “तुसे ऊँदले ए और आऊँ स्वर्गो राए, तुसे दुनिया रे ए और आऊँ दुनिया रा निए। 24 तेवैई तो मैं तुसा खे बोलेया कि तुसे आपणे पापो ते मरने, कऊँकि जे तुसे विश्वास नि करोगे कि आऊँ सेरीए, तो आपणे पापो रे मरने।” 25 यहूदी अगुवे तिना खे बोलेया, “तूं कूणे?” यीशुए तिना खे बोलेया, “आऊँ सेरीए, जो शुरुओ ते तुसा खे बोलदा ऊआ आयी रा, 26 तुसा रे बारे रे मां बऊत कुछ बोलणा और न्याय करना ए, पर मेरा पेजणे वाला सच्चा ए और जो मैं तेसते सुणी राखेया, सेरी दुनिया रे लोका खे बोलूँआ।” 27 सेयो एबुए तक ये नि समजे कि यीशु तिना गे आपणे पिता परमेशरो रे बारे रे बोलणे लगी रा। 28 तेबे यीशुए बोलेया, “जेबे तुसा आऊँ माणू रा पुत्र ऊच्चे पाँदे चढाणा, तेबे जाणना कि आऊँ सेरीए और आपणे आपू ते कुछ नि करदा, बल्कि जियाँ पिता परमेशरे माखे सख्याली राखेया, तिंयाँ ई इना गल्ला खे बोलूँआ। 29 माखे पेजणे वाला मां साधे ए, तिने आऊँ कल्ला नि छाडी राखेया, कऊँकि आऊँ सदा सेरी काम करूँआ, जेती साथे से खुश ओआ।” 30 सेयो इना गल्ला बोलणे ई लगी रे थे कि बऊत जणेया तिना पाँदे विश्वास कित्तेया। 31 तेबे यीशुए तिना

यहूदिया थे, जिने तिना पाँदि विश्वास कित्तेया था, बोलेया, “जे तुसे मेरे वचनों रे बणे रे रओगे, तो सच्ची मेरे चेले ठईरने। 32 तुसा सच जाणना और सच्चो तुसे आजाद करने।” 33 तिने यीशुए खे बोलेया, “आसे तो अब्राहमो रे कुलों ते ए और कदी केसी रे दास नि ऊए। तेबे तुसे कऊँ बोलोए कि तुसे आजाद ऊई जागें?” 34 यीशुए तिना खे जवाब दित्तेया, “आऊँ तुसा खे सच-सच बोलूँआ कि जो कोई पाप करोआ, से पापो रा दास ए। 35 दास सदा कअरे नि रंदा, पाऊ सदा कअरे रओओ। (aiōn g165) 36 तेबे जे पुत्र तुसा खे आजाद करोगा, तो सच्ची तुसे आजाद ऊई जागें। 37 आऊँ जाणूँआ कि तुसे अब्राहमो रे कुलों ते ए, तेबे बी मेरा वचन तुसा रे दिलो रे नि बसदा, तेबेई तो तुसे माखे काणा चाओए। 38 आऊँ सेई बोलूँआ, जो मैं पिते गे देखी राखेया और तुसे सेई करदे रओए, जो तुसे आपणे पिते ते सुणी राखेया।” 39 तिने बोलेया, “आसा रा पिता तो अब्राहम ए।” यीशुए तिना खे बोलेया, “जे तुसे अब्राहमो री ल्वाद ऊँदे तो अब्राहमो जेडे काम करदे। 40 पर एबे तुसे मां जेडे माणूँए खे काणा चाओए, जिने तुसा गे से सच्चा वचन बताया, जो परमेशरो ते सुणीया, ये तो अब्राहमे नि कित्तेया था। 41 तुसे आपणे पिते जेडा काम करोए।” तिने यीशुए खे बोलेया, “आसे व्याभिचारो ते नि जम्मी रे, आसा रा एक ई पिता ए, मतलब-परमेशर।” 42 यीशुए तिना खे बोलेया, “जे परमेशर तुसा रा पिता ऊँदा, तो तुसे मां साथे प्यार राखदे, कऊँकि आऊँ परमेशरो री तरफा ते आयी रा, आऊँ आपू ते नि आयी रा, बल्कि तिने ई आऊँ पेजी राखेया। 43 तुसे मेरी गल्ल कऊँ नि समजदे? क्या तेबे कि तुसे मेरा वचन नि सुणी सकदे? 44 तुसा रा पिता शैतान ए और तुसे आपणे पिते री इच्छा पूरी करना चाओए। से तो शुरूओं तेर्ई अत्यारा ए और सच्चो पाँदि खड़ा नि रंदा, कऊँकि सच तेसरे आया ई नि, जेबे से चूठ बोलोआ, तेबे से आपणे ई सबाओं ते बोलोआ, कऊँकि से चूठा ए, बल्कि चूठो रा पिता ए। 45 पर आऊँ जो सच बोलूँआ, तेबेई तो तुसे मेरा विश्वास नि करदे। 46 तुसा बीचा ते कुण माखे पापी ठारोआ? जे आऊँ सच बोलूँआ, तो तुसे मेरा विश्वास कऊँ नि करदे? 47 जो कोई परमेशरो राए, से परमेशरो री गल्ला सुणोआ। ये गल्ला तुसे तेबे नि सुणदे, कऊँकि तुसे परमेशरो रे निए।” 48 ये सुणी की यहूदिये तिना खे बोलेया, “क्या आसे ठीक नि बोलदे कि तूँ सामरी ए और तांदे दुष्टात्मा ए?” 49 यीशुए जवाब दित्तेया, “मांदे दुष्टात्मा निए, पर आऊँ आपणे पिते रा आदर कस्त्ता और तुसे मेरा आदर नि करदे। 50 पर आऊँ आपणा आदर नि चांदा, पर आ, एक तो आए, जो मेरा आदर करवाणा चाओआ और से इजी रा न्याय करोआ। 51 आऊँ तुसा खे सच-सच बोलूँआ कि जे कोई माणू मेरे वचनों पाँदि चलोगा, तो तेसरे अनन्तकालों तक मौत नि आऊणी।” (aiōn g165) 52 यहूदिये यीशुए खे बोलेया, “एबे तो आसे जाणी ला रा कि तांदे दुष्टात्मा ए, अब्राहम तो मरी गा रा और भविष्यबक्ता बी मरी गे रे और तूँ बोलेया कि ‘जो कोई मेरे वचनों पाँदि चलोगा, तो तेसरे अनन्तकालों तक मौत नि आऊणी।’ (aiōn g165) 53 आसा रा पिता अब्राहम तो मरी गा रा, क्या तूँ तेसरे बड़ा

ए? भविष्यबक्ता बी मरी गे रे, तूँ आपणे आपू खे क्या समजेया?” 54 यीशुए बोलेया, “जे आऊँ आपणी महिमा आपू ई करने लगी जाऊँ, तो मेरी महिमा कुछ निए, पर मेरी महिमा करने वाला मेरा पिता ए, जेसखे तुसे बोलोए कि आसा रा परमेशर ए। 55 तुसे तो से नि जाणीया, पर आऊँ तेसखे जाणूँआ, और जे बोलूँ कि आऊँ तेसखे नि जाणादा, तो आऊँ तुसा जेडा चूठा ठईरूँगा, पर आऊँ तेसखे जाणूँआ और तेसरे वचनों पाँदि चलूँआ। 56 तुसा रा पिता अब्राहम मेरा दिन देखणे री इच्छा रे बऊत मग्न था और तिने देखेया और खुश ऊआ।” 57 यहूदिये तिना खे बोलेया, “एबुए तक तूँ पंजा साला रा नि ऊआ, तेबे बी तैं अब्राहम देखी राखेया?” 58 यीशुए तिना खे बोलेया, “आऊँ तुसा खे सच-सच बोलूँआ कि अब्राहमो रे पैदा ऊणे ते पईले, आऊँ ए।” 59 तेबे तिने यीशुए खे बाणे खे पाथर चके, पर यीशु लुकी की मन्दरो ते निकली गे।

9 यीशू और तिना रे चेलेया तीसिए जांदे ऊए एक एड़ा माणू देखेया,

जो जन्मो तेर्ई अन्दा था। 2 तेबे तिना रे चेलेया तिना ते पूछेया, “ओ गुरु! किने पाप कित्तेया था, इने माणूए, जो अन्दा जम्मेया या एसरे माए-बाओ?” 3 यीशुए जवाब दित्तेया, “ना तो इने पाप करी राखेया और ना एसरे माए-बाओ कि ये अन्दा जम्मेया, पर ये तेबे ऊआ, ताकि परमेशरो रे सामर्था रे काम एस पाँदि प्रगट ओ। 4 जिने आऊँ पेजी राखेया, आसा खे जरूरी ये कि आसे तेसरे काम दिनो-दिने ई नपट्याणा जरूरी ए, कऊँकि से रात आऊणे वाली ए, जिदे कोई काम नि करी सकदा। 5 जदुओं तक आऊँ दुनिया रे ए, तदुओं तक, दुनिया री जोति ए।” 6 ये बोलीं की तिने जमीना पाँदि थूकेया और तेस थूको साथे माटी सीन्नी कित्ती और से माटी तेस अन्दे रिया आखी रे मली की 7 तेसखे बोलेया, “जा, और शीलोहो रे कुण्डो रे आपणी आखी तोई लो” (जेतेरा मतलब येजे राए) तेबे तिने जायी की आखी तोईया और देखदा ऊआ आया। 8 तेबे तेस माणूए रे पडोसिये और जिने से पईले पीख मांगदा ऊआ देखेया था, एकी दूजे ते बोलणे लगे, “क्या ये सेई निए, जो बैठेया रा पीख माँगो था?” 9 कईए बोलेया, “ये सेईए,” औरी बोलेया, “ना, ये तो तेसरा हमशक्ल ए।” तिने बोलेया, “आऊँ सेर्ई ईए।” 10 तेबे सेयो तेसते पूछणे लगे, “तेरिया आखी कियाँ ठीक ऊईगिया?” 11 तेबे तिने बोलेया, “यीशू नाऊं रे एक माणूए माटी सेड़ी और मेरी आखी रे मली और माखे बोलेया, ‘जा और शीलोहो रे कुण्डो रे आपणी आखी तोई लो।’ तेबे आऊँ कुण्डो रे गया और आखी तोई की देखणे लगी गा।” 12 तिने तेसते पूछेया, “से माणू केयी ए?” तिने बोलेया, “आऊँ नि जाणादा।” 13 तेबे लोक तेसखे, जो पईले अन्दा था, फरीसिये गे लयी गे। 14 जेस दिने यीशुए माटी सेड़ी की तेसरी आखी ठीक कित्तिया थिया, से आरामो रा दिन था। 15 तेबे फरीसिये बी तेसते पूछेया, “तेरिया आखी कियाँ ठीक ऊईगिया?” तिने बोलेया, “तिने मेरी आखी रे माटी लगाई, तेबे मैं तोईया और एबे देखणे लगेया।” 16 तेबे कई फरीसी बोलणे लगे, “ये माणू परमेशरो री तरफा ते निए, कऊँकि

से आरामो रा दिन नि मानदा।” ओरी बोलेया, “पापी मांणू किंयाँ एडे चिह्न दखाई सकोआ?” तेबे तिना बीचे फूट पड़ी गी। 17 तिने तेस अन्दे खे फेर बोलेया, “जिने तेरी आखी कित्तिया ठीक कि तूं तेसरे बारे रे क्या बोलेया?” तिने बोलेया, “से भविष्यबक्ता ए।” 18 पर यहूदिया खे विश्वास नि ऊआ कि ये अन्दा था और एबे देखोआ, जदुओ तक तिने तेसरे माए-बाओ बुलाई की 19 सेयो नि पूछी ले, “क्या ये तुसा रा पाऊ ए, जेसखे तुसे बोलोए कि अन्दा जम्मी रा? तेबे एबे किंयाँ देखोआ?” 20 तेसरे माए-बाओ बोलेया, “आसे ये तो जाण्णू कि ये आसा रा पाऊ ए और जन्मो ते अन्दा था। 21 पर ये नि जाणदे कि किंयाँ देखणे लगी गा और ना ई ये जाणदे कि किने एसरिया आखी ठीक कित्तिया। से छोटा जा बच्चा निए, तेसते ई पूछी लो, तेस आपणे बारे रे आपू ई बताई देणा।” 22 यो गल्ला तिने तेबे बोलिया कऊकि, सेयो यहूदी अगुओ ते डरो थे, कऊकि यहूदी अगुवे एक मत ऊई चुके थे कि जे कोई ये विश्वास करेगा कि से मसीह ए, तो से प्रार्थना रे कअरो ते निकायाली देणा। 23 इजी री बजअ ते तेसरे माए-बाओ बोलेया, “से छोटा जा बच्चा निए, एसते ई पूछी लो।” 24 तेबे यहूदी अगुवे तेस मांणू ते, जो अन्दा था, दूजी बार बुलाई की तेसखे बोलेया, “परमेशरो खे गवा मानी की सच बोल, आसे तो जाण्णू कि से मांणू पापी ए।” 25 तिने बोलेया, “आऊं नि जाणदा कि से पापी ए कि नई, आऊं एक गल्ल जाण्णूआ कि आऊं पईले अन्दा था और एबे देखीं सकूँआ।” 26 तिने तेसखे फेर बोलेया, “तिने तां साथे क्या कित्तेया और तेरी आखी किंयाँ ठीक कित्तिया?” 27 तिने तिना खे बोलेया, “आऊं तो तुसा खे बोली चुकेया रा और तुसेई नि सुणेया, एबे दूजी बार कऊ सुणना चाओए? क्या तुसे बी तेसरे चेले बणना चाओए?” 28 तेबे सेयो तेसखे खरा-बुरा बोलणे लगे, “तूं ई तेसरा चेला ए, आसे तो मूसे रे चेले ए। 29 आसे जाण्णू कि परमेशर मूसे साथे गल्ला कित्तिया, पर एस मांणू खे नि जाणदे कि केथो राए?” 30 तिने तिना खे बोलेया, “ये तो हैरनिया री गल्ल ए कि तुसे नि जाणदे कि से केथो राए, तेबे बी तिने मेरिया आखी ठीक कित्तिया। 31 आसे जाण्णू कि परमेशर पापिया री नि सुणदा, पर जे कोई परमेशरो रा भक्त ओ और तेसरी इच्छा पाँदे चलोआ, तो से तेसरी सुणोआ। 32 दुनिया री शुरुआता ते ये कदी बी सुणने बीचे नि आया कि किने बी जन्मो रे अन्दे रिया आखी ठीक कित्तिया ओ। (aiōn g165) 33 जे ये मांणू परमेशरो री तरफा ते नि ऊंदा, तो कुछ पनि करी सको था।” 34 तिने तेसखे जवाब दित्तेया, “तूं तो बिल्कुल पापो ते जम्मी रा, तूं आसा खे क्या सिखाएया?” और तिने से बारे निकयाली ता। 35 जेबे यीशुए सुणेया कि तिने से बारे निकयाली ता, तेबे सेयो तेसखे मिले और बोलेया, “क्या तूं माणू रे पुत्रो पाँदे विश्वास करेया?” 36 तिने जवाब दित्तेया, “ओ प्रभु! से कुणे कि आऊं तेस पाँदे विश्वास कहूँ?” 37 यीशुए तेसखे बोलेया, “तैं से देखी बी राखेया और जो तां साथे जपणे लगी रा से येरईए।” 38 तिने बोलेया, “ओ प्रभु! आऊं विश्वास कहूँआ!” और तिने तिना गे माथा टेकेया। 39 तेबे यीशुए बोलेया, “आऊं एसा दुनिया पाँदे न्याय करने आयी रा ताकि

जो देखदे नि, सेयो देखो और जो देखोए, सेयो अन्दे ऊई जाओ।” 40 जो फरीसी तिना साथे थे तिने यो गल्ला सुणी की तिना खे बोलेया, “क्या आसे बी अन्दे ए?” 41 यीशुए तिना खे बोलेया, “जे तुसे अन्दे ऊँदे तो पापी नि ऊँदे, पर एबे बोलोए कि आसे देखूँ, तेबई तो तुसा रा पाप बणेया रा रओआ।”

10 यीशुए फेर बोलेया, “आऊं तुसा खे सच-सच बोलूँआ कि जो कोई

गवाईणी रे द्वारा ते नि जांदा, पर ओरी किसीये चढ़ी जाओआ, से चोर और डाकू ए। 2 पर जो-जो द्वारो रिये आओआ, से पेडा खे चराणे वाला ए। 3 तेसखे द्वारपाल द्वार खोली देओआ और पेडा तेसरा ग्लाणा पछ्याणोईया और से आपणी पेडा खे नाओं लयी-लयी की बुलाओआ और बारे लयी जाओआ। 4 जेबे से आपणी सारी पेडा खे बारे निकाली चुकोआ, तेबे से तिना रे आगे-आगे चलोआ और पेडा तेस पीछे-पीछे चलणे लगोईया, कऊकि सेयो तेसरा ग्लाणा पछ्याणोईया। 5 पर सेयो ओरी पीछे नि जांदिया, बल्कि तेसगे ते नठी जाओईया, कऊकि सेयो ओरी री आवाज नि पछ्याणदिया।” 6 यीशुए तिना खे ये उदारण बोलेया, पर सेयो नि समजे कि यो कुण जी गल्ला ए, जो ये आसा खे बोलणे लगी रा। 7 तेबे यीशुए तिना खे फेर बोलेया, “आऊं तुसा खे सच-सच बोलूँआ कि पेडा रा पीतरे आऊँदे रा द्वार आऊं ए। 8 जितणे मांते पईले एआ, सेयो सब चोर और डाकू ए, पर मेरी पेडे तिना री नि सुणी। 9 द्वार आऊं ए, जे कोई मेरे जरिए पीतरे जाओगा, तो उद्धार पाओगा, और पीतरे-बारे आया-जाया करना और तेसखे चारा मिलणा। 10 चोर कोई ओर काम करने नि, पर बस चोरी करने, कापे और सत्यानाश करने आओआ, आऊं तेबे आया कि सेयो जीवन पाओ और बक्त जादा पाओ। 11 अच्छा चराणे वाला आऊं ए, अच्छा चराणे वाला आपणी पेडा खे आपणा प्राण तक दई देओआ। 12 मजदूर, जो ना तो चराणे वाला ए और ना पेडा रा मालक ए, जेबे भेड़िया आओआ, तो पेडा खे छाडी की नठी जाओआ और भेड़िया तिना पेडा पाँदे अमला करोआ और पेडा खे औरे-पैरे करी देओआ। 13 से तेबे नठी जाओआ, कऊकि से एक मजदूर ए और तेसखे पेडा री चिन्ता निए। 14 “अच्छा चराणे आऊं ए, आऊं आपणी पेडा खे जाण्णूआ और मेरी पेडा माखे जाणोईया। 15 जिंयां पिता माखे जाणोआ और आऊं तेसखे जाण्णूआ और आऊं पेडा खे आपणे प्राण देझँआ। 16 मेरिया ओर बी पेडा ए, जो एथो री गवाईणी रिया निया, माखे सेयो बी ल्याऊणिया जरूरी ए, तिना मेरा ग्लाणा सुणना, तेबे एक ई चूण्ड और एक ई चराणे वाला ऊणा। 17 पिता तेबे मांते प्यार राखोआ, कऊकि आऊं आपणे प्राण दई देझँआ, ताकि तेस फेर लयी लूँ। 18 कोई बी मांते मेरा प्राण लई नि सकदा, बल्कि आऊं तेसखे आपू ई दई देझँआ। माखे देणे रा अक्क ए और तिजी खे फेर लगे रा अक्क बी ए, ये आज्ञा मेरे पिते ते माखे मिली री।” 19 इना गल्ला री बजअ ते यहूदिया बीचे फेर फूट पड़ी गी। 20 तिना बीचा ते बक्त जणे बोलणे लगे, “एसरे दुष्टात्मा ए और ये पागल ए, एसरी कऊं सुणोए?” 21 ओरी बोलेया, “इना गल्ला एड़ा मांणू नि

बोली सकदा, जेसरे दुष्टात्मा ओ, क्या दुष्टात्मा अन्दे रिया आखी खोली सकोई? 22 यरूशलेमो रे समर्पणो रा त्योआर था और ठण्डी रा बखत था। 23 यीशु मन्दरो रे आँगणो रे सुलेमानो रे बर्डें (बरामदा) रे कूमणे-फिरने लगी रे थे। 24 तेबे यहूदिये सेयो केरी ते और तिना ते पूछेया, “तां आसा रा मन कदुओ तक दुविदा रे राख्यान? जे तूं मसीह ए, तो आसा गे साफ-साफ बोली दे।” 25 यीशुए तिना खे बोलेया, “मैं तो तुसा खे बोलेया पर तुसे मेरा विश्वास नि कितेया, जो काम आऊँ पिते रे नाओं ते कँड़आ, सेयो ई मेरे गवा ए। 26 पर तुसे मेरा विश्वास तेबे नि करदे, कँड़कि तुसे मेरी पेडा बीचा ते निए। 27 मेरी पेडा मेरा गलाणा पछ्याणोईया और आऊँ तिना खे जापूंआ, और सेयो मां पीछे-पीछे चलोईया। 28 आऊँ तिना खे अनन्त जीवन देऊँआ और सेयो कदी नाश नि ऊणिया, और तिना खे कोई मांते छुड़ाई की लई नि सकदा। (aiōn g165, aiōnios g166) 29 मेरे पिता, जिने माखे सेयो दई राखिया, सबी ते बड़ा ए और कोई तिना खे पिते रे आथो ते छुड़ाई की लई नि सकदा। 30 आऊँ और पिता एक ए।” 31 यहूदिये फेर तिना खे पत्थराव करने खे पात्थर चके। 32 तेबे यीशुए तिना खे बोलेया, “मैं तो तुसा खे आपणे पिते री रफा ते बऊत खरे काम दखाई राखे, तिना बीचा ते तुसे कुण जे कामो री बजअ ते मां पाँदे पत्थराव करोए?” 33 यहूदिये तिना खे जवाब दितेया, “खरे कामा खे आसे तां पाँदे पत्थराव नि लागी रे करने, बल्कि परमेश्वरो री निन्दा री बजअ ते और इजी री बजअ ते कि तूं मांगूं ऊई की आपू खे परमेश्वर बोलोआ।” 34 यीशुए तिना खे बोलेया, “क्या तुसा रे पवित्र शास्त्रो रे नि लिखी राखेया, ‘मैं बोली राखेया, तूं ईश्वर ए?’ 35 तुसे जाणोए कि पवित्र शास्त्रो री गल्ल बदली नि सकदी। जिना गे परमेश्वरो रा वचन पँड़छी रा, तिने तिजी खे ईश्वर बोलेया, 36 तेबे जो पिते पवित्र ठर्झाई की दुनिया पाँदे पेजी राखेया, तुसे तेसखे बोलोए कि तूं निन्दा करोआ, कँड़कि मैं बोली राखेया कि आऊँ परमेश्वरो रा पुत्र ए। 37 जे आऊँ पिते रे काम नि करदा, तो मेरा विश्वास नि करो। 38 पर जे आऊँ करूंआ, तेबे चाए मेरा विश्वास नि करो, पर तिना कामो रा विश्वास तो करो। ताकि तुसे जाणो और समजो कि पिता मांदे और आऊँ पिते रे ए।” 39 तेबे तिने फेर तिना खे पकड़ने री कोशिश कित्ती, पर सेयो तिना रे आथो ते निकली गे। 40 तेबे यीशु यरदनो ते पार तेसा जगा रे गये, जेती यूहन्ना पर्झले बपतिस्मा देया करो था और तेथी रये। 41 तेबे बऊत जणे तिना गे आयी की बोलणे लगे, “यूहने तो कोई चमत्कार नि दखाए, पर जो कुछ यूहने इना रे बारे रे बोलेया था, से सब सच था।” 42 और तेती बऊत जणेया यीशुए पाँदे विश्वास कितेया।

11 मरियम और तेसा री बईण मार्था रे गांव बैतनिय्याहो रे लाजर नाओं रा एक मांगूं बमार था। 2 ये सेई मरियम थी, जेसे यीशुए रे पैरा पाँदे इन मली की आपणे बालो साथे टूसे थे। एसा रा ई पाई लाजर बमार था। 3 तेबे तेसा री बईणे तिना खे संदेशा पेजेया, “ओ प्रभु! देख, जेस सधे तुसे प्यार राखोए, से बमार ऊई रा।” 4 ये सुणी की यीशुए

बोलेया, “ये बमारी मरने जोगी निए, बल्कि परमेश्वरो री महिमा खे ए, ताकि तेसरी बजअ ते परमेश्वरो रे पुत्रो री महिमा ओ।” 5 यीशु मार्था और तेसा री बईण और तिना रे पाई लाजरो खे प्यार करो थे। 6 तो जेबे तिने सुणेया कि से बमार ए, तेबे जेती सेयो थे, तेती दो दिन और रुकी गे। 7 तेबे दो दिनो ते बाद तिने आपणे चेलिया खे बोलेया, “आओ, आसे फेर यहूदिया प्रदेशो खे चलूँए।” 8 चेलिया तिना खे बोलेया, “ओ गुरु! एबु तो यहूदी अगुवे तुसा पाँदे पत्थराव करना चाओ थे और क्या तुसे फेर बी तेती जाणा चाओए।” 9 यीशुए बोलेया, “क्या दिनो रे बारा कंटे नि ऊँदे? जे कोई दिने चलो तो कोई ठोकर नि खांदा कँड़कि से एसा दुनिया रा प्रयासा देखोआ। 10 पर जे कोई राथियो खे चलोआ, तो से ठोकर खाओआ, कँड़कि तेसरे प्रयासा निए।” 11 तिने यो गल्ला बोलिया और इजी ते बाद तिना खे बोलणे लगे, “आसा रा दोस्त लाजर सयी गा रा, पर आऊँ तेसखे जगाणे चली रा।” 12 तेबे चेलिया तिना खे बोलेया, “ओ प्रभु! जे से सयी रा तो से बची जाणा।” 13 यीशुए तो तेसरी मौता रे बारे रे बोलेया था, पर सेयो समजे कि तिने तेसरी नींजा ते सउणे रे बारे रे बोलेया। 14 तेबे यीशुए तिना खे साफ बोली ता, “लाजर मरी गा रा 15 और आऊँ तुसा री बजअ ते खुश ए कि आऊँ तेती नि था, ताकि तुसे विश्वास करो, पर एबे आओ आसे तेसगे चलूँए।” 16 तेबे थोमे, जेसखे दिद्मुस बोलो थे, तिने आपणे साथले चेलिया खे बोलेया, “आओ, आसे बी तेस साथे मरने खे चलूँप।” 17 तेबे यीशुए खे बैतनिय्याह गांव रे आयी की पता चलेया कि लाजरो खे कब्रा रे राखे रे चार दिन ऊँझी रे। 18 बैतनिय्याह, यरूशलेमो ते नेढ़े कोई तीन किलोमीटर था। 19 बऊत सारे यहूदी मरियम और मार्था रे गे तिना रे पाईए रे बुलावे खे आयी रे थे। 20 जेबे मार्थे यीशुए रे आऊँगे रा समाचार सुणेया, तेबे से तिना खे मिलणे गयी, पर मरियम कअरे ई बैठी री रई। 21 मार्थे यीशुए खे बोलेया, “ओ प्रभु! जे तुसे एती ऊँदे, तो मेरा पाई कदी नि मरदा 22 और एबे बी आऊँ जाणूँई कि जो कुछ तुसा परमेश्वरो ते मांगणा, से तुसा खे मिलणा।” 23 यीशुए तेसा खे बोलेया, “तेरा पाई जिऊँदा ऊई जाणा।” 24 मार्थे तिना खे बोलेया, “आऊँ जाणूँई कि आखरी दिना रे दुबारा जिऊँदा ऊणा रे बखते से फेर जी उठणा।” 25 यीशुए तेसा खे बोलेया, “दुबारा जिऊँदा ऊणा और जीवन आऊँ ईए, जे कोई मां पाँदे विश्वास करोआ, से जे मरी बी जाओ, तेबे बी जिऊणा।” 26 और जो कोई जिओआ और मां पाँदे विश्वास करोआ, से अनन्तकालो तक नि मरना। क्या तूं एसा गल्ला पाँदे विश्वास करेई? (aiōn g165) 27 तेसे तिना खे बोलेया, “आ, ओ प्रभु, आऊँ विश्वास करी चुकी री कि परमेश्वरो रा पुत्र मसीह, जो दुनिया रे आऊणे वाला था, सेयो तुसेई ये।” 28 ये बोली की से चली गी और आपणी बईण मरियमा खे चोरिए जे बुलाई की बोलेया, “गुरु एथी ई ये और ताखे बुलाणे लगी रा।” 29 ये सुणेद ई से फटाफट उठी की तिना गे आयी। 30 यीशु एबुए तक गांव रे नि पँड़छी रे थे, बल्कि तेथी थे, जेती मार्था तिना खे मिली थी। 31 तेबे जो यहूदी तेसा साथे कअरे थे और तेसा खे शान्ति देणे लगी रे थे। ये

देखी की कि मरियम फटाफट उठी की बारे चली गी री, सेयो समजे कि से कब्रा पाँदे रोणे जाई री, तेसा पीछे चली गे। 32 जेबे मरियम तेती पँछी, जेती यीशु थे, तो तिना खे देखी की तिना रे पैरा पाँदे पड़ी की और बोलणे लगी, “ओ प्रभु! जे तुसे एती उँदे, तो मेरा पाई कदी नि मरदा।” 33 जेबे यीशुए तेसा खे और तिना यहूदिया खे, जो तेसा साथे आए थे, रेंदे ऊए देखेया, तो आत्मा रे बऊत उदास और बेचैन ऊईगा 34 और तिने बोलेया, “तुसे तेसरा शरीर केयी दबाई राखेया?” तिने तिना खे बोलेया, “ओ प्रभु! चली की देखी लो।” 35 यीशुए री आखी रे पाणी आईगा। 36 तेबे यहूदिये बोलेया, “देखो, ये तेसखे कितणा प्यार करो था!” 37 पर तिना बीचा ते बऊत जणेया बोलेया, “क्या ये, जिने अन्दे री आखी ठीक कितिया, ये पनि करी सकेया कि तेसखे मरने ते बचाई देओ?” 38 यीशु मनो रे उदास ऊई की कब्रा पाँदे आए, से एक गुफा थी और एक पाठ्थर तेते पाँदे राखी राखेया था। 39 यीशुए बोलेया, “पाठ्थरो खे टाओ।” तेस मरे री बईग मार्था तिना खे बोलणे लगी, “ओ प्रभु! तेसते तो एबे बास आओए, कऊंकि तेसखे मरे रे चार दिन ऊईगे रो।” 40 यीशुए तेसा खे बोलेया, “क्या मैं ताखे नि बोली राखेया था कि जे तूं विश्वास करेगी, तो परमेशरो री महिमा खे देखेगी।” 41 तेबे तिने से पाठ्थर टाया, तेबे यीशुए आखी चकी की बोलेया, “ओ पिता आऊं तेरा धन्यवाद करूँआ कि तैं मेरी प्रार्थना सुणी ली री 42 और आऊं जाणूं था कि तूं मेरी सदा सुणेया, पर जो पीड़ नेड़े-तेंदे खड़ी री, तिना री बजअ ते मैं बोलेया, ताकि सेयो विश्वास करो कि तैं आऊं पेजी राखेया।” 43 ये बोली की तिने जोरे की बोलेया, “ओ लाजर, कब्रा ते बारे निकली की आईजा।” 44 जो मरी गा था, से कफनो ते आथ पैर बानेया रा निकली गा और तेसरा मूँ टाल्ले की लपेटे रा था, यीशुए बोलेया, “एसखे खोली की जाणे देओ।” 45 तेबे जो यहूदी मरियमा गे आयी रे थे और जेबे तिना रा ये काम देखेया, तेबे तिना बीचा ते कई जणेया तिना पाँदे विश्वास कितेया। 46 पर तिना बीचा ते कई जणे फरीसिया गे जाई की यीशुए रे कामो रा समाचार दितेया। 47 तेबे बड़े पुरोईत और फरीसिये बऊत बड़ी सभा रे लोका खे कट्टे करी की बोलेया, “आसे क्या करूँए? ये माणू तो बऊत चमत्कार दखाओआ। 48 जे आसे तेसखे ईयां ई छाडी देंगे तो, सबी तेस पाँदे विश्वास करने लगी जाणा और रोमिया एती आयी की आसा री जगा और जाति दूँई पाँदे अक्क करी लणा।” 49 सभा रे सदस्या बीचा ते कैफा नाओं रे एक माणूए, जो तेस बखतो रा प्रदान पुरोईत था, तिना खे बोलेया, “तुसे कुछ नि जाणदे 50 और ना ई ये सोचदे कि तुसा खे ये खरा ए कि आसा रे लोका री खातर एक माणू मरो और सारी जातिया नाश नि ओ।” 51 ये गल्ल तिने आपणी तरफा ते नि बोली, बल्कि तेस बखतो रा प्रदान पुरोईत ऊणे री बजअ ते भविष्यबाणी किती कि यीशु इसाएलो रे लोका रिया तंई मरना 52 और ना बस तेसा जातिया खे, बल्कि इजी खे बी कि परमेशरो री खिरी री ल्वादा खे एक करी देओ। 53 तेबे तेसी दिनो ते यहूदी अगुवे यीशुए खे मरने री तरकीब टोलने लगे। 54 तेबेई तो यीशु तेस बखतो ते यहूदिया

प्रदेशो रे खुल्लेआम नि कूमी सके, पर तेथा ते सुणसाण जगा रे नेड़ो रे एप्रैम नाओं रे देशो रे, एक नगरो खे चली गे और आपणे चेलेया साथे तेथी रणे लगे। 55 तेबे यहूदिया रा फसह रा त्योआर नेडे था और बऊत सारे लोक फसह ते पईले ई गांव ते यरूशलेमो खे गये कि आपणे आपू खे शुद्ध करिए। 56 तेबे सेयो यीशुए खे टोलने लगे और मन्दरो रे खड़े ऊई की आपू बीचे बोलणे लगे, “तुसे क्या सोचोए? क्या से त्योआरो रे नि आऊणा?” 57 बड़े पुरोईत और फरीसिये ये आज्ञा दई राखी थी कि जे केसी खे ये पता ओ कि यीशु केईये, तो बताओ ताकि तेसखे पकड़ी सकूँ।

12 तेबे यीशु फसह रे त्योआरो ते छे दिन पईले बैतनिय्याह गांव

रे आए, जेती लाजर था; जो यीशुए मरे रेया बीचा ते जिऊँदा कितेया था। 2 तेती तिने तिना खे पाटी त्यार कित्ती और मार्था सेवा करने लगी री थी और लाजर तिना बीचा ते एक था, जो यीशुए साथे पाटी खाणे बैठे। 3 तेबे मरियमे जटामासिया रा आदा सेर बऊत मंझगा इत्र लयी की यीशुए रे पैरा पाँदे मलेया और आपणे बालो की तिना रे पैर दूसे और इत्रो री खूशबूओ साथे सारा कर खुशबूदार ऊईगा। 4 पर तिना रे चेलेया बीचा ते यहूदा इस्करियोती नाओं रा एक चेला, जो तिना खे पकड़वाणे वाला था, बोलणे लगेया, 5 “ये इत्र तीन सौ चाँदिए रे सिककेया रे बेची की कंगाला खे कऊँ नि बांडी ता।” 6 तिने ये गल्ल इजी री खातर नि बोली कि तेसखे कंगाला री चिन्ता थी, पर तेबे कऊंकि से चोर था और तेसगे तिना री पैसेया री थैली रओ थी और तिदे जो कुछ पाओ थे, से निकयाली देओ था। 7 यीशुए बोलेया, “एसा खे कल्ली छाडी देओ। एसे मेरे दबाणे री त्यारिया खे एड़ा करी राखेया। 8 कऊंकि कंगाल तो तुसा साथे सदा रओए, पर आऊं तुसा साथे सदा नि रणा।” 9 जेबे यहूदिया री बड़ी पीड़ जाणी गी कि से एथी ए, तो सेयो सिर्फ यीशुए री ई बजअ ते नि, बल्कि लाजरो खे मिलणे खे बी आए थे, जो तिने मरे रेया बीचा ते जिऊँदा कितेया था। 10 तेबे बड़े पुरोईत लाजरो खे बी काणे री तरकीब बणाई। 11 कऊंकि लाजरो री बजअ ते बऊत सारे यहूदिये तिना खे छाडी की यीशुए पाँदे विश्वास कितेया। 12 दूजे दिने बऊत सारे लोके त्योआरो खे आये, जेबे लोके सुणेया यीशु यरूशलेमो खे आऊणे लगी रे। 13 तेबे तिने खजूरो रिया डालिया लईया और तिना खे मिलणे खे चली पड़े और जोरे-जोरे साथे बोलणे लगे, “होशन्ना! धन्य इसाएलो रा राजा, जो प्रभुए रे नाओं ते आयी रा।” 14 जेबे यीशुए खे गह्वे रा एक बच्चा मिलेया, तो सेयो तेस पाँदे बैठीगे और से यरूशलेम नगरो खे आये। ये तियां ई ऊआ जेडा पवित्र शास्त्रो रे लिखी राखेया, 15 “ओ यरूशलेमो रे लोको! डरो नि, देख, तेरा राजा गह्वे रे बच्चे पाँदे बैठी की आऊणे लगी रा।” 16 यीशुए रे चेले यो गल्ला पईले नि समजे थे, पर जेबे यीशुए री महिमा सामणे आयी, तेबे तिना खे याद आया कि यो गल्ला तिना रे बारे रे लिखी राखी थिया; और लोके तिना साथे एड़ा बर्ताव कितेया। 17 तेबे पीड़ रे तिने लोके, जो तेस बखतो ते सुणसाण थे, ये गवाई दिती कि तिने लाजर कब्रा ते बुलाई की मरे रेया बीचा ते

जिंदा कित्तेया था। 18 एतेरी बजअ ते लोक तिना खे मिलणे आए थे, कँकि तिने सुणेया था कि तिने ये सामर्था रा काम दखाया। 19 तेबे फरीसिये आपू बीचे बोलेया, “सोचो, तुसा ते तो कुछ पनि ऊणे लगी रा, देखो, दुनिया रे सारे लोक एस पीछे ई चली पडी रे।” 20 जो लोक फस्ह हे त्योआरो खे भक्ति करने आए थे, तिना बीचा ते कुछ यूनानी थे। 21 तिने गलील प्रदेशो रे बैतसैदा नगरो रे रणे वाले फिलिप्पुसो गे आयी की बिनती कित्ति कि, “श्रीमान् जी! आसे यीशुए साथे मिलणा चाँगै।” 22 फिलिप्पुसे आयी की अन्धियासो खे बोलेया, तेबे तिने ढूँढ़ यीशुए खे बोलेया। 23 तेबे यीशुए तिना खे बोलेया, “से बखत आईंगा रा कि माणू रे पुत्रो री महिमा ओ। 24 आँक तुसा खे सच-सच बोलूँआ कि जटुओ तक कणका रा दाँगा जमीना रे पडी की मरी नि जाओ, से कल्ला रओआ, पर जेबे मरी जाओआ, तेबे बऊत फळ ल्याओआ। 25 जो आपणे प्राणो खे प्यारा मानोआ, से तेसखे खोई देओआ, और जेसखे एसा दुनिया रे आपणा प्राण प्यारा निए, तेस अनन्त जीवनो तक से बचाणा। (aiōnios g166) 26 जे कोई मेरी सेवा करो, तो मां पीछे आयी जाओ और जेती आँक ऊणा, मेरा सेवक बी तेथी रणा और जो मेरी सेवा करोआ, मेरा पिता तेसरा आदर करोआ। 27 “एबे मेरा जिउ बेचैन ऊणे लगी रा। तो एबे आँक क्या बोलूँ? ‘ओ पिता, माखे एसा कअडिया ते बचा!’ पर आँक इजी बजअ ते एसा कअडिया गे पऊँछी रा। 28 जो पिता, आपणे नाओं री महिमा कर।” तेबे स्वर्गो ते ये आवाज आई कि, “मैं एसरी महिमा करी राखी और फेर बी करनी।” 29 तेबे जो लोक खडी की सुणने लगी रे थे तिने बोलेया, “बादल गरजेया” ओरी बोलेया, “कोई स्वर्गदूत तेथा ते बोलेया।” 30 तेबे यीशुए बोलेया, “ये शब्द माखे नि पर तुसा रे फाईदे खे आयी रा। 31 एबे एसा दुनिया रा न्याय ओआ। एबे एस दुनिया रा सरदार निकायाली देणा 32 और आँक जे तरतिया पाँदा ते ऊच्चे रे चढाया जाऊँगा, तो सबी खे आपू गे खर्झूँगा।” 33 ये बोली की तिने ये सामणे त्याई ता कि से केडी मौता साथे मरना। 34 तेबे लोके तिना खे बोलेया, “आसे पवित्र शास्त्रो री ये गल्ल सुपी राखी कि मसीह सदा जिंदा रणा, तेबे तुसे कँक बोलोए कि माणू रे पुत्रो खे ऊच्चे रे चढाणा जरुरी ए? ये माणू रा पुत्र कूणे?” (aiōn g165) 35 यीशुए तिना खे बोलेया, “जोति एबे थोडी जी देरा खे तुसा बीचे ए। जटुओ तक जोति तुसा साथे ए, तदुओ तक चलदे रओ। एड़ा नि ओ कि न्हेरा तुसा खे आयी की केरी देओ, जो न्हेरे रे चलोआ, से नि जाणदा कि केवी जाणे लगी रा। 36 जटुओ तक जोति तुसा साथे ए, जोतिया पाँदे विश्वास करो, ताकि तुसे जोतिया री ल्वाद बणो।” इना गल्ला बोली की यीशु चली गे और तिना ते लूके रे रये। 37 तिने तिना सामणे इतणे चमत्कार दिखाए, पर तेबे बी तिने तिना पाँदे विश्वास नि कित्तेया। 38 ताकि यशायाह भविष्यबक्ते रा वचन पूरा ओ, जो तिने बोलेया था, “ओ प्रभु! किने आसा रे सुसमाचारो पाँदे विश्वास करी राखेया? और परमेश्वरो रा बाहुबल केसगे प्रगट ऊँडी रा?” 39 एतेरी बजअ ते सेयो विश्वास नि करी सके, कँकि यशायाहे फेर बी बोलेया, 40 “तिने तिना

री आखी अंदिया और मन काठा करी राखेया, केथी एड़ा नि ओ कि सेयो आखी ते देखो और मनो ते समजो और फिरो और आँक तिना खे ठीक करूँ।” 41 यशायाहे यो गल्ला तेबे बोलिया, कँकि तिने यीशुए री आऊणे वाली महिमा देखी और तिने तेसरे बाटे रे गल्ला कित्तिया। 42 तेबे बी अधिकारिया बीचा ते कई जपे तिना पाँदे विश्वास कित्तेया। पर फरीसिये री डरो री बजअ ते सामणे नि आऊणा चाओ थे, एड़ा नि ओ कि प्रार्थना रे कअरो ते निकायाले जाओ। 43 कँकि माणूआ ते तारीफ, तिना खे परमेश्वरो री तरीफा ते जादा प्यारी लगो थी। 44 यीशुए जोरे की बोलेया, “जो मां पाँदे विश्वास करोआ, से मां पाँदे नि, बल्कि मेरे पेजणे वाले परमेश्वरो पाँदे विश्वास करोआ। 45 और जो माखे देखोआ, से मेरे पेजणे वाले खे देखोआ। 46 आँक दुनिया रे जोति ऊँडी की आयी रा, ताकि जो कोई मां पाँदे विश्वास करो, से न्हेवे रे नि रओ। 47 जो कोई मेरिया गल्ला सुणी की नि मानो, आँक तेसखे दोषी नि ठईरांदा, कँकि आँक दुनिया रे लोका खे दोषी ठईराणे खे नि, बल्कि दुनिया रे लोका खे बचाणे आयी रा। 48 जो माखे तुच्छ जाणोआ और मेरी गल्ला नि मानदा, तेसखे दोषी ठईराणे वाला एक ईए, मतलब-जो वचन मैं बोली राखेया, तेस ई आखरी दिनो रे से दोषी ठईराणा। 49 कँकि मैं आपणी तरफा ते गल्ला नि करी राखिया, पर पिते, जिने आँक पेजी राखेया, तिने ई माखे आज्ञा देई राखी कि क्या-क्या बोलूँ? और कियाँ बोलूँ? 50 और आँक जाणूआ कि तेसरी आज्ञा अनन्त जीवन ए, तेबैई तो जो आँक बोलूँआ, जेडा पिते मांगे बोली राखेया, तेड़ा ई बोलूँआ।” (aiōnios g166)

13 फस्ह हे त्योआरो ते पाईले जो यीशुए जाणी ला कि मेरी से कअड़ी

आईशी री कि दुनिया खे छाडी की पिते गे जाऊँ। तेबे आपणे लोका खे जो दुनिया रे थे, जेडा प्यार राखो था, अंतो तक तेड़ा ई प्यार राखेया। 2 रात की रोटिया रे बखते जेबे शैतान, यहूदा इस्करियोतियो रे मनो रे ये गल्ल पाई चुकेया था कि यीशुए खे पकड़वाओ, 3 यीशुए, ये जाणी की कि पिते सारा अक्क मेरे आयो रे देईता रा और आँक परमेश्वरो गे ते आयी रा और परमेश्वरो गे ई जाणा, 4 रोटिया गे ते उठी की आपणे टाल्ले खोली ते और पड़तणी लयी की आपणा लक बानेया। 5 तेबे पांडे रे पाणी लयी की आपणे चेलेया रे पैर तोये और जो पड़तणी आपणे लको रे थी बानी री, तिजी साथे साफ करने लगे। 6 जेबे सेयो शमैन पतरसो गे आए, तेबे तिने तिना खे बोलेया, “ओ प्रभु! क्या तुम्हे मेरे पैर तोणे लगी रे?” 7 यीशुए बोलेया, “जो आँक करूँआ, से तूँ एबु नि जाणदा, पर इजी ते बाद समजणा।” 8 पतरसे तिना खे बोलेया, “तुम्हे मेरे पैर कदी नि तोई सकदे!” ये सुणी की यीशुए तेसखे बोलेया, “जे तूँ माखे आपणे पैर नि तोणे देगा, तो मां साथे तेरा कुछ बी साजा निया।” (aiōn g165) 9 शमैन पतरसे तिना खे बोलेया, “ओ प्रभु! तेबे मेरे पैर नि बल्कि मेरे आथ और सिर बी तोई दे।” 10 यीशुए तेसखे बोलेया, “जो नायी चुकेया रा, तेसरे पैर तोणे ते अलावा कुछ ओर तोणे ते मतलब निए, बल्कि से बिल्कुल शुद्ध ए और तूँ बी शुद्ध ए, पर सब के सब निए।” 11 सेयो आपणे पकड़वाणे वाले खे जाणो थे, तेबैई तो तिने

बोलेया, “तुसे सब के सब शुद्ध निए।” 12 जेबे यीशु तिना रे पैर तोई चुके और फेर आपणे टाले पईनी की बैठीगे, तेबे तिने चेलेया खे पूछेया, “क्या तुसे समजे कि मैं तुसा साथे क्या कित्तेया? 13 तुसे माखे गुरु और प्रभु बोलोए और ठीक ई बोलोए, कऊँकि आँतु तुसा रा गुरु और प्रभु ए। 14 जै मैं प्रभु और गुरु ऊई की तुसा रे पैर तोये, तो तुसा बी नम्र ऊई की एकी दूजे रे पैर तोणे चाईयो। 15 कऊँकि मैं तुसा गे नमूना दखाई ता कि जियाँ मैं तुसा साथे करी राखेया, तुसे बी तियाँ ई करेरा करो। 16 “आँतु तुसा खे सच-सच बोलूआ, दास आपणे मालको ते बड़ा नि ऊँदा, और ना पेजेया रा आपणे पेजणे वाले ते। 17 तुसे तो इना गल्ला खे जाणोए और जे इना पाँदे चलो, तो घन्य ए। 18 आँतु तुसा सबी रे बारे रे नि बोलदा, जो मैं चूणी लये रे, तिना खे आँतु जाणूआ, पर ये इनी खे ए, ताकि पवित्र शास्त्रो रा ये वचन पूरा ओ कि, जिने मेरा दोस्त ऊई की मां साथे रोटी खाई सेर्ह मेरे खलाफ ऊईगा। 19 एबे आँतु तिजी रे ऊणे ते पईले तुसा खे जताई देऊआ कि जेबे ये ऊई जाओ, तो तुसे विश्वास करो कि आँतु सेर्हए। 20 आँतु तुसा खे सच-सच बोलूआ कि जो मेरे पेजे रे खे मानोआ, से माखे मानोआ और जो माखे मानोआ, से मेरे पेजणे वाले खे मानोआ।” 21 ये बोली की यीशु आत्मा रे बैचैन ऊईगे और तिने आपणे चेलेया ते बोलेया, “आँतु तुसा खे सच-सच बोलूआ कि तुसा बीचा ते एकी जणे आँतु पकड़वाणा।” 22 चेले ये शक करी की कि यो केसरे बारे रे बोलणे लगी रे, एकी दूजे खे देखणे लगे। 23 तिना रे चेलेया बीचा ते एक जेस साथे यीशु प्यार राखो थे, यीशुए री छातिया री तरफा खे चूकी की तिना री बगला रे बैठी रा था। 24 तेबे शमौन पतरसे तेसरी तरफा खे साअरा करी की बोलेया, “बता तो, यो केसरे बारे रे बोलणे लगी रे?” 25 तेबे तिने तियाँ ई यीशुए री छातिया री तरफा खे चूकी की पूछेया, “ओ प्रभु! से कूणे?” 26 यीशुए बोलेया, “जेसखे मां ये रोटिया रा टुकड़ा डबोई की देणा, सेर्हए।” तेबे तिने टुकड़ा शमौने रे पाऊ, यहूदा इस्करियोतियो खे दितेया। 27 रोटिया रा टुकड़ा खांदे ई शैतान तेसरे समाई गा, तेबे यीशुए बोलेया, “जो तूँ करने लगी रा, से फटाफट कर।” 28 पर ओरी चेलेया ये नि जाणेया कि तिने ये गल्ल कऊँ बोली। 29 यहूदे गे पैसेया री थैली रओ थी, तेबे किने-किने समजेया कि यीशुए इनी रे बारे रे बोलेया कि जो कुछ आसा खे त्यो आरो रे दिनो खे चाईयो, से खरीद या कंगाला खे कुछ देर्ह दे। 30 तेबे यहूदा रोटिया रा टुकड़ा खाणे ते बाद फटाफट बारे चली गा और से राथियो रा बखत था। 31 जेबे से बारे चली गा, तेबे यीशुए बोलेया, “एबे मां माणू रे पुत्रो री महिमा ऊई और परमेशरो री महिमा तेसरे ऊई री। 32 तो परमेशरे बी आपू रे पुत्रो री महिमा करनी, बल्कि फटाफट करनी। 33 ओ बालको! आँतु तुसा साथे थोड़ी देर ओर ए, तेबे तुसा आँतु टोलना और जेडा मैं यहूदी अगुवा खे बोलेया, ‘जेती आँतु जाऊआ, तेती तुसे नि आयी सकदे,’ तेडा ई एबे आँतु तुसा खे बी बोलूआ। 34 आँतु तुसा खे एक नयी आज्ञा देऊआ कि एकी-दूजे साथे प्यार राखो, जेडा मैं तुसा साथे प्यार राखी राखेया। तेडा ई तुसे बी एकी-दूजे साथे प्यार राखो। 35

जे तुसे आपू बीचे प्यार राखोगे तो इज्जी तेर्ह सबी जाणी लणा कि तुम्हे मेरे चेले ए।” 36 शमौन पतरसे तिना खे बोलेया, “ओ प्रभु! तुसे केयी चली रे?” यीशुए बोलेया, “जेती आँतु एबु चली रा, तेती तूँ एबु मां पीछे नि आयी सकदा, पर इज्जी ते बाद मां पीछे आऊणा।” 37 पतरसे तिना खे बोलेया, “ओ प्रभु! एबु आँतु तुसा पीछे कऊँ नि आयी सकदा? आँतु तो तुसा खे आपणे प्राण देणे खे बी त्यार ए।” 38 यीशुए बोलेया, “क्या तां माखे आपणे प्राण देणे? आँतु ताखे सच-सच बोलूआ कि मुर्ग बांग नि देणी, जदुओ तक तां मेरा तीन बार ना नि करना।”

14 यीशुए आपणे चेलेया खे बोलेया, “तुसा रा मन बेचैन नि ओ, तुसे परमेशरो पाँदे विश्वास राखोए, मां पाँदे बी राखो। 2 मेरे पिते रे कअरो रे बक्त जगा ए रण खे, जे ऊँदी नि तो मां तुसा खे बोली देणा था, कऊँकि आँतु तुसा खे जगा त्यार करने जाऊआ 3 और तेती जाई की तुसा खे जगा त्यार करने ते बाद मां तुसे आयी की आपू साथे लयी जाणे खे फेर आऊणा, ताकि जेती आँतु रँड़, तुसे बी मां साथे तेथी रओ। 4 और जेती आँतु जाऊआ, तुसे तेथो री बाट जाणोए।” 5 थोमे तिना खे बोलेया, “ओ प्रभु! आसे नि जाणदे कि तुसे केयी जाओए? तो बाट कियाँ जाणी सकूँए?” 6 यीशुए तेसखे बोलेया, “बाट, सच्चाई और जीवन आँतु ईए; मांते बिना कोई बी पिते गे नि पँड़ली सकदा। 7 जे तुसे आँतु जाणी राखेया, तो मेरा पिता बी जाणी राखेया और एबे तेसखे जाणो बी ए और से देखी बी राखेया।” 8 फिलिप्पुसे तिना खे बोलेया, “ओ प्रभु! पिते खे आसा गे बताई देओ, येर्ह आसा खे बक्त ए।” 9 यीशुए तेसखे बोलेया, “ओ फिलिप्पुस! आँतु इतणे दिना ते तुसा साथे ए और क्या तूँ माखे नि जाणदा? जिने आँतु देखी राखेया, तिने पिता देखी राखेया, तेबे तूँ कऊँ बोलेया कि पिते खे आसा गे दखाई देओ? 10 क्या तूँ विश्वास नि करदा कि आँतु पिते रे ए और पिता मांदे ए? यो गल्ला जो आँतु तुसा खे बोलूआ, आपणी तरफा ते नि बोलदा, पर पिता मांदे रह की आपणे काम करोआ। 11 मेरा विश्वास करो कि आँतु पिते रे ए और पिता मांदे ए, नई तो तिना चमत्कारा री बजअ ते जो मैं करी राखे मेरा विश्वास करो। 12 आँतु तुसा खे सच-सच बोलूआ कि जो मां पाँदे विश्वास राखोआ, यो काम, जो आँतु करूआ, तेस बी करने, बल्कि इना ते बी बड़े काम करने, कऊँकि आँतु पिते गे चली रा। 13 और जो कुछ तुसे मेरे नाओं ते मांगोगे, सेर्ह मां करना ताकि पाऊए री बजअ ते पिते री महिमा ओ। 14 जे तुसे मांते, मेरे नाओं ते कुछ बी मांगोगे, तो मां से करना। 15 “जे तुसे मांते प्यार राखोए, तो मेरी आज्ञा खे मानोगे।” 16 आँतु पिते ते प्रार्थना करूँगा और तेस तुसा खे एक ओर मददगार पेजणा, ताकि से तुसा साथे सदा रओ। (aiōn g165) 17 से पवित्र आत्मा ए जो परमेशरो रे बारे रे पूरी सच्चाई बताओआ। जेसखे दुनिया मानी नि सकदी, कऊँकि से ना तेसखे देखोआ और ना तेसखे जाणोआ, तुसे तेसखे जाणोए, कऊँकि से तुसा साथे रओआ और से तुसा रे ऊणा। 18 “मां तुसे अनाथ नि छाडणी, आँतु तुसा गे वापस आँतुआ। 19 और थोड़ी जी देर रह्गी री कि दुनिया आँतु नि देखणा, पर

तुसा आँकूं देखणा, कँडकि आँकूं जिझँदा ए, तुसे बी जिझँदे रणो। 20 जेबे आँकूं जिझँदा ऊई की वापस आऊणा, तेस दिने तुसा जाणना कि आँकूं आपणे पिते रे ए और तुसे मांदे ए और आँकूं तुसा रे ए। 21 जेसगे मेरी आज्ञा आो और से तिना खे मानोआ, सेई मां साथे प्यार राखोआ, तेसते मेरे पिते प्यार राखणा और मां दी तेसते प्यार राखणा और आपणे आपू खे तेसदे प्रगट कस्त्वा।” 22 तिने यहूदे, जो इस्करियोती नि था, तिने बोलेया, “ओ प्रभु! क्या ऊआ कि तुसे आपू खे आसा पाँदे प्रगट करना चाओए और दुनिया रे लोका पाँदे निः?” 23 यीशुए तेसखे बोलेया, “जे कोई मांते प्यार राखोआ, तो तेस मेरे उपदेश मानणे और मेरे पिते तेसते प्यार राखणा और आसे तेसगे आऊणे और तेस साथे रणो। 24 “जो मांते प्यार नि करदा, से मेरे उपदेश नि मानदा और जो उपदेश तुसे सुणोए, से मेरा नि बलिक्पि पिते राए, जिने आँकूं पेजेया। 25 यो गल्ला मैं तुसा साथे रदे ऊए तुसा खे बोलिया। 26 पर मददगार, मतलब-पवित्र आत्मा, जो पिते मेरे नाओं ते पेजणा, तेस तुसा खे सारिया गल्ला सिखयाणियां और जो कुछ मैं तुसा खे बोली राखेया, तेस तुसा खे सब कुछ याद दलयाणा। 27 “आँकूं तुसा खे शान्ति देऊँआ, आपणी शान्ति तुसा खे देऊँआ, जियाँ दुनिया देऊँई, आँकूं तुसा खे नि देंदा, तुसा रा मन नि कबराओ और ना डरो। 28 तुसे सुणोया कि मैं तुसा खे बोलेया, आँकूं जाऊँआ और तुसा गे फेर आऊँआ, जे तुसे मांते प्यार राखदे, तो एसा गल्ला ते खुश ऊंदे कि आँकूं पिते गे चली रा, कँडकि पिता मांते बडा ए। 29 मैं एबे तिना सारी घटना ऊणे ते पईले तुसा खे बोली ताकि जेबे से ऊई जाओ, तो तुसे मां पाँदे विश्वास करो। 30 मांगे एबे तुसा साथे गल्ला करने खे ओर जादा बखत निए, कँडकि एसा दुनिया रा सरदार आऊणे वाला ए। मां पाँदे तेसरा कोई अक्क निए। 31 पर ये तेबे ऊआ, ताकि दुनिया जाणो कि आँकूं पिते ते प्यार कस्त्वा और जियाँ पिते माखे आज्ञा दिती, आँकूं तियाँ ई कर्हाभा। उठो, एथा ते चलूँए।”

15 “सच्ची अँगूरा री बेल आँकूं ई ये और मेरा पिता जिम्मीदार ए।

2 जो डाली मादे ए और फलादी नि, से तेसा खे बाढी देऊओआ और जो फलोई, से तेसा री कांट छांट करोआ, ताकि ओर बी जादा फलो। 3 तुसे तो तेस उपदेशो री बजअ ते, जो मैं तुसा खे बोली राखेया, शुद्ध ए। 4 तुसे मांदे बणे रे रओ और आँकूं तुसा रे। जियाँ डाली जे अँगूरा री बेला रे बणी री नि रओ, तो आपणे आपू ते नि फली सकदी, तियाँ ई तुसे बी जे मांदे बणे रे नि रओगे, तो फली नि सकदे। 5 आँकूं अँगूरा री बेल ए, तुसे डालिया ए, जो मांदे बणेया रा रओउआ और आँकूं तेसरे, तिदे बऊत फल लगोआ, कँडकि मांते लग रई की तुसे कुछ पनि करी सकदे। 6 जे कोई मांदे बणेया रा नि रओ, तो से तेसा बेकार और सूकी डालिया जेडा सेटेया जाओआ और लोक तिजी खे कट्टे करी की आगी रे सेटी देओए और सेयो फूखी जाओईया। 7 जे तुसे मांदे बणे रे रओ और मेरे उपदेश तुसा रे बणे रे रओ, तो जो चाओ, से माँगो और से तुसा खे ऊई जाणा। 8 मेरे पिते री महिमा इज्जी साथे ई ओई कि तुसे बऊत सारा फल ल्याओ। तेबेई तुसे मेरे चेले ऊणे। 9 “जेडा पिते मां साथे प्यार राखेया,

तेडा ई मैं तुसा साथे प्यार राखेया। मेरे प्यारो रे बणे रओ। 10 जे तुमे मेरी आज्ञा खे मानोगे, तो मेरे प्यारो रे बणे रे रणे, जियाँ मैं आपणे पिते री आज्ञा मानी राखिया और तेसरे प्यारो रे बणेया रा रऊँआ। 11 मैं तुसा खे यो गल्ला तेबे बोलिया ताकि मेरी खुशी तुसा रे बणी री रओ और तुसा री खुशी पूरी ऊई जाओ। 12 मेरी आज्ञा ये कि जेडा मैं तुसा साथे प्यार राखेया, तेडा ई प्यार तुसे बी एकी-दूजे साथे राखो। 13 इजी ते बडा प्यार केसी रा निए कि कोई आपणे दोस्ता खे आपणा प्राण देओ। 14 जो कुछ आज्ञा आँकूं तुसा खे देऊँआ, जे तुसे मानो, तो तुसे मेरे दोस्त ए। 15 आजो ते आँकूं तुसा खे दास नि बोलूँगा, कँडकि दास नि जाणदा कि मालक क्या करोआ, पर मैं तुसा खे दोस्त बोलेया, कँडकि मैं जो गल्ला आपणे पिते ते सुणिया, सेयो सब तुसा खे बताई तिया। 16 तुसे आँकूं नि चुणीया, पर मैं तुसे चुणी राखे और तुसे ठराए, ताकि तुसे जाई की फल ल्याओ और तुसा रा फल बणेया रा रओ कि जो कुछ तुसे मेरे नाओं ते पिते ते माँगो, से तुसा खे देओ। 17 इना गल्ला री आज्ञा आँकूं तुसा खे तेबे देऊँआ, ताकि तुसे एकी-दूजे साथे प्यार राखो। 18 “जे दुनिया रे लोक तुसा ते बैर राखोए, तो तुसे जाणोए कि तिने तुसा ते पईले मांते बी बैर राखेया। 19 जे तुसे दुनिया रे ऊंदे, तो दुनिया रे लोक तुसा साथे आपणेया जेडा प्यार राखदे, कँडकि तुसे दुनिया रे निए, बलिक्मैं तुसे चुणी ले रे, तेबेई तो दुनिया तुसा ते बैर राखोई। 20 याद राखो कि मैं तुसा खे क्या बोलेया था कि दास आपणे मालको ते बडा नि ऊंदा, जे तिने आँकूं सताया, तो तुसे बी सताणे, जे तिने मेरा उपदेश मानी ला, तो तुसा रा बी मानी लणा। 21 मां पाँदे विश्वास करने री बजअ ते तिना तुसा साथे बुरा बर्ताव करना, कँडकि सेयो मेरे पेजणे वाले परमेश्वरो खे नि जाणदे। 22 जे आँकूं नि आँकूंदा और तिना साथे गल्ला नि करदा, तो सेयो पापी नि ठर्हदे, पर एबे तिना खे तिना रे पापो खे कोई बाह्य निए। 23 जो मांते बैर राखोआ, से मेरे पिते ते बी बैर राखोआ। 24 “जे आँकूं तिना बीचे सेयो चमत्कारा रे काम नि करदा, जो ओरी किने नि कित्ते, तो सेयो पापी नि ठर्हदे, पर एबे तो तिने आँकूं तिना चमत्कारा रे काम करदे ऊए देखी ला रा और तिने मांते और मेरे पिता दूँहू ते बैर कित्तेया। 25 और ये तेबे ऊआ, ताकि से वचन पूरा ओ, जो तिना रे पवित्र शास्त्रो रे लिखी राखेया, ‘तिने मांते बेकार बैर कित्तेया।’ 26 पर जेबे से मददगार आऊणा, जो मां तुसा गे पेजणा, मतलब-सच्चो रा आत्मा, जो पिते री तरफा ते निकली रा, तो तेस मेरी गवाई देणी 27 और तुसे बी गवा ए, कँडकि तुसे शुरुओ तेई मां साथे रई रे।”

16 “यो गल्ला मैं तुसा खे तेबे बोलिया, ताकि तुसे केसी रे बी बईकावे रे नि आजो। 2 तिना तुसे प्रार्थना रे कअरो ते निकाली देणे, बलिक्मे से बखत आऊणा कि जेस केसी तुसे काणे, तेस समजणा कि आसे परमेश्वरो री सेवा करने लगी रे। 3 तिना एडा तेबे करना, कँडकि तिने ना पिता जाणेया और ना माखे जाणोए। 4 पर यो गल्ला मैं तुसा खे तेबे

बोलिया, ताकि जेबे तिना रा बखत आओ, तेबे तुसा खे याद आयी जाओ कि मैं तुसा खे पईले ई बोली ता था और जदुओं ते तुसे मेरे चेले बणे मैं तुसा खे यो गल्ला तेबे नि बोलिया, कऊँकि आऊँ तुसा साथे था। 5 “एबे आऊँ आपणे पेजणे वाले गे चली रा और तुसा बीचा ते कोई माते नि पुछदा, ‘तूँ केयी चली रा?’” 6 पर मैं यो जो गल्ला तुसा खे बोली राखिया, तेबे ई तो तुसा रा मन दुःखी ऊँझा रा। 7 तेबे बी आऊँ तुसा खे सच बोलूआ कि मेरा जाणा तुसा री तई अच्छा ए, कऊँकि जे आऊँ नि जाऊँगा, तो से मददगार तुसा गे नि आऊणा, पर जे आऊँ जाऊँगा, तो तेस तुसा गे पेजी देऊँगा। 8 तेस आयी की दुनिया खे पाप, परमेश्वरो री धर्मिकता और न्याय रे बारे रे दोषी ठराणा। 9 “पापो रे बारे रे तेबे, कऊँकि सेयो मां पांदे विश्वास नि करदे 10 और धर्मिकता रे बारे रे तेबे, कऊँकि आऊँ पिते गे जाऊँगा और तुसा आऊँ फेर नि देखणा। 11 न्याय रे बारे रे तेबे, कऊँकि दुनिया रा सरदार मतलब शैतान दोषी ठीराई ता रा। 12 माखे तुसा ते ओर बी गल्ला बोलणिया ए, पर एबु तुसे तिना खे सईन नि करी सकदे। 13 पर जेबे से, मतलब-सच्चो रा आत्मा आऊणा, तेबे तुसा खे सब सच्चो री बाट बताणी, कऊँकि तेस आपणी तरफा ते नि बोलणा, पर जो कुछ तेस परमेश्वरो ते सुनना, सई बोलणा और आऊणे वाली गल्ला तुसा गे बताणिया। 14 तेस मेरी महिमा करनी, कऊँकि तेस मेरिया गल्ला बीचा ते लयी की तुसा खे बताणिया। 15 जो कुछ पिते राए, से सब मेरा ए, तेबे ई तो मैं बोलेया कि तेस मेरी गल्ला बीचा ते लयी कि तुसा खे बताणिया। 16 “थोड़ी देरा तक तुसा आऊँ नि देखणा और तेबे थोड़ी देरा बाद आऊँ देखणा।” 17 तेबे तिना रे बऊत चेलेया आपू बीचे बोलेया, “ये क्या ए, जो ये आसा खे बोलणे लगी रे, ‘थोड़ी देर तुसा आऊँ नि देखणा और तेबे थोड़ी देर बाद आऊँ देखणा?’” और ये इजी खे कऊँकि आऊँ पिते गे जाऊँगा।” 18 तेबे तिने बोलेया, “ये थोड़ी देर, जो ये बोलणे लगी रे, क्या गल्ल ए? आसे नि जाणदे कि क्या लगी रे बोलणे?” 19 यीशुए ये जाणी की कि यो मांते इजी रा मतलब पूछणा चाओए, तिना खे बोलेया, “क्या तुसे आपू बीचे मेरी इना गल्ला रे बारे रे पूछ-ताछ करोए कि थोड़ी देर बाद तुसा आऊँ नि देखणा और थोड़ी देर बाद आऊँ देखणा? 20 आऊँ तुसा खे सच-सच बोलूआ कि मेरे मरने ते बाद तुसे रोणे और दुःख करना, पर दुनिया रे लोका खुश ऊणा, तुसा खे दुःख ऊणा, पर जेबे आऊँ जिऊँदा ऊँझे की वापस आऊणा तो तुसा रा दुःख, खुशिया रे बदली जाणा। 21 जेबे जवाणस बच्चा पैदा करने लगोई, तो तेसा खे पीड़ ओई, कऊँकि तेसा रे दुःखो री कअड़ी आयी पक्कछोई, पर जेबे से बालक जम्मी चुकोई, तो तेबे एसा खुशिया साथे कि दुनिया रे एक मांगू पैदा ऊआ, तेस दुःखो खे फेर याद नि करदी। 22 तियाँ ई तुसा खे बी एबुए तक दुःख ए, पर आऊँ तुसा खे फेर मिलणा और तुसा रे मनो रे खुशी ऊणी और तुसा री खुशी केसी पनि छिनणी। 23 तेस दिने तुसा मांते कुछ नि पूछणा, आऊँ तुसा खे सच-सच बोलूआ कि जे पिते ते कुछ मांगोगे, तो तेस मेरे नाओं ते तुसा खे देणा। 24 एबुए तक तुसे मेरे नाओं ते पिता ते कुछ नि मांगोगा,

परमेश्वरो ते माँगो तो तुसा खे मिलणा, ताकि तुसा री खुशी पूरी ऊई जाओ। 25 “मैं तुसा खे यो गल्ला उदारणा रे बोलिया, पर से बखत आऊणा जेबे मां तुसा खे फेर उदारणा रे नि बोलणा, बल्कि खुली की पिते रे बारे रे तुसा गे बताणा। 26 तेस दिने तुसा आपू मेरे नाओं ते पिते ते मांगणा, और आऊँ तुसा खे ये नि बोलदा कि आऊँ तुसा रिया तई पिते ते प्रार्थना करूँगा। 27 कऊँकि पिता परमेश्वर तो आपू बी तुसा ते प्यार राखोआ, कऊँकि तुसे मां साथे प्यार राखी राखेया और ये बी विश्वास कितेया कि आऊँ पिते री तरफा ते आयी रा। 28 आऊँ पिते ते निकली की दुनिया रे आयी रा, फेर दुनिया खे छाडी की पिते गे जाऊँगा।” 29 तिना रे चेलेया बोलेया, “देखो, एबे तो तुसे खुली की बोलणे लगी रे और कोई बुजाणी नि बोलदे। 30 एबे आसा खे पता लगी गा कि तुसे सब कुछ जाणोए और तुसा खे कोई मतलब निए कि कोई तुसा ते कुछ पूछो, इजी पांदे आसे विश्वास करूँए कि तुसे परमेश्वरो री तरफा ते आयी रे।” 31 ये सुनी की यीशुए तिना खे बोलेया, “क्या एबे तुसे विश्वास करोए 32 देखो, से कअड़ी आऊणा, बल्कि आईंगी री कि तुसा आरे-पोए ऊई की आपणी-आपणी बाटा रिये जाणा और आऊँ कल्ला छाडी देणा, तेबे बी आऊँ कल्ला नि रणा, कऊँकि पिता मां साथे ए। 33 मैं तुसा खे यो गल्ला तेबे बोलिया, ताकि तुसा खे मांदे शान्ति मिलो, दुनिया रे तुसा खे कल्ले ओआ, पर इम्मत राखो, मैं एसा दुनिया रा सरदार शैतान जीती ला रा।”

17 यीशुए आपणे चेलेया खे यो सब गल्ला बोलणे ते बाद आपणिया आखी सर्गी री तरफा खे चकिया और बोलेया, “ओ पिता! से बखत आईंगा रा, आपणे पुत्रो री महिमा कर, ताकि पुत्र बी तेरी महिमा करो। 2 कऊँकि तैं तेसखे सबी प्राणिया पांदे अक्क दित्तेया कि जो तैं तेसखे देई राखे, तिना सबी खे से अनन्त जीवन देओ (aiōnios g166) 3 और अनन्त जीवन ये कि सेयो ताखे महान् सच्चे परमेश्वरो खे और यीशु मसीह खे, जो तैं पेजी राखेया, जाणो। (aiōnios g166) 4 जो काम तैं माखे करने खे दित्तेया था, से काम पूरा करी की मैं तरतिया पांदे तेरी महिमा कित्ती। 5 एबे ओ पिता! तूँ आपू साथे मेरी महिमा, तेसा महिमा साथे कर, जो दुनिया री सृष्टिया ते पईले, मेरी तां साथे थी। 6 “मैं तेरी नाओं तिना मांगूआ गे प्रगाट कित्तेया, जो तैं माखे दुनिया बीचा ते दित्ते, सेयो तेरे थे और तैं सेयो माखे दित्ते और तिने तेरे वचन मानी ले रे। 7 एबे तिना खे पता लगी गा रा कि जो कुछ तैं माखे देई राखेया, से सब तेरी तरफा ते ए। 8 कऊँकि जो उपदेश तैं माखे दित्ते, मैं सेयो तिना गे पक्कछाए और तिने सेयो माने और सच-सच जाणी ला रा कि आऊँ तेरी तरफा ते आयी रा और विश्वास करी ला रा कि तैं ई आऊँ पेजी राखेया। 9 आऊँ तिना खे बिनती करूँआ, जो तैं माखे देई राखे, कऊँकि सेयो तेरे ए। दुनिया रे लोका खे आऊँ बिनती नि करदा। 10 और जो कुछ मेरा ए से सब कुछ तेरा ए, और जो तेरा ए से मेरा ए और इना ते मेरी महिमा प्रगट ऊई री। 11 “आऊँ एबे दुनिया रे नि रणा, पर मेरे चेले एसा दुनिया रे रणी और आऊँ तांगे आऊणे लगी रा, ओ पवित्र पिता! आपणी तेसा सामर्था ते जो तैं माखे देई राखी, तिना री रक्षा कर ताकि सेयो आसा

जेडे, एक ओ। 12 जेबे आँऊ तिना साथे था, तेबे मैं तेरे तेस नाओं ते, जो तैं माखे देई राखेया, तिना री रक्षा कित्ती, मैं तिना री चौकसी कित्ती और विनाशो रे पाऊए खे छाडी की तिना बीचा ते कोई बी नाश नि ऊआ, ताकि पवित्र शास्त्रो री गल्ल पूरी ओ। 13 पर एबे आँऊ तांगे आँऊआ और इना गल्ला खे दुनिया रे रेदे ऊए बोलूआ कि सेयो मेरी खुशी आपू रे पूरी करो। 14 मैं तेरा वचन तिना गे पऊँछाई ता रा और दुनिया रे लोके तिना ते बैर कित्तेया, कऊँकि जियाँ आँऊ दुनिया रा निए, तियाँ ई सेयो बी दुनिया रे निए। 15 “आँऊ ये प्रार्थना नि करदा कि तूँ तिना खे दुनिया तेई चक्की लो, पर ये कि तूँ तिना खे तेस दुष्टो ते बचाई कि राख। 16 जियाँ आँऊ दुनिया रा निए, तियाँ ई सेयो बी दुनिया रे निए। 17 सच्चो रे जरिए तिना खे पवित्र कर, तेरा वचन सच्चा ए। 18 जियाँ तै आँऊ दुनिया रे पेजेया, तियाँ ई मैं बी सेयो दुनिया रे पेजे। 19 तिना रे फाईदे री खातर आँऊ आपणे आपू खे पवित्र कहूँआ, ताकि सेयो बी सच्चो रे जरिए पवित्र करे जाओ। 20 “आँऊ सिर्फ इना चेलेया खेर्ई बिनती नि करदा, पर तिना खे बी, जेस इना रे वचनो रे जरिए मां पाँदे विश्वास करना। 21 ताकि सेयो सब एक ओ, जियाँ तूँ ओ पिता मांदे ए और आँऊ तादे ए, तियाँ ई सेयो बी आसा रे ओ, ताकि दुनिया रे लोक विश्वास करो कि तैं ई आँऊ पेजी राखेया। 22 से महिमा, जो तैं माखे देई राखी, मैं तिना खे दित्ती, ताकि सेयो तियाँ ई एक ओ, जियाँ आसे एक ए। 23 आँऊ तिना रे और तूँ मांदे, ताकि सेयो सिद्ध ऊई की एक ऊई जाओ और दुनिया जाओ कि तैं ई आँऊ पेजी राखेया और जेडा तैं मां साथे प्यार राखेया, तेडा ई तिना साथे प्यार राखेया। 24 ओ पिता! आँऊ चाऊआ कि जो तैं माखे देई राखे, जेती आँऊ ए, तेती सेयो बी मां साथे ओ, ताकि सेयो मेरी तेसा महिमा खे देखो, जो तैं माखे देई राखी, कऊँकि तैं दुनिया री सृष्टिया ते पईले, मां साथे प्यार राखेया। 25 ओ धार्मिक पिता! दुनिए आँऊ नि जाणेया, पर मैं तूँ जाणेया और इने चेलेया बी जाणेया कि तैं ई आँऊ पेजी राखेया। 26 मैं तेरा नाओं तिना गे बताया और बतांदा रङ्गा कि जो प्यार ताखे मांते था, से तिना रे रओ और आँऊ तिना रे रऊँ।”

18 यीशु इना गल्ला बोली की आपणे चेलेया साथे किंद्रेनो रे नाले ते पर गये, तेती एक बगीचा था, जिदे सेयो और तिना रे चेले गये। 2 तेसरा पकड़वाणे वाला यहूदा बी से जगा जाओ था, कऊँकि यीशु आपणे चेलेया साथे तेती जाया करो था 3 तेबे यहूदा सिपाईया री एक पलटण, बडे पुरोईत और फरीसिया री तरफा ते मन्दरो रे पझिरदारा खे लयी की दिऊए, मशाला और अधियार लयी की तेती आया। 4 तेबे यीशुए तिना सबी गल्ला खे जो तिना पाँदे आऊणे वालिया थिया, जाणी की निकले और तिना खे बोलणे लगे, “केसखे टोलने लगी रे?” 5 तिने तिना खे जवाब दित्तेया, “यीशु नासरिये खे।” यीशुए तिना खे बोलेया, “आँऊ ई ये” और तिना खे पकड़वाणे वाला यहूदा बी तिना साथे खड़ी रा था। 6 यीशुए रे ये बोलदे ई, “आँऊ ईए,” सेयो पीछे आटी की जमीना

पाँदे रुड़ी गे। 7 तेबे तिने फेर तिना ते पूछेया, “तुसे केसखे टोलोए?” तिने बोलेया, “यीशु नासरिये खे।” 8 यीशुए बोलेया, “आँऊ तो तुसा खे बोली चुकेया कि आँऊ ईए, जे माखे टोलने लगी रे तो इना लोका खे जागे देओ।” 9 ये तेबे ऊआ ताकि से वचन पूरा ओ, जो तिने बोलेया था, “जो तैं माखे देई राखे, तिना बीचा ते मैं एक पनि खोया।” 10 शमैन पतरसे जो तलवार तेसगे थी, खिंजी और प्रदान पुरोईतो रे दासो पाँदे चलाई की तेसरा दाँगा कान ई उड़ाईता, तेस दासो रा नाओं मलखुस था। 11 तेबे यीशुए पतरसो खे बोलेया, “आपणी तलवार म्यानो रे राखी दे, जो कटोरा मेरे पिते देई राखेया, क्या आँऊ तेस नि पीऊँ?” 12 तेबे सिपाईए, सूबेदारे और यहूदिया रे मन्दरो रे पझिरदारे यीशु पकड़ी की बानी ते। 13 और पझिले तिना खे हन्ने गे लयी गे, कऊँकि से तेस सालो रे प्रदान पुरोईत कैफे रा सउरा था। 14 ये सेई कैफा था, जिने यहूदिया खे सला दित्ती थी कि आसा रे लोका री खातर एक मांणूए रा मरना ठीक ए। 15 शमैन पतरस और एक ओर चेला बी यीशुए पीछे पीछे चली पढ़े। ये चेला प्रदान पुरोईतो रा जाणने वाला था और यीशुए साथे प्रदान पुरोईतो रे आँगणो रे गया। 16 पर पतरस द्वारो गे खड़े रा रया, तेबे से दूजा चेला, जो प्रदान पुरोईतो री जाण-पछायाणा रा था, बारे निकलेया और द्वारपालिना खे बोली की पतरसो खे पीतरे ली आया। 17 तेसे दासिये, जो द्वारपालिनी थी, पतरसो खे बोलेया, “क्या तूँ बी एस मांणूए रे चेलेया बीचा ते ए?” तिने बोलेया, “आँऊ निए।” 18 दास और मन्दरो रा पझिरदार ठण्डी रे मारे आग बाली की खड़ी की सेखणे लगी रे थे और पतरस बी तिना साथे खड़ी की आग सेखणे लगी रा था। 19 तेबे प्रदान पुरोईत यीशुए ते तिना रे चेले और तिना रे उपदेशो रे बारे रे पूछेया। 20 यीशुए जवाब दित्तेया, “मैं दुनिया रे खुली की गल्ला कित्तिया, मैं प्रार्थना रे कअरो रे और मन्दरो रे, जेती सब यहूदी कट्टे ओया करो थे, सदा उपदेश दित्तेया और चोरिए कुछ नि बोलेया। 21 तूँ मांते कऊँ पूछेया? सुणने वालेया ते पूछ कि मैं तिना खे क्या बोलेया? देख, सेयो जाणोए कि मैं क्या-क्या बोलेया?” 22 जेबे तिने ये बोलेया, तेबे मन्दरो रे पझिरदारा बीचा ते एक ई जणे, जो नेढे था खड़े रा, यीशुए खे थप्पड़ बाई की बोलेया, “क्या तूँ प्रदान पुरोईतो खे ईयां जवाब देआ।” 23 यीशुए तेसखे बोलेया, “जे मैं बुरा बोलेया, तो तेसा बुराईया पाँदे गवाई दे, पर जे खरा बोली राखेया, तो माखे कऊँ बाणे लगी रा?” 24 हन्ने यीशु बानेया रा कैफे प्रदान पुरोईतो गे पेजी ता। 25 शमैन पतरस खड़े रा आग सेखणे लगी रा था। तेबे तिने तेसखे बोलेया, “क्या तूँ बी एसरे चेलेया बीचा ते ए?” तिने बोलेया, “आँऊ निए।” 26 प्रदान पुरोईतो रे दासो बीचा ते एकी जणे जो तेसरे टब्बरो बीचा ते था, जेसरा कान पतरसे बाडीता था, बोलेया, “क्या मैं तूँ यीशुए साथे बगीचे रे नि देखेया था?” 27 पतरसे फेर ना करी ती और तेबुई मुर्गे बांग दिती। 28 तेबे सेयो यीशुए खे कैफे गे ते राज्यपालो रे मुख्यालय रे लयी गे और प्यारा रा बख्त था, पर सेयो आपू पीतरे नि गये, ताकि अशुद्ध ना ओ, पर फसहे रे त्योआरो री रोटी खाई सको। 29 तेबे पिलातुस तिना गे बारे

निकलेया और बोलेया, “तुसे एस मांणूए पाँदि किंजी गल्ला रा दोष लगाओप?” 30 तिने जवाब दितेया, “ये मांणू अपराधी ए, तेबेई तो आसे एसखे तांगे लई की आई रे।” 31 पिलातुसे तिना खे बोलेया, “तुसेई एसखे लयी जाई की आपणे बिधानो रे मुताविक न्याय करो।” यहूदिये अगुवे तेसखे बोलेया, “आसा खे अक्क निए कि केसी रा प्राण लऊँ।” 32 ये तेबे ऊआ ताकि यीशुए री से गल्ल पूरी ओ, जो तिने ये साअरा करदे ऊए बोली थी कि तेसरा मरना केड़ा ऊणा। 33 तेबे पिलातुसे फेर राज्यपालो रे मुख्यालय रे पीतरे गया और यीशुए खे बुलाई की तिना ते पूछेया, “क्या तूँ यहूदिये रा राजा ए?” 34 यीशुए बोलेया, “क्या तूँ ये गल्ल आपणी तरफा ते बोलणे लगी रा या ऊरी मेरे बारे रे तांगे बोली?” 35 पिलातुसे बोलेया, “तुसे क्या सोचोए आऊँ यहूदी ए? तेरी जातिया वाले और बड़े पुरोईते ई तूँ मेरे आथो रे देई राखेया। तैं एड़ा क्या करी राखेया?” 36 यीशुए जवाब दितेया, “मेरा राज्य एसा दुनिया रा निए, जे मेरा राज्य एसा दुनिया रा ऊँदा, तो मेरे सेवक लड़दे और माखे यहूदी अगुवे रे आथो रे नि देंदे, पर एबे मेरा राज्य एथो रा निए।” 37 पिलातुसे तिना खे बोलेया, “तो क्या तूँ राजा ए?” यीशुए बोलेया, “तूँ आपू बोलेया कि आऊँ राजा ए मैं तेबेई तो जन्म लया और तेबेई तो दुनिया रे आयी रा कि सच्चो री गवाई देऊँ, जो कोई सच्चाईया ते प्यार राखोआ, से मेरा शब्द सुणोआ।” 38 पिलातुसे बोलेया, “तो सच क्या ए?” ये बोली की से फेर यहूदी अगुवे गे चली गा और तिना खे बोलेया, “आऊँ तो तेसदे कोई दोष नि पाँदा।” 39 पर तुसा री ये रवाज ए कि आऊँ फसह रे त्योआरो रे तुसा खे एक मांणू छाडी देऊँ, तेबे क्या तुसे चाओए कि आऊँ तुसा खे यहूदिया रा राजा छाडी देऊँ? 40 तेबे तिने चींगी की बोलेया, “एसखे नि पर आसा खे बरअब्बे खे छाडी दे।” जो हुँदंग और अत्या री बजअ ते जेला रे पाया था।

19 तेबे पिलातुसे यीशुए खे कोई लगवाए। 2 सिपाईए कांडेया रा मुकट बूणी की तिना रे सिरो पाँदे राखी ता और तिना खे बैंगणी टाले पईनाए। 3 और तिना गे आयी-आयी की बोलणे लगे, “ओ यहूदिया रे राजा प्राणाम!” और तिना खे थप्पड़ बाए। 4 तेबे पिलातुसे फेर बारे निकली की लोका खे बोलेया, “देखो, आऊँ तेसखे तुसा गे फेर बारे ल्याऊँआ, ताकि तुसे जाणो कि आऊँ तेसदे कोई दोष नि पाँदा।” 5 तेबे यीशु कांडेया रा मुकट और बैंगणी टाले पणयाई की बारे निकयाले और पिलातुसे बोलेया, “देखो, ये मांणू।” 6 तेबे बड़े पुरोईते और मन्दरो रे पदीरदरे ए सेयो देखे और जारे की बोलेया, “एसखे कूसो पाँदे चढ़ाओ, कूसो पाँदे!” पिलातुसे तिना खे बोलेया, “तुसेई एसखे लयी की कूसो पाँदे चढ़ाओ, कऊँकि आऊँ एसदे कोई दोष नि पाँदा।” 7 यहूदिये अगुवे तेसखे बोलेया, “आसा रा बी बिधान ए और म्हारे बिधानो रे मुताविक, ये कूसो पाँदे चढ़ाणे जोगा ए कऊँकि तिने आपू खे परमेश्वरो रा पुत्र बताया।” 8 जेबे पिलातुसे ये गल्ल सुणी, तेबे और बी डरीगा। 9 तेबे फेर राज्यपालो रे मुख्यालय रे पीतरे गया और यीशुए खे बोलेया, “तूँ केथो राए?” पर यीशुए तेसखे कोई बी जवाब नि दित्तेया। 10 पिलातुसे

तिना खे बोलेया, “मागे कऊँ नि बोलदा? क्या तूँ नि जाणदा कि ताखे छाडणे रा अक्क मांगे ए और ताखे कूसो पाँदे चढ़ाणे रा बी?” 11 यीशुए बोलेया, “ताखे परमेश्वरो री तरफा ते ए अक्क देई राखेया, तेबेई तेरा मां पाँदे अक्क ए, जिने आऊँ तेरे आथो रे पकड़वाया, तेसरा पाप जादा ए।” 12 तेबे पिलातुसे सेयो छाडणा चाए, पर यहूदिये चींगी-चींगी की बोलेया, “जे तूँ एसखे छाडी देगा, तो तेरी भक्ति कैसरो री तरफा खे निए, जो कोई आपणे आपू खे राजा बणाओआ, से कैसरो रा सामणा करोआ।” 13 इना गल्ल सुणी की पिलातुस यीशुए खे बारे त्याया और तेती एक चबूतरा था, जेतेखे इब्रानिया रे गब्बता बोलोए, और न्याय आसणो रे बैठेया। 14 ये फसह रे त्योआरो री त्यारिया रा दिन था और दोपर्दशी रे तकरीबन था, तेबे तिने यहूदिये खे बोलेया, “देखो, येई तुसा रा राजा।” 15 पर सेयो चींगे और बोलेया, “लयी जा, लयी जा, एसखे कूसो पाँदे चढ़ाओ।” पिलातुसे तिना खे बोलेया, “क्या आऊँ तुसा रे राजे खे कूसो पाँदे चढ़ाऊँ?” बड़े पुरोईते जवाब दितेया, “कैसरो खे छाडी की आसा रा कोई राजा निए।” 16 तेबे पिलातुसे यीशु कूसो पाँदे चढ़ाणे खे तिना रे आथो रे देईते, ताकि तिना खे कूसो पाँदे चढ़ाई देओ। 17 तेबे सेयो यीशुए खे लयी गे। और सेयो आपणा कूस चकी की तेसा जगा तक गये, जेतेखे खोपड़िया री जगा बोलो थे और इब्रानिया रे गुलगुता। 18 तेती तिने सेयो और तिना साथे दो ओर मांणू कूसो पाँदे चढ़ाए, एकी खे औरे और दूजे खे पोरे और बीचे यीशु। 19 तेबे पिलातुसे एक दोष पत्र लिखी की कूसो पाँदे लगाईता और तिदे लिखी राखेया था, “यीशु नासरी यहूदिया रा राजा।” 20 ये दोष पत्र बऊत यहूदिये पढ़ेया, कऊँकि से जगा, जेती यीशु कूसो पाँदे चढ़ाए थे से जगा यस्खलेम गमरो ते नेडे ई थी और पत्र, इब्रानी, लतीनी और यूनानिया रे लिखेया रा था। 21 तेबे यहूदिया रे बड़े पुरोईते पिलातुसो खे बोलेया, “यहूदिया रा राजा नि लिख,” पर ये लिख कि तिने बोलेया, “आऊँ यहूदिया रा राजा ए।” 22 पिलातुसे बोलेया, “मैं जो लिखी ता, से लिखी ता।” 23 जेबे सिपाई यीशुए खे कूसो रे चढ़ाई चुके, तेबे तिना रे टाले लयी की चार इस्से कित्ते, हर सिपाई खे एक इस्सा, तेबे तिने कुरता बी लया पर कुरता बिना सलाईया ते ऊबो ते लयी की ऊँदो तक बुणेया रा था। 24 तेबे तिने आपू बीचे बोलेया, “आसे एसखे फाडना राई देऊँए, पर एते पाँदे पर्ची पाऊँए कि ये केसरा ऊणा। ये तेबे ऊआ कि पवित्र शास्त्रो री गल्ल पूरी ओ कि “तिने आपू बीचे मेरे टाले बांडी ते और मेरे टालेया पाँदे पर्ची पाई,” 25 तो सिपाई एडा ई कित्तेया। यीशुए रे कूसो गे तिना री आम्मा और तेसा री बईण, क्लोपासो री लाडी मरियम और मरियम मगदलिनी खड़ी रिया थिया। 26 जेबे यीशुए आपणी आम्मा और तेस चेले खे जेसते से प्यार राखो था, नेडे खड़े रा देखेया तो आपणी आम्मा खे बोलेया, “ओ जवाणसे, देख, ये तेरा पाऊए।” 27 तेबे तिने चेले खे बोलेया, “ये तेरी आम्मा ए।” तेबे तेसी बखते से चेला तेसा खे आपणे कअरे लयी गा। 28 इजी ते बाद यीशुए ये जाणी की कि एबे सब कुछ ऊँदिगा, ताकि पवित्र शास्त्रो री गल्ल पूरी ओ, तिने बोलेया, “आऊँ त्याया ए।” 29 तेती एक

सिरके रा पांडा परी की था राखेया रा, तेबे तिने स्पंजो रा टाला सिरके रे सेडेया और डण्डे पाँदि राखी की तिना रे मुंओ रे लगाया। 30 जेबे यीशुए से सिरका चाखेया, तेबे बोलेया, “पूरा ऊआ” और सिर चुकाई की प्राण छाड़ी ते। 31 तेबे से त्यारिया रा दिन था, यहूदिये पिलातुसो ते बिनती कित्ती कि तिना री खुटिया तोड़ी देओ और तिना खे उतारी देओ, ताकि आरामो रे दिने सेयो कूसो रे नि रओ, कऊँकि ये आरामो रा दिन बड़ा दिन था। 32 तेबे सिपाईए आयी की पईले रिया खुटिया तोड़िया, तेबे दूजे रिया, जो तिना साथे कूसो रे चढ़ाई राखे थे। 33 पर जेबे यीशुए गे आयी की देखेया कि ये मरी चुकेया रा, तो तिना री खुटिया नि तोड़िया। 34 पर सिपाईया बीचा ते एकी जणे एक बड़छा बखिया रे कुसाया और तेते बीचा ते तेबुई खून और पाणी निकलेया। 35 जिने ये देखेया, तिने ई ये गवाई दिनी और तेसरी गवाई सच्ची ए और से जाणोआ कि सच बोलणे लगी रा, ताकि तुसे बी विश्वास करो। 36 यो गल्ला तेबे ऊर्फ़ीया, ताकि पवित्र शास्त्रो रा से वचन पूरा ओ, “तेसरी कोई बी आड़ी तोड़ी नि जाणी।” 37 फेर एक ओरी जगा रे ये लिखी राखेया, “जिने से ऊजी राखेया, तिना पाँदि नजर करनी।” 38 इना गल्ला ते बाद अरिमतियाह गांव रा यूसुफे, जो यीशुए रा चेला था, पर यहूदी अगुओ रे डरो रे मारे से एसा गल्ला खे छिपाए रे राखो था, तिने पिलातुसो ते बिनती कित्ती कि आऊँ यीशुए री लोथ लयी जाऊँ; और पिलातुसे तेसरी बिनती सुणी और से आयी की तिना री लोथ लयी गा। 39 नीकूदेमुस बी, जो पईले यीशुए गे राथियो खे गया था, पंजा सेरो रे तकरीबन मिलेया रा गन्धरस और एलवा ल्याया। 40 तेबे तिने यीशुए री लोथ लयी और यहूदिया रे दबाणे री रवाजा रे मुताबिक सेयो खुशबूदार चीजा साथे कफनो रे लपेटेया। 41 तेसा जगा रे जेती यीशु कूसो पाँदि चढ़ाए थे, एक बगीचा था और तेस बागीचे रे एक नयी कब्र थी, जेती कट्ठी कोई नि राखेया था। 42 तेबे यहूदिया री त्यारिया रे दिनो री बजअ ते, तिने यीशुए री लोथ तिदे ई राखी, कऊँकि से कब्र नेढ़े थी।

20 अप्रते रे पईले दिने मरियम मगदलिनी कुछ और जवाणसा साथे

प्यागा ई न्हेरे-न्हेरे कब्रा पाँदि आयी और तिने पात्थर कब्रा पाँदा ते आटेया रा देखेया। 2 तेबे सेयो दौड़ी की शमौन पतरस और बाकि चेलेया गे गईया, जिना खे यीशु प्यार करो थे, और बोलेया, “सेयो प्रभुए रे शरीरो खे कब्रा ते निकाली की लयी गे रे और आसे नि जाणिदिया कि तिना खे केयी लयी गे रे।” 3 तेबे पतरस और दूजा चेला निकली की कब्रा गे गये। 4 और दोनो साथे-साथे दौड़ने लगी रे थे, पर दूजा चेला पतरसो ते आगे दौड़ी की कब्रा पाँदि पईले पक्कछेया। 5 तिने नपी की टाले ई पड़े रे देखे, पर से पीतरे नि गया। 6 तेबे शमौन पतरस तेसरे पीछे-पीछे पक्कछेया और कब्रा रे पीतरे गया और टाले पड़े रे देखे। 7 और से टाला जो तिना रे सिरो रे था बानेया रा, से टालेया साथे नि था, पर एक लग जगा रे था लपेटेया रा। 8 तेबे दूजा चेला बी, जो कब्रा पाँदे पईले पक्कछेया था, पीतरे गया और देखी की विश्वास कित्तेया कि यीशु मरेया रे बीचा ते जिऊँदा ऊर्झा रा। 9 सेयो एबुए तक पवित्र शास्त्रो री

गल्ल नि समजे थे कि से मरेया रे बीचा ते जिऊँदा ऊणा था। 10 तेबे सेयो चेले आपणे कअरो खे वापस ऊर्झे। 11 पर मरियम रोंदी ऊर्झ कब्रा गे ई बारे खड़ी री रई और रोटे-रोटे कब्रा खे चूकी की देखदी रई। 12 तेबे तेसे दो स्वर्गूत सफेद टाले पईने रे, एक सरयाणे रे और दूजा पाईदिया रे बैठे रे देखे, जेती यीशुए री लोथ थी पढ़ी री। 13 तिने तेसा खे बोलेया, “ओ जवाणसे तूँ कऊँ लगी री रोणे?” तेसे तिना खे बोलेया, “सेयो मेरे प्रभुए रे शरीरो खे चकी की लयी गे रे और आऊँ नि जाणदी कि सेयो केयी लयी गे रे।” 14 ये बोली कि से पीछे मुड़ी और यीशु खड़े रे देखे और पछायाणे नि कि यीशु ए। 15 यीशुए तेसा खे बोलेया, “ओ जवाणसे तूँ कऊँ लगी री रोणे? केसखे टोलैर्ड?” तेसे माली समजी की तिना खे बोलेया, “ओ महाराज! जे तुसे तिना रा शरीर चकी की लयी गे रे तो मांगे बताई दे कि केयी राखी राखे और आऊँ तिना खे लयी जाऊँगी।” 16 यीशुए तेसा खे बोलेया, “मरियम!” तेसे पीछे मुड़ी की तिना खे इत्तानी पाषा रे बोलेया, “रब्बुनी!” मतलब-ओ गुरु! 17 यीशुए तेसा खे बोलेया, “माखे नि छूँ, कऊँकि आऊँ एबुए तक ऊबे पिते गे नि जाई रा, पर मेरे पाईदिया गे जाई की तिना खे बोली दे कि आऊँ आपणे पिते गे और तुसा रे परमेश्वरो गे ऊबे जाऊँआ।” 18 मरियम मगदलिनिये जाई की चलेया गे बताया, “मैं प्रभु देखे, तिने मां साथे गल्ला कित्तिया।” 19 तेसी दिने, जो अप्रते रा पईला दिन था, साँजके बखते, जेबे तेथो रे द्वार, जेती चेले थे, यहूदी अगुओ रे डरो रे मारे बंद थे, तेबे यीशु आए और बीचे खड़े ऊर्झ की तिना खे बोलेया, “तुसा खे शान्ति मिलो।” 20 और ये बोली की तिने आपणे आथ और आपणी पसली तिना खे दखाए, तेबे चेले यीशुए खे देखी की खुश ऊए। 21 यीशुए तिना खे फेर बोलेया, “तुसा खे शान्ति मिलो; जियाँ पिते आऊँ पेजी राखेया, तियाँ ई आऊँ बी तुसा खे दुनिया रे पेजुँआ।” 22 ये बोली की तिने तिना पाँदे फूकर दित्ती और बोलेया, “पवित्र आत्मा लओ।” 23 जिना रे पाप तुसे माफ करो, तिना खे माफ ऊर्झे और जिना रे पाप तुसे माफ नि करोगे, तिना रे पाप माफ नि ऊगे।” 24 पर बारा चेलेया बीचा ते एक, मतलब-थोमा, जैसखे दिदुमुस बी बोलोए, जेबे यीशु आए, तो से तिना साथे नि था। 25 जेबे और चेले तेसखे बोलणे लगे, “आसे यीशु देखे,” तेबे तिने तिना खे बोलेया, “जदुओ तक आऊँ तिना रे आथो रे परेगा रे छेद नि देखी लऊँ और परेगा रे छेदो रे आपणी गूठी और तिना री पसलिया रे आपणा आथ नि पाई लऊँ, तदुओ तक आऊँ विश्वास नि करदा कि से मरेया रे बीचा ते जिऊँदा ऊर्झा रा।” 26 एक अप्रते ते बाद फेर तिना रे चेले पीतरे थे और थोमा तिना साथे था और द्वार बंद थे, तेबे यीशुए आयी की और बीचे खड़ी की बोलेया, “तुसा खे शान्ति मिलो।” 27 तेबे तिने थोमे खे बोलेया, “आपणी गूठी ओरे ल्याई की मेरी पसलिया रे पा और अविश्वासी नि, पर विश्वासी बण।” 28 ये सुणी की थोमे बोलेया, “ओ मेरे प्रभु! ओ मेरे परमेश्वर!” 29 यीशुए तेसखे बोलेया, “तैं तो माखे देखी की विश्वास करी राखेया, पर धन्य सेयो, जिने बिना देखे विश्वास कित्तेया।” 30 यीशुए और बी बऊत चमत्कार चेलेया सामणे दखाए, जो

एसा कताबा रे लिखी नि राखे। 31 पर यो तेबे लिखे, ताकि तुसे विश्वास करो कि यीशु ई परमेश्वरो रा पुत्र मसीह ए, और विश्वास करी की तिना रे नाओं ते अनन्त जीवन पाओ।

21 इना गल्ला ते बाद यीशु तिबिरियास समुद्रे रे कनारे आपणे

चेलेया सामणे आए और ईयां सामणे आए, 2 शमौन पतरस और थोमा, जेसखे दिदुमुस बी बोलोए और गलीलो रे काना नगरो रा नतनएल और जब्दिए रे पाऊ और यीशुए रे चेलेया बीचा ते दो ओर जणे कठ्ठे थे। 3 शमौन पतरसे तिना खे बोलेया, “आऊँ मछलिया पकड़ने जाऊँआ।” तिने बोलेया, “आसे बी तां साथे चलूँग।” तेबे सेयो निकली की किस्तिया रे चढ़े, पर तेसा राती कुछ नि पकड़ेया। 4 आगले दिने प्याग ऊँदे ई यीशु कनारे पाँदे थे खड़े रे, पर चेलेया नि पछाणे कि यीशु ए। 5 तेबे यीशुए तिना खे बोलेया, “ओ बाल्को! क्या तुसा गे कुछ खाणे खे आए?” तिने बोलेया, “ना।” 6 तिने तिना खे बोलेया, “किस्तिया रे दाँगी तरफा खे जाल पाओ, तो मिलणा।” तेबे तिने जाल पाया और एबे बकउत मछलिया ऊणे री बजअ ते जाल खिंजी नि सके। 7 तेबे तिने चेले जेस साथे यीशु प्यार राखो थे, पतरसो खे बोलेया, “ये तो प्रभु ए।” शमौन पतरसे ये सुणी की कि यीशु ए, लको रे टाला बानी ला, कऊँकि से नांगा था और समुद्रो रे छवाल खाई ती। कऊँकि से यीशु खे मिलणे खे बड़ा उताऊला था 8 पर ओर चेले डोंगिया पाँदे मछलिया रा फेरेया रा जाल खींजदे ऊए आए, कऊँकि सेयो कनारे ते बकउत दूर नि थे, पर दो सौ की आथ दूर थे। 9 जेबे सेयो कनारे पाँदे पकँछे, तेबे तिने सुल़गे रे फेझओ पाँदे मछली देखी और रोटी देखी। 10 यीशुए तिना खे बोलेया, “जो मछलिया तुसे एबु पकड़ी राखिया, तिना बीचा ते कुछ ल्याओ।” 11 शमौन पतरसे डोंगिया पाँदे चढ़ी की एक सौ तिरेपन बांडिया मछलिया रा पेरेया रा जाल कनारे पाँदे खींजेया और इतणिया मछलिया ऊँदे ऊए बी जाल नि फटेया। 12 यीशुए तिना खे बोलेया, “आओ रोटी खाओ।” पर चेलेया बीचा ते केसी खे बी याओ नि ऊआ कि तिना ते पूछो, “तूँ कूणे?” कऊँकि सेयो जाणो थे कि यो यीशु ए। 13 यीशुए आगे बढ़ी की रोटी लयी की तिना खे दित्ती और तिंयाँ ई मछली बी। 14 ये तीजी बार था कि यीशुए मरने ते बाद चेलेया खे दर्शन दित्ते। 15 रोटी खाणे ते बाद यीशुए शमौन पतरसो खे बोलेया, “ओ शमौन, यूहन्ने रे पाऊ। क्या तूँ इना ते जादा माखे प्यार करेया?” तिने बोलेया, “आ प्रभु, तुसे तो जाणोए कि आऊँ तुसा खे प्यार करूँआ।” तिने तेसखे बोलेया, “मेरे मिन्टूआ खे चरा।” 16 तिने फेर दूजी बार तेसखे बोलेया, “ओ शमौन, यूहन्ने रा पाऊ। क्या तूँ माखे प्यार करेया?” तिने बोलेया, “आ प्रभु, तुसे तो जाणोए कि आऊँ तुसा खे प्यार करूँआ।” तिने तेसखे बोलेया, “मेरी पेडा री रखवाली करा।” 17 तिने तीजी बार तेसखे बोलेया, “ओ शमौन, यूहन्ने रा पाऊ। क्या तूँ माखे प्यार करेया?” पतरस उदास ऊईगा कि तिने तीजी बार मांते येई गल्ल पुछी ली। तेबे तिने बोलेया, “ओ प्रभु! तुसे तो सब कुछ जाणोए कि आऊँ तुसा खे प्यार करूँआ।” यीशुए तेसखे बोलेया, “मेरी पेडा खे चरा।” 18 आऊँ ताखे सच-सच

बोलूँआ कि जेबे तूँ जवान था, तेबे आपणा लक बानी की जेती चाओ था, तेती कूमो-फिरो था, पर जेबे तूँ स्याणा ऊणा, तेबे दूजे आपणे आथ लांबे करने और तेरा लक बानी की जेती से चाओगा, तूँ लयी जाणा।” 19 तिने इना गल्ला ते जताई ता कि पतरसे केडिया मौती साथे परमेश्वरो री महिमा करसी। तेबे तिने तेसखे बोलेया, “मां पीछे आईजा।” 20 पतरसे मुड़ी की से चेला देखेया, जेस साथे यीशु प्यार राखो थे, और जिने रोटी खांदे ऊए तिना री छातिया री तरफा खे चूकी की पूछेया था, “ओ प्रभु! तुसा खे पकड़वाणे वाला कूणे?” 21 तेसखे देखी की पतरसे यीशुए खे बोलेया, “ओ प्रभु! एसरा क्या आल ऊणा?” 22 यीशुए तेसखे बोलेया, “जे आऊँ चाऊँ कि ये मेरे वापस आऊणे तक रुकेया रा रओ, तो ताखे क्या ए? तूँ मां पीछे आईजा।” 23 तेबेई तो पाईया बीचे ये गल्ल फैली गी कि से चेला नि मरना, पर यीशुए ये नि बोलेया कि ये नि मरना, पर ये कि “जे आऊँ चाऊँ कि ये मेरे वापस आऊणे तक रुकेया रा रओ, तो ताखे क्या ए?” 24 ये सेर्ई चेला ए जो इना गल्ला री गवाई देओआ और जिने यो गल्ला लिखी राखिया और आसे जाणूँए कि तेसरी गवाई सच्ची ए। 25 और बी बकउत सरे काम ए, जो यीशुए कितै, जे सेयो एक-एक करी की लिखे जांदे, तो आऊँ समजूँआ कि जो कताबा बी लिखिया जांदिया और सेयो दुनिया रे बी नि औडणिया थिया।

प्रेरितों के काम

1 ओ श्रीमान्, थियुफिल्स! मैं पईली कताब तिना सबी गल्ला रे बारे रे लिखी, जो प्रभु यीशु श्रुओ ते करदा और सिखांदा रया। 2 जदुओ तक से परमेशरो रे जरिए स्वर्गो रे नि चकेया गया, तदुओ तक तेसरे स्वर्गो रे चकणे ते पईले, तिने आपणे चुणे रे प्रेरिता खे पवित्र आत्मा रे जरिए आज्ञा देंदा रया। 3 और यीशुए दुः खो ते और मौता ते बाद, बऊत ई पक्के सबूता साथे आपणे आपू खे प्रेरिता गे जिझंदा दखाया और चाली दिनो तक सेयो तिना खे दिशदे रये और परमेशरो रे राज्य रिया गल्ला करदे रये। 4 तेबे तिने चेलेया खे मिली की आज्ञा दित्ती, “यस्तलेमो खे नि छाडो, पर पिते रे तेस वादे रा पूरे ऊणे रा इन्तजार करदे रओ, जेतेरे बारे रे तुसे मांते सुणी चुके रे। 5 कऊंकि यूहन्ने तो पाणिए साथे बपतिस्मा दई राखेया, पर थोड़े दिन बाद तुसा पवित्र आत्मा रा बपतिस्मा पाणा।” 6 तेबे तिने कठ्ठे ऊई की तिना ते पूछेया, “ओ प्रभु! क्या तुसा एसी बखते ई इसाएलो खे राज्य फेरी देणा?” 7 तिने तिना खे बोलेया, “तेस बखतो खे और तेसा कअडिया खे जाणन, जो पिते आपणे ई अक्को रे राखी राखे, तुसा रा काम निए। 8 पर जेबे पवित्र आत्मा तुसा पाँदे आऊणा, तेबे तुसा सामर्थ पाणी और यस्तलेम नगरो रे, सारे यहूदिया और सामरिया प्रदेशो रे और तरतिया रे कनारे तक तुसे मेरे गवा ऊणे।” 9 ये बोलदे ऊए सेयो, तिना रे देखदे-देखदे परमेशरो रे जरिए स्वर्गो खे चकी ते और बादलो री बजअ ते सेयो तिना खे जादा देरा तक देखी नि सके। 10 जेबे तिना खे जादे ऊए सेयो सर्गो खे ताकणे लगी रे थे, तेबे दो मांणू सफेद टाले पईने रे अचाङक तिना बीचे आयी की खड़े ऊईगे 11 और तिना खे बोलेया, “ओ गलीली मदों! तुसे खड़े ऊई की सर्गो खे कऊं लगी रे देखणे? येई यीशु जो तुसा गे ते स्वर्गो खे चकी ला रा, जियाँ तुसे से स्वर्गो खे जांदा ऊआ देखी राखेया, तियाँ ई से फेर आऊणा।” 12 तेबे चेले जैतून नाऊं रे पाहड़ो ते, जो यस्तलेम नगरो रे नेडे तकरीबन एक किलोमीटरो री दुरिया रे ए, यस्तलेमो खे वापस ऊए। 13 जेबे सेयो नगरो रे पठँछे, तेबे सेयो तेसा बाऊड़ी दे गये, जेती पतरस, यूहन्ना, याकूब, अन्द्रियास, फिलिप्पुस, थोमा, बरतुल्मै, मत्ती, हलफर्इसो रा पाऊ याकूब, शमौन जेलोतेस और याकूबो रा पाऊ यहूदा रओ थे। 14 यो सब कईया जवाणासा साथे और प्रभु यीशुए री आम्मा मरियम और तिना रे पाईया साथे एक चित्त ऊई की प्रार्थना रे लगे रये। 15 तिना दिना रेई पतरस पाईया बीचे, जो एक सौ बीईना रे तकरीबन विश्वासी थे, खड़ा ऊई की बोलणे लगेया, 16 “ओ पाईयो जरूरी था कि पवित्र शास्त्रो रा से लेख पूरा ओ, जो पवित्र आत्मे दाकुदो रे मुंजो ते यहूदा रे बारे दे, जो प्रभु यीशुए खे पकड़ने वालेया रा अगुवा था, पईले तेई बोलेया था। 17 यहूदा तो आसा बीचे गिणेया गया और तेसा सेवकाईया रे शामिल ऊआ।” 18 तिने पापो री कर्माईया ते एक ढोरु खरीदेया और सिरो रे पारे रुड़ेया और तेसरा पेट फटीगा और तेसरी सारिया आंजा निकली गिया, 19 और एसा गल्ला खे

यस्तलेमो रे रणे वाले जाणी गे, एथो तक कि तेस डोरुआ रा नाऊं तिना री पाषा रे हकलदमा, मतलब-यूनो रा डोरु पड़ी गा। 20 पतरसे बोलेया, “कऊंकि भजनसंहिता रे लिखी राखेया, “‘तेसरा कअर उजड़ी जाओ और तिदे कोई ना बसो,’ और तेसरी अध्यक्षो री जगा कोई और लयी लो।” 21 “तेर्वेई ये जरूरी ए कि एक एडा मांणू चुणेया जाओ जो प्रभु यीशुए रे कित्ते रे सारे कामो रे गवा ओ। प्रभु यीशुए खे यूहन्ने रे जरिए बपतिस्मा देणे ते लयी की तिना रे स्वर्गो रे चकणे तक ये आदमी आसा साथे प्रभु यीशुए रे मेरे रेया बीचा ते जिझंदा ऊणे रा गवा बणो। 22 खरा ए कि तिना बीचा ते एक मांणू आसा साथे, यीशुए रे जिझंदा ऊणे रा गवा ऊई जाओ।” 23 तेबे तिने दो जणे खड़े कित्ते, एक यूसुफ, जेसखे बरसब्बास वी बोलोए, जेसरा छोटा नाऊं युस्तुस ए और दूजा मतियाह। 24 तेबे ये बोली की प्रार्थना कित्ती, “ओ प्रभु! तुसे जो सबी रे मनो खे जाणोए, ये बताओ कि तुसे इना दूँही बीचा ते कुण चुणी राखेया, 25 ताकि से एसा सेवा री और प्रेरिताईया री जगा लई लजो, जेसखे यहूदा छाडी की आपणी जगा खे गया।” 26 तेबे तिने तिना रे बारे रे चिठ्ठिया पाईया और पत्री मतियाहो रे नाऊं पाँदे निकली, तेबे से तिना ग्यारा प्रेरिता साथे गिणेया गया।

2 जेबे यहूदिया रा पिन्तेकुसो रा त्योआरो रा दिन आया, तेबे सेयो सब एकी जगा रे कठ्ठे थे। 2 तदुओं की एकदम सर्गो ते बड़े तूफानो री जी छेड़ ऊई और तिजी ते सारा कअर, जेती सेयो थे बैठे रे, गूँजी गा। 3 तिना खे आगी रिया लुपिया जेडिया जीबा निकलदिया ऊईया दिशिया और तिना बीचे सबी पाँदे आयी की ठईरी गिया। 4 तेबे सेयो सब पवित्र आत्मा ते परी गे और जिंयाँ पवित्र आत्मे तिना खे बोलणे री सामर्थ दित्ती, सेयो लग-लग पाषा रे बोलणे लगे। 5 तिना दिना रे बऊत भक्त यहूदी जो परमेशरो ते डरो थे, दुनिया रे हर देशो ते त्योआर मनाणे आये थे और यस्तलेम नगरो रे रणे लगी रे थे। 6 जेबे से छेड़ ऊई, तेबे पीड़ कठ्ठी ऊईगी और लोक कबराई गे, कऊंकि हर एकी खे येई सुणो था कि ये मेरी ई पाषा रे बोलणे लगी रे। 7 सेयो सब हैरान ऊई की बोलणे लगे, “देखो, ये जो बोलणे लगी रे, क्या सब गलीली निए? 8 तो तेबे ये क्या ऊणे लगी रा, तेबे आसे सब आपणी-आपणी जन्म-भूमिया री पाषा कऊं सुणने लगी रे? 9 आसा बीचा ते जो पारथी, मेदी और एलामी लोक, मेसोपोटामिया, यहूदिया, कप्पदूकिया, पुन्तुस, आसिया, 10 फुगिया, पंफूलिया, मिस और लिबिया वासी जो कुरेनो रे नेडे-तेडे ए, इना सबी देहो रे रणे वाले और रोमो रे रणे वाले यहूदी और यहूदी तर्म तारण करने वाले, 11 मतलब क्या यहूदी और क्या यहूदी तर्म तारण करने वाले, क्रेती और अरबी बी ए, पर आपणी-आपणी पाषा रे तिना ते परमेशरो रे बड़े-बड़े कामो रे बारे रे चर्चा सुणने लगी रे।” 12 तेबे सेयो सब हैरान ऊईगी और कबराई की एकी-नूजे खे बोलणे लगे, “ये क्या ऊणे लगी रा?” 13 पर ओरी मजाक करी की बोलेया, “सेयो तो नये शराबो रे नशे रे चूर ए।” 14 तेबे पतरस तिना ग्यारा चेलेया साथे खड़ा ऊआ और जोरे की बोलणे लगेया, “ओ यहूदिया! और ओ यस्तलेमो रे सब रणे

वालो! ये जाणी लो और कान लगाई की मेरी गल्ला सुणो। 15 जेडा तुसे समजणे लगी रे, यो लोक नशे रे निए, कऊँकि एबु तो प्यागा रे नौ ई बजी रे। 16 पर ये से गल्ल ए, जो परमेश्वरे योएल भविष्यबक्ते रे जरिए बोली थी, 17 “परमेश्वर बोलोआ कि आखरी रे दिना रे एडा ऊणा, कि मां आपणा आत्मा सबी माणूआ पाँदे लटणा और तुसा रे माठे-बेटिया भविष्यबाणी करनी और तुसा रे जवाना दर्शन देखणे और तुसा रे बुजुगा सुपने देखणे। 18 बल्कि मां आपणे दास और दासिया पाँदे तिना दिना रे आपणी आत्मा बीचा ते लटणा और तिना भविष्यबाणी करनी 19 और मां ऊबे सर्गे रे अचम्बे रे काम और ऊँदे तरतिया रे चिह्न, मतलब-खून, आग और तुएँ रे बादल दखाणे। 20 प्रभुए रा न्याय रा दिन आऊणे ते पईले सूरज काला और चाँद खूनो जेडा लाल ऊई जाणा। 21 और जेस केसी प्रभुए रा नाओं लणा, तेसरा ई उद्धार ऊणा।’ 22 “ओ इसाएलियो! इना गल्ला खे सुणो, यीशु नासरी एक माणू था। जेसरा परमेश्वरे री तरफा ते ऊणे रा सबूत, तिना सामर्थ्ये रे कामो, अचबे रे कामो ते और चमत्कारा ते प्रगत ए। जो परमेश्वरे तुसा बीचे, तेसरे जरिए दखाए, जेसखे तुसे आपू बी जाणोए। 23 तेस ई यीशुए खे, जो परमेश्वरे री ठार्इ री योजना और पईलके ज्ञाने रे मुताबिक पकडवाया। तेबे तुसे से पापिया रे आथे क्रूसो पाँदे चढाई की मरवाईता। 24 पर सेर्ई परमेश्वरे मौता रे बंदनो ते छुडाई की जिऊंदा कित्तेया, कऊँकि ये ऊणा नि था कि से तेसरे वंशो रे रंदा। 25 कऊँकि दाऊद यीशु मसीहे रे बारे रे बोलोआ, “आऊ सदा प्रभुए खे आपणे सामणे देखदा रया, कऊँकि से मेरी दाँपी तरफा खे ए, ताकि आऊँ कबराई नि जाऊँ। 26 इजी री बजअ ते मेरा मन खुश ऊआ और मेरी जीब मग्न ऊई, बल्कि मेरा शरीर बी उम्मीदे रे बसे रा रणा। 27 कऊँकि तां मेरा प्राण नरको रे नि छाडणा और तां आपणा पवित्र जन सङ्गे नि देणा। (Hadेस g86) 28 तै माखे जीवनो री बाट बाटाई राखी, तां आपणे दर्शने रे जरिए आऊँ खुशिये की परी देणा। 29 “ओ पाईयो! आऊँ तेस कुलपति दाऊदे रे बारे रे तुसा खे इम्मता साथे बोली सकूँआ कि से तो मरी गा और दबाई बी दित्तेया और तेसरी कब्र आजो तक आसा गे मौजुद ए। 30 से भविष्यबक्ता था और ये जाणो था कि परमेश्वरे मांते कसम खाई की वादा करी राखेया कि मां तेरे वंशो बीचा ते एक जणा तेरे सिंहासनो पाँदे बठयालना। 31 तिने ऊणे वाली गल्ला खे पईले तेई देखी की मसीहे रे जिऊंदे ऊणे रे बारे रे भविष्यबाणी कित्ती, कि ना तो तेरा प्राण नरको रे छाडेया और ना ई तेसरा शरीर सडेया। (Hadेस g86) 32 येई यीशु परमेश्वरे जिऊंदा कित्तेया, जेसरे आसे सब गवा ए। 33 तिंयो ई परमेश्वरे रे दाँपी आथो ते सबी ते उचा पद पाई की और पिते ते से पवित्र आत्मा पाई की जो वादा कित्तेया था, तिने ये लटेया, जो आज तुसे देखोए और सुणोए। 34 कऊँकि दाऊद तो स्वर्गे रे नि चढना, पर से आपू बोलोआ, “प्रभुए परमेश्वरे मेरे प्रभुए खे बोलेया; 35 मेरे दाँपी बैठ, जदुओ तक आऊँ तेरे बैरिया खे तेरे पैरा निठे नि करी देऊँ।’ 36 “तो एबे इसाएलो रा सारा करना, पक्का जाणी लओ कि परमेश्वरे तेसी यीशुए खे, जो तुसे क्रूसो पाँदे चढाया, प्रभु बी

और मसीह बी ठराया।” 37 तेबे सुणने वाले लोका खे विश्वास ऊईगा कि आसे गलत काम करी राखेया और सेयो पतरसो खे और बाकि प्रेरिता खे पूछणे लगे, “ओ पाईयो! आसे क्या करिए?” 38 पतरसे तिना खे बोलेया, “पापो ते मन फिराओ, और तुसा बीचा ते हर एक आपणे-आपणे पापो री माफिया खे यीशु मसीहे रे नाओं ते बपतिस्मा लओ, तो तुसा खे पवित्र आत्मा रा दान मिलणा। 39 ये वादा तुसे और तुसा री ल्वादे और तिना सबी दूरो-दूरो रे लोका खे बीए, जो प्रभुए म्हरे परमेश्वरे आपू गे बुलाणे।” 40 पतरसे बऊत और गल्ला री गवाई देई-देई की बी समजाया, “आपणे आपू खे एसा टेडिया जातिया ते बचाओ।” 41 तो जिने लोके पतरसो रा वचन सुणी की मानेया, तिने बपतिस्मा लया और तेसी दिने तीन ह्वाजर माणूआ रे तकरीबन विश्वासिया साथे मिली गे। 42 तो तेबे ये सब विश्वासी प्रेरिता ते शिक्षा पापो और संगति राखणे रे और रोटी तोड़ने रे और प्रार्थना करने रे लगे रे रये 43 और यरूशलेमो रे सबी लोका खे डर ऊईगा और बऊत अचबे रे काम और चिह्न प्रेरित करो थे। 44 और सेयो सब विश्वास करने वाले कहु रओ थे और तिना री सब चीजा साजिया थिया। 45 और सेयो आपणी-आपणी सम्पति और सामान बेची-बेची की जेडी जेसरी जरूरत ओ थी, बाढी देओ थे। 46 और सेयो हर रोज एक मन ऊई की मन्दरो रे कहु ओ थे और कअरे-कअरे रोटी तोड़ी की खुश और मन लगाई की रोटी खाया करो थे 47 और परमेश्वरे री स्तुति करो थे और सब लोक तिना ते खुश थे और जो उद्धार पाओ थे तिना खे प्रभु हर रोज तिना बीचे मिलाई देओ था।

3 पतरस और यूहन्ना तकरीबन दोपाईरो रे तीन बजे प्रार्थना रे बखते मन्दरो रे जाणे लगी रे थे। 2 तेबे लोक एक लंगडे खे ल्याए, जो जन्मो तेई लंगडा था। तेसखे सेयो हर रोज मन्दरो रे तेस द्वारो पाँदे, जेतेखे सुन्दर बोलोए, बठयाली देओ थे, ताकि से मन्दरो रे जाणे वालेया ते पीख माँगो। 3 जेबे तिने पतरस और यूहन्ना मन्दरो रे जांदे ऊए देखे, तो तिना ते पीख मांगी। 4 पतरसे यूहन्ने साथे तेसरी तरफा खे बड़े ई त्यानो साथे देखी की बोलेया, “आसा कनारो खे देख।” 5 तेबे पीख मांगणे वाला जन्मो रा लंगडा तिना ते कुछ पापे री उम्मीदा ते तिना खे ताकणे लगेया। 6 तेबे पतरसे बोलेया, “सुर्ना और चाँदी मांगे आए नि, पर जो मांगे आए, से ताखे देऊँआ, यीशु मसीह नासरियो रे नाओं ते उठ और चल-फिर।” 7 तेबे पतरसे तेसरा दाँपा आथ पकड़ी की से खड़ा कित्तेया और तेबुई तेसरे पैरा और खुटिया रे जान आईगी। 8 से उटकी की खड़ा ऊईगा और चलणे-फिरने लगेया और चलदा उछलदा और परमेश्वरे री स्तुति करदा ऊआ तिना साथे मन्दरो रे आँगणो रे गया। 9 सबी लोके से उटकदे और परमेश्वरो री स्तुति करदा ऊआ देखी की 10 से पछयाणी ला कि ये तो सई लंगड़ा ए, जो मन्दरो रे सुन्दर फाटको पाँदे बैठी की पीख माँगो था और तेस कामो ते जो तेस साथे ऊआ था, सेयो बऊत हैरान ऊझी। 11 जेबे से पतरस और यूहन्ने खे पकड़े रे था, तो सब लोक बऊत हैरान ऊझी। 12 ये देखी की पतरसे लोका खे बोलेया, तिना गे दौड़दे ऊए आए। 13 ये देखी की पतरसे लोका खे बोलेया,

“ओ इस्माएलियो! तुमें एस मांणूए खे देखी की अचम्बा कऊँ करोए? और आसा री तरफा खे ईंयां कऊँ लगी रे देखणे कि मानो आसे ई आपणी सामर्थ या भक्तिया ते ये चलणे-फिरने जोगा करी राखेया? 13 अब्राहम, इसहाक और याकूबो रे परमेश्वर, आसा रे बाप-दादेया रे परमेश्वरे आपणे सेवक यीशुए री महिमा कित्ती, जो तुम्हे मान्ये खे यहूदी अगुवे रे आश्यो रे पकड़वाया। जेबे पिलातुम्हे तेसखे छाडणे रा बिचार बणाया, तेबे तुम्हे तेसरे सामणे तेसरी बेजती कित्ती। 14 तुम्हे यीशुए खे मानणे ते ना कित्ती जो पवित्र और तर्मी था और बिनती कित्ती कि एक खुनिए खे तुम्हा खे छाडेया जाओ 15 और तुम्हे अनन्त जीवनो खे बनाणे वाला मरवाईता, जो परमेश्वरे मरे रेया बीचा ते जिऊँदा कित्तेया और एसा गल्ला रे आसे गवा ए। 16 और यीशुए मसीह रई नाओं ते, तेस विश्वासो रे जरिए, जो तेसरे नाओं पाँदे ए, एस मांणूए खे जेसखे तुम्हे देखणे लगी रे और जाणो बी ए कि सामर्थ दई राखी, तिने विश्वासे ई, जो तेसरे जरिए ए, से तुम्हा सबी सामणे, पला-चंगा करी ता। 17 “एबे ओ पाईंयो! आऊँ जाणूआ कि तुम्हे और तुम्हा रे अगुवे यीशु अणजाणे रे काई ते। कऊँकि तुम्हे नि जाणो थे कि सेर्ई मसीह था। 18 पर जो गल्ला परमेश्वरे सबी भविष्यबक्तेया रे मुओं ते पईले ई बुलाईया थिया कि तेसरे मसीह दुः ख सईन करना और मरना, से तिने तियाँ ई पूरा कित्तेया। 19 इजी री खातर मन फिराओ और वापस आओ, कि तुम्हा रे पाप माफ ऊँ जाओ, ताकि प्रभुए रे सामणे शान्तिया रे दिन आओ। 20 और से यीशुए खे पेजो, जो तुम्हा खे पईले तेई मसीह चुणी राखेया। 21 जरूरी ये कि से स्वर्गो रे तेस बखतो तक रओ, जदुओं तक कि से सबी गल्ला खे सुदारी नि लओ, जेतेर बारे रे परमेश्वरे आपणे पवित्र भविष्यबक्तेया रे मुओं ते बोली राखेया। (alön g165) 22 जेडा कि मूसे बोली राखेया, प्रभु परमेश्वरे तुम्हा रे पाईया बीचा ते, तुम्हा खे मां जेडा एक भविष्यबक्ता पेजणा, जो कुछ से तुम्हा खे बोलो, से करना। 23 पर हर माणू जो तेस भविष्यबक्ते री नि सुणोगा, से लोका बीचा ते नाश ऊणा। 24 “और शमुएलो ते लवी की तेसरे बाद वालेया तक, जितणे भविष्यबक्ते गल्ल बोली, तिने सबी इना दिना रा संदेश दई राखेया। 25 तुम्हे सब तिना भविष्यबक्तेया री ल्वाद और तेस वादे रे इस्सेदार ए, जो परमेश्वरे तुम्हा रे बाप-दादेया साथे बानी, जेबे तिने अब्राहमो खे बोलेया कि तेरे कुलो रे जरिए तरतिया रे सारे करनेया आशीष पाणी, 26 परमेश्वरे आपणे सेवको खे मरे रेया बीचा ते जिऊँदा करी की सबी ते पईले तुम्हा गे पेजेया, ताकि तुम्हा बीचा ते हर एकी खे तेसरी बुराईया ते फेरी की आशीष देओ।”

4 जेबे सेयो लोका खे ये बोलणे लगी रे थे, तेबे पुरोईत, मन्दरो रे सरदार और सदूकी तिना पाँदो खे आईंगे। 2 कऊँकि तिना खे बऊत रोष आईंगा कि सेयो लोका खे सिखाओ थे और प्रभु यीशुए रा उदारण दई-देई की मरे रेया रा जिऊँदे उठणे रा प्रचार करी थे। 3 तेबे तिने सेयो पकड़ी की प्यागा तक जेला रे राखे, कऊँकि साँज ऊँदी थी। 4 पर जिने-जिने वचन सुणोया, तिना बीचा ते बऊत जेणेया यीशुए पाँदे विश्वास कित्तेया और तिना री गिणती पाँज हजार मर्दों रे तकरीबन ऊँदी। 5 दूजे

दिने एडा ऊआ कि यहूदिया रे अगुवे, बुजुर्ग और शास्त्री, 6 प्रदान पुरोईत हन्ना, कैफा, यहून्ना, सिकन्दर और जितणे प्रदान पुरोईतो रे कराने रे थे, सब यरूशलेमो रे कट्टे ऊँदी। 7 सेयो तिना खे बीचे खडे करी की पूछणे लगे, “तुम्हे ये काम कुण जी सामर्थ ते और केसरे नाओं ते कित्तेया?” 8 तेबे पतरसे पवित्र आत्मा ते परी की बुजुर्ग खे बोलेया, 9 “ओ लोका रे सरदारो और बुजुर्गो! आसे एस कमजौर मांणूए साथे जो पलाई करी राखी, जे आज तिजी रे बारे रे पूछ-ताछ ऊई कि से कियाँ ठीक ऊआ, 10 तो तुम्हे सब और सारे इसाएली लोक जाणी लओ कि यीशु मसीह नासरियो रे नाओं ते, जो तुम्हे क्रूसो पाँदे चढ़ाईता और परमेश्वरे से मरे रेया बीचा ते जिऊँदा कित्तेया, आज तिना रे नाओं रे जरिए ये मांणू तुम्हा सामणे पला-चंगा खडा ए। 11 यीशु मसीह ई सेर्ई पात्थर ए, जो तुम्हे राजमिस्त्रिए ठुकराईता और ये कूणे रे सिरे रा पात्थर ऊँदी। 12 यीशुए ते बगैर केसी दूजे रे जरिए उद्धार निए, कऊँकि स्वर्गो रे निठे और मांणूआ बीचे और कोई नाओं नि दई राखेया, जेसरे जरिए आसे उद्धार पाई सकूँ।” 13 जेबे तिने पतरस और यूहन्ने री इम्मत देखी और ये जाणी ला कि यो तो अनपढ और सादारण मांणू ए तो हैरान ऊँदी, तेबे सेयो पछ्याणे कि यो तो प्रभु यीशुए साथे रओ थे। 14 तेबे तेस मांणूए खे यो ठीक ऊँदी था, पतरस और यूहन्ने साथे खडा देखी की यहूदी अगुवे तिना रे खलाफ कुछ नि बोली सके। 15 पर तिना खे सभा ते बारे पेजी की आपू बीचे बिचार करने लगे, 16 “आसे इना मांणूआ साथे क्या करिए? कऊँकि यरूशलेमो रे सब रणे वालेया खे पता ए कि इने एक खास चमत्कार दखाई राखेया और आसे तिजी ते मुकरी नि सकदे। 17 पर इजी री खातर कि लोका बीचे ये गल्ल और जादा नि फैली जाओ, आसे तिना खे तमकी देऊँए कि सेयो एस नाओं ते फैर कटी केसी मांणूए साथे गल्ला नि करो।” 18 तेबे तिने सेयो बुलाए और तिना खे चेतावी दई की बोलेया, “यीशुए रे नाओं ते कुछ नि बोलणा और ना सख्याणा।” 19 पर पतरस और यूहन्ने तिना खे जवाब दित्तेया, “तुम्हेर्न्याय करो कि क्या ये परमेश्वरो रे नेढे खरा ए कि आसे परमेश्वरो री गल्ला ते बढ़ी की तुम्हा री गल्ल मानूँ? 20 कऊँकि ये तो आसा ते ऊँदी नि सकदा, जो आसे देखी राखेया और सुणी राखेया, से नि बोलूँ।” 21 तेबे तिने सेयो और बी तमकाए और छाडी ते, कऊँकि लोका री बजअ ते तिना खे कोई बी सजा देगे रा बाना नि मिलेया, कऊँकि जो घटणा ऊँदी थी, तिजी री बजअ ते सब लोक परमेश्वरो री तारीफ करो थे। 22 कऊँकि से मांणू जो चमत्कारी रूपो ते ठीक ऊँदी था, चाली साला ते जादा उप्रा रा था। 23 सेयो छूटी की आपणे साथिया गे गये और जो कुछ बडे पुरोईत और बुजुर्ग तिना साथे कित्तेया था, सब कुछ तिना गे बताया। 24 ये सुणी की तिने एक चित्त ऊँदी की जेरो की परमेश्वरो खे बोलेया, “ओ स्वामी! तूँ सेर्ई जिने स्वर्ग, तरती, समुद्र और जो कुछ तिना रे बणाई राखेया, 25 तैं पवित्र आत्मा रे जरिए आपणे सेवक, आसा रे पिता, दाऊदो रे मुंझो ते बोलेया, “दूजिये जातिये आल्ला कऊँ पाया? और देशो रे लोके बेकारो री गल्ला कऊँ सोचिया? 26 प्रभु और मसीह रे

अभिषेक किते रे बिरोदो रे तरतिया रे राजा खड़े ऊए और हाकिम एकी साथे कहु ऊईंगे। 27 “कऊँकि सच्ची तेरे सेवक यीशुए रे बिरोदो रे, जेसरा तैं अभिषेक कित्तेया, हेरोदेस और पुन्नियुस पिलातुस बी दूजी जातिया साथे और इसाएलिया साथे एस नगरो रे कहु ऊए। 28 कि जो कुछ पर्फिले ते तेरी सामर्थ्य और समजा ते ठंडिया था, से ई ओ। 29 एवे, ओ प्रभु, तिना री तमकिया खे सुण, और आपणे दासा खे ये बरदान दे कि तेरा वचन बड़ी ई इम्मता साथे सुणाऊँ। 30 ठीक करने खे तूँ आपणा आथ बढ़ा कि चिह्न और अचम्भे रे काम तेरे पवित्र सेवक यीशुए रे नाओं ते करे जाओ।” 31 जेबे सेयो प्रार्थना करी चुके, तेबे से जगा, जेती सेयो खड़ी रे थे, से जगा इल्ली गी और सेयो सब पवित्र आत्मा ते परी गे और परमेश्वरो रा वचन इम्मता साथे सुणादे रये। 32 विश्वास करने वालेया री मण्डली एक चित्त और एक मनो री शी, एथो तक कोई बी आपणी जायदाता खे आपणी नि बोलो था, बल्कि सब कुछ साजा था। 33 प्रेरित बड़ी सामर्थ्य साथे प्रभु यीशुए रे जिँदे ऊणे री गवाई देंदे रये और तिना सबी पांदे बड़ी कृपा थी। 34 तिना बीचे कोई बी गरीब नि था, कऊँकि जिना गे जमीन या कअर थे, सेयो तिना खे बेची-बेची की बिकी री चीजा रा दाम ल्याओ थे और से प्रेरिता रे पैरा गे राखी देओ थे। 35 और जेडी, जेसखे जरूत आ थी, तिजी रे मुताबिक हर एकी विश्वासिये खे प्रेरित बांडी देओ थे। 36 यूसुफ नाओं रा साईप्रस टापूए रा एक लेवी था, जेसरा नाओं प्रेरिते बरनबास, मतलब-इम्मत देणे वाला मांणू राखी राखेया था। 37 तेसरी कुछ जमीन थी, जो तिने बेची ती और दामो रे पैसे ल्याई की प्रेरिता खे देई ते कि सेयो तिजी खे जरूतमंद लोका बीचे बांडी देओ।

5 हनन्याह नाओं रे एक मांणूए आपणी लाडी सफिरा साथे मिली की

आपणी जमीना रा एक पाअग बेची ता 2 और तिजी रे दामो बीचा ते कुछ आपू खे राखी ता और ये गल्ल तेसरी लाडी बी जाणो थी और तिजी रा एक इस्सा ल्याई की प्रेरिता खे देईता। 3 तेबे पतरसे बोलेया, “ओ हनन्याह! शैताने तेरे मनो रे ये गल्ल किंयाँ पाई कि तूँ पवित्र आत्मा ते चूठ बोले और जमीना रे दामो बीचा ते कुछ आपू खे राखी दे।” 4 जदुओ तक से तांगे रई, क्या तेरी नि थी? और जेबे बिकी गी तो क्या तेरे वशो रे नि थी? तेरे मनो रे एस बुरे कामो रा बिचार किंयाँ आया? तै मांणूआ ते नि, पर परमेश्वरो ते चूठ बोलेया।” 5 इना गल्ला सुणी की हनन्याह जमीना पांदे रुडी गा और मरी गा और सबी सुणने वालेया खे डर लगी गा। 6 तेबे जवाने आयी की तेसरी अर्थी बाणाई और बारे लयी जाई की से दबाई ता। 7 तकरीबन तीन कंटे ते बाद तेसरी लाडी पीते आयी और जो कुछ ऊआ था, तिजी रे बारे रे तेसा खे पता नि था। 8 तेबे पतरसे तेसा खे बोलेया, “मांगे बता क्या तुसे से जमीन इतणे रई बेची?” तेसे बोलेया, “आ, इतणे रई।” 9 पतरसे तेसा खे बोलेया, “ये क्या गल्ल ऊई कि तुसे दूँई प्रभुए रे पवित्र आत्मा री परीक्षा खे एडा कित्तेया? देख, तेरे लाडे खे दबाणे वाले द्वारा पांदे ई खड़ी रे और तूँ बी बारे लयी जाणी।” 10 तेबे से फटाफट तेसरे पैरा पांदे पड़ी गी और मरी गी और जवाने पीते आयी की से मरी री देखी और से बी बारे लयी जाई

की तेसा रे लाडे साथे दबाई ती। 11 तेबे यस्तलेमो री सारी मण्डली और इना गल्ला खे सब सुणने वाले बऊत ई जादा डरी गे। 12 प्रेरिता रे जरिए बऊत चिह्न और अचम्भे रे काम लोका बीचे दखाए जाओ थे और मसीहे रे सब विश्वासी एक मन ऊई की सुलेमानो रे बरहे रे कटे औया करो थे। 13 पर ओरी बीचा ते जिने यीशुए पांदे एबुए तक विश्वास नि करी राखेया था केसी खे बी ये इम्मत नि ओ थी कि तिना बीचे जायी की मिली जाईए, पर तेबे बी लोक तिना री तारिफ करो थे। 14 विश्वास करने वाले बऊत सरे मर्द और जवानसा प्रभुए री मण्डलिया रे ओर बी जादा आयी की मिलणे लगे। 15 एथो तक कि लोक बमारा खे सङ्कारे रे ल्याई-ल्याई की माँजे पांदे लटाई देओ थे कि जेबे पतरस आओ, तेबे तेसरा टटावांवा ई तिना बीचा ते केसी पांदे पड़ी जाओ। 16 यस्तलेमो रे नेढ़े-तेड़े रे नागरो ते बी बऊत लोक बमारा खे और दुष्टात्मा रे सताए रे, तिना गे ल्याई-ल्याई की कटे ओ थे और सेयो सबी खे ठीक करो थे। 17 तेबे प्रदान पुरोईत और तेसरे सब साथी, जो सदूकिया रे टोलिया रे थे, चेलेया रे खलाफ जलना ते परी गे 18 और तिने प्रेरित पकड़ी की जेला रे बंद करी ते। 19 पर रथियो खे प्रभुए रे एक स्वर्गदूते जेला रे द्वार खोली की तिना खे बारे निकयाली की बोलेया, 20 “जाओ और मन्दरो रे खड़े ऊई की एस अनन्त जीवनो रा पूरा सदेश लोका खे सुणाओ।” 21 जेडा तिना खे बताई राखेया था प्याग ऊंदे ई सेयो मन्दरो रे जाई की उपदेश देणे लगे। तेबे प्रदान पुरोईत और तेसरे साथिये आयी की महासभा और इसाएलिया रे सारे बुजुर्ग कटे किते और जेला रे सन्देशा पेजेया कि तिना खे ल्याओ। 22 पर मन्दरो रे पझिरदारे तेती पँछँछी की चेले जेला री नि पाये और वापस ऊई की सदेशा दित्तेया 23 कि आसे जेला खे बड़ी चौकसिया साथे बंद कितेया रा और पझिरदारा खे बारे द्वारो पांदे खड़े रा देखेया, पर जेबे खोलेया, तेबे पीतरे कोई नि मिलेया। 24 जेबे मन्दरो रे पझिरदारे रे प्रदान अबड़े पुरोईते ये गल्ल सुणी, तो तेबे तिना रे बारे रे पारी चिन्ता रे पड़ी गे कि एवे क्या ऊणा? 25 तदुओ कि किने आयी की तिना गे बताया, “देखो, जो तुसे जेला रे बंद करी राखे थे, सेयो मांणू तो मन्दरो रे खड़े ऊई की लोका खे उपदेश देणे लगी रे।” 26 जेबे तिने सुणेया तेबे मन्दरो रे पझिरदारो रे प्रदान आपणे पझिरदारा साथे तेती जाई की चेलेया खे महासभा रे सामगे ली आया, पर जबरदस्ती नि, कऊँकि सेयो लोका ते डरो थे कि केथी आसा पांदे पात्थर नि बाओ। 27 तिने सेयो फेर ल्याई की महासभा सामगे खड़े करी ते, तेबे प्रदान पुरोईते तिना ते पूछेया, 28 “क्या आसे तुसे सावधान नि किते थे कि तुसे एस नाओं ते उपदेश नि देणा? तेबे बी देखो, तुसे सारा यस्तलेम आपणे उपदेशो ते परी ता रा और तेस मांणूए री अत्या रा दोष आसा रे गले पांदे ल्याऊणा चाओए।” 29 तेबे पतरसे और ओरी प्रेरिते जवाब दित्तेया, “मांणूए री आज्ञा ते बड़ी की परमेश्वरो री आज्ञा खे मानणा ई म्हारा फर्ज ए। 30 आसा रे बाप-दादेया रे परमेश्वरे प्रभु यीशु मरे रेया बीचा ते जिँदा कित्तेया, जो तुसे क्रूसो पांदे चढ़ाई की मरवाईता था। 31 सेई परमेश्वरे प्रभु और उद्धारक ठंडराई की आपणे दाँगे आयो ते ऊच्चा करी

ता, ताकि से इसाएलिया खे मन फिराओ री शक्ति और पापो ते माफ़ि देओ। 32 और आसे इना गल्ला रे गवा ए और पवित्र आत्मा रे बी, जो परमेशरे तिना खे दित्ती, जो तेसरी आज्ञा मानोए।” 33 ये सुणी की महासभा रे सदस्य जलने लगे और तिने चेले काणा चाए। 34 पर गमलिएल नाओं रे एक फरीसियै, जो धर्मस्त्री और सबी लोका बीचे जाणा-मनेया रा था, करैश्या रे खड़े ऊई की प्रेरिता खे थोड़ी देरा खे बारे जाणे री आज्ञा दित्ती। 35 तेबे तिने महासभा रे सदस्या खे बोलेया, “ओ इसाएलियो! जो कुछ इना माणूआ साथे कस्ना चाओए, सोबी समजी की करना। 36 कऊँकि इना दिना ते पईले थियुदास ये बोलदा रओ था कि आऊँ बी कुछ आए; और कोई चार सौ माणू तेस साथे ऊई, पर से कायी ता और जितणे लोक तेसखे मानो थे, सब ओर-परे ऊई और खत्म ऊई। 37 तिजी ते बाद नाओं लिखाईया रे दिनो रे यहूदा गलीली उठेया और तिने कुछ लोक आपणी तरफा खे करी ते, तेसरा बी नाश ऊई गा और जितणे लोक तेसखे मानो थे, सब ओर-परे ऊई। 38 “इजी री खातर आऊँ तुसा खे बोलूआ कि इना माणूआ ते दूर ई रओ और इना ते कोई मतलब नि राखो, कऊँकि जे ये तर्म या काम माणूआ री तरफा ते ओ, तो तेबे तो नाश ऊई जाणे, 39 पर जे परमेशरो री तरफा ते, तो तुसे इना खे कदी बी खत्म नि करी सकदे, केथी एडा ना ओ कि तुसे परमेशरो साथे बी लड़ने वाले ठईरो।” 40 तेबे तिने तेसरी गल्ल मानी ली और प्रेरित बुलाए और कूटे और ये आज्ञा दई की छाडी ते कि यीशुए रे नाओं ते फेर कदी गल्ला नि करनिया। 41 चेले एसा गल्ला ते खुश ऊई की महासभा रे सामणे ते चली गे कि आसे तेसरे नाओं री खातर नरादर ऊणे जोगे तो ऊए। 42 तेबे चेले हर रोज मन्दरो रे और कअरे-कअरे उपदेश करने और एसा गल्ला रा सुसमाचार सुनाणे ते नि स्के कि यीशु ई मसीह ए।

6 तिना दिना रे जेबे चेले बऊत ऊणे लगे, तेबे यूनानी पाषा बोलणे वाले लगे, “हर दिनो री चीजा देणे रे आसा री बिदुआ री खबर-सम्बाल नि लदे।” 2 तेबे तिने बारा चैलेया विश्वासिया री सारी मण्डली आपू गे कट्टी बुलाई की बोलेया, “ये ठीक निए कि आसे परमेशरो रे वचनो रा प्रचार करना और शिक्षा देणा छाडी की खुलाणे-पल्लाणे री सेवा रे लगे रईयो। 3 इजी री खातर ओ पाईयो! आपू बीचा ते सात जाणे-माणे मर्दा खे, जो पवित्र आत्मा ते परे रे और सुलजे रे ओ, चुणी लो, ताकि आसे तिना खे ये काम दई दईए। 4 पर आसा तो प्रार्थना, वचनो रा प्रचार और उपदेश देणे री सेवा रे लगे रे रणा।” 5 ये गल्ल सारी मण्डलिया खे ठीक लगी और तिने स्तिफुनुस नाओं रा एक माणू जो विश्वासो रे और पवित्र आत्मा ते परे रा था और फिलिप्पुस, नीकानोर, तीमोन, परमिनास, अन्ताकिया वाला नीकुलाऊस, जो यहूदी मतो रे आईगा था, चुणी ले। 6 तेबे यो प्रेरिता सामणे खड़े किते। और इना चूणे रे माणूआ खे प्रार्थना किती और तिना पाँदे आथ राखी की तिना खे सेवा करने रा अक्क दित्तेया। 7 तेबे परमेशरो रा वचन फैलदा गया और यरुशलेमो रे

चेलेया री गिणती बड़दी गयी और यहूदी पुरोईता रा एक बड़ा समाज यीशु मसीह पाँदे विश्वास करी की एस मतो खे मानणे वाला ऊईगा। 8 स्तिफुनुस कृपा और सामर्था ते परिपूर्ण ऊई की लोका खे बड़े-बड़े चिह्न और अचब्दे रे काम दखाया करो था। 9 पर कुछ लोके स्तिफुनुसो रा बरोद करने वाले तेस प्रार्थना रे कअरो रे सदस्य थे जो गुलामिया ते आजाद ऊई रे थे, और कुरेनी, सिकन्दरिया, किलिकिया और आसिया रे लोका बीचा ते कई एक उठी की स्तिफुनुसो साथे बईस करने लगे। 10 पर तेस ज्ञानो ते और पवित्र आत्मा रा, जेते री मतादा ते से गल्ला करो था, सेयो सामणा नि करी सके। 11 तेबे तिने कई लोके स्तिफुनुसो रे बारे रे चूठ बोलणे खे उकसाए जो बोलणे लगे, “आसे ये मूसे और परमेशरो रे खलाफ निन्दा री गल्ला करदे ऊए सुणी राखेया।” 12 तेबे लोक, बुजुर्ग और शास्त्रिया खे पड़काई की तेस पाँदो खे आईंगे और तेसखे पकड़ी की महासभा रे लयी गे। 13 और चूठे गवा खड़े करी ते और स्तिफुनुसो पाँदे आरोप लगाई की बोलेया, “ये माणू एसा पवित्र जगा रे बारे रे और मूसे रा बिधानो रे खलाफ बोलणा नि छाडा। 14 कऊँकि आसे ये, ये बोलदे ऊए सुणी राखेया कि एसी यीशु नासरिये ये मन्दर टाली देणा और सेयो रवाजा बदली देणियां जो मूसे आसा गे सम्बाली राखिया।” 15 तेबे सबी लोके जो सभा रे बैठी रे थे, तेसखे ताकणे लगे तो तिने तेसरा मूँ स्वर्गदूतो जेडा देखेया।

7 तेबे प्रदान पुरोईत पूछेया, “क्या ये आरोप सच ए?” 2 स्तिफुनुसे उत दित्तेया, “ओ पाईयो और पिताओं सुणो! आसा रा पिता अब्राहम हारान नगरो रे बसणे ते पईले, जेबे मेसोपोटामिया प्रदेशो रे था, तेबे सामर्था परमेशरे तेसखे दर्शन दित्तेया 3 और तिने बोलेया, ‘तू आपणे देशो ते निकली की और आपणे परिवारो ते निकली की तेस देशो रे चली जा, जो मां ताखे दखाणा।’ 4 तेबे से कसदियो रे देशो ते निकली की हारान नगरो रे जाई की बसी गा। तेसरे पिते रे मरने ते बाद परमेशरे से तेथा ते एस देशो रे ल्याई की बसाया, जेती एपे तुसे रओए। 5 तेस बखते परमेशरे तेसखे कुछ बी जायदात, बल्कि पैर राखणे तक बी जगा नि दित्ती, बल्कि परमेशरे बादा कितेया कि मां ये देश ताखे और तांते बाद तेरे वंशो खे दई देणा। हालाँकि तेस बखते तेसरा कोई बी पाऊ नि था। 6 परमेशरे एडा बोलेया, ‘तेरी ल्वादा रे लोक पराये देशो रे परदेशी ऊणे और तिना सेयो दास बनाणे और चार सौ साला तक तिना खे दुःख देणा।’ 7 तेबे परमेशरे बोलेया, ‘जेसा जातिया रे सेयो दास ऊणे, तेसा खे मां सजा देणी और तिजी ते बाद तिना तेस देशो ते निकली की एस देशो रे आयी की मेरी सेवा करनी।’ 8 परमेशरे अब्राहमो साथे खतने री वाचा किती। जेबे अब्राहमो रे पाऊ इसहाको रा जन्म ऊआ तो आठुए दिने तेसरा खतना कितेया। इसहाको ते याकूब और याकूबो ते बारा कुलपति जम्मे। 9 “कुलपतिये यूसुफो साथे दुश्मणी राखी की से मिस्स देशो खे जाणे वालेया रे आथे बेची ता, पर परमेशर तेस साथे था 10 और परमेशरे यूसुफो खे सारे क्लेशो ते छुड़ाई की मिसो रे राजा फिरैनो री नजरा रे कृपा और बुद्धि दित्ती। फिरैन राजे यूसुफो खे मिस्स देशो और

आपणे सारे कअरो पांदी हाकिम बणाया। 11 जेबे यूसुफ राज्यपाल था तेबे सारे मिस और कनानो देशो रे अकाल पड़ी गा, जेतरी बजअ ते पारी क्लेश ऊऱ्हिंगा और आसा रे बाप-दादेया खे अन्न नि मिलो था। 12 पर याकूब ये सुणी की कि मिस देशो रे अन्न आए, आसा रे बाप-दादेया खे पर्झिली बार तेथा ते अन्न खरीदणे खे पेजेया। 13 टूंजी बार यूसुफ आपणे पाईया सामणे आया और यूसुफो री जाति फिरैनो खे पता लमी गी। 14 तेबे यूसुफे आपणे पिते याकूबो खे संदेशा पेजेया और आपणे सारे टब्बरे रे, जो पचवात्तर माणू थे, मिस देशो खे बुलाए। 15 तेबे याकूब मिसो रे आया और तेती से और आसा रे बाप-दादे मरी गे। 16 तिना री लोथा शाकेमो रे पँकळाई की तेसा कब्रा रे राखिया, जो अब्राहमे चांदी देई की शाकेमो रे हमोरो री ल्वादा ते खरीदी थी। 17 “पर जेबे तेसा कसमा रा पूरा ऊणे रा बखत नेई आया, तेबे जो वादा परमेशरे अब्राहमो साथे कित्तेया था, तेबे मिसो रे सेयो लोक बड़ी गे और बऊत ऊऱ्हिंगे। 18 तेबे मिसो रे ढूंजा राजा ऊआ, जो यूसुफो खे नि जाणो था। 19 तिने आसा री जातिया साथे चलाकी करी की आसा रे बाप-दादेया साथे गळत बर्ताव कित्तेया, एथो तक की तिना खे आपणे नये जम्मे रे बालक सेटणे पढे, ताकि सेयो जिंडे नि रओ। 20 तेस बखते मूसे रा जन्म ऊआ। से परमेशरो री नजरा रे बऊत ई सुन्दर था और से तीन मीन्ने तक आपणे पिते रे कअरे लकोई की पालेया। 21 जेबे तेसखे लकोई की राखणा मुशिकल ऊऱ्हिंगा तेबे से टोकरिया दे पाई की नदिया रे हड्डाईता, तेबे फिरैनो री बेटिये से चकी ला और आपणा पाऊ समजी की पालेया। 22 मूसे खे मिसिया री सारी विधा पढ़ाई और से वचन और कामो रे सामर्थी था। 23 “जेबे मूसा चालिया साला रा ऊआ तेबे तेसरे मनो रे आया कि आऊँ आपणे इसाएली पाईया खे मिलूँ। 24 तेती तिने एक इसाएली माणूपांदी अन्याय ऊऱ्हिंदे ऊए देखेया और से बचाया और मिसिए खे काई की जो सताई राखे थे, बदला लया। 25 तिने सोचेया कि मेरे पाईया समजणा कि परमेशरे मेरे आथो साथे तिना खे गुलामिया ते आजाद करना, पर सेयो नि समजे। 26 ढूंजे दिने जेबे सेयो आपू बीचे लड़ने लगी रे थे, तेबे से तेती आईगा और ये बोली की तिना खे मलाप करने खे बोलेया कि ओ मर्दो! तुसे तो पाई-पाई ए, एकी-ढूंजे पांदी अन्याय कऊँ करोए? 27 पर जो आपणे पडेसिया पांदी अन्याय करने लगी रा था तिने से ये बोली की कनारे टाई ता, ‘तूँ किने आसा पांदी हाकिम और न्यायी बणाई राखेया? 28 क्या जिंयां तैं काल मिसी काया, माखे बी काणा चाएया?’ 29 ये गल्ल सुणी की मूसा नठी गा और मिद्यान देशो रे जाई की परदेशी ऊई की रणी लगेया और तेती तेसरे दो पाऊ ऊए। 30 “जेबे पूरे चाली साल मिद्यान देशो रे बीती गे, तेबे एक स्वर्गदूते सीनै पाहडो रे जंगलो रे तेसखे फुखदे ऊए जाडो री लूपिया रे दर्शन दित्ते। 31 मूसा ये दर्शन देखी की हैरान ऊऱ्हिंगा और जेबे देखणे खे ओर नेडे गया, तेबे प्रभुए री आवाज ऊई, 32 ‘आऊँ तेरे बाप-दादे, अब्राहम, इसहाक और याकूबो रा परमेशर ए।’ तेबे मूसे खे डोरे रे मारे थुरनी छूटी गी, एथो तक कि तेसखे देखणे री इम्मत नि रई। 33 तेबे प्रभुए तेसखे बोलेया, ‘आपणे

पैरो ते जोडे खोली दे, कऊँकि जेते जगा रे तूँ खडी रा, से पवित्र जगा ए। 34 मैं सच्ची आपणे लोका री जो मिस देशो रे बुरी दशा देखी राखी और तिना रा कणना और तिना रा रोणा सुणी राखेया, तेबेर्ई तो आऊँ तिना खे छुडाणे खे उतरी रा, एबे आओ और मां तूँ मिस देशो रे पेजेया।’ 35 “ये सेर्ई मूसा ए जो इसाएलिया ये बोली की नकारिता था कि तूँ किने आसा पांदी हाकिम और न्यायी ठर्झाई राखेया? सेर्ई परमेशरे हाकिम और छुडाणे वाला बणाया। तेस स्वर्गदूतो रे जरिए, जिने तेसखे जाडो रे दर्शन दित्तेया था, पेजेया। 36 येर्ई माणू मिस देश और लाल समुद्र और जंगलो रे चालिया साला तक अचम्बे रे काम और चिंह दखाई-दखाई की तिना खे निकयाली की ली आया। 37 ये सेर्ई मूसा ए, जिने इसाएली लोका खे बोलेया, ‘परमेशरे तुसा रे पाईया बीचा ते तुसा रिया तंई मां जेडा एक भविष्यबक्ता चक्राणा।’ 38 ये सेर्ई मूसा ए जिने जंगलो रे मण्डलिया रे बीचे, तेस स्वर्गदूतो साथे सीनै पाहडो पांदी तेस साथे गल्ला कित्तिया और आसा रे बाप-दादेया साथे था, तेसखे ई जिंडे वचन मिले ताकि आसा तक पँकळाओ। 39 पर आसा रे बाप-दादेया मूसा री गल्ला मानणी नि चायी। तिने से ठुकराईता और सेयो मिस देशो खे वापस जाणा चाओ थे। 40 “और लोके मूसा रे पाई हाहूणो खे बोलेया, ‘आसा खे एडा देवता बणा, जो आसा ते आगे-आगे रओ और आसा खे वापस मिस देशो खे लयी चलो, कऊँकि ये मूसा जो आसा खे मिस देशो ते निकयाली की ल्याया, आसे नि जाणदे कि एसखे क्या ऊआ?’ 41 तिना दिना रे तिने एक बाछु बणाई की तेसरी मूर्तिया ते आगे बलि चढ़ाई और आपणे आथो रे कामो रे मग्न ऊणे लगे। 42 तेबे परमेशरे तिना ते आपणा मूँ मोडी ला और सेयो छाडी ते, ताकि सर्गो रिया चीजा खे पूजो, जेडा भविष्यबक्ते री कताबा रे परमेशरे बोली राखेया, “ओ इसाएलो रे लोको! क्या तुसे सुनसाण जगा रे चाली साल रई की पशु बलि और अन्नबलि माखे ई चढ़ांदे नि रये? 43 और तुसे मोलेक देवता री बेदी बणाई और रिफान देवता रे तारे खे लयी की फिरदे रओ थे, मतलब-तिना मूर्तिया खे जो तुसे माथा टेकणे खे बणाए थे, तो मां तुसे बेबीलोनो ते पोरे लयी जाई की बसाई देणे। 44 “साक्षिया रा तम्बू सुनसाण जगा रे आसा रे बाप-दादेया बीचे था, जेडा परमेशरे ठर्झाया, जिने मूसे खे बोलेया, ‘जेडा तैं आयी की देखी राखेया, तिजी रेई मुताबिक इजी खे बणा।’ 45 तेसी तम्बूओ खे आसा रे बाप-दादे पुराणे जमाने ते पाई की यहोशूओ साथे एती ल्याए, जेस बखते तिने अन्य जातिया रा अक्क पाया, जो परमेशरे आसा रे बाप-दादेया रे सामणे ते निकयाली ता और से तम्बू राजा दाऊदो रे बखतो तक रया। 46 दाऊदो पांदी परमेशरे कृपा कित्ती, तेबे तिने बिनती कित्ती कि मां याकूबो रे परमेशरो खे मन्दर बनाणा। 47 पर तेसरे पाऊ सुलेमाने परमेशरो खे मन्दर बणाया। 48 पर परमप्रदान आथो रे बणाए रे मन्दरो रे नि रंदा, जेडा कि भविष्यबक्ते री कताबा रे परमेशरे बोलेया, 49 “परमेशरे बोलोआ कि स्वर्ग मेरा सिंहासन और तरती मेरे पैरो री चौकी ए, माखे तुसा केडा मन्दर बनाणा? मेरे आराम करने री कुण जी जगा ऊणी? 50

क्या यो सब चीज़ा मेरे आथों की निए बणाई रिया? 51 “ओ टीठ और परमेशरों री गल्ल ना मानगे और ना सुनने वाले लोको! तुसे सदा पवित्र आत्मा रा बरोद करोए। जेडा तुसा रे बाप-दादे करो थे, तेड़ा ई तुसे बी करोए। 52 भविष्यबक्तेया बीचा ते कुण नि तुसा रे बाप-दादेया नि सताए और तिने से तर्मी, जेररे आउगो रे बरे रे पुराणे बखतों ते सन्देश देणे वाला ई काई ता और एबे तुसे बी तेसरे पकड़वाणे वाले और काणे वाले ऊए। 53 तुसा खे स्वर्गदूता रे जरिए बणाया रा बिधान तो मिलेया, पर तुसे से बिधान मानेया नि।” 54 इन गल्ला खे सुणी की यहूदी अगुवेया खे इतणा गुस्सा आईगा और स्तिफनुसो पाँदे आपणे दाँद किरड़ने लगे। 55 पर तिने पवित्र आत्मा ते परिषूर्ण ऊई की स्वर्गो खे देखेया और परमेशरों री महिमा किती और प्रभु यीशुए खे परमेशरों रे दाँगे कनारे खड़ा देखी की बोलेया, 56 “देखो, आऊं स्वर्गो खे खुले रा और माणूं रे पुत्रो खे परमेशरों रे दाणे कनारे खड़े रा देखूँआ।” 57 तेबे तिने जेरों की चींगी की आपणे कान बंद करी ते और एक चित्त ऊई की तेस पाँदे झापटे। 58 तेबे तेसखे यरूशलेम नगरो ते बारे लयी जाई की पाठ्यर बाणे लगे और तिना री अत्या करी ती। जो गवा थे तिने आपणे टाले शाऊल नाओं रे एक जवानो रे पैरो पाँदे खोली की रखवाली करने खे राखीं ते। 59 सेयो स्तिफनुसो खे पाठ्यर बांदे रये और से ये बोली की प्रार्थना करदा रया, “ओ प्रभु यीशु मेरी आत्मा खे ग्रहण कर।” 60 तेबे तिने कुटणे टेकी की जोरों की बोलेया, “ओ प्रभु! एस पापो रा दोष तिना पाँदे नि लगा।” ये बोली की से मरी गा। शाऊल बी तेसरी मौता रे शामिल था।

8 शाऊल स्तिफनुसो री मौता रे पूरी तरह ते शामिल था। तेसी दिने

यरूशलेम नगरों री मण्डलिया पाँदे बऊत उपद्रव ऊणे लगेया और प्रेरिता खे छाडी की सब विश्वासी यहूदिया और सामरिया रे प्रदेशों रे ओरे-पोरे ऊर्ही। 2 तेबे कुछ भगत लोके स्तिफनुस कब्रा रे राखेया और तेसखे बऊत दुःख कितेया। 3 शाऊल मण्डलिया खे ऊजाड़ने लगी रा था और कअरे-कअरे कूसी की मर्द और जवाणसा विश्वासिया खे कसिटी-कसिटी की जेल रे पाओ था। 4 जो विश्वासी ओरे-पोरे ऊर्ही थे, सेयो सुसमाचार सुणांदे ऊए, कुमदे-फिरदे रये। 5 फिलिप्पुस सामरिया प्रदेशों रे एक नगरो रे जाई की मसीह रा प्रचार करने लगेया 6 और जो गल्ला फिलिप्पुसे बोलिया सेयो लोके सुणी की और जो चमत्कार से दखाओ था तिना खे देखी की एक मन ऊई की त्यान लगाया। 7 कऊंकि फिलिप्पुसो री आज्ञा ते बऊत जणेया ते दुश्यात्मा जोरे-जोरे साथे चींगी की निकली गिया और बऊत सारे अदरंगो रे रोगी और लंगड़ी बी ठीक किते। 8 तेबे तेस नगरो रे बऊत शान्ति ऊर्ही। 9 इज्जी ते पर्हिले तेती शमौन नाओं रा एक माणूं रओ था, जो जादू-टौणा करी की सामरिया जातिया रे लोका खे हैरान करी था और आपणे आपू खे कोई बड़ा माणूं बताओ था। 10 और सब छोटेया ते लयी की बड़ेया तक तेसखे मानो थे और बोली थे, “ये माणूं परमेशरों री से सामर्थ ए, जेतेखे महान् बोलोए।” 11 तिने बऊत दिनों ते सेयो आपणे जादूओं रे कामों साथे हैरान करी राखे थे। तेबेई तो सेयो तेसखे बऊत मानो थे। 12 पर

जेबे तिने फिलिप्पुसो पाँदे विश्वास कितेया, जो परमेशरों रे राज्य रा और प्रभु यीशु मसीहे रे नाओं रा सुसमाचार सुणाओ था, तेबे लोक, क्या मर्द क्या जवाणसा, सब बपतिस्मा लणे लगे। 13 तेबे शमौने आपू बी विश्वास कितेया और बपतिस्मा लई की फिलिप्पुसो साथे रणे लगेया, से चिह्न और बड़े-बड़े सामर्थ रे काम देखी की हैरान ओ था। 14 जेबे प्रेरिते, जो यरूशलेम नगरो रे रओ थे, सुणेया कि सामरिया रे लोके परमेशरों रा वचन मानी ला रा, तेबे पतरसे और यूहन्ना तिना गे पेजे। 15 तेबे तिने जाई की तिना खे प्रार्थना किती, ताकि पवित्र आत्मा खे पाओ। 16 कऊंकि से एबुए तक केसी पाँदे नि उतरेया था, तिने तो बस प्रभु यीशुए रे नाओं ते बपतिस्मा लयी राखेया था। 17 तेबे पतरसे और यूहन्ने तिना पाँदे आथ राखे और पवित्र आत्मा तिना पाँदे आया। 18 जेबे शमौने देखेया कि प्रेरिता रे आथ राखणे ते पवित्र आत्मा दितेया जाओआ, तेबे तिने तिना गे पैसे ल्याई की तिना खे बोलेया, 19 “ये सामर्थ माखे बी देयो ताकि जेस केसी पाँदे आथ राखूँ, तेसखे पवित्र आत्मा मिलो।” 20 पतरसे तेसखे बोलेया, “तेरे पैसे तां साथे ई नाश ओ, कऊंकि तैं परमेशरों रा दान पैसेया साथे खरीदणे रे बारे रे सोचेया। 21 एते सेवा रे तेरा मेरा कोई लेणा-देणा निए कऊंकि तेरा मन परमेशरों सामणे सच्चा निए। 22 इज्जी री खातर आपणी एसा बुराईया ते मन किराई की प्रभुए ते प्रार्थना कर, ऊई सकोआ कि तेरे मनो रा बिचार माफ ऊई जाओ। 23 कऊंकि आऊं देखणे लगी रा कि ताखे इतणी जलन ओई और पापे रे बन्दो रे पड़े राए।” 24 शमौने जवाब दितेया, “तुसे मेरिया तंई प्रभुए ते प्रार्थना करो कि जो गल्ला तुसे बोलिया, तिना बीचा ते कोई बी मां पाँदे नि पड़ो।” 25 तेबे सेयो गवाई दई की और प्रभु यीशुए रा वचन सुणाई की यरूशलेमो खे वापस ऊईगे और तिने सामरिया रे बऊत सारे गांव रे सुसमाचार सुणाया। 26 तेबे प्रभुए रे एक स्वर्गदूते फिलिप्पुसो खे बोलेया, “उठी की दक्खणा री तरफा खे, तेसा बाटा रे जा, जो यरूशलेमो ते गाजा नगरो खे जाओई। ये रेगिस्तान बाट ए।” 27 फिलिप्पुस उठी की चली गा। बाटा रे तेसरी मुलाकात एक खोजे ते ऊई, जो कूश देशो री राणी कन्दाके रा मन्त्री और खजान्ची था। से भक्ति करी की यरूशलेमो ते वापस आऊंगे लगी रा था। 28 से आपणे रथो रे था बैठेया रा और यशायाह भविष्यबक्ते री कताब पढ़दा ऊआ आपणे देशो खे जाणे लगी रा था। 29 तेबे पवित्र आत्मे फिलिप्पुसो खे बोलेया, “नेडे जाई की एस रथो साथे ऊई जा।” 30 फिलिप्पुसे तेसरी तरफा खे दौड़ी की से यशायाह भविष्यबक्ते री कताब पढ़दे ऊए सुणेया और पूछेया, “जो तूँ पढ़ने लगी रा क्या समजणे बी लगी रा?” 31 तिने बोलेया, “जदुओं तक माखे कोई समजयाओ गा नि, तदुओं तक माखे कियाँ समज आऊंगा?” तेबे तिने फिलिप्पुसो ते बिनता किती कि रथो पाँदे चढ़ी की मां साथे बैठी जा। 32 पवित्र शास्त्रो रा जो पाठ से पढ़ने लगी रा था, से ये था “से पेडा जेडा काणे खे पँछाया और जियाँ मिन्टू आपणे ऊन कापणे वालेया सामणे चुप रओआ, तियाँ ई तिने बी आपणा मूँ नि खोलेया। 33 तेसरी दीनता रे तेसरा न्याय नि ऊआ

और तेसरे बखतों रे लोका रे बारे रे केस बताणा, कँड़कि तरतिया ते तेसरी जिन्दगी लयी ली।” 34 तेबे खोजे फिलिप्पुसो ते पूछेया, “आऊं तांते बिनती करूँआ कि भविष्यबक्ता ये किजी रे बारे रे बोलणे लगी रा आपणे या केसी दूजे रे बारे रे?” 35 तेबे फिलिप्पुसे बोलणा शुरु कितेया और एते ई शास्त्रो ते शुरु करी की तेसखे प्रभु यीशुए रा सुसमाचार सुणाया। 36 बाटा रे चलदे ऊए सेयो पाणिए रे कनारे पँछे, तेबे खोजे बोलेया, “देख, एती पाणी ए, एबे माखे बपतिस्मा लगे ते कुण रोकी सकोआ?” 37 फिलिप्पुसे बोलेया, “जे तूँ सरे मनो ते विश्वास करेया, तो लई सकोआ।” तिने बोलेया, “आऊं विश्वास करूँआ कि यीशु मसीह परमेश्वरो रा पुत्र ए।” 38 तेबे तिने रथ खडा करने री आज्ञा दिती और खोजा और फिलिप्पुस दोनो जणे पाणिए बीचे गये और फिलिप्पुसे तेसखे बपतिस्मा दिरेया। 39 जेबे सेयो पाणिए ते निकली की पाँदे आए, तेबे प्रभुए रा पवित्र आत्मा फिलिप्पुसो खे चकी की लयी गा। और खोजे से फेर नि देखेया और से खुश ऊईया कि परमेश्वरे आऊं बार्हाईता और आपणे देशो खे चली गा। 40 तेबे फिलिप्पुस अशदोद नगरो रे एती की निकलेया और जटुओ तक कैसरिया नगरो रे नि पँछेया, तदुओ तक नगरो-नगरो रे सुसमाचार सुणांदा रया।

9 शाऊल जो एबुए तक प्रभु यीशुए रे चेलेया खे तमकाणे और काणे री ताका रे था, प्रदान पुरोईतो गे गया। 2 और तेसरे दमिश्क नगरो रे नाओं रे प्रार्थना रे कअरो रे नाओं पाँदे इजी खे चिट्ठिया मांगिया कि क्या मर्द क्या जवाणसा, जिना खे से एस पंथो रे पाओगा, तिना खे बानी की यरूशलेमो रे ली आऊं। 3 जेबे शाऊल और तेसरे लोक चलदे-चलदे दमिश्क नगरो रे नेढे पँछे, तेबे एकदम सर्गो ते तेसरे चऊँ कनारे ते जोति चमकी 4 और से जमीना पाँदे रुडी गा और तिने प्रभुए री ये आवाज सुनी, “ओ शाऊल! ओ शाऊल! तूँ माखे कऊँ सताणे लगी रा?” 5 तिने पूछेया “ओ प्रभु! तूँ कुण ए?” तिने बोलेया, “आऊं यीशु ए। जेसखे तूँ सताएया। 6 पर एबे उठी की नगरो खे जा और जो कुछ करना, से ताखे बताई देणा।” 7 जो माणू तेस साथे थे, सेयो चुपचाप रये, कँड़कि तिना खे आवाज तो सुणने लगी री थी, पर कोई दिशो नि था। 8 तेबे शाऊल जमीना पाँदा ते उठेया, पर जेबे तिने आखी खोलिया तेबे तेसखे कुछ नि दिशेया। तेबे सेयो तेसरा आथ पकड़ी की तेसखे दमिश्क नगरो खे लयी गे। 9 से तीन दिन तक नि देखी सकेया और नाई तिने खाया-पिया। 10 दमिश्क नगरो रे हनन्याह नाओं रा एक चेला था, तेसखे प्रभु यीशुए दर्शनो रे बोलेया, “ओ हनन्याह!” तिने बोलेया, “हा प्रभु!” 11 तेबे प्रभु यीशुए तेसखे बोलेया, “उठी की तेसा गलिया रे जा, जेतेखे सीदी बोलोए और यहूदा रे कअरे शाऊल नाओं रे एक तरसुसो रे रणे वाले खे पूछी लो; कँड़कि देख, से प्रार्थना लगी रा करने। 12 तिने दर्शणो रे देखेया कि हनन्याह नाओं रे एक माणूए पीतरे आई की तेस पाँदे आथ राखे ताकि फेर देखणे लगो।” 13 हनन्याह बोलेया, “ओ प्रभु! मैं एस माणूए रे बारे रे बऊत जणेया ते सुणी राखेया कि इने यरूशलेमो रे तेरे पवित्र लोका साथे बडिया-बडिया बुराईया करी राखिया। 14 और

एती बी एसखे बड़े पुरोईतो री तरफा ते अवक मिली रा कि जो लोक तां पाँदे विश्वास करोए, तिना सबी खे बानी की यरूशलेमो खे लयी जाओ।” 15 पर प्रभुए तेसखे बोलेया, “तूँ चली जा, कँड़कि से तो दूजी जातिया और राजा और इसाएली लोका सामणे मेरा नाओं रा प्रचार करने खे मेरा चुणो रा जणा ए। 16 और मां तेसखे बताणा कि मेरे नाओं खे तेसखे केड़ा-केड़ा दुःख उठाणा पड़ना।” 17 तेबे हनन्याह उठेया और तेस कअरो रे गया जेती शाऊल था और तेस पाँदे आपणा आथ राखेया और बोलेया, “ओ शाऊल पाई! प्रभु, मतलब-यीशु जो तेसा बाटा रे, जिसिये तूँ आया और ताखे दिशेया था, तिने ई आऊं पेजी राखेया, ताकि तूँ फेर देखणे लगो और पवित्र आत्मा ते परिपूर्ण ऊई जाओ।” 18 तेबे तेसरी आखी ते छिलके जे निकले और से देखणे लगेया और तिने उठी की बपतिस्मा लया, 19 तेबे रोटी खाई की तागत पाई। से कई दिन तक तिना चेलेया साथे रया, जो दमिश्क नगरो रे थे। 20 तेबे से फटाफट दमिश्क नगरो रे प्रार्थना रे कअरो रे प्रभु यीशुए रा प्रचार करने लगेया, “यीशु ई परमेश्वरो रा पुत्र ए।” 21 तेबे सब सुनने वाले हैरान ऊई की बोलणे लगे, “क्या ये सेई माणू निए, जो यरूशलेमो रे तिना खे जो यीशुए रे विश्वासी थे, नाश करी देओ था और एती बी इजी खे आया था कि तिना खे बानी कि बड़े पुरोईतो गे लयी जाओ।” 22 पर शाऊल ओर बी सामर्थी ऊंदा गया और एसा गल्ला रा सबूत देई-देई की कि मसीह येईए, दमिश्क नगरो रे रणे वाला यहूदिया रा मूँ बंद करदा रया। 23 जेबे बऊत दिन बीती गे, तेबे यहूदिये मिली की तेसखे काणे री तरकीब निकलाली। 24 पर तिना री तरकीब शाऊलो खे पता लगी गी। सेयो तो तेसखे काणे री ताका रे रात-दिन फाटको रिये लगे रे रओ थे, 25 पर राथियो खे चेलेया शाऊल टोकरिया रे बठयालेया और शहरपनाहो पाँदा ते लटकाई की उतारी ता। 26 यरूशलेमो रे जाई की तिने चेलेया साथे मिलणे रा उपाय कितेया, पर सब तेसरे डरो थे, कँड़कि तिना खे विश्वास नि ओ था कि से बी चेला ए। 27 पर बरनबासे से आपू साथे प्रेरिता गे लयी जाई की तिना खे बोलेया कि इने किंयाँ प्रभु यीशु दमिश्क नगरो री बाटा रे देखेया और इने तेस साथे गल्ला कित्तिया और तेबे इने दमिश्को रे बड़ी ई इम्मता साथे प्रभु यीशुए रा प्रचार कितेया। 28 चेलेया बरनबासो री गल्ला पाँदे विश्वास कितेया और शाऊल तिना साथे यरूशलेमो रे आऊंदा-जांदा रया और निडर ऊई की प्रभु यीशुए रे नाओं रा प्रचार करो था। 29 से यूनानी पाशा बोलणे वाले यहूदिया साथे गल्ल-बात और बईस करो था। तेबे सेयो तेसखे काणे री कोशिश करने लगे। 30 ये जाणी की पाई तेसखे कैसरिया नगरो रे ली आए और तरसुस नगरो खे पेजी ता। 31 तेबे सारे यहूदिया, गलील और सामरिया प्रदेशो री मण्डलिया खे चैन मिलेया और मण्डली विश्वासो रे बड़दी गई। से प्रभुए रे डरो रे और पवित्र आत्मा री शान्तिया रे चलदी और गिणतिया रे बड़दी गई। 32 तेबे एडा ऊआ कि पतरस सबी प्रदेशो रे कुमदा-फिरदा ऊआ तिना पवित्र लोका गे बी पँछेया, जो लुद्दा नगरो रे रओ थे। 33 तेती तेसखे ऐनियास नाओं रा माणू मिलेया, जेसखे अदरंग था और से आठ

साला ते माँजे पांदै पड़ेया रा रओ था। 34 पतरसे तेसखे बोलेया, “ओ ऐनियास! प्रभु यीशु मसीह ताखे ठीक करोआ, उठ, आपणा बछउणा बछा। तेबे से फटाफट खड़ा ऊईगा।” 35 तेबे लुद्धा और शारोण नगरो रे बऊत सारे रण वाले, तेसखे देखी की प्रभु यीशुए पांदै विश्वास कित्तेया। 36 याफा नगरो रे तबीता, मतलब-दोरकास प्रभु यीशुए पांदै विश्वास करने वाली चेली रओ थी। से बऊत खरे काम और दान करदी रओ थी। 37 तिना दिना रे जेबे पतरस लुद्धा नगरो रे था से बमार ऊई की मरी गी और तिने से नुलाई की बाऊड़ी रे राखी ती। 38 लुद्धा याफा रे नेडे था, चेलेया ये सुणी की कि पतरस तेती ये, दो मांणू पेजी की तेसते बिनती कित्ती कि, “आऊणे रे देर नि कर।” 39 तेबे पतरस तिना साथे आईगा और जेबे पाँछी गा, तेबे सेयो तेसखे तेस बाऊड़ी रे लयी गे और तेती सब बिदुआ रोंदिया उईया तेसगे खड़िया ऊई गिया और जो टाले और कुरते दोरकासे तिना साथे रंदे ऊए बणाए थे, दखाणे लगिया। 40 तेबे पतरसे सब जणियां बारे करी तिया और कुटणे टेकी की प्रार्थना कित्ती और लोथा रे कनारे देखी की बोलेया, “ओ तबीत! उठ!” तेबे तेसे आपणी आखिया खोली तिया और पतरसो खे देखी की उठी की बैठी गी। 41 तिने आथो रा सआरा लगाई की से ठवाली और पवित्र लोका खे और बिदुआ खे बुलाई की से जिऊंदी-जागदी दखाई ती। 42 ये गल्ल सारे याफा नगरो रे फैली गी और बऊत जणेया प्रभु यीशुए पांदै विश्वास कित्तेया। 43 पतरस याफा नगरो रे शमौन नाओं रे केसी चामड़े रा काम करने वाले मांणूए रे कअरे बऊत दिनो तक रया।

10 कैसरिया नगरो रे कुरनेलियुस नाओं रा एक मांणू था, जो

इतालियानी नाओं री पलटणा रा सूबेदार था। 2 से विश्वासी था और आपणे सारे करने समेत परमेशरो ते डरो था और से यहूदिया रे लोका खे बऊत दान देओ था और हर रोज परमेशरो ते प्रार्थना करो था। 3 तिने दिनो रे तीजे पईरो रे नेडे दर्शनो रे साप देखेया कि परमेशरो रा एक स्वर्गदूत तेसगे पीतरे आयी की बोलोआ, “ओ कुरनेलियुस!” 4 कुरनेलियुसे से त्यानो साथे देखेया और डरी की बोलेया, “ओ प्रभु! क्या ए?” तिने तेसखे बोलेया, “तेरी प्रार्थना और तेरे दान याद करने खे परमेशरो रे सामणे पाँछी रे 5 और एबे याफा नगरो रे कोई मांणूआ खे पेजी की शमौनो खे, जेसखे पतरस बोलोए, बुलाई लो। 6 शमौन चामड़े रा काम करने वाले रे कअरे पराऊणा ए, जेसरा कअर समुद्रो रे कनारे ए।” 7 जेबे से स्वर्गदूत जिने तेस साथे गल्ला कित्तिया थिया, चली गा, तेबे तिने दो दास और जो तेस साथे रओ थे, तिना बीचा ते एक विश्वासी सिपाई बुलाया। 8 तिना खे सारिया गल्ला बार्ताई की सेयो याफा नगरो खे पतरसो खे बुलाणे पेजे। 9 दूजे दिने जेबे सेयो चलदे ऊए नगरो रे पाँछे, तेबे त्याडिया जे पतरस छतो पांदै प्रार्थना करने खे चढ़ेया। 10 तेबे तेसखे पूख लगी और से कुछ खाणा चाओे था; पर जेबे सेयो रेटी बनाए री त्यारी करने लगी रे थे, तदुओं की से बेओश ऊईगा। 11 तेबे तिने देखेया कि सर्ग खुली गा और एक बड़ी चादर, पांडे जेडी चँडू कूणे ते लटकी री, तरतिया री तरफा खे उतरने लगी री। 12 जिदे तरतिया रे

सब प्रकारा रे चँडू पैरा वाले जानवर और रेंगणे वाले जन्तु और सर्गों रे पांछी थे। 13 तेबे तेसखे एक शब्द सुणेया, “ओ पतरस उठ और काई की खा।” 14 पर पतरसे बोलेया, “ना प्रभु, कदी पनि, कँड़कि मैं कदी बी अपवित्र या अशुद्ध चीज नि खाई।” 15 तेबे दूजी बार तेसखे शब्द सुणेया, “जो कुछ परमेशरे शुद्ध ऊर्हाई राखेया, तेसखे अशुद्ध नि बोल।” 16 तीन बार एड़ा ई ऊआ। तेबे फटाफट से पांडा सर्गों खे चकी ता। 17 जेबे पतरस आपणे मनो रे दुबिदा रे था कि ये दर्शन जो मैं देखेया क्या ऊई सकोआ? तेबे देखो, सेयो मांणू जो कुरनेलियुसे पेजे थे, शमौनो रे कअरो रा पता लगाई की द्वारो पांदै आयी की खड़े ऊईगे 18 और आक्का पाई की पूछणे लगे, “क्या शमौन, जेसखे पतरस बोलोए, एथी पराऊणा ए?” 19 पतरस तो तेस दर्शनो रे बारे रे सोचणे ई लगी रा था कि पवित्र आत्मे तेसखे बोलेया, “देख तीन मांणू ताखे टोलने लगी रे। 20 तो उठ और थाले जा और फटाफट तिना साथे चली जा, कँड़कि मैं ई सेयो पेजी राखे।” 21 तेबे पतरसे उतरी की तिना मांणूआ खे बोलेया, “देखो, जेसखे तुसे टोलने लगी रे, से आऊँ ईए। तुसा रे आऊणे री क्या बजअ ए?” 22 तिने बोलेया, “कुरनेलियुस सूबेदार, जो तर्मी और परमेशरो ते डरने वाला ए और सारी यहूदी जातिया रे जाणेया-माणेया मांणू ए, तिने एक पवित्र स्वर्गदूतो ते चेतावणी पाई कि ताखे आपणे कअरे बुलाई की तांते वचन सुणो।” 23 तेबे तिने सेयो पीतरे बुलाई की तिना री पराऊणारी किन्नी और दूजे दिने से तिना साथे गया और याफा नगरो रे कुछ विश्वासी पाईया बीचा ते कई जणे तेस साथे चली पड़े। 24 दूजे दिने सेयो कैसरिया नगरो रे पाँछे और कुरनेलियुस आपणे टब्बरो वालेया साथे और खास दोस्ता साथे कट्टे ऊई की तिना खे न्यालने लगी रा था। 25 जेबे पतरस पीतरे आऊणे लगी रा था, तेबे कुरनेलियुस तेसखे मिलेया और तेसरे पैरा पांदै पड़ी की माथा टेकेया। 26 पर पतरसे तेसखे उठाली की बोलेया, “खड़ा ओ, आऊँ बी तो मांणू ए।” 27 तेबे से तेस साथे बातचीत करदा ऊआ पीतरो खे गया। तेबे तिने बऊत सारे लोक कट्टे देखी की 28 पतरसे तिना खे बोलेया, “तुसे जाणोए कि दुजिया जातिया साथे संगति करना या तेसरे कअरे जाणा, यहूदी नियमा रे खलाफ ए, पर परमेशरो माखे बताई राखेया कि केसी बी मांणूए खे अशुद्ध या अपवित्र नि बोलो।” 29 तेबे ई तो जेबे आऊँ बुलाया, तेबे बिना कुछ बोले चली की आया। एबे आऊँ पुँछूँआ कि आऊँ किजी खे बुलाई राखेया?” 30 कुरनेलियुसे बोलेया, “एसा कअडिया चार दिन पूरे ऊईगे, आऊँ आपणे कअरे तीजे पईरो रे प्रार्थना करने लगी रा था, तेबे देखो, एक मांणू चमकीले टाले पईरी की मां सामणे आयी की खड़ा ऊईगा 31 और बोलणे लगेया कि, ओ कुरनेलियुस! तेरी प्रार्थना सुणी ली री और तेरे दान परमेशरो रे सामणे याद करी राखे। 32 इजी री खातर केसी खे याफा नगरो रे पेजी की शमौनो खे, जेसखे पतरस बोलोए, तेसखे बुला। से समुद्रो रे कनारे शमौन चामड़े रा काम करने वाले रे कअरे पराऊणा ए। तेस आई की तुसा खे परमेशरो रा संदेश सुनाणा। 33 तेबे मैं फटाफट तांगे लोक पेजे और तें खरा कित्तेया जो आईगा। एबे आसे

सब परमेश्वरो सामणे ए, ताकि जो कुछ परमेश्वरे तांगे बोली राखेया, से सुणिए।” 34 तेबे पतरसे बोलेया, “एबे माखे निश्च ऊआ कि परमेश्वर केसी रा पक्षपात नि करदा। 35 बल्कि हर जातिया दे, जो परमेश्वरो ते डरोआ और तर्मो रे काम करोआ, से तेसखे अच्छा लगोआ। 36 जो वचन तिने इसाएलिया मे पेजेया, जेबे तिने प्रभु यीशु मसीहे रे जरिए (जो सबी रा प्रभु ए) शान्तिया रा सुसमाचार सुणाया। 37 से वचन तुसे जाणोए, जो यूहन्ने रे बपतिस्मे रे प्रचारो ते बाद गलील प्रदेशो ते शुरु उई की यहूदिया प्रदेशो रे बऊत सारी जगा रे फैली गा। 38 परमेश्वरे किंयाँ प्रभु यीशु नासरी पवित्र आत्मा और सामर्था ते अभिषेक किते। से पलाई करो था और बऊत सारे लोक जो शैतानो रे सताए रे ओ थे, अच्छा करदा फिरेया, कऊंकि परमेश्वर तेस साथे था। 39 “आसे तिना सबी कामो रे गवा ए, जो तिने यहूदिया प्रदेशो रे और यरूशलेमो रे बी किते और यहूदी अगुवे से यरूशलेमो रे क्रूसो पाँदे लटकाई की काई ता। 40 पर से परमेश्वरे तीजे दिने जिऊँदा कितेया और प्रगट बी करी ता। 41 सबी लोका खे नि, बल्कि तिना गवाओ पाँदे, जो परमेश्वरे पइले ई चुनी ले थे, मतलब-आसा पाँदे, जिने तेसरे मरने और जिऊँदे ऊणे ते बाद तेस साथे खाया-पिया। 42 तिने आसा खे आज्ञा दिती कि सबी लोका बीचे प्रचार करो और गवाई देओ कि ये सईं, जो परमेश्वरे जिऊँदेया रा और मरे रेया रा न्यायी ठराई राखेया। 43 तेसरी सब भविष्यबक्ता गवाई देओए, ताकि जो कोई तेस पाँदे विश्वास करो, तेसखे तेसरे नाओं ते पापो ते माफी मिलणी।” 44 पतरस इना गल्ला खे बोलणे ई लगी रा था कि वचनो रे सबी सुणने वालेया पाँदे पवित्र आत्मा उतरी गा 45 और जितणे खतना करे यहूदी विश्वासी पतरसो साथे आए थे, सेयो सब हैरान ऊझी कि दुजिया जातिया पाँदे बी पवित्र आत्मा रा दान लटी राखेया। 46 कऊंकि तिने सेयो लग-लग पाषा बोलदे ऊए और परमेश्वरो री तारीफ करदे ऊए सुणे। 47 तेबे पतरसे बोलेया, “क्या कोई पाणिए खे रोकी सकोआ कि यो बपतिस्मा नि पाओ, जिने आसा जेडा परमेश्वरो री तरफा ते पवित्र आत्मा पाई राखेया?” 48 और पतरसे आज्ञा दिती कि तिना खे प्रभु यीशु मसीहे रे नाओं ते बपतिस्मा देओ, तेबे तिने तेसरे बिनती किती कि तुसे कुछ दिन ओर आसा साथे रओ। तेबे से तिना साथे कुछ दिन ओर रईगा।

11 तेबे प्रेरिते और विश्वासी पाईए जो यहूदिया प्रदेशो रे थे, सुणेया कि दुजिये जातिये बी परमेश्वरो रा वचन मानी ला रा। 2 जेबे पतरस यरूशलेमो रे आया, तेबे खतना करे रे यहूदी विश्वासी तेस साथे बईस करने लगे 3 और बोलेया, “तैं बिना खतना कराए दूजी जातिया रे कअरे जाई की तिना साथे खाणा बी खाई ला।” 4 तेबे पतरसे तिना खे शुरुओ ते एक-एक करी की सुणाया, 5 “आऊँ याफा नगरो रे प्रार्थना करने लगी रा था और बेओश ऊई की एक दर्शन देखेया, कि एक बड़ी चादर, एक पाँदे जेडी, चऊँ कूणे ते लटकी री सर्गे ते ऊतरी की मांगे आयी। 6 जेबे मैं तिजी पाँदे त्यान कितेया, तेबे तिदे तरतिया रे चऊँ पैरा वाले जानवर और बणो रे पशु, लूरने वाले जन्तु और सर्गो रे पंछी देखे 7 और ये शब्द

बी सुणेया, ‘ओ पतरस उठ, मार और खा।’ 8 “मैं बोलेया, ‘ना प्रभु! ना, कऊंकि कोई बी अपवित्र या अशुद्ध चीज मैं कदी नि खाई।’ 9 तेबे एतेरे जवाबो रे दूजी बार सर्गो ते शब्द ऊआ, ‘जो कुछ परमेश्वरे शुद्ध ठराई राखेया, तेसखे अशुद्ध नि बोल।’ 10 तीन बार एडा ई ऊआ, तेबे सब कुछ सर्गो खे खिंजी ता। 11 और देखो, तेबुई तीन मांणू, जो कैसरिया नारो ते मांगे पेजी राखे थे, तेस कअरो रे, जेती आसे थे, आयी की खड़े ऊईंगे। 12 तेबे पवित्र आत्मे माखे तिना साथे चुप-चाप जाणे खे बोलेया और यो छे पाई बी मां साथे आईंगे और आसे तेस मांणूए रे कअरे गये। 13 तिने आसा गे बताया कि मैं एक स्वर्गदूत आपणे कअरे खड़े रा देखेया, जिने माखे बोलेया कि याफा रे मांणूआ खे पेजी की शमौनो खे, जेसखे पतरस बी बोलोए, बुला। 14 तेस तांगे एडिया गल्ला बोलणिया, जेते साथे तां और तेरे कराने उद्धार पाणा। 15 “जेबे आऊँ तिना साथे गल्ला लगी रा था करने, तेबे पवित्र आत्मा तिना पाँदे तियाँ ई आया, जियाँ शुरुओ रे पेन्टिकूस्तो रे दिने आसा पाँदे उतरेया था। 16 तेबे माखे प्रभुए रा से वचन याद आया, जो तिने बोलेया था, ‘यूहन्ने तो पाणिए साथे बपतिस्मा दितेया, पर तुसा पवित्र आत्मा रा बपतिस्मा पाणा।’ 17 तो जेबे परमेश्वरे बी तिना खे सईं दान दितेया, जो आसा खे प्रभु यीशु मसीह पाँदे विश्वास करने ते मिलेया था, तो आऊँ कुण था, जो परमेश्वरो खे रोकी सकूँआ?” 18 ये सुणी की यहूदी विश्वासी चुप रथे और परमेश्वरो री तारीफ करी की बोलणे लगे, “तेबे तो परमेश्वरे दुजिया जातिया खे बी अनन्त जीवनो खे बुरे कामा ते मन फिराणे रा मौका दई राखेया।” 19 तेबे जो लोक तेस क्लेशो रे मारे जो स्तिफुनुसो री बजअ ते पड़ेया था, और-पोरे ऊईंगे थे, तेबे सेयो कूमदे-फिरदे फीनीके प्रदेश, साईप्रस टापू और अन्ताकिया नगरो रे पँछें, पर सेयो यहूदिया ते अलावा केसी ओरी खे परमेश्वरो रा वचन नि सुणाओ थे। 20 पर तिना बीचा ते कुछ विश्वासी साईप्रसवासी और कुरेनी थे, जो अन्ताकिया नगरो रे आयी की यूनानिया खे बी प्रभु यीशु मसीह रे सुसमाचारो रिया गल्ला सुणाओ थे। 21 प्रभुए री सामर्थ तिना साथे थी और बऊत सारे दूजिया जातिया रे लोक तिना रे संदेशो पाँदे विश्वास करी की प्रभुए री तरफा खे फिरी गे। 22 जेबे तिना रे बारे रे यरूशलेमो री मण्डलिया रे सुणने खे मिलेया, तेबे तिने बरनबास अन्ताकिया नगरो खे पेजेया। 23 से तेती पऊँछी की और परमेश्वरो री कृपा देखी की खुश ऊआ और तिने सबी खे उपदेश दितेया कि तन-मन लगाई की प्रभुए साथे चीपटे रे रओ। 24 बरनबास एक खरा मांणू था और पवित्र आत्मा और विश्वासो रे परिपूर्ण था और बऊत सारे लोक प्रभुए रे मिली गे। 25 तेबे बरनबास शाऊलो खे टोलने तरसुसो खे चली गा। 26 और जेबे सेयो तेसखे मिले, तो तेसखे अन्ताकिया नगरो रे ली आया। तेबे एडा ऊआ कि बरनबास और शाऊल एक साल तक मण्डलिया साथे मिलदे और बऊत सारे लोका खे यीशुए रा उपदेश देंदे रथे और चेलेया खे सबी ते पईले अन्ताकिया नगरो रे मसीह बोलेया। 27 तिना दिना रई कुछ विश्वासी जो भविष्यबक्ता थे, यरूशलेमो ते अन्ताकिया नगरो खे आए। 28 तिना बीचा ते अगबुस नाओं रे एक

भविष्यबक्ते खड़े ऊई की पवित्र आत्मा री प्रेरणा ते ये बताया कि सारी दुनिया रे बऊत बड़ा अकाल पड़ना और से अकाल कलौदियुस महाराजे रे बखतो रे पड़ना। 29 चेलेया न्याय कित्तेया कि हर एक आपणिया-आपणिया आऊँदणियां रे मुताबिक, यदूदिया प्रदेशो रे रगे वाले विश्वासी पाईया री मतादा खे कुछ पेजो। 30 तिने एडा ई कित्तेया और बरनबास और शाऊलो गे बुर्जुग लोका खे कुछ पैसे पेजी ते।

12 तेस बखते हेरोदेस राजा मण्डलिया रे कई लोक दुःख देणे खे पकड़े।

तिने देखेया कि यहूदी लोक इजी ते खुश ओए, तेबे तिने पतरस बी पकड़ी ता। सेयो अखमीरी रोटिया रे त्योआरो रे दिन थे। 4 हेरोदेसे पतरस पकड़ी की जेला रे पायी ता और रखवालिया खे चार-चार सिपाईया खे चार पट्ठर रे राखेया। एडी इच्छा ते ताकि तेसखे फस्ह हे त्योआरो ते बाद लोका सामणे ल्याईए। 5 पतरस जेला रे कई दिना ते बंद था, पर मण्डली तेसरी खातर दिऊआ बाली की परमेशरो ते प्रार्थना लगी री थी करने। 6 जेबे हेरोदेस तेसखे लोका सामणे मुकद्दमा चलाणे खे ल्याऊणे वाला था, तो तेसा ई राती पतरस दो जंजीरा साथे बाने रा, दो सिपाईया रे बीचे सउणे लगी रा था और पट्टियार द्वारो पाँद जेला री रखवाली लगी रे थे करने। 7 अचाणक प्रभुए रा एक स्वर्गदूत आयी की पतरसो रे नेड़े खड़ा ऊईगा और तेती कोठिया रे जोति चमकणे लगी और तिने पतरसो री पसलिया रे आथ बाई की से जगाया और बोलेया, “उठ, फटाफट कर!” तेसरे आथो ते जंजीरा खुली की छूटी गिया। 8 तेबे स्वर्गदूते तेसखे बोलेया, “लक बान और आपणे बूट पईनी लो।” तिने तेडा ई कित्तेया। तेबे स्वर्गदूते तेसखे बोलेया, “आपणे टाले पईनी की मां पीछे आईजा।” 9 से निकली की तेस पीछे आईगा, पर ये नि जाणो था कि जो स्वर्गदूत करने लगी रा, से सच्ची ये, बल्कि ये समजणे लगी रा था कि आऊँ सुपना लगी रा देखणे। 10 तेबे सेयो पईले और दूजे पईर ते निकली की तेस लोए रे फाटको गे पऊँछे, जो नगरो री तरफा खे था। से तिना खे आपू तई खुली गा और सेयो निकली की एकी गलिया रिये गये, तदुओ की स्वर्गदूत तेसखे छाडी की चली गा। 11 तेबे पतरसे ओशा रे आयी की बोलेया, “एबे आऊँ सच जाणी गा रा कि प्रभुए आपणा स्वर्गदूत पेजी की आऊँ हेरोदेसो रे आथो ते छुड़ाई ता और यहूदी अगुवा री सारी उम्मीद तोड़ी ती।” 12 ये जाणी की परमेशरो से छुड़ाई ता रा पतरस तेस यूहन्ने री आम्मा मरियमा रे कअरो आया, जेसखे मरकुस बी बोलोए। तेती बऊत सारे विश्वासी कह्ते ऊई की प्रार्थना करने लगी रे थे। 13 जेबे तिने फाटको री दवारी खटखटाई तेबे रुदे नाऊं री एक दासी देखणे आयी। 14 पतरसो री आवाज पछाणी की तेसे खुशिया रे मारे फाटक नि खोलेया, पर पीतरे दौड़ी की गयी और बताया, “पतरस द्वारो पाँद खड़ी रा।” 15 तिने तेसा खे बोलेया, “त्यूँ पागल ए?” पर से पक्का ऊई की बोलणे लगी कि से पतरस ईए। तेबे तिने बोलेया, “तेसरा स्वर्गदूत ऊणा।” 16 पर पतरस दरवाजा खटखटांदा ई रथ्या। तेबे तिने द्वारी खोली और तेसखे देखी की हैरान ऊईगे। 17 तेबे तिने तिना खे आथो साथे

सारा कित्तेया कि चुप रओ और तिना खे बताया कि प्रभु माखे कियाँ जेला ते निकलाली की ल्याया और बोलेया, “याकूब और पाईया खे ये गल्ल बताई देणी।” तेबे से निकली की दूजी जगा खे चली गा। 18 प्यागा-प्यागा सिपाईया बीचे अलाला-गोलला ऊणे लगेया कि पतरसो रा क्या ऊआ? 19 जेबे हेरोदेसे तेसखे टोलने री आज्ञा दित्ती और मिलेया नि, तेबे तिने पट्टियारा री परख करी की तिना खे आज्ञा दित्ती कि तिना खे काई दो। तेबे से यहूदिया प्रदेशो खे छाडी की कैसिरिया नगरो रे जाई की कुछ बखतो खे रण लगेया। 20 राजा हेरोदेसे सूर और सैदा नारो रे लोका ते बऊत नराज था। तेबे सेयो एक मन ऊई की हेरोदेसो गे आए। तिने बलास्तुसो खे, जो राजे रा एक दास था, मनाई की मेल-जोल करना चाया, कऊँकि हेरोदेसो राजे रे देशो ते तिना रे देशो रा पालण-पोषण ओ था। 21 ठाराए रे दिनो रे हेरोदेस राजवस्त्र पईनी की न्याय आसणो रे बैठेया और तिना खे पाषण देणे लगेया। 22 तेबे लोक जोरे की बोलणे लगे, “ये तो मांणूप रा नि, पर परमेशरो रा शब्द ए।” 23 तेसी बखते प्रभुए रे एक स्वर्गदूते तेबुई तेसखे बाई, कऊँकि तिने परमेशरो री महिमा नि कित्ती और तेसरे कीडे पड़ी गे और कीडे पड़ने री बजअ ते से मरी गा। 24 पर परमेशरो रा वचन लगातार फैलदा गया और विश्वासिया री गिणती बड़ी गई। 25 जेबे बरनबास और शाऊल यहूदिया प्रदेशो रे यहूदी विश्वासिया खे मताद करने रा काम पुरा करी चुके, तेबे यूहन्ने खे, जेसखे मरकुस बी बोलोए, साथे लयी की यरुशलेमो ते अन्ताकिया खे वापस ऊए।

13 अन्ताकिया नगरो री मण्डलिया रे कई भविष्यबक्ता और उपदेशक थे।

जिंयाँ-बरनबास, शमौन जेसरा दूजा नाओं नीगर बी बोलोए, लूकियुस कुरेनी और चौथाई देशो रे राजे हेरोदेसो साथे पलेया-बड़ेया रा पई मनाहेम और शाऊल। 2 जेबे सेयो बअरतो साथे प्रभुए री भक्ति करने लगी रे थे, तेबे पवित्र आम्ने बोलेया, “मेरी तंडी बरनबासो खे और शाऊलो खे तेस काम करने खे लग करी दोए, जेतेरी खातर मैं सेयो बुलाई राख्ये।” 3 तेबे तिने बअरत और प्रार्थना करी की और तिना पाँद आथ राखी की सेयो परमेशरो रा काम करने खे पेजे। 4 तेबे बरनबास और शाऊल पवित्र आत्मा रे पेजे रे अन्ताकिया नगरो ते सिलूकिया नारो खे गये और तेथा ते जाह्जो रे चढ़ी की साईप्रस टापूप धाँदे सलमीसो खे चली गे। 5 तेबे तिने सलमीसो रे पऊँछी की परमेशरो रा वचन यहूदिया रे प्रार्थना रे कअरो रे सुणाया और यूहन्ना मरकुस तिना री मताद करने वाला था। 6 सेयो तेस सारे टापूओ रिये ताँदे ऊए पाफुस नगरो तक पऊँछे। तेती तिना खे बारवीशु नाओं रा एक यहूदी जादू-टोणे वाला और चूठा भविष्यबक्ता मिलेया। 7 से हाकिम, सिरगियुस पौलुसो साथे था। सिरगियुस पौलुस अक्लमंद मांणू था। तिने बरनबास और शाऊलो खे आपू गे बुलाई की परमेशरो रा वचन सुणना चाया। 8 पर एलिमास जादू करने वाले, कऊँकि येई तेसरे नाओं रा मतलब ए, तिना रा बिरोद करी की हाकिमो खे यीशुए पाँदे विश्वास करने ते रोकणा चाओ था। 9 तेबे शाऊल, जेसरा नाओं पौलुस बी ए, तिने पवित्र आत्मा ते परिपूर्ण

ऊर्झ की एलिमास जादूगरो री तरफा खे एक टक लगाई की देखेया और बोलेया, 10 “ओ सारे कपठ और ऊशयारिया ते परे रे शतानो री ल्वाद! सकल तर्मो रे बैरी, क्या तां प्रभुए री सीदी बाट, टेडी करने ते नि छाड़ीनी? 11 एबे देख, प्रभुए री सजा ताखे मिलणी और तूँ कुछ बखतो तक अन्दा रणा और सूरज नि देखणा।” तेबे तेबुई चाला-माला और न्हेरा तेस पाँदे छाईगा और से ओरे-पोरे टटोलने लगेया, ताकि कोई तेसरा आथ पकड़ी की लयी चलो। 12 तेबे हाकिमे जो कुछ ऊई रा था, से देखी की और प्रभुए रे उपदेशो ते हैरान ऊई की प्रभु यीशुए पाँदे विश्वास कित्तेया। 13 पौलुस और तेसरे साथी पाफुस नगरो ते जाह्ज खोली की पंफूलिया प्रदेशो रे पिरगा नगरो रे आए। तेबे यूहन्ना मरकुस तिना खे छाडी की यरूशलेमो खे वापस ऊईगा। 14 तेबे सेयो पिरगा नगरो ते आगे पँड़ठी की पिसिदिया प्रदेशो रे अन्ताकिया नगरो रे पँड़छे और आरामो रे दिने प्रार्थना रे कअरो रे जाई की बैठीगे। 15 मूसे रा बिधान और भविष्यत्केया री कताब पढ़ने ते बाद, प्रार्थना रे कअरो रे सरदारे तिना खे सन्देशा पेजेया, “ओ पाईयो! जे लोका री बढ़ोतरिया री खातर तुसा रे मनो रे कुछ गल्ल आए तो बोलो।” 16 तेबे पौलुसे खड़े ऊई की आथो साथे सारा करी की बोलेया, “ओ इसाएलियो! और परमेशरो ते डरने वालेयो, सुणो। 17 इना इसाएलिया रे लोका रे परमेशरे आसा रे बाप-दादे चुणी ले और जेबे सेयो मिस देशो रे परदेशी ऊई की रओ थे, तेबे तिना री तरकी कित्ती और बऊत बड़ी सामर्था साथे निकाली की ली आया। 18 एथो तक सेयो परमेशरो री आज्ञा खे तोड़दे रये तेबे बी परमेशर तिना खे कोई चाली साल तक सुनसाण जगा रे तिना खे सँझन करदा रया। 19 “तिने कनान देशो रे सात जातिया रा नाश करी की तिना री जमीन आपणे लोका रे कब्जे रे करी ती। 20 एते सारे कामो रे तकरीबन कोई साडे चार सौ साल लगे। इजी ते बाद परमेशरे तिना खे शमुएल भविष्यकता रे आऊणे तक तिना रे न्यायी ठराए। 21 जेबे शमूएल एबु बी तिना रा अगुवा था तेबे इसाएली लोके आपू खे एक राजा मांगेया। तेबे परमेशरे चाली साला खे बिन्यामीनो रे गोत्रा बीचा ते एक माण्यो खे, मतलब-कीशो रा पाऊ शाऊल, तिना रा राजा बणाया। 22 तेबे परमेशरे शाऊलो खे राजे रे पदो ते टाई की तेसरी जगा पाँदे दाऊदो खे इसाएलिया रा राजा बणाया। जेसे बोरे रे तिने गवाई दिती कि माखे यिशै रा पाऊ दाऊद, मेरे मनो रे मुताबिक मिली गा रा, तेस ई मेरी सारी इच्छा पूरी करनी। 23 “इजी रेई वंशो बीचा ते परमेशरे आपणे वादे रे मुताबिक, इसाएलो गे एक उद्घारकर्ता, मतलब-प्रभु यीशुए खे पेजेया। 24 जेसे आऊणे ते पईले यूहन्ने सबी इसाएलिया खे मन फिराणे रे बपतिस्मे रा प्रचार कित्तेया। 25 जेबे यूहन्ना आपणी सेवा पूरी करने वाला था, तेबे तिने बोलेया कि तुसे माखे क्या बोलोए? आऊँ मसीहे निए, पर देखो, जो मांते बाद एक आऊणे वाला ए, से मांते इतणा महान् ए, आऊँ तेसे पैरो रे जोड़े रे फिथे खोलणे जोगा बी निए। 26 “ओ पाईयो! तुसे जो अब्राहमो री ल्वाद ए और तुसे जो परमेशरो ते डरोए, तुसा गे एरो उद्घारो रा वचन पेजे राए। 27 यरूशलेमो रे रणे वाले और

तिना रे अधिकारिए, ना यीशु पछयाणा और ना भविष्यबके रिया गल्ला समजिया, जो हर आरामो रे दिने पड़ी जाओई। तेबेई से दोषी ठाई की सेयो गल्ला पुरिया कित्तिया। 28 तिने काणे जोगा तेसरे कोई दोष नि देखेया, तेबे बी पिलातुसे बिनती कित्ती कि से काया जाओ। 29 जेबे तिने तेसरे बारे रे पवित्र सास्त्रो रे लिखी रिया सारिया गल्ला पुरिया कित्तिया। तिने से कूसो पाँदे लटकाई की काई ता और तेबे कूसो पाँदे ते उतारी की कब्रा रे राखेया। 30 पर परमेशरे से मेरे रेया बीचा ते जिङ्डा कित्तेया। 31 और से तिना खे जो तेस साथे गलील प्रदेशो ते यरूशलेमो खे आए थे, बऊत दिनो तक आपणे चेलेया खे दिशदा रया। लोका सामणे एबे सेयो ई तेसरे गवा ए। 32 “आसे बी तुसा खे तेस वादे रे बारे दे, जो परमेशरे बाप-दादेया साथे कित्तेया था, ये सुसमाचार सुणाऊँए। 33 कि परमेशरे यीशुए खे मेरे रेया बीचा ते जिङ्डा करी की सई ई वादा आसा री ल्वादा खे पूरा कित्तेया, जेडा भजनसंहिता रे दूजे पजनो रे परमेशरे मसीहे रे बारे बोली राखेया कि “तूँ मेरा पुत्र ए, आज मैं ई तूँ पैदा करी राखेया। 34 “और तेसरे इंद्यां मेरे रेया बीचा ते जिङ्डा ऊरी ओरे बारे रे बी कि से कदी नि सँडो, परमेशरे ये बोली राखेया मां दाऊदो पाँदलिया पवित्र और अटल कृपा तुसा पाँदे करनिया। 35 तेबेई तो दाऊदे एकी ओरी पजनो रे बी बोली राखेया कि “तां आपणा पवित्र जन सँडेने नि देणा। 36 “कऊँकि दाऊद तो परमेशरो री इच्छा रे मुताबिक आपणे बखतो री सेवा पूरी करी की मरी गा और आपणे बाप-दादेया साथे जाई की मिली गा और सँडी बी गया। इजी रे जरिए आसे जाणूए कि दाऊदे ये गल्ला आपणे बारे रे नि बोली राखिया। 37 पर ये गल्ला यीशुए रे बारे रे बोली राखिया थिया जो परमेशरे मेरे रेया बीचा ते जिङ्डा करी राखेया, से सँडेया नि। 38 “इजी री खातर, ओ पाईयो! तुसे जाणी लो कि एसरी ई बजअ ते पापो री माफिया रा सुसमाचार तुसा खे दिशेया जाओआ 39 और जिना गल्ला साथे तुसे मूसे रिया बिधानो रे जरिए निर्दोष नि ठर्डी सको थे, तिना सबी ते हर एक विश्वास करने वाला, यीशुए री बजअ ते निर्दोष ठर्डीरोआ। 40 तेबेई तो चौकस रओ, एडा नि ओ कि जो भविष्यकता री कताबा रे लिखी राखेया, 41 तुसा पाँदे बी आओ कि, “ओ निन्दा करने वाले देखो और हैरान ओ और खत्म ऊई जाओ, कऊँकि आऊँ तुसा रे दिनो रे एक काम करूँसा, एडा काम कि जे कोई तुसा ते तिजी रे बारे रे पूछो, तो तुसा कदी विश्वास नि करना।” 42 पौलुस और बरनबासो रे प्रार्थना रे कअरो ते बारे निकल़दे बखते लोक तिना ते बिनती करने लगे कि आगले आरामो रे दिने तुसे आसा खे फेर इना गल्ला खे सुणाओ। 43 जेबे प्रार्थना रे कअरो रे लोक उठी गे, तेबे यहूदी और तिना रे मतो रे आए रे भक्ता बीचा ते बऊत पौलुस और बरनबासो पीछे आईगे और तिने तिना साथे गल्ला करी की सेयो समजयाए कि परमेशरो री कृपा रे बणे रे रओ। 44 आगले आरामो रे दिने नगरो रे तकरीबन सारे लोक परमेशरो रा वचन सुणने खे कठू ऊईगे। 45 पर यहूदी अगुवे पीड़ा खे देखी की जलना साथे परी गे और निन्दा करदे ऊँ पौलुसो री गल्ला रे बिरेदो रे बोलणे लगे। 46 तेबे पौलुस और बरनबासे निंदर ऊई की बोलेया, “जरूरी था

कि पईले तुसा खे परमेशरो रा वचन सुणाया जांदा। पर जबकि तुसे लोके से नकारिता और आपू खे अनन्त जीवनो जोगा बणाओए, तो देखो, आसे दुजिया जातिया खे परमेशरो रा वचन सुनाए खे जाऊँ। (aiōnios g166) 47 कऊँकि प्रभुए आसा खे ये आज्ञा दई राखी कि “मैं तूं दुजिया जातिया खे जोति ठारई राखेया; ताकि तुसा रे जरिए सारी तरतिया पाँदे उद्धार ल्याया जाओ।” 48 ये सुणी की दूजी जाति खुश ऊई और परमेशरो रे वचनो री तारीफ करने लगे और जितणे अनन्त जीवनो खे बणाई राखे थे, तिने विश्वास कितेया। (aiōnios g166) 49 तेबे प्रभुए रा वचन तेस सारे देशो रे फैलणे लगेया। 50 पर यहूदिया रे अगुवे भक्त और तर्मी जवाणसा और नगरो रे खास लोक उकसाए और पौलुस और बरनबासो पाँदे उपद्रव करवाई की सेयो आपणे इलाके ते निकाली ते। 51 तेबे पौलुस और बरनबास तिना सामणे आपणे पैरा री तूड़ चाड़ी की इकुनियुम नगरो खे चली गे 52 और अन्ताकिया नगरो रे चेले खुशिया साथे और पवित्र आत्मा ते परिपूर्ण ऊँदे गये।

14 इकुनियुम नगरो रे एड़ा ऊआ कि पौलुस और बरनबास यहूदिया रे प्रार्थना रे कअरो रे साथे गये और एडिया गल्ला कितिया कि यहूदी और यूनानिया बीचा ते कई जणे विश्वास कितेया। 2 पर ना मानणे वाले यहूदिये दुजिया जातिया रे मन विश्वासी पाईया रे खलाफ उकसाए और फूट पैदा करी ती। 3 पौलुस और बरनबास बऊत दिनो तक तेती रथे और प्रभुए पाँदे विश्वास करी की इम्मता साथे गल्ला करो थे और से तिना रे आथो साथे चिह्न और अचम्बे रे काम करवाओ था और आपणी कृपा रे वचनो पाँदे गवाई देओ था। 4 पर इलाके रे लोका बीचे फूट पड़ी गी थी और तेबे कुछ लोक यहूदिया रे कनारे और कुछ प्रेरिता री तरफा खे ऊँझे थे। 5 जेबे दूजी जाति और यहूदी तिना रा मजाक करने और तिना खे पथथराव करने खे आपणे अधिकारिया समेत तिना पाँदे दौड़े, 6 तेबे तिना खे एसा गल्ला रा पता लगी गा और सेयो लूकाउनिया प्रदेशो रे लुस्त्रा और दिर्बे रे नगरो रे और ओरे-पोरे रे प्रदेशो रे नठिगे 7 और तेती जाई की सुसमाचार सुनाए लगे। 8 लुस्त्रा नगरो रे एक माणू था बैठे रा, जो पैरा ते कमजौर था। से जन्मो तई लंगड़ा था और कटी पनि चली रा था। 9 से पौलुसो खे गल्ला करदे ऊए सुणने लगी रा था और तिने एक टक लगाई की देखेया कि एसखे ठीक ऊणे रा विश्वास ए 10 और जोरे की बोलेया, “आपणे पैरा रे पारे सीदा खड़ा ऊई जा।” तेबे से उटकी की चलणे-फिरने लगेया। 11 लोके पौलुसो पाँदे विश्वास करी की लूकाउनिया पाषा रे जोरे की बोलेया, “देवता आसा गे उतरी की आईगे रे।” 12 तेबे तिने बरनबासो खे यूनानी देवते रा नाअं पाँदे ज्यूस और पौलुसो खे हिरमेस बोलेया, कऊँकि ये संदेश करने रे खास था। 13 ज्यूस तेस मन्दरो रा पुजारी था, जो तेसरे नगरो ते सामणे था। बेल और फूला रे आर फाटका पाँदे लगाई की लोका साथे बलिदान करना चाहो था। 14 पर बरनबास और पौलुस प्रेरिते जेबे सुणेया, तो तेबे तिने आपणे टाले फाँड़े और पीड़ा रे लमखणे लगे और आकका पाई की बोलणे लगे, 15 “ओ लोको! तुसे क्या लगी रे करने? आसे बी तो तुसा जेड़े दुःख-

सुख पोगणे वाले माणू ए और तुसा खे सुसमाचार सुणाऊँए कि तुसे इना बेकारा रिया चीजा ते लग ऊई की जिऊँदे परमेशरो री तरफा खे फिरो, जिने स्वर्ग, तरती, समुद्र और जो कुछ तिना रे आए, से बणाया। 16 तिने बीते रे बखतो रे सब जातिया आपणी-आपणी बाटा रे चलणे दितिया। 17 तेबे बी तिने आपणे आपू खे बिना गवाओ ते नि छाडेया, पर से पला करदा रया और सर्गो ते बर्खा और फलदार ऋतु दई की तुसा रे मनो खे रोटी और खुशिया ते परदा रया।” 18 ये बोली की बी तिने लोक बडिया मुशिकला ते रोके कि तिना खे बलिदान नि करो। 19 पर कुछ यहूदिये अन्ताकिया और इकुनियुम नगरो ते आयी की लोक आपणी तरफा खे करी ते और पौलुसो खे पात्थर बाए और तेसखे मरे रा समजी की नगरो ते बारे कसिटी की लयी गे। 20 पर जेबे चेले आईकि तेसरे चऊँ कनारे खड़े ऊँझी, तेबे से उठी की नगरो खे चली गा और दूरे दिने बरनबासो साथे दिरबे खे चली गा। 21 तेबे पौलुस और बरनबास तेस नगरो रे लोका खे सुसमाचार सुणाई की और बऊत सारे चेले बणाई की लुस्त्रा और इकुनियुमो रे ऊँदे ऊए अन्ताकिया नगरो खे वापस ऊई 22 और सेयो हर नगरो रे चेलिया रे मनो खे स्थिर (पक्का) करदे रथे और ये उपदेश देंदे रओ थे कि विश्वासो रे बणे रे रओ और ये बोलदे रओ थे, “आसा खे बड़े कल्से उठाई की परमेशरो रे राज्य रे जाणा पड़ना” 23 और तिने हर एक मण्डलिया रे तिना खे बुजुर्ग ठर्डराए और बअरतो साथे प्रार्थना करी की सेयो प्रभुए रे आथो रे सम्बाली ते, जेस पाँदे तिने विश्वास कितेया था। 24 तेबे सेयो पिसिदिया प्रदेशो रे ऊँदे ऊए पंफूलिया प्रदेशो रे पक्छे। 25 तेबे पंफूलिया प्रदेशो रे पिरणा नगरो रे वचन सुणाई की अन्तलिया नगरो रे आए 26 और तेथा ते सेयो जाह्जो रे अन्ताकिया नगरो रे आए, जेथा ते तिना खे परमेशरो री कृपा रे सम्बाली की तेस कामो खे पेजेया था जेतेखे सेयो एबे पूरा करी की वापस आईगे। 27 तेती पक्छी की तिने मण्डली कट्टी कित्ती और तिना खे बताया कि परमेशरे आसा साथे रई की कितणे बड़े-बड़े काम किते और दुजिया जातिया खे विश्वासो रा दरवाजा खोली ता। 28 पौलुस और बरनबास चेलेया साथे बऊत दिन तक रथे।

15 तेबे कुछ यहूदी विश्वासी यहूदिया प्रदेशो ते अन्ताकिया नगरो रे आयी की विश्वासी पाईया खे सख्ताणे लगे, “जे मूसे री रवाजा रे मुताबिक तुसा रा खतना नि ओ तो तुसे उद्धार नि पाई सकदे।” 2 जेबे पौलुस और बरनबासो रा तिना साथे बऊत चगड़ा और बईस ऊई तो कलीसिये ये फैसला लया कि पौलुस और बरनबासो खे कुछ ओर माणूंसा साथे एसा गल्ला रे बारे रे सोचणे खे यस्तशलेम नगरो रे प्रेरिता और बुजुर्गा गे पेजो। 3 तेबे मण्डलिए सेयो थोड़ी जी दूर तक पक्छाए और सेयो फीनीके और सामरिया प्रदेशो ते ऊँदे ऊए दुजिया जातिया रे मन किराणे रा समाचार सुणाए गये और सब विश्वासी पाई खुश किते। 4 जेबे सेयो यस्तशलेमो रे पक्छे, तेबे मण्डली, प्रेरित और बुजुर्ग तिना साथे खुश ऊई की मिले और पौलुस और बरनबासे बताया कि परमेशरे आसा साथे रदे ऊए केड़े-केड़े काम किते थे। 5 पर फरीसिया रे पंथो बीचा ते जिने विश्वास कितेया था, तिना बीचा ते कई जणे उठी की

बोलेया, “दूजी जातिया खे खतना कराणा और मूसे रे बिधानो खे मानणे री आज्ञा देणी चाईयो।” 6 तेबे प्रेरित और बुजुर्ग एसा गल्ला रे बारे रे विचार करने खे कट्टे ऊए। 7 तेबे पतसे बऊत बईस ऊणे ते बाद खड़े ऊई की तिना खे बोलेया, “ओ पाईयो! तुसे जाणोए कि बऊत दिन ऊई कि परमेशरे तुसा बीचा ते आऊं चुणी ला रा, ताकि दूजी जाति मेरे मुंओ ते सुसमाचारो रा वचन सुणी की विश्वास करो। 8 मनो खे परखणे वाले परमेशरे तिना खे बी आसा जेडा पवित्र आत्मा दई की तिना री गवाई दिती 9 और विश्वासो रे जरिए तिना रे मन शुद्ध करी की आसा रे और तिना रे कोई फर्क नि राखेया। 10 तो एवे तुसे कठं परमेशरो री परीश्वा करोए की चेलेया री क्याडिया (गरदन) पाँदे दृष्टि जूँगड़ा राखो, जेतेखे ना म्हारे बापदादे चकी सको थे और ना आसे चकी सकदे? 11 पर आ, आसा रा ये तो निश्चा ए कि जियाँ तिना प्रभु यीशुए री कृपा ते उद्घार पाणा, तियाँ ई आसा बी पाणा।” 12 तेबे सारी सभा चुप-चाप ऊई की बरनबास और पौलुसो री सुणने लगी कि परमेशरे तिना रे जरिए दुजिया जातिया बीचे केढ़े-केढ़े चिह्न और अचम्बे रे काम दखाए। 13 जेबे बरनबासे और पौलुसे आपणा पाषण देणा बन्द कितेया, तेबे याकूब बोलणे लगेया, “ओ पाईयो, मेरी सुणो। 14 शमैन पतरसे बताया कि परमेशरे पईले-पईले दुजिया जातिया पाँदे केढ़ी कृपा दृष्टि किती कि तिना बीचा ते आपणे नाओं खे एक प्रजा बणाई लो। 15 इजी साथे भविष्यबक्ते रिया गल्ला बी मिलोईया, जेडा लिखी राखेया, 16 “इजी ते बाद मां फेर आयी की दाऊदो रा टले रा डेरा चकणा और तिजी रे खंडहर फेर बनाणे और से खड़ा करना। 17 ताकि बाकि मांगू मतलब-सब दुजिया जातिया, जो मेरे नाओं ते जाणे जाओए, प्रभुए खे टोलो। 18 ये सेई प्रभु बोलोआ, जो दुनिया री सृष्टिया ते इना गल्ला रा समाचार देंदा आयी रा। (aiōn g165) 19 “तेबे मेरा विचार ये कि दुजिया जातिया बीचा ते जो लोक परमेशरो री तरफा खे फिरोए, आसे तिना खे दुःख नि देईए। 20 पर तिना खे लिखी की पेजिये कि सेयो मूर्तिया री अशुद्धात्मा, व्याभिचार और गला कोटे रे मासो ते और खूनो ते दूर रओ। 21 कठंकि पुराणे बख्तो ते नगरो-नगरो रे मूसा रे बिधानो रा प्रचार करने वाले चलदे आयी रे और से हर आरामो रे दिने प्रार्थना रे करअरो रे पढ़ी जाऊई।” 22 तेबे यस्तलेमो री सारी मण्डलिया समेत प्रेरिता और बुजुर्ग खे अच्छा लगेया कि आपू बीचा ते कई मांगूआ खे चुणो, मतलब-यहूदा, जेसखे बरसब्बास बी बोलोए, सीलास जो विश्वासी पाईया रा मुखिया था, तिना खे पौलुस और बरनबासो साथे अन्ताकिया री कलीसिया खे पेजो। 23 तिने तिना रे आथो रे ये लिखी की पेजेया, “अन्ताकिया नगर, सीरिया और किलिकिया प्रदेशो रे रणे वाले सब विश्वासी पाईया खे जो दुजिया जातिया बीचा ते ए, प्रेरित और बुजुर्ग पाईया री नमस्ते। 24 आसे सुणी राखेया कि आसा बीचा ते कई जणेया तेती जाई की तुसे आपणी गल्ला ते कबराईते और तुसा रे मन पल्टी ते रे, पर आसे तिना खे आज्ञा नि दिती थी। 25 इजी री खातर आसे एक चित्त ऊई की ठीक समजेया कि चुणे रे मांगूआ खे आपणे प्यारे बरनबास और पौलुसो साथे तुसा गे

पेजिये। 26 ये तो एडे मांगू ए, जिने आपणे प्राण आसा रे प्रभु यीशु मसीही री खातर मुसीबता रे पाई राखे 27 और आसे यहूदा और सीलास पेजी राखे, जिना आपणे मुंओ ते बी यो गल्ला बोली देणियां। 28 पवित्र आत्मा और आसा खे ठीक लगेया कि इना जरुरी गल्ला खे लाडी की तुसा पाँदे और बोज नि पाँद 29 कि तुसे मूर्तिया रे सामणे बलि कित्ते रे और खूने ते, गला कोटे रे मासो ते और व्याभिचारो ते दूर रओ, तो तुसा रा पला ऊणा और शुभा।” 30 तेबे, सेयो विदा ऊई की अन्ताकिया नगर रे पँक्के और सभा कट्टी करी की से पवी तिना खे देईती। 31 सेयो पत्री पढ़ी की तेसे उपदेशो री गल्ला ते बऊत ई जादा खुश ऊई। 32 तेबे यहूदा और सीलासे, जो आपू बी भविष्यबक्ता थे, बऊत गल्ला साथे विश्वासी पाईया खे उपदेश दई की मजबूत कित्ते। 33 यहूदा और सीलास कुछ दिन रई कि विश्वासी पाईया ते शान्तिया साथे बिदा ऊए कि आपणे पेजणे वालेया गे यस्तलेमो खे जाओ। 34 पर सीलासे अन्ताकिया रई रणे रा निश्चा कित्तेया और यहूदा कल्ला ई यस्तलेमो खे चली गा। 35 पौलुस और बरनबास अन्ताकिया रई रई गे और बऊत और लोका साथे प्रभु यीशुए रा वचन और सुसमाचार सुणादे रये। 36 कुछ दिनो ते बाद पौलुसे बरनबासो खे बोलेया, “जेती-जेती नगरो रे आसे प्रभुए रा सुसमाचार सुणाया था, आओ, फेर चली की आपणे विश्वासी पाईया खे देख्यूए कि केढे ए।” 37 तेबे बरनबासे यूहन्ने खे, जेसखे मरकुस बी बोलोए, साथे लणे रा बिचार कित्तेया। 38 पर पौलुसे तेसखे, जो पंफूलिया प्रदेशो रे लग ऊईगा था और कामो खे तिना साथे नि गया, तेसखे साथे निणा अच्छा नि समजेया। 39 तेबे एडी बईस ऊई कि पौलुस और बरनबास एकी-दूजे ते लग ऊईगे और बरनबास मरकुसो खे लयी की जाह्जो रे साईप्रस टापूए खे चली गा। 40 पर पौलुसे सीलास चुणेया और विश्वासी पाईया खे परमेशरो री कृपा रे देई की तेथा ते चली गा। 41 से मण्डलिया खे मजबूत करदा ऊआ, सीरिया और किलिकिया प्रदेशो रिये ऊँदे ऊए गया।

16 तेबे से दिरबे और लुस्त्रा नगरो रे बी गया, और देखो, तेती तीमुथियुस नाओं रा एक चेला था, जो केसी विश्वासी यहूदिणिया रा पाऊ था, पर तेसरा पिता यूनान देशो रा रणे वाला था। 2 से लुस्त्रा और इकुनियुम नगरो रे विश्वासी पाईया बीचे जाणेया-मानेया रा था। 3 पौलुसो री इच्छा थी की ये बी मां साथे चलो और जो यहूदी लोक तिना जगा रे थे तिना री बजअ ते तेसरा खतना कित्तेया, कठंकि सेयो सब जाणो थे कि एसरा पिता यूनान देशो रा रणे वाला था। 4 तेबे पौलुस और तिना रे साथी नगरो-नगरो रे जांदे ऊए तिना बिधिया खे, जो यस्तलेमो रे प्रेरित और बुजुर्ग ठराई राखी थी, मानणे खे तिना खे पँक्कांदे जाओ थे। 5 ईयां मण्डली विश्वासो रे मजबूत ऊदी रई और गिणतिया रे हर रोज बड़दी गयी। 6 तेबे सेयो फूगिया और गलातिया रे प्रदेशो रिये ऊँदे ऊए गये और पवित्र आत्मे तिना खे आसिया प्रदेशो रे वचन सुनाणे खे ना कित्ती। 7 तेबे तिने मूसिया प्रदेशो रे नेडे पँक्कांदी की बितूनिया नगरो खे जाणा चाया, पर प्रभु यीशुए रे पवित्र आत्मे सेयो जाणे नि दित्ते। 8 तेबे

सेयो मूसिया प्रदेशो रे ऊई की त्रोआसो नगरो खे आए। 9 तेबे पौलुसे राथियो खे दर्शन देखेया कि एक मकदुनी मर्द खड़े रा, तेसते बिनती करी की बोलोआ, “पार उतरी की मकिदुनिया खे आओ और आसा री मताद कर।” 10 तेसरा ये दर्शन देखदे ई तिने फटाफट मकिदुनिया प्रदेशो खे जाणा चाया, ये समजी की कि परमेशरे सेयो सुसमाचार सुनाणे खे तेती बुलाई राखे। 11 तेबे त्रोआसो नगरो ते जाह्ज खोली की आसे सीदे सुमात्राके टापूए खे और दूजे दिने नियापुलिस नगरो खे आए। 12 तेथा ते आसे फिलिप्पिया रे पठँछे, जो मकिदुनिया प्रान्तो रा खास नगर और रोमिया री बस्ती थी और आसे तेस नगरो रे कई दिन तक रये। 13 आरामो रे दिने आसे नगरो रे फाटको ते बारे नदिया रे कनारे ये समजी की गये कि तेती प्रार्थना करने खे जगा ऊणी और बैठी की तिना जवाणसा साथे, जो कट्टिगा ऊईया थिया, गल्ला करने लगे। 14 लुदिया नाओं री थुआतीरा नगरो री, बैंगणी टाले बेचणे वाली परमेशरो री एक भक्त जवाणस सुणने लगी री थी और प्रभुए तेसा रा मन खोलेया, ताकि से पौलुसो री गल्ला खे त्यान करी की सुणो। 15 जेबे तेसे आपणे करने समेत बपतिस्मा लया, तेबे तेसे बिनती किती, “जे तुसे माखे प्रभुए री विश्वासणी समजोए तो चली की मेरे कअरे रसो।” 16 जेबे सेयो प्रार्थना करने री जगा रे जाणे लगी रे थे, तेबे आसा खे एक दासी मिली, जेसा रे आऊणे वाले बखतो रे बारे रे बताणे वाली दुष्टात्मा थी और जो एड़ा करने ते से आपणे स्वामिया खे बऊत कुछ कमाई की ली आओ थी। 17 से पौलुस और आसा पीछे आयी की चींगणे लगी कि, “यो माणू परमप्रदान परमेशरो रे दास ए, जो आसा खे उद्धरो री कथा सुणाओए।” 18 से बऊत दिन तक एड़ा ई करदी रई। पर पौलुस दुः खी ऊईगा और मूँ फेरी की तेसा दुष्टात्मा खे बोलेया, “आऊँ ताखे प्रभु यीशु मसीह रे नाओं ते आज्ञा देऊँआ कि एसा बीचा ते निकली जा और से तेसी बखते ई निकली गी।” 19 जेबे तेसा रे स्वामिए देखेया कि आसा री कमाईया री उम्मीद चली गी, तेबे सेयो पौलुस और सीलासो के पकड़ी की चौको रे प्रदाना गे खिंजी की लयी गे 20 और तिना खे यूदिया रे हाकिमा गे लयी जाई की बोलेया, “यो लोक जो यहूदी ए, आसा रे नगरो रे बऊत जादा शोर-शराबा लगी रे करने। 21 और एड़िया रवाजा बताणे लगी रे जिना खे ग्रहण करना या मानणा आसा रोमिया खे ठीक निए।” 22 तेबे पीड़ा रे लोक पौलुस और सीलासो रे बिरोदो रे कट्टे ऊई की चढ़ी गे और हाकिमे तिना रे टाले फाड़ी की खोली ते और तिना खे डण्डे बापो री आज्ञा दिती। 23 तेबे तिना खे बऊत डण्डे बाई की सेयो जेला रे पाई ते और जेलरो खे आज्ञा दिती कि इना री चौकसी राखणी। 24 तिने एड़ी आज्ञा पाई की सेयो पीतरो री कोठरिया रे राखे और तिना रे पैर काठो रे ठोकी ते। 25 तकरीबन आदी राथियो तक पौलुस और सीलास प्रार्थना करदे ऊए परमेशरो रे पजन लगी रे थे गाणे और बन्दुए तिना खे सुणने लगी रे थे। 26 तदुओं की एकदम बऊत बड़ा इल्लण ऊआ, एथो तक कि जेला री निऊँआ तक इल्ली गिया और फटाफट सब द्वार खुली गे और सबी रे बन्दन खुली गे। 27 तेबे जेलर जागी गा और जेला रे द्वार खुले

देखी की समजेया कि बन्दुए नठीगे रे, तेबे तिने तलवार खिंजी की आपू खई बाणी चायी। 28 पर तदुओं कि पौलुसे जोरे की बोलेया, “आपणे आपू खे कुछ बी नुकशाण नि पँक्का, कऊँकि आसे सब एथी ए।” 29 तेबे जेलरे दिऊआ मंगवाई की पीतरो खे लमखणे लगेया और थरथरांदा ऊआ पौलुस और सीलासो रे आगे रुड़ेया। 30 तेबे तिने तिना खे बारे ल्याई की बोलेया, “ओ सज्जनो! उद्धार पाणे खे आऊँ क्या करूँ?” 31 तिने बोलेया, “प्रभु यीशु पाँदे विश्वास कर, तेबे ताखे और तेरे करने खे उद्धार मिलणा।” 32 तेबे पौलुस और सिलासे तेसखे और तेसरे सारे कअरो रे लोका खे प्रभुए रा वचन सुणाया। 33 तेबे राथियो खे तेसी कअड़िया रे जेलरे पौलुस और सिलास निए और तिना रे जख्म तोए और तिने आपणे लोका समेत फटाफट बपतिस्मा लया। 34 तेबे तिने सेयो आपणे कअरे निए और तिना खे रोटी खुलाई और सारा कराना परमेशरो पाँदे विश्वास करी की खुश ऊआ। 35 जेबे दिन ऊआ, तेबे हाकिमे सिपाईया गे सन्देशा पेजेया, “तिना माणूआ खे छाडी देओ।” 36 जेलरे यो गल्ला पौलुसो गे बोलिया, “हाकिमे तुसा खे छाडणे खे बोली ता रा, तो एबे निकली की बैफिकर ऊई की चली जाओ।” 37 पर पौलुसे तेसखे बोलेया, “तिने आसे, हालौंकि रोमी माणू ए, दोषो ते बिना, लोका सामणे कुटे और जेला रे पाइटे। एबे क्या चोरिए-चोरिए निकयाली देओए? एड़ा नि ऊणा, पर सेयो आपू आयी की आसा खे बारे निकयाली की लयी जाओ।” 38 सिपाईए ये गल्ल हाकिमा खे बोली ती और सेयो ये सुणी की सेयो कि रोमी ए, डरी गे। 39 तेबे तिने आयी की तिना ते माफी मांगी और बारे लयी जाई की बिनती किती कि नगरो ते बारे चली जाओ। 40 तेबे सेयो जेला ते निकली की लुदिया रे कअरे गये और विश्वासी पाईया साथे मिली की तिना खे बोलेया तुसा खे शान्ति मिलो और चली गे।

17 तेबे पौलुस और सीलास अम्फिपुलिस और अपुल्लोनिया नगरो

रिये ऊई की थिस्सलुनीके नगरो खे आए, जेती यूदिया रा एक प्रार्थना रा कअर था। 2 तेबे पौलुस आपणी रवाजा रे मुताबिक तिना गे गया और तिना रे आरामो रे दिने पवित्र शास्त्रो बीचा ते तिना साथे बईस किती 3 और से तिना रा मतलब तिना रा उदारण देई-देई की समजयाओ था कि मसीह रा दुः ख उठाणा और मरे रेया बीचा ते जिऊँदा ऊणा जसरी था, “येर्ई यीशु, जेसरी आऊँ तुसा खे कथा सुणाऊँआ, मसीह ए।” 4 तिना बीचा ते कुछ यूदिये और कई यूनानी भक्ते और बऊत सारी तर्मी जवाणसे मानी ला और पौलुस और सीलासो साथे, मिली गे। 5 पर यूदिया खे जेलन ऊईनी और तिने बजास माणूआ बीचा ते कई दुष्ट माणू आपू साथे मलाई ते और पीड़ (भीड़) लगाई की नारो रे शोर-शराबा करने लगे और यासेनो रे कअरो रे चढ़ाई करी की पौलुस और सीलास लोका सामणे ल्याऊणा चाए। 6 तेबे तिना रे तेती ना मिलणे ते बाद सेयो जोरे-जोरे साथे ये बोली की यासोन और कई ओर विश्वासी पाईया खे नगरो रे हाकिमो सामणे खिंजी की ली आए, “यो लोक, जिने दुनिया बी उल्ट-पुल्ट करी ती री, एती बी आईगे रे 7 और

यासोने यो आपणे कअरे राखी राखे और यो सब के सब बोलोए कि यीशु राजा ए और महाराजा कैसरो री आज्ञा रा बिरोद करोए।” 8 तिने लोका खे और नगरो रे हाकिमो खे ये सुणाई की सेयो डराई ते। 9 तेबे तिने यासोन और बाकि लोका ते जमानत लवी की सेयो छाडी ते। 10 विश्वासी पाईए रातो-रात पौलुस और सीलास बिरिया नगरो खे पेजी ते और सेयो तेती पँडँछी की यहूदिया रे प्रार्थना रे कअरो रे गये। 11 यो लोक तो थिस्सलुनीके नगरो रे यहूदिया ते ठीक थे और तिने बड़ी लालसा साथे वचन ग्रहण कित्तेया और हर रेज पवित्र शास्त्रो रे टोल्दे रये कि यो गल्ला सचिया कि नई। 12 तेबे तिना बीचा ते कई जणे और यूनानी दमदार जवाणसा बीचा ते और मर्द बीचा ते बी कई जणे विश्वास कित्तेया। 13 पर जेबे थिस्सलुनीके रे यहूदी जाणी गे कि पौलुस बिरिया नगरो रे बी परमेश्वरो रा सुसमाचार सुनाणे लगी रा, तेबे सेयो तेती बी आईंगे और लोका खे उक्साणे लगे और आल्ला-गोल्ला करने लगे। 14 तेबे विश्वासी पाईए पौलुस फटाफट बिदा कित्तेया कि समुद्रो रे कनरे चली जा, पर सीलास और तीमुथियुस बिरिया रेह्द रह्गे। 15 पौलुसो खे पँडँछाणे वाले तेसखे एथेंस नगरो तक लयी गे और सीलास और तीमुथियुसो खे ये आज्ञा लयी की बिदा ऊआ कि मांगे फटाफट आयी जाओ। 16 जेबे पौलुस एथेंस नगरो रे सीलास और तीमुथियुसो खे न्यालने लगी रा था, तेबे नगरो खे मूर्तिया साथे परे रा देखी की तेसरा जिऊ बऊत दु: खीं ऊईंगा। 17 तेबे से प्रार्थना रे कअरो रे यहूदिया खे और भक्ता खे और चौकोरे जो बी लोक मिलो थे, तिना साथे हर रोज बईस करो था। 18 तेबे इषिकूरी और स्टोईंकी ज्ञानिया बीचा ते कई जणे तेस साथे बईस करने लगे और बऊत जणेया बोलेया, “ये बकवासी क्या बोलणा चाओओआ?” पर ओरी बोलेया, “ये ओरी देवतेया रा प्रचार करने वाला लगोआ, कँडँकि ये यीशुए रा और दुबारा जिऊदा ऊणे रा सुसमाचार सुणाओआ।” 19 तेबे सेयो तेसखे आपू साथे अरियुपगुस नाओं रे प्रार्थना रे कअरो रे लयी गे और पूछेया, “क्या आसे जाणी सकँए कि ये जो नौखी गल्ला, जो तूं सुणाएया, क्या ए? 20 कँडँकि तूं आसा खे नऊखिया ई गल्ला सुणाएया, इज्जी री खातर आसे जाणना चाँए कि इना रा मतलब क्या ए?” 21 (कँडँकि बऊत सारे एथेंस रे लोक और परदेशी जो तेती रओ थे, नईया-नईया गल्ला बोलणे और सुणेने ते अलावा और कोई बी कामो रे आपणा बखत नि बिताओ थे।) 22 तेबे पौलुसे अरियुपगुस प्रार्थना रे कअरो रे खड़े ऊई की बोलेया, “ओ एथेंस नगरो रे लोको! आऊ देखुआ कि तुसे हर गल्ला रे देवतेया खे बड़ा मानणे वाले ए। 23 कँडँकि जेबे आऊ कूमदे-फिरदे ऊए तुसा री पूजणे रिया चीजा खे देखणे लगी रा था, तेबे एक एड़ी बेदी बी देखी, जेतेरे लिखी राखेया रा था, अणजाणे ईश्वरो खे। तो जेसखे तुसे बिना जाणे पूजोए, आऊ तुसा खे तेसरा समाचार सुणाऊआ। 24 “जिने परमेश्वरे तरती और तिजी री हर चीज बणाई, से स्वर्ग और तरतिया रा स्वामी ऊई की आथो रे बणाए रे मन्दरो रे नि रंदा 25 और ना ई किजी बी चीजा ते मतलब राखी की मांगूआ रे आथो री सेवा लओआ, कँडँकि से आपू ई

सबी खे जीवन, श्वास और सब कुछ देओआ। 26 तिने एक ई मूलो ते मांगूआ री सब जातिया, सारी तरतिया रे रणे खे बणाई राखिया और तिना रे बणाए रे बखत और रणे री सीमा इज्जी री खातर बानी राखिया। 27 परमेश्वरे एडा तेबे कित्तेया ताकि लोक तेसखे टोलो, उम्मीद राखो कि तेसखे टोली की पायी सकोए, तेबे बी से आसा बीचा ते केसी ते बी दूर निए। 28 कँडँकि आसे तेसदे ई जिऊदे, चलदे-फिरदे और खड़े रऊँए, जेडा तुसा रे कितणे कविये बी बोली राखेया कि, आसे तो तेसरे ई वंश ए। 29 तेबे परमेश्वरो रा वंश ऊई की आसा खे ये समजणा ठीक निए कि ईश्वर, सुईना, रूपा या पात्थरो जेडा ए, जो मांगूआ री कारिगरिया ते और सोच-विचारा ते गढ़ी राखे। 30 “तेबैई परमेश्वरे लोका री अज्ञानता रे बखतो खे त्यान नि दित्तेया, पर एबे हर जगा रे सबी मांगूआ खे मन फिराणे री आज्ञा देओआ। 31 कँडँकि तिने एक दिन बणाई राखिया, जिदे तेस, तेस मांगूपू रे जिरए तर्मों साथे एसा दुनिया रा न्याय करना, जो तिने बणाई राखी और तेसखे मरे रेया बीचा ते जिऊदा करी की ये गल्ल सबी पाँदे परमाणित करी ती री।” 32 मरे रेया दुबारा जिऊदा ऊणे री गल्ल सुणी की बऊत जणे तेसरा मजाक करने लगे और बऊत जणे बोलणे लगे, “ये गल्ल आसे तांते फेर कदी सुणुगो।” 33 तेबे पौलुस तिना बीचा ते निकली गा। 34 पर कई सारे मांगू तेस साथे मिली गे और तिने प्रभु यीशुए पाँदे विश्वास कित्तेया, जिना बीचा ते दियुनुसियुस अरियुपगुस था और दमरिस नाओं री एक जवाणस थी और तिना साथे और बी बऊत मांगू थे।

18 इज्जी ते बाद पौलुस एथेंस नगरो खे छाडी की कुरिन्धुस नगरो खे आया। 2 तेबे तेती तेसखे अकिवला नाओं रा यहूदी मिलेया, जेसरा जन्म पुन्तुस प्रदेशो रे ऊआ था। से आपणी लाडी प्रिस्किल्ला समेत इटलिया प्रदेशो ते कुछ बखत पईले ई आयी रा था, कँडँकि महाराजा क्लौदियुसे सबी यहूदिया खे रोमो ते निकलने री आज्ञा दित्ती थी। पौलुस तिना खे मिलणे तिना रे कअरे गया। 3 पौलुस और अकिवला रा एक ई काम था, इज्जी री खातर से तिना साथे रया और सेयो काम करने लगे और तिना रा तम्बू बनाणे रा काम था। 4 पौलुस हर आरामो रे दिने प्रार्थना रे कअरो रे बईस करी की यहूदी और यूनानिया खे बी यीशु मसीह पाँदे विश्वास करने खे समजयाओ था। 5 जेबे सीलास और तीमुथियुस मकिदुनिया प्रदेशो ते आए, तेबे पौलुस वचन सुनाणे री धुना रे लगी की यहूदिया खे गवाई देओ था कि प्रभु यीशु ई मसीह ए। 6 पर जेबे यहूदी बिरोद और निन्दा करने लगे, तेबे तिने आपणे टाले चाडी की मतलब इना गल्ला दे मेरा तुसा साथे कोई लेणा-देणा निए तिना खे बोलेया, “तुसा रा खून तुसा री क्याडिया पाँदे रओ; आऊ निर्दोष ए, आजो ते मां दुजिया जातिया गे जाणा और तिना खे परमेश्वरो रा वचन सुनाणा।” 7 तेथा ते चली की से तीतुस युस्तुस नाओं रे परमेश्वरो रे एक भगतो रे कअरे दूजिया जातिया खे उपदेश देणे आया, जेसरा कअर प्रार्थना रे कअरो रे नेढ़े था। 8 तेबे प्रार्थना रे कअरो रे सरदारे क्रिसपुसे आपणे सारे कराने समेत प्रभुए पाँदे विश्वास कित्तेया और बऊत सारे

कुरिन्थियों रे रणे वाले सुणी की विश्वासो रे आए और बपतिस्मा लया। 9 तेबे प्रभु राशियो खे दर्शनो रे पौलुसो खे बोलेया, “दर नि, बल्कि बोलदा जा और चुप नि रओ। 10 कऊँकि आऊँ तां साथे ए और केसी बी तां पाँदै चढ़ाई करी की तेरा नुकशाण नि करना, कऊँकि एस नगरो रे मेरे बऊत सारे लोक ए।” 11 तेबे पौलुस तिना बीचे परमेशरो रा वचन सिखांदा ऊआ डेढी साल तक रया। 12 जेबे गल्लियो अखाया प्रदेशो रा हाकिम था, तेबे यहूदी लोक एक ऊई की पौलुसो पाँदै चढ़ी गे और तेसखे न्याय आसणो सामणे ल्याई की बोलणे लगे, 13 “ये लोका खे समजयाओआ कि परमेशरो री भक्ति ईयां करनी ओ, जो विधानो ते उल्टी ए।” 14 जेबे पौलुस बोलणे ई वाला था, तेबे गल्लिये यहूदिया खे बोलेया, “ओ यहूदिया! जे ये कोई अन्याय या दुष्टता री गल्ल ऊँदी तो ठीक था कि आऊँ तुसा री सुणदा। 15 पर जे ये बईस शब्द, नाओं और तुसा रा विधानो रे बारे रे ए, तो तुसेइ जाणो, कऊँकि आऊँ इना गल्ला रा न्यायी नि बणना चांदा।” 16 तेबे गल्लियो सेयो न्याय आसणो रे सामणे ते निकलवाई ते। 17 तेबे बऊत सारे लोके प्रार्थना रे कअरो रा सरदार सोस्थिनेस पकड़ेया और न्याय आसणो सामणे कुटेया, पर गल्लिये इना गल्ला री कोई परवा नि किती। 18 तेबे पौलुस बऊत दिन तक कुरिन्थ नगरो रे रया। तेबे तिने विश्वासी पाईया ते बिदा लयी की किंचिया रे जाई की इजी री खातर बाल कटवाए, कऊँकि तिने मान्नत किती थी। तेबे से जाह्जो रे सीरिया खे चली गा और तेस साथे प्रिस्कल्ला और अकिवला थे। 19 तेबे तिने इफिसुस नगरो रे पऊँछी की प्रिस्कल्ला और अकिवला तेती छाडी ते और आपू प्रार्थना रे कअरो रे जाई की यहूदिया साथे बईस करने लगेया। 20 तेबे लोके तेसते बिनती किती, “आसा साथे कुछ और दिन तक रओ।” पर से मानेया नि। 21 पर ये बोली की तिना ते बिदा ऊआ, “जे परमेशर चाओगा तो आऊँ तुसा गे फेर आऊँगा।” तेबे से इफिसुसो ते जाह्ज खोली की चली गा 22 और कैसरिया नगरो रे उतरी की यस्शलेमो खे गया और मण्डलिया खे नमस्ते करी की अन्ताकिया नगरो खे आया। 23 तेबे से कुछ दिन तेती रई की अन्ताकिया नगरो ते चली गा और एक तरफा ते गलातिया रे और फूगिया रे प्रदेशो रे सबी चेलेया खे मजबूत करदा ऊआ फिरेया। 24 अपुल्लोस नाओं रा एक यहूदी, जेसरा जन्म सिकन्दरिया नगरो रे ऊआ था, जो विद्वान मांगू था और पवित्र शास्त्रो खे अच्छी तरअ ते जाणो था, इफिसुसो नगरो रे आया। 25 तिने प्रभु री बाटा री शिक्षा पाई राखी थी और मन लाई ई की प्रभु यीशुए रे बारे रे थीक-थीक सुणाओ था और सीखाओ था, पर से बस यहूने रे बपतिस्मे री गल्ल जाणो था। 26 अपुल्लोस प्रार्थना रे कअरो रे निडर ऊई की बोलणे लगेया। पर प्रिस्कल्ला और अकिवला तेसरी गल्ल सुणी की तेसखे आपणे कअरे लयी गे और तिने परमेशरो री बाट तेसखे और बी थीक-थीक बताई। 27 जेबे तिने निशा कितेया कि पार ऊरी की अखाया प्रदेशो खे जाऊँ, तेबे विश्वासी पाईया तेसखे तेसल्ली दई की चेलेया खे लिखेया कि सेयो तेसखे अच्छी तरअ ते मिलेओ और तिने तेती पऊँछी की तेसरी बऊत

मताद किती, जिने कृपा री बजअ ते विश्वास कितेया था। 28 कऊँकि से पवित्र शास्त्रो ते सबूत दई-दई की की यीशु ई मसीह ए, बड़ी ई प्रबलता साथे यहूदिया खे सबी सामणे निरुत्तर करदा रया।

19 जेबे अपुल्लोस कुरिन्थुस नगरो रे था, तेबे पौलुस दूर-दराजो रे प्रदेशो ते ऊई की इफिसुस नगरो रे आया, तेती कुछ चेलेया ते मिले 2 तिने बोलेया, “क्या तुसे विश्वास करदे बखते पवित्र आत्मा पाया?” तिने बोलेया, “आसे तो पवित्र आत्मा रे बारे रे निए सुणेया रा।” 3 पौलुसे तिना खे बोलेया, “तेबे तुसे केसरा बपतिस्मा लयी राखेया?” तिने बोलेया, “यूहन्ने रा बपतिस्मा।” 4 पौलुसे बोलेया, “यूहन्ने ये बोली की मन फिराणे रा बपतिस्मा दितेया कि जो मांते बाद आऊँणे वाला ए तेस पाँदै, मतलब-प्रभु यीशुए पाँदै विश्वास करना।” 5 ये सुणी की तिने प्रभु यीशुए रे नाओं ते बपतिस्मा लया। 6 और जेबे पौलुसे तिना पाँदै आथ राखेया, तो तेबे तिना पाँदै पवित्र आत्मा उतरेया और सेयो लग-लग पाषा बोलणे लगे और भविष्यबाणी करने लगे। 7 यो सब तकरीबन बारा मर्द थे। 8 तेबे पौलुस प्रार्थना रे कअरो रे जाई की तीन मीन्ने तक निडर ऊई की बोलदा रया और परमेशरो रे राज्य रे बारे रे बईस करदा और समजयांदा रया 9 पर जेबे बऊत जणेया कठोर ऊई की विश्वास करने ते न किती, बल्कि लोका सामणे एसा बाटा खे बुरा बोलणे लगे, तेबे तिने तिना खे छाडी की चेले लग करी ते और हर रोज तुरन्नुसो री पाठशाला रे उपदेश करो था। 10 दो साला तक येई ऊँदा रया, एथो तक कि आसिया प्रदेशो रे रणे वाले क्या यहूदी, क्या यूनानी सबी प्रभु रा वचन सुणी ला। 11 परमेशर पौलुसो रे जरिए सामर्था रे नऊखे काम दखाओ थे। 12 एथो तक कि रूमाल और टाल्ले तेसरे शरीरो साथे छवई की बमारा पाँदै राखो थे और सेयो ठीक ऊई जाओ थे और दुष्टत्वा तिना ते निकली जाओ थी। 13 पर कुछ यहूदी लोक जो सँवावा करदे फिरदे रओ थे, ये बोलणे लगे, “जेसदे दुष्टात्मा ओ, तिना पाँदै प्रभु यीशुए रा नाओं, ये बोली की फूक बाओ थे कि जेस यीशुए रा प्रचार पौलुस करोआ आऊँ ताखे तेसरी कसम देऊँगा।” 14 तेबे स्किकवा नाओं रे एक यहूदी बड़े पुरोँइतो रे सात पाऊ थे, जो एडा ई करो थे। 15 पर दुष्टत्वे बोलेया, “यीशुए खे तो आऊँ जाणूँ और पौलुसो खे बी पछायूँई, पर तूँ कूणे?” 16 तेबे तिने मांगू़ए जेसदे दुष्टात्मा थी, तिना पाँदै लमखी की और तिना खे बसो रे ल्याई की तिना पाँदै एडा उपद्रव कितेया कि सेयो नांगे और काईल ऊई की तेस कअरो ते नठीगे। 17 ये गल्ल इफिसुसो रे रणे वाले यहूदी और यूनानी, सबी खे पता लगी गी और सेयो सब डरी गे और प्रभु यीशुए रे नाओं री तारीफ ऊई। 18 जिने विश्वास कितेया था तिना बीचा ते कई जणेया आयी की आपणे-आपणे काम मानी ले और सामणे ल्याए। 19 और जाटू करने वालेया बीचा ते कई जणेया आपणी-आपणी पोथिया कट्टिया करी की सबी सामणे फूकी तिया और जेबे तिना रा दाम जोड़ेया, तो सेयो पंजा हजार चाँदी रे सिक्के रे बराबर निकलिया। 20 ईयां प्रभु रा वचन जोरो-शोरो साथे फैलदा गया और प्रबल ऊँदा गया। 21 जेबे यो गल्ला ऊई चुकिया

तेबे पौलुसे आत्मा रे ठाणी ला कि मकिदुनिया और अखाया प्रदेशो ते ऊई की यूश्लेमो खे जाऊँ और बोलेया, “तेती जाई की माखे रोम नगरो खे देखणा बी जर्ही ए।” 22 तेबे आपणी सेवा करने वालेया बीचा ते तीमुथियुस और इरास्तुसो खे मकिदुनिया प्रदेशो रे पेजी की आपू कुछ दिन तक आसिया प्रदेशो रे इफिसुस नगरो रेई रई गा। 23 तेस बख्ते एस पंथो रे बारे रे बऊत आल्ला-गोल्ला ऊआ। 24 कऊँकि देमेत्रियुस नाओं रा एक सन्यार अरतिमिसो री देविया रे मन्दरो री चांदिए री मूर्तिया बणवाई की कारीगरा खे बऊत काम दलाओ था। 25 देमेत्रियुसे तिना खे और एडी चीजा रे कारीगरा खे कट्टे करी की बोलेया, “ओ पाईयो! तुसे जाणोए कि एस काम करी की आसा खे कितणा पैसा मिलोआ। 26 तुसे देखोए और सुणो बी ए कि सिर्फ इफिसुस नगरो रेई नि बल्कि सारे आसिया प्रदेशो रे ये बोली-बोली की इने पौलुसे बऊत लोका खे समजयाया और परमाई बी राखे, कि जो आथे की बणाई राखे, से ईश्वर निए। 27 और एबे सिर्फ एसा गल्ला रा ई डर निए कि आसा रे एस कामो री प्रतिष्ठा जांदी रणी, बल्कि ये बी कि महान् देवी अरतिमिसा रा मन्दर तुच्छ समजेया जाणा और जेसखे सारा आसिया प्रदेश और दुनिया पूजो ई, तिजी री खासियत बी जांदी रणी।” 28 तिना खे ये सुणी की रोष आईगा और सेयो चींगी-चींगी की बोलणे लगे, “इफिसियों री अरतिमिस महान् ए।” 29 तेबे सारे नगरो रे बडा आल्ला पडी गा और लोके गयुस और अरिस्तर्खुस मकिदुनिया प्रदेशो खे जो पौलुसो साथे यात्री थे, पकड़ी ते और एक चित्त ऊई की रंगशाला खे दौड़ी गे। 30 जेबे पौलुसे लोका गे पीतरे जाणा चाया तेबे चेलेया से जाणे नि दित्तेया। 31 आसिया रे कुछ हाकिमा बीचा ते बी तेसरे कई दोस्ते, तेसखे सन्देशा पेजेया और बिनती कित्ती कि रंगशाला रे जाई की आपणी जिन्दगी मुसीबतो रे नि पाणी। 32 तेबे कोई कुछ बोलणे लगे और कोई कुछ, कऊँकि सभा रे बऊत गड़बड़ी ऊणे लगी री थी और बऊत जणे लोक ये पनि जाणो थे कि आसे किंजी खे कट्टे ऊई रे। 33 तेबे तिने सिकन्दरो खे, जो यहूदिये खड़ा कित्तेया था, पीड़ा (भीड़) बीचा ते आगे कित्तेया। सिकन्दर आथो साथे सारा (ईशारा) करी की लोका सामणे कुछ बोलणा चाओ था। 34 पर जेबे तिना खे पता लगेया कि ये यहूदी ए, तो सब के सब एक शब्दो ते कोई दो कंटे तक चींगदे रेये कि इफिसियों री अरतिमिस महान् ए। 35 तेबे नगरो रे मन्त्रिये लोका खे शान्त करी की बोलेया, “ओ इफिसियों रे लोको! कुण नि जाणदा कि इफिसियों रा नगर बड़ी देवी अरतिमिसो रे मन्दर और ज्यूस मतलब सर्गो री तरफा ते सेटिया री मूरता रा रखवाला ए। 36 तो तेबे इना गल्ला रा कोई जवाब नि ऊई सकदा, तो तुसा खे ठीक ए कि चुप रओ और बिना सोचे-समजे कुछ नि करो। 37 कऊँकि तुसे इना माणूआ खे, जो ल्याई राखे, ना मन्दरो खे लूटणे वाले ए और ना ई आसा री देविया रे निन्दक ए। 38 जे देमेत्रियुस और तेसरे साथी कारीगरा खे केसी ते कोई बईस ओ तो करैरी खुली ए और न्याय करने खे हाकिम बी ए, सेयो एकी दूजे पांदे दोष लगाओ। 39 पर तुसे जे केसी ओरी गल्ला रे बारे रे पूछणा चाओए,

तो सभा सामणे न्याय करेया जाणा। 40 माखे डर ए कि जेबे राज्यपालो एस अंगामे रे बारे रे सुणना तो तेस बोलणा कि आसे रोमी सरकारा रे खलाफ बिद्रोह करने री कोशिश लगी रे करने। कऊँकि एस अंगामे रा कोई कारण निए, तो आसे एसा पीड़ा रे कट्टे ऊणे रा कोई जवाब नि देई सकदे।” 41 तेबे तिने ये बोली की तिने सभा बिदा कित्ती।

20 जेबे आल्ला-गोल्ला बंद ऊईगा, तेबे पौलुसे चेले बुलाई की तिना

री इम्मत बढ़ाई और तिना रे बिदा ऊई की मकिदुनिया प्रदेशो खे चली गा। 2 तेबे से तेस सारे देशो ते ऊई की और तिना खे बऊत इम्मत देई की यूनान प्रदेशो खे आया। 3 जेबे तीन मीने यूनानो रे रई की जाह्जो रे सीरिया प्रदेशो खे जाणे वाला था, तेबे तिने सुणेया कि कुछ यहूदी अगुवे बाटा रे तेसखे काणे री ताका रे लगी रे, तेबे तिने आपणे मनो रे ठाणी ला कि मकिदुनिया प्रदेशो ते ऊई की सीरिया प्रदेशो खे जाऊँ। 4 एसा यात्रा रे बिरिया रे पुर्सो रा पाऊ सोपत्रुस और थिस्सलुनीकियों नगरो बीचा ते अरिस्तर्खुसो रा सिकुन्दुस और दिरबे नगरो रा गयुस और लुस्त्रा नगरो ते तीमुथियुस, आसिया प्रदेशो रा तुखिकुस और त्रुफियुस आसा साथे थे। 5 सेयो आसा रे साथी यात्री आसा ते आगे चली गे और त्रोआस नगरो रे पँछी की आसा खे न्यालदे रये। 6 तेबे आसे अखमीरी रेटिया रे त्योआरो ते बाद फिलिप्पिया नगरो ते जाह्जो रे चढ़ी की पाँज दिना रे त्रोआसो रे तिना गे पँछे और साता दिना तक तेथी रये। 7 अफ्रेटे रे पईले दिने जेबे आसे रोटी तोड़ने खे कट्टे ऊए, तेबे पौलुसे, जो दूजे दिने जाणे वाला था, तिना साथे गल्ला करने लगेया और आदी राती तक गल्ला ई करदा रया। 8 जेसा बाऊँड़ी रे आसे कट्टे थे, तिदे बऊत सारे दिऊ थे बले रे 9 और यूतुखुस नाओं रा एक जवान द्वारिया रे बैठी की गईरी नींजा रे चुलारे खाणे लगी रा था और जेबे पौलुस गल्ला लगी रा था करने तेबे से नींजा रे चुलारे रे तीजिया बाऊँड़ी ते रुड़ी गा और जेबे कुछ लोक तेसखे चकणे थाले आये तेबे से मरी चुकेया था। 10 पर पौलुस उतरी की थाले गया और तेस साथे चिपटी गा और गले लमाई की बोलेया, “कबराओ नि, कऊँकि एसरा प्राण एसदे ईए।” 11 तेबे फेर ऊबे जाई की रोटी तोड़ी और खाई की इताणी देरा तक तिना साथे गल्ला करदा रया कि प्याग ऊईरी और तेबे से चली गा। 12 तेबे सेयो तेस जवानो खे जिङ्दा ली आए और तिना खे बऊत शान्ति ऊई। 13 आसे पईले तेई जाह्जो रे चढ़ी की अस्सुस नगरो खे ये सोची की आगे गये कि तेथा ते आसे पौलुसो खे चढ़ाई लऊँ, कऊँकि तिने ये बोली राखेया था कि मां आपू ई पैदल जाणा। 14 जेबे से अस्सुस नगरो रे आसा खे मिलेया, तेबे आसे तेसखे जाह्जो रे चढ़ाई की मितुलेन नगरो खे ली आए। 15 तेथा ते जाह्ज खोली की आसे दूजे दिने खियुस नगरो रे ऊंदे ऊए सामुस नगरो रे पँछी गे। तेबे दूजे दिने मिलेतुस नगरो खे आए। 16 पौलुसे ठाणी ला की से इफिसुस नगरो खे छाडी की आगे बड़ी जाओ, ताकि तेसखे आसिया प्रदेशो रे रणा नि पड़ो। कऊँकि से जलदीया रे था कि ऊई सको तो तेसरा पिन्तेकुस त्योआरो रा दिन यूश्लेमो रे बीतो। 17 जेबे आसे मिलेतुस नगरो रे पँछे तो पौलुसे इफिसुस नगरो

खे सन्देशा पेजेया और मण्डलिया रे बुजुर्ग बुलाए। 18 जेबे सेयो तेसगे आए, तेबे तिना खे बोलेया, “तुसे जाणोए कि पर्हले ई दिनो ते जेबे आऊँ आसिया नगरो रे पक्केया, तो आऊँ हर बखत आजो तक तुसा साथे किंयाँ रथा? 19 मतलब-बड़ी दीनता ते, आसू निकाली-निकाली की और तिना परीक्षा ते, जो यहूदिया रे बड़यन्ना री बजअ ते माँ पाँदे पड़ी, तेबे बी आऊँ प्रभुए री सेवा करदा रथा। 20 और जो-जो गल्ला तुसा रे फाईदे री थिया, तिना खे बताणे, लोका रे सामणे ल्याऊणे और कअरे-कअरे सख्याणे ते कदी बी पीछे नि अटेया। 21 बलिक यहूदी और यूनानिया सामणे गवाई देंदा रथा कि परमेशरो री तरफा खे मन फिराणा और आसा रे प्रभु यीशुए पाँदे विश्वास करना चाईयो। 22 “और एबे देखो, आऊँ पवित्र आसा रा बानेया रा यस्शलेमो खे जाऊँआ और आऊँ ये नि जाणदा कि माँ पाँदे तेती क्या-क्या बितणी। 23 बस येई कि पवित्र आत्मा हर नगरो रे गवाई देई-देई की माखे बोलोआ कि बन्दन और क्लेश ताखे त्यार ए। 24 पर आऊँ आपणे प्राणो खे कुछ नि समजदा कि तेसखे पर्ये जाणूँ बलिक ये कि आऊँ आपणी दौड़ा खे और आपणी सेवकाईया खे पूरा कर्हूं, जो मैं परमेशरो री कृपा रे सुसमाचारो पाँदे गवाई देणे खे प्रभु यीशु मसीहे ते पाई राखी 25 “और एबे देखो, आऊँ जाणूँआ कि तुसा सबी जेपेया, जिना खे आऊँ परमेशरो रे राज्य रा सुसमाचार सुणांदा रथा, मेरा मूँ फेर नि देखणा। 26 इजी री खातर आऊँ आजके दिनो रे तुसा खे गवाई देई की बोलूँआ कि जे तुसा बीचा ते कोई बी यीशुए पाँदे विश्वास करने ते बगैर मरी जाओआ तो आऊँ सबी रे खुनो ते निर्दोष ए। 27 कऊँकि आऊँ परमेशरो री सारी इच्छा खे तुसा खे पूरी रीतिया ते मनाणे ते पीछे नि अटेया। 28 “इजी री खातर आपणी और पूरे चूण्डो री चौकसी करो, जेते साथे पवित्र आत्मे तुसे अध्यक्ष बणाई राखे कि तुसे परमेशरो री मण्डलिया री रखवाली करो, जो तिने आपणे खून बाहूई की खरीदी राखी। 29 आऊँ जाणूँआ कि मांते जाणे ते बाद तुसा बीचे चूठे उपदेशक आऊँगे और विश्वासिया खे बऊत नुकशाण पक्काणा। 30 तुसा बीचा ते बी एड़े-एडे मांणू खड़े ऊणे, जिना चेलेया खे आपू पीछे खिंजणे खे टेडिया-मेडिया गल्ला बोलणिया। 31 इजी री खातर जागदे रओ, और याद राखो कि मैं तीन साल तक रात-दिन आसू निकाली-निकाली की हर एकी खे चेतावणी देणा नि छडेया। 32 एबे आऊँ तुसा खे परमेशरो गे और तेसरी कृपा रे वचनो गे सम्बाली देऊँआ, जो तुसा री तरक्की करी सकोआ और सबी पवित्र कित्ते रे लोका खे साजी करी की जायदात देई सकोआ। 33 “मैं केसी रे बी चाँदी-सुर्जने और टालेया रा लालच नि किरतेय। 34 तुसे आपू जाणोए कि इने आथे मेरे और मेरे साथिया री जरूरता पूरी करी राखिया। 35 मैं तुसा खे सब कुछ करी की दख्याकि किंयाँ मर्झिणत करी की कमजोर सम्बालने और प्रभु यीशु मसीहे रिया गल्ला याद राखणिया जरूरी ए कि तिने आपू ई बोली राखेया कि लणे ते देणा अच्छा ए।” 36 ये बोली की तिने कुटणे टेके और तिना सबी साथे प्रार्थना कित्ती। 37 तेबे सेयो बऊत रोए और पौलुसो रे गलो रे चिपकी की तेसखे चूमणे लगे। 38 सेयो खास करी की

इना गल्ला रा दुः ख करो थे, जो तिने बोलिया थिया कि तुसा मेरा मूँ फेर नि देखणा और तेबे तिने से जाह्जो तक पक्काणा।

21 जेबे आसे तिना ते विदा ऊई की जाह्ज खोलिया, तेबे सिदी बाटा ते कोस टापूए खे आए और दूजे दिने रुदुस टापू दे और तेथा ते पतरा टापूए दे। 2 तेबे एक जाह्ज फीनीके नगरो खे जांदा ऊआ मिलेया और तेस पाँदे चढ़ी की यात्रा शुरू कित्ती। 3 जेबे आसा खे साईंप्रस टापू खूँजे कनारे दिशेया, आसे तिजी खे छाडी की सीरिया प्रदेशो खे चली की सूरो रे उतरे, कऊँकि तेती जाह्जो रा बोजा उतारना था। 4 तेबे तेती चेलेया खे पाई की सात दिन तक रथे, तिने पवित्र आत्मा रे सिखाए रे पौलुसो खे बोलेया, “यरूशलेमो नगरो रे पैर नि राखणा।” 5 सात दिना बाद जेबे तेथा ते आसा रे जाणे रा बखत आया, तेबे आसे तेथा ते चली पड़े और सबी जवाणसे बालका समेत आसे नगरो ते बारे पक्काणा, तेबे आसे कनारे पाँदे पक्की की कुटणे टेकी की प्रार्थना कित्ती। 6 तेबे एकी-दूजे ते बिदा ऊए, आसे तो जाह्जो रे चढ़े और सेयो आपणे-आपणे कअरो खे वापस ऊईगे। 7 जेबे आसे सूर नगरो ते जलयात्रा पूरी करी की पुलिमियस नगरो रे पक्के, तेबे आसे विश्वासी पाईया खे नमस्ते करी की तिना साथे एक दिन रथे। 8 दूजे दिने आसे तेथा ते चली की कैसरिया नगरो खे आए और फिलिप्पसु सुसमाचार प्रचारको रे कअरे, जो साता बीचा ते एक था, जेसखे यरूशलेमो रे चेलेया बिदुआ री देखपाल करने खे चुणी राखेया था, जाई की तेसरे कअरे रथे। 9 तेसरी चार कुआँरी बेटिया थिया, जो भविष्यबाणी करो थिया। 10 जेबे आसे तेती बऊत दिन तक रई चुके, तेबे अगबुस नाओं रा एक भविष्यबत्ता यहूदिया प्रदेशो ते आया। 11 तिने आसा गे आयी की पौलुसो रा पटका लया और आपणे आथ पैर बानी की बोलेया, “पवित्र आत्मा ये बोलोआ कि जेस मांणूए रा ये पटका ए, से यरूशलेमो रे यहूदिया ईयां बानणा और दुजिया जातिया रे आथो रे दई देणा।” 12 जेबे आसे यो गल्ला सुणिया, तो आसे और तेथो रे लोके पौलुसो ते बिनती कित्ती कि यरूशलेमो खे नि जाणा। 13 पर पौलुसे बोलेया, “तुसे क्या लगी रे करने कि रोयी-रोयी की मेरा मन लगी रे दुखी करने? आऊँ तो प्रभु यीशुए रे नाओं ते यरूशलेमो रे बाने जाणे खेई नि, बलिक मरने खे बी त्यार ए।” 14 जेबे से तिना ते नि मानेया, तो आसे ये बोली की चुप ऊईगे, “प्रभुए री इच्छा पूरी ओ।” 15 कुछ दिना ते बाद आसे पक्का इशादा करी की यरूशलेमो खे चली गे। 16 कैसरिया नगरो रे बी कई चेले आसा साथे चली पड़े और मनासोन नाओं रे साईंप्रसो रे रणे वाले रे एक पुराणे चेले रे कअरे साथे ली आए, ताकि आसे तेसरे कअरे रऊँ। 17 जेबे आसे यरूशलेमो रे पक्के, तेबे विश्वासी पाई आसा साथे बड़े खुश ऊई की मिले। 18 दूजे दिने पौलुस आसा खे लयी की याकबो गे गया, जेती सब बुजुर्ग कट्ठे थे। 19 तेबे तिने तिना खे नमस्ते करी की जो-जो काम परमेशरे तेसरी सेवकाईया रे जरिए दुजिया जातिया बीचे कित्ते थे, एक-एक करी की सब बताए। 20 तिने ये सुणी की परमेशरो री महिमा कित्ती, तेबे तिने बोलेया, “ओ पाई! तूँ देखणे लगी रा कि यहूदिया बीचा

ते कई हजार मांपूए विश्वास कितेया और सब विधानों री थुन लगाई रखोए 21 तिना यहूदी विश्वासिया खे तेरे बारे रे बताया कि तूं दुजिया जातिया बीचे रणे वाले यहूदिया खे मूसे रे विधानो खे छाडणे रे बारे रे सिखाएया और बोलोआ कि ना आपणे बच्येया रा खतना कराओ और ना ई रवाजा पैदे चलो, तो क्या करना चाईयो? 22 लोका जरूर सुनना कि तूं आयी रा। 23 इजी री खातर जो आसे ताखे बोलूँ, से कर, आसा गे एती चार मांपू ए, जिने मान्त मानी राखी। 24 तिना खे लयी की तेस साथे आपणे आपू खे शुद्ध कर और तिना खे खर्च दे, ताकि सेयो बाल कटवाओ। तेबे सबी खे पता लगी जाणा कि जो गल्ला तिना खे तेरे बारे रे सिखाईया गईया, तिना री कोई जड़ निए, पर तूं आपू बी विधानो खे मानी की तिजी रे मुताबिक चलेया 25 पर तिना दुजिया जातिया रे बारे रे, जिने विश्वास कितेया, आसे ये न्याय लयी की लिखी की पेजी राखेया कि सेयो मूर्तिया सामणे बलि कित्ते रे मासो ते, खूनो ते, गला कोटे रे मासो ते और व्याभिचारो ते बचे रखो।” 26 तेबे पौलुस तिना मांपूआ खे लयी की दूजे दिने तिना साथे शुद्ध ऊई की मन्दरो रे गया और बताई ता कि शुद्ध ऊणे रे दिन, मतलब-तिना बीचा ते हर एकी खे चढ़ावा चढ़ाए जाणे तको रे दिन कटी पूरे ऊणे। 27 जेबे सेयो सात दिन पूरे ऊणे वाले थे, तेबे आसिया प्रदेशो रे यहूदिये पौलुसो खे मन्दरो रे देखी की सब लोक उकसाये और ये बोली की से पकड़ी ता, 28 “ओ इसाएलियो! मताद करो, ये सेई मांपू ए, जो लोका खे और विधानो खे और एथो री जगा रे बिरोदो रे, हर जगा रे सबी लोका खे सिखाओआ, एथो तक कि यूनानिया खे बी मन्दरो रे ल्याई की तिने ये पवित्र जगा अशुद्ध करी ती।” 29 तिने तो इजी ते पईले त्रुफिमुस इफिसुसवासिए खे पौलुसो साथे नगरो रे देखेया था और समजो थे कि पौलुस तेसखे मन्दरो रे ली आयी रा। 30 तेबे सारे नगरो रे आल्ला पड़ी गा और लोक दौड़ी की कठे ऊईंगे और पौलुसो खे पकड़ी की मन्दरो ते बारे कस्टी की ली आए और फटाफट द्वार बन्द करी ते। 31 जेबे सेयो तेसखे काणा चाओ थे, तेबे पलटणा रे सरदारो खे सन्देश पऊँछेया कि सारे यरुशलेम नगरो रे आल्ला पड़ी रा। 32 तेबे से फटाफट सिपाईया और सूबेदारा खे लयी की तिना गे थाले दौड़ी की आया। जेबे पीड़े फौजिया री पलटणा रे सरदारो खे और सिपाईया खे देखी की पौलुसो खे मारने कुटणे खे बन्द करी ता। 33 तेबे पलटणा रे सरदारे पौलुसो रे नेडे आयी की से पकड़ी ता और दो जंजीरा साथे बानणे री आज्ञा देई की पूछणे लगेया, “ये कूणे और इने क्या करी राखेया?” 34 पर पीड़ा (भीड़) बीचा ते कोई कुछ बोलणे लगे और कोई कुछ और जेबे शोर-शारो रे मारे ठीक सच्चाईया रा पता नि लगेया तो तेसखे गढ़ो रे लयी जाणे री आज्ञा दिती। 35 जेबे से संगा पैदे पऊँछेया, तेबे एड़ा ऊआ कि पीड़ा रे दबाओ री बजअ ते सिपाईया खे से चकी की निणा पड़ेया। 36 कऊँकि लोका री पीड़ ये बोली की तेस पीछे पड़ी गी कि एसरा अन्त करी दो। 37 जेबे सेयो पौलुसो खे गढ़ो रे निणे वाले थे, तेबे तिने पलटणा रे सरदारो खे बोलेया, “क्या माखे आज्ञा आयी कि आऊं ताखे कुछ बोलूँ?” तिने बोलेया, “क्या तूं यूनानी पाषा

जाणेया? 38 क्या तूं सेई मिसी निए, जो इना दिनो ते पईले बिरोदी बणाई की चार हजार आतंकबादी लोका खे जंगलो रे लयी गा था?” 39 पौलुसे बोलेया, “आऊं तो तरसुसो रा यहूदी मांपू ए, किलिकिया रा प्रसिद्ध रणे वाला निवासी आ और आऊं तांते बिनती करूँआ कि माखे लोका ते गल्ला करने दे।” 40 जेबे तिने आज्ञा दिती, तेबे पौलुसे संगाओ पैदे खड़े ऊई की लोका खे आथो साथे सारा (ईशारा) कित्तेया, जेबे सेयो चुप ऊईंगे, तेबे से इब्रानी पाषा रे बोलणे लगेया।

22 “ओ पाईयो! और पितरो, मेरा जवाब सुणो, जो आऊं एबे तुसा सामणे बोलणे लगी रा।” 2 सेयो ये सुणी की कि से आसा साथे इब्रानी पाषा (भाषा) दे बोलोआ, और बी चुप ऊईंगे। तेबे तिने बोलेया, 3 “आऊं तो यहूदी मांपू ए, और किलिकिया प्रदेशो रे तरसुस नगरो रा जम्मे राए, पर एस नगरो रे गमलिएलो रे पैरा गे बैठी की पढ़ाई राखेया और बाप-दादेया रे विधानो री ठीक रीतिया रे सखाई राखेया और परमेशरो खे एड़ी थुन लगाई री राख्यूं था, जियाँ तुसे सब जणे आज लगाणे लगी रे। 4 और मैं मर्द और जवानस टूँई खे बानी-बानी की और जेला रे पाई-पाई की एस पंथो खे एथो तक सताया कि सेयो मरवाईंटे। 5 एसा गल्ला रे प्रदान पुरोईत और बड़ी सभा रे सब बुजुर्ग गवा ए कि तिना बीचा ते आऊं पाईया रे नाओं पैदे चिट्ठिया लयी की दमिश्क नगरो खे जाणे लगी रा था, ताकि जो तेती बी ओ तिना खे बी सजा दलाणे खे बानी की यरुशलेमो खे ल्याऊँ। 6 “जेबे आऊं चलदे-चलदे दमिश्क नगरो रे नेडे पऊँछेया, तेबे एड़ा ऊआ कि तकरीबन त्याडिया जे सर्गो ते एकदम ज्योति मेरे चक्क करनेर चमकी। 7 और आऊं जर्मीना पैदे रुड़ी गा, तेबे मैं ये शब्द सुणेया, ‘ओ शाऊल! ओ शाऊल’ तूं माखे कऊं सताणे लगी रा? 8 मैं बोलेया, ‘ओ प्रभु! तूं कुणे ए?’ तिने बोलेया, ‘आऊं यीशु नासरी ए, जेसखे तूं सताएया।’ 9 और मेरे साथिया ज्योति ते देखी, पर जो मां साथे जपणे लगी रा था, तिने तेसरा शब्द तो सुणेया, पर से समजी नि सके। 10 तेबे मैं बोलेया, ‘ओ प्रभु! आऊं क्या करूँ?’ प्रभुए माखे बोलेया, ‘उठी की दमिश्को रे जा और जो कुछ तेरे करने राए, तेती ताखे सब कुछ बताया जाणा।’ 11 जेबे तेसा ज्योतिया रे चमकणे ते माखे कुछ नि दिशेया, तेबे आऊं आपणे साथिया रे आथ पकड़ी की दमिश्क नगरो रे आया। 12 “तेबे हनन्याह नाओं रा विधानो रे मुताबिक एक चेला था, जो तेती रणे वाले सबी यहूदिया बीचे सुनाम था, मांगे आया। 13 और खड़े ऊई की माखे बोलेया कि ओ शाऊल पाई फेर देखणे लगी जा। तेसी बखते मेरी आखी खुली गिया और मैं से देखेया। 14 तेबे तिने बोलेया कि आसा रे बाप-दादेया रे परमेशरे तूं इजी री खातर ठाई राखेया; ताकि तूं तेसरी इच्छा खे जाणे और तेस तमियों खे देखी सके और तेसरे मुंझो ते गल्ला सुणी सके। 15 कऊँकि तूं तेसरी तरफा ते सबी मांपूआ सामणे तिना गल्ला रा गवा ऊणा, जो तै देखी राखिया और सुणी राखिया। 16 एबे देर कऊँ लगी रा करने? उठ बपतिस्मा लजो और तेसरा नाओं लयी की आपणे पापो खे तोओ। 17

“जेबे आँऊ फेर यरूशलेमो रे आयी की मन्दरो रे प्रार्थना लगी रा था करने, तेबे बेओश ऊँडिगा। 18 और तिने देखेया कि से माखे बोलोआ कि फटाफट यरूशलेमो ते निकली जा, कँकिंति तिना लोका जो एती ए मेरे बारे रे तेरी गवाई नि मानणी। 19 मैं बोलेया कि आओ प्रभु! तुसे तो जाणोए कि आँऊ तुसा पाँदे विश्वास करने वालेया खे जैला रे पाँऊ था और जगा-जगा प्रार्थना रे कअरो रे कुटवाऊँ था। 20 और जेबे तेरे गवा स्तिफुनुसो रा खून बड़े लगी रा था, तेबे आँऊ बी तेथी खड़ा था और एसा गल्ला रे शामिल था और तेसखे काणे वालेया रे टालेया री देख-रेख कहूँ था। 21 और प्रभुए माखे बोलेया, ‘बली जा, कँकिंकि मां तूँ दुजिया जातिया गे दूर-दूर पेण्जाए।’ 22 सेयो लोक एसा गल्ला तक तेसरी सुणदे रये, तेबे जोरे की बोलणे लगे, “एँडे मांणूए रा अन्त करो, एसरा जिझूँदा रणा ठीक निए।” 23 जेबे सेयो विंगणे, टाले सेटणे और सर्गो रे तूँड उड़ाओ थे, 24 तेबे पलटणा रे सरदारे बोलेया, “एसखे गढ़े रे लयी जाओ और कोडे बाई कि परखो, ताकि माखे बी पता लगो कि लोक किंजी री बजअ ते एसरे बिरोदो रे एँडे चिंगणे लगी रे।” 25 जेबे तिने से तसमेया साथे बानेया, तेबे पौलुसे तेस सूबेदारो ते, जो नेडे था खड़ेया रा बोलेया, “क्या ये ठीक ए कि तुसे एक रोमी मांणूए खे और से बी बिना दोषो ते, कोडे बाओ?” 26 सूबेदारे ये सुणी की पलटणा रे सरदारो गे जाई की बोलेया, “तूँ ये क्या लगी रा करने? ये तो रोमी मांणूए।” 27 तेबे पलटणा रे सरदारे तेसगे आयी की बोलेया, “मांगे बता कि क्या तूँ रोमी ए?” तिने बोलेया, “आ।” 28 ये सुणी की पलटणा रे सरदारे बोलेया, “मैं रोमी ऊणे रा पद बक्त पैसे देई की पाई राखेया।” पौलुसे बोलेया, “आँऊ तो जन्मो तई रोमी ए।” 29 तेबे सेयो लोक जो तेसखे परखणे बाले थे। सेयो फटाफट तेसगे ते आटी गे और पलटणा रा सरदार बी ये जाणी की कि ये रोमी ए और मैं ये बानी राखेया, डरिगा। 30 दूजे दिने से ठीक-ठीक जाणने री इच्छा ते कि यहूदी तेस पाँदे कँऊ दोष लगाणे लगी रे, तेसरे बन्दन खोली ते और बड़े पुरोईत और सारी सभा खे कटू ऊणे री आज्ञा दित्ती और पौलुस थाले ल्याई की तिना सामणे खड़ा करी ता।

23 पौलुसे महासभा खे टकटकी लगाई की देखेया और बोलेया, “ओ पाईयो! मैं आजो तक परमेशरो खे बिल्कुल सच्चाईया साथे जीवन चिताया।” 2 हनन्याह प्रदान पुरोईत, तिना री, जो तेसगे खड़ी रे थे, तेसरे मुंओ रे थप्पड़ बाणे खे बोलेया। 3 तेबे पौलुसे तेसखे बोलेया, “ओ दखावटी मांणू, परमेशरे तूँ काणा, तां पाँदे परमेशरो री मार पड़नी। तूँ बिधानो रे मुताबिक मेरा न्याय करने बैठी रा और तेबे क्या बिधानो रे खलाफ माखे बाणे खे बोलणे लगी रा?” 4 जो नेडे थे खड़े रे तिने बोलेया, “क्या तूँ परमेशरो रे प्रदान पुरोईतो खे बुरा लगी रा बोलणे?” 5 पौलुसे बोलेया, “ओ पाईयो! माखे नि था पता कि ये प्रदान पुरोईत ए, कँकिंकि पवित्र शास्त्रो रे लिखी राखेया कि आपणे लोका रे प्रदानो खे बुरा नि बोल।” 6 तेबे पौलुसे ये जाणी की कि कितणे सदूकी ए और कितणे फरीसी ए, सभा रे आकका पाई की बोलेया, “ओ पाईयो! आँऊ फरीसी और फरीसिया रे वंशो राए, मरे रेया री उम्मीद और दुबारा

जिझूँदा ऊणे रे बारे रे मेरा मुकद्दमा ऊणे लगी रा।” 7 जेबे तिने ये गल्ल बोली तेबे फरीसी और सदूकिया बीचे चगडा ऊणे लगेया और सभा रे फूट पड़ी गी। 8 कँकिंकि सदूकिया रा ये विश्वास ए कि ना तो दुबारा जिझूँदा ऊणा ए, ना स्वर्गदूत ए और ना ई आत्मा ए, पर फरीसी इना सबी गल्ला खे मानो थे। 9 तेबे बक्त आल्ला पड़ी गा और बक्त शास्त्री, जो फरीसिया रे दलो रे थे, उठी की ये बोली की चगड़े लगे, “आसे एस मांणूए रे कोई बुराई नि पाँदे और जे कोई आत्मा या स्वर्गदूत एस साथे बोलेया, तो तेबे क्या ए?” 10 जेबे बक्त चगडा ऊँडिगा, तेबे पलटणा रे सरदारे, इज्जी रे डरो ते कि से केथी पौलुसो रे टुकड़े-टुकड़े नि करी देओ, पलटणा खे आज्ञा दित्ती, “उतरी की पौलुसो खे तिना बीचा ते जबरदस्ती चिंजी की निकयालो और गढ़ो रे ली आओ।” 11 तेसी राती प्रभु यीशुए पौलुसो गे आयी की बोलेया, “ओ पौलुस! इम्मत राख, कँकिंकि जैड़ी तैं यरूशलेमो रे मेरी गवाई दित्ती, तेड़ी ई ताखे रोमो रे बी गवाई देणी पड़नी।” 12 जेबे दिन ऊआ, तेबे कुछ यहूदिये एक ऊई की बोलेया और कसम खाई, “जदुओ तक आसे पौलुसो खे काई नि देऊँगे, तदुओ तक खाऊँगे या पिँऊंगे तो आसा पाँदे थिककार ए।” 13 जिने आपू बीचे ये कसम खाई, सेयो चालिया ते पाँदे थे। 14 तिने बड़े पुरोईत और बुजुर्गा गे आयी की बोलेया, “आसे ये ठाणी राखेया कि जदुओ तक आसे पौलुसो खे नि काई लऊँगे, तदुओ तक जे कोई कुछ चाखो गा बी, तो आसा पाँदे थिककारो पाँदे थिककार ए।” 15 इज्जी री खातर एबे बड़ी सभा समेत पलटणा रे सरदारो खे समजयाओ कि पौलुसो खे तांगे ली आओ, मानेया कि तुसे तेसरे बारे रे और बी परख करना चाओए और आसे तेसरे पक्कछोंगे ते पईले ई, तेसखे काणे खे त्यार रणो।” 16 पर पौलुसो री बईणा रे पाऊए सुणेया कि सेयो तेसखे काणे री ताका रे ए, तेबे तिने पौलुसो खे गढ़ो रे जाई की सन्देशा दित्तेया। 17 पौलुसे सूबेदारा बीचा ते एकी खे आपू गे बुलाई की बोलेया, “एस जवानो खे पलटणा रे सरदारो गे लयी जाओ, ये तेसखे कुछ बोलणा चाओआ।” 18 तेबे सूबेदारे पौलुसो रे पांणजे खे पलटणा रे सरदारो गे लयी जाई की बोलेया, “पौलुस बन्दुए माखे बुलाई की बिनती कित्ती कि ये जवान पलटणा रे सरदारो ते कुछ बोलणा चाओआ, एसखे तेसगे लयी जा।” 19 पलटणा रे सरदारे तेसरा आथ पकड़ी की और तेसखे लग जे लयी जाई की पूछेया, “मांगे क्या बोलणा चाएया?” 20 तिने बोलेया, “यहूदिये अगुवे एकता करी राखी कि तांते बिनती करो कि काल पौलुसो खे बड़ी सभा रे ल्याओ, मानेया कि तूँ और ठीक तरअ ते तेसखे परखणा चाएया।” 21 पर एसरी ए बिनतिया नि मानणी, कँकिंकि तिना बीचा ते चाली मांणूआ ते पाँदे पौलुसो खे काणे री ताका रे ए, जिने ये ठाणी ला रा कि जदुओ तक आसे पौलुसे खे काई नि देऊँगे, तदुओ तक खाऊँगे, पिँऊंगे तो आसा पाँदे थिककार ए, और एबु सेयो त्यार ए और तेरे वचनो री उम्मीद देखणे लगी रे।” 22 तेबे पलटणा रे सरदारे जवानो खे ये आज्ञा देई की बिदा कित्तेया, “केसी गे नि बोलणा कि तैं मांगे ये गल्ल बोली राखी।” 23 तेबे सेनापतिये दो सूबेदारा खे बुलाई की बोलेया, “दो सौ सिपाई, सत्तर

सवार और दो सौ भालैत, पहर रथियों खे कैसरिया नगरों खे जाणे खे त्यार करी की राखो 24 और पौलुसों री सवारिया खे कड़े त्यार राखो, ताकि तेसखे फेलिक्स हाकिमों गे ठीक-ठाक पक्काया जाओ।” 25 सेनापतिये राज्यपालों खे इँयां पर्ती बी लिखी, 26 “महाप्रतापी फेलिक्स हाकिमों खे क्लॉदियस लूसियासों री तरफा ते नमस्ते। 27 ये मांगू यहूदिये पकड़ी की काणा चाया, पर जेबे माखे पता लगेया कि ये रोमी ए, तेबे पलटण लयी की छुड़ाई की ली आया। 28 आँऊ जाणना चाँऊ था कि सेयो एस पाँदे किंजी री बजअ ते तेस पाँदे दोष लगाणे लगी रे, इजी री खातर आँऊ तेसखे तिना री महासभा रे लयी गा। 29 तेबे माखे पता लगी गा कि सेयो आपणी यहूदी विधानों रे बईसों रे बारे रे एस पाँदे दोष लगी रे लगाणे, पर काणे जोगा और बानणे जोगा एसदे कोई दोष निए। 30 जेबे मांगे बताया गया कि सेयो लोक एसखे काणे री ताका रे लगी रे, तो मैं फटाफट से तांगे पेजी ता और दुश्मणा खे बी आज्ञा दित्ती कि तां सामणे तेसखे निर्दोष करेयो।” 31 तो तेबे जियाँ सिपाईया खे आज्ञा दित्ती थी तियाँ इं सिपाईए पौलुसों खे रातो-रात अन्तिपत्रिस नगरों खे ली आए। 32 दूजे दिने सेयो सवारा खे पौलुसों साथे कैसरिया नगरों खे जाणे खे छाड़ी की आपू गढ़ो खे वापस आईंगी। 33 तिने कैसरिया नगरों रे पक्कायी की हाकिमों खे पत्री दित्ती और पौलुस बी तेस सामणे खड़ा कितेया। 34 राज्यपाले पढ़ी की पूछेया, “ये मांगू कुण जे प्रदेशो राए?” पौलुसे उतर दित्तेया, “आँऊ किलिकिया प्रदेशो राए।” 35 जेबे जाणी ला कि किलिकिया राए तो राज्यपाले तेसखे बोलेया, “जेबे तेरे दुश्मण बी आओगे, तेबे आँऊ तेरा मुकदमा करूँगा।” तिने पौलुस हेरेदोसों रे किले रे पट्टी रे राखणे री आज्ञा दित्ती।

24 पाँज दिना ते बाद हनन्याह नाओं रा प्रदान पुरोईत कई बुजुर्ग और तिरतुल्लुस नाओं रे केसी वकीलों खे साथे लयी की कैसरिया नगरों खे आया, तिने हाकिमो सामणे पौलुसों पाँदे दोष लगाया। 2 जेबे पौलुस बुलाया, तेबे तिरतुल्लुस तिना पाँदे दोष लगाई की बोलणे लगेया, “ओ महाप्रतापी फिलेक्स! तेरे जरिए जो आसा खे बड़ा राम मिलोआ और तेरे प्रबन्धो ते इना जातिया खे कितणिया बुराईया सुदारिया जाओईया, 3 इना खे आसे हर जगा और हर प्रकारो ते धन्यवादो साथे मानूँ। 4 पर इजी री खातर कि आँऊ तेरा और जादा बच्खत खराब नि करना चांदा। आँऊ तांते बिनती करूँगा कि कृपा करी की म्हारिया दो-एक गल्ला सुणी लो। 5 कँकँकि आसे ये मांगू ऊदम मध्याणे वाला और दुनिया रे सारे यहूदिया बीचे अंगामा करने वाला और नासरियों रे अडुंदों कामों रा मुखिया पाई राखेया। 6 इने मन्दर अशुद्ध करना चाया पर आसे ये पकड़ी ता। (आसे एसखे आपणे विधानों रे मुताबिक सजा दित्ती ऊँदी) 7 पर पलटणा रे सरदार लूसीयासे ये आसा ते जबरदस्ती छुड़ाई ला, 8 और दुश्मणा खे तां सामणे आऊणे खे बोलेया इना सबी गल्ला खे जिना रे बारे रे आसे एस पाँदे दोष लगाणे लगी रे, ताखे आपू इं एसखे परखी की पता लगी जाणा।” 9 यहूदिये बी तेसरा साथ देई की बोलेया कि यो गल्ला इँयां इं आईया। 10 जेबे हाकिमे पौलुसों खे बोलणे

खे सारा (संकेत) कितेया, तेबे पौलुसे जवाब दितेया, “जेबे माखे पता लगेया कि तूं बक्तुत साला ते एसा जातिया रा न्याय करदा आयी रा, तेबे इं खुशिया साथे आपणा जवाब देऊँगा। 11 तूं आपू जाणी सकेया कि जदुओं ते आँऊ यस्तशेमो रे भक्ति करने खे मन्दरो रे आया, माखे बारा दिना ते जादा नि ऊई रे। 12 और तिने आँऊ ना मन्दरो रे, ना प्रार्थना रा कअर, ना नगरो रे केसी साथे बईस करदे या पीड़ (भीड़) लगादे ऊए देखेया, 13 और ना इं सेयो तिना गल्ला खे, जिना रा सेयो मां पाँदे दोष लगाणे लगी रे, तां सामणे सब साबित करी सकोए। 14 पर आँऊ तां सामणे ये मानी लँऊँ आ कि जेते कामो खे यो अड़दंगे काम बोलोए तेसरी इं रीतिया ते आँऊ आपणे बाप-ददेया रे परमेश्वरो री सेवा करूँगा और जो गल्ला विधान और भविष्यबक्तेया री कताबा रे लिखी रखिया, तिना सबी पाँदे विश्वास करूँगा 15 और परमेश्वरो रे उम्मीद राख्यूँआ कि जो सेयो आपू बी राखोए कि तर्मी और पापी दोनों जिऊँदे ऊए। 16 इजी ते आँऊ आपू बी कोशिश करूँगा कि परमेश्वरो री और मांणूआ री तरफा ते मेरा विकेक सदा निर्दोष रजो। 17 “बक्तुत साला ते बाद आँऊ आपणे गरीब लोका खे दान पक्काणे और पेंट चढ़ाणे यस्तशेम नगरो खे आया था। 18 तिने आँऊ मन्दरो रे शुद्ध दशा रे और बिना पीड़ा ते और बिना दंगा करदे ऊए पेंट चढ़ांदे ऊए देखेया-पर आ, आसिया प्रदेशो रे कई यहूदी थे, तिना खे ठीक था 19 कि जे मेरे बिरोदो रे तिना री कोई गल्ल ओ तो, एती मां सामणे आजी की मां पाँदे दोष लगादे। 20 या यो आपू इं बोलो कि जेबे आँऊ महासभा सामणे खड़ा था, तेबे इने मांदे कुण जा अपराध पाया? 21 एसा एकी गल्ला खे छाडी की जो मैं इना बीचे आक्का पाई की बोली थी, ‘‘मेरे ऊए रे जिऊँदे ऊए रे बारे रे आज मेरा तुसा सामणे मुकदमा ऊणे लगी रा।’’ 22 फेलिक्से जो एस कामो रिया गल्ला ठीक-ठीक जाणो था, सेयो ये बोली की टाली ते, “जेबे पलटणा रा सरदार लूसियास आऊणा, तेबे तुसा री गल्ला रा न्याय करूँगा।” 23 सूबेदारो खे बोलेया कि पौलुसों खे कुछ टीअल (छूट) देई की रखवाली करेयो पर तेसरे दोस्ता बीचा ते केसी खे बी तेसरी सेवा करने ते नि रोकणा। 24 थोड़े दिनो ते बाद राज्यपाल फेलिक्स आपणी लाडी दृसिल्ला खे, जो यहूदिणी थी, साथे लयी की कैसरिया नगरो खे आया और पौलुसों खे बुलाई की तेस विश्वासो रे बारे दे, जो यीशु मसीह पाँदे ए, तेसते सुपैया। 25 जेबे पौलुस तर्म, सब्र और आऊणे वाले न्याय रे बारे रे बताओ था, तेबे फेलिक्से डरदे ऊए बोलेया, “एबु तो जा, मौका मिलणे पाँदे मां तूँ फेर बुलाणा।” 26 राज्यपाल फेलिक्सों खे पौलुसों ते कुछ पैसे मिलणे री बी उम्मीद थी, इजी री बजअ ते से तेसखे और बी बुलाई-बुलाई की गल्ला करो था। 27 पर जेबे दो साल बीती गे, तेबे पुराकियुस फेस्तुस फेलिक्सों री जगा पाँदे राज्यपाल बणेया और फेलिक्स यहूदिया खे खुश करने री इच्छा ते पौलुसों खे बन्दुआ इं छाडी गा।

25 फेस्तुस यहूदिया प्रदेशो रे राज्यपालो रा काम सम्बालने ते तीन दिन बाद कैसरिया नगरो ते यस्तशेमो खे गया। 2 तेबे बड़े पुरोईत और यहूदी अगुवे तेस सामणे पौलुसों पाँदे आरोप लगाए। 3 तिने

फेस्तुसो ते बिनती कित्ती कि से पौलुसे खे यरुशलेमो खे बुलाणे री कृपा करो, कँऊकि सेयो पौलुसो खे बाटा रई काणे री ताका रे थे। 4 फेस्तुसे बोलेया, “पौलुस कैसरिया रे पड़ेरे रे ए और मां आपू तेती चट ई जाणा।” 5 फेर बोलेया, “जो तुसा बीचे अक्क राखोए, सेयो बी साथे चलो और जे इने मांणूए कुछ बुरा काम करी राखेया, तो तेस पाँदे दोष लगाओ।” 6 फेस्तुस यरुशलेमो रे तिना बीचे कोई आठ-दस दिन रई की कैसरिया नगरो खे गया और दूजे दिने न्याय आसणो पाँदे बैठी की पौलुसो खे ल्याऊणे री आज्ञा दित्ती। 7 तेबे से आया, तेबे जो यहूदी अमुवे यरुशलेमो ते आयी रे थे, तिने नेडे-तेडे खड़ी की तेस पाँदे बऊत सारे दोष लगाए, जिना रा तिना गे कोई सबूत नि था। 8 पर पौलुसे जवाब दितेया, “मैं ना तो यहूदिया रा बिधानो रा, ना ई मन्दरो रा और ना ई कैसरो रे खलाफ कुछ अपराध करी राखेया।” 9 तेबे फेस्तुसे यहूदिया खे खुश करने री इच्छा ते पौलुसो ते पूछेया, “क्या तूँ यरुशलेमो खे जाणा चाएया और तेती मां सामणे तेरे एस मुकद्दमे रा न्याय कित्तेया जाणा?” 10 पौलुसे बोलेया, “आऊँ कैसरो रे न्याय आसणो सामणे खड़ी रा, मेरे मुकद्दमे रा एथी न्याय ऊणा चाईगे, जेडा तूँ अच्छी तरअ ते जाणेया कि यहूदिया रा मैं कुछ बी अपराध निए कित्तेया रा। 11 जे आऊँ अपराधी ए और काणे जोगा कुछ अपराधो रा काम करी राखेया, तो मरने ते नि मुकरदा। पर जिना गल्ला रा यो यहूदी अमुवे मां पाँदे दोष लगाणे लगी रे, जे तिना बीचा ते कोई गल्ल सच नि ऊँ, तो कोई माखे तिना रे आथो रे नि दई सकदा। आऊँ कैसरो ते विनती करूँआ, सेर्ई मेरा न्याय करो।” 12 तेबे फेस्तुसे मन्त्रिया री सभा साथे बात-चीत करी की बोलेया, “तैं कैसरो ते विनती करी राखी, तूँ कैसरो गे ई जाणा।” 13 कुछ दिन बितेणे ते बादो ते अग्रिप्पा राजा और तेसरी छोटी बईण बिरनिके कैसरिया रे आयी की फेस्तुसो खे मिलो। 14 तिना रे बऊत दिन तक तेती रणे ते बादो ते फेस्तुसे पौलुसो रे बारे रे राजे गे बताया कि एक मांणूए, जेसखे फेलिक्स बन्दुआ छाडी गा रा। 15 जेबे आऊँ यरुशलेमो रे था, तेबे बडे पुरोईत और यहूदिया रे बुजुर्ग तेस पाँदे आरोप लगाया और चाया कि तेसखे सजा मिलो। 16 पर मैं तिना खे बोलेया, “रोमिया री एडी रवाज निए कि केसी मांणूए खे सजा मिलो, जदुओ तक अपराधिया खे तेस पाँदे दोष लगाणे वाले रे आमणे-सामणे खडे ऊँ की दोषो रा जवाब देणे रा अवसर नि मिलो। 17 तो जेबे यहूदी अमुवे मां साथे कैसरिया आये थे, तेबे मैं देर नि कित्ती, पर दूजे ई दिने न्याय आसणो रे बैठी की तेस मांणूए खे ल्याऊणे री आज्ञा दित्ती। 18 जेबे तेसरे दुश्मण खडे ऊँ, तेबे तिने एडी बुरी गल्ला रा दोष नि लगाया, जेडी आऊँ समजूँ था। 19 पर सेयो आपणे तर्म और यीशु नाओं रे केसी मांणूए रे बारे दे, जो मरी गा था और पौलुस तेसखे जिऊँदा बताओआ, बईस करो थे। 20 आऊँ उल्जणा रे पडी गा कि इना गल्ला रा पता किंवां लगाऊँ? इजी री खातर मैं पौलुसो ते पूछेया, क्या तूँ यरुशलेम जाणा चाएगा, ताकि तेती इना गल्ला रा न्याय ओ? 21 पर जेबे पौलुसे विनती कित्ती कि मेरे मुकद्दमे रा न्याय महाराजाधिराजो गे ओ, तो तेबे मैं आज्ञा दित्ती कि जदुओ तक

तेसखे कैसरो गे नि पैजूँ तदुओ तक तेसखे कैदा रे राखेया जाओ।” 22 तेबे अग्रिप्पे फेस्तुसे खे बोलेया, “आऊँ बी तेस मांणूए री सुणना चाऊँआ।” तिने बोलेया, “तां काल सुणी लणी।” 23 तेबे दूजे दिने, जेबे महाराजा अग्रिप्पा और बिरनिके बडी धूमधामा साथे पलटणा रे सरदार और नगरो रे बडेया लोका साथे दरबारो रे पँडेल्या, तेबे फेस्तुसे आज्ञा दित्ती कि पौलुसो खे ली आओ। 24 फेस्तुसे बोलेया, “ओ राजा अग्रिप्पा और सब लोको, जो आसा साथे एती ए, तुसे एस मांणूए खे देखोए, जेसरे बारे रे सारे यहूदिये यरुशलेम और एती बी बींगी-बींगी की मांते बिनती कित्ती कि एसरा जिऊँदा रणा ठीक निए। 25 पर मैं जाणी ला की तिने एडा कुछ नि करी राखेया की तेसखे मारी देओ, और बल्कि तिने आपू ई महाराजे ते विनती कित्ती, तेबे मैं तेसखे रोम पेजणे रा फैसला कितेया। 26 पर मैं तेसरे बारे रे कोई ठीक गल्ल नि पाई, ताकि आपणे स्वामिए खे लिखूँ इजी री खातर आऊँ एसखे तुसा सामणे और महाराज अग्रिप्पा तां सामणे ल्याई राखेया, ताकि परखणे ते बाद माखे कुछ लिखेणे खे मिलो 27 कँऊकि बन्दुओ खे पेजणा और जो तेस पाँदे दोष लगाई राखे, सेयो नि बताणे, माखे बेकार लगोआ।”

26 अग्रिप्पे पौलुसो खे बोलेया, “ताखे आपणे बारे रे बोलणे री आज्ञा आए।”

तेबे पौलुस आथ आगे करी की जवाब देणे लगेया, 2 “ओ अग्रिप्पा राजा! जितणी गल्ला रा यहूदी अमुवे मां पाँदे दोष लगाणे लगी रे, आज तां सामणे तिना रा जवाब देणे खे आऊँ आपू खे धन्य समजूँआ। 3 खास कर इजी खे कि तूँ यहूदिया रे सब व्यवहार और बईसा खे जाणेया। तेबे आऊँ बिनती करूँआ कि शान्त ऊँ की मेरी सुणो। 4 “जेडा मेरा चाल-चलण शुरुओ ते आपणी जातिया बीचे और यरुशलेमो रे था, ये सब यहूदिया रे अगुवा जाणोए। 5 सेयो जे गवाई देणा चाओए, तो शुरुओ ते माखे पछ्याणोए कि आऊँ फरीसी ऊँ की आपणे तर्मे रे सबी ते खरे पन्थो रे मुताबिक चलेया। 6 और एबे तेस बादे री उम्मीदा री बजअ ते, जो परमेश्वरे आसा रे बाप-दादेया साथे कित्ती थी, मां पाँदे मुकद्दमा चली रा। 7 तेसी बादे रे पूरे ऊणे री उम्मीद लगाए रे आसा रे बारा गोत्र, आपणे सारे मनो ते रात-दिन परमेश्वरो री सेवा करदे आयी रे। ओ राजा! इजी उम्मीदा रे बारे रे यहूदी मां पाँदे दोष लगाणे लगी रे। 8 जबकि जादातर यहूदी ये विश्वास करोए कि परमेश्वर मरे रेया खे जिऊँदा करोआ, तो तुसा रे एती, ये गल्ल कँऊ विश्वासो जोगी नि समजी जांदी? 9 “मैं बी सोचेया था कि यीशु नासरियो रे नाओं रे बिरोदो रे माखे बऊत कुछ करना चाईयो। 10 और मैं यरुशलेमो रे एडा ई कित्तेया और बडे पुरोईता ते अक्क पाई की बऊत सारे पवित्र लोक जेला रे पाए और जेबे सेयो काए जाओ थे, तो आऊँ बी तिना रे बिरोदो रे आपणी सलाह देऊँ था। 11 आऊँ हर प्रार्थना रे कअरो रे तिना खे कूटी-कूटी की यीशुए री निन्दा करवाऊँ था, एथो तक कि रोषो रे मारे इतणा पागल ऊँ की बारले नगरो रे जाई की बी तिना खे सताऊँ था। 12 “एसी धुना रे जेबे आऊँ बडे पुरोईता ते अक्क और आज्ञा-पत्र लयी की दमिश्को नगरो खे जाणे लगी रा था, 13 तेबे ओ राजा! बाटा रे त्याड़िया

जे, मैं सर्गों ते एक सूर्जों री चमका ते बी बढ़ी की एक जोति आपू पाँदे और साथे चलणे वालेया रे चक्क कनारे चमकदी ऊई देखी। 14 और जेबे आसे सब जमीना पाँदे रुड़ी गे, तेबे मैं इब्रानी पाषा (भाषा) रे मां साथे बोलदे ऊए ये शब्द सुणेया, ‘ओ शाऊल! ओ शाऊल! तूँ माखे कऊँ सताणे लगी रा? पहिने पाँदे लाते बाणी इदे तेरा ई नुकशाण ए।’ 15 मैं बोलेया, ‘ओ प्रभु! तूँ कुण ए?’ प्रभुए बोलेया, ‘आऊँ यीशु ए, जेसखे तूँ सताएया। 16 पर तूँ उठ, आपणे पैरा पाँदे खड़ा ओ, कऊँकि मैं ताखे इजी री खातर दर्शन देई राखेया, ताकि ताखे तिना गल्ला रा सेवक और गवा ठारऊँ, जो तैं देखी राखिया और तिना रा बी, जिना री तई मां ताखे दर्शन देणा 17 यहूदियो और दुजिया जातिया ते, जिना बीचे आऊँ ताखे पेजणे लगी रा मां तूँ तिना ते बचाणा। 18 ताकि तूँ तिना री आखी खोल, ताकि सेयो न्हैरे ते जोतिया री तरफा खे और शैतानो रे अक्को ते परमेश्वरो रे राज्य री तरफा खे फिरो। ताकि सेयो पापो री माफी और तिना लोका साथे जो मां पाँदे विश्वास करने ते पवित्र किते रे ए, जायदात पाओ।’ 19 “तो ओ अग्रिप्पा राजा! मैं तेस स्वर्गिय दर्शने री गल्ल मानी ली। 20 पर पईले दमिश्क नगरो रे और तेबे यूरशलेमो रे रणे वालेया खे, तेबे यहूदिया रे सारे देशो रे और दुजिया जातिया खे समजयांदा रया कि मन फिराओ और परमेश्वरो री तरफा खे फिरी की मन फिराणे जोगा काम करो। 21 इना गल्ला री बजअ ते यहूदी माखे मन्दरो रे पकड़ने और काणे री कोशिश करो थे। 22 पर परमेश्वरो री मझबनिया ते आऊँ आजो तक बणी रा और छोटे-बड़े सबी सामणे गवाई देऊँआ और तिना गल्ला खे छाडी की ओर कुछ नि बोलदा, जो भविष्यबक्ते और मूरे बी बोलेया कि ऊणे वालिया ए 23 कि मसीह खे दुःख ऊणा और तेस ई सबी ते पईले मरे देया बीचा ते जिऊँदे ऊई की यहूदी लोका बीचे और दुजिया जातिया बीचे जोतिया रा प्रचार करना।” 24 जेबे पौलुस ईयां जवाब देणे लगी रा था, तेबे फेस्तुसे जोरे की बोलेया, “ओ पौलुस, तूँ पागल ऊईगा रा, जादा पढ़ाईये तूँ पागल बणाई ता दा।” 25 पर पौलुसे बोलेया, “ओ महाप्रतापी फेस्तुस! आऊँ पागल निए, पर सच्चाई और बुद्धि री गल्ल करूँआ। 26 राजा बी जेस सामणे आऊँ निडर ऊई की बोलणे लगी रा, इना गल्ला खे जाणोआ और माखे विश्वास ए कि इना गल्ला बीचा ते कोई एसते छीपी दी निए, कऊँकि ये घटणा कोई कूणे रे नि ऊई री। 27 ओ अग्रिप्पा राजा! क्या तूँ भविष्यबक्ते या पाँदे विश्वास करेया? आ, आऊँ जाणूँआ कि तूँ विश्वास करेया।” 28 तेबे अग्रिप्पे पौलुसे खे बोलेया, “तूँ थोड़ा जा ई समजयाणे ते माखे मसीह बनाणा चाएया?” 29 पौलुसे बोलेया, “मेरी परमेश्वरो ते ये प्रार्थना ए कि क्या थोड़े जे, क्या बऊत जे, बस तूँनि, पर जितणे लोक आज मेरी सुणने लगी रे, इना बन्दना खे छाडी की सेयो मां जेडे मसीह बणी जाओ।” 30 तेबे राजा, हाकिम और बिरनिके और तिना साथे बैठणे वाले खड़े ऊईगे 31 और लग जे जाई की आपू बीचे बोलणे लगे, “ये मांगू एड़ा कुछ तो नि करदा, जो मौत या फसणे जोगा ओ।” 32 अग्रिप्पे

फेस्तुसो खे बोलेया, “जे ये मांगू कैसरो री दुहाई नि देंदा, तो छूटी सको था।”

27 जेबे फेस्तुस राज्यपालो खे ये पक्का निशा ऊईगा कि आसे जाह्जो रे इटलिया प्रदेशो रे रोम नगरो खे जाईए, तो तेबे तिने पौलुस और कुछ ओर कैदी बी यूलियस नाओं री महाराजा अगुस्तुसो री पलटणा रे एक सूबेदारो रे आथो रे देई ते। 2 अद्रमुतियुपो नगरो रे एक जाह्जो पाँदे, जो आसिया प्रदेशो रे कनारे री जगा रे जाणे वाला था, चढ़ी की आसे से खोली ता और अरिस्तर्खुस नाओं रा एक मांगू आसा साथे था जो मकिन्दुनी प्रदेशो रे थिस्सलुनीके नगरो रा रणे वाला था। 3 दूजे दिने आसे सैदा नगरो रे पऊँछे और यूलियुपे पौलुसो पाँदे कृपा करी की से साथिया गे जाणे दितेया ताकि से तिना ते जस्ती चीजा ली आओ। 4 तेथा ते आसे लोके दुबारा यात्रा शुरू कित्ती। उल्टी अवा चलणे री बजअ ते आसे साइप्रसो टापूए री आडा रिये चले 5 और किलिकिया और पंफूलिया नगरो रे नेडे समुद्रो रे ऊई की लूसिया प्रदेशो रे मूरा नगरो रे उतरे। 6 तेती सूबेदारो खे सिकन्दरिया नगरो रा एक जाह्ज इटलिया प्रदेशो खे जांदा ऊआ मिलेया और तिने आसे तिदे चढ़ाई ते। 7 जेबे आसे बऊत दिन तक, आऊँले-आऊँले चली की मुशिकला ते कनिदुस नगरो रे सामणे पऊँछे, तो तेबे कऊँकि अवा आसा खे आगे जाणे नि देओ थी, आसे सलमोने रे सामणे ते ऊई की क्रेते टापूए री आडा रे चले 8 और तिजी रे कनारे-कनारे पाँदे मुशिकला ते चली की शुभ लंगरबारी नाओं री एक जगा रे पऊँछे, जेथा ते लसया नगर नेडे था। 9 जेबे बऊत दिन बीती गे और जलयात्रा रे मुसीबत तेबे ओ थी, कऊँकि बअरतो रे दिन एबे बीती गे थे। तेबे पौलुसे सेयो ये बोली की समजयाए, 10 “ओ सज्जनो! माखे एड़ा लगोआ कि एसा यात्रा रे विपदा और बऊत नुकशान, माल और जाह्जो रा ई नि, बलिक म्हारे प्राणो रा बी ऊणे वाला ए।” 11 पर सूबेदारे पौलुसो री गल्ला ते बढ़ी की कप्तान और जाह्जो रे मालको री गल्ल मानी। 12 से बन्दरगाह ठण्ड बिताणे खे ठीक नि थी, इजी री खातर बऊत जगेया रा बिचार ऊआ कि जे तेथा ते जाह्ज खोली की जे किंयाँ बी ऊई सको, तो फिनिक्सो रे पऊँछी की ठण्ड बिताईये। ये तो क्रेते टापूए री एक बन्दरगाह ए, जो दक्खण-पच्छम और उत्तर-पच्छमो री तरफा खे खुलोआ। 13 जेबे कुछ-कुछ दक्खण री अवा चलणे लगी, तेबे ये समजी गे कि आसा रा मतलब पूरा ऊईगा, आसे लंगर चकेया और कनारे पाँदिए क्रेते टापूए रिये जाणे लगे। 14 पर थोड़ी देर बाद जमीना री तरफा ते बऊत बड़ा तूफान आईगा, जेतेखे यूरकुलीन बोलोए। 15 जेबे तूफान जाह्जो साथे टकराया, तेबे जाह्ज तेस सामणे ठईरा नि सकेया, तेबे आसे से हड्डने दितेया और ईयां ई हड्डे ऊई ऊई चली गे। 16 तेबे कौदा नाओं रे एक छोटे जे टापूओ री आडा रे हड्डे-हड्डे, बढ़ी मुशिकला साथे ढोगिया खे वशो रे करी सके। 17 तेबे मल्लाहे से चकी की बऊत तरीके करी की जाह्ज थालो ते बानेया और सुरतिस खाडिया रे चोरबालूओ पाँदे फसणे रे डरो ते तिने लंगरो खे थोड़ा थाले ऊतारी की जाह्ज अवा साथे-साथे हड्डने खे छाडीता। 18 जेबे आसे टूफानो ते बऊत छूनके और

ताकके खाए, तेबे दूजे दिने सेयो जाह्जो रा माल सेटणे लगे 19 और तीजे दिने तिने आपणे आथो साथे जाह्जो रा साज़ समान बी सेटी ता। 20 जेबे बऊत दिन तक ना सूरज दिशेया और ना तरे और बड़ा तूफान चलदा रया, तेबे आखरी रे आसा रे बचणे री उम्मीद बी जांदी रई। 21 जेबे सेयो बऊत दिन तक पूखे रई चुके, तेबे पौलुसे तिना बीचे खड़े ऊई की बोलेया, “ओ लोको! तुसा खे चाईयो था कि तुसे मेरी गल्ल मानी की क्रेते ठापूए ते जाह्ज नि खोलदे और ना ई बिपदा आँकड़ी और ना ई ये नुकशाण ँदा। 22 पर एबे आँऊ तुसा खे समजयाँआ कि इम्मत राखो, कँऊकि तुसा बीचा ते केसी रे बी प्राणो रा नुकशाण नि ऊणा, पर सिर्फ जाह्जो रा। 23 कँऊकि परमेशर जेसरा आँऊ ए और जेसरी सेवा कँऊआ, तेसरे स्वर्गदूते आज राती मांगे आयी की बोलेया, 24 ओ पौलुस! डर नि, तेरा कैसरो रे सामणे खड़ा ऊणा जस्ती ए, और देख परमेशरे तां पाँदे कृपा करी की सबी खे जो तां साथे यात्रा करोए, ताखे देईते रे। 25 इजी री खातर ओ सज्जनो! इम्मत राखो, कँऊकि आँऊ परमेशरो पाँदे विश्वास राखूआ कि जेडा मांगे बोली राखेया, तेडा ई ऊणा। 26 पर आसा खे केसी टापूओ रे जाई की टिकणा चाईयो।” 27 जेबे चउदवीं रात आयी और आसे अदिया समुद्रे रिये पटकदे फिरने लगी रे थे, तेबे अदिया राती रे नेडे मल्लाहे अनुमानो ते जापेया कि आसे केसी देशो रे नेडे पँछणे लगी रे। 28 थाह लयी की तिने सैंती मीटर डूगा पाया और थोड़ा जा आगे चली की फेर थाह लयी, तेबे सताई मीटर डूगा पाया। 29 तेबे पात्थरो वाली जगा रे टकराणे रे डरो ते तिने जाह्जो री पिछाड़िया रे चार लंगर बाए और प्याग न्यालने री कामना करदे रये। 30 पर जेबे मल्लाह जाह्जो ते नठणा चाओ थे और तिने जाह्जो रे सामणे री तरफा ते लंगर पाणे रे बाने रे डोंगी समुद्रे रे ऊतारी ती। 31 तेबे पौलुसे सूबेदार और सिपाईया खे बोलेया, “इना रा जाह्जो रे रणा जस्ती ए तेबे तुसे बची सकोए।” 32 तेबे सिपाई रस्से बाडी की डोंगी रुड़ाई ती। 33 जेबे प्याग ऊणे वाली थी, तेबे पौलुसे ये बोली की सब रोटी खाणे खे समजयाए, “आज चौदा दिन ऊई कि तुसे उम्मीद देखदे-देखदे रये और बिल्कुल रोटी नि खाई। 34 इजी री खातर आँऊ तुसा खे बोलूआ कि सब रोटी खाई लो जेते साथे तुसा रा बचाव ओ, और तुसे सब बिल्कुल ठीक-ठाक रणे।” 35 ये बोली की तिने रोटी लयी की सबी सामणे परमेशरो रा धन्यवाद करी की तोड़ी और खाणे लगेया। 36 तेबे सेयो सब बी इम्मत बानी की रोटी खाणे लगे। 37 आसे सब मिली की जाह्जो रे दो सूछ छयातर जणे थे। 38 जेबे सेयो रोटी खाई की रजी गे तेबे कणक समुद्रे रे सेटी की जाह्ज अल्का करने लगे। 39 जेबे दिन ऊआ, तेबे तिने से देश नि पछयाणेया, पर एक खाड़ी देखी, जेतेरा कनारा चौरस था और सेचेया कि जे ऊई सको तो एते पाँदे ई जाह्जो खे टिकाँए। 40 तेबे तिने लंगर खोली की समुद्रे रे छाडीता और तेबुई पतवारा रे रस्से खोली ते और अवा रे सामणे आगला पाल चाड़ाई की कनारे पँढो खे चले। 41 पर जेती दो समुद्रे रे संगमो री जगा पड़ो थी, तेती तिने जाह्ज टिकाया, तेबे तिजी रा आगला इस्सा तो ताकका खाई

की दबी गी और टली नि सकी, पर पिछला इस्सा लईरा रे जोरो ते टूटणे लगेया। 42 तेबे सिपाई सोचेया कि कैदिया खे काई देऊए, केथी एड़ा नि ओ कि कोई तरी की नठी जाओ। 43 पर सूबेदारे पौलुसो खे बचाए री खातर सेयो एडा करने ते रोके और बोलेया कि जो तरी सकोए, सेयो पर्दई ई छवाल लयी की कनारे पाँदे निकली जाओ। 44 और बाकी कोई पाटड़ेया पाँदे और कोई जाह्जो री ओरी केसी चीजा रे साअरे निकली जाओ। ईयां सब बची की जमीना पाँदे बची की निकली गे।

28 जेबे आसे सब यात्री कनारे पाँदे ठीक-ठाक पँछी गे, तेबे आसा

खे पता लगेया कि एस टापूओ खे माल्टा बोलोए। 2 तेथो रे रणे वाले लोके आसा पाँदे नकुखा प्यार दखाया, कँऊकि बादल बरसणे री बजअ ते ठण्ड थी, तेबे तिने आग सुलगाई की आसे सब ठराए। 3 जेबे पौलुसे लकडुआ रा पारा (गट्टा) कट्टा करी की आगी पाँदे राखेया, तेबे एक साप आगी रे सेको रे निकलेया और तेसरे आथो रे लिपटी गा। 4 जेबे तेथो रे रणे वालेया साप तेसरे आथो रे लटकेया रा देखेया, तेबे आपू बीचे बोलेया, “सच्ची ये मांगू अत्यारा ए, हालाँकि समुद्रे ते बची गा, पर तेबे बी न्यायी देविए जिँदा नि रणे दित्तेया।” 5 पौलुसे साप आगी रे चडाकी ता और तेसखे कोई नुकशाण नि ऊआ। 6 पर सेयो लोक न्यालदे रये कि तेसरे सोजा आयी जाणा या एकदम रुड़ी की मरी जाणा, पर जेबे सेयो बऊत देर तक देखदे रये कि एसरा कुछ नि बिंगड़ेया, तेबे तिने ओर ई बिचार कित्तेया और बोलेया, “ये तो कोई देवता ए।” 7 तेसा जगा रे नेडे-तेडे तेस टापूओ रे प्रदान पुबलियुसो री जमीनी थी। तिने आसे आपणे कअरे दोस्ता जेडे निए और तीन दिन तक प्यारो साथे पराऊणचारी कित्ती। 8 पुबलियुसो रा पिता बुखार और खूनो री आंवा रा रोगी था, तेबे पौलुसे तेसरे कमरे रे जाई की तेसखे प्रार्थना कित्ती और तेस पाँदे आथ राखी की से ठीक कित्तेया। 9 जेबे एडा ऊआ, तेबे तेस टापूओ रे बाकी बमार बी पौलुसो गे आँझी और तिने सेयो ठीक कित्ते। 10 तिने आसा री बऊत आओ-बैठ कित्ती और जेबे आसे तेथा ते तीन मीने बाद चलणे लगे, तेबे जो कुछ आसा खे जरी था, से जाह्जो पाँदे राखी ता। 11 तीन मीने ते बाद आसे सिकन्दरिया रे एक जाह्जो पाँदे चली पड़े, जो तेस टापूओ पाँदे ठण्ड पड़ने री बजअ ते रुकेया रा था। तेते जाह्जो रे आगले इस्से पाँदे एक जोड़ी देवतेया री मूरत दियुसुकूरी गढ़ी री थी। 12 सुरकूसा नगरो रे लंगर पाई की आसे तेती तीन दिन तक रये। 13 तेथा ते आसे कूमी की रेगियुम नगरो रे एए और एक दिन बाद दक्खणो ते अवा चली, तेबे आसे दूजे दिने पुतियुले नगरो रे आए। 14 तेती आसा खे विश्वासी पाई मिले और तिना रे बोलणे पाँदे आसे तिना रे कअरे सात दिन तक रये और तेबे रोमो खे चली गे। 15 रोमो ते कुछ विश्वासी पाई आसा रा समाचार सुणी की कि आसे तेती आऊणे लगी रे सेयो अपियुसो रे चौको रे और तीन सराँए तक आसा खे मिलणे खे आए, जिना खे देखी की पौलुसे परमेशरो रा धन्यवाद कित्तेया और इम्मत बानी। 16 जेबे आसे रोम नगरो रे पँछे,

तेबे पौलुसो खे एक सिपाईए साथे, जो तेसरी रखवाली करो था, कल्ले रणे री आज्ञा मिली। 17 तीन दिना ते बाद तिने यहूदिया रे खास लोक बुलाए और जेबे सेयो कट्टे ऊए तो तिना खे बोलेया, “ओ पाईयो, मैं आपणे लोका रे या आपणे बाप-दादेया रे व्यवहारो रे बिरोदो रे कुछ नि बोलेया, तेबे बीं कैदी बणाई की यस्शलेगो ते रोमी सरकारा रे आयो रे सम्बाली ता। 18 तिने आऊँ परखी की छाडणा चाया, कऊँकि मादे मृत्यु-दण्डो जोगा कोई दोष नि था। 19 पर जेबे यहूदी अगुवे इजी रे बिरोदो रे बोलणे लगे, तेबे माखे कैसरो ते विनती करनी पड़ी, ये सोची की नि कि मां आपणे लोका पौंदे कोई दोष लगाणा था। 20 इजी री खातर मैं तुसे बुलाई राखे ताकि तुसा साथे मिलूँ और बातचीत करूँ, कऊँकि इसाएलो री उम्मीदा खे आऊँ इना जंजीरा रे जकड़ी रा।” 21 तिने तेसखे बोलेया, “ना आसा खे तेरे बारे रे यहूदिया प्रदेशो ते चिट्ठिया मिलिया और ना ई विश्वासी पाईया बीचा ते आयी की किने तेरे बारे रे कुछ बताया और ना ई बुरा बोलेया। 22 पर तेरा बिचार क्या ए? सेई आसा तांते सुणना चाऊँए, कऊँकि आसे जाणूँए कि हर जगा रे एस मतो रे बिरोदो रे लोक गल्ला करोए।” 23 तेबे तिने पौलुसो खे एक दिन ठराया और बऊत लोक तेसरे गे कट्टे ऊए और से परमेशरो रे राज्य री गवाई देंदा ऊआ और मूसे रा बिधान और भविष्यबक्तेया री कताबा ते प्रभु यीशुए रे बारे रे समजयाई-समजयाई की प्यागा ते साँजा तक बोलदा रया। 24 तेबे कुछ जणेया सेयो गल्ला मानी लईया और कुछ जणेया विश्वास नि कित्तेया जो पौलुसे बोलिया थिया। 25 जेबे सेयो आपू बीचे एक मत नि ऊए, तेबे पौलुसो री एसा एक गल्ला बोलणे पौंदे चली गे, “पवित्र आत्मे यशायाह भविष्यबक्ते रे जरिए तुसा रे बाप-दादेया खे ठीक ई बोलेया, 26 “जाई की इना लोका खे बोल कि सुणदे तो रणे, पर समजणे नि और देखदे तो रणे, पर दिशणा नि। 27 कऊँकि इना लोका रा मन मोटा और तिना रे कान पारी ऊझी रे और तिने आपणी आखी बंद करी ती रिया, एडा नि ओ कि सेयो कदी आखी ते देखो और कानो ते सुणो और मनो ते समजो और फिरो और आऊँ तिना खे ठीक करूँ। 28 “तेबे तुसे जाणो कि परमेशरो रे एस उद्धारो री कथा दुजिया जातिया गे पेजी ती री और तिना सुणनी।” 29 जेबे तिने ये बोलेया तो यहूदी आपू बीचे बऊत बईस करने लगे और तेथा ते चली गे। 30 से पूरे दो साल तक आपणे खर्चे रे कअरो रे रया 31 और जो तेसगे आओ थे, तिना सबी ते मिलदा रया और बिना रोका-टोका ते बऊत निडर ऊई की परमेशरो रे राज्य रा प्रचार करदा ऊआ और प्रभु यीशु मसीह री गल्ला सिखांदा रया।

रोमियों

1 आँऊ पौलुस एसा चिट्ठिया खे लिखणे लगी रा जो यीशु मसीह हा रा दास ए। परमेश्वरे आँऊ प्रेरित ऊणे खे चुप्पी राखेया। तिने आँऊ सुसमाचारो रा प्रचार करने खे लग करी राखेया। 2 परमेश्वरे पईले तेई आपणे भविष्यबक्त्तांनों रे जरिए पवित्र शास्त्रो रे एस सुसमाचारो री प्रतिज्ञा किती थी। 3 ये सुसमाचार आपणे पुत्र आसा रे प्रभु यीशु मसीह रे बारे रे था। से शरीरो रे मुताबिक तो राजा दाऊदे रे वंशो ते जम्मेया, 4 और पवित्र आत्मा री सामर्था ते से मरे रेया बीचा ते जिझॅदा ऊआ। इजी ते ये साबित ऊआ कि से परमेश्वरो रा पुत्र ए और सेई यीशु मसीह आसा रा प्रभु ए। 5 यीशु मसीह रे जरिए माखे कृपा और प्रेरिताईया रा काम मिलेया, ताकि तेसरे नाऊं री बजअ ते सब जातिया रे लोक सुसमाचारो पाँदे विश्वास करो और तेसरी आज्ञा मानो। 6 जिना बीचा ते तुसे बी ओ, जिना खे परमेश्वरे प्रभु यीशु मसीह रे लोक ऊणे खे बुलाई राखेया। 7 आँऊ ये चिट्ठी तुसा सबी लोका खे लिखणे लगी रा जो रोम नगरो रे परमेश्वरो रे प्यारे ए और आपणे पवित्र लोक ऊणे खे बुलाई राखे, आसा रे पिता परमेश्वर और प्रभु यीशु मसीह री तरफा ते तुसा खे कृपा और शान्ति मिलदी रओ। 8 पईले आँऊ तुसा सबी खे प्रभु यीशु मसीह रे जरिए आपणे परमेश्वरो रा धन्यवाद करूँआ, कर्झकि यीशु मसीह रे तुसा रे विश्वासो री चर्चा सारी दुनिया रे ऊणे लगी रिया। 9 परमेश्वर, जेसरी सेवा आँऊ आपणे पूरे मनो ते तेसरे पुत्रो रे सुसमाचारो रे बारे रे करूँआ, सेई मेरा गवा ए कि आँऊ आपणी प्रार्थना रे तुसा लोका खे लगातार याद करदा रँझेआ। 10 और हर रोज आपणी प्रार्थना रे बिनती करूँआ कि परमेश्वरो री इच्छा रे मुताबिक माखे आखरी रे तुसा लोका गे आऊणे रा मौका मिलो। 11 कर्झकि आँऊ तुसा खे मिलणे री बडी इच्छा करूँआ, ताकि आँऊ तुसा खे कोई आतिक बरदान देऊ, जेते कि तुमे विश्वासो रे मजबूत ऊई जाओ। 12 मेरा मतलब ये कि आँऊ तुसा खे और तुसे माखे आपू बीचे एक दूजे खे विश्वासो रे मजबूत करिए। तुसे मजबूत ऊई जाणे कर्झकि तुसे जाणोए कि मैं किंयाँ विश्वास कितेया और आँऊ मजबूत ऊई जाणा कर्झकि आँऊ जाणूआ ए कि तुमे किंयाँ विश्वास करोए। 13 ओ साथी विश्वासियो! आँऊ नि चांदा कि तुसे इजी ते अणजाण रओ कि मैं बार-बार तुसा गे आऊणा चाया पर एबुए तक आँऊ रोकी की राखी राखेया। आँऊ चाँऊआ कि जेडे मैं दूजी कई जगा रे दुजिया जातिया रे मसीह रे चेले बणाए, तेडे ई रोमो रे तुसा बीचे मसीह रे चेले बणाई सकूँ। 14 आँऊ आपणे आपू खे यूनानी पाषा बोलणे वालेया रा और अन्यभाषिया रा, अक्लमंद और मूर्खा खे सुसमाचारो रा प्रचार करने खे कर्जदार ए। 15 तो तेवे आँऊ तुसा खे बी जो रोम नगरो रे रओए, सुसमाचार सुनाणे खे त्यार ए। 16 कर्झकि आँऊ मसीह रे बारे रे एस सुसमाचारो रे शर्मादा निए। ये तिना सबी खे उद्घारो रे निमित परमेश्वरो री सामर्थ ए, सबी ते पईले यूद्धिया खे तिजी ते बाद दूजी जातिया खे जो एस सुसमाचारो पाँदे विश्वास करोए। 17 कर्झकि सुसमाचारो रे

परमेश्वरो री धार्मिकता विश्वासो ते और विश्वासो खे प्रगट ओई, जेडा पवित्र शास्त्रो रे लिखी राखेया, “विश्वासो रे जरिए तर्मी मांगू जिझॅदा रणा!” 18 परमेश्वरो रा रोष तो तिना सबी री अभक्ति और पापो पाँदे जो लोक करोए स्वर्गो रे प्रगट ओआ, जो सच्यो खे पापो रे कामो ते दबाई की राखोए। 19 इजी खे परमेश्वरो रे बारे रे ज्ञान तिना रे मनो रे प्रगट ए, कर्झकि परमेश्वरे तिना पाँदे प्रगट करी राखेया। 20 परमेश्वरो रे अणदेखे गुण, मतलब तेसरी सनातन सामर्थ और परमेश्वरो री तातग दुनिया री सृष्टिया रे बखतो ते, तेसरे कामे की देखणे रे आओए। इजी खे तिना लोका गे आपणे आपू खे बचाणे खे कोई जवाब निए, “आसे परमेश्वरो खे न जाणदे।” (aidios g126) 21 कर्झकि तिने परमेश्वरो खे जाणदे ऊए बी परमेश्वरो खे परमेश्वरो जोगा आदर और धन्यवाद नि कितेया। इजी रे बदले सेयो लोक बेकारो रे सोचणे लगे, एथो तक की तिना रे मूर्ख मनो रे न्हेरा ऊईगा। 22 सेयो आपू खे अक्लमंद जताई की मूर्ख बणी गे। 23 और तिने अविनाशी महिमामय परमेश्वरो री आराधना छाडी की नशवान मांगू पंछी, जानवर और लूरने वाले जन्तुआ री मूर्तिया री आराधना किती। 24 इजी री बजअ ते परमेश्वरे सेयो तिना रे शरीरो री पापमय इच्छा रे मुताबिक यौन अशुद्धता खे छाडी ते ताकि सेयो आपू बीचे बुरे कामो रे जरिए आपणे शरीरो रा अनादर करो। 25 तिने परमेश्वरो री सच्चाईया रे बारे रे विश्वास करने ते ना किती और चूठे पाँदे विश्वास कितेया। तिने परमेश्वरो रे बाजाये तिना रे जरिए बणाई री सृष्टिया री पूजा और सेवा किती, जो सदा धन्य ए। आमीन्। (aiōn g165) 26 इजी री खातर परमेश्वरे सेयो निर्लज्ज वासनांनों रे वशो रे छाडी ते। एथो तक कि तिना री जवाणसे बी आपणा कुदरती यौन सम्बन्ध छाडी की तिजी खे जो सबाओ रे खलाफ ए, बदली ता। 27 तियाँ ई मर्द बी जवाणसा साथे कुदरती मेलजोल छाडी की आपू बीचे कामातुर ऊई की जलने लगे और मर्द, मर्द साथे बेश्र काम करी की आपू पाँदे बुरे कामा री सजा रा ठीक फल पाया। 28 इजी ते बाद बी तिने ये ठीक नि समजेया कि परमेश्वरो रे सारे ज्ञानो खे मानो। तो परमेश्वरे बी सेयो सब गलत काम करने खे तिना रे नक्कमे मनो रे वशो रे छाडी ते। 29 सेयो सबी प्रकारा रे पाप, दुष्टता, लोब, बैरभावो ते परी गे और जलन, अत्या, चगडे, छल और ईर्ष्या ते परी गे और चूगलखोर, 30 बदनाम करने वाले, परमेश्वरो ते करीणा करने वाले, ओरी रा अनादर करने वाले, कमण्डी, त्वालिया देणे वाले, बुरिया-बुरिया गल्ला बानाणे वाले, माया-बाओ रा कईणा ना मानणे वाले, 31 निर्बुद्धि, विश्वासघाती, दयारहित और निर्देशी ऊईगी। 32 सेयो परमेश्वरो री ये तर्मो री बिधि जाणोए कि एडे-एडे काम करने वालेया खे मौता री सजा मिलणी, तेबे बी ना सिर्फ आपणे आपू ई एडे काम करोए, बल्कि करने वालेया ते बी खुश ओ ए।

2 तुसा खे लगोआ कि तुसे एडे लोका पाँदे दोष लगाई सकोए पर ओ दोष लगाणे वालो! तूँ जो दूजेया पाँदे दोष लगाएया तांगे कोई बाह्न निए। कर्झकि जेसा गल्ला रा तूँ दूजे पाँदे दोष लगाएया, तेसी गल्ला रे आपणे आपू खे बी दोषी बणाएया, इजी री खातर, जो तूँ दोष लगाएया,

आपू दी तिना ई कामा करेया। 2 और आसे जाणूए कि एड़े-एड़े काम करने वालेया पाँदे परमेश्वरो री तरफा ते ठीक-ठीक दण्डो री आज्ञा ओई 3 और ओ माणू! तूं जो एड़े-एड़े काम करने वालेया पाँदे दोष लगाएया और आपू तेड़े ई काम करेया, क्या समजेया कि तूं परमेश्वरो रे दण्डो ते बची जाणा? 4 क्या तूं परमेश्वरो री पलाई, सईन शीलता और धीरजरूपी दौलता खे तुच्छ जाणोआ? और क्या ये नि समजदा कि परमेश्वरो री कृपा ताखे मन फिराणे री तरफा खे लई जाओई? 5 पर तुसे टीठ मनो रे ए और आपणे बुरे कामा ते मन किराणे ते मन करी देओए। एड़ा करी की तुसे आपू खे बऊत पारी सजा कट्टी करने लगी रे। रोषो रा दिन आऊणे वाला ए जिदे परमेश्वरो री धार्मिकता रा न्याय प्रकट ऊणा। 6 परमेश्वरो हर एकी खे तेसे कामो रे मुताबिक प्रतिफल देणा। 7 जो लोक खरे कामो रे खड़े रई की महिमा, आदर और अमरता री टोला रे, तिना खे परमेश्वरो अनन्त जीवन देणा। (alōnios g166) 8 पर जो स्वार्थी ए और सच्चो खे नि जाणदे, बल्कि बुरे काम करोए, तिना पाँदे परमेश्वरो रा रोष और कोप पड़ना। 9 और क्लेश और संकट हर एकी माणूए रे प्राणो पाँदे, जो बुरा करोआ, आऊणा। परमेश्वरो सबी ते पईले यहूदिया रा न्याय करना और तिजी ते बाद दूजिया जातिया रा न्याय करना। 10 पर महिमा, आदर और शान्ति हर एकी खे मिलणी, जो पला करोआ, पईले यहूदिया खे मिलणी, तेबे दूजिया जातिया खे। 11 कऊँकि परमेश्वर केसी रा पक्ष नि करदा। 12 कऊँकि जिने बिना मूसेरा रा बिधान पाए, पाप कित्तेया, तिना खे बिना मूसेरा रा बिधानो तेई सजा मिलणी और यहूदी जिने मूसेरा बिधान पाई कि पाप कित्तेया, तिना रा न्याय मूसेरा रा बिधानो रे मुताबिक ई ऊणा। 13 कऊँकि परमेश्वरो रे एती बिधानो खे सुणने वाले तर्मी निए, पर बिधानो पाँदे चलणे वाले तर्मी ठराए जाणे। 14 तेबे, जेबे दूजी जातिया रे लोक, जिना गे मूसेरा रा बिधान निए, सबाओ तेई बिधानो री गल्ला पाँदे चलोए और मूसेरा बिधान तिना गे ना ऊणे पाँदे बी, सेयो ये सिद्ध करी देओए की तिना रे मनो रे एक बिधान ए 15 सेयो परमेश्वरो रे बिधानो रिया गल्ला आपणे दिलो रे लिखी रिया दखाओए। तिना रे विवेक बी गवाई देओए। तिना रे बिचार तिना खे कदी दोष लगाओए तो कदी तिना खे निर्दोष ठराओए। 16 ये तेस दिने सपष्ट ऊई जाणा जेस दिने परमेश्वर मेरे सुसमाचारो रे मुताबिक यीशु मसीह रे जरिए माणूआ री गुप्त गल्ला रा न्याय करोगा, 17 आपणे बारे रे सोच जो तूं आपू खे यहूदी समजेया और बिधानो पाँदे विश्वास राखेया और तूं त्वालिया मारेया कि आँऊ परमेश्वरो रे खास जन ए। 18 तुसे परमेश्वरो री इच्छा जाणोए और तुसे खरिया-खरिया गल्ला जाणोए कऊँकि तुसे यो सब गल्ला मूसेरा बिधानो ते सीखी राखिया। 19 तुसा खे ये निश्चा ए कि तुसे अन्दे लोका खे पक्का ई बाट दखाई सकोए और जो न्हेरे रे पटकणे लगी रे तिना खे तुसे जोतिया जेडे ए। 20 तुसे सोचोए, “आँऊ मूर्खा खे सिखाणे वाला और बालका रा उपदेशक ए!” तुसा खे निश्चा ए कि परमेश्वरो रा बिधान तुसा खे पुरा जान और सच्चाई देओआ। 21 पर तूं जो ओरी खे सिखाएया, आपणे आपू खे कऊँ नि सिखांदा? तूं

ओरी खे चोरी ना करने रा उपदेश दे आ और आपू ई चोरी करेया! 22 तूं जो बोलेया, “व्याभिचार नि करना,” तो आपू ई व्याभिचार कऊँ करेया? तूं जो मूर्तिया ते नफरत करेया, तो आपू ई कऊँ मन्दरा खे लुटोआ? 23 तूं परमेश्वरो रा बिधानो रे बारे रे कमण्ड करेया और बिधानो खे ना मानी कि परमेश्वरो रा नरादर कऊँ करेया। 24 इंजी खे जेडा कि पवित्र शास्त्रो रे लिखी राखेया, “तुसा लोका री बजअ ते दूजी जातिया बीचे परमेश्वरो रे नाओं री निन्दा ओई।” 25 जे तूं बिधानो पाँदे चले, तो खतने ते तो लाब ए, पर जे तूं बिधानो खे नि माने, तो तेरा खतना बिना खतने जेडा ए। 26 तेबे जे बिना खतने रा माणू, परमेश्वरो रे बिधानो री बिधिया खे मानेया करो, तो क्या तेसे बिना खतने री दशा, खतने रे बराबर नि गिणी जाणी? 27 और जो माणू शरीरिक रूपो ते बिना खतने ते परमेश्वरो रे बिधानो खे पूरा-पूरा मानोआ, तेस तुसे दोषी ठईराणे, कऊँकि तुसा गे परमेश्वरो रा लिखेया रा बिधान ए और खतना ऊँदे ऊए बी तुसे बिधानो खे नि मानदे। 28 असली यहूदी से निए जेसरा सिर्फ बारला रूप यहूदिया जेडा ए और असली खतना से निए जो बारले रूपो ते सिर्फ शरीरो रे करी राखेया। 29 पर यहूदी सेर्ईए, जो मनो रे और खतना सेर्ईए, जो पवित्र आत्मा रे जरिए दिलो रे कित्तेया जाओआ, ना कि लेखो खे मानणे ते, ईंयां ई तारीफ आपणिया तरफा ते नि, बल्कि परमेश्वरो री तरफा ते ओई।

3 तो ओरी री बजाए यहूदिया खे जादा क्या मिलेया? और खतने ते क्या फायदा ऊआ? 2 आ, हर प्रकारा ते बऊत कुछ फायदा ऊआ। सबी ते जरूरी तो ये कि परमेश्वरो रे वचन यहूदिया गे सम्बाली तो। 3 जे कुछ विश्वासघाती निकले बी तो क्या ऊआ? क्या तिना रे विश्वासघाती ऊणे ते परमेश्वरो रा कित्तेया रा वादा बेकार जाणा? 4 कदी पनि! बल्कि परमेश्वर सदा सच बोलोआ और दुनिया रा हर माणू चूठा ठईरी सकोआ, जेडा लिखी राखेया, “जेते कि तूं आपणी गल्ला रे तर्मी बणो, और न्याय करदे ऊए तेरी जय ओ!” 5 तेबे जे आसा रे बुरे काम परमेश्वरो री धार्मिकता दखाओई, तो आसे क्या बोलूँ? क्या ये कि परमेश्वर जो रोष करोआ, अन्यायी ए? ये तो आँऊ माणूआ री रीतिया पाँदे बोलूँ। 6 कदी पनि। जे परमेश्वर अन्यायी ऊँदा तो तेस दुनिया रा न्याय किंयाँ करना? 7 जे मेरे चूठो री बजअ ते, परमेश्वरो री सच्चाई तेसरी महिमा खे जादा करी की सामणे आयी, फेर कऊँ पापिया जेडा आँऊ दण्डो जोगा ओऊँआ। 8 कुछ लोक ये बोलदे ऊए आसा पाँदे दोष लगाओ कि इने बोलेया, “आसा खे बुरे काम करने देओ ताकि कुछ पला ऊई जाओ!” जो लोक मेरे बारे रे एड़िया गल्ला बोलोए से सजा पाणे जोगे ए। 9 तो फेर क्या ऊआ? क्या आसे यहूदी ओरी ते जादा खरे ए? कदी पनि। कऊँकि आसे यहूदी और यूनानी दूँहूँ पाँदे ये दोष लगाई चूके रे कि सेयो सब के सब पापो रे वशो रे ए। 10 जेडा पवित्र शास्त्रो रे लिखी राखेया, “परमेश्वरो री नजरा रे कोई तर्मी निए, एक पनि। 11 कोई समजदार निए, कोई बी परमेश्वरो खे टोलने वाला निए। 12 सब परमेश्वरो ते दूर ऊँझी रे, सब के सब नक्कमे बणी गे रे, कोई पला करने वाला निए, एक

पनि। 13 तिना रा गला खुली री कब्र ए, तिने ई आपणी जीबा ते छल कित्तेया, तिना रे ओठा रे सापो जेडा विष निक्लोआ। 14 और तिना रा मूँ श्राप और कड़वाहटा ते फेरे राए। 15 तिना रे पैर खून करने खे फुर्तिले ए। 16 तिना री बाटा रे नाश और क्लेश ए। 17 तिने शान्तिया री बाट नि जाणी। 18 तिना रे परमेश्वरो रा डर अया ई नि।” 19 आसे जाणूए कि बिधान जो कुछ बोलोआ, तिना खेर्द बोलोआ, जो बिधानो रे अधीन ए, ताकि लोका खे बाहा बनाणे ते रोकणे खे हर एक मूँ बंद करेया जाओ और सारी दुनिया रे लोक परमेश्वरो रे सामणे दोषी ठईरो। 20 कँकिं बिधानो रे कामो ते कोई बी लोक परमेश्वरो रे सामणे तर्मी नि ऊणे, कँकिं मूसे रा बिधान आसा खे दख्याओआ कि आसे सब पापी ए। 21 पर एबे मूसा रे बिधानो खे बिना माने परमेश्वरो री धार्मिकता प्रगट ऊई री। ये गल्ला मूसे रा बिधान और भविष्यवकेया री कताबा रे बऊत पईले तेई लिखी राखिया कि परमेश्वर आसा खे कियाँ धार्मिक बणाओआ। 22 मतलब-परमेश्वरो री से धार्मिकता, जो प्रभु यीशु मसीह पाँदे विश्वास करने ते, सब विश्वास करने वालेया खे ए। यहूदी और दूजिया जातिया बीचे कुछ भेद निए। 23 कँकिं सबी पाप करी राखेया और परमेश्वरो री महिमा ते दूर ऊँगे रे। 24 पर परमेश्वरो री कृपा ते तेस छुटकारे रे जरिए, जो यीशु मसीह रे ए, मुफ्तो रे तर्मी ठराए जाओए। 25 परमेश्वरे यीशु मसीह खे आसा री खातर बलिदान ऊणे खे पेजेया। यीशु मसीहे आपणी जिन्दगिया रा बलिदान इजी खे दितेया ताकि आसे तेस पाँदे विश्वास करी की परमेश्वरो रे नेडे जाई सकिए। बऊत पईले परमेश्वरे ये दखाणे खे कित्तेया कि से सईन शीलता दखाणे रे और पापिया खे माफ करने रे सई था। इजी ते ये बी पता चलोआ कि परमेश्वर सई ए, जेबे से तिना लोका खे अपणाओआ जो यीशुए पाँदे विश्वास करोए। 27 तो क्या एड़ा कुछ ए जेते कि आसे कमण्ड करी सकिए? तिजी खे तो कोई जगा ई निए, कुण जे नियमा री बजअ ते? क्या इजी खे कि आसे बिधानो खे मानूँए? ना, बल्कि यीशु मसीह पाँदे विश्वास करने री बजअ ते। 28 इजी री खातर आसे एते नतीजे पाँदे पँड़ली रे कि मांगू बिधानो रे कामो ते बिना, विश्वासो रे जरिए तर्मी बणोआ। 29 क्या परमेश्वर सिर्फ यहूदिया रा ईए? क्या दूजी जातिया रा निए? आ, दूजिया जातिया रा बीए। 30 कँकिं परमेश्वर एक ईए, जेस खतने वाले विश्वासो ते और बिना खतने वाले बी विश्वासो ते तर्मी ठराणे। 31 तो क्या आसे बिधानो खे विश्वासो रे जरिए बेकार ठारूँए? कदी पनि, बल्कि बिधानो खे स्थिर करूँए।

4 एबे आसे आपणे पुर्वज अब्राहमो रे बारे क्या बोलिये? क्या तिना खे शरीरो री नजरा ते कुछ मिलेया या कृपा ते मिलेया? 2 जे अब्राहम अच्छे कामो ते तर्मी ठराया जांदा, तो से आपू पाँदे कमण्ड करी सको था। पर से आपणे अच्छे कामा खे परमेश्वरो रे नेडे कमण्ड नि करी सकदा। 3 पवित्र शास्त्र क्या बोलोआ? “अब्राहमे परमेश्वरो पाँदे विश्वास कित्तेया और ये तेसखे धार्मिकता गिणी गयी।” 4 काम करने वालेया री मजदूरी देणा दान निए, पर अक्क समजेया जाओआ। 5 से माणू जो परमेश्वरो खे खुश करने खे बिधानो खे नि मानदा, बल्कि परमेश्वरो रे जो

भक्तिहिनो खे तर्मी बणाओआ तिदे विश्वास करोआ, तो तेसरा ये विश्वास तेसखे धार्मिकता गिणेया जाओआ। 6 जेसखे परमेश्वर बिना कामो ते मतलब बिना बिधान माने तर्मी ठराओआ, तेसखे दाऊद बी धन्य बोलोआ। 7 “धन्य ए से मांगू जेसरे पापो रा लेखा प्रभु ए कदी नि लणा।” 8 धन्य ए से मांगू जेसरे पापो रा लेखा यहूदिया खे ईए या बिना खतना वाले दुजिया जातिया खे बीए? आसा रा मानणा ए, “अब्राहमो खे तेसरा विश्वास धार्मिकता गिणेया गया।” 10 तो तेसरी धार्मिकता कियाँ गिणी गई? खतने री दशा रे या बिना खतने री दशा रे? खतने री दशा रे नि, बल्कि बिना खतने री दशा रे। 11 बिना खतने ते रंदे बखते तिना खे विश्वासो रे जरिए जो धार्मिकता मिली, तिजी पाँदे मुहरा साई खतने रा चिह्न लगाया। ईयां अब्राहम तिना सबी रा बी पिता बणेया, जो बिना खतने री दशा रे विश्वास करोए, जेते कि तिना रा बी विश्वास तिना खे धार्मिकता मानेया जाओ। 12 अब्राहम तिना खतने वालेया रे बी पिता बणे, जो ना सिर्फ खतने पाँदे निर्भर रओए, पर आसा रे पिता अब्राहमो रे तेस विश्वासो पाँदे चलोए, जो तिने बिना खतने री दशा रे कित्तेया था। 13 परमेश्वरे अब्राहम और तेसरे वंशो ते वादा कित्तेया था कि की सेयो दुनिया रे बारस ऊणे। ये इजी खे नि ऊआ कि अब्राहमे बिधान मानेया, बल्कि इजी खे ऊआ कि तिने परमेश्वरो पाँदे विश्वास कित्तेया और परमेश्वरे सेयो तर्मी माने। 14 जे अब्राहम और तेसरे वंशो खे बिधानो खे मानणे ते वादा मिलेया तो विश्वास बेकार और निष्फल साबित ऊआ। 15 बिधानो खे नि मानणा रोष पैदा करौई और जेती बिधान निए, तेती तिजी रा ऊल्लंघन पनिए। 16 ये वादा परमेश्वरो रे विश्वासो पाँदे निर्भर ए, ताकि परमेश्वरो रा वादा तिना री कृपा रे जरिए पक्का ऊई जाओ। ये वादा सिर्फ अब्राहमो रे वंशो खे निए जिना गे बिधान ए। बल्कि तिना खे बीए, जो अब्राहमो जेडे विश्वासो वाले बी ए, सेई तो आसा सबी रा पिता ए। 17 जेडा पवित्र शास्त्रो रे लिखी राखेया, “मैं तू बऊत सारी जातिया रा पिता ठराई राखेया।” आसा रे पुर्वज अब्राहमे तेस ई परमेश्वरो पाँदे विश्वास कित्तेया और जो मरे रेया खे जिऊँदा करोआ और जो गल्ला आईया ई नि, तिना रा नाओं एड़ा लाऊआ, कि मानो सेयो आईया। 18 तिने निराशा रे बी उम्मीद राखी की विश्वास कित्तेया, इजी री खातर कि तेस वचनो रे मुताबिक ओ कि, “तेरा वंश एड़ा ऊणा” कि से बऊत सारी जातिया रा पिता ऊणा। 19 और से जो एक सौ साला रा था आपणे मरे रे जे शरीर और सारा रे गर्भो री मरी री जी दशा जाणी की बी विश्वासो रे मजबूत बणेया रा रथा। 20 ना ई अविश्वासी ऊई कि परमेश्वरो रे वादे पाँदे शक कित्तेया, पर विश्वासो रे मजबूत रई कि परमेश्वरो री महिमा कित्ती। 21 और निशा कित्तेया कि जेसा गल्ला रा परमेश्वरे वादा करी राखेया, से तेसा खे पूरी करने रे बी सामर्थी ए। 22 तेसरे विश्वासो री बजअ ते ये तेसखे धार्मिकता गिणेया गया। 23 और ये वचन कि विश्वास तेसखे धार्मिकता गिणेया गया, ना बस तेसखे लिखेया गया 24 बल्कि आसा खे बी, जिना खे विश्वास

धर्मिकता गिणेया जाणा, मतलब आसा खे जो परमेशरो पाँदि विश्वास करोए, जिने आसा रे प्रभु यीशु खे मरे रेया बीचा ते जिंकँदा कित्तेया। तो आसे बी तेस विश्वासो री बजअ ते तर्मी माने जाणे। 25 यीशु मसीह आसा रे बुरे कामो री खातर मौता री सजा खे पकड़वाया गया और आसा खे तर्मी ठराणे खे जिंकँदा बी कित्तेया।

5 जेबे आसे विश्वासो रे जरिए तर्मी ठईं, तो आपणे प्रभु यीशु मसीह रे

जरिए जो तिने आसा खे करी राखेया परमेशरो साथे मेल राखिए। 2 मसीह रे जरिए विश्वासो री बजअ ते आसा री पाँछ तेसा कृपा तक ऊई री, जिदे आसे एबे बणे रे। आसे एसा गल्ला पाँदि कमण्ड कह्सै कि आसा खे परमेशरो री महिमा रे इस्सेदार बणने री उम्मीद ए। 3 बस येई नि, बल्कि आसा खे क्लेशो पाँदि बी कमण्ड करना चाईयो, ये जाणी की कि क्लेशो ते सब्र 4 और सब्रो ते खरा निकलना और खेरे निकलने ते उम्मीद जगाई 5 और उम्मीदा ते शर्म नि ऊंटी, कऊंकि पवित्र आत्मा, जो परमेशरे आसा खे देई राखेया तिजी रे जरिए परमेशरो रा प्यार आसा रे मनो रे पाई राखेया। 6 कऊंकि जेबे आसे कमजोर ऊई थे, तेवे मसीह ठीक बखतो पाँदि भक्तिहीना री खातर मरेया। 7 केसी तर्मी जणे खे कोई मरो, ये तो मुश्किल ए। फेर बी ऊई सकोआ कि केसी खेरे मांणूए री खातर कोई मरने खे त्यार ऊई जाओ। 8 पर जेबे आसे पापी ऊई थे, तेव्हुई मसीह आसा री खातर मरेया। इजी ते परमेशरे आसा रिया तई आपणे प्यारो रा सबूत दितेया। 9 जे आसे मसीह रे खूनो रे जरिए तर्मी ठराई राखे, तो आसे पक्का ई मसीह रे जरिए परमेशरो रे रोषो ते बची जाणे। 10 जेबे आसे परमेशरो रे बैरी ई थे तो तेसरे पुत्रो री मौत ऊणे रे जरिए आसा रा मेल परमेशरो साथे ऊआ, तेबे मेल ऊई जाणे पाँदि, तेसरे जीवनो री बजअ ते आसा उद्धार कऊं नि पाणा? 11 और बस येई नि, पर एबे तो आसा रे प्रभु यीशु मसीह रे जरिए परमेशरो ते मेल ऊर्गा रा इजी खे आसे परमेशरो रे खुश ए। 12 तेबेई जेडा एक मांणू आदमो रे जरिए पाप दुनिया रे आया और पापो रे जरिए मृत्यु आयी और ईयां ई मृत्यु सबी मांणूआ रे फैती गी, कऊंकि सबी पाप करी राखेया। 13 मूरे रा विधान आऊणे ते पईले ई दुनिया रे पाप था। पर जेती विधान निए, तेती पाप नि गिणेया जांदा। 14 तेबे बी आदमो ते लयी कि मूरे तक मौते तिना लोका पाँदि बी राज कित्तेया, जिने आदमो जेडा आज्ञा तोड़ने रे जरिए पाप नि कित्तेया। आदम तेस मांणूए रा चिह्न था जो आऊणे वाला था। 15 पर आदमो रे पाप और परमेशरो री दया ते परी री कृपा रे बऊत बडा फर्क ए। कऊंकि जेबे एक मांणूए रे पापो री बजअ ते बऊत सारे मांणू मरे। तिंयां ई परमेशरो री कृपा और धर्मिकता रा तोफा जो तिने आसा खे यीशु मसीह रे जरिए दितेया बऊत सारे लोका रा पाप माफ करने खे बऊत बडा दान ए। 16 परमेशरो रा दितेया रा तोफा आदमो रे पापो जेडा निए। कऊंकि एक ई अपराध मौता री सजा लयी की आया। पर बऊत सारे अपराधा ते बाद परमेशरे जो बरदान दितेया तिजी रे जरिए पापो खे माफ करी की आपणी नजरा रे तर्मी बणाईत। 17 कऊंकि जेबे एक मांणूए रे पापो री बजअ ते मौते तेस एक ई री बजअ ते

सारे लोका पाँदि राज कित्तेया, तो जेबे सेयो लोक कृपा और धर्मस्थी परदान बऊत जणेया ते पाओ ए, सेयो एक मांणू ते, मतलब प्रभु यीशु मसीह रे जरिए तिना पक्का अनन्त जीवनो रा राज करना। 18 तेबे जेडा एक पाप सबी मांणूआ खे मौता री सजा री बजअ ऊआ, तेडा ई एक तर्मी रा काम बी सबी मांणूआ रे जीवनो खे तर्मी ठराणे री बजअ ऊआ।

19 कऊंकि जेडा एक मांणूए री आज्ञा ना मानणे ते बऊत लोक पापी ठईर तिंयां ई एक मांणूए री आज्ञा मानणे ते बऊत लोक तर्मी ठईरने। 20 बाबो ते मूरे रा विधान दितेया ताकि लोक एडा समजी सको कि से कितणा पापी ए। पर जेती पाप बऊत ऊआ, तेती कृपा तिजी ते बी केथी जादा ऊई। 21 ताकि जेडा पापे मौत फैलांदे ऊए सारे लोका पाँदि राज कित्तेया, तेडा ई आसा रे प्रभु यीशु मसीह रे जरिए परमेशरो री कृपा तिना खे धार्मिक बणाओई और अनन्त जीवन देओई। (aiōnios g166)

6 परमेशर आपणी कृपा ते आसा रे पापो खे माफ करोआ। तो आसे

क्या बोलूँ? क्या आसे पाप करदे रईए, ताकि कृपा बऊत ओ? 2 कदी पनि, आसे जेबे पापो खे मरी गे तो आगो खे तिदे किंयाँ जीवन बिताईई? 3 आसे जाणूए कि आसे जितणेया बी प्रभु यीशु मसीह रा बपतिस्मा लया, तो तेसरी मौता रा बपतिस्मा लया। 4 इजी खे जेबे आसे बपतिस्मा लया तो आसे यीशु मसीह साथे मरे गये और गाड़े गये। ताकि जिंयाँ मसीह पिता परमेशरो री महिमा रे जरिए मरे रेया बीचा ते जिंकँदा कित्तेया, तिंयां ई आसे बी नये जीवनो री जी चाल चलिए। 5 कऊंकि जे आसे तेसरी मौता री समानता रे तेस साथे जुड़ी गे रे, तो पक्का ई तेसरे जिंकँदे ऊणे री समानता रे बी तेस साथे जुड़ी जाणे। 6 आसे जाणूए कि आसा रा पुराणा जीवन यीशु मसीह साथे कूसो पाँदि चढ़ाईता रा ताकि पापो रा शरीर बेकार ऊई जाओ और आसे आगे खे पापो रे दास नि रँड़। 7 जेबे आसे यीशु मसीह साथे मरी गे तो पापो रे वशो ते छूटी गे। 8 तेबे जे आसे मसीह साथे मरी गे, तो आसा रा विश्वास ये कि तेस साथे जिंकँदे बी ऊई जाणे। 9 आसे ये जाणूए कि मसीह मरे रेया बीचा ते जिंकँदा ऊई की केर मरना नि। तेस पाँदि फेर मौत नि आऊणी। 10 जेबे मसीह मरी गा, तो पापो खे एक ई बार मरी गा, पर एबे जो जिंकँदा ए, तो परमेशरो री खातर जिंकँदा ए। 11 ईयां ई तुसे बी आपणे आपू खे पापो खे मरे रा, पर परमेशरो री खातर यीशु मसीह रे जिंकँदा समजो। 12 इजी खे पापी इच्छा तुसा रे नाश ऊणे वाले शरीरो रे राज्य नि करो ताकि तुसे तेसरी इच्छा रे अधीन रँओ। 13 और ना आपणे शरीरो रे अंगा खे अथर्मो रा अथियार ऊणे खे पापो खे सम्बालो, पर आपणे आपू खे मरे रेया बीचा ते जी उठे रा जाणी की आपणी जिन्दगी परमेशरो गे सम्बालो और आपणे शरीरो रे अंगा खे तर्मी रा अथियार ऊणे खे आपणी पूरी जिन्दगी परमेशरो गे सम्बाली देओ। 14 तेबे तुसा लोका पाँदि पापो रा कोई अक्क नि रणा। कऊंकि तुसे एबे विधानो रे साझे नि जिंकँदे बल्कि परमेशरो री कृपा रे साझे जिजो ए। 15 तो क्या ऊआ? क्या आसे इजी री खातर पाप करिए कि आसे विधानो रे

अधीन निए, बल्कि कृपा रे अधीन ए? कदी पनि। 16 तुसे जाणोए कि जेबे केसी री आज्ञा मानणे खे तुसे आपणे आपू खे दई देओए और तेसरी आज्ञा खे मानोए तेबे तुसे तेसरे गुलाम बणी जाओए। ये गुलामी चाए पापो री ओ जेतेरा नतीजा मौत ए, चाए परमेश्वरो री ओ जेतेरी आज्ञा मानणे रा नतीजा धार्मिकता ए। 17 पर परमेश्वरो रा धन्यवाद ओ कि तुसे जो पापो रे दास थे, एबे मनो ते तेस उपदेशो खे मानणे वाले ऊँगे, जेतेरे सखाए रे तुसे चले। 18 परमेश्वरो रे जरिए पापो ते छुडाई की तर्मों रे दास ऊँगी। 19 आऊँ तुसा री शरीरो री कमजोरिया री बजअ ते माणूआ री रीतिया पाँदे बोलूँआ। जिंयां तुसे आपणे शरीरो रे अंग अशुद्ध और कुकुर्मे रे दास करी की सम्बालेया था। तिंयां ई एबे आपणे शरीरो रे अंग पवित्रता खे तर्मों रे दास करी की सम्बाली देओ। 20 जेबे तुसे पापो रे दास थे, तेबे तर्मों री तरफा ते आजाद थे। 21 तुसे बुरे काम किऱे और एबे तुसे तिना गल्ला ते शर्मिदा ओए। तिना सारे बुरे कामा ते तुसा खे क्या फायदा ऊआ? कऊँकि तिना रा अंत तो मौत ए। 22 पर एबे पापो ते आजाद ऊई की परमेश्वरो रे दास बणी की तुसा खे से फल मिलेया, जेते कि पवित्रता मिलोई और तिजी रा अंत अनन्त जीवन ए। (aiōnios g166) 23 कऊँकि पापो री मजदूरी तो मौत ए, पर परमेश्वरो रा बरदान आसा रे प्रभु यीशु मसीहे रे अनन्त जीवन ए। (aiōnios g166)

7 ओ साथी विश्वसियो! आऊँ बिधानो खे जाणने वालेया खे बोलूँआ,
क्या तुसे नि जाणदे कि जदुओ तक माणू जिंदा रओआ, तदुओ तक ई तिना खे बिधान मानणा पडोआ? 2 ब्यायी री जवाणस बिधानो रे मुताबिक आपणे लाडे रे जिंदे जिकुए, तेस साथे बंदी री रओई। पर जे लाडा मरी जाओ, तो से लाडे रा बिधानो ते जो तेसा खे तेसते बानी की राखोई छूटी जाओई। 3 जे से आपणे लाडे रे जिंदे जिकुए केसी ओरी मर्दों साथे रिश्ता बणाई लजो, तो तेसा खे व्याभिचारिणी बोलोए। पर जे लाडा मरी जाओ, तो से तेसा बिधानो ते छूटी गी, एथो तक कि से केसी ओरी मर्दों साथे व्या करी लओगी, तो तेबे व्याभिचारिणी नि ऊणी। 4 तो ओ साथी विश्वसियो! जेबे तुसे मसीह साथे मरी गे तो तुसे बिधानो खे मरी गे। पर एबे तुसे मसीह रे मतलब जो मरे रेया बीचा ते जिंदा ऊँगा बणी गे रे, ताकि आसे परमेश्वरो खे फल ल्याऊँ। 5 जेबे आसे पापी शरीरो रे वशो रे थे, तो पापो री इच्छा, जो बिधानो ते थी, मौता रा फल पैदा करने खे, आसा रे अंगा रे काम करो थी। 6 पर आसे बिधानो खे मरी गे जेसरे बंदो रे आसे पझ्ले बंदी रे थे, एबे आसे बिधानो ते छूटी गे। ईयां आसे पुराणी लिखी रा बिधानो रे मुताबिक नि, बल्कि पवित्र आत्मा रे मुताबिक नईया रीतिया ते परमेश्वरो री सेवा करूँ। 7 तो आसे क्या बोलूँ? क्या बिधान पाप ए? कदी पनि, बल्कि बिना बिधानो ते आऊँ पापो खे नि पछयाणदा। जे बिधान नि बोलदा, “लालच नि कर,” तो आऊँ ये नि जाणदा कि लालच क्या ए। 8 पर पापे मौका पाई की आज्ञा रे जरिए मांदे सब किस्मा रा लालच पैदा कित्तेया। कऊँकि बिना बिधानो ते पाप मुडाए। 9 एक बखत था जेबे आऊँ बिधानो खे नि जाणू था

और आऊँ जिंदा था। पर जेबे मैं आज्ञा खे जाणेया तेबे मेरे पितरे पाप करने री इच्छा जागी और आऊँ परमेश्वरो ते दूर ऊँगा। 10 सेर्डे आज्ञा, जो जिन्दगी देणे खे थी, माखे मौता री बजअ ऊँ। 11 कऊँकि पापे मौका पाई की आज्ञा रे जरिए आऊँ बईकाया, और तिजी साथे आऊँ कायी बी दित्तेया। 12 ईयां आसे देख्हूँ कि बिधान पवित्र ए और तिजी री आज्ञा पवित्र ए, ठीक ए और खरी ए। 13 तो क्या बिधान जो अच्छा था, माखे मौत ऊँ? कदी पनि। बल्कि पाप तेसा खरी चीजे की माखे मौत पैदा करने वाला ऊआ ताकि तेसरा पाप सामणे आओ, और आज्ञा रे जरिए पाप बऊत जादा पापमय ठईरो। 14 आसे जाणूए कि बिधान तो आत्मिक ए। पर आऊँ सिर्फ एक माणू ए और शरीर और पापो री गुलमिया रे पूरिया तरजु ते बिकी रा। 15 और जो आऊँ करूँआ, से नि जाणदा, कऊँकि जो आऊँ चाऊँआ, से नि करदा, पर जेतेते माखे नफरत ओई, सेर्डे करूँआ। 16 जे, जो आऊँ चांदा नि, सेर्डे करूँआ, तो आऊँ मानी लऊँआ कि बिधान खरा ए। 17 तो एडी दशा रे तेसा खे करने वाला आऊँ निए, बल्कि पाप ए, जो मांदे बसी रा। 18 कऊँकि आऊँ जाणूआ कि मांदे मतलब मेरे पापी शरीरो रे कोई खरी चीज वास नि करदी। पले काम करने री इच्छा तो मांदे आयी, पर खरे काम मांते नि ऊँदे। 19 कऊँकि जेस खरे कामो री इच्छा आऊँ करूँआ, पर करी नि सकदा, पर जेसा बुराईया री इच्छा नि करदा, सेर्डे करूँआ। 20 पर जे आऊँ सेर्डे करूँआ, जेतेरी इच्छा नि करदा, तो से करने वाला आऊँ नि रया, पर पाप, जो मांदे बसी रा। 21 ईयां मेरा अनुभव ये कि जेबे आऊँ खरा करने री इच्छा करूँआ, तो मांते बुरा काम ई ऊई जाओआ। 22 आऊँ दिलो ते तो परमेश्वरो रा बिधानो ते बऊत खुश रऊँआ, 23 पर माखे आपणे शरीरो रे अंगा रे दूजा ई बिधान दिखोई, जो मेरी अकला रा बिधानो ते लडोई और माखे पापो रा बिधानो रे बंदनो रे पाई देओई, जो मेरे शरीरो रे अंगा रे ए। 24 आऊँ केडा बदनसीब माणू ए। आऊँ एस शरीरो ते जो मौत लवी की आओई केस छुडाणा? 25 आऊँ परमेश्वरो रा धन्यवाद करूँआ जिने माखे प्रभु यीशु मसीह रे जरिए उद्धार दित्तेया। ईयां तो आऊँ आपणी अकला ते परमेश्वरो रे बिधानो राए, पर शरीरो ते पापो रे बिधानो रा इस्तेमाल करूँआ।

8 तो एबे जो यीशु मसीह रे ए, तिना पाँदे दण्डो री आज्ञा निए। कऊँकि सेयो शरीरो रे मुताबिक नि, पर आत्मा रे मुताबिक चलोए। 2 पवित्र आत्मा तुसा खे जिन्दगी देणी जो यीशु मसीह ते आओई। तेसा तुसे पाप और मौता ते आजाद करी देणे। 3 कऊँकि जो काम मूसे रा बिधान आसा रे पापी शरीरो रे सबाओ री बजअ ते कमजोर ऊई की नि करी सकी। से काम परमेश्वरे कित्तेया। मतलब आपणे ई पुत्रो खे आसा जेडा पापी शरीरो री समानता रे और आसा रे पापो री खातर बलिदान ऊणे खे पेजी की परमेश्वरे मसीह रे शरीरो रे पापो पाँदे दण्डो री आज्ञा दित्ती। 4 कऊँकि बिधानो री बिधानी री इच्छा आसा रे पापी शरीरो रे सबाओ रे मुताबिक नि, बल्कि पवित्र आत्मा रे मुताबिक चलूँए, पूरी करी जाओ। 5 कऊँकि शारीरिक माणू शरीरो री गल्ला रे मन लगाओए,

पर आध्यात्मिक पवित्र आत्मा री गल्ला पाँदे मन लगाओए। 6 शरीरों रे मन लगाणा तो मौत ए, पर आत्मा रे मन लगाणा जिन्दगी और शान्ति ए। 7 कँकिं कि शरीरों रे पापी सबाओं पाँदे मन लगाणा तो परमेश्वरो साथे बैर राखणा ए। कँकिं कि ना तो पापी सबाओं परमेश्वरो रा बिधानो रे अपीन ए और ना ई ऊई सकोआ। 8 और जो लोक पापमय शारीरिक दशा रे, सेयो परमेश्वरो खे खुश नि करी सकदे। 9 पर जबकि पवित्र आत्मा तुसा रे बसोआ, तो तुसे पापी शरीरों रे सबाओं री दशा रे निए, बल्कि आनिक दशा रे। जे केसी रे पवित्र आत्मा निए, तो से तेसरा जन निया। 10 और जे मसीह तुसा रे ए, तो शरीर पापों री बजअ ते मरे राए, पर आत्मा तर्मी री बजअ ते जिङ्दी ए। 11 और जे परमेश्वरो रा आत्मा, जिने प्रभु यीशु मरे रेया बीचा ते जिङ्दा कितेया, तुसा रे बसी रा, तो जिने मसीह मरे रेया बीचा ते जिङ्दा कितेया, से तुसा रे मरे रे शरीरों खे बी आपणे आत्मे की, जो तुसा रे बसी री, जिङ्दा करोगा। 12 तो ओ साथी विश्वासियो, आसे शरीरों रे कर्जदार निए कि शरीरों रे मुताबिक दिन काटिए। 13 कँकिं कि जे तुसे शरीरों रे मुताबिक दिन काटोगे, तो मरने, जे पवित्र आत्मा ते शरीरों रे पापी सबाओं रे कामों खे मारोगे, तो जिङ्दे रणो। 14 कँकिं कि जितणे लोक परमेश्वरों री आत्मा रे मुताबिक चलोए, सेयो ई परमेश्वरो रे पुत्र ए। 15 कँकिं कि तुसा लोका खे गुलामिया री आत्मा नि मिली जेते कि फेर डरने लगो। बल्कि परमेश्वरो रा आत्मा मिली रा जेबे तिने तुसे आपणे गोदी पुत्रों रे रुपों रे अपनाए। एबे आसे तिना खे “ओ अब्बा, ओ पिता” करी की बुलाऊए। 16 पवित्र आत्मा आपू ई आसा री आत्मा साथे गवाई देओआ कि आसे परमेश्वरों री ल्वाद ए। 17 और जे आसे ल्वाद ए, तो बारस बीए, बल्कि परमेश्वरो रे बारस और मसीह साथले बारस ए। सिर्फ एक शर्त ए कि आसे मसीह साथे दुःख उठाऊए कि आसे तेस साथे महिमा बी पाऊँ। 18 आऊँ समजूँआ कि एस बखतो रे दुःख और क़लेश, तेसा महिमा रे सामणे, जो आसा पाँदे प्रगट ऊणे वाली ए, कुछ पनिए। 19 कँकिं कि सृष्टि बड़ी उम्मीदा साथे परमेश्वरों री ल्वादा रे प्रगट ऊणे री बाट न्यालने लगी री। 20 कँकिं कि परमेश्वरे जो कुछ बी बणाया तिने सबीं चीजे आपणी अहमियत खोई ती, इने सबीं चीजे आपणी अहमियत आपणी इच्छा ते नि खोई बल्कि परमेश्वरे आपू एडा कितेया। पर एक उम्मीद ए 21 कि सृष्टि आपू ई नाशों रे बंदनों ते छुटकारा पाई कि, परमेश्वरों री ल्वादा री महिमा री आजादिया खे प्राप्त ओ। 22 कँकिं कि आसे जापूंए कि सारी सृष्टि एबुए तक जदुओं ते आदेम पाप करी राखेया मिली की करलाऊई और पीडा रे पड़ी की तड़फोई। 23 और बस सृष्टि ई नि पर आसे बी पितरे ई पितरे करलाऊए। आसा खे तो पवित्र आत्मा मिली चुकी रा जो परमेश्वरों री दया रे दानों रे पाँडला फल ए। आसे बी बड़ी उम्मीदा साथे गोदीपुत्र ऊणे री, मतलब-आपणे शरीरों रे छुटकारे री बाट न्यालदे रँगए। 24 आसा खे उम्मीदा ते जरिए ई उद्घार मिली रा। पर जेते चीजा री उम्मीद ओई, जेबे से देखणे खे मिलो, तो फेर तिजी री उम्मीद नि करी जांदी। कँकिं जेसा चीजा खे कोई देखणे लगी रा, तो तिजी री उम्मीद कँकिं करनी?

25 पर जेसा चीजा खे आसे देखदे नि, जे तिजी री उम्मीद राखूँए, तो सब्रो साथे तेसा खे नयालुं बी ए। 26 ईयां ई पवित्र आत्मा बी आसा री मताद करोआ जेबे परमेश्वरों पाँदे आसा रा विश्वास कमजोर ओआ। कँकिं कि आसे नि जाणदे कि प्रार्थना किंयाँ करनी चाईयो। पर पवित्र आत्मा आपू ई एडिया आहें परी-परी की, जो बखाण नि करी सकदे, आसा खे बिनती करोआ। 27 परमेश्वर जो आसा रे मनो खे परखणे वाला ए, ये जाओआ कि पवित्र आत्मा रा मकसद क्या ए। कँकिं कि से पवित्र लोका खे परमेश्वरो री इच्छा रे मुताबिक बिनती करोआ। 28 आसे जापूंए कि जो लोक परमेश्वरो खे प्यार करोए, तिना खे सब गल्ला मिली की पलाई पैदा करोईया, मतलब तिना खोई, जो तेसरी इच्छा रे मुताबिक बुलाई राख्ये। 29 कँकिं कि जो परमेश्वरे पईले तेर्ई चुणी लये रे, सेयो पईले तेर्ई ठारई बी राख्ये कि तेसरे पुत्रों जेडे ओ, ताकि से सारे बच्चेया बीचे जेठा ओ। 30 फेर जो परमेश्वरे पईले ते चुणी राख्ये, सेयो बुलाए बी और जो बुलाए, सेयो तर्मी बी ठराई राख्ये और जो तर्मी ठराए, तिना खे महिमा बी देई राखी। 31 इना सबीं गल्ला खे त्यानो रे राख्यदे जाए आसे एते नतीजे पाँदे पँक़ल्हुए कि जे परमेश्वर आसा री तरफा खे आया, तो आसा रा बिरोदी कुण ऊई सकोआ? 32 परमेश्वरे जिने आपणा एकलौता पुत्र पनि राख्यी छाडेया, पर आसा पाँदे कृपा करी की से आसा सबीं खे देर्हता। तो इतणा देणे ते बाद, तेस आसा खे आपणे पुत्रों साथे सब कुछ कँकिं कि देणा? 33 परमेश्वरों रे चुणे रेया पाँदे दोष केस लगाणा? परमेश्वर ईए जो, तिना खे तर्मी ठराणे वाला ए। 34 आसा पाँदे कुण दोष लगाई सकोआ? कोई बी नि। कँकिं कि से यीशु मसीह ईए जिने आपणा प्राण आसा रिया तंई देर्हता और तिजी ते बाद मुङ्देया बीचा ते जिङ्दा बी ऊईया और परमेश्वरों रे दाँणी कनारे ए और आसा री खातर बिनती बी करोआ। 35 कुण आसा खे मसीह रे प्यारो ते लग करी सकोआ? क्या क्लेश, संकट, उपद्रव, अकाल, नांगापण, खतरा या तलवार? 36 जेडा कि पवित्र शास्त्रों रे लिखी राखेया, “ताखे आसे पुरे दिन घात करे जाऊए, आसे फाटणे वाली पेडा जेडे गिणी राख्ये।” 37 पर इना सबीं गल्ला रे आसे तेसरे जरिए, जिने आसा खे प्यार कितेया, आसा गे उम्मीदा ते बी बढ़ी की जीत ए। 38 कँकिं कि माखे पक्का पता ए कि आसा खे परमेश्वरों रे प्यारो ते, जो आसा रे प्रभु यीशु मसीह रे ए, कोई बी लग नि करी सकदा। ना मृत्यु, ना जीवन, ना स्वर्गदूत, ना दुश्टात्मा, ना वर्तमान, ना भविष्य, ना सामर्थ, ना ऊच्या, ना डूगा और ना ई कोई सृष्टि।

9 आऊँ मसीह रे सच बोलूँआ, चूठ नि बोलदा और मेरा विवेक बी पवित्र आत्मा रे गवाई देओआ 2 कि माखे बजत दुःखदा रओआ। 3 कँकिं कि आऊँ एथो तक चाँऊँ था कि आपणे यहुदी पाईया खे, जो शरीरों ते मेरे टब्बरो रे ए, आपू ई मसीह ते श्रापित और लग ऊई जांदा। 4 सेयो बी मां ई जेडे इसाएली लोक ए। सेयो लोक बी परमेश्वरों रे चुणे रे गोदीपुत्र ए। परमेश्वरे आपणी महिमा तिना लोका पाँदे प्रकट किती। तिने तिना लोका साथे वाचा बानी

और आपणा बिधान दितेया। परमेश्वरो तिना लोका खे आपणी भक्ति करने खे और आपणा नौखा वादा पाणे खे खास अक्क दित्तेया। 5 मशु पूर्वज बी तिना रेईए और मसीह बी शरीरो रे भावो ते तिना ई बीचा ते ऊआ। से परमेश्वर ए जो सबी पाँदे राज करोआ तेसी तारीफ जुगो-जुगो ऊँदी रओ। आमीन्। (aión g165) 6 फेर बी ये नि समजणा चाईयो कि परमेश्वर आपणा वादा निबाणो रे असफल ऊँद्गा रा। कऊँकि इसाएलो रे वंशो रे जन्म लणे वाले सब लोक सच्चे इसाएली निए। 7 अब्राहमो रे वंशो रे जन्म लणे तेई सब परमेश्वरो री सच्ची ल्वाद नि बणी जांदा। कऊँकि परमेश्वरे अब्राहमो खे बोलेया, “जिना इसहाको रे वंशो ते जन्म लणा सेयो ई तेरे वंशो रे माने जाणे।” 8 इजी रा मतलब ये ए कि शरीरो ते जम्मे रे परमेश्वरो री ल्वाद निए, पर वादे रे जरिए जम्मे रेई अब्राहमो रे असली वंश गिणे जाओए। 9 कऊँकि वादे रा वचन ये ए, “आगले साल एस बखते मां फेर आठणा और सारा रे एक पुत्र ऊणा।” 10 और बस येई नि, पर जेबे रिबका रे गर्भो रे एकी मर्द मतलब आसा रे पुर्वज इसहाको ते जुडवा बच्चे थे। 11 और एबुए तक ना बालक जमी रे थे और ना तिने कुछ पला या बुग कितेया रा था कऊँकि परमेश्वरो री इच्छा, जो तेसरे चुपे रे मुताबिक ए, कर्मो री बजअ ते नि, पर बुलाणो बोलेया री बजअ ते बणी रओ। 12 तिने बोलेया, “जेठा छोटे रा दास ऊणा।” 13 जेडा पवित्रो शास्त्रो रे लिखी राखेया, “मैं याकूबो खे प्यार कितेया, पर एसाव अप्रिय जाणेया।” 14 तो आसे क्या बोलूँ? क्या परमेश्वरो रे कअरे अन्याय ए? कदी पनि। 15 कऊँकि परमेश्वरे मूसे खे बोलोआ, “आऊँ जेस केसी पाँदे बी दया करना चाऊँ, तेस पाँदे दया करूँआ, और जेस केसी पाँदे कृपा करना चाऊँ, तेस पाँदे ई कृपा करूँआ।” 16 इजी खे ये माणूआ री इच्छा या तेसरी मईणती पाँदे निर्भर नि करदे, बल्कि दया करने वाले परमेश्वरो पाँदे निर्भर रओए और जेसखे से चुणना चाओआ तेस पाँदे दया करोआ। 17 कऊँकि पवित्र शास्त्रो रे मिसो रे राजा फिरैनो खे बोलेया था, “मैं तूँ इजी खे राजा बणाया ताकि आऊँ तांदे आपणी सामर्थ दखाऊँ और मेरे नाओं रा प्रचार सारी तरतिया रे ओ।” 18 तो परमेश्वर जेस पाँदे चाओआ, तेस पाँदे दया करोआ और जेसखे चाओआ, तेसखे हठी बणाई देओआ। 19 तेबे कुछ लोका माखे बोलणा, “जे एडा ए तो परमेश्वरो कियाँ आसा खे दोषी ठारई सकोआ? कऊँकि कोई बी तिना खे रोकी नि सकदा जो से करना चाओआ।” 20 ओ पाई। पला तूँ कुण ए, जो परमेश्वरो ते बईस करी करोआ? क्या कअडी री चीज, कअडणे वालेया खे बोली सकोई कि तैं आऊँ एडी कऊँ बणाई राखी? 21 क्या कम्मारो खे माटिया पाँदे अक्क निए कि एक ई चाको पाँदो ते, एक पांडा खास कामो रे इस्तेमालो खे और दूजा हर रोज इस्तेमाल करने खे बणाओ? 22 हालाँकि परमेश्वरो खे आपणा रोष और आपणी सामर्थ प्रगट करने रा अक्क ए, फेर बी से तिना लोका साथे बऊत ई सब राखोआ, जिना पाँदे तिना रा रोष आओआ और जो विनाशो खे त्यार किते थे। 23 तिने एडा इजी खे कितेया कि दया रे तिना पांडेया पाँदे आपणी महिमा री शान प्रकट करना चाओ था जो तिने पईले तेई

तेसा महिमा खे त्यार किते। 24 मतलब आसा पाँदे जिने तिने ना बस यूहदिया बीचा ते, बल्कि दूजी जातिया बीचा ते बी बुलाया। 25 जेडा परमेश्वर होशे भविष्यवक्ता री कताबा रे बी दुजिया जातिया रे बारे रे बोलोआ, “जो मेरी प्रजा नि थी, तिना खे मां आपणी प्रजा बोलणा और जो प्यारी नि थी, तिना खे प्यारा बोलूँगा।” 26 और, “एडा ऊणा कि जेते जगा रे तिना खे एडा बोलेया था कि ‘तुसे मेरी प्रजा निए,’ तेते जगा रे सेयो ‘जिऊँदे परमेश्वरो री ल्वाद ऊणे।’” 27 और यशायाह भविष्यवक्ता इसाएली लोका रे बारे रे आक्का पाई की बोलोआ, “चाए इसाएलिया रे ल्वादा री गिणती समुद्रो रे बालूए रे बाबार ओ, तेबे बी तिना बीचा ते थोड़े ई बचणे। 28 कऊँकि प्रभुए आपणा वचन तरतिया रे पूरा करी की धार्मिकता ते चट ई तरतिया रे लोका रा न्याय करना।” 29 जेडा यशायाह भविष्यवक्ते पईले बी बोलेया था, “जे सेनाओं रा प्रभु, आसा खे कोई वंश नि छाडा, तो आसे सदोमो जेडे ऊई जाणे थे और गमोरा जेडे ठंडरने थे।” 30 तो आसे क्या बोलूँ? ये कि दूजी जाति, जो तर्मो खे नि टोलो थे, तिना खे धार्मिकता मिली, मतलब तेसा धार्मिकता खे जो विश्वासो ते ए। 31 पर इसाएली लोक जो तर्मो रे बिधानो खे टोलैदे ऊए, तर्मो बणने रे सफल नि ऊए। 32 किंजी खे? इजी री खातर कि सेयो विश्वासो ते नि, पर मानो अच्छे कामा ते तेसखे टोलोए, तिने तेस ठोकरा रे पात्थरो पाँदे ठोकर खाई। 33 जेडा पवित्र शास्त्रो रे लिखी राखेया, “देखो, आऊँ सिय्योन नगरो रे एक ठोकर लगणे रा पात्थर और ठोकर खाणे री जान राखूँआ और जेस तेस पाँदे विश्वास करना, से शर्मिदा नि ऊणा।”

10 ओ साथी विश्वासियो, मेरे मनो री इच्छा और इसाएली लोका खे

मेरी परमेश्वरो ते प्रार्थना ये ए कि तिना खे उद्धार मिलो। 2 कऊँकि आऊँ तिना री गवाई देऊँका कि तिना खे परमेश्वरो री खातर धून रओई, तिना लोका खे तिना री सेवा करने री ठीक समज निए। 3 कऊँकि सेयो परमेश्वरो री धार्मिकता ते अणजाण ऊई की और आपणी धार्मिकता बनाणे री कोशिश करदे रओए। सेयो परमेश्वरो रे जरिए तय किंती री धार्मिकता रे अधीन नि ऊए। 4 कऊँकि मसीह ई धार्मिकता रे बिधानो रा अंत ए और हर एक विश्वास करने वाले खे धार्मिकता देओए। 5 कऊँकि मूसे ये लिखी राखेया कि जो माणू तेसा धार्मिकता पाँदे, “जो बिधानो रे ए चलोआ से इजी बजअ ते जिऊँदा रणा।” 6 पर जो धार्मिकता विश्वासो ते ए, से ईयां बोलोई, “तूँ आपणे मनो रे ये नि बोलणा कि स्वर्गो पाँदे कुण चढ़ना?” मसीह खे त्वारी कि त्याङणे खे, 7 या ढुगे रे कुण उतरना? मतलब मसीह खे मेरे रेया बीचा ते जिऊँदा करी की ऊबो खे निणे खे। (Abyssos g12) 8 पर से क्या बोलोई? “परमेश्वरो रा वचन तुसा गे ए, से तुसा रे मुंओ रे और तुसा रे मनो रे ए।” ये विश्वासो रा से वचन ए, जो आसे प्रचार करूँए। 9 जे तूँ आपणे मुंओ ते यीशुए खे प्रभु जाणी की अंगीकार करेगा और आपणे मनो रे विश्वास करेगा कि परमेश्वरे से मेरे रेया बीचा ते जिऊँदा कितेया, तो तेरा पक्का उद्धार ऊणा। 10 कऊँकि विश्वास दिलो ते करेया जाओआ जेतेरा नतीजा धार्मिकता ए

और अंगीकार मुंओ ते करेया जाओआ जेतेरा नतीजा उद्धार ए। 11 जियाँ यशायहे पवित्र शास्त्रो रे लिखी राखेया, “जो कोई तेस पांदि विश्वास करेगा, से शर्मिदा नि ऊणा।” 12 यूदिया रे और यूनानिया रे कोई फर्क निए, कँऊकि परमेश्वर सभी रा प्रभु ए और आपणे सब नाओं लणे वालेया खे उद्धार ए। 13 जियाँ पवित्र शास्त्रो रे लिखी राखेया, “जेस केसी प्रभुए रा नाओं लणा, तेसरा उद्धार ऊणा।” 14 पर जेस पांदि तिने विश्वास नि कित्तेया, सेयो तेसरा नाओं कियाँ लओ? और जेसरे बारे रे सुणेया नि, तेस पांदि विश्वास कियाँ कस्ता और प्रवारका ते बिना कियाँ सुणना? 15 और जे पेजे नि जाओ, तो कियाँ प्रचार करो? जेडा पवित्र शास्त्रो रे लिखी राखेया, “तिना रे पैर केडे खरे ए, जो अच्छी गल्ला रा सुसमाचार सुणाओए।” 16 पर सबी इसाएलिए तेस सुसमाचारो पांदि विश्वास नि कित्तेया। जेडा यशायाह भविष्यवक्ता बोलोआ, “ओ प्रभु, किने आसा रे सुसमाचारो पांदि विश्वास करी राखेया?” 17 तो विश्वास सुणने ते और सुणना मसीहे रे वचनो ते ओआ। 18 पर आऊँ पुँछूँआ, क्या तिने मसीहे रे बारे नि सुणेया? सुणेया तो जरूर ए, कँऊकि पवित्र शास्त्रो रे लिखी राखेया, “तिना री आवाज सारी तरतिया पांदि, और तिना रे वचन दुनिया रे कनारे तक पड़ेंछी गे रो।” 19 आऊँ फेर पुँछूँआ कि क्या इसाएलो रे लोक नि जाणो थे? पईले तो प्रभुए मूसा रे जरिए ये बोलोआ, “मां तिना रे जरिए, जो यहूदी जाति निए, तुसा रे मनो रे जल्न पैदा करनी, मां एक मूर्ख दूजिया जातिया रे जरिए, तुसा खे रिस दलाणी।” 20 तेवे यशायाह बड़ी ई इम्मता साथे बोलोआ, “जो माखे नि टोलो थे, तिना खे आऊँ मिली गा और जो माखे पूछो तक नि थे, तिना रे सामण आऊँ आया।” 21 पर इसाएलो रे लोका रे बारे रे परमेश्वर यशायाह रे जरिए ये बोलोआ, “आऊँ सारे दिन आपणे आथ एक आज्ञा ना मानणे वाली और बईस करने वाली प्रजा री तरफा खे फैलाए रे रया।”

11 एबे आऊँ पुँछूँआ, “क्या परमेश्वरे आपणी प्रजा छाडी ती? कदी पनि। आऊँ बी तो इसाएली ए, अब्राहमो रे वंश और बिन्यामीनो रे गोत्रो तेआ।” 2 परमेश्वरे आपणी से प्रजा नि छाडी, जेसखे से पईले तेर्ई जाणो था, क्या तुसे नि जाणदे कि पवित्र शास्त्र एलियाह भविष्यवक्ता रे बारे रे क्या बोलोआ कि से इसाएलो रे लोका रे बिरोदो रे परमेश्वरो ते बिनती करोआ? 3 तिने बोलेया, “ओ प्रभु, तिने तेरे भविष्यवक्ता काईटे और तेरिया बेदिया नाश करी तिया। आऊँ ई कल्ला बची गा और सेयो मेरे प्राण बी लयी लणा चाओए।” 4 पर परमेश्वरे एलियाह खे उत्तर दित्तेया, “मैं आपू खे सात ह्याजार मर्द राखी राखे, जिने चूठे बाअल देवता रे आगे कुठो टेकी की आराधना नि कित्ती।” 5 तो ईयाँ ई एस बखते बी, परमेश्वरो री कृपा ते चुणे रे कुछ यहूदी लोक बाकि ए। 6 जे ये परमेश्वरो री कृपा ते ऊई रा, तो तेवे बिधानो रे कामा ते निए। जे ये बिधानो रे कामा रे जरिए ऊंदा तो कृपा फेर कृपा नि रंदी। 7 फेर नतीजा क्या ऊआ? ये कि इसाएली परमेश्वरो री जेसा कृपा खे टोल्ने लारी रे थे, से तिना खे नि मिली, बल्कि चुणे रेया खे मिली और बाकि लोक हठी बणाईंते। 8 जेडा पवित्र शास्त्रो रे लिखी राखेया, “परमेश्वरे तिना

लोका खे आजके दिनो तक सुस्त दमाक देई राखेया और एडिया आखी दित्तिया, जो देखी ना सको और एडे कान, जो सुणी नि सको।” 9 और राजा दाऊद बोलोआ, “तिना री रोटी तिना खे जाल, और फन्दा बणे; से तिना खे सजा और रुडने री बजअ ऊई जाओ।” 10 तिना री आखी रे तलोजा आई जाओ जेते कि देखी नि सको और तूँ सदा तिना री पीठी खे मुसीबता रे बोजो निठे चुकाई की राख।” 11 तो आऊँ फेर पुँछूँआ कि क्या इसाएली लोके इजी खे ठोकर खाई कि सेयो सदा खे नाश ऊई जाओ? कदी पनि। पर तिना रे अविश्वासो री बजअ ते दूजी जातिया खे उद्धार मिलेया, कि इसाएली लोका खे जल्न ओ। 12 तो जे तिना रा अविश्वास दुनिया रे लोका खे बड़ी आशीष और तिना री कमी दूजी जातिया खे सम्पत्तिया री बजअ ऊई, तो कितणी जादा आशीष उणी जेबे सब इसाएली लोक परमेश्वरो पांदि विश्वास करी लओगे। 13 आऊँ तुसा दूजी जातिया खे इना सबी गल्ला खे बोल्तूँआ, जबकि आऊँ दूजी जातिया खे प्रेरित ए। माखे आपणी एसा सेवा पांदे बड़ा गर्व ए। 14 ताकि कियाँ बी आऊँ आपणे यहूदी लोका ते जल्न कराई की तिना बीचा ते कई जगेया खे बचाऊँ। 15 कँऊकि जेबे तिना रा त्याग करना दुनिया रे लोका खे परमेश्वरो साथे मिलापो री बजअ ऊई, तो क्या तिना रा मसीह खे ग्रहण करना मरे रेया बीचा ते जिउँदे ऊणे रे बाबर नि ऊणा? 16 जेबे गूँदे रे आटे रा पईला पेडा पवित्र ठिईर्या, तो पूरा गूँदेया रा आटा बी पवित्र ए, और जेबे जड़ पवित्र ठिईरी, तो डालिया बी पवित्र आईर्या। 17 इसाएलो रे लोक जैतूनो रे डालो री डालिया जेडे ए और पिता अब्राहम, इसहाक और याकूब तेस जैतूनो रे डालो री जेडे ए। तुसे दूजिया जातिया रे लोक जैतूनो रे डालो पांदे कलम चढाई री डालिया जेडे ए और तूँ जंगली डालिया जेडा तेसा बाडी री डालिया री जगा पांदे जैतूनो री जेडा री चिकणाईर्या रा इस्सेदार ऊआ। 18 पर तैं तेसा बाडी री डालिया ते आपणे आपू खे बढ़ी की नि समजणा और जे तूँ आपणे आपू खे तिना ते बढ़ी कि समजेया तो जाणी लो कि तूँ जेडा खे नि, पर जड़ ताखे सम्बालोई। 19 तेवे तां बोलणा, “डालिया तेवे बाडिया ताकि मां पांदे तिजी री अच्छी कलम चढाई जाओ।” 20 ये सच ए, सेयो तो अविश्वासो री बजअ ते बाडी की लग करी तिया, पर तूँ विश्वासो री बजअ ते आपणी जगा पांदे बणे रा रओआ। इजी री खातर कमण्ड नि कर, बल्कि डर। 21 कँऊकि जेबे परमेश्वरे कुदरती डालिया नि छाडिया, तो तूँ पनि छाडणा। 22 इजी री खातर परमेश्वरो री दया और सख्ती देख, जो रुडी गे, तिना पांदे सख्ती और तां पांदे दया, तूँ तिदे बणेया रा रओआ, नवी तो तूँ बी बाडी देणा। 23 जे इसाएलो रे लोक बी विश्वास करना शुरू करी देओ तो सेयो बी फेर तेस डालो रे कलम चढाई की जोड़े जाणे कँऊकि परमेश्वर सामर्थी ए कि फेर तिना खे जोड़ी सकोआ। 24 कँऊकि जे तूँ तेसा जैतूना ते, जो सबाओ तेई जंगली ए बाडी दित्तेया और सबाओ रे खलाफ अच्छी जैतूना रे डालो साथे जोड़ी ता, तो यो जो कुदरती डालिया ए, आपणी ई जैतूना रे कलम चढाई की चट ई कँऊ नि बढ़ना! 25 ओ साथी विश्वासियो! केथी एडा नि ओ कि तुसे

आपणे आपू खे अकलमंद समजी लो, इजी री खातर आँऊ चाऊँआ कि तुसे एस भेदो खे जाणी लो कि जदुओ तक दूजी जातिया पूरी तरअ ते नि आयी जाओ, तदुओ तक इसाएलो रा एक इस्सा एडा ई सख्त रणा। 26 और ईयां ई सारे इसाएलो रे लोका खे उद्धार मिलाण, जेडा कि पवित्र शास्त्रो रे लिखी राखेया, “हुडाणे वाळा सिय्योन नगरो ते आऊणा और अभक्ति याकूबे रे वंशो ते दूर कर्नी। 27 और तिना साथे मेरी ये वाचा ऊणी, जबकि मां तिना रे पाप माफ करी देणे।” 28 सेवो सुमाचारो री नजरा ते तो आपू ई दुजिया जातिया री खातर परमेशरो रे बैरी ए। पर चुणेने रे नजरा ते बाप-दादेया री बजअ ते परमेशरो रे प्यारे ए। 29 कऊँकि परमेश्वर आपणे बरदानो ते और बुलाहटा ते कदी पीछे नि अटदा। 30 कऊँकि जिंयाँ तुसे पईले ई परमेशरो री आज्ञा नि मानी, पर एबे इसाएली लोका री आज्ञा ना मानणे ते तुसा पौंदे दया ऊई। 31 तिंयाँ ई तिने बी एबे आज्ञा नि मानी ताकि तुसा पौंदे जो दया औई, इजी ते तिना पौंदे बी दया ओ। 32 कऊँकि परमेश्वरे सबी लोका खे आज्ञा ना मानणे री बजअ ते बन्दी बणाई की राखेया, ताकि से सबी लोका पौंदे दया करो। (eleēse g1653) 33 वाह, परमेशरो री कृपा रा धन, बुद्धि और ज्ञान कितणे गम्भीर ए! तेसरे विचार कितणे गईर ए, और तेसरी बाट कितणी साफ ए। 34 “प्रभुए रा मन किने जाणेया? या तेसरा सलाहकार कुण ऊआ? 35 या किने तेसखे पईले कुछ देई राखेया, जेतेरा बदला तेसखे दितेया जाऊ?” 36 कऊँकि परमेशरो री तरफा ते और तेसरे जरिए और तेसखे ई सब कुछ ए, तेसरी महिमा जुगो-जुगो तक ऊंदी रओ। आमीन। (aiōn g165)

12 इजी री खातर ओ साथी विश्वासियो!

आऊ तुसा खे परमेशरो री दया याद कराई की बिनती कस्तु आपू खे जिऊँदा और पवित्र और परमेशरो खे अच्छा लगाऊ ऊआ बलिदान करी की चढाओ। परमेशरो री सेवा करने रा येई सच्चा तरीका ए। 2 और एसा दुनिया रे लोका जेडे नि बणो, बल्कि तुसा रे मनो रा नवाऊ ऊई जाणे ते, तुसा रा चाल-चलण बी बदलदा रओ। ताकि तुसे परमेशरो री खरी, भावती और सिद्ध इच्छा अनुभवो ते पता करदे रओ। (aiōn g165) 3 कऊँकि आऊ तेसा कृपा री बजअ ते, जो माखे मिली री, तुसा बीचा ते हर एकी खे बोलूँआ कि जेडा समजणा चाईयो, तिजी ते बढी की कोई बी आपू खे नि समजो, पर जेडा परमेशरे हर एकी खे विश्वासो रे नतीजे रे मुताबिक बांडी ता रा, तेडा ई अच्छी सोचा साथे आपू खे समजो। 4 कऊँकि जेडे म्हरे एक ई शरीरो रे बऊत अंग ए और सबी अंगा रा एक जेडा काम निए, 5 तेडा ई आसे जो बऊत ए, मसीहे रे एक शरीर ऊई की आपू बीचे एकी दूजे रे अंग ए। 6 जबकि तेसा कृपा रे मुताबिक, जो आसा खे देई राखी, आसा खे लग-लग बरदान मिली रे, तो जेसखे भविष्यबाणी करने रा बरदान मिली रा, से विश्वासो रे नतीजे रे मुताबिक भविष्यबाणी करो। 7 ईयां ई जे सेवा करने रा बरदान मिली रा, तो सेवा करदे रओ, जे कोई सिखाणे वाळा ए, तो सिखाणे रे लगे रा रओ। 8 जेसखे औंसला देणे रा दान मिली रा, से लोका खे औंसला देंदा रओ,

दान देणे वाळा उदारता ते देंदा रओ, जो अगुवाई करोआ, से लगना साथे अगुवाई करदा रओ, जो दया करो, से खुशिया ते दया करो। 9 प्यार बिना कपटो ते ओ, बुराईया ते नफरत करो, पलाईया रे लगे रे रओ। 10 पाईचरे रे प्यारो ते एकी-दूजे ते प्यार करो, आपू बीचे आदर करने रे एकी-दूजे ते जादा बढो। 11 कठी मईणत करो और आलसी नि बणो। आत्मिक खुशिया ते परे रे रओ, प्रभुए री सेवा करदे रओ। 12 उम्मीदा रे खुश ऊंदे रओ, क्लेशो रे स्थिर रओ, हर बखत प्रार्थना करदे रओ। 13 परमेशरो रे लोका खे जो कुछ जरूरी ओ, तिदे तिना री मताद करो, पराऊणचारिया रे लगे रे रओ। 14 आपणे सताणे वालेया खे आशीष देओ, आशीष देओ, श्राप नि देओ। 15 खुशी करने वालेया साथे खुशी करो और रोणे वालेया साथे रोओ। 16 आपू बीचे एक जेडा मन राखो, कमण्डी नि बणो। पर गरीब लोका साथे संगति राखणे खे सदा त्यार रओ। आपणी नजरा रे अकलमंद नि ओ। 17 बुराईया रे बदले केसी साथे बुराई नि करो, जो गल्ल सबी लोका रे नेढे खरी ओ, तिना री चिन्ता करेया करो। 18 जेथो तक ऊई सको आपणे सबी मांणूआ साथे मेल-जोल राखो। 19 ओ प्यारो! आपणा बदला नि लओ, पर परमेशरो रे रोषी खे मौका देओ, कऊँकि पवित्र शास्त्रो रे परमेश्वर बोलोआ, “बदला लाणा मेरा काम ए, मां ई प्रतिफल देणा!” 20 पर ये बी लिखी राखेया, “जे तेरा बैरी पूखा ओ, तो तेसखे रोटी खुला, जे त्याया ओ, तो तेसखे पाणी पल्ल्या। कऊँकि तुसा रे एडा करने ते तेसरा सिर शरमा रे मारे चूकी जाणा।” 21 बुराईया ते नि आरो, बल्कि पलाईया ते बुराईया खे जीती लओ।

13 हर एक माणू बडे अधिकारिया रे अधीन रओ, कऊँकि कोई अक्क

एडा निए, जो परमेशरो री तरफा ते नि ओ और जो अक्क आए, सेयो परमेशरे रे जरिए ई ठराई राखें। 2 इजी ते जो कोई अधिकारिए रा बिरोद करोआ, से परमेशरो री आज्ञा रा बिरोद करोआ और बिरोद करने वालेया दण्ड पाणा। 3 कऊँकि जो कोई खरा काम करोए तिना खे अधिकारिया ते डरने री जस्तरत निए। पर जो कोई बुरे काम करोआ तिना खे अधिकारिया ते डरना चाईयो। जे तूँ अधिकारिया ते निडर रणा चाओआ तो खरा काम कर और तेसरी तरफा ते तेरी तारीफ ऊणी। 4 कऊँकि से तेरी पलाईया खे परमेशरो रा सेवक ए, पर जे तूँ बुराई करे, तो डर। कऊँकि तिने तलवार बेकारो रे नि लयी राखी बल्कि से परमेशरो रा सेवक ए ताकि तेसरे रोषो रे मुताबिक बुरे काम करने वालेया खे दण्ड देओ। 5 इजी री खातर तिना रे अधीन रणा ना बस तेस रोषो ते, बल्कि डरो ते जस्ती री, बल्कि विवेक बी येई गवाई देओआ। 6 इजी री खातर सरकारा खे मामला बी देओ, कऊँकि शासन करने वाले परमेशरो रे सेवक ए और सदा एसी कामो रे लगे रे रओए। 7 इजी री खातर हर एकी रा अक्क चुकाया करो, जेसखे मामला चाईयो, तेसखे मामला देओ, जेसखे शुल्क चाईयो, तेसखे शुल्क देओ, जेसते डरना चाईयो, तेसते डरो, जेसरा आदर करना चाईयो, तेसरा आदर करो। जो तारीफा जोगा ए, तेसरी तारीफ करो। 8 आपू बीचे प्यारो खे छाडी की केसी बी गल्ला

रे केसी रे बी कर्जदार नि ओ। कँकिं कि जौ दूजे साथे प्यार राखोआ, तिने ई विधान पूरा करी राखेया। 9 मूसे रा बिधानो रे बऊत सारी आज्ञा ए कि व्याभिचार नि करना, अत्या, चोरी, लालच नि करना और इना खे छाडी की ओर कोई बी आज्ञा ओ तो सबी रा निचोड़ एसा आज्ञा रे मिलोआ कि आपणे पढ़ोसिये ते आपू जेडा प्यार राख। 10 प्यार पढ़ोसियो री कुछ बी बुराई नि करदा। इजी री खातर जो प्यार करोआ से परमेशरो रे बिधानो खे पूरा करोआ। 11 और बखतो खे पछयाणी की एडा ई करो, कँकिं कि एवे तुसा खे नींजा ते जागणे री कअडी आईगी री, कँकिं जेस बखते आसे विश्वास कितेया था, तेस बखतो रे बिचारो ते एवे आसा रा उद्धार नेढे ए। 12 रात बऊत बीती गी री और दिन निकलने वाला ए, इजी री खातर आसे न्हेंरे रे कामो खे छाडी कि जोतिया रे अथियार बानी लँगेए। 13 जेडा दिनो खे अच्छा लगोआ, तेडी ई आसा सीदी चाल चलणी चाईयो, ना कि लीलाक्रीड़ा, पियकड़, ना व्याभिचार, ना लिचडपण और ना चागडे रे और जलना रो। 14 बल्कि प्रभु यीशु मसीह खे पईनी लो और शरीरो री बुरी इच्छा खे पूरा करने रा उपाय नि करो।

14 विश्वासो रे कमजोर लोका खेतिना रे विश्वासो रे बारे रे केसी बी

शंका ते बगैर ई अपनाई लो। 2 कँकिं कि कुछ लोका खे विश्वास ए कि सब कुछ खाणा चाईयो, पर जो विश्वासो रे कमजोर ए, से साग-पात ई खाओआ। 3 जो लोक मांस खाओए तिना खे शाकाहारी लोक तुच्छ नि समजो और शाकाहारी लोक मांस खाणे वाले लोका पाँदे दोष नि लगाओ। कँकिं कि परमेशरो सेयो दोनो ई ग्रहण करी राखे। 4 तूँ कुण ए जो प्रभुए रे सेवको पाँदे दोष लगाएया? तेसरा बणेया रा रणा और रुड़ना, तेसरे मालको तेई रिश्ता राखोआ, बल्कि से खड़ा ई करेया जाणा, कँकिं कि प्रभु तेसखे खड़ा करी सकोआ। 5 तिंयाँ ई कोई तो एकी दिनो खे, दूजे ते बड़ा मानोआ और केसी खे सब दिन एक जेडे ए। हर एक आपणे ई मनो रे निश्च करी लो। 6 जो केसी खास दिनो खे मानोआ, से प्रभुए खे मानोआ। जो खाओआ, से प्रभुए री खातर खाओआ, कँकिं से परमेशरो रा धन्यवाद करोआ और जो खांदा नि, से प्रभुए री खातर नि खांदा और परमेशरो रा धन्यवाद करोआ। 7 कँकिं कि आसा बीचा ते कोई ना तो आपणी खातर जिओआ और ना ई कोई आपणी खातर मरोआ। 8 कँकिं कि आसे जे जिँदे ए, तो प्रभुए री खातर जिँदे ए और जे मर्हए, तो प्रभुए री खातर मर्हए। ईयां आसे जिँक, चाए मर्ह, आसे प्रभुए रेईए। 9 कँकिं कि मसीह इजी री खातर ई मरेया और जिँदा बी ऊआ, से मरे रा और जिँदेया रा सबी रा प्रभुए। 10 तूँ आपणे साथी विश्वासिया पाँदे दोष कँक लगाएया? या आपणे साथी विश्वासिया खे तुच्छ कँक समजेया? आसे सब परमेशरो रे न्याय आसणो सामणे खड़े ऊणे। 11 कँकिं कि पवित्र शास्त्रो रे लिखी राखेया, “प्रभु बोलोआ कि मेरी जिन्दगिया री कसम कि ‘हर एकी मेरे सामणे आपणे कुटणे टेकणे और हर एक माणूआ परमेशर मानणा।’” 12 तो आसा बीचा ते हर एकी परमेशरो खे आपणे-आपणे कामा रा लेखा देणा। 13 तो आगे ते आसे एकी-दूजे पाँदे दोष नि लगाओ, पर तुसे येई ठाणी लो कि कोई आपणे

पाईया सामणे ठेस या ठोकर खाणे री बजअ नि ओ। 14 आँक जाणूआ कि प्रभु यीशुए ते माखे निश्चा ऊई रा कि कोई बी खाणे री चीज आपू ते अशुद्ध निए। पर जो कोई तिजी खे अशुद्ध समजोआ, से तेसखे अशुद्ध ए। 15 जे तेरा पाई तेरी रोटिया ते नराज आओ, तो तेबे तूँ प्यारो ते निचलदा। जेतेरी खातर मसीह मरेया, तेसखे तूँ आपणी रोटिया री बजअ ते नाश नि कर। 16 जो तुसा री नजरा रे ठीक ए तिजी री दूजे लोक निंदा नि करो। 17 कँकिं कि परमेशरो रे राज्य रे खाणे-पीणे री अहमियत निए, बल्कि तर्म, मेल और खुशी ए जो पवित्र आत्मा ते ओआ। 18 जो कोई इजी रीतिया ते मसीही री सेवा करोआ, से परमेशरो खे अच्छा लगोआ और माणूआ बीचे ग्रहण करने जोगा ओआ। 19 इजी री खातर आसा खे इना गल्ला री कोशिश करनी चाईयो जिना साथे मेल-जोल और एकी-दूजे रे विश्वासी खे मजबूत करने रे मताद मिलो। 20 रोटिया री खातर परमेशरो रा काम नि बिगाड़। सब कुछ तो शुद्ध ए, पर तेस माणूए खे बुरा ए, जेसखे तेसरी रोटी खाणे ते ठोकर लगोई। 21 पला तो ये कि तूँ ना तो मांस खा और ना दाखरस पी और ना ई कुछ एडा कर, जेते की तेरा साथी विश्वासी ठोकर खाओ। 22 इना चीजा रे बारे रे जो बी तुसा रा विश्वास ओ, से तुसा रे और परमेशरो बीचली गल्ल ए। धन्य से माणू जो तेसा गल्ला रे, जेसखे से ठीक समजोआ, आपणे आपू खे दोषी नि मानदा। 23 पर जो शक करी की खाओआ, से दण्डो जोगा ठड़ी चुकेया, कँकिं कि से विश्वास करी की नि खांदा। जो कुछ विश्वासो ते निए, से पाप ए।

15 जे म्हारा विश्वास मजबूत ए तो तिना साथी विश्वासिया साथे जिना

रा विश्वास कमजोर ए तिना साथे धीरज राखो। आसा खे आपणे आपू खे खुश करने रे बदले तिना खे खुश करने री कोशिश करनी चाईयो। 2 आसा बीचा ते हर एक आपणे साथी विश्वासिया खे तेसरी पलाईया खे तिना खे खुश करो और तिना रे विश्वासो खे मजबूत करने री कोशिश करो कि तिना री तरक्की ओ। 3 कँकिं कि मसीहे आपणे आपू खे खुश नि कितेया, पर जेडा पवित्र शास्त्रो रे लिखी राखेया, “तेरी निन्दा करने वालेया मेरी निन्दा करी राखी।” 4 जितणिया गल्ला पईले तेई पवित्र शास्त्रो रे लिखी राखी थिया, सेयो आसा री ई शिक्षा री खातर ई लिखिया ताकि आसे सब्र और पवित्र शास्त्रो री शान्तिया रे जरिए उम्मीद राख्यूँ। 5 आँक प्रार्थना करूँआ कि सब्र और इमम्ती रा दाता परमेशर तुसा खे ये बरदान देओ कि यीशु मसीहे रे मुताबिक आपू बीचे एक मन ऊई कि रओ। 6 ताकि तुसे एक मन और एक आवाज ऊई की आसा रे प्रभु यीशु मसीहे रे पिता परमेशरो री बढ़ाई करो। 7 तेबे, जेडा मसीहे बी परमेशरो री महिमा री खातर तुसे अपनाए, तेडे ई तुसे बी एकी-दूजे खे अपणाओ। 8 आँक बोलूँआ कि जो वादे बाप-दादेया खे दिते थे, तिना खे मजबूत करने खे, मसीह, परमेशरो री सच्चाईया रा सबूत देणे खे खतना किते रे लोका रा सेवक बणेया। 9 और दूजी जाति बी परमेशरो री दया पाई कि तेसरी बढ़ाई करो। जेडा पवित्र शास्त्रो लिखी राखेया, “इजी री खातर जातिया-जातिया बीचे

मां तेरा धन्यवाद करना और तेरे नाओं रे पजन गाणे।” 10 फेर बोली राखेया, “ओ दूजिया जातिया रे सब लोको, परमेशरो री प्रजा साथे खुशी मनाओ।” 11 एकी ओरी जगा लिखी राखेया, “ओ दूजिया जातिया रे सब लोको, तेसखे सराओ।” 12 और तेबे यशायह बोलोआ, “पिंडी रे वंशो ते एक सामणे आऊणा और दूजी जातिया रा हाकिम ऊणे खे उठणा, तेस पांदे दूजी जातिया उम्मीद राखणी।” 13 आँऊ परमेशरो ते प्रार्थना करूँआ कि जो उम्मीदा रा दाता ए, तुसा खे विश्वास करने रे सब प्रकारा री खुशी और शान्तिया ते परिपूर्ण करो, ताकि पवित्र आत्मा री सामर्था ते तुसा री उम्मीद बड़ी जाओ। 14 ओ मेरे साथी विश्वासियो! माखे आपू बी तुसा रे बारे रे निशा ए कि तुसे आपू बी पलाईया ते फेरे रे और परमेशरो रे ज्ञानो ते बी फेरे रे ए और एकी दूजे खे समजयाई सकोए। 15 तेबे बी मैं केथी-केथी याद दलाणे खे, तुसा खे बउत इम्मत करी की लिखेया, ये तेस अनुग्रहो री बजअ ते ऊआ, जो परमेशर माखे देई राखेया। 16 आँऊ दुजिया जातिया खे प्रभु यीशु मसीह रा सेवक ऊई की परमेशरो रे सुसमाचारो री सेवा, पुरोईतो जेडी करूँ। जेते कि दूजी जाति परमेशरो रे आगे अपनाणे जोगी भेट बणी सको और पवित्र आत्मा रे जरिए परमेशरो खे पूरी तरअ ते पवित्र बणो। 17 तो आँऊ यीशु मसीह री बजअ तेई परमेशरो री सेवा रे गर्व करी सकूँआ। 18 आँऊ ये बोलणे खे इम्मत राखूँआ कि मसीहे मेरे जरिए जो नौखा काम करी राखेया जेतेरा नतीजा ये निकलेया कि दूजिया जातिया रे लोके परमेशरो पांदे विश्वास कित्तेया जेबे तिने मेरा वचन सुणेया और मेरे काम देखे। 19 ये सब चिह्न और अचम्ब रे काम पवित्र आत्मा री सामर्था ते मेरे ई जरिए कित्ते। एथो तक कि मैं यरूशलेमो ते लयी की चऊँ कनारे इल्लुरिकुमो तक, मसीहे रे सुसमाचारो रा पूरा-पूरा प्रचार कित्तेया। 20 मेरे मनो री खुशी ये कि जेती-जेती यीशु मसीह रा नाओं नि लया, तेथी सुसमाचार सुणाऊँ, एडा नि ओ कि दूजे री निझाँवा पांदे कअर बणाऊँ। 21 पर जेडा पवित्र शास्त्रो रे लिखी राखेया, तेडा ई ओ, “जेसगे तेसरा सुसमाचार नि पक्कँछेया, तिना ई देखणा और जिने सुणेया नि, सेयो ई समजणा।” 22 तेबेई तो आँऊ तुसा गे आऊणे ते बार-बार रुकेया रा रया। 23 पर एबे माखे इना प्रदेश रे मेरे कामा खे ओर जगा नि रई और बउत साला ते माखे तुसा गे आऊणे री इच्छा ए। 24 तेबे, जेबे आँऊ स्पेनो खे जाऊँगा, तो तुसा गिये ई जाऊँगा, कऊँकि माखे उम्मीद ए कि तेसा यात्रा रे आँऊ तुसा ते मिठूँ और जेबे तुसा री संगतिया ते मेरा जिज कुछ फरी जाओ, तो तुसे माखे स्पेनो रे सफरो खे मताद करी कि आगे पक्कँछाई देओ। 25 पर एबु तो परमेशरो रे लोका री सेवा करने खे यरूशलेमो खे जाऊँआ। 26 कऊँकि मकिदुनिया और अखाया प्रदेशो रे लोका खे ये अच्छा लगेया कि यरूशलेमो रे परमेशरो रे लोका रे गरीबा खे कुछ चंदा कट्टा करिए। 27 तिने ये खुशिया साथे तो कित्तेया, सेयो यरूशलेमो रे रणी वाले लोका रे कर्जदार बी ए, कऊँकि जेबे दूजी जातिया रे लोके तिना ते आत्मिक धन पाई राखेया तो तिना खे बी ठीक ए कि शारीरिक गल्ला रे तिना री सेवा

करो। 28 तो तेबे आँऊ एस कामो खे पूरा करी की और तिना गे एस चंदे खे सम्बाली कि तुसा गिये ऊँदा ऊआ स्पेनो खे जाऊँगा। 29 और आँऊ जाणूआ कि जेबे आँऊ तुसा गे आऊणा, तो मसीह री पूरी आशीषा साथे आऊणा। 30 और ओ साथी विश्वासियो! आँऊ प्रभु यीशु मसीह रा जो आसा रा प्रभु ए और पवित्र आत्मा रे प्यारो री याद दलाई की तुसा ते बिनती करूँआ कि माखे परमेशरो ते प्रार्थना करने खे मां साथे लौलीन रओ। 31 ताकि आँऊ यहूदिया प्रदेशो रे अविश्वासिया ते बचे रा रऊँ और मेरी से सेवा, जो यरूशलेमो खे ए, परमेशरो रे लोका खे अच्छी लगो 32 और आँऊ परमेशरो री इच्छा ते तुसा गे खुशिया साथे आयी की तुसा साथे आराम करूँ। 33 आँऊ प्रार्थना करूँआ शान्तिया रा परमेशर तुसा सबी साथे रओ। आमीन।

16 आँऊ पौलुस फिबे खे बिनती करूँआ कि तुसे तेसा रा आदर करो। से आसा री साथी विश्वासी बईण और किंस्त्रिया नगरो री मण्डलिया री सेविका ए। 2 तुसे लोक बईण फिबे खे प्रभुए री सेविका जाणी की तेसा रा स्वागत करो। और जेसा केसी गल्ला रे तेसा खे तुसा ते मतलब ओ, तेसा री मताद करो। कऊँकि तेसा रा बउत जणेया पांदे, बल्कि मां पांदे बी तेसा रा उपकार ए। 3 बईण प्रिस्टिकल्ला और तेसा रा लाडा अकिला खे बी, जो यीशु मसीह रे मां साथे काम करने वाले ए, नमस्ते। 4 तिने मेरा प्राण बचाणे खे आपणी जिन्दगी दाव पांदे लगाईती थी और बस आँऊ ई नि, बल्कि दूजी जातिया री सारी मण्डली बी, तिना रा धन्यवाद करोई। 5 और तेसा मण्डलिया खे बी नमस्कार, जो तिना रे कअरे कट्टे ओए। मेरे प्यारे इनैमेन्टुसो खे, जो मसीह खे अपनाणे वालेया बीचा ते आसिया प्रदेशो रा पईला फल ए, नमस्ते। 6 मरियमा खे, जेसे तुसा री खातर बउत मईणत कित्ती, नमस्कार। 7 पाई अन्दनीकुस और बईण यूनियासो खे, जो मां जेडे ई यहूदी ए और मां साथे जेला रे कैद ऊए थे, तिना खे मां पौलुसो रा नमस्कार। सेयो लोक प्रेरिता बीचे जाणे-माणे रे थे और मांते पईले मसीह खे मानणे वाले ऊए। 8 पाई अम्पिलियातुसो खे, जो प्रभुए रे मेरा प्यारा ए, नमस्कार। 9 पाई उरबानुसो खे, जो मसीह रे आसा साथे काम करने वाला ए और मेरे प्यारे इस्तखुसो खे नमस्कार। 10 अपिलेसो खे जो मसीह रे खरा निकलेया, नमस्कार। अरिस्तुबुलुस रे करने खे नमस्कार। 11 मेरे साथी यहूदी पाई हेरोदियोनो खे नमस्कार। नरकिस्सुसो रे करने रे जो लोक प्रभुए रे ए, तिना खे नमस्कार। 12 प्रभुए री सेवा रे मईणत करने वालिया जवाणसा त्रूफैना और त्रूफोसा खे, जो प्रभुए रे मईणत करोए, नमस्कार। प्यारी बईण पिरसिसो खे, जिने प्रभुए रे बउत मईणत कित्ती, नमस्कार। 13 रूफुसो खे, जो प्रभुए रे चुणी राखेया और तेसरी आम्मा खे जो मेरी बी आमा जेडी ए, दूँई खे नमस्कार। 14 असुक्रितुसो और फिलोन, हिर्मेस, पत्रुबास, हिमरिस और तिना रे साथले साथी विश्वासिया खे, नमस्कार। 15 फिलुलुगुस, यूलिया, नेर्युस और तेसरी बईण, उलुम्पास और तिना साथले सब परमेशरो रे लोका खे नमस्कार। 16 आपू बीचे गले लगी की नमस्कार करो। तुसा खे मसीह री सारी मण्डलिया री

तरफा ते नमस्कार। 17 एवे ओ साथी विश्वासियो, आँऊं तुसा ते बिनती करूँआ कि तिना लोका ते चौकस रओ जो तेसा शिक्षा रे खलाफ, जो तुसे पाई राखी और से फूट पड़ने और ठोकर खाणे री बजअ ओए। तिना ते दूर रओ। 18 कऊँकि एडे लोक म्हारे प्रभु मसीह री नि, बल्क आपणे पेटो री सेवा करोए। सेयो लोक चिकणी-चूपडिया गल्ला करी की सीदे-सादे मनो वाले लोका खे बईकाई देओए। 19 तुसा री आज्ञा मानणे रे बारे रे सबी लोका खे पता लगी गा रा। इजी री बजअ ते आऊं तुसा रे बारे रे खुश ओऊँआ। पर आऊं ये चाऊँआ कि तुसे पलाईया खे, अकलमंद, पर बुराईया खे पोले बणे रे रओ। 20 परमेश्वरो जो शान्तिया रा दाता ए, तुसा रे पैरो निठे शैतानो खे तुसा ते चट ई मंडाणा। म्हारे प्रभु यीशुए री कृपा तुसा पाँदे सदा ऊँदी रओ। 21 मां साये काम करने वाला तीमुथियुसो री तरफा ते और मेरे यहूरी साथी लूकियुस, यासोन और सोसिपत्रुस तुसा लोका खे नमस्कार बोलोए। 22 आऊं तिरतियुस जो पौलुसो री तरफा ते ये चिट्ठी लिखणे लगी रा, प्रभुए रे तुसा लोका खे नमस्कार बोलूँआ। 23 गयुस रा, जो मेरी और मण्डलिया री पराऊणचारी करने वाला ए, तेसरा तुसा खे नमस्कार। इरास्तुस, जो नगरो रा पण्डारी ए और पाई क्वारतुसो रा, तुसा खे नमस्कार। 24 आऊं प्रार्थना करूँआ कि आसा रे प्रभु यीशु मसीह री कृपा, तुसा सबी लोका पाँदे सदा ऊँदी रओ। 25 तेस परमेश्वरो री स्तुति ओ, जो तुसा लोका खे मेरे सुसमाचार और प्रभु यीशु मसीह रे सदेशो रे मुताबिक स्थिर राखणे रे सामर्थी ए। ये सुसमाचार से पेत ए जो जुगो-जुगो ते छिपेया रा था। (aiōnios g166) 26 पर एवे सामणे आयी की सनातन परमेश्वरो री आज्ञा ते, भविष्यबक्तेया रे पवित्र शास्त्रो री कताबा रे जरिए, सबी जातिया खे बताया कि सेयो विश्वासो ते आज्ञा मानणे वाले ऊई जाओ। (aiōnios g166) 27 तेस कल्ले अकलमंद परमेश्वरो री बऊत जादा, प्रभु यीशु मसीह रे जरिए, जुगो-जुगो तक महिमा ऊँदी रओ। आमीन्। (aiōn g165)

1 कुरिन्थियों

1 ये चिंटी मां पौलुस और आसा रे पाई सोस्थिनेसी री तरफा ते ए।

आँऊ परमेशरो री इच्छा ते यीशु मसीह रा प्रेरित ऊणे खे बुलाई राखेया। 2 आँऊ ये चिंटी परमेशरो री तेसा मण्डलिया खे लिखूँआ जो कुरिन्थुस नगरो रे ए। तुसे लोक यीशु मसीह रे जरिए पवित्र कित्ते रे और तिना सबी परमेशरो रे लोका साथे तुसे बी तिना रे लोक ऊणे खे बुलाए राखे जो हर जगा आसा रे प्रभु यीशु मसीह रे नाओं री मतलब से जो आसा रा और तिना रा सबी रा प्रभु ए, स्तुति करोए। 3 आँऊ प्राथना करूँआ कि म्हरे पिता परमेशर और प्रभु यीशु मसीह री तरफा ते, तुसा खे कृपा और शान्ति मिलदी रओ। 4 आँऊ तुसा रे बारे रे आपणे पिता परमेशरो रा धन्यवाद सदा करूँआ, कऊँकि परमेशरो तुसा खे कृपा ते यीशु मसीह साथे एक करने रे जरिए बक्त आशीष देई राखी। 5 तुसे लोक यीशु मसीह रे हर तरअ ते भरपूर करी राखे। से ये ए कि तिने तुसा खे आपणे वचन बोलणे और समजाणे खे हर तरअ ते खास काबलियत देई राखी। 6 ये तेसा गल्ला खे साक्षित करोआ कि मैं मसीह रे बारे जो बताया था से सच ए। 7 नतीजन एस बखते, जबकि तुसे आसा रे प्रभु यीशु मसीह रे आऊणे री बडी बेसबरिया साथे इन्तजार करने लगी रे, तुसा रे पवित्र आत्मा रे जरिए दिते रे केसी बी आत्मिक बरदानो री कमी निए। 8 परमेशरो तुसे आखरी तक विश्वासो रे मजबूत बी करने, ताकि तुसे आसा रे प्रभु यीशु मसीह रे आऊणे तक निर्दोष ठर्डो। 9 परमेशर विश्वासो जोगा ए, जिने तुसे आपणे पुन्र, आसा रे प्रभु यीशु मसीह री संगतिया रे बुलाई राखे। 10 ओ साथी विश्वासियो! आँऊ तुसा ते आसा रे प्रभु यीशु मसीह रे नाओं ते बिनती करूँआ कि तुसे सब एक ई गल्ल बोलो और तुसा बीचे फूट नि ओ, पर एक ई मन और एक ई इरादा करी की मिले रे रओ। 11 कऊँकि ओ मेरे साथी विश्वासियो! खलोए रे कराने रे लोके, मांगे तुसा रे बारे रे बताई राखेया कि तुसा बीचे चगडे ऊणे लगी रे। 12 मेरे बोलणे रा मतलब ये ए कि तुसा बीचा ते कोई आपणे आपू खे पौलुसो रा चेला, कोई अपुलुसो रा, कोई पतरसो रा और कोई मसीह रा चेला बोलोआ। 13 तुसे लोक जो करने लगी रे से ठीक निए, क्या मसीह बंटी गा रा? क्या पौलुस तुसा री खातर कूसो पाँदे चढ़ाया? या क्या तुसा खे पौलुसो रे नाओं ते बपतिस्मा मिलेया? 14 आँऊ परमेशरो रा धन्यवाद करूँआ कि क्रिस्पुस और गयुस इना दो पाईया खे छाडी की मैं तुसा बीचा ते केसी खे बी बपतिस्मा नि दित्तेया। 15 केबी एडा नि ओ कि कोई बोलो कि तुसा खे मेरे नाओं ते बपतिस्मा मिलेया। 16 और आ, मैं स्टिफनासो रे कराने खे बी बपतिस्मा दित्तेया, इना खे छाडी की आँऊ नि जाणदा कि मैं ओरी केसी खे बपतिस्मा दित्तेया। 17 यीशु मसीहे आँऊ बपतिस्मा देणे नि पेजेया। बल्कि तिने आँऊ सुसमाचार प्रचार करने पेजी राखेया और मैं ये काम मांणूआ रे शब्दो रे ज्ञानो रे मुताबिक नि कित्तेया एडा नि ओ कि मसीह रा कूस बेकार ठर्डो। 18 जो लोक विनाशो री बाटा रिये चलोए तिना लोका खे कूसो री शिक्षा

मुर्खता री गल्ल ए। पर आसा लोका खे जो उद्धारो री बाटा रिये चलोए कूसो री शिक्षा परमेशरो री सामर्थ ए। 19 कऊँकि पवित्र शास्त्रो रे लिखी राखेया, “मां ज्ञानवानो रा ज्ञान नाश करना और समजदारा री समज तुच्छ करी देणी।” 20 तो फेर समजदार लोका खे आसे क्या बोलिये? यहूदी विधानो रे जाणने वाले माहिर शास्त्रिए रे बारे रे आसे क्या बोलिये? दुनिया रे तिना लोका रे बारे आसे क्या बोलिये जो बोलणे रे बक्त तचाक ए? परमेशरे दुनिया रा ज्ञान मूर्ख और बेकार ठराईता रा। (aiōn gl65) 21 कऊँकि परमेशरे आपणे ज्ञाने रे मुताबिक ये देखेया कि दुनिया रे लोक आपणे ज्ञाने रे जरिए तिना खे कदी बी नि जाणी सकदे, तेबैई तिना लोका रा उद्धार करने खे जो विश्वास करोए सुसमाचारो रे प्रचारो रा इस्तेमाल कित्तेया, हालाँकि कुछ लोक इजी खे मूर्खता री गल्ल समजोए। 22 ये यहूदी लोका खे मूर्खता री गल्ल ए जो स्वर्गो ते चिह्न चाओए, और दूजिया जातिया रे लोका खे बी मूर्खता री गल्ल ए जो मांणूआ रे ज्ञाने री टोला रे ए। 23 पर आसे तो तेस कूसो पाँदे चढ़ाए रे मसीह रा प्रचार करूँए, जो यहूदिया खे ठोकरा री बजअ और दूजिया जातिया खे मूर्खता री गल्ल ए। 24 पर परमेशरो रे चुणे रे लोका खे क्या यहूदी, क्या दूजी जाति ढूँढ खेई येई मसीह परमेशरो री सामर्थ और परमेशरो रा ज्ञान ए। 25 कऊँकि परमेशरो री मूर्खता, मांणूआ रे ज्ञानो ते ज्ञानवान ए और परमेशरो री कमजोरी, मांणूआ री तागती ते बक्त तागतबर ए। 26 ओ साथी विश्वासियो! आपणे तिना दिना खे याद करो जेबे तुसे परमेशरे बुलाए थे तेबे तुसे न तो दुनिया री नजरा रे ज्ञानी थे, न ई बक्त तागतबर थे और न ई समाजो रे तुसा रा कोई दबदबा था। 27 ज्ञानी मांणू शर्मिदा करने खे परमेशरे सेयो चूणी ले रे, जिना खे दुनिया मूर्ख समजोई। तागतबरा खे बी शर्मिदा करने खे तिने सेयो चूणी ले रे, जो दुनिया री नजरा रे कमजोर ए। 28 गणमानय लोका रे कमण्डो खे चूर करने खे परमेशरे सेयो लोक चूणी ले जो दुनिया री नजरा रे नीच, तुच्छ और कुछ नि समजे जाओए। 29 परमेशरे एडा इजी खे कित्तेया ताकि कोई बी प्राणी तेसरे सामणे कमण्ड नि करी सको। 30 पर परमेशरे आसे यीशु एक बी ते रे और मसीह रे जरिए तिने आसा खे आपणा ज्ञान दित्तेया। परमेशर आपणी नजरा रे आसा खे तर्मी बी बणाओआ। तिने मसीह रे जरिए आसे पवित्र करी राखे और से आसा खे आसा रे पापो ते छुटकारा देओआ। 31 ताकि जेडा पवित्र शास्त्रो रे लिखी राखेया, तेड़ा ई ओ, “जो कमण्ड करो, से सिफ प्रभुए पाँदे कमण्ड करो।”

2 ओ साथी विश्वासियो! जेबे आँऊ परमेशरो रा पेत सुपांदा ऊआ इस्तेमाल नि कित्तेया। 2 कऊँकि मैं ये ठाणी ला था कि तुसा बीचे यीशु मसीह, बल्कि कूसो पाँदे चढ़ाए रे मसीह खे छाडी की ओरी केसी गल्ल खे नि जाणू। 3 आँऊ कमजोर और डरो साथे और बक्त थरथरांदा ऊआ, तुसा साथे रया 4 और मेरी शिक्षा और मेरे प्रचारो रे ज्ञानो री लुबाणे वालिया गल्ला नि थिया, बल्कि पवित्र आत्मा और सामर्थ्या रा

सबूत था। 5 इंजी खे तुसा रा विश्वास मांणूआ रे ज्ञानो पाँदि नि, बल्कि परमेश्वरो री सामर्थ्या पाँदि निर्भर ओ। 6 फेर बी आँऊ तिना लोका खे ज्ञानो रा संदेश सुणाऊँआ, जो आत्मिक तौरे पाँदि सिद्ध ए। पर ये ज्ञान ना तो एसा दुनिया रा और ना एसा दुनिया रे हाकिमा राए, जिना रा नाश ऊणा तय ए। (aiōn g165) 7 पर आसे परमेश्वरो रा से गुप्त ज्ञान, पेतो री रीतिया पाँदि बताऊँ, जो परमेश्वरे जुगो ते आसा री महिमा खे ठराया। (aiōn g165) 8 परमेश्वरो री एसा योजना खे दुनिया रे हाकिमा बीचा ते किने नि समजेया, कऊँकि जे समजदे तो तेजोमय प्रभुए खे क्रूसो पाँदि नि चढ़ादे। (aiōn g165) 9 पर जेडा पवित्र शास्त्रो रे लिखी राखेया, “जो गल्ला आखी ते नि देखिया और ना कानो ते सुनिया और जो गल्ला मांणूआ रे चित्तो रे नि चढ़िया सेयो ई आईया, जो परमेश्वरे आपणे प्यार करने वालेया खे त्यार करी राखिया।” 10 पर परमेश्वरे इना गल्ला खे पवित्र आत्मा रे जरिए आसा प्रेरिता पाँदि प्रगट कितेया। पवित्र आत्मा सब गल्ला, बल्कि परमेश्वरो रिया खास गल्ला बी जाणोआ। 11 मांणूआ बीचा ते कुण केसी मांणूआ री गल्ल जाणोआ? बस मांणूआ री आपणी आत्मा जो तेसरे ए। तिंयाँ ई परमेश्वरो री गल्ला कोई नि जाणदा, बस परमेश्वरो री आत्मा ई जाणोई। 12 पर आसा रे दुनिया रा आत्मा निए, पर से आत्मा पायी राखेया, जो परमेश्वरो री तरफा ते ए कि आसे तिना गल्ला खे जाणूँ, जो परमेश्वरे आसा खे देई राखिया। 13 जेबे आसे ये गल्ला तुसा खे सिखाऊँ तो मांणूआ री तरफा ते आये रे ज्ञानो रा इस्तेमाल नि करदे। बल्कि आसे तिना वचना खे बोलूँए जो आत्मा रे जरिए देई राखे, आत्मिक सच्चाईया री व्याख्या करने खे पवित्र आत्मा रे वचनो खे इस्तेमाल करोए। 14 पर शारीरिक मांणू परमेश्वरो री आत्मा री सच्चाई ग्रहण नि करदा, कऊँकि सेयो तिना री नजरा रे मूर्खता री गल्ला ए और ना से तिना खे जाणी सकोआ, कऊँकि तिना री परख आत्मिक रीतिया ते ओई। 15 आत्मिक जणा सब कुछ जाणोआ, पर से आपू केसी ते नि परखेया जांदा। 16 कऊँकि प्रभुए रा मन किने जाणी राखेया कि तेसरे सख्याओ? पर आसा रे मसीह रा मन ए।

3 ओ साथी विश्वासियो, जेबे आँऊ तुसा साथे था तो तुसा लोका खे गड़ी शिक्षा नि देई सकेया जियाँ आँऊ आत्मिक लोका खे देऊँआ। मैं तुसा साथे ईयां गल्ला कितिया मानो तुसे शारीरिक लोक ए या जेडे कि मसीह जिन्दगिया रे छोटे बच्चे ओ। 2 तेस बखते मैं तुसा लोका खे परमेश्वरो रे वचनो री शुरूओ री शिक्षा तो दिती पर गड़ी शिक्षा नि दिती कऊँकि तुसे तेस बखते एड़ी शिक्षा समजणे जोगे नि थे। सच तो ये ए कि तुसे इंजी खे एबे बी नि समजी सकदे। 3 तुसे विश्वासी ऊई की बी तुसा रा बर्ताव एबुए तक अविश्वासिया जेडा ए। आँऊ जाणूआ कि तुसा बीचा ते कई जणे एकी दूजे ते जलो ए और चगड़ा करोए और अविश्वासिया जेडा न्याय करोए? क्या तुसे अविश्वासी मांणूआ री रीतिया पाँदि नि चलदे? 4 कऊँकि जेबे एक बोलोआ कि आँऊ पौलुसो राए और दूजा कि आँऊ अपुल्लोसी रा, तो क्या तुसा रा सबाओ संसारिक मांणूए जेडा निए? 5 तो फेर अपुल्लोस कुणे ए? और पौलुस कुणे ए? आसे लोक

परमेश्वरो रे बस सेवक ईए, जिना रे जरिए तुसे मसीह रे विश्वास कितेया। आसा बीचा ते हर कोई से काम करोआ जो काम करने खे प्रभुए देई राखेया। 6 जे आँऊ तुसा री तुलना डोरुआ ते करूँ तो आँऊ ई से ए जिने तुसा रे दिलो रे वचनो रा बीज बाई राखेया और अपुल्लोसे से सिंजेया। पर परमेश्वर ईए जिने से बढ़ाया। 7 इंजी री खातर ना तो बाणे वाले रा और ना सिंजणे वाले रा कुछ महत्व ए, पर सिर्फ परमेश्वरो रा महत्व ए जो तिने से बढ़ाई राखेया ए। 8 बाणे वाले और सिंजणे वाले दूँझ रा एक ई मकसद ए, पर हर एक मांणूए आपणी ई मईणता रे मुताबिक परमेश्वरो ते आपणी मजदूरी पाणी। 9 कऊँकि आसे दोनो मिली की परमेश्वरो खे काम करूँ। तुसे कुरिन्थो रे विश्वासी परमेश्वरो री खेती और परमेश्वरो रे कअर ए। 10 परमेश्वरो री तेसा कृपा रे मुताबिक, जो माखे देई राखी, मैं अक्लमंद राजमिस्त्रेए जेडी निझूँ पाई और दूजा तेते पाँदि रद्दा राखोआ, पर हर एक मांणू चौकस रओ कि से तेस पाँदि केड़ा रद्दा राखोआ। 11 कऊँकि तेसा निझूँआ खे छाडी की जो पड़ी री ए और से प्रभु यीशु मसीह ए, कोई दूजी निझूँ नि पाई सकदा 12 जे मसीह सेवक परमेश्वरो री तरफा ते दिती री सई शिक्षा खे सिखाओए तो सेयो तेस कअरो खे बनाणे वालेया जेडे ए जिने सुईना, चाँदी और मईगा पाठथरो जेडी अच्छी किस्मा री चीजा रा इस्तेमाल करी की निझूँ बणाई। पर जे से चूठी शिक्षा सिखाओए तो से तेस कअरो खे बनाणे वाले जेडे ए जो काठ, काआ और पुओ जेडा कटिया समानो रा इस्तेमाल करी की निझूँ पाओए। 13 पर न्याय रे दिनो रे आगी रे जरिए प्रकट ऊई जाणा कि हर एक कअर बनाणे वालेया केड़ा काम करी राखेया। आगी रे जरिए हर काम परखेया जाणा कि से काम केड़ा ए। 14 जे केसी रे जरिए बणाया रा कअर तजी पाँदि बणे रा खड़ा रओगा तो तेस तिजी रा इनाम पाणा। 15 पर जे मसीह केसी मांणूए खे बोलोआ कि इने अच्छा काम नि करी राखेया तो तेस मांणूए मसीह री तरफा ते इनाम नि पाणा। पर तेस मांणूए परमेश्वरो रे जरिए दिती री अनन्त जिन्दगी नि खोणी। 16 क्या तुसे नि जाणदे कि तुसे परमेश्वरो रा मन्दर ए और परमेश्वरो री पवित्र आत्मा तुसा रे वास करोआ? 17 जे कोई परमेश्वरो रे मन्दरो खे नाश करोगा, तो परमेश्वरो से नाश करी देणा। कऊँकि परमेश्वरो रा मन्दर पवित्र ए और से मन्दर तुसे ए। 18 कोई आपणे आपू खे तोखा नि देओ, जे तुसा बीचा ते कोई एसा दुनिया री नजरा रे आपणे आपू खे ज्ञानी समजोआ, तो से मूर्ख बणो कि ज्ञानी ऊई जाओ। (aiōn g165) 19 कऊँकि एसा दुनिया रा जान परमेश्वरो रे नेडे मूर्खता ए, जेडा कि पवित्र शास्त्रो रे लिखी राखेया, “से ज्ञानिया खे तिना री चलाकिया रे फसाई देओआ।” 20 और फेर पवित्र शास्त्र ये बी बोलोआ, “प्रभु ज्ञानिया रे बचारा खे जाणोआ कि बेकार ए।” 21 इंजी री खातर मांणूआ पाँदि कोई कमण्ड नि करो कऊँकि सब कुछ तुसा राए। 22 क्या पौलुस, क्या अपुल्लोस, क्या पतरस, क्या दुनिया, क्या जिन्दगी, क्या मरण, क्या बर्तमान, क्या भविष्य, सब कुछ तुसा राए 23 और तुसे मसीह रे ए और मसीह परमेश्वरो राए।

4 तुसे लोक आसा खे मसीहे रे सेवक और परमेश्वरो रे पेतो रा पण्डारी

समजो जिना खे सुसमाचारो री लुकी री सच्चाईया खे समजयाए रा काम समाली राखी। 2 ऐबे पण्डारियो ते ये उम्मीद कित्ती जाओई कि से विश्वासो जोगा निकलो। 3 पर मेरी नजरा रे ये बऊत छोटी गल्ल ए कि तुसे या मांगूआ रा कोई न्यायी माखे परखो, बल्कि आँऊ बी आपणे आपू खे नि परखदा। 4 कऊंकि मेरा विवेक माखे केसी बी गल्ला रे दोषी नि ठरांदा, पर इजी ते आँऊ निर्दोष नि ठर्ददा कऊंकि मेरा परखणे वाला प्रभु ए। 5 तो जदुओ तक प्रभु नि आओ, बखतो ते पईले केसी बी गल्ला रा न्याय नि करो, तेसी तो न्हेरे रे लकोईया रिया गल्ला प्रयासे रे दखाणियां और मनो रे विचार सामणे ल्याऊणे, तेबे परमेश्वरो री तरफा ते हर एकी री तरीफ ऊणी। 6 ओ साथी विश्वसियो, मैं इना गल्ला रे तुसा खे आपणी और अपुल्लोसी री चर्चा उदारणा री रितिया पाँदे करी राखी, ताकि तुसे आसा रे जरिए ये सीखो कि कोई बी मांगू पवित्र शास्त्रो रे लिखी री गल्ला ते आगे नि बड़ना और एक अगुवे रा पक्ष लयी की दूजे अगुवे रा अनादर करदे ऊए गर्व नि करना। 7 कऊंकि तांदे और दूजे रे कुण भेद करोआ? और तांगे क्या ए, जो तैं दूजे ते नि पाया और जबकि तैं दूजे ते पाई राखेया, तो ऐडा कमण्ड कऊंकि करेया कि मानो पाई नि राखेया? 8 तुसे तो रुजी गे, तुसे अमीर ऊई चुके, तुसे आसा ते बिना राज्य कित्तेया, पर पला ऊंदा कि तुसे राज्य करदे और आसे बी तुसा साथे राज्य करदे। 9 मेरी समजा रे परमेश्वर आसा प्रेरिता खे सबी ते बाद तिना लोका जेडे ठराया, जिना रे मरने री आज्ञा ऊई चुकी ओ, कऊंकि आसे दुनिया और स्वर्गदूत और मांगूआ खे तमाशा ठईरी रे। 10 लोक आसा खे मूर्ख समजोए ए कऊंकि आसे मसीह रा प्रचार करूँए। पर तुसे लोक ये समजी बैठे कि आसे अकलमंद मसीह ए। आसे कमजोर समजे जाऊए ए, पर तुसे आपणे आपू खे तागतबर समजोए। लोक तुसा रा आदर करोए, पर आसा रा नरादर ओआ। 11 आसे इना दिना तक पूखेत्याये और नांगे ए और मुक्के खाऊँए और मारे-मारे फिरूँए, 12 और आपणे ई आथो रा काम करी की मर्झिणत करूँए। लोक बुरा बोलोए और आसे तिना खे आशीष देऊँए। सेयो सताओए, आसे सर्झिन करूँए। 13 सेयो लोक आसा खे बदनाम करोए और आसे तिना ते नरमाईया साथे गल्ल करूँए। एथो तक ऐबे बी लोक आसा रा आदर नि करदे सेयो बोलोए कि आसा री कोई बी कीमत निए। 14 आँऊ तुसा खे शर्मिंदा करने खे इना गल्ला खे नि लिखदा, पर आपणे प्यारे बालक जाणी की तुसा खे चिताऊँआ। 15 कऊंकि मसीह रे तुसा खे सख्याणे वाले दस ह्यार बी ऊंदे, तेबे बी तुसा रे पिते बऊत निए, इजी री खातर कि यीशु मसीह रे सुसमाचारो रे जरिए आँऊ तुसा रा पिता ऊआ। 16 तो आँऊ तुसा ते बिनती करूँआ कि मेरी जी चाल चलो। 17 इजी री खातर मैं तीमुथियुसो खे, जो प्रभुए रे मेरा प्यारा और विश्वासो जोगा पाऊ ए, तुसा गे पेजी राखेया और से तुसा खे मसीह रे मेरा चाल-चलण याद कराओगा, जेडा कि आँऊ हर जगा, हर एकी मण्डलिया रे इजी रे बारे रे उपदेश करूँआ। 18 कुछ लोक ये समजी की कमण्ड करी की ईयां फूली

गे रे कि मानो आँऊ तुसा गे फेर आऊणा ई नि। 19 पर प्रभु चाओ तो आँऊ तुसा गे चट ई आयी जाणा और तिना कमण्ड कित्ते रिया गल्ला खे नि, पर तिना रे परमेश्वरो री सामर्था खे बी जाणी लऊँगा कि तिना रे पिते ये सामर्थ आये की नई। 20 कऊंकि परमेश्वरो रा राज्य गल्ला रे निए, पर सामर्थ रे ए। 21 तुसे क्या चाओए? क्या आँऊ डण्डा लयी की तुसा गे आँऊ या प्यारो रे और नरमाईया री आत्मा साथे?

5 कुछ लोके माखे बताया कि तुसा रे व्याभिचार ओआ, बल्कि एडा

व्याभिचार जो अविश्वासिया बीचे पनि ऊंदा कि एक मांगू आपणे पिते री लाडिया साथे व्याभिचार करोआ। 2 इजी ते अलावा इना गल्ला री बजअ ते तुसा खे शर्मिंदा ऊई की शोग करना चाईयो था पर तुसे कमण्ड करोए। एडा काम करने वाले मांगूए खे तो तुसा बीचे निकाली देणा चाईयो था। 3 शारीरिक तौरो पाँदे तुसा बीचे मौजूद ना ऊणे पाँदे बी आँऊ तुसा बीचे आत्मा रे मौजूद ए। आँऊ तेस बुरा काम करने वाले मांगूए रे खलाफ आपणा फैसला यीशु मसीह रे नाओं ते देई चुके रा मानो आँऊ तेती आपू मौजूद ए। 4 जेबे तुसे मण्डलिया रे कट्टे औए तेस बखते आँऊ तुसा साथे आत्मा रे मौजूद रणा और ईयां ई आसा रे प्रभु यीशुए री सामर्थ बी तुसा बीचे मौजूद रणी। 5 तेबे तुसे तेस मांगूए खे बारे निकाली देओ और शैतानो रे हवाले करी देओ ताकि तेसरा पापी सबाओ शरीरो रा नाश ओ पर तेसरी आत्मा प्रभु यीशुए रे दिनो रे उद्धार पाओ। 6 तुसा रा कमण्ड करना ठीक निए, क्या तुसे नि जाणदे कि थोड़ा जा सजेडा पूरे गूँदे रे आटे खे सजेडा करी देओआ। 7 पुराणा सजेडा निकायाली की आपणे आपू खे शुद्ध करो कि नया गूँदे रा आटा बणी जाओ, ताकि तुसे बिना सजेडे वाली फसह रे त्योआरो री रोटिया जेडे ओ, कऊंकि आसा रा बी फसह जो मसीह ए, बलिदान ऊई रा। 8 तो आओ आसे त्योआरो रे खुशी मनडिये, ना तो पुराणे सजेडे की और ना बुराई और दुष्टारे सजेडे की, पर सीदी और सच्ची बिना सजेडे री रोटिया तो। 9 मैं आपणी पिछली चिट्ठिया रे तुसा खे लिखी राखेया कि व्याभिचारिया री संगति नि करना। 10 ये नि कि तुसे बिल्कुल ई एसा दुनिया रे व्याभिचारी या लोबी या अन्दर करने वाले या मूर्तिपूजकारी संगति नि करो। कऊंकि एते दशा रे तो तुसा खे दुनिया ते निकली ई जाणा पढ़दा। 11 मेरे बोलणे रा मतलब ये कि जे कोई मसीह रा विश्वासी बोली की व्याभिचारी, लोबी, मूर्तिपूजक, गाली देणे वाला, पियककड़ या अन्दर करने वाला ओ, तो तेसरी संगति नि करो, बल्कि एडे मांगूआ साथे रोटी पनि खाओ। 12 माखे मण्डलिया रे बारलेया अविश्वास लोका रा न्याय करने ते क्या काम? पर पक्के तौरो पाँदे मण्डलिया रे पितरे पाप करने वाले लोका रा न्याय करने री जिम्मेवारी तुसा री ए। 13 पर मण्डलिया रे बारलेया अविश्वासिया रा न्याय परमेश्वर करोआ। इजी री खातर तेस कुकर्मियों खे आपू बीचा ते बारे निकयाली देओ।

6 क्या तुसा बीचा ते केसी खे बी इतणी इम्मत ए कि जेबे दूजे साथे

चगड़ा ओ, तो तेबे न्याय करने खे पापिया गे जाओ और परमेश्वरो

रे लोका गे नि जाओ? 2 क्या तुसे नि जाणदे कि परमेशरो रे लोका दुनिया रा न्याय करना? तो जेबे तुसा दुनिया रा न्याय करना ए, तो क्या तुसे छोटे ते छोटे चागड़े रा न्याय करने जोगे पनिए? 3 क्या तुसे नि जाणदे कि आसा स्वर्गदूता रा न्याय करना? तो क्या दुनिया री गल्ला रा न्याय नि करिए? 4 जे तुसा बीचे कुछ दुनिया री गल्ला रा कुछ चागड़ा ए तो फैंसला करवाए खे बारलेया लोका गे कऊँ जाओए जो मण्डलिया री नजरा रे कुछ नि समजे जांदे? 5 आऊँ तुसा खे शर्मिंदा करने खे ये बोलूँआ। क्या तुसा बीचे सच्ची कोई बी अक्लमंद नि मिलदा, जो आपणे साथी विश्वासिया रा न्याय करी सको? 6 बल्कि एक विश्वासी दूजे विश्वासिये रे खलाफ मुकहमा करोआ और से बी अविश्वासिया सामणे। 7 जे तुसा बीचे एकी दूजे रे खलाफ चागड़े रा मुकहमा चली रा ओ तो तुसे पईले ई आरी चुके रे। इजी रे बजाए तुसे ये अन्याय कऊँ नि सईन करदे? आपणा नुकशाण कऊँ नि सईन करदे? 8 इजी रे बदले तुसे आपू ई अन्याय करोए और तोखा देओए और से बी साथी विश्वासिया खे। 9 क्या तुसे नि जाणदे कि अन्यायी लोक परमेशरो रे राज्य रे बारस नि ऊणे? तोखा नि खाओ; ना वेश्यागमी, ना मूर्तिपूजा, ना परस्त्रीगमन, ना लुच्ये, ना पुरुषगमी, 10 ना चोर, ना लोब, ना पियककड़, ना गाली देणे वाला, ना अन्दर करने वाले परमेशरो रे राज्य रे बारस ऊणे। 11 और तुसा बीचे कितणे तो एडे ई थे, पर तुसे प्रभु वीशु मसीहे रे नाऊंते और म्हारे परमेशरो री आत्मा ते तोए राखे और पवित्र ऊए और तर्मी ठिईर। 12 जे तुसा बीचा ते कोई ये बोलो, “माखे सब कुछ करने री जाजत ए” पर सब कुछ मेरे फाइदे री निया। आऊँ बी बोली सकूँआ, “माखे सब कुछ करने री जाजत ए,” पर मां केसी बी चीजा रा गुलाम नि बणान। 13 कोई ये बी बोलोगा, “रोटी पेटो खे ए और पेट रोटिया खे ए” ये गल्ल सच ए पर परमेशरो पेट और रोटी दोनो नाश करी देणे। शरीर व्याभिचारो खे निए, बल्कि प्रभुए खे ए और प्रभु शरीरो री देख-रेख करने वाला ए। 14 परमेशरे जिंयाँ आपणी सामर्थ्य साथे प्रभु जिंकूँदा कितेया तिंयाँ ई आसे बी तेस आपणी सामर्थ्य ते जिंकूँदे करने। 15 क्या तुसे नि जाणदे कि तुसा रा शरीर मसीहे रे शरीरो रा अंग ए? तो क्या आऊँ मसीहे रे अंग लयी की तिना खे वेश्या रे अंग बणाऊँ? कदी पनि। 16 क्या तुसे नि जाणदे कि जो कोई वेश्या साथे व्याभिचार करोआ, से तेसा साथे एक तन ऊई जाओआ? कऊँकि से पवित्र शास्त्रो रे लिखी राखेया, “सेयो दोनो एक तन ऊणे!” 17 और जो प्रभुए री संगतिया रे रओआ, से तेस साथे एक आत्मा ऊई जाओआ। 18 व्याभिचारो ते बचे रे रओ। मांणू जितणे पाप करोआ, सेयो शरीरो ते बारे ए, पर व्याभिचार करने वाला आपणे ई शरीरो रे खलाफ पाप करोआ। 19 क्या तुसे नि जाणदे कि तुसा रा शरीर पवित्र आत्मा रा मन्दर ए? से तुसा खे परमेशरो री तरफा ते मिली रा और से तुसा रे बसे राए। तुसा पांदे तुसा रा आपणा अक्क निए। 20 कऊँकि प्रभुए तुसे आपणी जिन्दगिया रा दाम दई की मोले लयी राखे। इजी री खातर आपणे शरीरो रे जरिए परमेशरो री महिमा करो।

7 एबे मां तिना सवालो रा जवाब देणा जो तुसे चिट्ठी लिखी की मांते पूछेया, “क्या लोका खे ब्या करना ठीक ए?” 2 इजी रे बारे रे मेरा बिचार ये ए कि व्याभिचारो रे डरो ते हर एक मर्दों री लाडी और लाडिया रा लाडा ओ। 3 लाडा आपणी लाडिया रा अक्क पूरा करो। 4 लाडिया खे आपणे शरीरो पांदे अक्क निए, बल्कि तेसा रे लाडे रा अक्क ए, तिंयाँ ई लाडे खे बी आपणे शरीरो पांदे अक्क निए, पर लाडिया राए। 5 तुसे एकी दूजे ते लग नि रहो, पर कुछ बखतो तक आपू बीचली रजाबंदिया ते कि प्रार्थना खे बखत मिलो। फेर साथे रओ, एडा नि ओ कि तुसा रे असंयमे की शैतान तुसा खे परखो। 6 आऊँ यो ये बोलूँआ से सिर्फ सलाह ए पर आज्ञा रे तौरो पांदे निए। 7 आऊँ ये चाँकूआ कि जेडा आऊँ अया, तेडे ई सब मांगू ओ, पर हर एकी खे परमेशरो री तरफा ते खास-खास बरदान मिली रे, केसी खे केडा और केसी खे ओरी तरअ रा। 8 पर आऊँ कुआरै और बिदुआ रे बारे रे बोलूँआ कि तिना खे एडे ई रणा ठीक ए, जेडा आऊँ ए। 9 पर जे सेयो संयम नि करी सको, तो ब्या करी लो, कऊँकि ब्या करना कामातुर रणे ते ठीक पला ए। 10 जिना रा ब्या ऊई चुके रा, तिना खे आऊँ नि, पर प्रभु आज्ञा देओआ कि लाडी आपणे लाडे ते लग नि रओ। 11 और जे लग बी ऊई जाओ तो बिना दूजे ब्याओ ते रओ या आपणे लाडे साथे फेर मेल-जोल करी लो और ना ई लाडा आपणी लाडिया खे छाडो। 12 दूजे खे प्रभु नि पर आऊँ ई बोलूँआ, जे केसी विश्वासी पाईर री लाडी आसा रे प्रभुए रे विश्वास नि राखदी ओ और तेस साथे रणे ते खुश ओ, तो से तेसा खे नि छाडो। 13 और जेसा विश्वासी जवाणसा रा लाडा आसा रे प्रभुए रे विश्वास नि राखदा ओ और तेसा साथे रणे ते खुश ए, से लाडे खे नि छाडो। 14 कऊँकि एडा लाडा जो विश्वास नि राखदा ओ, से लाडिया री बजअ ते पवित्र ठिईरोआ और एडी लाडी जो विश्वास नि राखदी, लाडे री बजअ ते पवित्र ठिईरोइन, नई तो तुसा रे बाल-बच्चे अशुद्ध ठिईरदे, पर एबे पवित्र ए। 15 पर जो मर्द विश्वास नि राखदा, जे से लग ऊणा चाओआ, तो लग ऊणे देओ, एडी दशा रे कोई बी विश्वासी पाई या बईण बंदोरे निए, पर जे ऊई सको तो आपणे अविश्वासी लाडे या लाडिया साथे ब्याओ रे बंदोरे रे बणे रे रओ कऊँकि परमेशरे आसे मेल-जोलो खे बुलाई राख्ये। 16 ओ लाडियो! तुसे याद राखो कि तुसा री बजअ ते तुसा रे लाडे उद्धार पाई सकोए और ओ लाडेयो! तुसे बी याद राखो कि तुसा री लाडिया उद्धार पाई सकोईया। 17 जो आऊँ बोलणे लगी रा तिजी रा निचोड ये ए कि हर एक मांणू जेसा बी दशा रे परमेशरे बुलाई राख्येया तिजी रेई बणेया रा रओ और तिजी रे मुताबिक ई आपणी जिन्दगी जिओ। आऊँ सबी मण्डलिया खे येई नियम ठराऊँआ 18 जे प्रभुए रे विश्वास करने ते पईले केसी रा खतना ऊई चुकी रा तो से बिना खतने रा नि बणो। जे प्रभुए रे विश्वास करने ते पईले केसी रा खतना नि ऊई रा ओ तो से खतना नि कराओ। 19 ना खतना कुछ अया और ना बिना खतने ते, पर परमेशरो री आज्ञा खे मानणा ई सब कुछ ए। 20 हर एक मांणू जेसा बी दशा रे

ਪਰਮੇਸ਼ਰੇ ਬੁਲਾਈ ਰਾਖੇਗਾ ਤਿਜੀ ਰੋਈ ਬਣੇਗਾ ਰਾ ਰਾਓ। 21 ਜੇ ਤੂੰ ਦਾਸੀ ਰੀ ਦਸ਼ਾ ਰੇ ਬੁਲਾਈ ਰਾਖੇਗਾ, ਤੋ ਚਿੰਨਤਾ ਨਿ ਕਰ। ਪਰ ਜੇ ਦਾਸਤਵ ਤੇ ਆਜਾਦ ਊਹੇ ਰਾ ਮੌਕਾ ਮਿਲੀ ਤੋ ਏਤੇ ਮੈਕੇ ਰਾ ਫਾਈਦਾ ਜ਼ਰੂਰ ਉਠਾ। 22 ਕੱਕਿ ਜੋ ਦਾਸੀ ਰੀ ਦਸ਼ਾ ਰੇ ਪ੍ਰਭੁ ਰੇ ਬੁਲਾਈ ਰਾਖੇਗਾ, ਸੇ ਪ੍ਰਭੁ ਰਾ ਆਜਾਦ ਕਿਤੇ ਰਾਏ ਔਰ ਤੰਤ੍ਯੋਂ ਈ ਜੋ ਆਜਾਦਿਆ ਰੀ ਦਸ਼ਾ ਰੇ ਬੁਲਾਈ ਰਾਖੇਗਾ, ਸੇ ਮਸੀਹ ਰਾ ਦਾਸ ਏ। 23 ਪਰਮੇਸ਼ਰੇ ਬਕਤ ਬਡੀ ਕੀਮਤ ਚੁਕਾਈ ਕੀ ਤੁਸੇ ਮੋਲੇ ਲਈ ਰਾਖੇ, ਮਾਂਣੂਆ ਰੇ ਦਾਸ ਨਿ ਬਣੋ ਪਰ ਪਰਮੇਸ਼ਰੇ ਰੇ ਦਾਸ ਬਣੋ। 24 ਆਂ ਸਾਥੀ ਵਿਖਾਸਿਧੀ, ਜੋ ਜੇਡੀ ਦਸ਼ਾ ਰੇ ਬੁਲਾਈ ਰਾਖੇਗਾ, ਸੇ ਤਿਦੇ ਈ ਪਰਮੇਸ਼ਰੇ ਸਾਥੇ ਰਾਓ। 25 ਕੁਆਂਹਿਆ ਰੇ ਬਾਰੇ ਰੇ ਪ੍ਰਭੁ ਰੀ ਕੋਈ ਆਜਾਨ ਮਾਖੇ ਨਿ ਮਿਲੀ, ਪਰ ਪ੍ਰਭੁ ਆਪਣੀ ਦਿਧ ਤੇ ਮਾਖੇ ਜ਼ਾਨ ਦੇਈ ਰਾਖੇਗਾ ਜੇਤੇ ਪਾਂਦੇ ਪਰੋਸਾ ਕਰੇਗਾ ਜਾਈ ਸਕੋਆ ਔਰ ਤਿਜੀ ਰੇ ਮੁਤਾਬਿਕ ਆੱਕ ਰਾਧ ਦੇਂਕੇਗਾ। 26 ਆੱਕ ਸਮਜ੍ਹੂਆ ਕਿ ਆਜ-ਕਾਲ ਕੇ ਕਲੋਸੋ ਰੇ ਯੇਈ ਅਛਾ ਏ ਕਿ ਮਾਂਣੂ ਜੇਡੀ ਦਸ਼ਾ ਰੇ ਆਏ, ਤੇਡੀ ਈ ਦਸ਼ਾ ਰੈ ਰਾਓ। 27 ਜੇ ਤੇਰੀ ਲਾਡੀ ਆਏ, ਤੋ ਤੇਸਾ ਤੇ ਲਗ ਊਹੇ ਰੀ ਕੋਥਿਸ਼ ਨਿ ਕਰ। ਜੇ ਤੇਰੇ ਲਾਡੀ ਨਿਏ, ਤੋ ਲਾਡਿਆ ਰੀ ਟੋਲ ਨਿ ਕਰ 28 ਫੇਰ ਬੀ ਜੇ ਤੂੰ ਬਾਂ ਬੀ ਕਰੇ, ਤੋ ਇਦੇ ਕੋਈ ਪਾਪ ਨਿਏ। ਜੇ ਕੋਈ ਕੁਆਂਹਿ ਬੇਟਿਆ ਬਾਂ ਕਰੋਈ ਤੋ ਸੇ ਪਾਪ ਨਿ ਕਰਦੀ। ਪਰ ਏਡੇ ਲੋਕਾ ਖੇ ਏਸ ਜਿਨ੍ਦਗਿਆ ਰੇ ਸ਼ਾਰੀਰਿਕ ਦੁ: ਖ ਸੱਝੇ ਪਢਨੇ। ਆੱਕ ਤੁਸਾ ਲੋਕਾ ਖੇ ਇਨ੍ਹਾਂ ਤੋਈ ਬਚਾਣਾ ਚਾੱਕੇਗਾ। 29 ਆਂ ਸਾਥੀ ਵਿਖਾਸਿਧੀ, ਆੱਕ ਯੇ ਬੋਲ੍ਹਾਂਕਾ ਕਿ ਬਖਤ ਕਮ ਕਰੀ ਤਾ ਰਾ, ਇੱਕੀ ਰੀ ਖਾਤਰ ਚਾਈਧੇ ਕਿ ਜਿਨਾ ਰੇ ਲਾਡੀ ਆਏ, ਸੇਧੇ ਤੇਂਡੇ ਓਂ, ਮਾਨੋ ਤਿਨਾ ਰੇ ਲਾਡੀ ਨਿਏ। 30 ਔਰ ਰੋਣੇ ਵਾਲੇ ਏਡੇ ਓਂ, ਮਾਨੋ ਰੋਂਦੇ ਨਿ ਔਰ ਖੁਸ਼ੀ ਕਰਨੇ ਵਾਲੇ ਏਡੇ ਓਂ, ਮਾਨੋ ਖੁਸ਼ੀ ਨਿ ਕਰਦੇ ਔਰ ਮੋਲ ਲਾਣੇ ਵਾਲੇ ਏਡੇ ਓਂ ਕਿ ਮਾਨੋ ਤਿਨਾ ਗੇ ਕੁਛ ਅਧ ਈ ਨਿ। 31 ਏਸਾ ਦੁਨਿਆ ਸਾਥੇ ਬਤਾਵ ਕਰਨੇ ਵਾਲੇ ਏਡੇ ਓਂ ਕਿ ਦੁਨਿਆ ਰੋਈ ਨਿ ਊਈ ਜਾਓ, ਕੱਕਿ ਏਸਾ ਦੁਨਿਆ ਰੇ ਰੀਤਿ ਔਰ ਸ਼ਬਾਓ ਬਦਲਦਾ ਜਾਓਆ। 32 ਮੇਰੀ ਇਛਾ ਧੇ ਏ ਕਿ ਤੁਸੇ ਦੁਨਿਆ ਰੀ ਲਾਲਸਾ ਤੇ ਦੂਰ ਰਾਓ। ਕੁਆਂਹਾ ਮਦ ਪ੍ਰਭੁ ਰੀ ਸੇਵਾ ਚਿੰਨਤਾ ਰੇ ਰਾਓਆ ਕਿ ਪ੍ਰਭੁ ਖੇ ਕਿੱਧੋਂ ਖੁਸ਼ ਰਾਖਿ। 33 ਪਰ ਬਾਏ ਰਾ ਮਾਂਣੂ ਦੁਨਿਆ ਰੀ ਚਿੰਨਤਾ ਰੇ ਰਾਓਆ ਕਿ ਆਪਣੀ ਲਾਡਿਆ ਖੇ ਕਿੱਧੋਂ ਖੁਸ਼ ਰਾਖ੍ਯੁ। 34 ਬਾਈਧਾ ਰੀ ਔਰ ਕੁਆਂਹਿਆ ਰੀ ਪਂਚਦਾ ਰੇ ਬੀ ਫਕ ਏ। ਕੁਆਂਹਿ ਏਸਾ ਚਿੰਨਤਾ ਰੇ ਰਾਓਈ ਕਿ ਸੇ ਪ੍ਰਭੁ ਰੀ ਕਿੱਧੋਂ ਸੇਵਾ ਕਰੋ। ਸੇ ਸ਼ਰੀਰ ਔਰ ਆਤਮਾ ਟੌੜੀ ਰੇ ਪਵਿਤਰ ਊਹੇ ਰੀ ਕੋਥਿਸ਼ ਕਰਦੀ ਰਾਓਈ। ਪਰ ਬਾਈ ਰੀ ਦੁਨਿਆ ਰੀ ਚਿੰਨਤਾ ਰੇ ਰਾਓਈ ਕਿ ਆਪਣੇ ਲਾਡੇ ਖੇ ਖੁਸ਼ ਰਾਖ੍ਯੁ। 35 ਧੇ ਗਲਲਾ ਤੁਸਾ ਰੋਈ ਫਾਈਦੇ ਖੇ ਬੋਲ੍ਹਾਂਕਾ, ਨਾ ਕਿ ਤੁਸਾ ਖੇ ਫਸਾਣੇ ਖੇ, ਬਲਿਕ ਇੱਕੀ ਰੀ ਖਾਤਰ ਕਿ ਜੇਡਾ ਸ਼ੋਭਾ ਦੇਓਆ, ਤੇਡਾ ਈ ਕਰੇਗਾ ਜਾਓ ਕਿ ਤੁਸੇ ਏਕ ਚਿੱਤ ਊਈ ਕਿ ਪ੍ਰਭੁ ਰੀ ਸੇਵਾ ਰੇ ਲਾਗੇ ਰੇ ਰਾਓ। 36 ਜੇ ਕੋਈ ਧੇ ਸਮਜ੍ਹੀ ਕਿ ਆੱਕ ਆਪਣੀ ਤੇਸਾ ਕੁਆਂਹਿਆ ਰਾ ਅਕਕ ਮਾਰਨੇ ਲਗੀ ਰਾ, ਜੇਸਾਰੀ ਜਵਾਨੀ ਟਲੀ ਜਾਓਈ ਔਰ ਜ਼ਰੂਰ ਬੀ ਓਂ, ਤੋ ਜੇਡਾ ਚਾਓ, ਤੇਡਾ ਕਰੋ, ਇਦੇ ਪਾਪ ਨਿਏ, ਸੇ ਤੇਸਾ ਰਾ ਬਾਂ ਊਹੇ ਦੇਓ। 37 ਪਰ ਜੋ ਮਨੀ ਰੇ ਪਕਕਾ ਰਾਓਆ ਔਰ ਤੇਸਖੇ ਜ਼ਰੂਰ ਨਿ ਓਂ, ਬਲਿਕ ਆਪਣੀ ਇਛਾ ਖੇ ਪੂਰੀ ਕਰਨੇ ਰਾ ਅਕਕ ਰਾਖੇਗਾ ਔਰ ਆਪਣੇ ਮਨੀ ਰੇ ਧੇ ਗਲਲ ਠਾਣੀ ਲੀ ਰੀ ਓਂ ਕਿ ਮਾਂ ਆਪਣੀ ਬੇਟੀ ਕੁਆਂਹਿ ਰਾਖਣੀ, ਸੇ ਪਲਾ ਕਰੋਆ। 38 ਆਪਣੀ ਕੁਆਂਹਿਆ ਰਾ ਬਾਂ ਕਰੀ ਦੇਓਆ, ਸੇ ਖਾਰ ਕਰੋਆ ਔਰ ਜੋ ਬਾਂ ਨਿ ਕਰਦਾ, ਸੇ ਔਰ ਬੀ ਖਾਰ ਕਰੋਆ। 39 ਜਦੁਆਂ ਤੇ ਕੇਸੀ ਜਵਾਣਸਾ ਰਾ ਲਾਡਾ ਜਿੱਤੁੰਦਾ ਰਾਓਆ,

ਤਦੁਆਂ ਤੇ ਕੇਸੇ ਬੰਦੀ ਰੀ ਏ, ਪਰ ਜੇਬੇ ਤੇਸਾ ਰਾ ਲਾਡਾ ਮਰੀ ਜਾਓਆ, ਤੋ ਜੇਸ ਸਾਥੇ ਚਾਓ, ਬਾਂ ਕਰੀ ਸਕੋਈ, ਪਰ ਬਸ ਪ੍ਰਭੁ ਰੇ। 40 ਪਰ ਜੇਡੀ ਆਏ ਜੇ ਤੇਡੀ ਈ ਰਾਓ, ਤੋ ਮੇਰੇ ਖਾਲੇ ਤੇ ਓਰ ਬੀ ਥਨ੍ਯ ਏ ਔਰ ਆੱਕ ਸਮਜ੍ਹੂਆ ਕਿ ਪਰਮੇਸ਼ਰੇ ਰੀ ਆਤਮਾ ਮਾਂਦੇ ਬੀਏ।

8 ਤੁਸਾ ਰੀ ਚਿਟਿਆ ਰੇ ਤੁਸੇ ਲੋਕੇ ਸੂਰਿਧਾ ਰੇ ਸਾਮਣੇ ਬਲਿ ਕਿੱਤੀ ਰਿਧਾ

ਚੀਜਾ ਰੇ ਬਾਰੇ ਰੇ ਪੂਛੋਧਾ ਥਾ। ਇੱਜੀ ਰੇ ਬਾਰੇ ਰੇ ਆਸਾ ਸਬੀ ਖੇ ਜਾਨ ਏ; ਪਰ ਜਾਨ ਆਸਾ ਰੇ ਕਮਣਡ ਪੈਦਾ ਕਰੋਆ, ਪਰ ਪਾਧਾ ਤੇ ਤਰਕੀ ਓਈ। 2 ਜੇ ਕੋਈ ਸਮਜ੍ਹੀ ਕਿ ਆੱਕ ਕੁਛ ਜਾਣੂਆ, ਤੋ ਜੇਸਰੇ ਬਾਰੇ ਰੇ ਜਾਣਨਾ ਚਾਈਧੋ, ਤੇਸਰੇ ਬਾਰੇ ਰੇ ਤੋ ਏਬੁ ਰੇ ਤਕ ਕੁਛ ਜਾਣੇਗਾ ਨਿ। 3 ਪਰ ਜੇ ਕੋਈ ਪਰਮੇਸ਼ਰੇ ਤੇ ਧਾਰ ਰਾਖੋਆ, ਤੋ ਤੇਸਖੇ ਪਰਮੇਸ਼ਰ ਪਛਾਣਾਂਆ। 4 ਤੋ ਫੇਰ ਆੱਕ ਸੂਰਿਧਾ ਰੇ ਸਾਮਣੇ ਬਲਿ ਕਿੱਤੀ ਰਿਧਾ ਚੀਜਾ ਖੇ ਖਾਣੇ ਰੇ ਬਾਰੇ ਰੇ ਤਤ ਦੇਣਾ ਚਾੱਕੇਗਾ। ਆਸੇ ਜਾਣੂ ਕਿ ਸੂਰਿ ਦੁਨਿਆ ਰੇ ਕੋਈ ਚੀਜ਼ ਨਿਏ ਔਰ ਏਕੀ ਖੇ ਛਾਡੀ ਕੀ ਔਰ ਕੋਈ ਪਰਮੇਸ਼ਰ ਨਿਏ। 5 ਹਾਲਾਂਕਿ ਸੰਗ੍ਰੰਥ ਰੇ ਔਰ ਤਰਤਿਆ ਰੇ ਬਕਤ ਸਾਰੀ ਚੀਜਾ ਖੇ ਈਂਖਰ ਔਰ ਪ੍ਰਭੁ ਬੋਲੋਏ। ਪਰ ਤਿਨਾ ਬੀਚਾ ਤੇ ਕੋਈ ਬੀ ਈਂਖਰ ਔਰ ਪ੍ਰਭੁ ਨਿਏ 6 ਤੇਬੇ ਬੀ ਆਸਾ ਰੇ ਨੇਡੇ ਤੋ ਏਕ ਈ ਪਰਮੇਸ਼ਰ ਏ, ਮਤਲਬ-ਪਿਤਾ, ਜੇਸਰੀ ਤਰਫ ਤੇ ਸਬ ਚੀਜਾ ਏ ਔਰ ਆਸੇ ਤੇਸਖੇ ਈ ਆਏ ਔਰ ਏਕ ਈ ਪ੍ਰਭੁ ਏ, ਮਤਲਬ-ਧੀਸ਼ੁ ਮਸੀਹ, ਜੇਸਰੇ ਜ਼ਰਿਏ ਸਾਬ ਕੁਛ ਊਈਆ ਔਰ ਆਸੇ ਬੀ ਤੇਸਰੇ ਈ ਜ਼ਰਿਏ। 7 ਪਰ ਸਬੀ ਖੇ ਯੇ ਜਾਨ ਨਿਏ, ਪਰ ਕਿਤਾਣੇ ਤੋ ਏਬੁ ਰੇ ਤਕ ਸੂਰਿਧਾ ਖੇ ਕੁਛ ਸਮਝੇਗੇ ਰੀ ਬਜਾਅ ਤੇ, ਸੂਰਿਧਾ ਰੇ ਸਾਮਣੇ ਬਲਿ ਕਿੱਤੀ ਰਿਧਾ ਚੀਜਾ ਖੇ ਸੂਰਿਧਾ ਰਾ ਪ੍ਰਸਾਦ ਸਮਜੀ ਕੀ ਖਾਈ ਲਾਏ ਔਰ ਤਿਨਾ ਰੇ ਏਸ ਕਾਮੀ ਤੇ ਤਿਨਾ ਰਾ ਵਿਵੇਕ ਕਮਜੌਰ ਊਹੇ ਰੀ ਬਜਾਅ ਤੇ ਅਥੁਦੁ ਊਈਆ ਜਾਓਆ। 8 ਰੋਟੀ ਆਸਾ ਖੇ ਪਰਮੇਸ਼ਰੇ ਰੇ ਨੇਡੇ ਨਿ ਪਤੱਛਾਂਦੀ, ਜੇ ਆਸੇ ਨਿ ਖਾਡੀ, ਤੋ ਆਸਾ ਰਾ ਕੁਛ ਕਾਅਟਾ ਨਿਏ ਔਰ ਜੇ ਖਾਈਧੇ, ਤੋ ਕੁਛ ਫਾਈਦਾ ਨਿਏ। 9 ਪਰ ਚੌਕਸ ਰਾਂਗੇ, ਏਡਾ ਨਿ ਓਂ ਕਿ ਤੁਸਾ ਰੀ ਧੇ ਆਜਾਦੀ ਕੇਥੀ ਕਮਜੌਰ ਖੇ ਠੋਕਰਾ ਰੀ ਬਜਾਅ ਊਈਆ ਜਾਓ। 10 ਕੱਕਿ ਜੇ ਕੋਈ ਤਾਖੇ ਜ਼ਾਨਿਧੀ ਖੇ ਸੂਰਿਧਾ ਰੇ ਮਨਦ੍ਰਾ ਰੇ ਰੋਟੀ ਖਾਂਦਾ ਊਆ ਦੇਖੋ ਔਰ ਸੇ ਜੋ ਮਨੀ ਤੇ ਕਮਜੌਰ ਓਂ, ਤੋ ਕਿਆ ਤੇਸਰਾ ਕਮਜੌਰ ਮਨ ਤੇਤੇ ਹਦਾ ਤਕ ਨਿ ਪਟਕੀ ਜਾਣਾ ਕਿ ਤੇਸਰੀ ਸੂਰਿਧਾ ਰੇ ਸਾਮਣੇ ਬਲਿ ਕਿੱਤੀ ਰੀ ਚੀਜਾ ਖੇ ਖਾਣੇ ਰੀ ਇੰਮਤ ਨਿ ਊਈਆ ਜਾਣੀ? 11 ਏਸਾ ਰੀਤਿਆ ਰੇ ਤੇਰੇ ਜਾਨੀ ਰੀ ਬਜਾਅ ਤੇ ਸੇ ਪਾਈ ਜੇਸਰਾ ਵਿਖਾਸ ਕਮਜੌਰ ਏ, ਜੇਸਖੇ ਮਸੀਹ ਮਰੇਗਾ, ਨਾਥ ਊਈਆ ਜਾਣਾ। 12 ਈਂਧਾਂ ਵਿਖਾਸੀ ਪਾਈਧਾ ਰੇ ਖਲਾਫ ਪਾਪ ਕਰਨੇ ਔਰ ਤਿਨਾ ਰੇ ਵਿਵੇਕੀ ਖੇ ਜੋ ਕਮਜੌਰ ਏ ਚੌਟ ਪਤੱਛਾਣੇ ਰੇ ਜ਼ਰਿਏ ਤੁਸੇ ਧੀਸ਼ੁ ਮਸੀਹ ਰੇ ਖਲਾਫ ਪਾਪ ਕਰੋਏ। 13 ਇੱਜੀ ਬਜਾਅ ਤੇ ਜੇ ਰੋਟੀ ਮੇਰੇ ਕੇਸੀ ਵਿਖਾਸੀ ਪਾਈਧ ਖੇ ਠੋਕਰ ਖੁਲਾਓ, ਤੋ ਮਾਂ ਕਦੀ ਬੀ ਕੇਸੀ ਰੀਤਿਆ ਤੇ ਮਾਂਸ ਨਿ ਖਾਣਾ, ਏਡਾ ਨਿ ਓਂ ਕਿ ਆੱਕ ਆਪਣੇ ਵਿਖਾਸੀ ਪਾਈਧ ਖੇ ਠੋਕਰਾ ਰੀ ਬਜਾਅ ਬਣ੍ਹੁ। (aiōn g165)

9 ਆੱਕ ਸੇ ਸਬ ਕੁਛ ਕਰਨੇ ਖੇ ਆਜਾਦ ਏ ਜੋ ਆੱਕ ਚਾੱਕੇਗਾ। ਆੱਕ ਏਕ

ਪ੍ਰੇਰਿਤ ਏ। ਮੈਂ ਧੀਸ਼ੁ ਖੇ ਜੋ ਸ਼ਹਾਰ ਪ੍ਰਭੁ ਏ ਦੇਖੀ ਰਾਖੇਗਾ। ਮੇਰੇ ਈ ਜ਼ਰਿਏ ਤੁਸੇ ਮਸੀਹ ਪਾਂਦੇ ਵਿਖਾਸ ਕਿਤੇਧਾ। 2 ਆੱਕ ਓਰੀ ਰੀ ਨਜ਼ਰ ਰੇ ਚਾਏ ਪ੍ਰੇਰਿਤ ਨਿ ਬੀ ਏ ਤੇਬੇ ਬੀ ਤੁਸਾ ਰੀ ਰੱਈ ਤੋ ਪ੍ਰੇਰਿਤ ਏ। ਆੱਕ ਸੇਈਂਗ ਜੋ ਤੁਸਾ ਬੀਚੇ ਸੁਸਮਾਚਾਰ ਲਈ ਕੀ ਆਯਾ। ਪ੍ਰਭੁ ਧੀਸ਼ੁ ਰੇ ਤੁਸਾ ਰਾ ਵਿਖਾਸ ਸਾਫ-ਸਾਫ

बताओआ कि आँऊ मसीह रा प्रेरित ए। 3 जो लोक मेरी प्रेरिताईया रे बारे रे सावल पूछोए तिना खे मेरा येई जवाब ए। 4 बरनबास और माखे पक्के तौरो पाँदे प्रेरिता रे रूपो रे आपणे कामो रे बदले खाणे-पीणे री चीजा लगे रा अक्क ए। 5 ओरी प्रेरिता और प्रभुए रे पाई और पतरसो साई माखे बी मसीह पाँदे विश्वास करने वाली जवानसा साथे ब्या करी कि आपू साथे लयी चलणे रा अक्क ए। 6 माखे और बरनबासो खे बी ओरी प्रेरिता जेडे पैसेया री मताद पापणे रा अक्क ए और आसा खे आपणी जिन्दगी जिऊणे खे काम करने री जरूरत निए। 7 एडा कोई सिपाई निए जो आपणा इ पैसा खर्च करी की सिपाईए रा काम करोआ। एडा कोई जिमीदार निए जो अँगूरा रा बीची लगाई की तिजी रा फल नि खांदा ओ। एडा कोई मांणू निए जो डांगर पाली की तिना रा दूद नि पींदा ओ। 8 आँऊ इना गल्ला खे सिफ मांणूआ रे बिचारे रे आधारो पाँदे नि बोलदा। मूसे रा बिधान बी येई गल्ला बोलोई। 9 कँकिं मूसे रा बिधानो रे लिखी राखेया, “खल्याणो रे जोडे रे बखते चलदे ऊ बलदा रा मूँ नि बानणा।” क्या परमेश्वर बलदा री इ चिन्ता करोआ? 10 या खास करी की आसा खे बोलोआ। आ, आसा खेई लिखी राखेया, कँकिं खरा ए कि डोरु बाणे वाला उम्मीदा साथे बाओ और खलयाणो रे पूए ते अन्न लग करने वाला फसला रा अक्कदार ऊणे री उम्मीद तो राखोआ। 11 जे आसे तुसा दे आत्मिक बीज बाई राखे, तो क्या शारीरिक रोटिया री उम्मीद करनी कोई बड़ी गल्ल ए? 12 जे ओरी रा तुसा पाँदे ये अक्क ए, तो क्या आसा रा इजी ते जादा नि ऊणा? फेर बी आसे ये अक्क कामो रे नि ल्याए। पर सब कुछ सईन करूँए, ताकि आसा री बजअ ते मसीह रे सुसमाचारो रे कोई रुकावट नि ओ। 13 क्या तुसे नि जाणदे कि जो पवित्र चीजा री सेवा करोए, सेयो मन्दरो ते खाओए और जो बेदिया री सेवा करोए, सेयो बेदिया साथे अक्कदार ओए। 14 ईयां इ प्रभुए री ये आज्ञा ए कि जो लोक सुसमाचारो रा प्रचार करोए तिना री आँऊदणी सुसमाचारो ते ओ। 15 पर इना अधिकारा बीचा ते मैं एकी रा बी कदी इस्तेमाल नि कितेया। ये गल्ला मैं इजी खे बी नि लिखिया कि एडा कुछ मेरे बारे रे कितेया जाओ। बजाए इजी रे की कोई मांते तेसा गल्ला खेई छीनी लओ जेतेरा माखे गर्व ए। इजी ते तो आँऊ मरी जाणा इ खरा समजूँआ। 16 जे आँऊ सुसमाचार सुणाऊँ, तो इदे माखे कोई कमण्ड करने री गल्ल निए। कँकिं सुसमाचार सुनाणा माखे दित्ती री जिम्मेवारी ए और जे आँऊ सुसमाचार नि सुणाऊँ, तो माखे हाय! 17 जे आँऊ आपणी इच्छा ते ये काम करूँआ तो माखे तिजी री मजदूरी मिली जाणी। पर जे आँऊ ये काम बिना इच्छा ते करूँआ जेते री जिम्मेवारी परमेश्वरे माखे दई राखी तो आँऊ मजदूरिया री उम्मीद नि करी सकदा। 18 तो फेर मेरी कुण जी मजदूरी ए? से ये कि आँऊ बिना कुछ लये सुसमाचारो रा प्रचार मुफ्तो रे करूँआ। और सुसमाचारो ते जूँडे आपणे अक्को रा पुरा इस्तेमाल नि करदा। 19 हालाँकि आँऊ केसी रे बी अधीन निए फेर बी मैं आपणे आपू खे सबी रा दास बणाईता रा कि आँऊ जादा ते जादा लोका खे मसीह गे खिंजी की ल्याऊँ। 20 आँऊ यहूदिया खे

यहूदी बणेया ताकि, यहूदिया खे मसीह गे खिंजी की ल्याऊँ। जो लोक बिधानो रे अधीन ए, तिना री खातर आँऊ बिधानो रे अधीन ना ऊँदे ऊए बी बिधानो रे अधीन बणेया कि तिना खे जो बिधानो रे अधीन ए, खिंजी की ल्याऊँ। 21 तियाँ इ जो लोक बिधानो रे अधीन निए तिना खे मसीह गे ल्याऊणे खे तिना जेडा इ आँऊ बी बणीगा। हालाँकि मसीह रा बिधानो रे अधीन ऊणे री बजअ ते आँऊ आपू परमेश्वरो रा बिधानो ते आजाद निए। 22 आँऊ कमजोरा खे, कमजोर जा बणेया कि कमजोरा खे मसीह गे खिंजी की ल्याऊँ, आँऊ सबी मांणूआ खे सब कुछ बणेया कि किंयाँ ना किंयाँ कईया जणेया खे बचाऊँ। 23 आँऊ सब कुछ सुसमाचारो खे करूँआ, ताकि ओरी साथे तिजी रा अक्कदार ऊई जाऊँ। 24 क्या तुसे नि जाणदे कि दौड़ा रे तो सब दौड़ोए, पर इनाम एक इ लयी जाओआ? तुसे तेडे इ दौड़ो, ताकि जीती जाओ। 25 हर एक पईलवाण सबी किजी रा संयम करोआ, सेयो तो एक मुरजाणे वाले मुकुटो खे पापणे री खातर इतणा सब करोए, पर आसे तो तेस मुकुटो खे करूँए, जो मुरजाणा नि। 26 इजी री खातर आँऊ तेस मांणूए जेडा दौड़ुआ, जेसरे सामणे एक लक्ष्य ए, आँऊ अवा रे मुक्के नि बाँदा। 27 आँऊ आपणे शरीरो खे बाँड़ा और कुटुँआं और बसो रे ल्याऊँआ, एडा नि ओ कि ओरी खे प्रचार करी की आँऊ आपू इ केसी रीतिया ते नकम्मा ठईँ।

10 ओ साथी विश्वासियो, आँऊ चाऊँआ कि तुसे लोक तिना गल्ला खे याद करो कि आसा रे सब बाप-दादे बादलो ते थाले थे और सब के सब समुद्रो रे बीचा ते पार ऊईगे 2 आसे ये बोली सकूँए कि जियाँ आसे प्रभु यीशुए रे विश्वासी ऊणे खे बपतिस्मा लया तियाँ इ तिने लोके बी बादलो रे और समुद्रो रे मूसे रा बपतिस्मा लया। 3 और सबी एक इ आत्मिक रोटी खाई। 4 और सबी एक इ आत्मिक पाणी पिया, कँकिं सेयो तेसा आत्मिक चट्टानी ते पियो थे, जो तिना साथे-साथे चलो थी और से चट्टान मसीह था। 5 पर परमेश्वर तिना बीचा ते कई जणेया ते खुश नि ऊआ, इजी री बजअ ते सेयो सुनसाण जगा रे मरी गे। 6 यो सब गल्ला आसा खे चेतावणी ए कि जेडा आसा रे बाप-दादेया लालच कितेया, तेडा आसे बुरी चीजा रा लालच नि करूँ 7 और ना तुसे मूर्तिया खे पूजणे वाले बणो, जेडा कि तिना बीचा ते कई जणे बणी गे थे, जेडा पवित्र शास्त्रो लिखी राखेया, “लोक खाणे-पीणे बैठे और खेलणे-कूदणे ऊठे!” 8 ना आसे व्याभिचार करूँ, जेडा तिना बीचा ते कई जणे कितेया, और एकी दिनो रे तेई हजार लोक मरी गे। 9 ना इ आसा खे प्रभु परखणा चाईयो, जेडा तिना बीचा ते कई जणे कितेया और सापो रे जरिए नाश किते। 10 ना इ तुसे कुड़कुड़ाओ, जियाँ तिना बीचा ते कई जणे कुड़कुड़ाए और नाश करने वाले स्वर्गदूतो रे जरिए नाश किते 11 पर तिना पाँदे बीती रिया सेयो सारिया गल्ला चिह्न थिया और सेयो आसा री चेतावणिया खे लिखी राखिया जो दुनिया रे आखरी बखतो रे रओए। (aiōn g165) 12 इजी री खातर जो ये समजोआ कि आँऊ विश्वासो रे मजबूत ए, से चौकस रओए। केथी एडा नि ओ कि रुड़ी

जाओ। 13 तुसे केसी एड़ी परीक्षा रे नि पढ़े, जो मांगूआ रे सईंगे ते बारे ओ। पर परमेशर विश्वासो जोगा ए और तेस तुसे सामर्था ते बारे परीक्षा रे नि पढ़ने देणे, बल्कि परीक्षा साथे-साथे तिजी ते बचणे री बाट बी परमेशरो तुसा खे देणी, ताकि तुसे सईंन करी सको। 14 इजी बजअ ते ओ मेरे साथी विश्वासियो, मूर्तिंपूजा ते बचे रे रओ। 15 आँऊँ अक्लमंद जाणी की तुसा खे बोलूँआ ते तिजी रे बारे रे सोचो कि से ठीक ए कि नि। 16 से धन्यवादो रा कठोर, जेस पांदे आसे धन्यवाद करूँए, क्या आसा खे मसीह रे खुनो दे साजेदार नि बणांदा? से रोटी जो आसे तोड़ुँए, क्या आसा खे मसीह रे शरीरो दे साजेदार नि बणांदा? 17 कँऊँकि एक ई रोटी ए, तो आसे बी जो बजत ए, एक शरीर ए, कँऊँकि आसे सब तेसा एक ई रोटिया रे इस्सेदार ओँऊँए। 18 जो शरीरो ते तो इसाएली ए, तिना री रवाजा खे देखो। जेबे सेयो लोक बेदिया पाँदे चढाई री बलिया खे खाओए तो सेयो परमेशरो री आराधना रे इस्सेदार बणी जाओए। ईयां ई जो लोक मूर्तिया पांदे चढाई राखी रोटी खाओए तो सेयो मूर्तिया री पूजा रे बी इस्सा लओए। 19 फेर मेरे बोलणे रा क्या मतलब ए? क्या ये कि मूर्तिया रे आगे कितेया रा बलिदान कुछ आए, या मूर्ति कुछ आए? ना। 20 बल्कि ये कि दूजी जाति जो मूर्तिया खे बलिदान करोई, से परमेशरो खे निए, पर दुष्टात्मा खे बलिदान करोए और आँऊँ नि चांदा कि तुसे दुष्टात्मा रे सहभागी ओ। 21 तुसे प्रभुए रे कठोर और दुष्टात्मा रे कठोरे, ढूँई ते नि पी सकदे। तुसे प्रभुरी मेज और दुष्टात्मा री मेज, ढूँई रे साजे नि ऊई सकदे। 22 जे तुसे लोक एड़ा करोए तो पक्का ई प्रभुए खे रोष दलाऊँए। याद राखो कि तुसे प्रभुए ते बढ़ी की तागतबर निए? 23 जे तुसा बीचा ते कोई ये बोलो, “माखे सब कुछ करने री जाज़त ए” पर सब कुछ तुसा खे ठीक निया। तुसे बोलोए, “माखे सब कुछ करने री जाज़त ए,” पर सब कुछ तुसा खे ठीक निया। 24 कोई आपणी ई पलाईया खे नि टोलो, बल्कि ओरी री बी। 25 जो कुछ कसाईया रे गे बिकोआ, से खाओ और विवेको री बजअ ते कुछ नि पूछो। 26 पवित्र शास्त्र बोलोआ, “कँऊँकि तरती और तरतिया रे जो कुछ बी ए सब कुछ प्रभुए रा ई!” 27 जे अविश्वासिया बीचा ते कोई तुसा खे निँऊँदा देओ और तुसे जाणा चाओए, तो जो कुछ तुसा सामणे राखेया जाओआ सेई खाओ और विवेको री बजअ ते कुछ नि पूछो। 28 पर जे कोई तुसा खे बोलो कि ये तो मूर्तिया खे बलि किती री चीज ए, तो तेस बताणे वाले री बजअ ते और विवेको री बजअ ते नि खाओ। 29 मेरा मतलब, तुसा रे आपणे विवेको ते निए पर दूजे मांगूए रे विवेको ते ए। मेरी आजादी कँऊँ केसी दूजे मांगूए री बजअ ते परखी जाओ। 30 जे आँऊँ धन्यवादो री प्रार्थना करी की रोटिया रे साजा ओँऊँआ, तो मां पाँदे दोष कँऊँ लगाया जाओआ। जेतेखे मैं परमेशरो रा धन्यवाद करी राखेया। 31 तो तुसे चाए खाओ, चाए पियो, चाए जो कुछ करो, सब कुछ परमेशरो री महिमा खे करो। 32 तुसे ना तो यहूदी और ना दूजी जातिया खे और ना ई परमेशरो री मण्डलिया खे ठोकरा री बजअ बणो। 33 आँऊँ बी सबी गल्ला रे सबी

खे खुश राखणे री कोशिश करूँआ और आँऊँ आपणे पले नि, पर ओरी रे पले रा त्यान राखूँआ ताकि सेयो उद्धार पाओ।

11 जेडा आँऊँ मसीही री जी चाल चलूँआ, तुसे मेरी जी चाल चलो।

2 आँऊँ तुसा खे सराऊँआ कि सबी गल्ला रे तुसे माखे याद करोए और जो शिक्षा मैं तुसा खे देई राखी, तिजी रा सावदानिया साथे पालण करदे रओ। 3 पर आँऊँ चाऊँआ कि तुसे एसा गल्ला खे जाणी लो कि हर एकी मर्दों रा सिर मसीह ए और जवाणसा रा सिर मर्द ए और मसीह रा सिर परमेशर ए। 4 जो मर्द सिर टकी की प्रार्थना और भविष्यबाणी करोआ, से मसीही री बेज्जती करोआ जो कि तेसरा सिर ए। 5 पर जो जवाणस क्वाडे सिरे प्रार्थना या भविष्यबाणी करोई, से आपणे लाडे री बेज्जती करोई जो कि तेसा रा सिर ए, कँऊँकि से गँजी ऊणे रे बराबर ए। 6 जे जवाणस चादू नि टखो, तो बाल बी कटाई लो, जे जवाणसा खे बाल कटवाणा या सिर गँजा करना शर्मा री गल्ल ए, तो चादू टखो। 7 आ, मर्दों खे आपणा सिर टकणा ठीक निए, कँऊँकि मर्द परमेशरो रे रूपो रे बणाई राखेया और से तेसरी महिमा ए, ईयां ई जवाणस बी मर्दों री महिमा खे दखाओई। 8 कँऊँकि पर्दला मर्द आदम जवाणसा ते नि ऊआ, पर पईली जवाणस हव्वा मर्दों ते ऊई। 9 और मर्द जवाणसा खे नि बणाया, पर जवाणस मर्दों री तंई बणाई राखी। 10 इजी री खातर इजी बजअ ते और स्वर्गदूता री बजअ ते जवाणसा खे ठीक ए कि से आपणी अधीनता दखाणे खे आपणे सिरे खे टकी की राखो। 11 तेबे बी प्रभुए रे ना तो जवाणस बिना मर्दों ते और ना मर्द बिना जवाणसा ते ए। 12 कँऊँकि जिंयाँ जवाणस मर्दों ते आई, तिंयाँ ई एबे हर मर्द रा जन्म जवाणसा ते ओआ और सब चीजा परमेशरो ते आओईया। 13 तुसे आपू ई सोचो कि क्या जवाणसा खे क्वाडे सिरे परमेशरो ते प्रार्थना करना खरी गल्ल ए? 14 क्या कुदरती तौरो पाँदे तुसे नि जाणदे कि जे मांगू लांबे बाल राखो, तो तेसखे बेज्जतिया री गल्ल ए। 15 पर जे जवाणस लांबे बाल राखो तो तेसा खे शोभा ए, कँऊँकि बाल तेसा खे टखणे खे दई राखे। 16 पर जे कोई बईस करना चाओ, तो ये जाणी लो कि ना म्हारी और ना परमेशरो री मण्डलिया री एड़ी राख ए। 17 ये आज्ञा देई ऊए आँऊँ तुसा खे नि सारांदा, कँऊँकि आराधना सभा रे तुसा रे कट्टे ऊणे ते पलाई निए, पर नुकशाण ओआ। 18 कँऊँकि पईले तो आँऊँ, ये सुर्णु था कि जेबे तुसे मण्डलिया रे आराधना खे कट्टे औए, तो तुसा रे फूट ओई और आँऊँ कुछ-कुछ विश्वास बी करूँआ। 19 तुसा लोका रे फूट ऊणा तो एकी तरअ ते जस्ती ए ताकि ये साफ ऊई जाओ कि तुसा बीचे कुण लोक खेरे चाल-चलणो रे चलोए। 20 जेबे तुसे लोक एकी जगा रे कट्टे औए तो सच्ची तुसा री दिलचस्पी प्रभु भोजी रे नि ऊंदी। 21 कँऊँकि खाणे रे बखते एकी-दूजे ते पईले केसी खे न्याले बगैर आपणी रोटी खाई लओआ, तो कोई तो पूखा रओआ और कोई मतवाला ऊई जाओआ। 22 क्या खाणे-पीणे खे तुसा रे कअर निए? या परमेशरो री मण्डलिया खे तुच्छ जाणोए और जिना गे अया नि तिना खे शर्मिंदा करोए? आँऊँ तुसा खे क्या बोलूँ? क्या एते गल्ला रे तुसा री

तारीफ करें? ना! आँऊँ एसा गल्ला रे तुसा री बिल्कुल बी तारीफ नि करदा। 23 जो शिक्षा मैं तुसा खे दिती थी ये सई शिक्षा ए जो माखे प्रभुए ते मिली री और मैं तुसा गे बी पड़ँछाई ती कि प्रभु यीशुए, जेस राती पकड़वाऊआ, रोटी लयी 24 और धन्यवाद करी की तोड़ी और बोलेया, “ये मेरा शरीर ए, जो तुसा खे ए, मेरी यादा रे यई करेया करो।” 25 ईयाँ ई तिने रोटिया ते बाद कटोरा बी लया और बोलेया, “ये कटोरा मेरे खूनो रे जरिए कित्ती री नयी वाचा ए, जेबे कदी पियो, तो मेरी यादा रे यई करेया करो।” 26 कऊँकि जेबे कदी तुसे ये रोटी खाओआ और एस कटोरे बीचा ते पियोए, तो प्रभुए री मौता खे, जदुओ तक से नि आओ, प्रचार करोए। 27 इजी री खातर जो कोई अनुचित रीतिया ते प्रभुए री रोटी खाओआ या तेसरे कटोरे बीचा ते पियोआ, से प्रभुए रे शरीर और खूनो रा अपराधी ठँरना। 28 इजी री खातर मांगु आपणे आपू खे परखी लो और इजी रीतिया ते इजी कटोरे ते खाओ और इजी कटोरे ते पियो। 29 कऊँकि जो खांदे-पींदे बखते प्रभुए रे शरीरो खे नि पछाणो, से एस खाणे और पीणे ते आपू पाँदे दण्ड ल्याओआ। 30 इजी बजअ ते तुसा बीचा ते बऊत कमजोर और रोगी ए और बऊत सारे तो मरी बी गयो। 31 जे आसे आपणे आपू खे परखदे, तो परमेशरो आसा खे दण्ड नि देणा। 32 पर प्रभु आसा खे दण्ड दई की आसा री ताड़ना करोआ, ताकि आसे दुनिया साथे दोषी नि ठईरहूँ। 33 इजी री खातर जो मेरे साथी विश्वासियो, जेबे तुसे प्रभु भोज खाणे खे कट्टे ओए, तो एकी-दूजे खे रुकेया करो 34 जे कोई पूखा ओ, तो आपणे कअरे खाई लो, जेते साथे तुसा रा कट्टा ऊणा दण्डे री बजअ नि बणो और बाकि गल्ला आँऊँ आयी की ठीक करी देऊँगा।

12 ओ साथी विश्वासियो, आँऊँ चाऊँआ कि तुसे लोक पवित्र आत्मा रे जरिए दिते रे आत्मिक बरदानो रे बारे रे ठीक-ठीक समझी लजो। 2 तुसे जाणोए कि जेबे तुसे प्रभुए पाँदे विश्वास नि करो थे तो तेबे गौमीया मूर्तिया पीछे जिंयाँ चलाए जाओ थे तिंयाँ ई चली पड़ो थे। 3 इजी री खातर आँऊँ तुसा खे समजयाणा चाऊँआ कि जो कोई परमेशरो री आत्मा री अगुवाईया ते बोलोआ, से नि बोलदा कि यीशु सापित ए और सिर्फ पवित्र आत्मा ई केसी खे ये बोलणे जोगा बणाओआ, “यीशु ई प्रभुए।” 4 आत्मिक बरदान तो कई प्रकारा रे ए, पर आत्मा एक ईए 5 और सेवा बी कई प्रकारा री ए, पर प्रभुए एक ईए 6 परमेशर कई तरीके ते आसा री जिन्दगिया रे काम करोआ पर परमेशर एक ईए, जो आसा सबी रे जरिए काम करोआ। 7 परमेशर आसा सबी खे आत्मिक बरदान देओआ ताकि आसे एकी दूजे री सेवा करी सकिए। 8 परमेशरो री आत्मा एकी मांगूए खे बुद्धिया साथे परेया रा सदेश बोलणे री योग्यता देओआ और सेई आत्मा केसी दूजे मांगूए खे जानो रे मुताबिक सदेश बोलणे री योग्यता देओआ। 9 सेई आत्मा केसी मांगूए खे मसीहे रे विश्वास करने री योग्यता देओआ और केसी खे तेसी ई आत्मा ते चंगा करने रा बरदान दितेया जाओआ। 10 सेई आत्मा केसी खे सामर्था रे काम करने री शक्ति और केसी खे भविष्यबाणी करने री योग्यता

देओआ। फेर केसी ओरी खे तिजी खे परखणे री योग्यता देओआ कि से वचन परमेशरो री आत्मा री तरफा तेआ या दुष्टात्मा री तरफा तेआ। फेर केसी ओरी खे कई प्रकारा री पाषा बोलणे री योग्यता देओआ और केसी ओरी खे तेसा पाषा रा मतलब बताणे री योग्यता देओआ। 11 ये सारे बरदान एक ई आत्मा रा काम ए। से आपणी इच्छा रे मुताबिक हर मांगूए खे लग-लग बरदान देओआ। 12 कऊँकि जिंयाँ शरीर तो एक ए और तिजी रे अंग बऊत ए और तेस एक शरीरो रे सब अंग, बऊत ऊँदे ऊए बी, सब मिली की एक ईए, तिंयाँ ई मसीह बीए। 13 कऊँकि आसे सबी क्या यहूदी, क्या दूजी जाति, क्या दास, क्या आजाद एक ई आत्मा रे जरिए, एक शरीर ऊणे री तंई बपतिस्मा लया और आसा सबी खे एक ई आत्मा पलयाया। 14 शरीरो रे एक ई अंग नि, बल्कि बऊत अंग ए। 15 जे पैर बोलो, “आँऊँ आथ निए, तेबे आँऊँ शरीरो रा अंग निए,” तो क्या तेसरे एड़ा बोलणे ते से शरीरो रा अंग नि रंदा? 16 जे कान बोलो, “आँऊँ आखी रा निए, तेबे आँऊँ शरीरो रा अंग निए,” तो क्या तेसरे एड़ा बोलणे ते से शरीरो रा अंग नि रंदा? 17 जे सारा शरीर आखी रा ई ऊँदा, तो सुणना केथो ते था? जे सारा शरीर कानो रा ई ऊँदा, तो सिंगणा केथो ते था? 18 पर सच्ची परमेशरे अंग आपणी इच्छा रे मुताबिक एक-एक करी की शरीरो रे राखी राखे। 19 जे सेयो सारे एक ई अंग ऊँदे, तो शरीर केथा ऊँदा? 20 पर एबे अंग तो बऊत सारे ए, पर शरीर एक ईए। 21 आख आथो खे नि बोली सकदी, “माखे तेरी कोई जरूरत निए।” ना सिर पैरो ते बोली सकदा, “माखे तेरी कोई जरूरत निए।” 22 पर शरीरो रे सेयो अंग, जो ओरी ते कमजोर लगोए, बऊत ई जरूरी ए। 23 शरीरो रे जिना अंगा खे आसे आदरो जोगा नि समजदे, तिना खेर्ह आसे जादा आदर देऊँए, और गुप्त अंगा रा खास त्यान राखदे ऊए तिना खे आसे टकी की राख्यूँए, 24 तेबे बी म्हरे आदरो जोगे अंगा खे खास देख-पालो री जरूरत निए। पर परमेशरे शरीर एड़ा बणाईता कि जेस अंगो खे आदरो री कमी थी, तिजी रा ई ओर बी आदर ओ। 25 ताकि शरीरो रे फूट नि पड़ो, बल्कि अंग एकी-दूजे री बराबर चिन्ता करो। 26 तेबे ई तो जेबे एकी अंगो खे दुःख ओआ, तो सारे अंगा खे तिजी साथे दुःख ओआ। जे एकी री तारीफ ओई, तो तिजी साथे सारे अंग खुशी मनाओए। 27 ईयाँ ई तुसे सारे मिली की मसीह रा शरीर ए और लग-लग तेसरे अंग ए। 28 मसीह रे एस शरीरो रे परमेशरे लग-लग मांगू नियुक्त करी राखे, पईले प्रेरित, दूजे भविष्यबक्ता, तीजे गुरु, तेबे सामर्था रे काम करने वाले, तेबे ठीक करने वाले, तेबे उपकार करने वाले, तेबे प्रदान और कई प्रकारा रिया पाषा बोलणे वाले। 29 क्या सारे प्रेरित ए? क्या सारे भविष्यबक्ता ए? क्या सारे उपदेशक ए? क्या सारे सामर्था रे काम करने वाले ए? 30 क्या सबी खे ठीक करने रा बरदान ए? क्या सारे कई प्रकारा रिया पाषा बोलोए? क्या सारे अनुवाद करोए? 31 तुसे बड़े ते बड़े बरदानो री धुना रे रओ, पर आँऊँ तुसा खे और बी सबी ते खरी बाट बताऊँआ।

13

जे आँऊ मांगूआ रिया और स्वर्गदीता रिया पाषा बोलूँ और प्यार
नि राखूँ, तो आँऊ ठणठणादा ऊआ पीतल और छणछण करदी
ऊई झांजर ए। 2 जे आँऊ भविष्यबाणी करी सकूँ और सरे पेत और
सब प्रकारा रे ज्ञानो खे समजूँ और माखे एथो तक विश्वास ओ कि आँऊ
पाह्डो खे टाई सकूँआ, पर प्यार नि राखूँ, तो आँऊ कुछ पनिए। 3 जे
आँऊ आपणी सारी सम्पत्ति कंगाला खे खुलाई देकूँ या आपणा शरीर
फूकणे खे देई देऊँ और प्यार नि राखूँ, तो माखे कुछ बी फाईदा निए।
4 प्यार सब्रखोर ए और कृपा करने वाला ए। प्यार जलन नि करदा,
प्यार आपणी तारीफ नि करदा और कमण्ड नि करदा। 5 प्यार अनुचित
रीतिया ते नि चलदा, से आपणी पलाई नि चांदा, प्यारो रे चट गुस्सा नि
आँदा, बुरा नि मानदा। 6 प्यार कुकर्मे ते खुश नि ऊँदा, पर सच्चो ते
खुश ओआ। 7 प्यार सारिया गल्ला सईन करी लओआ, सारिया गल्ला
रा विश्वास करोआ, सबी गल्ला री उम्मीद राखोआ, सबी गल्ला रे सब्र
राखोआ। 8 प्यार कदी टलदा नि, भविष्यबाणिया ओ तो, खत्म ऊई
जाणिया, पाषा ओ तो खत्म ऊई जाणिया, ज्ञान ओ तो मिटी जाणा। 9
कऊँकि आसा रा ज्ञान आदा-अदुरा ए और आसा री भविष्यबाणी बी
अदुरी ए। 10 पर जेबे सर्वसिद्ध आऊणा, तो अदुरा मिटी जाणा। 11 जेबे
आँऊ बालक था, तेबे आँऊ बालको जेडा बोलूँ था, बालका जेडा मन था,
बालका जेडी समज थी, पर जेबे स्याणा ऊईगा, तेबे बालका रिया गल्ला
छाडी तिया। 12 एबे आसा खे शीरी रे तुन्दला जा दिखोआ, पर तेस
बखते आमणे-सामणे देखणा। एस बखते मेरा ज्ञान आदा-अदुरा ए पर
तेस बखते मेरा ज्ञान तेडा ई ऊणा जेडा एस बखते मेरे बारे रे परमेशरो
राए। 13 पर एबे विश्वास, उम्मीद, प्यार यो तीनो स्थाई ए, पर इना बीचे
सबी ते बड़ा प्यार ए।

14

एकी-दूजे ते प्यारो खे हर तरअ ते कोशिश करो। आत्मिक बरदानो
री बी धुना रे रओ, खास करी की ये कि भविष्यबाणी करो। 2
कऊँकि जो दुजिया पाषा रे गल्ल करोआ, से मांगूआ साथे नि, बल्कि
परमेशरो साथे गल्ला करोआ। तेबेर्ई तो तेसरी गल्ला केसी खे बी समज
नि आँऊदिया, कऊँकि से पेतो रिया गल्ला पवित्र आत्मा रे उई की
बोलोआ। 3 पर जो भविष्यबाणी करोआ, से ओरी ते तरक्की, उपदेश
और सब्रो री गल्ला करोआ। 4 जो दुजिया पाषा रे गल्ला करोआ, से
आपणे ई विश्वासो खे मजबूत करोआ, पर जो भविष्यबाणी करोआ,
से मण्डलिया रे विश्वासिया रे विश्वासो खे मजबूत करोआ। 5 आँऊ
चाँऊआ कि तुसे सारे दुजिया पाषा रे गल्ला करो, पर जादा ये चाँऊआ
कि भविष्यबाणी करो। कऊँकि जे दूजी पाषा बोलणे वाला मण्डलिया
री तरकिक्या खे अनुवाद नि करो, तो भविष्यबाणी करने वाला तेसते
बड़ा ए। 6 इजी री खातर ओ साथी विश्वासियो, जे आँऊ तुसा गे आयी
की दुजिया पाषा रे जांपू तो मेरिया गल्ला ते तुसा खे क्या फाईदा ऊणा?
पर जे आँऊ परमेशरो रे जेरिए दितेया रा प्रयासा, ज्ञान, भविष्यबाणी या
उपदेशो रिया गल्ला तुसा साथे कहूँ तो इजी ते तुसा खे जरूर फाईदा

ऊणा। 7 ईंयां जे निर्जीव चीजा बी, जिना री छेड़ निकलोई, जियाँ बंसरी
या बीन, जे तिना री आवाजा रे फर्क नि ओ, तो जो फूकेया या बजाया
जाओआ, से कियाँ पछयाणना? 8 जे तुहिया री आवाज साफ नि ओ,
तो लडाईया खे केस त्यारी करनी? 9 ईंयां ई जे तुसे जीबा ते साफ
गल्ला नि बोलो, तो जो कुछ बोलेया जाओआ, से कियाँ समजणा? तुसे
तो अवा साथे गल्ला करने वाले ई ऊणो। 10 दुनिया रे चाए कितनिया
ई प्रकारा रिया पाषा कऊँ नि ओ, पर तिना बीचा ते हर एक पाषा रा
आपणा मतलब ओआ। 11 पर जे आँऊ केसी गल्ला रा मतलब नि
समजूँ, तो बोलणे वाले री नजरा रे परदेशी लगणा और बोलणे वाला
मेरी नजरा रे परदेशी ऊणा। 12 तुसा लोका रे बारे रे बी येई गल्ला सच
ए। तुसे लोक अस्तिक बरदानो री धुना रे रओए, तो एडे बरदान पाणे री
कोशिश करो जेते की मण्डलिया री तरक्की ओ। 13 इजी बजअ ते जो
दूजी पाषा बोलो, तो से प्रार्थना करो कि तिजी रा अनुवाद बी करी सको।
14 तेबे जे आँऊ दुजिया पाषा रे जांपू तो मेरी आत्मा प्रार्थना करोई, पर
मेरा दमाक काम नि करदा। 15 तो क्या करना चाईयो? मां आत्मा ते बी
प्रार्थना करनी और दमाको ते प्रार्थना करनी। आत्मा ते बी गाणा और
दमाको ते बी गाणा। 16 नई तो जे तूँ आत्मा तेर्ई धन्यवाद करेगा, तो तेबे
अज्ञानिया तेरे धन्यवादो पांदे आमीन् कियाँ बोलणा? कऊँकि से तो
जाणदा नि कि तूँ क्या बोलणे लगी रा। 17 तूँ तो ठीक-ंगो रे धन्यवाद
करेया, पर दूजेया री तरक्की नि ऊँदी। 18 आँऊ आपणे परमेशरो रा
धन्यवाद करूँआ कि आँऊ तुसा सबी ते जादा दुजिया पाषा रे बोलूँआ।
19 पर मण्डलिया रे दुजिया पाषा रे दस ह्जार गल्ला बोलणे ते, माखे ये
ओर बी खरा लगोआ कि आरी खे सिखाणे री तंई अक्तला ते पाँज ई
गल्ला बोलूँ। 20 ओ साथी विश्वासियो, तुसे समजणे रे बालक नि बणो,
पर तेबे बी बुराईया रे बालक रओ, पर समजणे रे स्याणे बणो। 21 पवित्र
शास्त्रो रे लिखी राखेया, “मां दुजिया पाषा बोलणे वालेया रे जेरिए और
पराए मुंओ रे जेरिए इना लोका साथे गल्ला करनिया, तेबे बी तिना मेरी
नि सुणनी। प्रभु बोलोआ।” 22 तेबेर्ई तो दुजिया पाषा रे गल्ला करनिया
विश्वासिया खे निए, बल्कि अविश्वासिया खे चिह्न ए और भविष्यबाणी
करनी अविश्वासिया खे निए, बल्कि विश्वासिया खे चिह्न ए। 23 तेबे जे
मण्डली एकी जगा रे कठू ओ और सब के सब दूजी पाषा बोलो, तेबे जो
लोक एसा पाषा खे नि समजदे या अविश्वासी लोक पीतरे आयी जाओ,
तो क्या तिना तुसा खे पागल नि बोलणा? 24 पर जे सारे भविष्यबाणी
करने लगो, तेबे जो लोक इजी खे नि समजदे या अविश्वासी मांगू पीतरे
आयी जाओ, तो सबी से दोषी ठारणा और परखी लणा, 25 और तेसरे
मनो रे पेत सामणे आयी जाणे और तेबे तेस मुंओ रे पारे पड़ी की
परमेशरो गे माथा टेकणा और तेस मानी लणा कि सच्ची परमेशर तुसा
बीचे ए। 26 ओ साथी विश्वासियो, सुणो, क्या करना चाईयो? जेबे तुसे
आराधना करने खे कठू ओए, तो हर एकी रे दिलो रे, पजन, उपदेश,
दूजी पाषा, प्रयासा और दुजिया पाषा रा मतलब बतादे रणा चाईयो।
सब कुछ आत्मिक तरकिक्या खे ऊणा चाईयो। 27 जे दुजिया पाषा रे

गल्ला करनिया ओ, तो दो-दो या बऊत ओ तो तीन-तीन जणे बारिया-बारिया ते बोलो और पक्का ई तिजी खे अनुवाद करने खे कोई ना कोई ऊणा चाईयो। 28 पर जे अनुवाद करने वाला नि ओ, तो दूजी पाषा बोलणे वाले खे मण्डलिया रे शान्त रणा चाईयो और आपणे मनो ते और परमेश्वरो साथे गल्ला करदा रओ। 29 भविष्यवक्तेया बीचा ते दो या तीन जणे बोलो और बाकि लोक तिना रे वचनो खे परखो 30 जे तेसी बखते केसी दूजे खे परमेश्वरो रा प्रकाशन मिलो तो से जो एस बखते भविष्यबाणी करने लगी रा तो से चुप ऊई जाओ 31 कँकिंतु से सरे एक-एक करी की भविष्यबाणी करी सकोए, ताकि सब सीखो और सब औंसला पाओ। 32 एक भविष्यवक्ता जो परमेश्वरो रा वचन बोलोआ से आपणे आपू खे वशो रे राखोआ। से आपणी इच्छा रे मुताबिक बोलणे रे या चुप रणे रे निपुण ए। 33 कँकिंतु परमेश्वर गड़बड़ी नि करदा, पर शान्ति बनाणे वाला ए। जेडा पवित्र लोका रिया सारिया मण्डलिया रे ए। 34 जवाणसा खे मण्डलिया री सभा रे चुप रणा चाईयो, कँकिंतु तिना खे गल्ला करने री आज्ञा निए, पर अधीन रणे री आज्ञा ए, जेडा विधानो रे लिखी बी राखेया। 35 जे सेयो कुछ सिखणा चाओ, तो कअरे आपणे लाडे ते पूछो। कँकिंतु मण्डलिया रे जवाणसा रा जपणा शर्मा री गल्ल ए। 36 क्या परमेश्वरो रा वचन तुसा बीचा ते निकली रा या बस तुसा तक ई पक्छी रा? 37 जे कोई मांणू आपणे आपू खे भविष्यवक्ता या आत्मिक जणा समजो, तो से जाणी लो कि जो गल्ला आँऊ तुसा खे लिखुँआ, सेयो प्रभुए री आज्ञा ए। 38 पर जे कोई एसा सच्चाईया खे नि मानो, तो से बी नि मानेया जाणा। 39 तेबेई ओ साथी विश्वासियो, भविष्यबाणी करने री धुवा रे रओ और दूजी पाषा बोलणे ते ना नि करो। 40 तुसे आराधना रे बखते जो कुछ बी करोए सारिया गल्ला तमीज़ा रे और एक-एक करी की कित्तिया जाओ।

15 ओ साथी विश्वासियो, एबे बी आँऊ तुसा खे सेई सुसमाचार याद

दलाउँआ जेतेरा मैं तुसा बीचे प्रचार कित्तेया था। से सुसमाचार तुसे मानेया बी था और जिदे तुसे बणे रे बीए। 2 परमेश्वरे तेसी सुसमाचारो रे जरिए तुसा रा उद्घार करी राखेया। जे तुसे तेसी सुसमाचारो रे जो मैं तुसा बीचे प्रचार कित्तेया था तिदे बणे रे रओगे नवी तो तुसा रा विश्वास करना बेकार ए। 3 इज्जी बजअ ते मैं तुसा लोका खे प्रभु यीशुए ते मिली री बऊत जस्ती सच्चाई बताई ती। से सच्चाई ये ए कि पवित्र शास्त्रो रे मुताबिक यीशु मसीह आसा रे पापो री ताँही मरी गा। 4 और दबाए गये और पवित्र शास्त्रो रे मुताबिक तीजे दिने जिँदे बी ऊईंगे। 5 तेबे पतरसो खे और तेबे बारा चेलेया खे दिखे। 6 इज्जी ते बाद पाँज सौ ते जादा विश्वासी पाईया खे दिखे, जिना बीचा ते बऊत जणे एबुए तक जिँदे ए और कुछ जणो मरी गे रे। 7 फेर याकूबो खे दिखे, तेबे सबी प्रेरिता खे दिखे 8 और सबी ते बाद माखे बी दिखे, जो मानो आदे दिना रा जम्मेया रा ओ। 9 कँकिंतु आँऊ प्रेरिता बीचे सबी ते छोटा ए, बलिक प्रेरित बोलणे रे काविल पनिए, कँकिंतु मैं परमेश्वरो री मण्डली सताई थी। 10 पर आँऊ जो प्रेरित ए, से परमेश्वरो री कृपा ते ए और तेसरी

कृपा जो मां पाँदे ऊई, से बेकार नि ऊई। पर मैं तिना सबी प्रेरिता ते बड़ी की मईणत बी कित्ती तेबे बी ये मेरी तरफा ते नि ऊआ, पर परमेश्वरो री कृपा ते, जो मां पाँदे ए। 11 तो चाए आँऊ ए, चाए सेयो ओ, आसे येई प्रचार करँगे और इज्जी पाँदे ई तुसे विश्वास बी कित्तेया। 12 जबकि मसीह रा प्रचार करेया जाओआ कि से मरे रेया बीचा ते जिँदा ऊआ, तो तुसा बीचा ते बऊत जणे कँऊ बोलोए कि मरेया रा दुबारा जिँदा ऊणा ऊई नि सकदा, तो मसीह पनि जिँदा ऊआ, तो आसा रा प्रचार करना बी बेकार ए और तुसा रा विश्वास बी बेकार ए। 15 बलिक आसे परमेश्वरो रे चूठे गवा ऊए, कँकिंतु आसे परमेश्वरो रे बारे रे ये गवाई दिटी कि तिने मसीह मरे रेया बीच ते जिँदा कित्तेया। पर जे मरे रे जिँदे नि कित्ते जाँदे तो परमेश्वरे मसीह बी जिँदा नि कित्तेया। 16 आँऊ फेर बोलूँआ जे मुड़दे जिँदे नि ऊंदे, तो मसीह बी जिँदा नि ऊआ। 17 और जे मसीह जिँदा नि ऊआ, तो तुसा रा विश्वास बेकार ए और तुसे एबुए तक आपणे पापो रे फर्सी रे। 18 बलिक जो विश्वासी मसीह रे मरी गे रे, सेयो बी नाश ऊई चुके रे। 19 जे आसे बस एसा जिन्दगिया रई मसीह री उम्मीद राख्यूँए, तो आसे सबी माणूआ ते नबाग ए। 20 पर सच्चाई ये ए कि परमेश्वरे मसीह मुड़देया बीचा ते जिँदा करी ता रा और से मरे रेया बीचा ते जिँदा ऊणे वाला पईला फल बणी चुकी रा। 21 जियाँ एक मांणू आदमो रे जरिए मौत आयी, तियाँ ई एक मांणू मतलब मसीह रे जरिए मरे रेया बीचा ते दुबारा जिँदा ऊणा बी आया। 22 जियाँ आदमो रे सारे मरोए, तियाँ ई मसीह रे सारे जिँदे करे जाणे। 23 पर हर एकी आपणी-आपणी बारिया ते मरे रेया बीचा ते जिँदे ऊणे रो इन्तजार करना। तिना बीचा ते पईला फल मसीह ए। इज्जी ते बाद सेयो सारे जो मसीह रे आऊणे तक तिना रे बणे रणे। 24 इज्जी ते बाद अंत ऊणा, तेस बखते तेस सारी प्रदानगिरी, सारा अक्क और सामर्था रा अंत करी की राज्य परमेश्वर पिते रे आथो रे दई देणा। 25 कँकिंतु जदुओ तक परमेश्वर तेसरे दुश्मणा खे तेसरे वशो रे नि करी देओगा, तदुओ तक तेसरा राज्य करना जस्ती ए। 26 सबी ते बादला दुश्मण जो नाश करना, से मौत ए। 27 पवित्र शास्त्र बोलोआ, “परमेश्वरे सब कुछ तेसरे पैरा निठे करी ता,” पर जेबे से बोलोआ कि सब कुछ तेसरे वशो रे करी ता रा तो ये साफ ए कि परमेश्वर जिने सब कुछ मसीह रे वशो रे करी ता रा, तो परमेश्वर इदे सबी रे शामिल निया। 28 जेबे सब कुछ तेसरे अधीन ऊई जाणा, तो पुत्र आपू बी तेसरे अधीन ऊई जाणा, तिने सब कुछ तेसरे अधीन करी ता ताकि परमेश्वर ई सबी चीजा रा मालक ओ। 29 नई तो जो लोक मरे रेया खे बपतिस्मा लओए, तिना क्या करना? जे मुड़दे जिँदे ऊंदे ई नि, तो तेबे तिना खे बपतिस्मा कँऊ लओए? 30 और आसे बी कँऊ हर कअडी खतरेया रे पड़े रे रऊँए?

31 ओ साथी विश्वासियो, तुसे लोक प्रभु यीशु मसीह रे माखे कमण्ड ए। आँऊ तुसा री कसम खाई की बोलूँआ कि माखे हर रोज मौता रा सामणा करना पड़ोआ। 32 जे आँऊ माणूआ री रीतिया ते इफिसुसो रे

बणो रे डांगरा ते लड़ेया, तो माखे क्या फाईदा ऊआ? जे मुडदे जिझॅदे नि किते जाओगे, “तो आओ, खाओ-पीओ, कऊकि काल तो मरी ई जाणे।” 33 तिना लोका ते तोखा नि खाओ जो एडिया गल्ला बोलोए, “बुरी संगत खेरे चाल-चलणो खे बिगाडी देओई!” 34 ओशा रे आओ और पाप करना छाडी देओ। कऊकि बऊत जणे एडे ए, जो परमेश्वरो खे नि जाणदे। आऊं तुसा खे शर्मिदा ऊणे खे ये बोलणे लमी रा। 35 एबे केसी ये बोलणा, “मुडदे कियाँ जिझॅदे ओए और कुण जे शरीरो रे आओए?” 36 ओ बिना दमाको वालेयो! जो कुछ तूँ बाएआ, जदुओ तक से नि मरो, जिझॅदा नि उँदा। 37 और जो तूँ बाएआ, ये से शरीर निए, जो जमणे वाला ए, पर सई दाँणा ए चाए कणका रा चाए केसी ओरी अनो रा 38 पर परमेश्वर आपणी इच्छा रे मुताबिक तेसखे शरीर देओआ और हर एक बीजो खे तेसरा खास शरीर। 39 सारे शरीर एक जेडे निए, बल्कि मांणूआ रा शरीर और ए, डांगरा रा शरीर और ए, पंछिया रा शरीर और ए, मछलिया रा शरीर और ए। 40 स्वर्गिय शरीर ए और संसारिक शरीर बीए, पर स्वर्गिय शरीरो रा तेज और ए और संसारिक शरीरो रा तेज और ए। 41 सूरजो रा तेज और ए, चाँदो रा और और तारेया रा तेज और ए कऊकि एक तारे ते दूजे तारे रे तेजो रे फक्क ए। 42 मुडदेया रा जिझॅदा ऊणा बी एडा ईए। शरीर नाश ऊणे री दशा रे बाया जाओआ और अविनाशी रूपो रे जिझॅदा ओआ। 43 जेबे म्हरे शरीरो खे दबाया जाओआ और आत्मिक शरीर जिझॅदा ओआ, जबकि कुदरती शरीर बाया जाओआ और आत्मिक शरीर बीए। 45 एडा ई पवित्र शास्त्रो रे लिखी बी राख्येया, “पईला मांणू, मतलब-आदम जिझॅदा प्राणी बणेया” पर आखरी आदम मतलब मसीह अनन्त जिन्दगी देणे वाला बणेया। 46 पर पईले आत्मिक नि था, पर कुदरती था, तेबे इंजी ते बादो ते आत्मिक बणेया। 47 पईला मांणू तरती ए, मतलब-माटिया रा बणेया रा था, दूजा मांणू स्वर्गिय ए। 48 जेडा से माटिया रा बणेया रा था, तेडे ई ओर माटिया रे बणी रे थे और जेडा से स्वर्गिय ए, तेडे ई ओर बी स्वर्गिय ए। 49 जियाँ आसे माटिया रे बणे रे मांणूए रा रूप धारण कित्तेया तियाँ ई आसा स्वर्गिय मांणूए रा रूप धारण करना। 50 ओ साथी विश्वासियो, आऊं ये बोलूआ कि मांस और खून परमेश्वरो रे राज्य रे अक्कदार नि ऊई सकदे और ना ई नाश ऊणे वाला अविनाशो रा अक्कदार ऊई सकोआ। 51 देख, आऊं तुसा खे पेतो री गल्ल बताऊआ कि आसा बीचा ते कुछ तो नि मरने पर बदली जाणे। 52 और ये सब कअडिया रेई, पलक झापकदे ई आखरी तुहीं फूकदे ई ऊई जाणा, कऊकि तुरहिया रे फूकर बाई जाणी और मुडदे अविनाशी दशा रे ठवाले जाणे और आसे बदली जाणे। 53 कऊकि जसरी ए कि से नाशवान शरीर अविनाशो खे पईनी लो और ये मरनहार शरीर अमरता खे पईनी लो। 54 जेबे ये नाशवान अविनाशो खे पईनी लओगा और ये मरनहार शरीर अमरता खे पईनी लओगा, तेबे से वचन जो पवित्र शास्त्रो रे लिखी राख्येया पूरा ऊई जाणा, “जय मौत निगली ली। 55 ओ मौत!

तेरी जय केयी रई? ओ मौत! तेरा डंग केयी रया?” (Hadēs g86) 56 मौता रा डंग पाप ए और पापो खे बिधानो ते तागत मिलोई। 57 पर परमेश्वरो रा धन्यवाद ओ, जो म्हरे प्रभु यीशु मसीहे रे जरिए आसा खे जयवंत करोआ। 58 तो ओ मेरे साथी विश्वासियो, विश्वासो रे पक्के और अटल बणे रे रओ और प्रभुए रे कामो रे सदा बड़दे जाओ, कऊकि तुमे जाणोए कि प्रभुए रे तुसा री मईणत बेकार निए।

16 एबे यस्तलेम नगरो रे परमेश्वरो रे लोका खे चंदा कट्टा करने रे बारे जो सवाल तुसे मांते पूछेया था तिजी रे बारे रे मैं जो आज्ञा गलातिया प्रदेशो री मण्डलिया खे दई राखी, तेसा ई आज्ञा खे तुसे बी मानेया करो। 2 अप्रत्ते रे पईले दिने तुसा बीचा ते हर एक आपणी आऊंदणियो रे मुताबिक कुछ आपू रे राखी लया करो, ताकि मेरे आउणे रे चंदा नि करना पड़ो। 3 और जेबे आऊं आऊंगा, तो जिना खे तुमे चाओगे, तिना खे आऊं चिट्ठिया दई की पेजी देऊँगा कि तुसा रा दान यस्तलेम नगरो रे पऊँचाई देओ। 4 जे तुसा खे ठीक लगो कि आऊं बी जाऊं, तो सेयो मां साथे जाई सकोए। 5 मां मकिदुनिया प्रदेशो रा सफर पूरा करी की तुसा गे आऊणा। कऊकि आऊं मकिदुनिया जाणे वाला ए 6 जे ऊई सकोगा तो मां तुसा रे एपी कुछ बखतो तक रणा और शयद आऊं ठण्ड तुसा गे ई बिताऊं। इंजी ते बाद मां जेती बी जाणा ओगा, तुसे लोक माखे तेती जाणे रा इन्तजाम करी देओ। 7 कऊकि आऊं एबे बाटा रे तुसा साथे मिलणा नि चांदा, पर माखे उम्मीद ए कि प्रभु चाओगा तो कुछ बखतो तक तुसा साथे रँगा। 8 पर मां पेन्तिकुस्तो रे त्योआरो तक इफिसुस नगरो रे रणा। 9 कऊकि माखे तेती एक बडा और कामो रा सेवा रा द्वार खुली रा और बिरोदी बजत ए। 10 जेबे तीमुथियुस आओ तो एसा गल्ला रा त्यान राखणा कि तेसखे तुसा गे कोई चिन्ता नि ऊणी चाईयो, कऊकि से मां जेडी प्रभुए री सेवा करोआ। 11 इंजी री खातर कोई तेसखे तुच्छ नि जाणो। पर तेसखे शान्तिया साथे ओरे पऊँचाई देओ कि मांगे आयी जाओ। कऊकि आऊं तेसखे न्यालने लगी रा कि से विश्वासी पाईया साथे आओ। 12 पाई अपुलोसो ते मैं बिनती करी राखी कि तुसा गे पाईया साथे जाओ। पर तिने तेस बखते जाणे री कोई इच्छा नि कित्ती, पर जेबे मोका मिलोगा, से आयी जाणा। 13 जागदे रजो, विश्वासो रे पक्के रजो, निडर बणो, तागतबर ओ। 14 जो कुछ करोए, प्यारो रे करो। 15 ओ साथी विश्वासियो, तुसे स्तिफनासो रे कराने खे जाणोए कि सेयो अखाया प्रदेशो रे पईले फल थे और परमेश्वरो रे लोका री सेवा खे त्यार रजो थे। 16 तुसे लोक एडे अगुवो री आज्ञा खे मानो और तिना सबी लोका री बी मानो जो तिना साथे मईणत करोए। 17 आऊं स्तिफनास, फूरतूनातुस और अखईकुसो रे आउणे ते खुश ऊआ, कऊकि तिने तुसा री कमी पूरी किती। 18 तिने मेरी और तुसा रे मानो री चिन्ता दूर करी ती। तुसे एडे लोका रा आदर करेया करो। 19 आसिया प्रदेशो री मण्डलिया री तरफा ते तुसा खे नमस्कार। अक्विला और तेसरी लाडी प्रिस्किल्ला रा और तिना री कअरो री मण्डलिया रा बी तुसा खे प्रभुए रे बऊत-बऊत नमस्कार। 20 सबी विश्वासी पाईया री तरफा

ते तुसा खे नमस्कार, गले लगी की आपू बीचे नमस्कार करो। 21 माँ
पौलुसो रा आपणे आथो रा लिखेया रा नमस्कार। 22 जे कोई प्रभुए
साथे प्यार नि राखो, तो से स्वापित ए। ओ म्हरे प्रभु आओ। 23 प्रभु
यीशु मसीहे री कृपा तुसा पांदे ऊँदी रओ। 24 मेरा प्यार यीशु मसीह रे
तुसा सर्वी साथे रओ। आमीन्।

2 कुरिन्थियों

1 ये चिट्ठी पौलुस और आसा रा पाई तीमुथियुसो री तरफा ते ए।

आँऊ पौलुस परमेशरो री इच्छा ते यीशु मसीह रा प्रेरित ए। ये चिट्ठी परमेशरो री तेसा मण्डलिया रे नाओं पाँदे लिखूँआ जो कुरिन्थ्स नगरो रे ए और परमेशरो रे सब पवित्र लोका रे नाओं पाँदे जो सारे अखाया प्रदेशो रे रओए। 2 म्हारे पिता परमेशर और प्रभु यीशु मसीह री तरफा ते कृपा और शान्ति मिलदी रओए। 3 म्हारे प्रभु यीशु मसीह रे पिता परमेशरो रा धन्यवाद ओ। परमेशर दया रा पिता और सब प्रकारा री सुख-शान्ति देणे वाला ए। 4 परमेशर म्हारे सबी क्लेशो रे सुख-शान्ति देओआ ताकि आसे बी औरी लोका खे तिना रे क्लेश रे सेई सुख-शान्ति देई सकिए जो परमेशरो ते आसे पाई राखी। 5 कऊँकि जिंयाँ मसीह रे दुःखो रे आसे जादा सहभागी ओए, तियाँ ई आसे शान्तिया रे बी मसीह रे जरिए जादा सहभागी ओए। 6 जे आसे क्लेश पाऊँए, तो ये तुसा री शान्ति और उद्घारो खे ए और जे आसे शान्ति पाऊँए, तो ये तुसा री शान्तिया खे ए। जेतेरे असरो ते तुसे सबो साथे तिना क्लेशो खे सभी लओए, जिना खे आसे बी सऊँए। 7 और म्हारी उम्मीद तुसा रे बारे रे पक्की ए, कऊँकि आसे जाणूँए कि जेडे तुसे म्हारे दुःखो रे सहभागी ए, तेडे ई तुसे आसा री शान्तिया रे बी सहभागी ऊँगे। 8 ओ साथी विश्वासियो! आसे नि चांदे कि तुसे म्हारे तिना क्लेशो ते अणजाण रओ जो आसिया प्रदेशो रे आसा पाँदे पडेया कि एडे पारी बोजो ते दबी गे थे, जो म्हारे सईगे ते बी बारे था। एथो तक कि आसे आपणी जिन्दगिया ते जिऊगे री बी उम्मीद छाडी ती थी। 9 बल्कि आसे आपणे मनो रे समजी ला था कि आसा पाँदे मौता री सजा ऊँई चुकी री। पर ये तेबे ऊआ ताकि आसे आपू पाँदे नि, पर तेस परमेशरो पाँदे विश्वास राखिए जो मरे रेया खे जिऊदा करोआ। 10 तिने ई आसे एडी बड़ी मौता ते बचाए और बचाणे बीए। तेस पाँदे आसा री ये उम्मीद ए कि से आसा खे आगे बी बचांदा रणा। 11 जेडा कि तुसे बी आपणी प्रार्थना रे जरिए म्हारी मताद करोए कि जो बरदान बऊत लोका री प्रार्थना रे जरिए आसा खे मिलेया, तिजी री बजअ ते बऊत लोक म्हारी तरफा ते धन्यवाद करो। 12 आसा खे इजी गल्ला पाँदे कमण्ड ए कि आसा रा विवेक साफ ए कि दुनिया रे और खास करी की तुसा बीचे म्हारा चाल-चलण परमेशरो जोगा, एडा पवित्र और सच्चाईया साथे था, जो शरीरो रे ज्ञाने ते नि, बल्कि परमेशरो री कृपा साथे था। 13 आसे तुसा खे ओर कुछ नि लिखदे, बस सेई जो तुसे पढ़ो या मानो बी ए। माखे उम्मीद ए कि एक दिन तुसा आँऊ पुरिया तरअ ते समजी लणा। 14 जेडा तुसा बीचा ते कितणे जणेया मानी ला रा कि आसे तुसा रे कमण्डो री बजअ ए तियाँ ई तुसे बी प्रभु यीशुए रे वापस आऊणे रे दिने आसा खे कमण्डो री बजअ ठार्झरने। 15 और एस परोसे ते आँऊ, चाँऊ था कि पईले तुसा गे आँऊ ताकि तुसा खे एक और दान मिलो। 16 मेरी सलाह थी कि आँऊ तुसा गिये ऊई कि मकिनुनिया प्रदेशो खे जाऊँ और फेर मकिनुनिया प्रदेशो ते तुसा गे आँऊ। तिजी ते बाद तुसे माखे

सफरो रे जरूरी समान देई की यहूदिया प्रदेशो खे पेजो। 17 इजी री खातर मैं जो ये सोचेया था तो क्या मैं तिदे लापरवाई दखाई? या जो आँऊ करना चाँऊआ क्या से दुनिया रे लोका रे मुताबिक करूँआ कि एक ई बखतो री गल्ला दे आ-आ बी करदा रऊँ और ना-ना बी करदा रऊँ? 18 जियाँ सच्ची ई परमेशर विश्वासो जोगा ए, तियाँ ई आसा री गल्ला रे बी “आ” रा मतलब आ और “ना” रा मतलब ना ई ओआ। 19 कऊँकि परमेशरो रा पुत्र यीशु मसीह जेसरा प्रचार सिलवानुस, तीमुथियुस और मैं तुसा बीचे कितेया। तिदे आ और ना दोनो नि थे, बल्कि तिदे सदा आ और आ ई थी। 20 कऊँकि परमेशरो री जितियिया बी प्रतिज्ञा ए, सेयो सब मसीह रे आ साथे ए, इजी बजअ ते तेस साथे आमीन् बी ऊई ताकि म्हारी बजअ ते परमेशरो री महिमा ओ। 21 और जो आसा खे तुसा साथे मसीह रे पक्का करोआ और जिने आसा रा अभिषेक कितेया, सेई परमेशर ए। 22 जिने आसा पाँदे छाप बी करी ती री और बयाने रे आत्मा आसा रे मनो रे दिती। 23 आँऊ परमेशरो खे गवा करूँआ कि आँऊ एबुए तक कुरिन्थ नगरो रे इजी री खातर नि आया कऊँकि आँऊ तुसा खे जो गलत काम तुसे करी राखे तिजी खे डांटणा नि चाँऊ था। 24 ये नि कि आसे विश्वासो रे बारे रे तुसे पाँदे अक्क जताणा चाँऊए, पर तुसा री खुशिया रे शामिल ए, कऊँकि तुसे विश्वासो साथे ई खड़े रओए।

2 मैं आपणे मनो रे ये ठाणी ला था कि एक बार फेर तुसा गे आई कि तुसा खे दुःख नि देऊँ। 2 कऊँकि तेती आई कि जे आँऊ ई तुसा खे दुःखी कसू तो माखे खुश करने वाला कुण ऊण, बस सेई जो मैं दुःखी कितेया? 3 मैं तुसा खे ये गल्ल इजी खे लिखी ताकि एडा नि ओ कि मेरे आऊणे ते जिना ते माखे खुशी मिलणी चाईयो, आँऊ तिना ते दुःखी ऊई जाऊँ। कऊँकि माखे तुसा सबी पाँदे एसा गल्ला रा विश्वास ए कि जो मेरी खुशी ए, सेई तुसा सबी री बी ए। 4 बडे क्लेश और मनो रे कष्टे ते मैं आसू बाई-बाई कि से चिट्ठी तुसा खे लिखी थी। इजी री खातर नि कि तुसे उदास ऊई जाओ, बल्कि इजी री खातर कि तुसे तेस बडे प्यारो खे जाणी लओ, जो माखे तुसा ते ए। 5 जे किने दुःखी करी राखे, तो आँऊ ई नि बल्कि कुछ-कुछ तो तुसे सब लोक बी दुःखी करी राखे। आँऊ इजी रे बारे रे इजी ते जादा कुछ ओर नि बोलणा चाँदा। 6 ये सजा जो तुसे विश्वासी पाईया बीचा ते तेसखे देई राखी काफी ए। 7 इजी ते तो ये खरा ए कि तेसरा अपराध माफ करो और तेसखे शान्ति देओ। एडा नि ओ कि एडा मांणू, निराशा रेई ढूबी जाओ। 8 इजी बजअ ते आँऊ तुसा ते बिनती करूँआ कि तेसखे आपणे प्यार-प्रेमी रा सबूत देओ। 9 कऊँकि मैं इजी खे बी लिखेया था ताकि तुसा खे परखूँ कि तुसे सब मेरी गल्ला खे मानणे खे त्यार ए कि नई। 10 जेसखे तुसे कुछ माफ करोए, तेसखे आँऊ बी माफ करूँआ। कऊँकि मैं बी जो कुछ माफ करी राखेया, जे माफ करी राखेया ओ, तो तुसा री बजअ ते मसीह री जगा पाँदे ऊई की माफ करी राखेया, 11 ताकि शैतानो रा आसा पाँदे कोई दावो नि चलो। कऊँकि आसे तेसरी चाला ते अणजाण निए। 12 जेबे आँऊ मसीह रा

सुसमाचार सुनाणे खे त्रोआस नगरो रे आया और प्रभुए माखे सुसमाचार प्रचार करने खे मौका दईता। 13 तेबे मेरे मनो खे चैन नि मिलेया कँडकि मैं आपणा विश्वासी पाई तीतुस नि देखेया। तेबेई मैं त्रोआस नगरो रे विश्वासी लोका ते बिदा ऊई की मकिनिया प्रदेशो खे तीतुसो खे टोलने वापस चली गा। 14 पर परमेश्वरो रा धन्यवाद ओ, कँडकि मसीह री एकता री बजअ ते से आसा खे सदा आपू साथे चलाओआ और आसा के जय दलाओआ और आपणे ज्ञानो री खुशबू आसा रे जरिए हर जगा रे फैलांदा रओआ। 15 आसे परमेश्वरो खे मसीह री खुशबू जेडे ए। जो सुसमाचार आसे प्रचार करी राखेया से चाए से उद्घार पाणे वाले ओ या नाश ऊणे वाले ओ सबी लोका खे एक खुशबू जेडा फैलणे लगी रा। 16 बऊत जणेया खे तो मरने जोगी मौता री बास और बऊत जणेया खे जिझणे जोगी जिझणे री खुशबू और पल्ला इना गल्ला जोगा कुण ए? 17 कँडकि आसे तिना सबी जेडे निए, जो परमेश्वरो रे वचनो रा प्रचार अमीर ऊण खे करोए। पर मनो री सच्चाईया ते और परमेश्वरो री तरफा ते, परमेश्वरो खे आजीर जाणी की मसीह रे बोलोए।

3 क्या आसे फेर आपणी बडयाईया करने लगे? या आसा खे कईया लोका जेडे सपारीशा री चिट्ठिया तुसा गे ल्याऊणिया या तुसा ते लणियां ए? 2 तुसे आपू ई आसा खे चिट्ठिया जेडे ए जो आसा खे सपारिश करोए और तुसा खे सब मांयू पछयाणोए और पढोए। 3 ये सामणे ए कि तुसे मसीह री चिट्ठिया जेडे ए, जो मसीहे आसे रे जरिए लखाई। ये चिट्ठी स्याईया ते निए, बल्कि जिझंदे परमेश्वरो री पवित्र आत्मा ते, पाथ्थरो री पट्टिया पाँदे नि, बल्कि दिलो रे मासो री पट्टिया पाँदे लिखी राखी। 4 आसे मसीह रे जरिए परमेश्वरो पाँदे एडा ई परोसा राख्यूए। 5 आसे ये नि बोलादे कि आसा गे कुछ करने री काबलियत ए। पर म्हरी काबलियत परमेश्वरो री तरफा ते ए। 6 तिने आसे नई वाचा रा काम करने जोगे सेवक बणाए। ये वाचा लिखी रे बिधानो री नि बल्कि आत्मा री ए। कँडकि बिधान मौता खे जन्म देओआ पर आत्मा जिन्दाई देओई। 7 जे मौता रा से विधान, जेरेरे अक्षर पाथ्थरा पाँदे खणे थे, एथो तक तेजोमय ऊई की मूसे रे मुंओ पाँदले तेजो री बजअ ते जो कटदा बी जाओ था, इसाएली तेसरे मुंओ पाँदे देखी नि सको थे। 8 तो आत्मा री वाचा ओर बी तेजोमय कँडे नि ऊणी? 9 कँडकि जेबे दोषी ठईरणे वाली वाचा तेजोमय थी, तो परमेश्वरो रे सामणे तर्मी ठईरणे वाली नई वाचा ओर बी तेजोमय कँडे नि ऊणी? 10 सच तो ए कि जो तेजोमय था से बी तेसा नई वाचा रे तेजो री तुलना रे तेजोमय नि ठईरिया। 11 जेबे मूसे रा बिधान इतणी तेजोमय थी जो थेडे ई बखतो खे थी तो नई वाचा रा तेज कितणा जादा ऊणा जो सदा खे ए? 12 तो एडी उम्मीद राखी कि आसे इम्ता साथे बोल्हूए। 13 आसे मूसे जेडे नि, जिने आपणे मुंओ पाँदे पड़ा पाया था ताकि इसाएली लोक तेस कटणे वाले तेजो रे अंतो खे नि देखो। 14 पर इसाएली लोक बिना दमाको रे ऊईगो। आजो तक पुराणी वाचा खे पढ़दे बखते तिना रे दिलो पाँदे तेडा ई पड़ा पडे रा रओआ। ये पड़ा सिर्फ मसीह पाँदे विश्वास करने तेई उठाया जाई

सकोआ। 15 और आजो तक जेबे कदी मूसे री कताब पढ़ी जाओई, तो तिना रे दिलो पाँदे पड़ा पडे रा रओआ और सेयो इजी खे पूरिया तरअ ते समजी नि सकदे। 16 पर जेबे कदी तिना रा दिल प्रभु यीशुए री तरफा खे फिरना, तेबे से पड़ा उठी जाणा। 17 प्रभु और पवित्र आत्मा एक ईए और जेती केथी प्रभुए रा आत्मा ए, तेती विधानो ते आजाई ए। 18 पर जेबे आसा सबी रे क्वाडे मुंओ पाँदो ते प्रभुए रा प्रताप ईयां सामणे आओआ, जियाँ शीशे रे, तो प्रभुए रे पवित्र आत्मा रे जरिए आसे तेसी तेजस्वी रूपो रे अंश-अंश करी की बदलदे जाऊए।

4 तेबे जेबे आसा पाँदे परमेश्वरो री एडी दया ऊई कि आसा खे परमेश्वरो रा संदेश प्रचार करने री सेवा मिली, तो आसे इम्तत नि छाडदे। 2 पर आसे शरमा रे गुप्त काम छाडी ते। ना चलाकिया रे चलूँए और ना ई परमेश्वरो रे वचनो रे मिलाऊट करूँए। परमेश्वर आसा रा गवा ए कि आसे सिर्फ सच बोलूँए, जेते की ओर लोक ये पकवा जाणी लो कि आसे परोसे जोगे ए। 3 जे आसा रे सुसमाचारो पाँदे जो आसे प्रचार कित्तेया पड़ा पड़ी रा, तो ये नाश ऊणे वालेया खेड़ी पड़ी रा। 4

और तिना अविश्वासिया खे, जिना रा दमाक एते दुनिया रे ईश्वर शैताने अन्दा करी ता रा ताकि मसीह जो परमेश्वरो रा रूप ए, तेसरे तेजोमय सुसमाचारो खे नि समजी सको। (aiōn g165) 5 आसे आपणे बारे रे प्रचार नि करदे। बल्कि यीशु मसीह रा प्रचार करूँए कि से प्रभु ए। आसे यीशुए री बजअ ते आपणे आपू खे तुसा लोका रे सेवक समजूँए। 6 तेबेई परमेश्वर बोलेया, “न्हेंवे बीचा ते जोति चमको,” और सईई आसा रे दिलो रे चमकेया ताकि परमेश्वरो री महिमा खे पछयाणी सको जो यीशु मसीहे रे प्रकट ऊई री। 7 आसे माट्टिया रे पांडेया जेडे ए जिदे ये धन राखी राखेया। ताकि एसा गल्ला रा पता लगी जाओ कि ये बड़ी सामर्थ म्हारी तरफा ते नि, बल्कि परमेश्वरो री ई तरफा तेईए। 8 आसा खे चँक कनारो ते क्लेश तो ओआ, पर मुसीबता रे नि पड़दे। आसे कबराए रे तो आए, पर निराश नि ऊँदे। 9 सताए तो जाऊए, पर छाडे नि जांदे, रुड़ाए तो जाऊए, पर नाश नि ऊँदे। 10 आसे हर बखत आपणे शरीरो रे यीशुए रे दुःख और मौत खे लयी की फिझूँए, ताकि यीशुए रा जीवन बी आसा रे शरीरो ते प्रकट ओ। 11 कँडकि आसे जिझंदे जिऊए सदा यीशुए री बजअ ते मौता रे आथो रे सम्बाले जाऊए ताकि यीशुए रा जीवन बी आसा रे मरने वाले शरीरो ते प्रकट ओ। 12 इजी बजअ ते मौत तो आसा पाँदे असर पाओई पर अनन्त जीवन तुसा पाँदे असर पाओआ। 13 पर आसे प्रचार करना जारी राख्यूए कँडकि आसा गे सईई विश्वास ए जो पवित्र शास्त्रो रे लिखी राखेया, “मैं परमेश्वरो पाँदे विश्वास कित्तेया, तेबेई मैं बोलेया।” 14 कँडकि आसे जाणूँए कि परमेश्वर जिने प्रभु यीशुए खे मरे रेया बीचा ते जिझंदा कित्तेया। तेस आसे बी यीशुए रे सहभागी जाणी कि जिझंदे करने। तिजी ते बाद परमेश्वरो आसे तुसा साथे आपणे सामणे आजीर करने। 15 ये सब कुछ तुसा लोका री पलाईया खे ऊणे लगी रा, तेबेई जादा ते जादा लोका जाणी लणा कि परमेश्वर कितणा दयालु ए और तिना परमेश्वरो री तारीफ और धन्यवाद करना। 16 इजी

ਰी खातर आसे इम्मत नि छाडदे, हालौंकि आसा रा बारला रुप नाश बी ऊँदा जाओआ, तेबे बी आसा रा पीतरला रुप हर रोज नया ऊँदा जाओआ। 17 कऊँकि आसा रा दूँई कअडिया रा अल्का जा क्लेश आसा खे बऊत ई खास और अनन्त जीवनो री महिमा पैदा करोआ (aiōnios g166) 18 और आसे देखी री चीजा खे नि, पर बिना देखी री चीजा खे देखदे रऊँए, कऊँकि देखी री चीजा तो थोडे ई दिनो खे ए, पर बिना देखी री चीजा सदा बणी री रभोईया। (aiōnios g166)

5 आसे जाणूँए कि तरतिया पाँदे आसा रा शरीर एक तम्बूए जेडा ए

जिदे आसे रओए। पर जेबे आसा रा तरतिया पाँदला तम्बू सरिखा कअर टालेया जाणा, तो आसा खे परमेशरो री तरफा ते स्वर्गो पाँदे एडा भवन मिलणा, जो आथो साथे बणाए रा कअर नि, पर सदा खे बणेया रा ऊणा। (aiōnios g166) 2 आसे एते शरीरो रे तरतिया पाँदे कणदे रऊँए और तेस स्वर्गो रे कअरो खे तारण करने री इच्छा करदे रऊँए। 3 जेबे आसा से स्वर्गिय शरीर पाई लणा तेबे आसे नांगे नि पाए जाणे। 4 और आसे एस तम्बू सरिखे शरीरो रे रंदे ऊँ बोजो साथे दबे रे कणदे रऊँए, कऊँकि आसे संसारिक शरीर छाडे बिना तेस पाँदे स्वर्गिय शरीर पईनणा चाऊँए। ताकि जो मरनहार शरीर ए से अविनाशी शरीरो रे बदली जाओ 5 और परमेशर आपू ईए जिने आसे इगी गल्ला खेई त्यार करी राखे, और तिने आसा खे बयाने रे पवित्र आत्मा बी देई राखेया। ये बयाना से बाद ए जो परमेशरो बादो ते पुरा करना। 6 तो आसे सदा इम्मत बाने रे राखूँए और ये जाणूँए कि जेबे आसे शरीरो रे रऊँए, तदुओ तक प्रभुए ते लग ए। 7 जेबे आसे एबु बी एते दुनिया रे जिझणे लगी रे तो आसे विश्वासो ते प्रभुए पीछे चलूँए न कि तेसखे देखी की। 8 इजी री खातर आसे इम्मत राखूँए और शरीरो ते लग ऊँ की आसे मरने ते बाद प्रभुए साथे रणा और बी खरा समजूँए। 9 इजी बजअ ते आसा रे मनो री इच्छा ये कि चाए आसे तेस साथे स्वर्गो रे रईये, चाए आसे एसा तरतिया पाँदे रईये पर आसे तेसखे खरे लगादे रईये। 10 कऊँकि जरूरी ए कि आसा सबी रा आल मसीह रे न्याय आसणो रे सामणे खुली जाओ, ताकि हर एक मांणु आपणे-आपणे खरे-बुरे कामो रा बदला, जो तिने शरीरो रे जरिए करी राखेया, पाओ। 11 तो प्रभुए रा डर मानी की आसे लोका खे सच्चो पाँदे विश्वास करने खे विनती कस्है और परमेशर आसा खे पूरिया तरअ ते जाणोआ और मेरी ये उमीद ए कि तुसा री समजे बी आसे अच्छी तरअ जाणी ले रे कि आसे केडे लोक ए। 12 आसे तेबे बी आपणी बड्याईया तुसा सामणे नि करदे, बल्कि आसे आपणे बारे रे तुसा खे कमण्ड करने रा मौका देऊँए, ताकि तुसे तिना खे जवाब दई सको, जो मनो पाँदे निए, बल्कि दखाऊटी गल्ला पाँदे कमण्ड करोए। 13 जे आसे ओशा रे निए, तो परमेशरो री खातर, और जे ओशा रे, तो तुसा री पलाईया री खातर ए। 14 कऊँकि मसीह रा प्यार आसा खे मजबूर करी देओआ। आसा खे ये पक्का विश्वास ए कि मसीह सबी री खातर मरेया, तो आसे सब पुराणे जीवनो खे मरी गे। 15

और मसीह सबी री खातर इजी खे मरेया ताकि जो जिझै ए, सेयो आगो खे आपणी खातर नि जियो, बल्कि तेसरी खातर, जो तिना री खातर मरेया और तेबे जिझै ऊआ। 16 तो आजो ते आसे केसी रा बी दुनिया रे मुताबिक न्याय नि करदे। आसे मसीह खे पईले दुनिया री नजरा ते देखेया, पर एबे आसे एडा नि करदे। 17 जे कोई मसीह रे विश्वास करोआ, तो से नई सृष्टि ए, पुराणिया गल्ला बीती गी रिया, देखो, सेयो सब नईया ऊईया रिया। 18 ये सब गल्ला परमेशरो री तरफा ते ए, जिने मसीह रे जरिए आपू साथे आसा रा मेल-जोल करी ता और मेल-जोलो री सेवा आसा खे सम्बाली ती री। 19 मतलब-परमेशर मसीह रे ऊई की आपणा दुनिया साथे मेल-जोल करी ला और लोका रे पापो रा दोष, तिना पाँदे नि लगाया और परमेशर मेल-जोलो रा संदेश आसा गे सम्बाली ता रा। 20 आसे मसीह रे राजदूत ए, मानो परमेशर आसा रे जरिए लोका ते आपणा संदेश मानणे खे बिनती करने लगी रा। आसे मसीह री तरफा ते बिनती कस्है कि परमेशरो साथे मेल-जोल करी लो। 21 मसीह निष्पाप था, पर परमेशर आसा खे तेसते पापिए जेडा बर्ताव कितेया ताकि आसे मसीह रे ऊई की परमेशरो री धार्मिकता बणी जाऊँ।

6 आसे परमेशरो साथे मिली की काम करने वाले ए और तुसा लोका

ते ये बिनती कस्है कि परमेशरो री कृपा जो तुसा पाँदे ऊई, तिजी खे बेकार नि जाणे देओ। 2 कऊँकि पवित्र शास्त्रो रे परमेशर बोलोआ, “सई बखतो पाँदे मैं तुसा री प्रार्थना सुणी ली और उद्धरो रे दिने मैं तुसा री मताद किती।” सुणो, एबु सई बखत ए, सुणो, एबु उद्धरो रा दिन ए। 3 आसे केसी बी गल्ला रे ठोकर खाणे रा कोई बी मोका नि देंदे, ताकि म्हारी सेवा पाँदे कोई दोष नि आओ। 4 पर आसे हर बखतो रे हर तरअ ते आपणे बर्ताव रे जरिए ये साबित कस्है कि सच्ची आसे परमेशरो रे अच्छे सेवक ए। आसे सब्रो साथे क्लेश सईन करने रे, गरीबिया रे, मुसीबता रे, 5 कोडे खाणे रे, कैद ऊणे रे, आल्लै-गोल्ले रे, मईनती रे, जागदे रणे रे, बअरत करने रे, 6 पवित्रता रे, ज्ञाने रे, सब्रो रे, कृपा रे, पवित्र आत्मा रे, सच्चे प्यारो रे, 7 सच्चो रे वचनो रे, परमेशरो री सामर्थ्य रे; आसा गे धार्मिकता रे अथियार ए जेते की आसे अमला बी करूँए और बचाव बी करूँए। 8 आदर और निरादरो रे, बुरे नाओं और सुनामो रे, आसा खे कपटी समजेया जाओआ, तेबे बी आसे सच बोलूँए। 9 कुछ लोक आसा खे जाणे-माणे रे समजोए ए, मरने वालेया जेडे ए, पर तेबे बी जिझै ए, मार खाणे वालेया जेडे ए, पर प्राणो ते मारे नि जांदे। 10 शोग करने वालेया जेडे ए, पर सदा खुरी मनाऊँ, आसे आपू कंगाल ए, पर बऊत जाणेया खे आतिमिकता दे अमीर बणाई देऊँए, आसे एडे ए, जेडा आसा गे कुछ निए तेबे बी सब कुछ राखोए। 11 ओ कुरिन्थियों रे विश्वासियो, आसे खुली कि तुसा साथे गल्ला करी राखिया, आसे तुसा ते खुले दिलो साथे प्यार कितेया। 12 तुसा री तंई म्हारे मनो रे कोई शक निए, पर तुसा रे मनो रेई आसा खे शक ए। 13 पर आपणे

बाल-बच्चे जाणी की तुसा खे बोलूँआ कि तुमें बी तिजी रे बदले आसा साथे प्यार राखो। 14 अविश्वासिया साथे लग जँगड़े रे नि जुड़ो, कऊँकि धार्मिकता और पापो रा क्या मेल-जोल? या जोति और न्हेरे री किंयाँ दोस्ती ऊई सकोई? 15 और मसीह रा शैतानो साथे क्या लगाव! या विश्वासियो साथे अविश्वासिया रा क्या नाता? 16 और मूर्तिया साथे परमेश्वरो रे मन्दरो रा क्या सलबंद? कऊँकि आसे तो किंजँदे परमेश्वरो रा मन्दर ए, जेडा परमेश्वरे पवित्र शास्त्रो रे बोली राखेया, “मां तिना लोका साथे रणा और तिना रे चलेया फिरेया करना; और आऊँ तिना रा परमेश्वर ऊणा और सेयो मेरे मांपूं ऊणे।” 17 इजी री खातर प्रभु बोलोआ, “अविश्वासिया बीचा ते निकलो और लग रओ; और अशुद्ध चीजा खे नि छूँओ, तो मां तुमें अपनागे। 18 आऊँ तुसा रा पिता ऊणा और तुमें मेरे माठे-बेटिया ऊणे। ये सर्वशक्तिमान् प्रभु परमेश्वरो रा वचन ए।”

7 तो ओ प्यारेझो! जबकि आसा खे यो वादे मिली रे, तो आओ, आसे आपणे आपू खे शरीर और आत्मा रे सब मईलो ते साफ कह्सें और परमेश्वरो रा डर और आदर करदे ऊए, पवित्रता री भरपूरिया तक पऊँछणे री कोशिश करदे रँझे। 2 आसा खे आपणे दिलो रे जगा देओ। आसे ना तो केसी साथे अन्याय कितेया, ना कोई बिगड़ेया और ना ई कोई ठगेया। 3 आऊँ तुसा पांदे दोष लगाणे खे नि लगी रा बोलाणे, कऊँकि आऊँ पईले ई बोली चुकेया रा कि तुमें म्हरे दिलो रे एडे बसी चुके रे कि आसे तुसा साथे मरने-जिउणे खे त्यार ए। 4 माखे तुसा पांदे बुक्त परोसा ए और आऊँ तुसा पांदे बडा कमण्ड करूँआ। आऊँ शान्तिया साथे परी गा रा, सारे क्लेशा रे आऊँ बडे मजे ते रँझूँआ। 5 जेबे आसे त्रोआस नगरो खे छाडी की मकिदुनिया प्रदेशो रे आए, तेबे बी आसा रे शरीरो खे चैन नि मिलेया, बल्कि आसा खे चँक करारे ते क्लेश मिलो था, बारे लड़ाईया थिया, पीतरे डरो रिया गल्ला थिया। 6 तेबे बी निराश लोका खे सुख-शान्ति देणे वाले परमेश्वरे तीतुसो रे आऊणे ते आसा खे शान्ति दिती। 7 और बस तेसे ई आऊणे तेई नि, बल्कि तेसरी तेसा शान्तिया ते बी, जो तेसखे तुसा री तरफा ते मिली थी और तिने तुसा री इच्छा, तुसा रे दुःख, और मेरिया तंई तुसा री धुना रा समाचार आसा गे सुणाया, जेते की माखे और बी खुशी ऊई। 8 हालाँकि मैं तुमें लोक आपणी तेसा चिट्ठिया ते दुःखी किरे, तेबे बी माखे तिजी ते पछतावा निया। जेडा कि पईले पछताऊँथा, कऊँकि आऊँ देखूँआ कि तिजी चिट्ठिया साथे तुसा खे दुःख तो ऊआ, पर से थोड़ी देरा खे था। 9 एबे आऊँ खुश ए। पर इजी री खातर नि कि तुसा खे दुःख ऊआ, बल्कि इजी री खातर कि तुमें तेस दुःखो री बजअ ते मन फिराया। तुसा रा दुःख परमेश्वरो री इच्छा रे मुताबिक था, ताकि म्हारी तरफा ते तुसा खे कोई नुकशाण नि पऊँछो। 10 से दुःख जो परमेश्वरो री भक्तिया री तरफा ते आओआ, तिजी रा नतीजा मन फिराणा और उद्धार ऊआ और एस दुःखो ते पछतावा नि पड़दा। बल्कि दुनिया रे लोका रा दुःख सदा री मौत पैदा करोआ। 11 त्यान देओ कि परमेश्वरो री भक्तिया री बजअ ते

आये रे दुःख तुमें पूरिया तरअ ते बदली ते। तिने तुसा रे उत्साह, आपू खे बेकसुर साबित करने री इच्छा, अन्याय रे खलाफ गुस्सा, मुसीबता रे बखते एडी चौकसी, मांते मिलणे री एडी इच्छा, सेवा रिया तंई एडी धुन और दुराचारिए खे डण्ड देणे रा बिचार पैदा कितेया। तुमें सबी प्रकारा ते ये सिद्ध करी की दखाई ता कि तुमें इना गल्ला ते निर्दोष ए। 12 तेबे मैं जो तुसा गे चिट्ठी लिखी थी, से ना तो तिजी बजअ ते लिखी, जिने अन्याय कितेया और ना ई तेसरी बजअ ते जेस पांदे अन्याय कितेया, बल्कि इजी री खातर कि तुसा रा उत्साह, जो आसा री खातर ए, से परमेश्वरो सामणे तुसा पांदे प्रगट ओ। 13 इजी ते आसा खे औंसला मिलेया। म्हरे एस औंसले साथे तीतुसो री खुशिया री बजअ ते और बी खुशी ऊई, कऊँकि तेसरा जिज तुसा सबी री बजअ ते अरा-परा ऊईगा रा। 14 कऊँकि जे मैं तेस सामणे तुसा रे बारे रे कुछ कमण्ड दखाया, तो शर्मिंदा नि ऊआ, पर जियाँ ई आसे तुसा गे सब गल्ला सच-सच बोलिया, तियाँ ई म्हारा कमण्ड दखाणा तीतुसो सामणे सच ऊआ। 15 और जेबे तेसखे तुसा सबी रे आजाकारी ऊणे री याद आओई कि किंयाँ तुमें डरदे और थरथरांदे ऊए तेसरा स्वागत कितेया, तो तेसरा प्यार तुसा खे और बी बड़दा जाओआ। 16 आऊँ एबे बुक्त खुश ए कऊँकि माखे तुसा पांदे पूरा परोसा ए।

8 एबे ओ साथी विश्वासियो! आसे तुसा खे परमेश्वरो री तेसा कृपा रा समाचार देऊँए, जो मकिदुनिया प्रदेशो री विश्वासी मण्डलिया रे ऊई री। 2 जेबे बुक्त मुसीबता रे जरिए तिना री परीक्षा ऊई, तेबे तिने तिदे बी बड़ी खुशी मानाई और बेशक सेयो बडे पारी गरीब थे तेबे बी तिने दूजे विश्वासिया री खुले दिलो पैसेया साथे मताद किती। 3 और तिना रे बारे रे मेरी ये गवाई ए कि तिने आपणी सामर्था ते, बल्कि आपणी सामर्था ते बी जादा आपणी इच्छा ते मताद किती। 4 तिने आपू ई आसा ते बार-बार बिनती किती कि यस्खलेन मगरो रे विश्वासिया री मताद करने खे आसा खे मौका मिलो। 5 और जेडी आसे उम्मीद किती थी, तेडी ई नि, बल्कि तिने सबी ते पईले आपणे आपू खे प्रभुए री सेवा करने खे देर्ता। तिजी ते बाद तिने आपणे आपू खे परमेश्वरो री इच्छा रे मुताबिक आसा खे देर्ता। 6 इजी री खातर आसे तीतुस समजयाया कि जेडा तिने पईले शुरूओ रे कितेया था, तेडा ई तुसा बीचे बी एस दानो रे कामो खे पूरा बी करी लो। 7 तो जेडा तुमें हर गल्ला रे मतलब-विश्वास, वचन, ज्ञान और सब प्रकारा री कोशिशा रे और तेस प्यारो रे, जो आसा साथे राखोए, बड़दे जाओए, तेडा ई गरीब विश्वासिया खे दान देणे रे बी बड़दे जाओ। 8 आऊँ आज्ञा री रीतिया पांदे नि, पर ओरी री खुशिया ते तुसा रे प्यारो री सच्चाई परखणे खे बोलूँआ। 9 तुमें म्हरे प्रभु यीशुए मसीह री कृपा जाणोए कि से अमीर ऊई की बी तुसा री तंई कंगाल बणीगा ताकि तेसरे कंगाल ऊणे ते तुमें अमीर बणी जाओ। 10 सबी ते पईले सिर्फ तुमें लोके ई पिछले साल जो दान देणे रा काम शुरू कितेया और जेतेरी योजना तुमें आपू ई बणाई थी। ये तुसा खे अच्छा ए और एसा गल्ला रे

आँऊ ये सलाह देंगे। 11 कि एबे एस कामो खे पूरा करो जो तुसे शुरू कित्तेया था। जेडी तुसा री इच्छा गरीब विश्वासिया री मताद करने खे पईले थी, तेडी ई एबे बी आपणी-आपणी सम्पत्तिया रे मुताबिक पूरी बी करो। 12 कऊँकि जे मनो री त्यारी ओ तो दान तेते मुताबिक लया जाओआ, जो तेसगे अया, ना कि तेते मुताबिक जो तेसगे अया नि। 13 आँऊ ये नि चांदा कि ओरी री पलाई करने री बजअ ते तुसा खे कष्ट ओ। पर सबी खे एक जेडा मिलणा चाईयो 14 पर बराबरिया रे बिचारो ते एस बखते तुसा री बड़दी तिना री किटिया रे कामे आओ, ताकि तिना री बड़दी बी तुसा री किटिया रे कामे आओ कि बराबरी ऊई जाओ। 15 जेडा पवित्र शास्त्रो रे लिखी राखेया, “जिने बजत कट्टा कित्तेया तेसरा कुछ जादा नि निकलेया और जिने थोड़ा कट्टा कित्तेया तेसरा तिजी तेई गुजारा ऊईगा।” 16 परमेश्वरो रा धन्यवाद ओ, जिने तुसा री खातर सेई उत्साह तीतुसो रे दिलो रे पाईता रा जो मादे था। 17 जेबे आसे तीतुसो खे तुसा गे जाणे खे बिनती कित्ती तेबे तिने म्हारी गल्ल मानी ली। बल्कि बजत उत्साही ऊई कि से आपणी इच्छा ते तुसा गे आउणे लगी रा। 18 और आसे तेस साथे एक ओर विश्वासी पाई पेजणे लगी रे जेसरा नाओं सुसमाचार फैलाणे रे बारे रे सबी मण्डलिया रे फैली गा रा। 19 और इतणा ई नि, पर से मण्डलिया ते ठईराया बी गया कि एस दानो रे कामो खे आसा साथे जाओ और आसे ये सेवा इजी री खातर करूँए ताकि प्रभुए री महिमा ओ और म्हारे मनो री त्यारी मताद करने खे सामणे आयी जाओ। 20 आसे एसा गल्ला रे चौकस रँझे कि साथी विश्वासिये खे तीतुसो साथे पेजी की एस उदारता ते दित्ते रे दानो रे बारे रे, जेसरी सेवा आसे करूँए, कोई आसा पाँदे दोष नि लगाई सको। 21 कऊँकि जो गल्ला बस प्रभुए रेई नेडे निए, बल्कि मांणूआ रे नेडे बी खरी ए, आसे तिना री चिन्ता करूँए। 22 इना ढूँई साथे आसे आपणा एक ओर विश्वासी पाई पेजणे लगी रे। जो आसे बार-बार परखी कि बजत गल्ला रे खुश पाया। पर एबे तुसा पाँदे तेसखे बजत विश्वास ए, इजी बजअ ते से और बी जादा खुश ए। 23 जे कोई तीतुसो रे बारे रे पूछो, तो से मेरा साथी, तुसा खे मेरा सहकर्मी और जे म्हारे विश्वासी पाईया रे बारे रे पूछो, तो सेयो मण्डलिया रे पेजे रे और मसीही री महिमा करोए। 24 तो आपणा घ्यार और आसा रा से कमण्ड जो तुसा रे बारे रे ए मण्डलिया रे सामणे तिना खे सिद्ध करी की बताओ।

9 यरुशलेमो री मण्डलिया रे विश्वासिया खे पैसेया साथे मताद करने री सेवा रे बारे रे माखे तुसा लोका खे लिखणा जरूरी निए। 2 कऊँकि आँऊ तुसा रे मनो री त्यारिया खे जांणूआ, जेतेरी बजअ ते आँऊ तुसा रे बारे रे मुकिदुनिया प्रदेशो रे लोका रे सामणे कमण्ड दखाऊँआ कि तुसे कुरून्थी लोक अखाया प्रदेशो रे एकी सालो ते त्यार ऊई रे और तुसा रे उत्साहे ओर बी बजत उभारी राखे। 3 पर आँऊ तीतुस और दो पाईया खे तुसा गे इजी खे पेजणे लगी रा कि आसे जो कमण्ड तुसा रे बारे रे दखाया, से एसा गल्ला रे बेकार नि ठाईरो, पर जेडा मैं बोलेया, तेडे ई तुसे यरुशलेमो रे विश्वासिया खे पैसे देणे खे त्यार रओ। 4 एडा नि ओ

कि जे कोई मुकिदुनीवासी मां साथे आओ और तुसा खे त्यार नि पाओ, तो क्या पता एस परोसे री बजअ ते जो आसा खे तुसा पाँदे ए शर्मिदा ऊणा पड़ो। पर तुसा खे ओर बी जादा शर्मिदा ऊणा पड़ना। 5 इजी री खातर मैं विश्वासी पाईया ते ये बिनती करना जरूरी समजेया कि सेयो पईले तेई तुसा गे जाओ और तुसा री उदारता रा फल जेतेरे बारे रे पईले तेई वचन दित्तेया था, त्यार करी की राखो कि ये दबाओ ते नि पर उदारता रे फलो जेडा त्यार ओ। 6 पर गल्ल तो ये कि जो थोड़ा बीजोआ, तेस थोड़ा ई बाडणा बी और जो बजत बीजोआ, तेस बजत बाडणा। 7 हर एक जणा जेडा मनो रे ठाणो तेडा ई दान करो, ना कि कुड़कुड़ाई की और ना दबाओ ते, कऊँकि परमेश्वर खुशिया ते देणे वालेया साथे प्यार राखोआ। 8 और परमेश्वर सब प्रकारो री कृपा तुसा खे बजत जादा देई सकोआ। जेते साथे हर गल्ला रे और हर बखते, सब कुछ, जो तुसा खे जरूरी ए, तुसा गे रओ और हर एक खरे कामो खे तुसा गे बजत कुछ ओ। 9 जेडा पवित्र शास्त्रो रे लिखी राखेया, “परमेश्वर खुले दिलो ते कंगाला खे दान देओआ, तेसरा तर्म सदा बगेया रा रणा!” (aiōn p165)

10 परमेश्वर ईए जो जिमीदारो खे बाणे खे बीजो रा और खाणे खे रोटिया रा इन्तजाम करोआ। तेस तुसा खे बी इन्तजाम करना और तुसे फलवंत करने, ताकि तुसे जरूरतमंद लोका खे खुले दिलो ते मताद करी सको। 11 तुसे लोक हर प्रकारा री आशीषा ते भरपूर ऊई जाणे। जेबे आसा तुसा रा दान बाँडणा तो बजत सारे लोका परमेश्वरो रा धन्यवाद करना। 12 ये सेवा पूरी करने ते, ना बस विश्वासी लोका रिया कमिया पूरिया ओईया, बल्कि तिना री तरफा ते परमेश्वरो रा बजत धन्यवाद ओआ। 13 कऊँकि दान देई की ओरी खे मताद करने री सेवा खे सबूत मानी की परमेश्वरो री महिमा सामणे आओई कि तुसे मसीह रा सुसमाचार मानी की तेसरे अधीन रओए और तिना री और सबी री मताद करने रे उदारता दखाओए। 14 सेयो तुसा खे परमेश्वरो ते प्रार्थना करोए और तुसा खे देखणे री इच्छा करोए। कऊँकि परमेश्वरे तिना खे आशीष देगे रे तुसा लोका रा इस्तेमाल करी राखेया। 15 परमेश्वरो रा तेसरे तेस दानो खे जो कईणे ते बारे ए, धन्यवाद ओ।

10 आँऊ पौलस तुसा खे मसीह री नम्रता और नरमाईया साथे मेरी गल्ला सुनणे खे बिनती करूँआ। माखे तुसा बीचे आजीर ऊणे पाँदे बोलणे रे डरोक और पीठी पीछे नडरा समजेया जाओआ। 2 आँऊ ये बिनती करूँआ कि जेबे आँऊ तेती तुसा गे आँऊ तो माखे तिना लोका खे जो ये सोचोए कि आसे दुनिया रे लोका रे मुताबिक चलणे वाले ए, से सखतयाई माखे दखाणी ना पड़ो जेतेरी मांते उम्मीद कित्ती जाओई। 3 हालाँकि आसे दुनिया रे चलूँ-फिरूँए, तेबे बी दुनिया रे लोका जेडे आसे दुश्मणा ते नि लड़दे। 4 कऊँकि म्हारी लड़ाईया रे अथियार दुनिया जेडे निए, पर दुश्मणा रे गढ़ो खे टालने खे परमेश्वरो रे सामर्थी अथियार ए। 5 तो आसे ख्यालो खे और हर एक ऊठी गल्ला खे कैद

करी की मसीह रा आज्ञाकारी बणाई देंगे। 6 और जेबे तुसे मसीह री आज्ञा पूरिया तरअ ते मानणे लगी जाओ, तो आसे हर एक तरअ री आज्ञा ना मानणे वालेया खे सजा देणे खे त्यार ए। 7 तुसे इना ई गल्ला खेई देखोए, जो आखी रे सामणे ए, जे केसी रा आपू पाँद ये विश्वास ओ कि आऊँ मसीह राए, तो से ये बी जापी लो कि जेडा से मसीह राए, तेडे ई आसे बी मसीह रे ए। 8 कऊँकि जे आऊँ तेस अक्को रे बारे रे ओर बी कमण्ड दखाऊँ, जो प्रभुए तुसा रे विश्वासो खे नाश करने खे नि, पर तुसा रे विश्वासो खे बडाणे खे आसा गे देई राखेया, तो आऊँ शर्मिंदा नि ऊण। 9 ये आऊँ इजी री खातर बोलूँआ कि चिट्ठिया रे जरिए तुसा खे डराणे वाला नि ठर्हूँ। 10 कऊँकि तुसा बीचा ते कुछ लोक बोलोए, “तेसरी चिट्ठिया तो दमदार और असरदार ए; पर जेबे देखोए तो से शरीरो रा कमजोर और बोलणे रे अलंका जाणोआ।” 11 तो जो लोक एड़ा बोलोआ, से ये समजी लो कि जेडा पीठी पीछे चिट्ठिया रे म्हारे वचन ए, तेडा ई तुसा रे सामणे म्हारे काम बी ऊण। 12 कऊँकि आसा रे ये इम्मत निए कि आसे आपणे आपू खे तिना बीचा ते एडे कितणेया साथे गिणिये या तिना साथे आपू खे मलाईये, जो आपणी तारीफ आपू करोए और आपू खे आपू बीचे नापी-तोली की एकी दूजे साथे मिली की मूर्ख ठराओए। 13 आसे तो कामो री सीमा ते बारे कदी बी कमण्ड नि करदे, पर तेसा ई सीमा तक जो परमेश्वरे आसा री तंई ठराई राखी और तिदे तुसे बी आईंगे रे और तिजी रे मुताबिक कमण्ड बी करूँग। 14 कऊँकि आसे आपणे कामो री सीमा ते बारे आपू खे बडाणा नि चांदे, जेडा कि तुसा तक पऊँछणे री दशा रे ऊँदा। आसे तुसा खे मसीह रा सुसमाचार सुनाणे खे सबी बाटा रिये ऊँदे ऊँदे कुरिन्थ नगरो रा सफर करने वाले पईले मांणू थे। 15 और आसे सीमा ते बारे ओरी री मईणता पाँद कमण्ड नि करदे, पर आसा खे उम्मीद ए कि जिंयाँ-जिंयाँ तुसा रा विश्वास बड़ा जाणा, तिंयाँ-तिंयाँ आसे आपणी सीमा रे मुताबिक तुसा री बजअ ते ओर बी लोका तक पऊँछंदे जाणे, 16 ताकि आसे तुसा री सीमा ते आगे बड़ी की दूर-दूर जगा रे बी सुसमाचार सुणाई। कऊँकि ये निए कि आसे ओरी री सीमा रे पीतरे बणे-बणाए कामो पाँद कमण्ड करिए। 17 जेडा कि पवित्र शास्त्र बोलोआ, “जो कमण्ड करो, से सिर्फ प्रभुए पाँद कमण्ड करो।” 18 कऊँकि जो आपणी तारीफ करोआ, से नि, बल्कि जेसरी तारीफ प्रभु करोआ, सेई ग्रहण कित्तेया जाओआ।

11 तुसे ओरी लोका री जो आपणे बारे रे खरिया गल्ला बोलोए तिना खे सईन करी लओए। आऊँ बी ये उम्मीद करूँआ कि तुसे मेरी बी थोड़ी जी मूर्खता सईन करी लओ। 2 जिंयाँ परमेश्वर त्यान राखोआ तिंयाँ ई आऊँ तुसा रे बारे रे चिन्ता करूँआ। तुसे एक पवित्र कुआँरिया जेडे ए जो मैं एकलौते लाडे यीशु मसीह खे देणे खे चुणी राखे। 3 पर आऊँ डरूँआ कि जेडे शैताने सापो रे रूपो रे पईली जवाणस हव्वा बईकाई, तेडे ई तुसा रे मन तेसा सिधाईया और पवित्रता ते जो मसीह साथे ऊणी चाईयो, केथी प्रथ नि करे जाओ। 4 जे कोई तुसा गे आयी की केसी दूजे यीशुए रा प्रचार करो, जेतेरा प्रचार आसे नि कित्तेया; या कोई और ई

आत्मा तुसा खे मिली जाओ, जो पईले नि मिलेया था; या और ई कोई सुसमाचार सुणाओ जो तुसे पईले नि मानी राखेया ओ, तो तुसा रा इना शिक्षा खे मानणा ग़लत ए। 5 आऊँ तो समजूँआ कि आऊँ किजी बी गल्ला रे तिना ते जो आपणे आपू खे बडा प्रेरित समजोए कम निया। 6 जे आऊँ बोलणे दे अनाडी ए, फेर बी माखे मसीह और सुसमाचारो रे बारे रे ज्ञान ए। आसे इजी रा सबूत हर प्रकारा री गल्ला दे सिखाणे रे जरिए देईता रा। 7 क्या इदे मैं कुछ पाप करेया कि मैं तुसा खे परमेश्वरो रा सुसमाचार मुफ्त सुणाया और आपणे आपू खे नीच करेया, ताकि तुसे ऊच्चे ऊई जाओ? 8 तुसा लोका री मुफ्तो रे सेवा करने खे मैं ओरी मण्डलिया ते आपणा जीवन चलाणे खे दान लया तुसे एडा नि बोलो कि मैं सेयो लूटिटे। 9 जेबे आऊँ तुसा साथे था और माखे पैसेया री जरूरत ऊई, तो मैं केसी पाँद पाअर नि दिनेया। कऊँकि विश्वासी पाईए मकिनिया प्रदेशो ते आयी कि मेरी पैसेया री जरूरत पूरी कित्ती। मैं हर गल्ला रे आपू खे तुसा पाँद पाअर ऊणे ते रोकेया और रोकेया रा राख्यूँगा। 10 जे मसीह री सच्चाई मांदे आए, तो अखाया प्रदेशो रे कोई माखे इजी पाँद कमण्ड करने ते नि रोकी सकदा। 11 मैं तुसा रे पैसे कऊँ नि लये? क्या इजी खे कि आऊँ तुसा खे प्यार नि करदा? परमेश्वर ये जाणोआ कि आऊँ प्यार राख्यूँआ। 12 पर जो आऊँ करूँआ, सेई करदा रणा ताकि जो लोक मोका टोलोए, तिना खे मां मोका नि देणा, ताकि सेयो तिना कामा रे कमण्ड नि करो, कि तिना रा काम आसा जेडा ईए। 13 कऊँकि एडे लोक चूठे प्रेरित, तोखे साथे काम करने वाले और मसीह रे प्रेरित ऊणे रा ढोंग करोए। 14 और ये कुछ अचम्बे री गल्ल निए कऊँकि शैतान आपू बी ज्योतिर्मय स्वर्गदूत ऊणे रा ढोंग करोआ। 15 तो जे शैतानो रे सेवक बी तर्मी सेवको जेडे ऊणे रा ढोंग करोए, तो कोई बड़ी गल्ल निए, पर तिना रा अंत तिना रे कामो रे मुताबिक ऊणा। 16 आऊँ फेर बोलूँआ कि कोई माखे मूर्ख नि समजो। पर जे तुसे आऊँ एडा मानी ला रा तो माखे मूर्ख ई समजी की सईन करी लो, ताकि आऊँ बी थोड़ा जा कमण्ड करूँ। 17 इजी रे बारे रे आऊँ जो कुछ बोलूँआ से प्रभुए री आज्ञा रे मुताबिक निए, पर न समजो रे मुताबिक नशंग कमण्डो ते बोलूँआ। 18 जबकि बऊत लोक दुनिया रे लोका रे मुताबिक कमण्ड करोए, तो मां बी कमण्ड करना। 19 तुसे तो समजदार ऊई की खुशिया साथे मुर्खी री सईन करी लओए। 20 कऊँकि जेबे तुसा खे कोई दास बणाई लओआ या तुसा गे जो कुछ बी ओ से बी लई लओआ, या तोखा दई की फाईदा लई लओआ, या आपणे आपू खे तुसा ते बडा बणाई देओआ, या तुसा रे मुंओ पाँद थप्पड बाओआ, तो तुसे सधी लओए। 21 शायद माखे शर्मिंदा ऊणा चाईयो कि माखे तुसा लोका साथे एडा बर्ताव करने री इम्मत नि ऊई। पर जेसा केसी गल्ला रे कोई कमण्ड करोआ आऊँ मूर्खताईया रे बोलणे लगी रा कि आऊँ बी कमण्ड करी सकूँआ। 22 क्या सेयो ई इडानी ए? आऊँ बी ए। क्या सेयो ई इस्साएली ए? आऊँ बी ए। क्या सेयो ई अब्राहमो रे वंशो रे ए? आऊँ बी ए। 23 क्या सेयो ई मसीह रे सेवक ए? आऊँ पागलो जेडा बोलूँआ, पर आऊँ तिना ते केथी

बढ़ी की सेवक ए। मैं तिना ते केथी जादा मईणत करी राखी, तिना ते जादा आँऊ बार-बार जेला रे गया, कई बार कोड़े खाइ राखे, जादातर मेरे ई प्राण मुसीबता रे पड़ी रे। 24 पाँज बार मैं यहूदी अगुवे रे आथो साथे ऊँताली-ऊँताली कोड़े खाए। 25 तीन बार मैं डण्डे खाए, एक बार मां पाँदे पात्थर बाए, तीन बार जाह्नो रे जिना पाँदे आँऊ चेद्या था, टूटी गे, एक दिन और एक रात मैं समुद्रे रे बिताया। 26 आँऊ बार-बार सफरो रे, नदिया रे खतरेया रे, डाकूआ रे खतरेया रे, आपणी जाति वालेया रे खतरेया रे, दूजी जातिया रे खतरेया ते, नगरो रे खतरेया रे, सुणसाण जगा रे खतरेया रे, समुद्रे रे खतरेया रे, चूठे विश्वासी पाईया बीचे खतरेया रे रया। 27 मैं सख्त मईणत कित्ती और बऊत राती जागदे ऊए बिताई माखे बार-बार खाणे खे रेटी नि मिली। पूख-त्याय, सेला और टालेया री कमी इना सबी तकलीफा खे सईन करदा रया। 28 और ओरी गल्ला खे छाडी की जिना रे बारे रे आँऊ नि बतांदा, सबी मण्डलिया री चिन्ता माखे हर रोज दबाओ थी। 29 जेबे कोई कमजोर ओआ तो आँऊ बी कमजोरी महसूस करूँगा। जेबे कोई पापो रे पड़ोआ तो मेरा जिल बऊत दुःखी ओआ। 30 जे कमण्ड करना जसरी ए, तो मां आपणी कमजोरिया री गल्ला पाँदे करना। 31 प्रभु यीशु मसीह रा पिता परमेश्वर जो सदा धन्य ए, जाणोआ कि आँऊ छू नि बोलदा। (alön g165) 32 जेबे आँऊ दमिश्क नगरो रे था तो अरितास राजे रे राज्यपाले माखे पकड़ने खे दमिश्क नगरो रे पईरा बठयाली ता 33 और आँऊ टोकरिया रे दवारिया ते ऊई की पीतो पाँदा ते त्वरेया और तेसरे आथो ते बची की निकली गा।

12 त्वालिया देणे ते कुछ बी फाईदा निए, तेबे बी माखे एड़ा करना पड़ोआ।

आँऊ प्रभुए रे दित्ते रे दर्शन और परकाशनो री चर्चा करूँगा। 2 आँऊ चौदा साल पईले स्वर्मो रे चक्की ता। चाए आँऊ आपणे शरीरो रे या आपणे शरीरो रे बारे था आँऊ नि जाणदा परमेश्वर ई जाणोआ। 3 आ, सिर्फ परमेश्वर ई जाणोआ कि आँऊ शरीरो रे था या शरीरो ते बारे था। पर आँऊ जांपूआ 4 कि आँऊ स्वर्म रे चक्की ला था। मैं तेती एड़िया नैखिया गल्ला सुणिया जिना खे शब्दा रे जरिए नि बोली सकदे और जिना रा मुंओ रे ल्याऊणा मांपूआ खे ठीक निए। 5 इना गल्ला पाँदे कमण्ड करना ठीक ए, पर आँऊ एड़ा करने वाला निए। मां सिर्फ आपणी कमजोरिया पाँदे कमण्ड करना। 6 जे आँऊ कमण्ड करना चाँऊ बी तो मूर्ख नि ऊणा, कऊँकि सच बोलूँगा। पर आँऊ आपणे आपू खे कमण्ड करने ते रोकूँगा। कऊँकि लोक जेडी मेरी जिन्दगिया खे देखोए और मांते उपदेश सुणोए तिजी ते जादा बढ़ी की माखे कुछ बी नि समजो। 7 माखे परमेश्वरे बऊत ई नैखिया गल्ला दखाईया। आँऊ इना गल्ला पाँदे कमण्ड नि करूँ इजी खे मेरे शरीरो रे एक कांडा चुबाई राखेया। से कांडा शैतानो रा दूत ए से माखे तकलीफ देंदा रओआ कि आँऊ कमण्ड नि करूँ। 8 इजी रे बारे रे मैं प्रभुए ते तीन बार बिनती कित्ती कि ये मांते दूर ऊई जाओ। 9 प्रभुए माखे बोलेया, “मेरी कृपा ताखे बऊत ए; कऊँकि मेरी सामर्थ कमजोरिया रे बऊत अच्छा काम करोई।” इजी री खातर आँऊ बड़ी खुशिया साथे आपणी

कमजोरिया पाँदे कमण्ड करूँगा ताकि मसीह री सामर्थ मां पाँदे छाँए करदी रओ। 10 इजी बजअ ते आँऊ मसीह री खातर कमजोरिया रे, निन्दा रे, गरीबिया रे, उपद्रवो रे और मुसीबता रे खुश ए; कऊँकि जेबे आँऊ कमजोर ओऊँआ, तेबे मसीह री सामर्थ ते तागतबर ओऊँआ। 11 आँऊ मूर्खता री गल्ला करूँगा, पर तुसे लोके ई मांते ये जबरदस्ती कराया। तुसा तो मेरी सपारिश करनी चाईए थी, हालाँकि आँऊ कुछ पनिए, तेबे बी तिना बड़ेया ते बड़े प्रेरित बोलणे वालेया ते किंजी गल्ला रे बी कम निए। 12 जेबे आँऊ तुसा साथे था तो मैं तुसा खे प्रेरित ऊणे रा प्रमाण दितेया। मैं सब्रो साथे तुसा बीचे चिह्न, अचम्बे रे काम और सामर्थ रे काम दखाए। 13 ओरी मण्डलिया रे मुकाबले रे तुसा लोका रे किंजी गल्ला री कमी रईँगी? आ, आँऊ तुसा लोका पाँदे बोज नि बगेया। तुसे मेरा ये अन्याय माफ करेयो। 14 देखो, आँऊ तीजी बार तुसा गे आँऊणे खे त्याए ए और मां तुसा पाँदे कोई बोज नि राखणा। कऊँकि आँऊ तुसा री सम्पति नि, बल्कि तुसा खई चाऊँआ। कऊँकि बच्चेया, माया-बाबा खे पैसा कट्टा नि करना चाईयो, पर माया-बाबा, बच्चेया खे पैसा कट्टा करना चाईयो। 15 मां तुसा लोका रिया तंई बड़ी खुशिया साथे खर्च करना, और आपणे प्राण बी तुसा खे दई देणे। क्या जितणा जादा आँऊ तुसा साथे प्यार राखूँगा, तिथाना ई कटीटी की तुसे बी मांते प्यार राखोगे? 16 फेर बी तुसा खे ये मानणा पड़ना कि आँऊ तुसा लोका पाँदे बोज नि बोणेया, पर एड़ा ऊई सकोआ कि कोई बोलो कि मैं चलाकिया ते तुसे तोखा दई कि फसाई ले। 17 तुसे ई बताओ जो लोक मैं तुसा गे पेजे, क्या तिना लोका बीचा ते किने बी तोखा करी की तुसा ते कुछ गलत फाईदा लया? 18 मैं तीतुसु खे समजाई की तेस साथे से पाई ऐजेया, तो क्या तीतुसे तोखा करी की तुसा ते कुछ गलत फाईदा लया? क्या आसे एक ई पवित्र आत्मा रे चलाए नि चले? क्या एक ई बाटा रे नि चलिए? 19 पर तुसे एबुए तक समजणे लगी रे ऊगे कि आसे तुसा सामणे जवाब देणे लगी रे। आसे तो परमेश्वरो खे आजीर जाणी की मसीह रे बोलूँग। ओ प्यारेओ, सब गल्ला तुसा रे विश्वासी री बड़ोतरिया खे बोलूँग। 20 कऊँकि माखे डर ए कि केथी एड़ा नि ओ कि आँऊ आईकि चगड़ा, जलन, रोष, बिरोद, ईर्ष्या, चुगली, कमण्ड और बखेड़े पाऊँ 21 और केथी एड़ा नि ओ कि जेबे आँऊ वापस आँऊ तो मेरा परमेश्वर माखे तिना सामणे शर्मिंदा नि करी देओ और माखे बऊत जणेया खे फेर शोग करना पड़ो, जिने पईले पाप कित्तेया था और गन्दे काम, व्याभिचार, लीचडपण ते, जो तिने कित्तेया, मन नि फेरेया।

13 एबे तीजी बार आँऊ तुसा लोका गे आउणे वाला ए। पवित्र शास्त्र बोलोआ, “दो या तीन गवाओ री गवाईया रे जरिए हर एक गल्ल साबित कित्ती जाओ।” 2 जेडा जेबे आँऊ दूजी बार तुसा साथे था, तो तेडा ई एबे दूर रंदे ऊए तिना लोका खे जिने पईले पाप कित्तेया और बाकि सबी लोका खे एबे पईले तेर्दी बोली देऊँआ कि जे आँऊ फेर

आँऊंगा, तो सजा दिने बिना छाढ़ूंगा नि। ३ आँऊ तुसा ते बोलूँआ कि
तुसे तो इजी रा सबूत चाओए कि मसीह मेरे जरिए बोलोआ। तुसा खे
सुदारने खे मसीह कमजोर निए, पर तुसा रे सामर्थी ए। ४ से कमजोरिया
री बजअ ते क्रूसो पाँद चढाया तो गया, तेबे बी परमेश्वरो री सामर्था ते
जिङ्डा ए। आसे बी तो तेसदे कमजोर ए, पर परमेश्वरो री सामर्था ते
जो तुसा खे ए, तेस साथे जिझणे। ५ आपणे आपू खे परखो कि तुसे
विश्वासो रे आए कि नि। आपणे आपू खे परखो, क्या तुसे आपणे बारे रे
ये नि जाणदे कि यीशु मसीह तुसा रे ए? नई तो तुसे परखणे रे नक्कमे
निकली रे। ६ पर मेरी उम्मीद ए कि तुसे जाणी लो कि आसे नक्कमे नि
निकले। ७ और आसे आपणे परमेश्वरो ते प्रार्थना करूँए कि तुसे कोई
बुराई नि करो; इजी खे नि कि आसे खरे दिखूँ, पर आसे एड़ा ई चाऊँए
कि तुसे पलाई करो, चाए आसे नक्कमे ई ठईरूँ। ८ कऊँकि आसे सच्चो
रे बिरोदो रे कुछ नि करी सकदे, पर सच्चो साथे सदा खडे रई सकूँए। ९
जेबे आसे कमजोर ए और तुसे तागतबर ए, तो आसे खुश ओऊँए और
ये प्रार्थना बी करूँए कि तुसे विश्वासो रे मजबूत ऊई जाओ। १० येई
बजअ ए कि आँऊ तुसा गे आऊणे ते पईले इना सारी गल्ला खे लिखूँआ
ताकि माखे आपणे अकको रा इस्तेमाल करी की तुसा खे सजा देणे रे
जरूरत नि पड़ो, से अकक माखे परमेश्वरे देई राखेया। कऊँकि आँऊ
आपणा अकक तुसा रे विश्वासो खे मजबूत करने खे चाऊँआ न कि तिजी
खे नाश करने खे। ११ ओ साथी विश्वासियो, आँऊ इना शब्दा साथे
आपणी चिट्ठी बन्द करूँआ। खुश रओ, सिद्ध बणदे जाओ, एकी दूजे खे
ऑसला देंदे रओ, एक ई मन राखो, मेल-मिलापे साथे रओ। तेबे प्यार
और शान्तिया रा परमेश्वर तुसा साथे रण। १२ एकी-दूजे खे प्यारो साथे
गले मिली की नमस्कार करो। १३ सब परमेश्वरो रे पवित्र लोक तुसा खे
नमस्कार करोए। १४ प्रभु यीशु मसीह री कृपा, परमेश्वरो रा प्यार और
पवित्र आत्मा री सहभागिता तुसा सबी साथे ऊँदी रओ।

ગલાતિયોં

1 યે ચિઠ્પી માં પ્રેરિત પૌલુસો રી તરફા તે એ। આંકું પ્રેરિતોને રે તૌરો પાંડે ના તો કેસી માણૂઝા રી ટોલિયા રી તરફા તે એ ઔર ના ઈ કેસી માણૂઝ રે જરિએ જારિપ ચુણી રાખેયા। પર પરમેશર પિતે રે જરિએ ઔર યીશુ મસીહ રે જરિએ જો મરે રેયા બીચા તે જિંદા ઊર્જા, આંકું પ્રેરિત ચુણી રાખેયા। 2 ઔર યે ચિઠ્પી માં સાથે રણે વાળો સારે વિશ્વાસી પાઈયા રી તરફા તે ગલાતિયા પ્રદેશો રી મણડલિયા ખે પેજણે લાખી રે। 3 આંકું વિનતી કરુંા કિ પરમેશર પિતા ઔર મ્હારે પ્રભુ યીશુ મસીહ રી તરફા તે તુસા ખે કૃપા ઔર શાન્તિ મિલદી રાંઓ। 4 આસા રે પિતા પરમેશરો રી ઇચ્છા રે મુતાબિક વીશુ મસીહે આપણે આપૂ ખે આસા રે પાપો રી ખાતર બલિદાન કરી તા તાકિ આસે એસા આજ કી દુનિયા રે લોકા રે બુરે કામા તે બચી રઈએ। (aión g165) 5 પરમેશરો રી સુત્તિ ઔર મહિમા જુગો-જુગો તક ઊંદી રાંઓ। આમીન। (aión g165) 6 માખે યે ગલ્લ જાણી કિ બુઝત ઈ દુખ ઊંદા કિ તુસે પરમેશરો તે જિને તુસે મસીહ રી કૃપા તે બુલાએ, તેસે તુસે ઇટિણી ચટ પટ્કણ ગે। ઔર તુસે ઔર ઈ પ્રકારા રી શિક્ષા રી તરફા ખે ચુકણે લગે, જેતેખે કુછ લોક સુસમાચાર બોલોએ। 7 પર સચ તો યે એ કિ દૂજા સુસમાચાર અય્ય ઈ નિ। પર ગલ્લ યે એ કિ કુછ લોક એડે એ, જો તુસા ખે બઢી ઉલ્જણા દે પાઈ દેઓએ ઔર મસીહ રે સુસમાચારો ખે બિગાડના ચાઓએ। 8 પર જે આસે યા સ્વર્ગો તે કોઈ સ્વર્ગદૂત બી તેસ સુસમાચારો ખે છાડી કી જો આસે તુસા ખે સુણાયા, કોઈ ઓર સુસમાચાર તુસા ખે સુણાઓ, તો સે પરમેશરો રી તરફા તે સાપિત એ। 9 જેડા આસે પઈલે બોલી ચુકી રે, તેડા ઈ આંકું એવે ફેર બોલુંઝા કિ તેસ સુસમાચારો ખે છાડી કી જો તુસે માની રાખેયા, જે કોઈ ઓર સુસમાચાર સુણાઓઆ, તો સે પરમેશરો રી તરફા તે સાપિત એ। 10 યે ગલ્લ બિલ્કુલ સાફ એ કિ આંકું માણૂઝા ખે ખુશ કરને રી કોશિશ નિ કરદા, પર આંકું પરમેશરો ખે ખુશ કરના ચાંદ્યાા। જે આંકું એબુએ તક માણૂઝા ખે ખુશ કરદા રંદા, તો મસીહ રા દાસ નિ ઊંદા। 11 ઓ સાથી વિશ્વાસીયો! આંકું તુસા ખે બતાઈ દેઊા કિ જો સુસમાચાર મેં સુણાઈ રાખેયા, સે કેસી માણૂઝા રે દમાકો રી ઊપજ નિએ। 12 કંઝકિ સે માંગે કેસી માણૂઝા રી તરફા તે નિ પંછેયા ઔર ના ઈ કિને માણૂઝ માખે સિખાયા। પર માખે યે સદેશ સીદા ઈ યીશુ મસીહ રી તરફા તે મિલી રા। 13 તુસે સુણી ચુકી રે કિ યહૂદી મતો રે પઈલે મેરા કેડા ચાલ-ચલણ થા કિ આંકું પરમેશરો રી મણડલિયા ખે બુઝત જાદા સાતાં થા ઔર નાશ કરને રી કોશિશ કરદા રક્ખ થા। 14 આંકું આપણે સાથી યહૂદી પાઈયા તે જાદા યહૂદી મતો રે આગે બડાદા જાંદી થા ઔર આપણે બાપ-દાદેયા રે રીતિ-રવાજા ખે બુઝત ઈ તનો-મનો તે માનો થા। 15 પર પરમેશરો રી જિને આંકું મેરી આમ્મા રે ગર્ભો તેઈ ઠરાયા ઔર આપણી કૃપા તે બુલાઈ લા। 16 જેવે ઇચ્છા ઊર્જ કિ માંદે આપણે પુત્રો ખે પ્રગટ કરો, તાકિ આંકું દુજિયા જાતિયા રે તેસરા સુસમાચાર સુણાં, તો આંકું તેબું કેસી બી માણૂઝા ગે નિ ગયા કિ તિના રા સન્દેશ પાંડું, 17 ઔર ના યરુશલેમો રે તિના ગે ગયા, જો માંતે પઈલે પ્રેરિત ચુણે જાઈ ચુકે થે, પર ફટાફટ અરબ દેશો ખે ચલી ગા ઔર તેબે તેથા તે દમિશક નગરો ખે વાપસ આઈએ। 18 તેબે તીન સાલ બાદ આંકું પ્રેરિત પતરસો ખે મિલાણે ખે યરુશલેમ નગરો રે ગયા ઔર તેસ સાથે પંદ્રા દિના તક રયા। 19 પર આંકું પ્રભુએ રે પાઈ પ્રેરિત યાકુબો ખે છાડી કી કેસી ઓરો પ્રેરિતા ખે નિ મિલેયા। 20 જો ગલ્લા આંકું તુસા ખે લિખુંઝા, દેખો, પરમેશરો ખે આજીર જાણી કી બોલુંઝા કિ સેયો ચૂઠિયા નિએ। 21 યરુશલેમ નગરો ખે છાડળે તે બાદ આંકું સીરિયા ઔર કિલિકિયા રે દેશો રે આયા। 22 પર માં સાથે યહૂદિયા પ્રદેશો રે રોણ વાળે મસીહ વિશ્વાસીયા રી મણડલી એબુએ તક નિ મિલી થી। 23 પર યેઈ સુણેયા કરો થી કિ એક બખત થા જેવે સે આસા ખે પઈલે સત્તાયા કરો થા, સે એવે તેસ ઈ વિશ્વાસો રા સુસમાચાર સુણાઓઆ, જેતેખે પઈલે નાશ કરને રી કોશિશ કરો થા 24 ઔર સેયો લોક મેરે બારે રે પરમેશરો રા ધન્યવદ કરદે રાંઓએ કક્ઝકિ પરમેશરો આંકું મણડલિયા ખે સત્તાણે વાળે તે બદલી કિ મસીહ રા વિશ્વાસી બણાઈતા।

विश्वासिया री मताद करिए और एस ई कामो खे करने री आँऊ आपू बी कोशिश करने लगी रा था। 11 पतरसो रा अन्ताकिया नगरो रे आऊणे ते बाद एक दिन मैं तेसरा लोका रे सामणे बरोद कित्तेया, कऊँकि जो से करने लगी रा था से गलत था। 12 से पहिले दुजिया जातिया साथे रेटी खाया करो था, पर जेवे याकूबी री तरफा ते कुछ यहूदी लोक आये, तो खतना कित्ते रे यहूदी लोका रे डरो रे मारे से तिना ते पीछे आटीगा और कनारा करने लगेया। 13 और तेस साथे बाकि यहूदी विश्वासिये बी कपट कित्तेया, एथो तक कि बरनवास बी तिना रे कपटो रे पड़ी गा। 14 पर जेवे मैं देखेया कि सेयो सुसमाचारो री सच्चाईया पाँदि सीढी चाल नि चलदे, तो मैं सबी सामणे पतरसो खे बोलेया, “जेवे तूँ यहूदी ऊँई की दुजिया जातिया जेडे चलेया और यहूदिया जेडा निए, तो तूँ दुजिया जातिया खे यहूदिया जेडे चलणे खे कऊँ बोलेया? 15 “आसे जो जन्मो रे यहूदी ए और ‘पापी दूजी जाति’ निए, जेडा कि आसे यहूदी तिना खे दुजिया जातिया रे बोलोए। 16 तेवे बी आसे ये जाणूँए कि माणूँ मूसे रा बिधानो रे कामो ते तर्मी नि ठईरदा। पर बस यीशु मसीह पाँदि विश्वास करने ते तर्मी ठईरो। आसे आपू बी यीशु मसीह पाँदि विश्वास कित्तेया, कि आसे बिधानो रे कामो ते नि पर मसीह पाँदि विश्वास करने ते तर्मी ठईरूँ। कऊँकि बिधानो रे कामो ते कोई माणूँ तर्मी नि ठईरना। 17 “कुछ यहूदी सोचोए कि बस यीशु मसीह पाँदि विश्वास करी की आसे पाप कित्तेया। कऊँकि आसे तर्मी बणने खे बिधानो खे मानणे री बजाये बस मसीह पाँदि विश्वास करूँए। तो क्या मसीह पापो रा पालण-पोषण करने वाले ए? कदी पनि! 18 पर जे आँऊ फेर सेई बिधानो खे मानणे रा काम करूँ जो मैं छाडीता था, तो आपणे आपू खे अपराधी ठाराऊँआ। 19 “कऊँकि आँऊ तो बिधानो रे जरिए बिधानो खे मरी गा, तकि आँऊ परमेशरो री खातर जिऊँ। 20 आँऊ मसीह साथे कूऱ्सो पाँदि चढ़ाया। आँऊ एबे जिऊँदा नि रया, पर मसीह मांदे जिऊँदा ए। आँऊ शरीरो रे जो एबु जिऊँदा ए, तो बस तेस विश्वासो ते जिऊँदा ए, जो परमेशरो रे पुत्रो पाँदि ए, जिने माखे प्यार कित्तेया और मेरी खातर आपू खे देईता। 21 आँऊ परमेशरो री कृपा बेकार नि ठाराई सकदा। जे बिधानो रे जरिए धार्मिकता ऊँदी, तो मसीह रा मरना बेकार ऊँदा।”

3 ओ नासमज गलातिया रे रणे वालेयो! तुसे किने मोही ले? मैं तुसा लोका खे यीशु मसीह खे कूऱ्सो पाँदि चढ़ाए जाणे रा मतलब साफ-साफ समजाईता था जियां मानो तुसा री आखी सामणे से कूऱ्सो पाँदि चढ़ाई राखेया ओ। 2 आँऊ तुसा ते बस ये पूछणा चाऊँआ कि क्या तुसे पवित्र आत्मा मूसा रे बिधानो खे मानणे ते पाया? बिल्कुल नि! बल्कि तुसे यीशु मसीह रे सुसमाचारो पाँदि विश्वास करने ते पवित्र आत्मा पाया। 3 क्या तुसे एडे नासमज ए कि पवित्र आत्मा री रीतिया ते शुरु करी की एबे शरीरो री रीतिया पाँदि अंत करना? 4 क्या तुसे विश्वासो रे आऊणे ते बाद इतणा दुःख ईयां ई उठाया? पर कदी बी बेकार नि। 5 आँऊ तुसा ते फेर पूछणा चाऊँआ कि परमेशर जो तुसा खे पवित्र आत्मा देऊआ और तुसा बीचे सामर्था रे काम करोआ, क्या से एडा इजी खे करोआ

कि तुसे बिधानो खे मानोए या तुसे सुसमाचारो पाँदि विश्वास कित्तेया इजी खे एडा करोआ? 6 पवित्र शास्त्रो रे बोली राखेया, “अब्राहमे परमेशरो पाँदि विश्वास कित्तेया और ये तेसर्वे धार्मिकता गिणी गयी।” 7 तुसे एसा गल्ला खे जाणी लो कि जो लोक अब्राहमो जेडे परमेशरो रे विश्वास करोए सेयो लोक ई अब्राहमो री असली ल्वाद ए। 8 और पवित्र शास्त्रे पहिले ई ये जाणी की कि परमेशरो दूजी जाति विश्वासो रे जरिए तर्मी ठाराणी, पहिले तेर्ई अब्राहमो खे ये सुसमाचार दितेया, “तेरे जरिए तरतिया री सबी जातिया आशीष पाणी।” 9 तो जो लोक अब्राहमो जेडे परमेशरो रे विश्वास करोए सेयो विश्वास करने वाले लोक अब्राहमो जेडे आशीष पाओए। 10 तो जितणे लोक बिधानो रे कामो पाँदि विश्वास राखोए, सेयो सब सापो रे अधीन ए, कऊँकि लिखी राखेया, “जो कोई बिधानो री कताबा रे लिखी रिया सब गल्ला रे करने रे स्थिर नि रंदा, से श्रापित ए।” 11 पर ये गल्ल प्रकट ए कि कोई बी माणूँ बिधानो रे जरिए परमेशरो गे तर्मी नि ठईरदा। कऊँकि पवित्र शास्त्रो रे लिखी राखेया, “तर्मी माणूँ विश्वासो रे जरिए जिऊँदा रणा।” 12 पर मूसा रे बिधानो रा विश्वासो साथे कोई रिश्ता निए, कऊँकि पवित्र शास्त्रो रे लिखी राखेया, “जो इना सबी गल्ला खे मानोगा, से तिना री बजअ ते जिऊँदा रणा।” 13 पर मसीहे आसे तेस श्रापो ते छुड़ाईते जो बिधान ना मानणे ते आसे खे मिलोआ। आपू ई मसीह म्हरे पापो रा श्राप आपू पाँदि लयी की कूऱ्सो पाँदि मरेया। कऊँकि पवित्र शास्त्रो रे लिखी राखेया, “जो कोई काठो पाँदि लटकाया जाओ आ से श्रापित ए” 14 ये इजी री खातर ऊआ, ताकि अब्राहमो री आशीष मसीह यीशुए रे दुजिया जातिया तक पऊँछो और आसे विश्वासो रे जरिए तेसा पवित्र आत्मा खे पाऊँ, जेतेरा वादा ऊई रा। 15 ओ साथी विश्वासियो, आँऊ माणूँए री रीतिया पाँदि बोलूँआ कि केसी माणूँआ रा वसीयतनामा पक्का ऊई जाणे ते बाद ना तो तिजी खे कोई रद्द करी सकोआ और ना ई तिदे कुछ जोडी सकोआ। 16 एबे जो वादे अब्राहमो खे और तेसरे वंशो खे दिते, तिजी रे बारे रे पवित्र शास्त्र ये नि बोलदा कि, “तिना रे वंशो खे” जेडा कि बऊत जणेया रे बारे रे, बल्कि “तिना रे वंशजो खे”, मानो एकी ई माणूँए खे, और से वंश मसीह ए। 17 मेरा बोलणे रा मतलब ये ए कि परमेशरे अब्राहमो साथे एक वाचा पक्की कित्ती और तिजी खे पूरा करने रा वादा बी कि तितेया। चार सौ तीई साल बाद परमेशरे मूसे रे जरिए बिधान दित्ता। मूसा रा से बिधान परमेशरो री वाचा खे टाली नि सकी कि परमेशरो रा वादा बेकार ठईरो। 18 जे बिधानो रे जरिए जायदात मिलदी, तो वादे ते तिजी रा कोई मतलब नि ऊँदा। पर वादे रे जरिए ई परमेशरे तेसा जायदाता खे अब्राहमो खे देणे री कृपा कित्ती। 19 तो तेवे बिधानो रा क्या इरादा ए? परमेशरे वादे साथे बिधान इजी खे दित्ता कि लोक आपणे पापो री पछ्याण करी सको। अब्राहमो रे वादे रा वंश आऊणे तक ई जेतेखे परमेशरे देणे रा वादा कित्तेया था मूसे रा बिधान बणी री रई। परमेशरे आपणा बिधान स्वर्गदूता रे जरिए मूसे खे दित्ती, जो परमेशर और लोका बीचे बचोला था। 20 बचोलापण तो कम ते कम दूँई जणेया बीचे कित्तेया जाओआ।

पर परमेश्वर जो एक ईए, तिने अब्राहमों ते वादा करदे बखते बचौले रा इस्तेमाल नि कित्तेया। 21 तो क्या बिधान परमेश्वरो रे वादे रे बिरोदा रे ए? कदी पनि, कऊँकि जे एड़ी बिधान देंदे जो जीवन देई सको, तो सच्ची तेसा बिधानो खे मानणे ते धार्मिकता मिली जांदी। 22 पर पवित्र शास्त्रे सब पापो रे अधीन करी ते, ताकि से वादा जेतेगा आधार प्रभु यीशु मसीह पाँदि विश्वास करना ए, विश्वास करने वालेया खे पूरा ओ। 23 पर विश्वासो रे आऊणे ते पईले बिधानो री अधीनता रे आसे कैद थे और तेस विश्वासो रे आऊणे तक, जो प्रकट ऊणे वाला था, आसे तिजी रेई बन्दनो रे बंदी रे थे। 24 तेवेई मसीह रे आऊणे तक आसा री अगुवाई करने खे और आसा री देखपाल करने खे बिधान दिता, ताकि आसे विश्वासो ते तर्मी ठङ्गू। 25 पर एबे जेबे आसे मसीह पाँदि विश्वास करी ता रा तो आसे एबे बिधानो रे अधीन नि रये। 26 कऊँकि तुसे सब तेस पीथू मसीह पाँदि विश्वास करने रे जरिए परमेश्वरो री ल्वाद ए। 27 और तुसा बीचा ते जितणेया यीशु मसीह रा बपातिस्मा लया, तिने मसीह पईनी ला रा। 28 यीशु मसीह रे विश्वास करने ते तुसे सब एक जेडे बणी गे रे, चाए कोई यहूदी ए या दूजी जाति, चाए कोई दास ए या आजाद, चाए कोई मर्द ए या जवाणस सब यीशु मसीह रे एक ए 29 और जे तुसे मसीह रे ए, तो अब्राहमो रे वंश और वादे रे मुताबिक बारस बीए।

4 मेरे बोलणे रा मतलब ये ए कि पाऊ आपणे पिते री जायदाता रा अक्कदार ओआ पर जदुओ तक से नाबालिक ए तदुओ तक से दासो जेडा ईए। बल्कि से आपणे पिते री सबी चीजा रा मालक बी ए, तेबे बी तेसरे और दासो रे कोई फर्क निए। 2 पर पिते रे ठराए रे बखतो तक से देख-रेख करने वाले और पण्डारियो रे वशो रे रओआ। 3 तियाँ ई आसे बी जेबे तेस बाल्को जेडे थे, तो तिना रीति-रिवाजा और तेसा बिधानो रे दास थे जो एसा दुनिया रे ए। 4 पर जेबे ठीक बखत आया, तो परमेश्वरे आपणा पुत्र एते दुनिया रे पेजेया, जो जवाणसा ते जम्मेया। से यहूदिया रे परिवारो रे पैदा ऊआ और मूसे रा बिधानो रे मुताबिक आपणी जिन्दगी जी। 5 ताकि मूसे रा बिधानो रे अधीन रणे वालेया खे मोले लयी की छुडाई लौ और आसा खे आपणे बच्चेया रे रूपो रे अपणाओ। 6 कऊँकि आसे तेसरे पाऊ ए, परमेश्वरे आपणे पुत्रो रा आत्मा आसा रे दिलो रे पेजेया, से आत्मा परमेश्वरो खे, ओ अब्बा! ओ पिता! बोली की आक्का पाओआ। 7 तेवेई एबे आसे दास निए, बल्कि पाऊ बणी गे, कऊँकि एबे आसे परमेश्वरो री ल्वाद ए, तो जो कुछ बी तेसगे अया तेस सब कुछ आसा खे देई देणा। 8 जेबे तुसे परमेश्वरो खे नि जाणो थे, तेस बखते तुसे तिना रे दास थे, जो सच्चो खेर्है परमेश्वर अया ई नि। 9 पर एबे तुसे परमेश्वर पछायाणी ला रा, बल्कि एड़ा बोलो कि परमेश्वरे तुसे अपनाई ले रे, तो फेर तुसे कमजोर और नकम्मी दुनिया रे रीति-रवाज और शुरुओ री शिक्षा रे दास बणने खे कऊँ वापस ऊणे लगी रे? क्या तुसा खे फेर तिना रे दास बणने री इच्छा ए? 10 तुसे दुजिया जातिया रे लोक मूसे रा बिधानो रे मुताबिक दिन और मीने, ठीक बखत और सालो

खे मानोए। 11 आऊँ तुसा रे बारे रे डरूँआ, केथी एड़ा नि ओ कि जो मईणत मैं तुसा री तंई कित्ती बेकार जाओ। 12 ओ साथी विश्वासियो, आऊँ तुसा ते बिनती करूँआ कि तुसे बी मां जेडे मूसे रा बिधानो ते आजाद ऊई जाओ, कऊँकि आऊँ बी तुसा जेडा बणीगा रा, तुसे मेरी ठीक देखपाल कित्ती। 13 तुसा खे याद ओगा कि पईली बार मैं आपणी बमारी और कमजोरिया री दशा रे तुसा खे सुसमाचार सुणाया 14 और तुसे मेरी शरीरो री दशा खे, जो तुसा खे मुसीबता री बजअ थी, तुच्छ नि जाणी, ना तिजी ते चीढ़ कित्ती पर परमेश्वरे रे स्वर्गदूत बल्कि मसीह जेडा आऊँ मानेया। 15 तो तुसा री से खुशी मनाणी केयी गयी? आऊँ तुसा रा गवा ए कि जे ऊई सकदा, तो तुसे आपणी आखी बी निकायाली की माखे देई देंदे। 16 तो क्या तुसा ते सच बोलणे री बजअ ते आऊँ तुसा रा दुश्मण ऊईगा? 17 सेयो चूठे शिक्षक तुसा खे आपणी तरफा खे करने खे उतावले ए, पर खरी नियता ते नि, बल्कि तुसा खे मांते लग करना चाओए, ताकि तुसे तिना खेर्है दोस्त बणाई लो। 18 सदा ई खेरे इदादे रे इच्छुक ऊणा बढ़िया ओआ और सिर्फ तेस बखते ई नि जेबे आऊँ तुसा साथे रऊँआ। 19 ओ मेरे बाल्को! जदुओ तक तुसा रे मसीह री शक्ति नि बणी जाओ, तदुओ तक आऊँ तुसा री तंई फेर बच्चा ऊणे री जिया पीड़ा सईन कसँग्आ। 20 आऊँ चाऊँआ कि एस बखते आऊँ तुसा गे ऊँदा और तुसा ते प्यारो साथे गल्ला करदा, कऊँकि मेरिया समजा रे नि आऊँदा कि आऊँ तुसा ते क्या बोलूँ। 21 तुसे जो मूसे रा बिधानो रे अधीन ऊणा चाओए, मेरी गल्ल सुणो, मां तुसा खे बताणा कि मूसा रे बिधानो री कताबा रे क्या लिखी राखेया? 22 पवित्र शास्त्रो रे लिखी राखेया कि अब्राहमो रे दो पाऊ थे। एक पाऊ अब्राहमो री दासी हाजिरा ते पैदा ऊआ और दूजा पाऊ तेसरी लाडी जो दासी नि थी तेसा ते पैदा ऊआ। 23 पर अब्राहमो रा जो पाऊ तेसा दासी जवाणसा ते पैदा ऊआ, से शरीरो री रीतिया ते जम्मेया और से पाऊ जो आजाद जवाणसा ते मतलब तेसरी लाडिया ते पैदा ऊआ से परमेश्वरे रे वादे रे मुताबिक जम्मेया। 24 इना गल्ला रे उदारण ए, यो जवाणसा मानो दो वाचा ए। पईली जवाणस हाजिरा जो सीनै पाहडो खे दखाओई, जेती परमेश्वरे इसाएली लोका खे बिधान दिता जेसा ते दास ई जम्मोए। 25 यरूशलेमो रे लोक आज गुलामिया रे ए कऊँकि से यहूदी बिधानो खे मानोए। ये लोक हाजिरा जेडे ई गुलामिया रे ए जो अरब देशो रे सीनै पाहडो पाँदि दिती रे बिधानो खे दखाओआ। 26 और दूजी जवाणस सारा ए जो स्वर्गिय यश्शलेमो खे दखाओई। से आजाद जवाणस ए और से म्हारी आम्मा ए। 27 जेडा कि यशायाह भविष्यत्के पवित्र शास्त्रो रे लिखी राखेया, “ओ बांझ जवाणस, तूँ जो जमांदी नि, खुशी मना, तूँ जेसखे पीड़ा नि लगदिया, गला खोली की जय-जयकार कर, कऊँकि त्यागिया री ल्वाद, स्वागणी री ल्वाद ते बी जादा ए।” 28 ओ साथी विश्वासियो! आसे इसाहाको जेडे वादे री ल्वाद ए। 29 पर एबे तुसे तिना लोका रे जरिए सताए जाओए जो तुसा खे बिधानो रे अधीन राखणा चाओए। ठीक इश्माएलो जेडे ई जो शरीरो री इच्छा रे मुताबिक जम्मेया

और परमेश्वरो रे वादे रे मुताबिक जम्मे रे पाऊ इसहाको खे सताओ था। 30 पर पवित्र शास्त्र क्या बोलोआ? “दासी और तेसा रे पाऊ ए खे निकयाली दे, कऊँकि दासिया रा पाऊ आजाद जवाणसा रे पाऊए साथे वारिस नि ऊणा।” 31 तेबैई ओ साथी विश्वासियो! आसे दासी जवाणस मतलब विधानो रे नि, बल्कि आजाद जवाणस मतलब विश्वासो री ल्वाद ए।

5 मसीहे मूसे रा बिधानो ते आजाद रगे खे आसे आजाद करी राखे।

तो आपणी आजादिया रे बणे रे रओ और बिधानो री गुलामिया रे फेर बंदी कि नि रओ। 2 देखो, आऊँ पौलुस तुसा खे बोलूँआ कि जे खतना कराओगे, तो मसीह रे तुसा खे कुछ फाईदा नि ऊणा। 3 आऊँ हर खतना कराने वालेया खे फेर और बी जोर देई की बताई देऊँआ कि तेसखे मूसा री सारा बिधान मानणी पड़नी। 4 तुसे जो मूसे रा बिधान मानणे रे जरिए तर्मी ठईस्ना चाओए, मसीह ते लग ऊई रे और परमेश्वरो री कृपा तुसे आपू ई ठुकराईती, जेतेरे जरिए आसे परमेश्वरो रे सामणे तर्मी ठड़ूँए। 5 आऊँ ये बोली सकूँआ कि आसा खे पवित्र आत्मा री तरफा ते पूरा परोसा ए कि परमेश्वरो आसे मसीह रे विश्वासो री बजअ ते तर्मिया रे रूपो रे मानणे। 6 यीशु मसीह रे ना तो खतना, ना बिना खतना कुछ कामो राए, पर बस विश्वासो रा, जो प्यारो रे जरिए असर करोआ। 7 मसीह रे तुसे ठीक-ठाक तरक्की करने लगी रे थे। एवे तुसे किने रोकी ते, कि सच्चो खे नि मानो? 8 एडी शिक्षा तुसा गे परमेश्वरो री तरफा ते नि आई री जिने तुसे आपणे बच्चेया जेडे बुलाई राखे। 9 एक कहावत ए जो ईयां बोलोई कि थोडा जा सजेडा सारे गैंदे रे आटे खे सजेडा बाणाई देओआ। 10 आऊँ प्रभुए पाँदे तुसा रे बारे रे परोसा करूँआ कि तुसे केसी दूजे री शिक्षा खे नि मानोगे। पर जो कोई तुसा खे आपणी चूठी शिक्षा ते कबराई देओआ, से चाए कोई बी ओ, परमेश्वरो री तरफा ते तेसखे सजा मिलणी। 11 ओ साथी विश्वासियो, जे आऊँ एबुए तक खतने रा प्रचार करूँआ, तो यहूदिया रे जरिए कऊँ एबुए तक सताया जाऊँआ? जे मसीह री मौता री बजाए खतने रा प्रचार करदा तो यहूदी मेरे खलाफ बरोद नि करदे। 12 पला ऊँदा कि जो तुसा खे चूठी शिक्षा ते कबराई देओए, सेयो आपणे आपू खे नंपूसक बणाई देंदे। 13 ओ साथी विश्वासियो, तुसे परमेश्वरो रे जरिए आजाद ऊणे खे बुलाई राखे, पर एडा नि ओ कि ये आजादी शरीरो रे पापी सबाओ री इच्छा खे पूरा करने रा मौका बणो, बल्कि प्यारो साथे एकी-दूजे रे दास बणो। 14 कऊँकि सारा बिधान इजी एकी गल्ला रे पूरी ऊई जाओई, “तूँ आपणे पडोसिये साथे आपू जेडा प्यार राखा!” 15 पर जे तुसे जानवरा जेडे एकी-दूजे खे दाँदे देओए और फाड़ने री कोशिश करोए, तो चौकस रओ। केथी एडा नि ओ कि तुसे एकी-दूजे रा सत्यानाश नि करी देओ। 16 पर आऊँ बोलूँआ कि पवित्र आत्मा रे मुताबिक चलो, तो तुसा शरीरो री इच्छा किंयाँ बी पूरी नि करनी। 17 कऊँकि शरीरो रा पापी सबाओ आत्मा रे बिरोदो रे इच्छा करोआ और यो एकी-दूजे रे बिरोदी ए, ताकि जो कुछ तुसे करना चाओए, से करी नि सको। 18 और जे तुसे आत्मा रे मुताबिक चलोए,

तो बिधानो रे अधीन नि रये। 19 शरीरो रे काम तो प्रकट ए, मतलब-व्याभिचार, गन्दे काम, लीचडपण, 20 मूर्तिपूजा, जादू-टोणा, बैर, चगडा, ईर्ष्या, रोष, बिरोद, फूट, पाप, 21 डाह, मतवालापण, लीला-क्रीडा और इना जेडे और बी और काम ए। इना रे बारे रे आऊँ तुसा खे पईले ई बताई देऊँआ, जेडा पईले बी बोली चुकेया रा कि एडे-एडे काम करने वाले परमेश्वरो रे राज्य रे बारिस नि ऊणे। 22 पर पवित्र आत्मा रा फल प्यार, खुशी, शान्ति, सब्र, कृपा, पलाई, विश्वासो जोगा, 23 नम्रता और संयम ए। एडे-एडे कामो रे बिरोदो रे कोई बिधान निए। 24 और जो यीशु मसीह रे ए, तिने शरीरो रे पापी सबाओ खे तेसरी वासना और इच्छा समेत कूसो पाँदे चडाई ता रा। 25 जे आसे पवित्र आत्मा रे जरिए जिऊँदे ए, तो पवित्र आत्मा रे मुताबिक चलिए बी। 26 आसे ना तो कमण्डी बणिए और ना एकी-दूजे खे पड़काईए और ना ई एकी-दूजे ते जलन करिए।

6 ओ साथी विश्वासियो! जे कोई मांणू केसी पापो रे पकड़ेया जाओ,

तो तुसे जो पवित्र आत्मा री अगुवाईया रे चलोए, नरमाईया साथे एडेया खे तर्मी री बाटा रे फेर आऊणे रे मताद करो और आपणी बी चौकसी राखो, ताकि तुसे बी परीक्षा रे नि पडो। 2 तुसे एकी-दूजे रा पार चको और ईयां मसीह रा बिधान पूरी करो। 3 कऊँकि जे कोई आपणे आपू खे ए समजोआ कि आऊँ ओरी ते बढ़ी की ए तो से आपणे आपू खे तोखा देओआ। जबकि से कुछ बी निए। 4 पर हर एक जन आपणे ई कामो खे परखी लओ। जे से अच्छा ओगा तो तुसे आपणे कामो पाँदे दूजे रे कामो ते तुलना कित्ते बिना कमण्ड करी सकोए। 5 कऊँकि हर एकी मांणू खे आपणा ई बोजा चकणा पड़ना। 6 जो लोक परमेश्वरो रे वचनो री शिक्षा पाओआ, सेयो लोक सब खरिया चीजा रे आपणे सिखाणे वालेया खे शामिल करो। 7 तोखा नि खाओ, परमेश्वर मजाको रे नि उडाया जाओ, कऊँकि मांणूए जो कुछ बीजणा, सेई बाडणा। 8 कऊँकि जो आपणे शरीरो रे पापी सबाओ री तंई बीजोआ, तेस शरीरो रेई जरिए विनाशो री फसल बाडणी। और जो पवित्र आत्मा खे बीजोआ, तेस पवित्र आत्मा रेई जरिए अनन्त जीवनो री फसल बाडणी। (aiōnios g166) 9 आसे खेरे काम करने रे इमत नि छाडिए, कऊँकि जे आसे टील्ले नि ऊए, तो ठीक बख्तो पाँदे फसल बाडणी। 10 इजी री खातर जेथो तक मौका मिलो आसे सबी साथे पलाई करिए, खास करी की विश्वासी पाईया साथे पलाई करिए। 11 देखो, मैं किंतुणे बड़े-बड़े अक्षरा रे तुसा खे आपणे आथो साथे लिखी राखेया। 12 जो लोक शरीरो रा दखावा चाओए सेयो ई तुसा रा खतना करवाणे खे जोर पाओए, इजी खे की सेयो मसीह रे कूसो रे जरिए सताए नि जाओ। 13 कऊँकि खतना कराणे वाले आपू तो मूसे रा बिधानो पाँदे नि चलदे, पर तुसा रा खतना इजी खे करवाणा चाओए ताकि तुसा रे शरीरो री दशा पाँदे कमण्ड करूँ, बस म्हारे प्रभु यीशु मसीह रे कूसो रा, जेतेरी बजअ ते दुनिया मेरी नजरा रे और आऊँ दुनिया री नजरा रे कूसो पाँदे चडाई ता रा। 15 केसी

टील्ले नि ऊए, तो ठीक बख्तो पाँदे फसल बाडणी। 10 इजी री खातर जेथो तक मौका मिलो आसे सबी साथे पलाई करिए, खास करी की विश्वासी पाईया साथे पलाई करिए। 11 देखो, मैं किंतुणे बड़े-बड़े अक्षरा रे तुसा खे आपणे आथो साथे लिखी राखेया। 12 जो लोक शरीरो रा दखावा चाओए सेयो ई तुसा रा खतना करवाणे खे जोर पाओए, इजी खे की सेयो मसीह रे कूसो रे जरिए सताए नि जाओ। 13 कऊँकि खतना कराणे वाले आपू तो मूसे रा बिधानो पाँदे नि चलदे, पर तुसा रा खतना इजी खे करवाणा चाओए ताकि तुसा रे शरीरो री दशा पाँदे कमण्ड करूँ, बस म्हारे प्रभु यीशु मसीह रे कूसो रा, जेतेरी बजअ ते दुनिया मेरी नजरा रे और आऊँ दुनिया री नजरा रे कूसो पाँदे चडाई ता रा। 15 केसी

रा खतना ऊई रा ओ या बिना खतने रा ओ इजी री कोई अहमियत निए। पर अहमियत इजी गल्ला रिये कि आसे पूरे तौरौं पाँदे नई सृष्टि बणी जाईए। 16 और जितणे एस नियमो पाँदे चलणे, तिना पाँदे और परमेश्वरों रे इसाएलो पाँदे, शान्ति और कृपा ऊँदी रओ। 17 आगे कोई माखे दुःख नि देओ, कऊँकि आऊँ प्रभु यीशुए रे दाग, आपणे शरीरो रे लयी की फिरदा रऊँआ। 18 ओ साथी विश्वासियो! आऊँ बिनती करूँआ कि म्हारे प्रभु यीशु मसीह री कृपा तुसा री आत्मा साथे रओ। आमीन्।

ઇફિસિયોં

1 યે ચિઠ્પી માં પૌલુસો રી તરફા તે એ। આંકું પરમેશરો રી ઇચ્છા તે યીશુ મસીહ હે વિશ્વાસી લોકા ખે લિખ્યાણે લગી રા જો ઇફિસુસ નગરો રે એ। 2 આંકું બિનતી કરુંથી કિ મ્હારે પિતા પરમેશર ઔર પ્રભુ યીશુ મસીહ રી તરફા તે તુસા ખે કૃપા ઔર શાન્તિ મિલદી રઓ। 3 મ્હારે પ્રભુ યીશુ મસીહ હે પિતા પરમેશરો રા ધન્યવાદ ઓ કિ તિને આસા ખે મસીહ હે સ્વર્ગો રી જગા રે સબ પ્રકારા રી આત્મિક આશીષિત કરી રાખ્યા। 4 પરમેશરો દુનિયા રી ઉત્પત્તિયા તે પર્ઝલે ઈ મસીહ હે આસે ચૂંણી લે, તાકિ આસે તેસરી નજરા રે પવિત્ર ઔર નિર્દોષ ઓડેં। 5 કાઉંકિ પરમેશરો આસા તે પ્યાર કિન્તેયા, તિને ફેંસલા કિન્તેયા કિ સે આસા ખે યીશુ મસીહ હે જરિએ ગોડી પુત્રો રે રૂપો રે અપણાઓ। પરમેશરો યે આપણી ઇચ્છા ઔર ખુશીયા સાથે કિન્તેયા। 6 પરમેશરો રી તેસા મહિમામય કૃપા ખે તેસરી સ્તુતિ ઓ। સે મહિમામય કૃપા તિને આસા ખે આપણે પ્યારે પુત્રો રે જરિએ મુસ્તો રે દિન્તી। 7 યીશુ મસીહ ખે કૂસો પાંદે આપણા ખૂન બાંધ રે જરિએ પરમેશરો આસા ખે છુટકારા મતલબ પાપો ખે માફ કરિતા। પરમેશરો રી કૃપા કિન્તુણી મહાન્ એ, જો તિને આસા ખે બક્ત જાદા દેઈ રાખ્યી। 8 પરમેશરો યે કૃપા આસા પાંદે આપણી સારી બુદ્ધિ ઔર સમજા સાથે બક્ત જાદા કિન્તી। 9 પરમેશરો એ મસીહ રે બારે રે આપણા પેત આસા પાંદે આપણે ખેર મકસદો રે મુતાબિક પ્રકટ કિન્તેયા જો તિને આપણે આપૂરે ઠાણી રાખેયા થા। 10 ઔર યોજના યે એ કિ સઈ બખતો પાંદે સે જો કુછ બી સ્વર્ગો રે એ ઔર જો કુછ તરતિયા પાંદે એ, સબ કુછ તેસ મસીહ રે અધીન કટ્ટુ કરના। 11 મસીહ સાથે એક ઊંણ રી બજઅ તે આસા ખે પરમેશરો રી તરફા તે જાયદાત મિલી। કાઉંકિ પરમેશરો આસે પર્ઝલે તેઈ આપણે લોક કરી કી ચુણી રાખે ઔર આપણી યોજના રે મુતાબિક સારે કામ કરી રાખે। 12 તિને એડા ઇઝી ખે કિન્તેયા કિ આસે ય્યૂદી પરમેશરો રી સ્તુતિ ઔર મહિમા કરિએ, જો કિ આસે મસીહ હે વિશ્વાસ કરને વાલે પર્ઝલે લોક થે। 13 તુસે લોકે બી સચ્ચો રા વચન મતલબ આપણે ઉદ્ધારો રા સુસમાચાર સુણી કી પ્રભુ યીશુ મસીહ પાંદે વિશ્વાસ કિન્તેયા ઔર તુસા લોકા પાંદે બી તેસા પવિત્ર આત્મા રી છાપ લગી જેતેરા વાદા કરી રાખેયા થા। 14 પવિત્ર આત્મા પરમેશરો રી તરફા તે સે બયાના એ કિ તેસ આસા ખે જાયદાત દેણી જો તિને દેણે રા વાદા કરી રાખેયા થા ઔર યે કિ તિને આસે આપણે લોક કરી કી ખરીદી લા રા। તિને એડા ઇઝી ખે કિન્તેયા તાકિ આસે તેસરી તારીફ ઔર મહિમા કરી સકિએ। 15 મેં પ્રભુ યીશુએ પાંદે તુસા લોકા રા વિશ્વાસ ઔર સબ પરમેશરો રે લોકા રે પ્રતિ તુસા રે પ્યારો રે બારે રે સુણી રાખેયા। 16 તેબેઈ આંકું તુસા ખે પરમેશરો રા ધન્યવાદ કરના નિ છાડદા ઔર આપણી પ્રાર્થના રે તુસા ખે લગતાર યાદ કરદા રક્ઝા। 17 આંકું બિનતી કરુંથી કિ મ્હારે પ્રભુ યીશુ મસીહ રા પરમેશર જો મહિમા રા પિતા એ, તુસા ખે બુદ્ધિયા રી આત્મા ઔર આપણે જાનો રા પ્રયાસા દેઓ કિ તુસે

પરમેશરો ખે ઠીક તરઅ તે જાણી સકો। 18 આંકું યે બી બિનતી કરુંથી કિ પરમેશર તુસા રે મનો ખે ખોલી દેઓ જેતે કિ તુસે યે જાણી લોઓ કિ આસા રે બુલાણે રી ઉમ્મીદ ક્યા એ, ઔર પરમેશરો રે લોકા રે તેસરી જાયદાત રી મહિમા રા ધન કેડા એ। 19 આંકું ચાઉંઝા કિ તુસે એસા ગળ્લા ખે જાણો કિ જો મસીહ રે વિશ્વાસ કરોએ પરમેશરો ગે તિના ખે કિન્તુણી મહાન્ ઔર સામર્થી તાગત એ। 20 જિને મસીહ મરે રેયા બીચા તે જિંદા કિન્તેયા ઔર સ્વર્ગો રી જગા રે આપણે દાંણી કનરે બઠયાલેયા। 21 તેતી મસીહ સારી પ્રદાનતા, અભક, રાજ ઔર સામર્થી પાંદે રાજ કરોઆ। સે દુનિયા રે સબી પ્રાળિયા પાંદે રાજ કરોઆ ઔર આકણે વાલી દુનિયા રે બી રાજ કરના। (aiંગ g165) 22 ઔર સબ કુછ તેસરે પૈરો નિઠે કરી તા ઔર સે સબી ચીજા પાંદે શિરોમણી ઠરાઈ કી મણડલિયા ખે દેઈતા। 23 મણડલી મસીહ રા શરીર એ, મસીહ રી પરિપૂર્ણતા એ, જો સબી રે સબ કુછ પૂરા કરોઆ।

2 મસીહ રે વિશ્વાસ કરને તે પર્ઝલે તુસે પાપ ઔર પરમેશરો રી આજા ના માનણે રી બજઅ તે મરે રેયા જેડે થે। તુસા રે જીવન નિ થા જો પરમેશરો રી તરફા તે મિલોઆ। 2 તેસ બખતે તુસે દુનિયા રી રવાજા રે મુતાબિક ચલો થે ઔર શૈતાનો રી આજા માનેયા કરો થે। સે હાકિમ મતલબ શૈતાન જો સર્ગો રે દુષ્ટાત્મા ખે ચલાઓએ, એવે બી આજા ના માનણે વાલે લોકા રે મનો રે કામ કરોઆ। (aiંગ g165) 3 ઇદે આસે બી સબ કે સબ તિના લોકા જેડે પર્ઝલે આપણે પાપી શરીરો રી ઇચ્છા રે દિન બિતાંથે ઔર શરીર ઔર મનો રી ઇચ્છા પૂરી કરુંથે। ઓરી લોકા જેડે આપણે સબાઓ રી બજઅ તે પરમેશરો તે સંજા પાપો જોગે થે। 4 પર પરમેશરો જો દયા રા ધની એ, આપણે તેસ બઢે પ્યારો રી બજઅ તે, જેતેતે તિને આસા સાથે પ્યાર કિન્તેયા। 5 જેબે આસે પાપો રી બજઅ તે મરે રે થે, તો આસે મસીહ સાથે જિંદાદે કિરો। પરમેશરો રી કૃપા તેઈ તુસા રા ઉદ્ધાર ઊર્ઝ રા। 6 તિને યીશુ મસીહ સાથે આસે લોક મરે રેયા બીચા તે જિંદા કિન્તે ઔર સ્વર્ગીય જગા રે મસીહ સાથે બઠયાલે। 7 પરમેશરો આસા પાંદે યીશુ મસીહ રે જો બડી દયા દખાઈ તિની રે જરિએ તિને આકણે વાલે જુગો ખે આપણી કૃપા રા અસીમ ધન દખાયા। (aiંગ g165) 8 કાઉંઝિ વિશ્વાસો રેઈ જરિએ કૃપા તેઈ તુસા રા ઉદ્ધાર ઊર્ઝ રા ઔર યે તુસા રી તરફા તે નિએ, બલ્લિક પરમેશરો રા દાન એ। 9 ઔર ના કાગો રી બજઅ તે, એડા નિ ઓ કી કોઈ કમણ કરોએ। 10 પરમેશરો આસે બણાઈ રાખ્યે। તિને આસે યીશુ મસીહ રે તિના ખરે કાગો રી ખાતર બણાએ જેતેખે પરમેશરો પર્ઝલે તેઈ મ્હારે કરને ખે ત્યાર કરી રાખેયા। 11 ઇઝી બજઅ તે યાદ કરો કિ તુસે જો જન્મો તે દૂંજી જાતિ એ ઔર જો લોક શરીરો રે આથો તે કિન્તે રે ખતને તે ખતને વાલે ઓએ, સેયો લોક તુસા ખે બિના ખતને રે બોલી કી તુસા રા મજાક ઊડાઓએ। 12 તિના દિના રે તુસે લોક મસીહ ખે નિ જાણો થે। ઇસ્યાએલો રી પ્રજા રે પદો તે લગ કિન્તે રે થે ઔર વાદે રી વાચા રે શામિલ નિ થે। તુસે લોક એટે દુનિયા રે બિના ઉમ્મીદા તે ઔર બિના ઈશ્વરો તે જિન્દગી બિતાણે લગી રે થે। 13 એક બખત થા જેબે તુસે પરમેશરો તે દૂર થે પર એવે યીશુ મસીહ રે ખૂનો રે જરિએ તેસરે નેડે આઈંગે રે। 14 યીશુ મસીહે આપું

आसा बीचे शान्ति ल्याई। पईले एड़ा था मानो एक दवाले यहूदी और दूजी जाति लग कित्ती री थी। सेयो एकी-दूजे ते कृणा करो थे। पर एबे मसीहे से लग करने वाली दवाल टाली ती और दोनो दल एक करी ते। 15 आपणी मौता रे जरिए तिने मूसा रे बिधानो खे तेसरी बिदिया साथे मट्याईता। ताकि से आपू यहूदिया और दुजिया जातिया बीचे शान्ति ल्याई सको और ईयां एक नया मानवता रा दल बणाई सको। 16 कूसो पाँदे आपणी मौता रे जरिए मसीहे दोनो दल एक करी ते और तिना रा परमेश्वरो साथे मेल कराईता। ईयां यहूदिया और दूजिया जातिया बीचे बैर नाश करी ता। 17 तिने आयी की तुसा खे जो परमेश्वरो ते दूर थे और तिना खे जो परमेश्वरो रे नेडे थे, दूँख खे मेल-जोलो रा सुसमाचार सुणाया। 18 कऊँकि तेसरे ई जरिए आसे दोनो एक ई आत्मा ते प्रेरित ऊई कि पिते गे पऊँछी सकोए। 19 तो तुसे दुजिया जातिया रे परदेशी और मुसाफर नि रथे, बलिक पवित्र लोका साथे स्वदेशी और परमेश्वरो रे कराने रे ऊईंगे। 20 आसे लोक कट्टे मिली की तेसरे कंउर ए जो प्रेरितों और भविष्यबक्तेया री निझुँआ पाँदे बणाई राखेया और जेतेरे कूणे रा पात्थर आपू यीशु मसीह ईए। 21 आसे मसीह रे कट्टे जुँडी कि प्रभुए खे पवित्र मन्दर बणादे जाऊँगे। 22 जिदे तुसे बी पवित्र आत्मा रे जरिए, परमेश्वरो री रणे री जगा ऊणे खे, साथे-साथे बणाए जाओए।

3 इजी बजअ ते आऊँ पौलुस तुसा खे प्रार्थना करूँआ। तुसा दूजिया जातिया रे लोका खे सुसमाचार सुनाणे खे आऊँ यीशु मसीह रा कैदी ए। 2 तुसे लोके पक्का ई परमेश्वरो री कृपा ते दित्ती री तेसा जिम्मेवारिया रे बारे रे सुणेया, जो माखे तुसा लोका रे पले री खातर दित्ती। 3 जेडा आऊँ पईले ई संक्षेपो रे लिखी चुकी रा कि परमेश्वरे आपू से पेत मां पाँदे प्रयासे रे जरिए प्रकट करी राखेया। 4 एसा चिंडिया खे पढी की तुसे जाणी सकोए कि आऊँ मसीह रा से पेत केथो तक समजूँआ। 5 परमेश्वरे ये गुप्त पेत पिछली पीडिया रे लोका पाँदे प्रकट नि कित्तेया, पर एबे आपणे पवित्र प्रेरितों और भविष्यबक्तेया पाँदे पवित्र आत्मा रे जरिए प्रकट करी राखेया। 6 मतलब ये कि यीशु मसीह रे सुसमाचारो रे जरिए दुजिया जातिया रे लोक जायदाता रे साजे और एकी ई शरीरो रे और वादे रे शामिल ए। 7 परमेश्वरो री कृपा और सामर्था रे जरिए माखे ये खास अक्क मिलेया कि सुसमाचार सुनाणे रे जरिए आऊँ तेसरी सेवा करूँ। 8 मां पाँदे जो सब परमेश्वरो रे लोका बीचे छाटे ते छोटा ए, ये कृपा ऊई, ताकि आऊँ दुजिया जातिया खे मसीह रे कदी नि खत्म ऊणे वाले धनो रा सुसमाचार सुणाऊँ। 9 और सबी मांणूआ खे तेसु गुप्त पेतो रे बारे रे बताऊँ जो सब कुछ बनाणे वाले परमेश्वरे जुगो ते लकोई राखेया था। (aiōn g165) 10 ताकि एबे मण्डलिया रे जरिए परमेश्वरो रा कईया प्रकारा रा ज्ञान स्वर्णिय जगा रे प्रदाना और अधिकारिया पाँदे प्रकट कित्तेया जाओ। 11 परमेश्वरे ये आपणे सदा रणे वाले मकसदो रे मुताबिक कित्तेया जो तिने म्हारे प्रभु यीशु मसीह रे जरिए पुरा कित्तेया। (aiōn g165) 12 मसीह और तेस पाँदे पिंशासो री बजअ ते एबे आसे

इम्मत और परोसे साथे परमेश्वरो रे नेडे आई सकूँण। 13 इजी री खातर आऊँ तुसा लोका ते बिनती करूँआ कि जो क्लेश तुसा री खातर आऊँ सईणे लगी रा, तिना री बजअ ते इम्मत नि छाडो, कऊँकि ये सब तुसा री ई पलाईया खे ए। 14 आऊँ इजी बजअ ते तेस परमेश्वर पिते रे सामणे कुटणे टेकुँआ। 15 जेतेते स्वर्वा और तरतिया रे, हर एक करने रा नाओं राखेया जाओआ। 16 आऊँ परमेश्वरो ते बिनती करूँआ कि से आपणी महिमा रे धनो रे मुताबिक तुसा खे ये दान देओ कि तुसे तेसरी आत्मा ते, आपणे पितरले मांणूए रे सामर्थ पाई की तागतबर ऊँदे जाओ। 17 और विश्वासो रे जरिए मसीह तुसा रे दिलो रे बसो कि परमेश्वरो खे और एकी-दूजे खे तुसा रा प्यार मजबूत बणो और तुसा खे रुडने ते बचाओ। 18 ईयां तुसे लोक ओरी सबी परमेश्वरो रे लोका साथे मसीह रे प्यारो री चौडाई, लम्बाई, ऊच्चाई और गईराई समजी सकणे। 19 आऊँ बिनती करूँआ कि तुसे मसीह रे तेस प्यारो खे जाणी सको, जो ज्ञानो ते पोरे ए, ताकि तुसे परमेश्वरो री सारी भरपूरिया तक परिपूर्ण ऊई जाओ। 20 परमेश्वरो री महिमा ऊंदी रओ। तेसरी ई सामर्था ते जो आसा रे पीतरे काम करोई, से आसा री बिनती और उम्मीदा ते केथी जादा काम करी सकोआ। 21 तेसरी ई महिमा मण्डलिया रे और यीशु मसीह रे पीडिया ते पीडिया तक जुगो-जुगो तक ऊंदी रओ। आमीन्। (aiōn g165)

4 तो आऊँ जो प्रभुए रे कैदी ए, तुसा ते बिनती करूँआ कि तेस बुलाई रे मुताबिक जेतेखे परमेश्वरे तुसे आपणे लोक करी की बुलाई राखे, तेरेरे मुताबिक जिन्दगी जिओ। 2 सदा दीनता और नरमाईया साथे रओ। सबो साथे एकी-दूजे खे सईन करी लो और एकी-दूजे साथे प्यार करो। 3 शान्तिया रे बंदो रे बंदी की तेसा एकता खे जेतेखे पवित्र आत्मा देओआ बणाए राखणे री कोशिश करदे रओ। 4 एक ई शरीर ए, एक ई परमेश्वरो रा आत्मा और एक ई उम्मीद ए, जेतेखे तुसे लोक बुलाई राखे। 5 एक ई प्रभु ए, एक ई विश्वास और एक ई बपतिस्मा ए; 6 एक ई परमेश्वर ए, जो सबी लोका रा पिता ए। से सबी पाँदे ए, सबी साथे और सबी रे मौजूद ए। 7 पर मसीह रे आसा बीचा ते हर एकी खे तिना रा काम करने खे लग-लग खास काबलियत देई राखी। 8 तेबेई तो पवित्र शास्त्र बोलोआ, “से चूँडिया पाँदे चढ़ेया और बन्दिया खे बानी की लयी गा और मांणूआ खे दान दितो।” 9 त्यान देओ जेबे पवित्र शास्त्र बोलोआ, “से चूँडिया पाँदे चढ़ेया” इजी रा मतलब साफ ए कि मसीह तरतिया री सबी ते थालली जगा रे बी उतरेया था। 10 से जो थाले उतरेया, ये सेईं जो सर्गो ते बी ऊच्ची जगा रे बडे आदरो साथे चढ़ी गा, ताकि सारिया सृष्टिया खे परिपूर्ण करो। 11 मसीहे आपू कुछ प्रेरित नियुक्त करी की और भविष्यबक्ता नियुक्त करी की और कुछ तो सुसमाचार सुनाणे वाले नियुक्त करी की और कुछ तो रखवाले और उपदेशक नियुक्त करी की दई ते। 12 तिने लोका खे ये काबलियत इजी खे देई राखी कि सेयो परमेश्वरो रे लोका खे सेवा खे त्यार करी सको और सिद्ध करी सको और मसीह रस शरीर मतलब मण्डलिया री

तरक्की करी सको। 13 ये तदुओं तक ऊँदा रणा जटुओं तक आसे सारे जगे आपणे विश्वास और परमेश्वरो रे पुत्रों री पछयाणी रे एकजुट नि ऊई जाईए। तेबे आसे मसीह जेडे एक सिद्ध मांगू बणी जाणे और आसे मसीह रे पूरे डील-डोलों तक बड़ी जाणे। 14 तेबे आसे आगो खे बाल्क नि रणे, जो मांण्यू री ठग-विद्या और चलाकिया ते, तिना रे बईमों री तरकीब और उपदेशो रे हर एक झोंके ते उछाले और ओरे-परे कूमाए जाओए। 15 आसे प्यारो साथे सच बोलिये और मसीह रे जो मण्डलिया रा सिर ए, तिदे हर तरअ ते तरक्की करदे जाईए। 16 जेते कि सारा शरीर हर एक जोडी री मतादा ते, एकी साथे मिली की और एकी साथे गाठी की, तेस असरो रे मुताबिक जो हर एक अंगो रे ठीक-ठीक काम करने रे जारिए तिदे ओआ, आपू खे बड़ाऊई, ताकि से प्यारो रे तरक्की करदा जाओ। 17 इजी री खातर आँऊ तेस अक्की साथे बोलूआ जो प्रभुए माखे देई राखेया कि जियाँ अविश्वासी लोक आपणे मनो री अनर्थों री रीतिया पाँदे चलोए, तुसे आजो ते फेर तेडे नि चलो। 18 कऊंकि तिना रे दमाको रे न्हेरा ऊँझा रा और तेस अज्ञानो री बजअ ते, जो तिना रे ए और तिना रे कठि मनो री बजअ ते, सेयो परमेश्वरो रे जीवनो ते लग करी राखे। 19 और सेयो सून्न ऊई की लीचडपणो रे लरी गे दे, ताकि सारे गन्दे काम लालसा ते करो। 20 पर तुसे मसीह ते एडी शिक्षा नि पाई राखी। 21 बल्कि तुसे सच्ची तेसरी सुणी और जेडा प्रभु यीशुए रे सच ए, तिदे ई सिखाए बी राखे। 22 कि तुसे आपणे पुराणे चाल-चलणो रा पुराणा जीवन, जो भरमाणे वाली इच्छा रे मुताबिक प्रष्ट ऊँदा जाओआ, उतारी देओ। 23 और आपणे मनो रे आत्मिक सबाओ रे नये बण्दे जाओ। 24 और नया सबाओ पईनी लो, जो परमेश्वरो रे मुताबिक सच्चो री धार्मिकता और पवित्रता रे बणाई राखेया। 25 इजी बजअ ते चूठ बोलणा छाडी की हर एक, आपणे साथी विश्वासिया ते सच बोलो, कऊंकि आसे एक ई शरीरो रे अंग ए। 26 जे तुसा खे रोष आई जाओ तो एसा गल्ला रा त्यान राखो कि तुसे रोषो रे पाप नि करो। सूरज डूबणे तक तुसा रा रोष नि रओ। 27 और ना ई शैतानो खे मौका देओ। 28 चोरी करने वाला दुबारा चोरी नि करो, बल्कि खेरे काम करने रे आपणे आधो साथे मईंगत करो, ताकि जेसखे जरूर ओ, तेसखे देणे खे तेसगे कुछ ओ। 29 कोई गन्दी गल्ल तुसा रे मुंगो तो नि निकळो, पर जरूरत रे मुताबिक सेई निकळो, जो ओरी रिया तरक्किया खे पला ए, ताकि तिजी ते सुणने वालेया पाँदे कृपा ओ। 30 परमेश्वरो रे पवित्र आत्मा खे आपणे ब्रुे चाल-चलणो ते दुः ख नि देओ, जेतेरे जारिए तुसा खे छुटकारे रे दिनो खे छाप देई राखी। 31 सब प्रकारा री कडवाहट, प्रकोप, रोष, क्लेश, निन्दा और सब बैरभाव तुसा ते दूर ऊई जाओ। 32 एकी दूजे-पाँदे कृपा करने वाले और दयालु बणो। जियाँ परमेश्वर मसीह रे तुसा रे अपराध माफ किते, तियाँ ई तुसे बी एकी-दूजे रे अपराध माफ करो।

5 तुसे लोक परमेश्वरो री प्यारी ल्वाद ए इजी री खातर तुसा रा चाल-चलण तिना रे सबाओ जेडा ओ। 2 और प्यारो रे चलो, जेडा मसीहे बी तुसा साथे प्यार कित्तेया और आसा री खातर आपणे आपू खे सुखो

री खुशबूआ खे परमेश्वरो रे आगे पेट करी की बलिदान करी ता। 3 जेडा परमेश्वरो रे लोका खे सई ए, तुसा लोका बीचे व्याभिचार और कोई बी अशुद्ध काम या लोबो री चर्चा तक नि ओ। 4 और ना बेशर्मी, मूर्खता री गल्ल ओ, ना ठेड़े री, कऊंकि यो गल्ला शोभा नि देंदिया, बल्कि तुसे लोक परमेश्वरो खे धन्यवाद ई देया करो। 5 कऊंकि तुसे ये अच्छी तरअ ते जाणोए कि केसी व्याभिचारी या अशुद्ध जणा या लोबी मांण्यू री, जो मूर्तिया खे पूजणे वालेया रे बराबर ए, मसीह और परमेश्वरो रे राज्य रे कोई जायदात निए। 6 कोई बी तुसा खे बेकार गल्ला रे सलाह देई कि तोखा नि देओ कऊंकि इना ई कामो री बजअ ते परमेश्वरो रा रोष, आज्ञा ना मानणे वालेया पाँदे पड़कोआ। 7 इजी री खातर तुसे तिना लोका रे गलत कामा रे शामिल नि ओ। 8 कऊंकि तुसे तो पइले न्हेरे रे थे, पर एबे प्रभुए रे जोति ए, तो जोतिया री ल्वादा जेडे चलो। 9 जेती ज्योति ए तोती सब प्रकारा री पलाई, धार्मिकता और सच ओआ। 10 और ये परखो कि प्रभुए खे क्या अच्छा लगोआ? 11 और न्हेरे रे निष्फल कामो रे शामिल नि ओ, बल्कि तिना खे ल्वामे देओ। 12 कऊंकि तिना अविश्वासी लोका रे गुप्त कामो री चर्चा बी शरमा री गल्ल ए। 13 पर जितणेया कामा पाँदे ल्वामे दिते जाओए, सेयो सब जोतिया ते प्रकट ओए, कऊंकि जो सब कुछ प्रकट करोआ, से जोति ए। 14 तेबैई तो से बोलोआ, “ओ सऊणे वाले जाग और मुडदेया बीचा ते जिऊँदा ऊई जा, मसीह री जोति तो पाँदे चमकणी।” 15 इजी री खातर त्यानो ते देखो कि तुसे केड़ी चाल चलोए; बिना बुद्धि वालेया जेडे नि पर अकल्मंद लोका जेडे चलो। 16 मैके खे किमती समजो, कऊंकि दिन बुरे ए। 17 इजी बजअ ते निबुद्धि नि ओ, पर त्यानो साथे समजो कि प्रभुए री क्या इच्छा ए। 18 शराब पी की मतवाले नि बणो, कऊंकि इजी ते लुचपण ओआ, बल्कि पवित्र आत्मा ते परदे जाओ। 19 आपू बीचे पजन, स्तुतिगान और आत्मिक गीत गाया करो और आपणे-आपणे मनो रे प्रभुए सामणे गांदे और कीर्तण करदे रओ। 20 सदा सब गल्ला खे म्हरे प्रभु यीशु मसीह रे नाओं ते परमेश्वर पिते रा धन्यवाद करदे रओ। 21 मसीह रे डोरो ते एकी-दूजे रे अधीन रओ। 22 ओ लाडियो! आपणे-आपणे लाडे रे एडे अधीन रओ, जेडे प्रभुए रे। 23 कऊंकि लाडा, लाडिया रा सिर ए, जेडा कि मसीह मण्डलिया रा सिर ए और आपू ई मण्डलिया रा उद्घारकर्ता ए जो तिना रा शरीर ए। 24 जेडी मण्डलिया मसीह रे अधीन ए। तियाँ ई लाडिया बी हर गल्ला रे आपणे-आपणे लाडे रे अधीन रओ। 25 ओ लाडेयो! आपणी-आपणी लाडिया साथे प्यार राखो, जेडा मसीहे बी मण्डलिया साथे प्यार करी की आपणे आपू खे मण्डलिया खे देर्इता। 26 तिने एडा इजी खे कित्तेया कि से मण्डलिया खे वचनो रे जारिए पापो ते शुद्ध करी की पवित्र बणाओ, ठीक तियाँ ई जियाँ लोक केसी चीजा खे पाणिए साथे तोई की साफ करोए। 27 और तेसा खे एक एडी तेजस्वी मण्डली बणाई की आपू साथे खड़ी करो, जिदे ना कलंक, ना झार्झी, ना कोई ओर एडी चीज ओ, बल्कि पवित्र और निर्दोष ओ। 28 ईयाँ ई लाडा आपणी-आपणी लाडिया साथे आपणे शरीरो जेडा प्यार राखो, जो

आपणी लाडिया खे प्यार करोआ, से आपू साथे प्यार करोआ। 29 कँकिं कोई बी आपणे शरीरो ते बैर नि राखदा, बल्कि तिजी रा पालण-पोषण करोआ, जेडा मसीह बी मण्डलिया साथे करोआ। 30 कँकिं आसे मसीह रे शरीरो रे अंग ए। 31 जेडा कि पवित्र शास्त्र बोलोआ, “इजी बजअ ते मर्द आपणे माए-बाओ छाडी की आपणी लाडिया साथे मिले रा रणा और सेयो दोनो एक तन ऊणो!” 32 ये पेत तो बडा ए, पर आऊं मसीह और मण्डलिया रे बारे रे बोलणे लगी रा। 33 पर ये तुसा खे बी लागू ओआ कि तुसा बीचा ते हर एक आपणी लाडिया साथे, आपू जेडा प्यार राखो और लाडी बी आपणे लाडे रा आदर करो।

6 ओ बालको, आपणे माया-बाओ रे आज्ञाकारी बणो, एडा करना

तुसा खे पला ए कँकिं तुसे प्रभुए रे ए। 2 “आपणे माया-बाओ रा आदर करो!” ये एडी पईली आज्ञा ए जेते साथे वादा बीए। 3 से वादा ये ए कि, “कि तेरा पला ओ और तूँ तरतिया पाँदे बऊत दिनो तक जिंदा रओ!” 4 ओ बाल-बच्चे वालेयो! आपणे बच्चेया खे रिस नि देओ, पर प्रभुए री शिक्षा और चेतावणी देंदे ऊए, तिना खे पालो-पोषो। 5 ओ दासो, जो लोक दुनिया रे मुताबिक तुसा रे मालक ए तिना री आपणे मनो री सच्चाईया ते आदर करदे और डरदे ऊए आज्ञा मानो, जेडी मसीह री मानोए। 6 मांणूआ खे खुश करने वालेया जेडे दखाणे खे सेवा नि करो, पर मसीह रे दासो जेडे, मनो ते परमेशरो री इच्छा पाँदे चलो 7 खुशिया साथे एक सेवको रे रूपो रे एडे काम करो जेडा मानो तुसे लोका री नि प्रभुए री सेवा करने लगी रे। 8 कँकिं तुसे जाणोए कि जेस केसी जेडा खरा काम करना, चाए दास ओ, चाए आजाद ओ, प्रभुए ते तेडा ई इनाम पाणा। 9 ओ मालको! तुसे बी तमकिया देणा छाडी की तिना साथे तेडा ई बर्ताव करो, कँकिं तुसे जाणोए कि तिना रा और तुसा दूँही रा मालक स्वर्वो रे ए और से केसी रा पक्षपात नि करदा। 10 मेरा आखरी वचन तुसा लोका खे ये ए कि प्रभुए रे और तेसरी शक्तिया रे असरो रे तागतबर बणो। 11 परमेशरो रे सारे अधियार बानी लो, ताकि तुसे शैतानो री योजना रे सामणे खडे रई सको। 12 कँकिं म्हारा ये मलयुद्ध खून और मासो ते बणे रे मांणूआ ते निए, बल्कि प्रदाना ते और अधिकारिया ते और एसा दुनिया रे न्हेरे रे हाकिमा ते और तेस दुष्टो री अतिमिक सेना साथे ए, जो सर्गो रे ए। (aiōn g165) 13 इजी री खातर परमेशरो रे सारे अथियार बानी लो, ताकि तुसे दुरे दिनो रे सामणा करी सको और सब कुछ पूरा करी की खडे रई सको। 14 तो सच्चाईया साथे आपणा लक बानी की और तर्मो री झिलम पईनी की 15 और पैरो रे मेल-जोलो रे सुसमाचारो रे जोडे पईनी की 16 और तिना सबी साथे विश्वासो री ढाल लयी की खडे रओ, जेते साथे तुसे, तेस दुष्टो रे सारे बले रे तीर बजाई सको। 17 और उद्घारो रा टोप और आत्मा री तलवार, जो परमेशरो रा वचन ए, लयी लो। 18 हर बखत और हर प्रकारा ते पवित्र आत्मा री अगुवाईया रे प्रार्थना और बिनती करदे रओ और इजी खई जागदे रओ कि सारे परमेशरो रे लोका खे लगातार बिनती करेया करो। 19 और माखे बी प्रार्थना करो कि माखे बोलणे रे बखते एडा प्रबल वचन

दितेया जाओ, ताकि आऊं इम्मता साथे सुसमाचारो रा पेत बताई सँकू, 20 इजी री खातर आऊं जंजीरा साथे जकडे रे राजदूतो जेडी सेवा करने लगी रा। प्रार्थना करो कि माखे जिंयाँ बोलणा चाईयो, तिंयाँ ई आऊं बिना डरे सुसमाचार सुणाई सँकू। 21 तुखिकुस जो मेरा प्यारा साथी विश्वासी और प्रभुए रे विश्वासो जोगा सेवक ए, तेस तुसा खे सब गल्ला बताणिया, ताकि तुसे बी मेरी दशा जाणी लो कि आऊं केडा रऊँआ। 22 से मैं तुसा गे इजी खई पेजी राखेया, ताकि तुसे म्हारी दशा जाणो और से तुसा रे मनो खे औंसला देओ। 23 आऊं परमेशर पिता और प्रभु यीशु मसीह ते प्रार्थना कहूँआ कि से तुसा खे शान्ति देओ। तुसा लोका खे एकी-दूजे साथे प्यारो साथे रणे रे और मसीह रे विश्वासो रे बणे रणे रे मताद करो। 24 परमेशरो री कृपा तिना सबी लोका पाँदे बणी री रओ जो म्हारे प्रभु यीशु मसीह ते कदी नि खत्म ऊणे वाळा प्यार करोए।

फिलिप्पियों

१ ये चिट्ठी यीशु मसीह रे दास पौलुस और तीमुथियुसो री तरफा ते

ए। आँऊ ये चिट्ठी फिलिप्पी नगरो रे रणे वाले परमेश्वरो रे सारे पवित्र लोक, अध्यक्ष और सेवका खे लिखणे लगी रा जो यीशु मसीह रे ए। २ म्हरे पिता परमेश्वर और प्रभु यीशु मसीह री तरफा ते तुसा खे कृपा और शान्ति मिलदी रओ। ३ आँऊ जेबे-जेबे तुसा खे याद कँआ, तेबे-तेबे आपणे परमेश्वरे रा धन्यवाद करूँआ। ४ और जेबे कदी तुसा सबी खे प्रार्थना करूँआ, तो सदा खुशिया साथे बिनती करूँआ। ५ कँकि तुसे पईले दिनो ते लयी कि आजो तक प्रभु यीशु रे सुसमाचारो खे फैलाणे खे मेरे सहभागी रई रे। ६ और माखे एते गल्ला रा विश्वास ए कि परमेश्वरे जिने तुसा रे खरा काम शुरू करी राखेया, तेस ई से काम जेबे यीशु मसीह फेर वापस आऊणा तेस दिनो तक पूरा करना। ७ ये खरा ए कि आँऊ तुसा सबी खे एडा ई बिचार करूँ, कँकि आँऊ तुसा ते बऊत प्यार करूँआ और जेबे आँऊ जेला रे ए और सुसमाचारो री रक्षा खे और इजी खे सच साबित करने रे तुसे सब मां साथे कृपा रे शामिल ए। ८ इदे परमेश्वर मेरा गवा ए कि जियाँ यीशु मसीह तुसा ते प्यार करोआ सच्ची आँऊ बी तियाँ ई तिना जेडा तुसा सबी ते प्यार करूँआ। ९ और आँऊ ये प्रार्थना करूँआ कि तुसा रा एकी दूजे ते प्यार, ज्ञान और पूरिया समजा साथे ओर बी बड़दा जाओ। १० तेबैर्ड तुसे इना गल्ला खे परखणे रे जोगे ऊई जाओ कि कुण जी गल्ल करने खे खरी ए और मसीह रे फेर वापस आऊणे रे दिनो तक पवित्र और निष्कलंक बणे रे रओ। ११ और यीशु मसीह रे जरिए पैदा ऊणे वाले धार्मिकता रे कामा ते आपू खे परी लओ, जेते कि परमेश्वरो री महिमा और स्तुति ऊंदी रओ। १२ ओ प्यारे साथी विश्वासियो! आँऊ चाँऊँआ कि तुसे ये जाणी लो कि मां पौंदे जो बीती रा, तिजी री बजअ ते बऊत सारे लोके सुसमाचारो पौंदे विश्वास कित्तेया। १३ एथो तक कि कैसर राजे रे राज्य री सारी पलटण और बाकि बचे रे सारे लोका सामणे ये आईगा रा कि आँऊ मसीह री खातर जेला रे कैद ए। १४ और प्रभुए रे जो पाई ए, तिना बीचा ते बऊत जणे मेरे जेला रे कैद ऊणे री बजअ ते, मजबूत विश्वासो साथे, परमेश्वरो रा वचन नशंग सुनाणे री और बी इम्मत करोए। १५ ये सच ये कि कुछ लोक जळन और चगडे री बजअ ते मसीह रे सुसमाचारो रा प्रचार करोए और कुछ खेरे इरादे ते। १६ ये एडे लोक जो मसीह रे सुसमाचारो रा प्रचार अच्छे इरादे और प्यारो ते करोए। सेयो जाणोए कि आँऊ यीशु मसीह रे सुसमाचारो रा जबाब देणे खे जेला रे कैद ए १७ पर ये चगड़ा करने वाले लोक जो सच्चाईया ते मसीह रे मतलबो खे मसीह रा सुसमाचार सुणाओए, ये सोचोए की कि जेबे आँऊ जेला रे कैद ए, माखे और जादा क्लेश पैदा करो। १८ तो क्या ऊआ? बस ये कि हर किंयाँ चाए बुरिया बजअ ते, चाए सच्चाईया ते मसीह रा सुसमाचार सुणाया जाओआ। आँऊ इजी ते खुश ए और खुश ऊंदा रणा बी। १९ कँकि आँऊ जाणूँआ कि तुसा री प्रार्थना रे जरिए और यीशु मसीह री तरफा ते

पेजी री पवित्र आत्मा री मतादा रे जरिए, इजी रा ईनाम, माखे अच्छा ई ऊणा। २० आँऊ तो दिलो ते येर्ड इच्छा और उम्मीद राख्यूँआ कि आँऊ किजी बी गल्ला रे शर्मिदा नि ओँऊँ, पर जेडी मेरी बड़ी इम्मता री बजअ ते, मसीह री तारीफ मेरे शरीरो रे जरिए सदा ऊंदी रओई, तेडा ई एबे बी ओ, चाए आँऊ जिंदा रऊँ या मरी जाऊँ। २१ कँकि जे आँऊ जिंदा तो सिफ मसीह री खातर, और जेबे आँऊ मरू तो से माखे बऊत ई अच्छा ऊणा कँकि आँऊ मरने ते बाद बी मसीह साथे रणा। २२ पर जे शरीरो रे जिंदा रणा ई मेरे कामो खे फायदेमंद ए, तो आँऊ नि जाणदा कि केसखे चुप्पुँ? २३ कँकि इना दुँई बीचा ते केसी एकी खे चुप्पना माखे बऊत ई कठण ए। जिंदा तो चाओओ कि मरी की मसीह गे जाई की रऊँ, कँकि ये माखे बऊत ई अच्छा ए। २४ पर शरीरो रे रणा और बी जरूरी ए कँकि तुसा खे मेरी मतादा री जरूरत ए। २५ इजी खे कि माखे इजी रा विश्वास (भरोसा) ए कि आँऊ जिंदा रणा, बल्कि तुसा सबी साथे रणा, जेते की आँऊ तुसा खे विश्वासो रे मजबूत करने और तिदे खुश रणे रे तुसा री मताद रक्खा। २६ जो कमण्ड तुसे मेरे बारे रे करोए, से मेरा तुसा गे जेला ते फेर वापस आऊणे ते, यीशु मसीह रे और जादा बड़ी जाओ। २७ बस इतणा करो कि तुसा रा चाल-चलण मसीह रे सुसमाचारो जोगा ओ, तेबे चाए आँऊ आईकि तुसा खे देखूँ चाए ना बी आँऊ, बस तुसा रे बारे रे ये सुणूँ कि तुसे एक ई इरादे रे मजबूत रओ और एक मन ऊई कि सुसमाचारो रे विश्वासो खे मईंगत करदे रओए। २८ केसी बी गल्ला रे बिरोदिया ते डरदे नि, तुसा री इम्मत तिना खे नाशो रा साफ चिह्न ए, पर तुसा खे उद्धरो रा और ये परमेश्वरो री तरफा ते ए। २९ कँकि मसीह री बजअ ते तुसा पौंदे ये कृपा ऊई कि ना बस तेस पौंदे ई विश्वास करो, पर तेसरिया तंई दुःख बी सईन करो, ३० और तुसा खे तेडा ई दुःख सईन करना ए, जेडा तुसे आँऊ सईन करदे देखी राखेया, जेबे आँऊ तुसा साथे फिलिप्पी नगरो रे था और एबे बी सुणोए कि दुःख सईन करूँआ।

२ तेबैर्ड जे तुसा लोका बीचे मसीह रे कुछ बी औंसला, प्यारो रे जरिए

पैदा इम्मत, आत्मा री सहभागिता और कुछ करूणा और दया ए, २ तो मेरी ये खुशी पूरी करो कि एकी दूजे ते सहमत रओ और एक जेडा प्यार राख्यो, एकी दूजे ते मेलजोल राख्यो और एक ई इच्छा राख्यो। ३ आपणे फाइदे या कमण्डो ते कुछ नि करो, पर दीनता ते एकी-दूजे रा आपू ते जादा त्यान राख्यो। ४ हर एक आपणे ई पलाईया री नि, बल्कि दूजे री पलाईया री बी चिन्ता करेया करो। ५ जेडा यीशु मसीह रा सबाओ था, तियाँ ई तुसा रा सबाओ बी एकी-दूजे साथे ऊणा चाइयो। ६ हालाँकि मसीह सच्ची परमेश्वर था तेबे बी तिने लोक एसा गल्ला खे मजबूर नि कित्ते कि सेयो तेस साथे परमेश्वरो जेडा बर्ताव करो, ७ बल्कि आपणे आपू खे एडा शून्य करी ता और दासो जेडा बणीगा और माणूँए जेडा ऊईगा। ८ और माणूँए रे रूपो रे आयी की आपू खे दीन कित्तेया और से आपणी मौता तक आज्ञाकारी रया, एथो तक कि तिने कूसो पौंदे दर्दनाक मौत बी सईन करी ली। ९ इजी बजअ ते परमेश्वर तेसखे सबी

ते ऊच्ची पदवी दित्ती और तेसखे से नाओं दित्तेया, जो सबी नाओं ते बड़ा ए। 10 ताकि जो स्वर्गों रे ए और तरतिया रे ए और तरतिया ते थाले ए, सेयो सारे यीशुए रे नाओं खे तेसखे आदर देणे खे जानूआ रे पाअरे बैठो। 11 और पिता परमेश्वरो री महिमा खे हर माणू आपणे मुंपे ये मानी लओ कि यीशु मसीह ई प्रभु ए। 12 तो ओ प्यारे साथी विश्वासियो! जियाँ तुसे सदा ते ज्ञाना मानदे आयी रे, तियाँ ई एबे बी, ना बस मां साथे रंदे ऊए, पर खास करी की एबे मेरे दूर रंदे ऊए बी डरदे और थरथरादे ऊए लगातार अच्छे काम करो जो तुसा रे उद्धारो ते आओए। 13 कऊकि ये परमेश्वर ईए, जो आपणी पवित्र आत्मा रे जरिए तुसा रे मनो रे तेसरी खरी इच्छा और खरे काम करने री इम्मत देओआ। 14 सरे काम बिना कुड़कुड़ाए और बिना बईसा ते करेया करो। 15 ताकि तुसे निर्दोष और पोले ऊई की टेंडे और टीठ लोका बीचे परमेश्वरो री निष्कलंक ल्वाद बणे रे रओ, जिना बीचे तुसे जीवनो रा वचन लयी की दुनिया रे सर्गों रे चमकिले तारेया जेड़ दिशोए। 16 ताकि मसीह रे वापस आऊणे रे दिने माखे कमण्ड करने री बजअ ओ कि ना मेरी दौड़-न्तूप और ना ई मेरी कड़ी मईणत करना बेकार ऊआ। 17 तुसा रा मसीह रे विश्वास और तुसा री सेवा परमेश्वरो खे चढ़ाई री बलिया जेड़े ए। जे सेयो माखे मारी बी देओ तेबे बी आँऊ खुश ए और तुसा सबी साथे खुशी मनाऊँआ। 18 तियाँ ई तुसे बी खुश ओ और मां साथे खुशी मनाओ। 19 माखे प्रभु यीशुए रे उम्मीद ए कि मां तीमुथियुस तुसा गे चट ई पेजणा ताकि तुसा रा आल सुणी की मेरा औंसला बड़ो। 20 कऊकि मांगे एड़ सबाओ रा कोई निए जो साफ मनो ते तुसा री चिन्ता करो। 21 कऊकि सब आपणे स्वार्थ निकालने री खोजा रे रओए, ना कि यीशु मसीह री। 22 पर तुसे तो तीमुथियुसो री योग्यता खे जाणोए कि जेड़ा पाऊ पिते साथे करोआ, तेड़ा ई तिने एस सुसमाचारो खे फैलाणे दे, मां साथे कड़ी मईणत कित्ती। 23 तो माखे उम्मीद ए कि जियाँ ई माखे पता लगणा कि मेरी क्या दशा ऊणी, तियाँ ई मां से फटाफट पेजी देणा। 24 और माखे प्रभुए पाँदे विश्वास ए कि मां आपू बी चट आऊणा। 25 पर मैं इफ्फुदीतुसो खे तुसा गे वापस पेजणा जरूरी समजेया। ये मेरा पाई और मेरा सहकर्मी और मां साथे संगी सिपाई और तुसा रा संदेश पँऊळाणे वाला और जस्ती गल्ला रे मेरी सेवा करने वाला ए। 26 कऊकि तेसरा मन तुसा सबी रे लगी रा था, और से बेचैन रओ था, कऊकि तुसे तेसरी बमारिया रा आल सुणेया था। 27 पक्का से तो बमार ऊईगा था, एथो तक कि मन्ने वाला था। पर परमेश्वरे तेस पाँदे दया कित्ती और बस तेस ई पाँदे नि, पर मां पाँदे बी कित्ती ताकि माखे दुः खो पाँदे दुः ख नि ओ। 28 इजी री खातर मैं तेसखे पेजणे री ओर बी कोशिश कित्ती ताकि तुसे तेस साथे फेर प्रभुए रे मिली कि खुश ऊई जाओ और मेरी चिन्ता बी कम ऊई जाओ। 29 इजी री खातर तुसे प्रभुए रे, तेस साथे बऊत खुशिया ते मिलेओ और एड़या री आओ बैठ करेया करनी। 30 कऊकि सेई मसीह रे कामो खे आपणे प्राणो खे मुसीबता रे पाई की मरने जोगा

ऊईगा था, ताकि जो कमी तुसा री तरफा ते मेरी सेवा रे ऊई, तिजी खे पूरी करो।

3 इजी री खातर ओ प्यारे साथी विश्वासियो, प्रभुए रे खुश रओ! सेयो ई गल्ला बार-बार लिखणे रे माखे कोई कष्ट नि ऊँदा पर ये गल्ला तुसा खे चूटिया शिक्षा ते चौबाओईया। 2 तिना लोका ते चौकस रओ जो तुसा खे जंगली कुत्तेया जेड़े खतरनाक ए, बुरा काम करने वाले ए और ये बोलोए कि उद्धार पाणे खे खतना जरूरी ए। 3 कऊकि परमेश्वरो रे सच्चे लोक आसे ईए। जो परमेश्वरो री पवित्र आत्मा री अगुवाईया ते भक्ति करोए और मसीह यीशुए रे कमण्ड करोए और शरीरो रे कामा पाँदे परोसा नि राख्येदे। 4 जे केसी ओरी खे शरीरो रे कामा पाँदे परोसा राखी की आँऊ बी तिना ते जादा त्वालिया दई सकँग़ा। 5 जियाँ परमेश्वरे ज्ञाना दिती तियाँ ई आठुए दिने मेरा खतना ऊआ, आँऊ इस्माएलो रे वंशो रा और बिन्यामीनो रे गोत्रो राए; आँऊ पक्का इब्रानी ए और मेरे बुजुर्ग बी पक्के इब्रानी थे। मूसे रे विधानो खे मानणे रे बारे रे जे बोलो तो आँऊ फरीसी ए। 6 इम्मता रे बारे रे जे बोलो तो, मण्डलिया खे सताणे वाला और यहूदी बिधानो खे मानणे रे बारे रे जे कोई बोलो तो, आँऊ तर्मी माणू था। कऊकि मैं तेसा बिधानो खे मानणे रा पालन कित्तेया। 7 पर जो-जो गल्ला मैं सोचिया कि सेयो मेरे लाबो री थिया, एबे सेई मैं मसीह खे ओर बी जादा जाणने खे बेकार समजी लईया। 8 इजी ते बी जादा बढ़ी की आँऊ आपणे प्रभु यीशु मसीह खे जाणने री जरूरता रे सामणे सारी गल्ला खे बेकार समजूँआ, जेतेरी बजअ ते मैं सारी चीजा रा नुकशाण उठाया और तिना खे कूड़ा समजूँआ; जेते कि आँऊ मसीह खे जाणी सकँग़। 9 ताकि आँऊ तेस साथे एकता रे जी सकँग़, ना कि आपणी तेसा धर्मिकता साथे, जो मूसे रा विधानो ते ए, बल्कि तेसा धर्मिकता साथे, जो मसीह पाँदे विश्वास करने री बजअ ते ए और परमेश्वरो री तरफा ते विश्वास करने ते माखे मिलोई। 10 आँऊ ये जाँआ कि मसीह खे जाणी लऊँ। तेसरे फेर जिऊँदे ऊणे री सामर्था खे महसूस करूँ, और तिना साथे दुः खो रे सहभारी ऊई की मौता रे तिना जेड़ा बणी जाऊँ। 11 ताकि आँऊ कियाँ बी मरे ऊए रे बीचा ते फेर जिऊँदे ऊणे रे पदे तक पँऊळी सकँग़। 12 ये मतलब नि कि आँऊ इना सबी चीजा खे पईले तेई पायी चुकी रा या सिद्ध ऊई चुकी रा। पर आँऊ तेसा चीजा खे पाणे री खातर दौड़ी की आगे बढ़ा चली जाणे लगी रा कि आँऊ सिद्ध ऊई जाऊँ। जेतेखे यीशु मसीहे आँऊ चुणेया था। 13 ओ साथी विश्वासियो! मेरा मानणा ये निए कि आँऊ तिजी खे पायी चुकी रा। पर बस ये एक काम करूँआ कि जो गल्ला बीती चुकी रिया, तिना खे पूली की आगे री तरफा खे बड़दा जाऊँआ। 14 आँऊ नशाणे री तरफा खे दौड़ा जाऊँआ, ताकि आँऊ स्वर्गो रे बुलाए जाणे रा इनाम पाई सकँग़। जेतेरी खातर परमेश्वरे आँऊ यीशु मसीह रे जरिए स्वर्गो दे बुलाई राख्येया। 15 तो आसा बीचा ते जितणे विश्वासो रे मजबूत ए, यई सोच राखो और जे केसी गल्ला रे तुसा री ओर ई सोच ओ, तो,

परमेशरे तुसा खे से बी बताई देणा। 16 तेबैई आसा खे तेसा सच्चाईया रे मुताबिक चलणा चाईयो जो परमेशरे आसा खे पहुँले तेई दई दई राखी। 17 ओ साथी विश्वासियो! तुसे सब मिली की मेरी जी चाल चलो और तिना लोका खे बी जो मेरी जेडी चाल चलोए पछायाणो और तिना जेडी चाल चलो। 18 कऊंकि बऊत बुरी चाल चलोए, जेतेरे बारे आऊं तुसा खे बार-बार बताई चुकी रा और एबे बी रोयी-रोयी की बोलूआ कि सेयो आपणे चाल-चलणो ते मसीहे रे क्रूसो रे बैरी ए। 19 तिना रा अंत नाश ए। तिना रा ईश्वर तिना री शारीरिक जरूरत ए, सेयो आपणी शर्मा री गल्ला पांदे कमण्ड करोए। तिना रा मन तरतिया री चीजा पांदे लगे रा रओओ। 20 पर म्हारा आपणा देश स्वर्गो रे ए और आसे एक उद्धारकर्ता प्रभु यीशु मसीहे रे तेथा ते वापस आउणे री बाट देखणे लगी रे। 21 से आपणी शक्तिया रे तेस असरे रे मुताबिक जेतेरे जरिए से सारिया चीजा खे आपणे वशो रे करी सकोआ। से म्हारे दीन-हीन शरीरो रा रूप बदली की, आपणी महिमा रे शरीरो रे मुताबिक बणाई देणा।

4 ओ प्यारे साथी विश्वासियो! आऊं तुसा सबी ते प्यार करूँआ और

तुसा लोका ते मिलणे री बडी इच्छा राखूँआ। प्रभुए रे विश्वासो जोगे और स्थिर बणे रे रओ जेडा मैं तुसा खे बताई राखेया। तुसे सब मेरी खुशी और ईनाम ए। 2 आऊं यूआदिया ते बिनती करूँआ और सुन्तुष्टे ते बी बिनती करूँआ कि सेयो प्रभुए रे एक मन ऊँकि र रओ। 3 ओ सच्चे सहकर्मी! आऊं तांते बिनती करूँआ कि तूँ इना जवाणसा री मेल-मिलाप करने रे मताद कर, कऊंकि इने मां साथे सुसमाचार फैलाणे दे, क्लेमेंस और मेरे ओर साथे काम करने वालेया समेत मर्झिनत कित्ती, जिना सबी रे नाओं जीवनो री कताबा रे लिखी राखे। 4 प्रभुए रे सदा खुश रओ, आऊं फेर बोलूआ कि खुश रओ। 5 तुसा री नरमाई सबी लोका सामणे प्रकट ओ। प्रभुए रा वापस आउणा नेढे ए। 6 केसी बी गल्ला री चिन्ता नि करो। पर हर एकी परिस्थितिया रे तुसा री अर्ज, प्रार्थना और बिनतिया रे जरिए, धन्यवादो साथे परमेशरो सामणे ल्याए जाओ। 7 तेबे परमेशरे तुसा खे शान्ति देणी। ये शान्ति माणूआ री समजा ते बिल्कुल बारे ए। एसा तुसा रे दिल और तुसा रे सोच-बिचार मसीह यीशुए रे सयी-सलामत राखणे। 8 आखरी रे ओ साथी विश्वासियो! तुसे आपणा त्यान तिना गल्ला पांदे लगाओ जो-जो गल्ला सच ए, आदरणीय ए, खरिया ए, पवित्र ए, सुन्दर ए और मनो खे खरिया लगणे वालिया ए। तिना ई गल्ला रे बारे रे सोचो जो उत्तम और तारीफा जोगिया ए। 9 जो गल्ला मैं तुसा खे सिखाई राखिया और तुसे माते सुणिया और सिखिया और सेयो मानिया, और जो माखे करदे ऊए देखोए, तिना ई गल्ला खे मानेया करो। तेबे परमेशर, जो शान्तिया री सुबल ए तुसा लोका साथे रण। 10 आऊं प्रभुए रे बऊत खुश ए कऊंकि एबे इतणे दिनो ते बाद फेर तुसे मेरी चिन्ता मेरी मताद करने खे कित्ती। पक्का तुसा खे शुरूओ रे बी इजी गल्ला री चिन्ता थी, पर तुसा खे मेरी मताद करने रा मौका नि मिलेया। 11 ये नि कि आऊं आपणी कमिया री बजअ ते ये बोलणे लगी रा, कऊंकि मैं ये सिखी राखेया कि जेते दशा रे आए, तिदे ई तसल्ली

राख्यूँ। 12 मैं गरीबी और भरपूरी ढूँढूँ दशा रे रणा सीखी ला रा। हर एकी गल्ला रे और सबी दशा रे मैं रजे रे ऊणा या पूखा रणा और बढ़ना-कटणा सीखी ला रा। 13 मसीहे रे जरिए जो माखे सामर्थ देओआ तिदे आऊं सब कुछ करी सकूँआ। 14 फेर बी तुसे मेरे बुरे बखतो रे मेरी मताद करी की बऊत खरा काम कित्तेया। 15 ओ फिलिप्पिया रे लोको! तुसे आपू बी जाणोए कि सुसमाचार प्रचारो री शुरूआता दे, जेबे आऊं मकिदुनिया प्रदेशो ते चली पडेया, तेबे तुसा खे छाडी की ओरी किने बी मण्डलिए लणे-देणे रे बारे रे मेरी मताद नि किती। 16 ईंपां ई जेबे आऊं थिस्सलुनीके रे था, तेबे बी तुसे मेरी जरूरत पूरी करने खे, एकी बारिया ते बी जादा मताद पेजी। 17 आऊं ये इजी खे नि बोलदा कि माखे पैसेया री कुछ मताद चाईयो, पर ये कि तुसे से आशीष पाओ जो परमेशरो री तरफा ते दान देणे ते आओई। 18 मांगे सब कुछ ए, बल्कि बऊत जादा बी ए, जो चीजा तुसे इपफुदीतुसो रे आथो रे पैंजिया थिया, तिना खे पाई की आऊं रज्जी गा रा। से तो सुख देणे वाली खुशबू जेडी और मानणे जोगा बलिदान ए, जो परमेशरो खे अच्छा लागोआ। 19 आऊं प्रार्थना करूँआ कि परमेशर बी आपणे तेस धनो रे मुताबिक, जो महिमा समेत यीशु मसीह रे ए, तुसा री सारी जरूरता खे पूरी करो। 20 म्हारे परमेशर और पिते री महिमा जुगो-जुगो तक ऊँदी रओ। आमीन् (aiōn g165) 21 यीशु मसीह रे परमेशरो रे सब पवित्र लोका खे मेरी तरफा ते नमस्कार बोलो। जो विश्वासी पाई मां साथे ए, सेयो तुसा खे नमस्कार बोलोए। 22 सब परमेशरो रे पवित्र लोक जो एती ए, खास करी की जो महाराजा कैसरो रे कराने रे विश्वासी ए, तुसा खे नमस्कार बोलोए। 23 म्हारे प्रभु यीशु मसीह री कृपा तुसा सबी साथे सदा ऊँदी रओ। आमीन्।

कुलुस्सियों

1 ये चिट्ठी पौलुस और आसा रा पाई तीमुथियुसों री तरफा ते ए। आँऊ

पौलुस परमेशरों री इच्छा ते यीशु मसीह रा प्रेरित ए। 2 आँऊ ये चिट्ठी मसीह रे परमेशरों रे तिना पवित्र लोका खे और विश्वास जोगे पाईया खे लिखणे लगी रा जो कुलुस्से नगरों रे रओए। म्हरे पिता परमेशरों री तरफा ते तुसा खे कृपा और शान्ति मिलदी रओ। 3 जेबे आसे तुसा खे प्रार्थना करूँए तो आसे आपणे प्रभु यीशु मसीह रे पिता, परमेशरों रा सदा धन्यवाद करूँए। 4 कऊँकि आसे सुणी राखेया कि यीशु मसीह पांदे तुसा रा विश्वास ए और सब परमेशरों रे लोका साथे प्यार राख्योए। 5 तुसा रा विश्वास और प्यार तेसा उम्मीदा रे मुताबिक ए, जो स्वर्गों रे परमेशरे तुसा खे राखी री ए। तुसे तिजी रे बारे रे तेस सुसमाचारों रे सच्चे वचनों रे पईले इ सुणी चुकी रे, जो तुसा गे पँछी रा। 6 ये सुसमाचार सारी दुनिया रे लगातार फैलणे लगी रा और बजूत सारे लोक विश्वासी बणने लगी रे। तुसा रे बी तेसी दिनों ते ये फलने-फूलने लगी रा जेस दिनों ते तुसे सुणेया और सच्चाईया ते परमेशरों री कृपा पछ्याणी। 7 तिजी री ई शिक्षा तुसे म्हारे प्यारे और साथे काम करने वाले इप्रकासों रे सीखी, जो आसा खे मसीह रे विश्वासों जोगा सेवक ए। 8 तिने ई आसा खे बताया कि पवित्र आत्मे तुसा लोका रे मनों रे ओरी री खातर बजूत प्यार परी ता। 9 जेस दिनों ते आसे ये सुणेया, आसे तुसा लोका खे लगातार प्रार्थना करदे रऊँए। आसे ये बिनीती करूँए कि पवित्र आत्मा तुसा खे आत्मिक बुद्धि और समज देओं ताकि तुसे परमेशरों री इच्छा पूरिया तरअ ते समर्जी सको। 10 ताकि तुसा रा चाल-चलण प्रभुए खे महिमा देणे जोगा ओ और सदा सेई काम करो जेते की प्रभु खुश ओ। तुसा री जिन्दगिया रे हर प्रकारों रे खडे कामो रा फल लगो और तुसे परमेशरों री पछ्याणा रे बडदे जाओ। 11 आँऊ प्रार्थना करूँआ कि परमेशर आपणी महिमा री शक्तिया रा इस्तेमाल करी कि तुसा खे सब प्रकारों री सामर्था ते तागतबर करो। जेते कि तुसे खुशिया साथे हर प्रकारों रे सब्र और सईन शीलता दखाई सको। 12 तुसे लोक पिता परमेशरों रा धन्यवाद करदे रओ, जिने आसे एते जोगे बणाए कि स्वर्गों रे राज्य रे परमेशरों रे लोका साथे जायदाता रे बराबर इस्तेदार ओँऊ। 13 कऊँकि परमेशरे ई आसे शैतानों रे वशों ते छुडाई कि आपणे प्यारे पुत्रों रे राज्य रे प्रवेश करवाया। 14 आसा खे तिदे ई छुटकारा मतलब पापों री माफी मिलोई। 15 मसीह ना दिशणे वाले परमेशरों रा दिशणे वाले प्रतिरूप ए। से सब चीजा बणने ते पईले इ मौजूद ए और से परमेशरों री बणाई री सारी सृष्टिया पांदे प्रदान अधिकारी ए। 16 कऊँकि तेसदे ई सारिया चीजा री सृष्टि ऊई। सब कुछ चाए से स्वर्गों री ओ या तरतिया री, देखी री या बिना देखी री, क्या सिंहासन, क्या राज करने वाले, क्या प्रदानगिरी, क्या अक्क, सारी चीजा तेसरे ई जरिए और तेसरिया ई खातर बणाई राखिया। 17 मसीह सब चीजा बणने ते पईले ई मौजूद था और सब चीजा तेसरी ई इच्छा रे मुताबिक मिली की काम करदी

रओईया। 18 मण्डली मसीह रा शरीर ए और मसीह मण्डलिया रा सिर ए। सेर्डे आदि ए और मरे रेया बीचा ते जिऊँदा ऊणे वालेया रे जेठा ए ताकि सबी गल्ला रे सेर्डे प्रदान ओ। 19 कऊँकि पिता परमेशरों री खुशी इदे ई कि तेसरा पूरा सबाओं मसीह रे वास करो। 20 मसीहे कूसों पांदे जो आपणा खून बाद्या तिजी रे जरिए परमेशरे मेल-जोलों री शुरुआत कित्ती। परमेशरों खे ये खरा लगेया कि से मसीह रे जरिए सब चीजा रा चाए सेयो तरतिया पाँदलियाए या स्वर्गों रिया ए आपू साथे मेल-जोल करी लो। 21 तुसे जो पईले परमेशरों ते दूर थे और बुरे कामो री बजअ ते मनो ते बैरी थे। 22 पर एवे परमेशरे आपणे पुत्र मसीह रे कूसों पांदे मरने रे जरिए तुसा साथे बी मेल-जोल करी ला, ताकि तुसा खे आपणे सामणे पवित्र और निष्कलंक और निर्दोष बणाई कि आजीर करो। 23 तुसे मसीह रे विश्वासों री निऊँआ पांदे पक्के बणे रे रओ। तेसा उम्मीदा खे नि छाडो जो सुसमाचार सुणने ते बाद तुसा खे मिली। एस सुसमाचारों रा प्रचार सर्गों निठे सारी सृष्टिया रे कित्तेया और जेतेरा प्रचार करें खे आँऊ पौलुस सेवक बणेया। 24 एबे आँऊ तिना दुःखो रिया बजअ ते खुशी मनाऊँआ, जो तुसा री तंई उठाऊँआ। आँऊ मसीह रे कलंशों री कअटी, आपणे शरीरों रे, तिना री मण्डलिया खे, जो मसीह रे शरीरों रे पूरी करी देऊँआ। 25 जेसरा आँऊ परमेशरों रे तेस परबंदों रे मुताबिक तेसरी मण्डलिया रा सेवक बणेया, जो तुसा खे मांगे सम्बालूया, ताकि आँऊ परमेशरों रे वच्नों रा पूरा-पूरा प्रचार करूँ। 26 मतलब तेस पेतो खे जो सदिया और पीढ़िया ते गुप्त रया, पर एवे परमेशरों रे तिना पवित्र लोका पांदे प्रकट ऊआ। (aiōn g165) 27 परमेशरे ये इजी खे प्रकट कित्तेया कऊँकि से चाओ था कि तुसे दूजी जाति तिना रे नौखी और महिमा रे पेतो खे समजो। से पेत ये कि मसीह तुसा लोका बीचे रओआ और तिना रे तुसा लोका री महिमा री उम्मीद ए। 28 आसे मसीह रा प्रचार करूँए और परमेशरों री तेसा बुद्धिया ते हर एक माणूए खे चतौणी और पूरे ज्ञानों रा उपदेश देऊँए। जेते कि हर एक माणूए खे मसीह रे सिद्ध करी की तिना सामणे आजीर करो। 29 इजी खे आँऊ तेसरी तेसा शक्तिया रे मुताबिक तन मन लगाई की मईणत करूँआ जो माखे मसीह रे जरिए मिलोई और जो मांदे काम करोई।

2 आँऊ चाऊँआ कि तुसे जाणी लो कि तुसा खे और लौदीकिया नगरो

री मण्डलिया खे और तिना सबी लोका खे बी जिने आँऊ देखी बी नि राखेया तिना सबी खे आँऊ केडी कडी मईणत करूँआ। 2 आँऊ एडा इजी खे करूँआ ताकि तिना रे मनों रे शान्ति मिलो और सेयो प्यारों रे आपू बीचे बणे रे रओ। आँऊ चाऊँआ कि तिना खे पूरा आत्म विश्वास ओ कऊँकि तिना खे परमेशरों री गुप्त योजना री पूरी समज ए। जो कि यीशु मसीह आपू ए। 3 जेसरे बुद्धि और ज्ञानों रे सारे पण्डर छिपे रे ए। 4 ये आँऊ इजी खे बोलूँआ कि कोई माणू तुसा खे चूठी लुबाणे वाली शिक्षा ते तोखा नि देओ। 5 कऊँकि आँऊ जे शरीरों रे तुसा ते दूर ए, तेबे बी आत्मा रे तुसा साथे ए। माखे ये जाणी की खुशी ओई कि तुसा रा जीवन सई टंगो ते ए और मसीह रे तुसा रा विश्वास बजूत मजबूत ए। 6

जियाँ तुमे यीशु मसीह खे प्रभु करी की मानी ला रा। तियाँ ई एवे मसीह रे चलदे रओ। 7 और तेसदे ई जड़ पकड़दे और बड़दे जाओ और जेडे तुमे सिखाई राखे, तेडे ई विश्वासो रे पकके ऊंदे जाओ और जादा ते जादा धन्यवाद करदे रओ। 8 चौकस रओ कि कोई तुसा खे आपणे छूठे दर्शनशस्त्रो री बेकारो रिया गल्ला ते बईकाई ना देओ। ये सारिया गल्ला माणूआ री रीति-रवाजा रे और दुनिया री शुरूओ री शिक्षा रे मुताबिक ए, पर मसीह री शिक्षा रे मुताबिक निए। 9 इजी खे तोखा नि खाओ कऊंकि मसीह रे शरीरो रे परमेश्वरो रे सारे गुण और सामर्थ भरपूरिया ते वास करोए। 10 मसीह हर एक प्रदानगिरी और अक्को पाँदे शिरोमणी ए। तुमे तिना रे आत्मिक रूपे ते भरपूर ए कऊंकि तुमे मसीह रे ए। 11 तिदे ई तुसा रा बी खतना ऊई रा। से खतना लोका रे आयो रे जरिए नि ऊआ, पर से मसीह रा खतना मतलब बपतिस्मा ए, जेते कि पापमय शरीर त्वारी देओए। 12 और तुमे लोक बपतिस्मे रे मसीह साथे दबाए गये और तिदे ई परमेश्वरो री शक्तिया पाँदे विश्वास करी की, जिने से मरे रेया बीचा ते जिऊंदा कित्तेया, तेस साथे जिऊंदे बी ऊए। 13 परमेश्वरे तुमे बी, जो आपणे अपराधी और शरीरो रे बिना खतने री दशा रे मुड़दे थे, मसीह साथे जिऊंदे कित्ते और म्हारे सारे पाप माफ कित्ते। 14 और बिदिया रा से लेख जो म्हारे नाओं पाँदे और म्हारे बिरोदे रे था, मट्याईता और से कूसो पाँदे कीला ते जड़ी की सामणे ते टाई ता रा। 15 और मसीहे प्रदानगिरी और अक्को खे अरायी की तिना रा खुल्लमखुल्ला तमाशा बणाया और कूसो री बजअ ते तिना पाँदे जय-जयकारो री आवाज सुणाई। 16 तेबेई कोई तुसा खे तोखा नि देणे पाओ और खाणे-पीणे या त्योआर, नए चाँद या आरामो रे दिनो रे बारे रे तुसा रा कोई न्याय नि करो। 17 कऊंकि यो सब नियम आऊणे वाली गल्ला रिया छाँयाए, पर मूल चीजा मसीह रिया ए। 18 तुमे तिना लोका ते तोखा नि खाओ जो बिनम्रता रा चूठा दखावा और स्वर्गदूता री पूजा करोए। सेयो तुसा खे दौड़ा रे फलो ते रोकी की नि राखो। एड़ा माणू देखी रिया गल्ला रे लगे रा रओआ और आपणी शारीरिक समजा पाँदे बेकार फूलदा रओआ। 19 और सेयो लोक यीशु मसीह खे पकड़ी की नि राखदे जो पूरे शरीरो रा सिर ए। जियाँ सिर पूरे शरीरो खे दिशा देओआ तियाँ ई यीशु मसीह आपणे सारे लोका खे दिशा देओआ ताकि सेयो एकजुट और कट्ठे रओ जियाँ शरीरो रे सारे जोड़ और मांसपेसी शरीरो खे पकड़ी की राखोए और परमेश्वरो री तरफा ते बड़दे जाओए। 20 जबकि तुसा रा पापी सबाओ मसीह साथे मरी गा, इजी खे तुसा खे एसा दुनिया री शुरूओ री शिक्षा मानणे री जरूरत निए। तो फेर तिना जेडे जो दुनिया रे जीवन बिताओए, माणूआ री आज्ञा और शिक्षा रे मुताबिक और एड़ी बिदिया रे वशो रे कऊं रओए? 21 कि ये नि छूणा, ये नि चाखणा और इजी खे आथ नि लगाणा। 22 यो सब बिधान कामो रे ल्याई-ल्याई की नाश ऊई जाओ। कऊंकि ये माणूआ री आज्ञा और शिक्षा रे मुताबिक ए। 23 आपणी ई सुबिदा रे मुताबिक बणाया रा आराधना करने रा तरीका, चूठी बिनम्रता रा दखावा और आपणे शरीरो खे कष्ट देणे रे जरूर

अकलमंदी दखाई देओई। पर सच्ची ई ये बिधान लोका खे तिना रे शरीरो री बुरी इच्छा खे रोकणे रे मताद नि करदे।

3 जबकि तुमे मसीह साथे जिऊंदे कित्ते, तो स्वर्गो रिया चीजा री

टोला रे रओ, जेती मसीह परमेश्वरो री बगला रे दाँपे कनारे बक्तु ई सम्मानित जगा रे बैठी रा और परमेश्वरो रे दाँपे कनारे बैठी रा। 2 तरतिया पाँदलिया नि, पर स्वर्गो री चीजा री टोला रे रओ। 3 कऊंकि तुमे तो पापी सबाओ रे मरी गे और तुसा रा जीवन मसीह साथे परमेश्वरो रे छिपे राए। 4 मसीह जो म्हारा जीवन ए जेबे एसा दुनिया रे वापस आऊणा, तेबे तुमे बी तेस साथे महिमा समेत सामणे ल्याए जाओ। 5 इजी री खातर आपणी तिना शरीरो री इच्छा खे काई देओ, जो तरतिया पाँदे ए, मतलब-व्याभिचार, अशुद्धता, बुरी इच्छा, बुरी लालसा और लोब, जो मूर्तिपूजा रे बराबर ए। 6 इना ई कामा खे करने री ई बजअ ते परमेश्वरो रा प्रकोप आज्ञा ना मानणे वालेया पाँदे पड़ोआ। 7 और तुमे बी, जेबे इना बुराईया रे जीवन बिताओ थे, तो इना रेई मुताबिक चलो थे। 8 पर एबे तुमे बी इना सबी खे, मतलब-गुस्सा रोष, बैर, निन्दा और गालिया बकणा, इना सबी गल्ला खे छाडी देओ। 9 एकी-दूजे ते चूठ नि बोलो कऊंकि तुमे पुराणा पापी सबाओ तेसरे कामो समेत त्वारी ता रा। 10 और एबे तुमे नया सबाओ तारण करी ला रा, जो आपणे बनाणे वाले रे रूपो रे मुताबिक ज्ञान पाणे खे नया बणदा जाओआ। 11 तिदे ना तो यूनानी रया, ना यहूदी, ना खतना, ना बिना खतने ते, ना जंगली, ना स्कूती, ना दास और ना आजाद; बस मसीह ईंजो सब कुछ ए और सबी रे ए। 12 तुमे लोक परमेश्वरो री पवित्र और प्यारी चुणी री प्रजा ए। तेबेई तुमे लोक बड़ी करूणा और पलाई, दीनता, नरमाई और सईन शीलता खे तारण करो। 13 और जे केसी गे केसी पाँदे दोष लगाणे री कोई बजअ ओ, तो एकी-दूजे खे सईन करी लो और एकी-दूजे रे अपराध माफ करो, जेडे प्रभुए तुसा रे अपराध माफ कित्ते, तियाँ ई तुमे बी करो। 14 और इना सबी पाँदे, प्यारो खे जो सिद्धता रा कटिवन्द ए बानी लो। 15 शान्ति जो मसीह देओआ तुसा रे दिलो रे राज्य करो। एड़ी शान्तिया खे तुमे एक शरीर ऊई की बुलाई बी राखो। तुमे सदा धन्यवादी बणे रे रओ। 16 मसीह रे वचनो खे आपणे दिलो रे बक्तु जादा बसणे देओ। सिद्ध जानो समेत एकी-दूजे खे सिखाओ और चिताओ। आपणे-आपणे मनो रे धन्यावादो साथे परमेश्वरो खे पजन, स्तुतिगान और आत्मिक गीत गाओ। 17 और वचनो ते और कामो ते जो कुछ बी करो, सब प्रभु यीशु रे नाओं ते करो और तेस साथे परमेश्वर पिते रा धन्यवाद करो। 18 औ लाडियो! जेडा प्रभुए रे खरा ए, तेडे ई आपणे-आपणे लाडे रे अधीन रओ। 19 ओ लाडेयो! आपणी-आपणी लाडिया साथे प्यार राखो और तिना साथे सख्ती नि करो। 20 ओ बालको! सबी गल्ला रे आपणे-आपणे माया-बाओ री आज्ञा रा पालण करो, कऊंकि प्रभु इजी ते खुश ओआ। 21 ओ बाल-बच्चेया वालेयो! आपणे बालका खे तंग नि करो, एड़ा नि ओ कि तिना रा सब्र टूटी जाओ। 22 ओ दासो! जो शरीरो रे मुताबिक तुसा रे मालक ए, सबी गल्ला रे तिना री आज्ञा खे मानो,

मांणूआ खे खुश करने जेडा दखाणे खे नि, पर सीदे मनो ते और प्रभुए रे डरो ते। 23 और जो कुछ तुसे करोए, तनो-मनो ते करो, ये सोची की कि मांणूआ खे नि पर प्रभुए खे करने लगी रे। 24 कऊकि तुसे जाणोए कि तुसा खे इजी रे बदले प्रभुए ते जायदात मिलणी, तुसे प्रभु यीश मसीह री सेवा करोए। 25 कऊकि जो बुरा करोआ, परमेशरो तिना खे तेसा बुराईया री खातर सजा देणी, तेती केसी साथे भेद-भाव नि ऊँदा।

4 ओ मालको! आपणे-आपणे दासा साथे न्याय और ठीक टंगो रा बर्ताव करो, ये समजी की कि स्वर्गो रे तुसा रा बी एक मालक ए। 2 चौकस रंदे ऊए धन्यावादो साथे लगातार परमेशरो ते प्रार्थना करदे रओ। 3 और इजी साथे-साथे आसा खे बी प्रार्थना करदे रओ, ताकि परमेशर आसा खे वचन सुनाणे रा एडा मौका देई देओ कि आसे मसीह रे तेस पेतो रे बारे रे बखान करी सकिए, जेतेरी बजअ ते आऊँ कैदा रे आ। 4 इजी खे प्रार्थना करो कि आऊँ मसीह रे बारे रे ठीक टंगो रे प्रचार करी सकूँ ताकि सुणने वाले लोक तेस प्रचारो खे ठीक टंगो ते समजी सको। 5 अविश्वासिया साथे समजा साथे बर्ताव करो। हर एक मौके खे किमती जाणी की तिजी रा सई इस्तेमाल करो। 6 तुसा री बोली सदा कृपा साथे और साअन ओ ताकि तुसा खे हर मांणूए खे तुसा रे विश्वासो रे बारे रे ठीक टंगो रे जवाब देणा आयी जाओ। 7 विश्वासो जोगा सेवक और प्रभुए री सेवा रे मां साथे काम करने वाला आसा रा प्यारा पाई तुखिकुस तुसा लोका खे मेरिया सब गल्ला बताई देओगा। 8 से मैं तुसा गे इजी खे पेजी राखेया कि तुसा खे म्हारी दशा रा पता लगी जाओ और से तुसा रे दिलो खे औंसला देओ। 9 तेस साथे उनेसिमुस बी पेजी राखेया जो विश्वासो जोगा और आसा रा प्यारा पाई ए, से तुसा रे नगरो रा ईए, एस तुसा गे एथो रिया सारिया गल्ला बताई देणियां। 10 अरिस्तर्खुस, जो मां साथे कैदी ए और बरनबासो रा रिस्तेदार मरकुसो री तरफा ते तुसा खे नमस्ते। मरकुसो रे बारे रे तुसे आज्ञा पाई थी कि जे से तुसा गे आओ तो तेसरी ठीक टंगो रे आदर-खातर करनी। 11 यीशु, जेसखे लोक यूस्तुस बोलोए, तुसा खे नमस्कार बोलोआ। यहूदी विश्वासिया बीचा ते सिर्फ बस ये तीन लोक ई परमेशरो रे राज्य खे मां साथे काम करने वाले और मेरी शान्तिया री बजअ रई रे। 12 इपक्रास जो तुसा रई नगरो राए और यीशु मसीह रा दास ए, तुसा खे नमस्कार बोलोआ। से सदा तुसा खे प्रार्थना करदा रओआ ताकि तुसे सिद्ध ऊई कि पूरे विश्वासो साथे, परमेशरो री इच्छा पाँदे खड़े रओ। 13 आऊँ तेसरा गवा ए कि से तुसा खे और लौदीकिया रे लोका खे और हियरापुलिस वालेया खे लगातार प्रार्थना करदा रओआ। 14 प्यारा बैद लूका और देमास तुसा खे नमस्ते बोलोए। 15 लौदीकिया नगरो रे विश्वासी पाई, नुमफास और तिना रे कअरो री मण्डलिया खे नमस्कार बोलणा। 16 जेबे ये चिट्ठी तुसे पढ़ी लो तो एडा करना कि लौदीकिया नगरो री मण्डलिया रे बी पढ़ाई दे ओ, और से चिट्ठी जो लौदीकिया मण्डलिया ते आओ से तुसे पढ़ी लयो। 17 और अराखिपुसो खे बोलणा कि जो सेवा प्रभुए रे तांगे सम्बाली राखी, से सावधानिया साथे पूरी करेया। 18 आऊँ पौलुस चिट्ठिया रा ए

इस्सा आपणे आथो साथे लिखणे लगी रा तुसा खे नमस्कार बोलूँआ। याद राखो कि आऊँ जेला रे ए और माखे प्रार्थना करदे रओ। तुसा पाँदे परमेशरो री कृपा ऊँदी रओ। आमीन्।

1 थिस्सलुनीकियों

1 ये चिठ्ठी पौलुस, सिलवानुस और तीमुथियुसों री तरफा ते ए। आसे

एसा चिट्ठिया खे थिस्सलुनीकियों नगरों री मण्डलिया खे लिखणे लगी रे, जो परमेशर पिता और प्रभु यीशु मसीहे रे ए। परमेशरों री तरफा ते कृपा और शान्ति तुसा खे मिलदी रओ। 2 आसे तुसा सबी खे लगातार प्रार्थना करदे रँड़े और सदा तुसा सबी रे बारे रे परमेशरों रा धन्यवाद कर्हँ। 3 आसे आपणे पिता परमेशरों रे सामणे प्रार्थना कर्दे बखते तुसा रे विश्वासो रे काम और प्यारों री मईणत और म्हारे प्रभु यीशु मसीहे रे तुसा री उम्मीदा री सद्भाता खे लगातार याद कर्हँ। 4 ओ साथी विश्वासियो! परमेशरों रे प्यारे लोको! आसे जाणूए कि परमेशरे तुसे आपणे लोक करी की चूपे ले रे। 5 कँकिं कि आसा रे प्रभु यीशु मसीहे रा सुसमाचार तुसा गे, ना कि बस वचन मात्र ईं, बल्कि पवित्र आत्मा री सामर्थ और बड़े निश्च साथे पँड़ी रा। तुसे जाणूए कि जेबे आसे तुसा साथे थे आसे तुसा रे पले री खातर, तुसा बीचे केड़ा जीवन जिया। 6 तुसे बड़े कँकेशो रे पवित्र आत्मा री प्रेरणा ते खुशिया साथे प्रभुए रे सदेशो खे मानी ला। ईयां तुसे म्हारी और प्रभुए री जी चाल चलणे लगो। 7 एथो तक कि मकिदुनिया और अखाया प्रदेशो रे सबी विश्वासिया खे तुसे आदर्श बणे। 8 तुसा रे एथा ते ना केवल मकिदुनिया और अखाया प्रदेशो रे बी प्रभुए रा वचन सुणाया, पर तुसा रे विश्वासों री जो परमेशरों रे ए, हर जगा रे एड़ी चर्चा फैली गी कि आसा खे इजी रे बारे रे कुछ बी बोलणे री जरूरत निए। 9 दूर-दराजों रे लोक हर जगा तुसा रे जरिए किती री खातरदारिया रे बारे रे बताओं। और ये बी कि कियाँ तुसे मूर्तिया ते दूर ऊँ की परमेशरों री तरफा खे फिरे, ताकि जिँदे और सच्चे परमेशरों री सेवा करो 10 और एबे तुसे परमेशरों रे पुत्र यीशु मसीहे री स्वर्गों ते फेर आऊणे री बाट न्यालँदे रओ। जो परमेशरे मरे रेया बीचा ते जिँदा कितेया, जो आसा खे आऊणे वाले प्रकोपों ते बचाओआ।

2 ओ प्यारे साथी विश्वासियो! तुसे आपू ई जाणूए कि म्हारा तुसा

गे आऊणा फाइटिंग ऊआ। 2 जेडा तुसे आपू बी जाणूए कि आसे पँडले-पँडले फिलिप्पियों नगरों रे दुःख सँझन कितेया और बुरा बर्ताव सँझन करने ते बाद बी न्हारे परमेशरों आसा खे एड़ी इम्मत दिती कि आसे परमेशरों रा सुसमाचार तुसा रे नगरों रे लोका री तरफा ते पारी (भारी) बिरोद ऊँदे ऊँदे जी तुसा खे सुणाऊँ। 3 कँकिं कि म्हारा उपदेश ना तो खे राए, ना गळत इदोदे ते ए और ना ई ठग-बजिया साथे ए। 4 पर परमेशरे आसे एते जोगे समजी की आसा गे सुसमाचार सम्बालेया, आसे तेडा ई बताऊँ। इजी खे आसे मांणूआ खे नि, पर परमेशरों खे, जो म्हारे मनों खे परखोआ, खुश करने खे उपदेश देऊँ। 5 तुसे जाणूए कि आसे ना तो कदी चापलूसिया रिया गल्ला कर्हँ थे और ना ई आसे तुसा ते कुछ पाणे रिया तंई कुछ लालच कितेया। इना गल्ला रा परमेशर गवा ए कि आसे एड़े लोक नि थे। 6 हालाँकि आसा खे मसीहे रे प्रेरित ऊणे री बजअ ते, तुसा ते मताद पाणे रा अक्क था, तेबे बी आसे मांणूआ ते

आदर नि चाँड़ थे, ना तुसा ते और ना ई केसी ओरी ते। 7 पर जियाँ माए आपणे बाल-बच्चे खे पालो-पोषोई, तियाँ ई आसे बी तुसा बीचे रह्द कि नरमाई दखाई 8 और तियाँ ई आसे तुसा री लालसा करदे ऊए, बस परमेशरों रा ई सुसमाचार नि, पर आपणा-आपणा प्राण तुसा खे देणे खे बी त्यार थे, कँकिं कि तुसे म्हारे बड़े पारी प्यारे ऊँड़ेगे थे। 9 कँकिं कि ओ प्यारे साथी विश्वासियो! तुसे म्हारी मईणत और कष्टे खे याद राखोए कि आसे इजी री खातर रात-दिन काम-तंदा करदे ऊए तुसा बीचे परमेशरों रा सुसमाचार प्रचार कितेया, ताकि तुसा केसी पौंदि बी बोज ना ओ। 10 तुसे आपू ई गवा ए और परमेशर बी कि तुसा सारे विश्वासिया साथे आसा रा बर्ताव, केड़ा पवित्र, धार्मिक और निर्दोष रया। 11 जेडा तुसे जाणोए कि जेडा पिता आपणे बालका साथे बर्ताओं करोआ, तियाँ ई आसे बी तुसा बीचा ते हर एकी खे उपदेश करदे, शान्ति देऊँ थे और समजयाऊँ थे 12 कि तुसा रा चाल-चलण एड़ा ओ कि परमेशरों खे आदरो जोगा ओ, जो तुसा खे आपणे राज्य रे और महिमा रे बुलाओआ। 13 इजी री खातर आसे बी परमेशरों रा धन्यवाद लगातार करदे रँड़े कि जेबे आसा रे जरिए परमेशरों रे सुसमाचारों रा वचन तुसे सुपैया, तो से मांणूए रा नि, पर परमेशरों रा वचन समजी की तुसे मानेया जो सच्ची ये सुसमाचार परमेशरों री तरफा तेआ। एस उपदेशो रे जरिए परमेशर तुसा रे काम करोआ जो मसीह यीशुए पौंदि विश्वास राखोए। 14 तेबेर्ई तुसे, ओ प्यारे साथी विश्वासियो! परमेशरों री तिना मण्डलिया री जी चाल चलणे लगे, जो यहूदिया प्रदेशों रे मसीह यीशुए रे ए, कँकिं कि तुसा खे बी आपणे लोका ते तेडा ई दुःख मिलेया, जेडा तिना खे यहूदिया ते मिलेया था। 15 इने यहूदिये प्रभु यीशु और भविष्यबक्ता बी काई ते और आसे बी सताए, परमेशर तिना ते खुश निए और सेयों सबी मांणूआ रा बिरोद करोए। 16 और सेयो दुजिया जातिया खे प्रभुए रे उद्धारे रिया गल्ला करने ते, आसा खे रोको ए। ईयां सेयो आपणे पापो रा कअड़ा (घड़ा) परदे रओ। एबे आखरकार तिना पौंदि परमेशरों रा डराऊणा प्रकोप आईगा रा। 17 ओ प्यारे साथी विश्वासियो! जेबे आसे थोड़ी देरा खे मनो ते नि, बल्कि तुसा रे सामणे ते लग ऊँड़ेगे थे, तो आसे बड़ी इच्छा साथे तुसा खे देखणे रिया तंई ओर बी जादा कोशिश किती। 18 इजी री खातर आसे, खास कर मैं पौलुसे एक बार नि, बल्कि कई बार तुसा गे आऊणा चाया, पर शैताने आसे तुसा गे फेर आऊणे नि दितो। 19 म्हारी उम्मीद, खुशी और तारीफो रा मुकुट कुण ए? क्या म्हारे प्रभु यीशु मसीहे रे सामणे, तेसरे वापस आऊणे रे बखते, तुसेर्ई नि ऊणे? 20 म्हारी तारीफ और खुशी सच्ची तुसे ईए।

3 आखरकार, जेबे आसा ते ओर नि ऊआ, तेबे आसे ये सोचेया कि

एथेस नगरों रे कल्ले रह्द जाँड़े 2 और आसे तीमुथियुस तुसा गे पेजेया कि से तुसा खे विश्वासों रे मजबूत करो और समजयाओ, ताकि तुसा रा विश्वास यीशु मसीहे रे लगातार बणेया रा रओ। से मसीहे रे सुसमाचारों रे आसा साथे काम करने वाला पाई और परमेशरों रा सेवक

ए। ३ तुसा रा विश्वास इना कलेशो री बजअ ते मसीह ते आटी नि जाओ, कऊँकि तुसे आपू जाणोए कि आसा पाँदे ये कलेश आऊणे ईए। ४ कऊँकि पईले बी जेबे आसे तुसा गे थे, तो तुसा खे बोलेया करूँ थे कि आसा सबी खे कलेश ऊठाणे पड़ने और एडा ई ऊआ और तुसे जाणो बीए। ५ इजी बजअ ते जेबे माटे और नि रुऊआ, तो तुसा रे विश्वासो रा आल जाणने खे मैं तीमुथियुस तुसा गे पेजेया। माखे डर था कि केथी एडा नि ओ कि परखणे वाले शैताने तुसे परखे ओ और म्हारी कडी मईण्ट बेकार ऊईगी ओ। ६ पर एबु तीमुथियुसे जो तुसा गे ते आसा गे आयी की तुसा रे विश्वासो और प्यारो रा सुसमाचार सुणाया। ये गल्ल बी सुणाई की तुसे सदा प्यारो साथे आसा खे याद करोए और आसा खे देखणे री लालसा राखोए, जेडा आसे बी तुसा खे देखणे री लालसा राख्यूए। ७ इजी री खातर ओ प्यारे साथी विश्वासियो! आसे आपणी मुसीबत और कलेशो रे तुसा रे विश्वासो रे बारे रे सुणी की तुसा रा विश्वास यीशु मसीह रे बऊत मजबूत ए आसे शनित पाई। ८ प्रभुए रे तुसा रा मजबूत विश्वास आसा खे नए जीवन देणे जेडा ए। ९ और जेडी खुशी आसा खे तुसा री बजअ ते परमेशरो सामणे ए, तियाँ रे बदले तुसा रे बारे रे आसे किंयाँ परमेशरो रा धन्यवाद करिए? १० आसे रात-दिन बऊत ई प्रार्थना करदे रऊँए कि तुसा गे फेर आईए और प्रभु यीशु मसीह रे ओर बी मजबूतिया साथे विश्वास करने रे तुसा री मताद करिए। ११ आसे प्रार्थना करूँए कि म्हारा पिता परमेशर और प्रभु यीशु तुसा गे आऊणे री म्हारी अगुवाई करो। १२ और आसे प्रार्थना करूँए कि प्रभु एडा करो जेडा आसे तुसा साथे प्यार राख्यूए, तेडा ई तुसा रा प्यार आपू बीचे और सब मांणूआ साथे बडो और तरक्की करदा जाओ। १३ ताकि से तुसा रे मनो खे एडा मजबूत करो कि जेबे म्हारा प्रभु यीशु आपणे सबी पवित्र लोका साथे फेर वापस आओ, तो तुसे म्हारे पिता परमेशरो सामणे पवित्रता रे निर्दोष ठर्डो।

४ आखरी रे ओ प्यारे साथी विश्वासियो! आसे तुसा ते बिनती करूँए और तुसा खे प्रभु यीशुए रे समजयाऊँए कि जेडी तुसे प्रभुए रे नाओं ते एडे तरीके ते जिन्दगी जिओ जो परमेशरो खे खुश करोई और जेडा तुसे चलो बीए, तियाँ ई ओर बी बड़दे जाओ। २ कऊँकि तुसे जाणोए कि आसे प्रभु यीशुए री तरफा ते कुण-कुण जिया आज्ञा तुसा गे पऊँछाईया। ३ कऊँकि परमेशरो री ये इच्छा ए कि तुसे पवित्र बणो, मतलब-व्याभिचारो ते बचे रे रओ। ४ तुसा बीचा ते हर एक माणू सईन शीलता साथे आपणे शरीरो खे वशो रे करना सीखो और आपणी लाडिया साथे पवित्रता और आदरो साथे जिओ। ५ ये काम आपणी इच्छा ते नि और ना ई तिना दूजिया जातिया जेडे करो जो परमेशरो खे नि जाणदी। ६ शरीरो री इच्छा रे पडी की कोई बी आपणे विश्वासी पाईए रे खलाफ पाप नि करो और ना तेस पाँदे कोई दाव चलाओ, कऊँकि प्रभु यीशु इना सबी काम करने वालेया ते बदला लागे वाला ए, जेडा कि आसे तुसा खे पईले बी बताया था और चिताया बी था। ७ कऊँकि परमेशरे आसा खे अशदु जिन्दगी जीणे खे नि, पर पवित्र जिन्दगी जीणे

खे बुलाई राखेया। ८ इजी बजअ ते जो इना नियमा रे मुताबिक जिन्दगी जिझणे ते ना करोआ, से मांणूआ खे नि, पर परमेशरो खे ना करोआ, जो आपणा पवित्र आत्मा तुसा खे देओआ। ९ पर विश्वासी पाईचारे रे प्यारो रे बारे रे ये जरूरी निए कि आऊँ तुसा गे कुछ लिख्यूँ कऊँकि आपू बीचे प्यार राखणा, तुसे आपू ई परमेशरो ते सीखी राखेया। १० सारे मकिदुनिया प्रदेशो रे सब विश्वासी पाईया साथे सच्ची एडा ई प्यार करोए, पर ओ प्यारे साथी विश्वासियो! आसे तुसा खे बिनती करूँए कि तुसे मसीह रे प्यारो रे ओर बी बड़दे जाओ। ११ जेडा आसे तुसा खे समजयाया, तियाँ ई चुपचाप आपणी जिन्दगी जिओ। दूजे रे कामो रे दखलअन्दाजी नि करो और आपणे-आपणे आथो साथे कमाणे री कोशिश करो। १२ अविश्वासिया साथे आदरो साथे बर्ताव करो ताकि तुसा खे किजी चीजा री कमी ना ओ। १३ ओ प्यारे साथी विश्वासियो! आसे नि चांदे कि तुसे तिना रे बारे दे अणजाण रओ, जो मसीह दे मरी गे रे, एडा नि ओ कि तुसे ओरी जेडा शोग मनाओ, जिना खे उम्मीद निए। १४ कऊँकि जे आसे विश्वास करूँए कि प्रभु यीशु मरेया और जिऊँदा बी ऊआ, तो तियाँ ई परमेशरो, तिना खे बी जो प्रभु यीशुए रे मरी गे रे, तेस साथे ई वापस लयी आऊणे। १५ कऊँकि आसे प्रभु यीशुए रे वचनो रे मुताबिक तुसा खे ये बोलूए कि आसे जो जिऊँदे ए और प्रभुए रे फेर वापस आऊणे तक बचे रे रणे, तो सेयो पईले मरे रे विश्वासी आसा ते पईले मसीह साथे मिलणे। १६ कऊँकि आसे प्रभु यीशु स्वर्गो ते आपू ई उतरना, तेस बखते ललकार और प्रदान दूतो रा शब्द सुणना और परमेशरो री तुरही बजाई जाणी और जो विश्वासी मसीह रे एसा दुनिया खे छाडी की चली गे रे सेयो पईले जिऊँदे ऊणे। १७ तेबे आसे जो जिऊँदे और बचे रे रणे, तिना साथे बादलो पाँदे चकी देणे ताकि सर्गो रे प्रभुए साथे मिलूँ और तेसी बखतो ते आसे सदा प्रभुए साथे रणे। १८ तो इना गल्ला ते एकी-दूजे खे औंसला देया करो।

५ पर ओ प्यारे साथी विश्वासियो! इजी री कोई जरूरत नि कि प्रभु यीशुए रे वापस आउणे रे बखत और तरीका रे बारे रे तुसा खे कुछ लिखेया जाओ। २ कऊँकि तुसे आपू ई ठीक जाणोए कि जेडा राखियो खे चोर आओआ, तेडे ई प्रभु यीशु दूजी बार अचाणक आऊणे वाला ए। ३ जेबे लोक बोलणे लगी रे ऊणे, “ठीक ए और कुछ डर निए,” तेस बखते तिना पाँदे एकदम संकट आयी जाणा, तियाँ गर्भवतिया री पीड़ा, और सेयो तेस विनाशो ते किंयाँ पनि बचणे। ४ पर ओ प्यारे साथी विश्वासियो! तुसे आत्मिक न्हेरे रे निए तेबेई प्रभुए रे वापस आऊणे रा दिन तुसा पाँदे चोरो जेडा नि पड़ना। ५ कऊँकि तुसे सब जोतिया री ल्वाद ए और दिनो री ल्वाद ए, आसे ना तो राती रे ए और ना ई न्हेरे ए। ६ इजी री खातर आसा खे ओरी जेडा सये रे नि रणा चाईयो, पर जागदे और सावधान रणा चाईयो। ७ कऊँकि जो सओए, सेयो राथियो खेई सओए और जो नशे रे मतवाले ओए सेयो राथियो खेई मतवाले ओए। ८ पर आसे तो दिनो रे ए, विश्वास और प्यारो री शिलम पईनी की और उद्घारो री उम्मीदा रा टोप पईनी की सावधान रओ। ९

कऊँकि परमेश्वरे आसे आपणे गुस्से ते सजा देणे खे नि चुणी राखे,
पर इजी खे चुणी राखे ताकि आसे आपणे प्रभु यीशु मसीह रे जरिए
उद्धार पाऊँ। 10 यीशु मसीह आसा री खातर इजी खे मरेया, ताकि चाए
आसे जिऊँदे रईए या मरी जाईए, जेवे से वापस आओ तेवे आसे सब
मिली की तिना साथे सदा जिऊँदे रईए। 11 इजी बजअ ते एकी-दूजे खे
ऑसला देओ और एकी-दूजे री विश्वासो रे मजबूत ऊणे खे मताद करो,
बल्कि तुसे एडा करो बीए। 12 ओ प्यारे साथी विश्वासियो! आसे तुसा ते
बिनती कर्हए कि तुसे जो मईणत करोए और प्रभुए रे तुसा रे अगुवे ए
और तुसा खे शिक्षा देओए, तिना री मानो और आदर करो। 13 तिना रे
कामो री बजअ ते प्यारो साथे तिना खे बऊत ई आदरो जोगा समजो।
आपू बीचे मिली-जुली की शान्तिया साथे रओ। 14 और ओ प्यारे साथी
विश्वासियो! आसे तुसा ते बिनती कर्हए कि जो लोक आलऱ्सी ए, तिना
खे चेतावणी देओ, जो डरपोक ए तिना खे इम्मत देओ, कमजोरा खे
सम्बाळो, सबी खे सईन शीलता दखाओ। 15 खबरदार! कोई केसी
साथे बुराईया रे बदले बुराई नि करो, पर सदा पलाई (भलाई) करने रे
आगे रओ, आपू बीचे और सबी साथे बी सदा पलाईया रे काम करने
री कोशिश करो। 16 सदा खुश रओ। 17 लगातार प्रार्थना रे लगे रे
रओ। 18 हर गल्ला रे परमेश्वरो रा धन्यवाद करो, कऊँकि तुसा खे मसीह
यीशुए रे परमेश्वरो री येई इच्छा ए। 19 पवित्र आत्मा रे कामा खे लोका
रिया जिन्दगिया दे ऊणे ते नि रोको। 20 भविष्यबाणिया खे सुणी की
अणसुणा नि करो। 21 सबी गल्ला खे परखो, जो अच्छी ये तेसा खे
मानेया करो। 22 हर प्रकारा री बुराईया ते बचे रे रओ। 23 शान्तिया रा
परमेश्वर आपू ई तुसा खे पूरी रीतिया ते पवित्र करो। तुसा री आत्मा,
प्राण और शरीर म्हारे प्रभु यीशु मसीह रे वापस आऊणे तक, पूरे-पूरे
और निर्दोष सयी-सलामत राखणे। 24 जिने तुसे चुणी राखे तेस एडा
करना कऊँकि से विश्वासो जोगा ए। 25 ओ प्यारे साथी विश्वासियो!
आसा खे प्रार्थना करो। 26 सबी विश्वासिया खे साफ मनो ते गले मिली
की नमस्कार करो। 27 आऊँ तुसा खे प्रभुए रे आज्ञा देऊआ कि ये पत्री
सबी विश्वासी पाईया रे सामणे पढी की सुणाई जाओ। 28 म्हारे प्रभु
मसीह यीशुए री कृपा तुसा पाँदी ऊंदी रओ।

2 थिस्सलुनीकियों

1 ये चिठ्ठी पौलुस, सिलवानुस और तीमुथियुसों री तरफा ते ए। आसे

एसा चिट्ठिया खे थिस्सलुनीकियों नगरों री मण्डलिया खे लिखिणे लगी रे, जो म्हारे पिता परमेश्वर और प्रभु यीशु मसीह रे ए। 2 आसे प्रार्थना करूँए कि म्हारे पिता परमेश्वर और प्रभु यीशु मसीह रे तुसा खे कृपा और शान्ति मिलदी रओ। 3 ओ साथी विश्वासियों, तुसा रे बारे रे आसा खे हर बखत परमेश्वरो रा धन्यवाद करना चाईयो और ये ठीक बी ए, कऊंकि तुसा रा विश्वास यीशु मसीह पाँदे बऊत बड़दा जाओआ और तुसा खे आपू बीचे प्यार बऊत ऊँदा जाओआ। 4 इजी बजअ ते आसे आपू बी परमेश्वरो री मण्डलिया रे तुसा रे बारे रे कमण्ड करूँए। कऊंकि तुसे सब्र और विश्वासो साथे सबी किस्मा रे उपद्रव और क्लेश सईन करोए। 5 तुसे लोक दुःख सईन करोए और ये तुसा लोका खे परमेश्वरो रे राज्य रे जाणे जोगे बणाओए। इजी रा ये सबूत ए कि परमेश्वरो धार्मिकता ते न्याय करना। 6 और परमेश्वरो रा ये न्याय ए कि जो तुसा खे दुःख देओए, परमेश्वरो तिना खे बदले रे दुःख देणा। 7 तेस तुसा लोका खे दुःख क्लेशा ते चैन देणी और परमेश्वरो आसा लोका खे बी चैन देणी। ये तेस बखते ऊणा जेबे प्रभु यीशु मसीह आपणे सामर्थी स्वर्गदूता साथे बऊत जादा सुलगदी ऊई आगी रे स्वर्गो ते प्रकट ऊणा। 8 परमेश्वरो तिना लोका खे सजा देणी जो तिना खे नि मानदे और म्हारे प्रभु यीशु मसीह रे सुसमाचारो पाँदे विश्वास नि करदे। 9 सेयो लोक प्रभुए रे सामणे ते और तिना री महिमामय सामर्था रे तेजो ते सदा खे लग किते जाणो। तेस तिना लोका खे अनन्त विनाशो री सजा देणी। (aiōnios g166) 10 ये तेस दिने ऊणा, जेबे प्रभु यीशु आपणे लोका बीचे महिमा पाणे वापस आऊणा और सब विश्वास करने वालेया लोका अचम्बा करना। इदे तुसे बी शामिल ए कऊंकि तुसे आसा रे सदेशो पाँदे विश्वास कितेया। 11 इजी खे आसे तुसा री खातर लगातार प्रार्थना बी करूँए कि म्हारा परमेश्वर तुसा खे तेसा जिन्दगिया जोगा बणाओ जेतेखे जिझणे खे तिने तुसे बुलाई राखे। से तुसा री हर एक खरी इच्छा खे पूरा करो और हर एक तेस कामो खे से सफल बणाओ जो तुसा रे विश्वासो रा नतीजा ए। 12 ईयां म्हारे प्रभु यीशु मसीह रे नाओं तुसा रे जरिए महिमा पाणी और तुसा तेसरे जरिए आदर पाणा। ये सब कुछ आसा रे परमेश्वरो रे और प्रभु यीशु मसीह री कृपा रे जरिए ऊणा।

2 ओ साथी विश्वासियों, एबे आसे आपणे प्रभु यीशु मसीह रे दुःखा।

आऊणे और तिना साथे आसा लोका रा कठे ऊणे रे बारे रे, तुसा ते बिनती करूँए 2 कि तुसे अचाणक आपणे विवेको खे केसी भविष्यबाणिया, केसी उपदेशो या केसी एड़ी चिट्ठिया ते नि खोई देओ जेतेखे आसा रे जरिए लिखेया रा समजेया जाओआ और जेडा कि तिदे बताई राखेया ओ कि प्रभुए रा दिन आयी पँछी रा, तुसा रा मन पटकी नि जाओ। 3 इजी रे बारे रे कोई तुसा खे किंयाँ बी तोखा नि देओ। कऊंकि प्रभु यीशुए रे वापस आऊणे ते पईले एक एड़ा बखत ऊणा जेबे

बऊत सारे लोक परमेश्वरो रे खलाफ खडे ऊणे। और से दुष्ट मर्द जो परमेश्वरो पक्का ई नरको रे नाश करी देणा, प्रकट ऊणा। (questioned)

4 तेस परमेश्वरो रा बिरोद करना और हर एकी ते जेसखे परमेश्वर या पूजणे जोगा बोलोए, आपणे आपू खे बडा ठईराणा। एथो तक कि तेस परमेश्वरो रे मन्दरो रे बैठी जाणा और आपणे आपू खे परमेश्वर ऊणे रा दावा करना। 5 क्या तुसा खे याद निए कि जेबे आऊं तुसा गे था, तो तुसा खे इना गल्ला बोलेया करूँ था? 6 तुसा खे ये बी पता ए कि तेस दुष्टी खे एस बखते किने आपणे वशो रे करी राखेया कि से आपणे ठारए रे बखतो पाँदे प्रगट कितेया जाओ। 7 तेस दुष्टी री तागत पईले तेई दुनिया रे गुप्त रूपो रे काम करने लगी री पर से एक ए जो तेसा शक्तिया खे रोकणे लगी रा। से तेस बखतो तक रोकदा रणा जदुओ तक कि तिजी खे एसा बाटा ते टाई नि देओ। 8 तेबे से दुष्ट मर्द प्रकट ऊणा, पर प्रभु यीशुए आपणी मुंओ री फूक्राता तेई काई देणा। से प्रभुए रे वापस आऊणे रे महिमामय तेजो रे जरिए पूरे तौरो पाँदे नाश कितेया जाणा। 9 से दुष्ट मर्द शैतानो री तागता साथे आऊणा और तेस सबी प्रकारा री चूठी सामर्थ, बडे-बडे चिह्न और अचम्बे रे काम करने। 10 तेस सबी किस्मा रे बुरे काम करने और तिना लोका खे तोखा देणा जो अनन्त विनाशो री बाटा रिये। सेयो लोक नाश ऊणे कऊंकि तिने सच्चो रे प्यारो खे नि मानेया, जेते कि तिना रा उद्धार ऊँदा। 11 इजी बजअ ते परमेश्वरो तिना खे एक पटकाणे वाली सामर्थ पेजणी ताकि सेयो चूलो रा विश्वास करो। 12 परमेश्वरो तिना सबी लोका खे सजा देणी जिने सच्चे सदेशो पाँदे विश्वास नि कितेया पर दुष्टता रे कामो ते प्यार कितेया। 13 ओ साथी विश्वासियो, एती तुसा खे परमेश्वरो रे सामणे आसा रा हमेशा धन्यवाद देणा सई ए। तुसे प्रभुए रे प्यारे ए कऊंकि परमेश्वरे तुसे शुरूओ तेई पवित्र आत्मा रे जरिए पापो ते लग करी की और सच्चाईया रे तुसा रे विश्वासो री बजअ ते उद्धारो खे तुसे चुनी लयी रे। 14 परमेश्वरे तुसे लोक आसा रे ईश्वरीय सुसमाचार सुनाणे रे जरिए उद्धारो खे बुलाई राखे कि तुसे म्हारे प्रभु यीशु मसीह री महिमा रे शामिल ऊई सको। 15 इजी री खातर ओ साथी विश्वासियो, स्थिर रओ और जो-जो गल्ला तुसे क्या वचन, क्या चिट्ठिया रे जरिए आसा ते सीखिया, तिना खे पकड़ी री राखो। 16 आसे प्रार्थना करूँए कि म्हारे प्रभु यीशु मसीह और पिता परमेश्वरे आपू ई, जिने आसा खे प्यार कितेया और कृपा साथे अनन्त शान्ति और खरी उम्मीद दिती, (aiōnios g166) 17 तुसा रे मनो खे शान्ति दओ और तुसा खे हर एक खरे कामो रे और वचनो रे मजबूत करो।

3 आखरी रे ओ साथी विश्वासियो, आसा खे प्रार्थना करेया करो कि

प्रभुए रा वचन इताणा चट फईलो और महिमा पाओ, जेडा तुसा रे ऊआ 2 ये बी प्रार्थना करो कि परमेश्वर आसा खे टीठ और दुष्ट लोका ते बचाई की राखो, कऊंकि हर एकी पाँदे विश्वास निए। 3 पर प्रभु विश्वासो जोगा ए, तिना तुसे मजबूतिया साथे खडे करने और तेस दुष्टी ते बचाई की राखणो। 4 आसा खे प्रभुए रे तुसा पाँदे विश्वास ए कि जो-जो आज्ञा आसे तुसा खे देऊँए, तिना खे तुसे मानोए और मानदे बी रणे। 5 आसे

प्रार्थना करूँए कि परमेश्वर तुसा रे दिलो खे ईश्वरीय प्यार और मसीहे रे सब्बो री तरफा खे तुसा री अगुवाई करो। 6 ओ साथी विश्वासियो, आसे तुसा खे आपणे प्रभु यीशु मसीहे रे नाहों ते आज्ञा देऊँए कि तुसे हर एक ऐ विश्वासिये ते लग रओ, जो आलंसी बणी की रओआ और जो शिक्षा तिने आसा ते पाई राखी, तिजी रे मुताबिक नि करदा। 7 कड़कि तुसे आपूर्व इजाणोए कि तुसा लोका खे कियाँ आसा री जी चाल चलणी चाईयो। जेबे आसे तुसा बीचे रऊँ थे तो आसे आलस नि कित्तेया पर मर्झिणत किती। 8 इतणा ई नि, आसे केसी रे एती रोटी मुफ्तो रे नि खाई, पर आसे मर्झिणत और कष्टो साथे रात-दिन काम-तंदा करूँ थे, ताकि तुसा बीचा ते केसी पाँदे बी बोज नि बणूँ। 9 ये इजी खे नि कि तुसा लोका ते मताद पाणी आसा रा अक्क निए, पर इजी खे कि आसे आपूर्व तुसा रे सामणे आदर्श बणीए ताकि तुसे आसा री जी चाल चलो। 10 एथो तक कि जेबे आसे तुसा बीचे थे, आसे तुसा खे ये आज्ञा देऊँ थे, “जे कोई काम नि करना चाओ तो तेसखे रोटी पनि देओ।” 11 आसे सुणूँए कि बऊत लोक तुसा बीचे आलंसी बणी की रओए और कुछ काम नि करदे, पर ओरी रे कामो रे रुकावट पाओए। 12 ऐडेया मांणुआ खे आसे प्रभु यीशु मसीहे रे आज्ञा देऊँए और बिनती करूँए कि सेयो लगना साथे आपणे कामा पाँदे लगी जाओ और सेयो आपणी ई मर्झिणती ते कमाई की रोटी खाया करो। 13 और तुसे, ओ साथी विश्वासियो, पलाई करने रे इम्मत नि छाडो। 14 जे कोई म्हारी एसा चिठ्ठिया री गल्ल नि मानो, तो तेस पाँदे नजर राखो। तेसरी संगति नि करो, ताकि से शर्मिंदा ओ। 15 तेबे बी तेसखे बैरी नि समजो, पर साथी विश्वासी समजी की खबरदार करो। 16 आँऊ प्रार्थना करूँआ कि प्रभु जो शान्तिया री सूबळ ए, आपूर्व तुसा खे सदा और हर प्रकारा री शान्ति देओ। आँऊ प्रार्थना करूँआ कि प्रभु तुसा सबी साथे रओ। 17 आँऊ पौलुस आपणे आथे की नमस्कार लिखूँआ। हर चिठ्ठिया रे मेरा ये चिह्न ए। मां ईयां ई लिखदे रणा। 18 आँऊ प्रार्थना करूँआ कि म्हारे प्रभु यीशु मसीहे री कृपा तुसा सबी पाँदे ऊँदी रओ।

1 तीमुथियुस

१ ये चिन्ही मां पौलुसो री तरफा ते ए। आँऊ आपणे उद्धारकर्ता परमेश्वर और यीशु मसीह री आज्ञा ते यीशु मसीह रा प्रेरित ए, जिदे आसा सबी खे उम्मीद ए। २ आँऊ ये चिन्ही तीमुथियुसो खे लिखणे लगी रा जो विश्वासो रे मेरे सच्चे पाऊए जेडा ए। आँऊ प्रार्थना करूँआ कि पिता परमेश्वर और म्हारे प्रभु यीशु मसीह री तरफा ते ताखे कृपा, दया और शान्ति मिलदी रओ। ३ आँऊ तांते फेर बिनती करूँआ कि जेडा मैं तै मकिदुनिया प्रदेशो खे जांदे बखते समजयाया था कि तूँ इफिसुस नगरो रे रई की तिना चूठे उपदेश देणे वाले लोका खे आज्ञा दे कि सेयो गलत शिक्षा नि देओ। ४ और तिना मनकड़न्त काणिण्यां पाँदे और अनन्त वंशाबलिया पाँदे मन लगाई की बखत बर्बाद नि करो। जिने कि बर्डेस ओई और तेस परमेश्वरो री योजना रा ज्ञान नि मिलदा जो विश्वासो साथे शिक्षा राखोआ। ५ एसा आज्ञा रा मकसद से घ्यार ए जो साफ दिल, खेर विवेक और बिना कपटो ते पैदा ओआ। ६ चूठे उपदेश देणे वालेया इना सबी खेरे कामा खे करने ते रोकी ता रा और सिफ बेकार गल्ला करेया करोए। ७ सेयो चूठे शिक्षक मूसे रा बिधानो रे शिक्षक बणना तो चाओए पर जो गल्ला सेयो बोलोए और जेतेरे बारे रे सेयो मजबूतिया ते बोलोए, सेयो आपू ई तिजी खे समजदे ई नि। ८ आसे सब जाणूए कि मूसे रा बिधान पली ए बशर्ते इजी रा इस्तेमाल सई टंगो रे कित्तेया जाओ। ९ आसे जाणूए कि मूसे रा बिधान तर्मी माणूए खे नि, पर अर्धमी, निरुक्शो, भक्ति ना करने वाले, पापी अपवित्र, और अशुद्ध, माया-बाओ खे काणे वाले, अत्यारे, १० व्याभिचारी, समलैंगिक, माणूआ खे बेचणे वाले, चूठे और चूठी कसम खाणे वाले और इना खे छाडी कि खेरे उपदेशो रे सबी बिरोदिया खे ठराई राखी। ११ येई परमधन्य परमेश्वरो री महिमा रे तेस सुसमाचारो रे मुताबिक ए, जो मांगे सम्बाली राखेया। १२ आँऊ आपणे प्रभु यीशु मसीह रा जिने माखे सामर्थ दिती, धन्यवाद करूँआ कि तिने माखे विश्वासो जोगा समजी की आपणी सेवा खे ठराई राखेया। १३ आँऊ तो पईले निन्दा करने वाला, सताणे वाला और अन्देरे करने वाला था, तेबे बी मां पाँदे कृपा ऊई, कऊँकि मैं अविश्वासो री दशा रे बिना समजी-बुजी की, यो काम कित्ते थे। १४ और म्हारे प्रभुए री कृपा, तेस विश्वास और घ्यारो साथे, जो यीशु मसीह रे ए, बऊत जादा ऊई। १५ ये गल्ल सच और हर प्रकारो ते मानणे जोगी ए कि यीशु मसीह पापिया खे बचाणे दुनिया रे आयी रा और जिना बीचे सबी ते बडा पापी आँऊ ए। १६ पर मां पाँदे इजी खे कृपा ऊई ताकि मां सबी ते बडे पापिए रे मसीह आपणी पूरी सईन शीलता दखाओ ताकि जो लोक तिना पाँदे अनन्त जीवनो खे विश्वास करोगे, तिना खे आँऊ एक आदर्श बणूँ। (aiōnios g166) १७ एवे सनातन राजा अविनाशी, बिना देखे, एक मात्र परमेश्वरो रा आदर और महिमा जुगो-जुगो तक ऊँदी रओ। आमीन्। (aiōn g165) १८ ओ पुत्र तीमुथियुस, तिना भविष्यबाणिण्या रे मुताबिक, जो पईले तेरे बारे रे कित्ती थी, आँऊ ये आज्ञा सम्बालूँआ कि तूँ तिना रे मुताबिक अच्छी

लडाईया खे लडदा रओ। १९ और विश्वास और तेस खेरे विवेको खे पकडी कि राख, जेतेखे दूर करने री बजअ ते बऊत जणेया रा विश्वासो रूपी जाह्ज डूबी गा २० तिना बीचा तेई हुमिनयुस और सिकन्दर ए, जो मैं शैतानो गे सम्बाली ते कि सेयो परमेश्वरो री निन्दा करना नि सीखो।

२ सबी ते पईले आँऊ तुसा ते ये आग्रह करूँआ कि सबी लोका खे प्रार्थना करो। परमेश्वरो ते माँगो कि से तिना री मताद करो और तिना लोका खे परमेश्वरो रा धन्यवाद करो। २ राजा और सब ऊच्चे पद वालेया खे इजी री खातर प्रार्थना करो कि आसे आराम और चैना साथे सारी भक्तिया और सई तरके ते जीवन बिताईये। ३ ये म्हारे उद्धारकर्ता परमेश्वरो खे अच्छा लगोआ और टब्बो बीया। ४ परमेश्वर ये चाओआ कि सबी माणूआ रा उद्धार ओ और सेयो सच्चो खे ठीक-टंगो रे पछयाणी लो। ५ कऊँकि परमेश्वर एक ईंग और परमेश्वर और माणूआ बीचे बी एक ई बचोला ए, मतलब यीशु मसीह, जो एक माणूए रे रूपे रे पैदा ऊआ। ६ तिने आपणे आपू खे सबी खे छुडाणे रे दामो रे देईता। ये सई संदेश ए जो परमेश्वर दुनिया रे लोका खे ठीक बखतो पाँदे देईता। ७ आँऊ सच बोलूँआ, चूठ नि बोलदा कि आँऊ इजी मकसदो ते सुसमाचार प्रचारक, प्रेरित और दूजी जातिया खे विश्वास और सच्चो रा उपदेशक ठराया। ८ आँऊ चाऊँआ कि हर जगा रे मर्द बिना रोषो रे और बिना बर्दसी ते पवित्र आथो खे चकी कि प्रार्थना करेया करो। ९ तिंयाँ ई आँऊ ये बी चाऊँआ कि जवाणसा शर्म और संयमो साथे, सुहावने टालेया ते आपणे आपू खे सजाओ, ना कि बाल गूँदैने, सूझने, मोतियो ते और किमती टालेया ते, १० पर खेरे कामो ते। कऊँकि परमेश्वरो री भक्ति करने वाली जवाणसा खे येई ठीक बीए। ११ जेबे कोई मर्द विश्वासिया खे सिखाणे लगी रा ओ तो जवाणसा खे चुपचाप पूरी अधीनता साथे सिखणा चाईयो। १२ मेरी आज्ञा निए कि जवाणस मर्दो खे उपदेश देओ और ना मर्दो पाँदे अक्क जताओ। जेबे आराधना रे कठु ओए तो सारिया जवाणसा चुपचाप रओ। १३ कऊँकि आदम पईले, तिजी ते बाद हव्वा बणाई। १४ इजी ते अलावा, से हव्वा ई थी जो शैतानो रे तोखे रे आई, ना कि आदम। ईयां हव्वा परमेश्वरो री आज्ञा खे तोडी की अपरादण ऊई। १५ तेबे बी जवाणसा बच्चा पैदा करने ते उद्धार पाणा, जे सेयो सब्रो साथे विश्वास, घ्यार और पवित्रता रे बणी री रओ।

३ ये गल्ल सच्ची ए कि जो मण्डलिया रा अगुवा ऊणा चाओआ, तो से खेरे कामो री इच्छा करोआ। २ तो ये जरूरी ए कि मण्डलिया रे अगुविया खे निर्दोष, एक ई लाडिया रा लाडा, सब्र्योर, सुशील, आदरो जोगा, पराऊणचारी करने वाला और सिखाणे रे निपुण ऊणा चाईयो। ३ से पियककड़या मारपीट करने वाला नि ओ, बल्कि नम्र और शान्त ओ और चगडा करने वाला या लालची नि ओ। ४ आपणे कअरो रा अच्छा इन्तजाम करने वाला ओ और बाल-बच्चेया खे सारी गम्भीरता ते अनुशासनो रे राखणे वाला ओ। ५ जेबे कोई माणू आपणे ई कअरो रा

इन्तजाम करना नि जाणो, तो परमेशरो री मण्डलिया री रखवाली किंयाँ करनी? 6 फेर ये कि मण्डलिया रा अगुवा नया विश्वासी नि ओ, एड़ा नि ओ कि कमण्ड करी की शैतानो रा जा दण्ड पाओ। 7 और ये बी जरुरी ए कि मण्डलिया ते बाआरे से आदरो जोगा ओ, एड़ा नि ओ कि निन्दित ऊई कि शैतानो रे फंदे रे फसी जाओ। 8 तेड़ा ई सेवको खे बी गम्भीर ऊणा चाईयो, दोगला, पियक्कड़ और नीच कर्माईया रा लोबी नि ओ। 9 पर विश्वासो रे पेतो खे शुद्ध विवेको साथे सुरक्षित राखो। 10 और ये बी पर्झिले ई परखेया जाओ, तेवे जे निर्दोष निकलो, तो सेवको रा काम करो। 11 ईयां ई तिना री जवाणसा बी आदरो जोगिया ओ, ओरी री बुराई करने वाली नि ओ, पर सब्रो वाली और सबी गल्ला रे विश्वासो जोगी ओ। 12 सेवक एक ई लड़िया रा लाड़ा ओ और बाल-बच्चे और आपणे कअरो रा अच्छा परबंद करना जाणदे ओ। 13 कऊँकि जो सेवको रा काम ठीक टंगो रे करी सकोए, सेयो आपू खे अच्छा पद और यीशु मसीहे रे आपणे विश्वासो रे बारे रे बड़िया इम्मता साथे बोलणे जोगे ऊई जाओए। 14 आऊँ तांगे घट आऊणे री उम्मीद राखणे पाँदे बी, इना गल्ला इजी खे लिखूँआ 15 कि जे मेरे आऊणे रे देर ऊई जाओ, तो तूँ जाणी लो कि परमेशरो रे कराने रे लोका रा बर्ताओ केड़ा ऊणा चाईयो। परमेशरो रा करना जिऊँदे परमेशरो री मण्डली ए और सच्चो रा खम्बा और निँऊँ ए। 16 इदे शक निए कि भक्तिया रा पेत गम्भीर ए, मसीह माणूआ रे रूपो रे प्रगट ऊआ, पवित्र आत्मा रे जरिए सच साबित ऊआ, और स्वर्गदूता खे दिशेया। दूजी जातिया रे तेसरा प्रचार ऊआ, दुनिया रे तेस पाँदे विश्वास कित्तेया और महिमा रे ऊबे चकेया।

4 एबे पवित्र आत्मा साफ-साफ बोलोआ कि आखरी बखतो रे कुछ लोका विश्वास करना छाडी देणा। तिना लोका भरमाणे वाली आत्मा और दृष्टात्मा री शिक्षा पाँदे मन लगाणा। 2 ये तिना चूठे शिक्षका री चूठी शिक्षा री बजअ ते ऊणा। तिना लोका रा विवेक जो सई गलत कामा बीचे फैसला करोआ ईयां मरी चुकेया रा जिंयां मानो बल्दे ऊए लोए की डामी राखेया ओ। 3 एड़े लोका एड़ी शिक्षा देणी कि ब्या करना गलत ए और रोटिया री कुछ चीजा ते पेरे रणे री आज्ञा देणी। पर परमेशरे ए रोटी इजी खे बणाई कि विश्वासी और सच्चो खे पछलायाने वाले तिजी खे धन्यवादो साथे खाओ। 4 कऊँकि परमेशरो री बणाई री हर एक चीज खरी ए और आसे कुछ बी खाई सकूँए, पर ये कि परमेशरो खे धन्यवाद करी की खाई जाओ। 5 कऊँकि सेयो चीजा परमेशरो रे वचने की और प्रार्थना साथे परमेशरो खे मानणे जोगी ऊई जाओईया। 6 ओ तीमुथियुस जे तूँ लगातार विश्वासिया खे इना गल्ला रे बारे रे बतांदा रएगा, तो यीशु मसीह रा अच्छा सेवक ठर्झना और विश्वास और तेस खेरे उपदेशो री गल्ला ते, जिना खे तूँ मानदा आयी रा, तेरा पालण-पोषण ऊदा रणा। 7 पर बणावटी और मूर्खता री काणियां ते दूर रओ, इजी रे बदले तुसे आपणे आपू खे परमेशरो री भक्तिया खे त्यार करो। 8 कऊँकि शरीरो रे री कसरता ते कम लाब ओआ, पर भक्ति सबी गल्ला खे लाबदायक ए, कऊँकि एस बखतो री और आऊणे वाले जीवनो रा बी येर्ई वादा ए।

9 ये गल्ल सच और हर प्रकारो ते मानणे जोगी ए। 10 येर्ई बजअ ए कि आसे कड़ी मईणत और कोशिश करदे रऊँए, कऊँकि आसे लोके जिऊँदे परमेशरो पाँदे परोसा राखी राखेया, जो सबी माणूआ रा और खास करी की विश्वासिया रा उद्घारकर्ता ए। 11 इना गल्ला री मानणे री आज्ञा दे और सख्यांदा बी रओ। 12 तुसा रा चाल-चलण एड़ा ओ कि जवान ऊणे पाँदे बी कोई तुसा खे तुच्छ नि समजो। पर आपणी गल्ला रे और चाल-चलणो रे, प्यार और विश्वासो रे और पवित्रता रे मसीह विश्वासिया खे उदारण बणी जा। 13 जदुओं तक आऊँ नि आऊँ, तदुओं तक मण्डलिया रे पवित्र शास्त्रो खे पढ़ने, उपदेश देणे और सख्याणे रे लगेया रा रओ। 14 तेस आत्मिक बरदानो खे जो तांदे मौजूद ए नजर अंदाज नि कर, जो ताखे भविष्यबाणिया रे जरिए, तेस बखते दितेया था जेबे मण्डलिया रे बुजुर्णे तां पाँदे आध राखे थे। 15 तिना गल्ला खे करदा रओ, और इना रेई आपणा त्यान लगाई राख ताकि सब लोक देखी सको कि विश्वासो रे तेरी तरक्की ऊणे लगी री। 16 इना गल्ला रे चौकस रओ कि तेरा चाल चलण केड़ा ए और क्या उपदेश देणे लगी रे। इना गल्ला रे स्थिर रओ, कऊँकि जे एड़ा करदा रएगा, तो तूँ आपणे और आपणे सुणने साले खे बी बचाणे री बजअ ऊण।

5 केसी बी सयाणे माणूए खे बेज्जतिया रे नजरिए ते नि बक, पर तेसखे पिता जी समजी की समजया। जवान खे पाई मानी की समजा। 2 स्याणी जवाणसा खे माए समजी की और जवान जवाणसा खे पूरी पवित्रता ते बईण समजी की समजया। 3 तिना बिदुआ रा, जो सच्चो खेर्ई बिदुआ ए, आदर और मताद करो। 4 और जे केसी बिदुआ रे बच्चे या दोईने-पोते ओ, तो सेयो पर्झिले आपणे ई कराने साथे आपणी जिम्मेवारी नबाई की परमेशरो रा भग्न ऊणा सीखो और आपणे माए-बाओ री देखपाल रकी की कर्ज चुकाओ। कऊँकि परमेशरो खे येर्ई अच्छा लगोआ। 5 से जो सच्चो खेर्ई बिदुआ ए और तेसा रा कोई निए, से परमेशरो पाँदे ई उम्मीद राखोई। से दिन-रात बिनती और प्रार्थना करदी रओई और परमेशरो ते मताद मांगदी रओई। 6 पर से बिदुआ जो भोग-विलासो रे पड़ी गी, से जिऊँदे जिऊँदे ई मरी गी री। 7 इना गल्ला री बी आज्ञा देया कर, ताकि सेयो निर्दोष रओ। 8 पर जे कोई आपणोया री और खास करी की आपणे परिवारो री देखपाल नि करो, तो से विश्वासो ते मुकरी गा रा और अविश्वासिया ते बी बुरा बणीगा रा। 9 बिदुआ री सूचिया रे सिर्फ तेसा रा ई नाओं लिखेया जाओ, जो साठा साला ते कम नि ओ और जो आपणे लाडे रे विश्वासो जोगी रई ओ। 10 और से खेरे कामा रे सुनाम रई ओ, जेसे बच्चे ठीक टंगो रे पाली राखे ओ, पराऊणेया री आओ-बैठ करी राखी ओ, परमेशरो रे लोका रे पैर तोए ओ, दुःखिया री मताद किती ओ और हर एक खेरे कामो रे मन लगाया ओ। 11 तेसा सूचिया रे जवान बिदुआ रे नाओं लिखाणा, जो मसीह रा बिरोद करी की सुख-विलासो रे पड़ी जाओईया और ब्या करना चाओईया। 12 सेयो दुबारा ब्या करी की आपू खे दोषी ठराओईया, कऊँकि तिने ब्या ना करने रा वादा तोड़ी ता। 13 और इजी

साथे-साथे सेयो कअरे-कअरे फिरी की आलसी ऊणा सिखोईया। सेयो बस आलसी ई नि, पर ओरी रे बारे रे बक-बक करदिया रओईया और ओरी रे कामो रे आथ बी पाओईया और बेटंगी गल्ला करोईया। 14 इंजी री खातर आँऊ ये चाउँआ कि जवान बिदुआ व्या करी लो और बच्चे पैदा करो और कअर बार सम्बालो और केसी बी बिरोदिया खे बदनाम करने रा मोका नि देओ। 15 कऊँकि कई जणियां तो बईकि की शैतानो पीछे ऊई चुकी रिया। 16 जे केसी विश्वासणिया रे कअरे कोई बिदुआ ओ, तो सेयो ई तिना री मताद करो ताकि मण्डलिया पाँद बोज नि ओ। तेबे मण्डलिया तिना बिदुआ री मताद करनी, जो सच्चो खेई कल्ली ए। 17 मण्डलिया रे बुजुर्ग जो आपणा काम ठीक टंगो रे करोआ तिना खे सई आदर और सई मजदूरी दिती जाओ, खास करी की सेयो जो परमेश्वरो रा वचन सिखाणे और प्रचार करने रे कडी मईपाण करोए। 18 कऊँकि पवित्र शास्त्रो रे लिखी राखेया, “जोडे रे बलदा रा मूँ नि बानो,” पवित्र शास्त्र एक ओरी जगा बोलोआ, “मजूरदार आपणी मजदूरिया रा अकंकदार ए।” 19 मण्डलिया रे केसी बी बुजुर्गो रे खलाफ आरोप नि सुणो। जदुओ तक दो या तीन गवा तेसखे ये नि बोलो कि तिने कुछ गलत करदे देखी राखेया। 20 पर पाप करने वालेया मण्डलिया रे तिना बुजुर्गा खे सबी सामणे समजाई दे, ताकि ओर लोक बी पाप करने ते डरो। 21 ओ तीमुथियुस, आँऊ ताखे परमेश्वर, यीशु मसीह और चूणे रे स्वर्गदूता खे आजीर जाणी कि खबरदार कहँआ कि तूँ दिल खोली कि इना गल्ला खे मानेया कर और केसी साथे पक्षपात नि कर। 22 मण्डलिया रे अगुवा बनाणे खे केसी पाँद फटाफट आथ नि राखणा। जे तुसे बिना सोचे बिचारे तेस पाँद फटाफट आथ राखी कि तेसखे अगुवा बणाओए और से पाप करो तो एडा करने पाँद तुसे बी तेसरे पापो रे शामिल ओए। आपणे आपू खे पवित्र बणाई कि राख। 23 एबुए ते बस पाणिए खेई पीणे वाला नि रओ, पर आपणे पेटो रे और आपणे बार-बार बमार ऊणे री बजअ ते, थोड़ा-थोड़ा दाखरस बी कामो रे ल्याया कर। 24 आँऊ तुसा खे बोलूँआ कि अगुवा बनाणे रे जल्दी नि करो कऊँकि कुछ लोक सामणे-सामणे पाप करोए। एथो तक कि न्याय ऊणे ते पईले ई सेयो लोक विश्वासिया रे सामणे साफ तौरो पाँद दोषी ए। हालाँकि कुछ लोका रे पाप पईले सामणे नि आँऊदे पर बादो ते सामणे आई जाओए। 25 तिंयाँ ई जेबे कुछ लोक खरे काम करोए तो ओरी विश्वासिया रे जरिए साफ-साफ दिशोए। एथो तक कि जे सेयो साफ-साफ नि दिशो तेबे बी तिना रे जरिए महसूस कित्ते जाओए।

6 सेयो सब विश्वासी जो केसी रे गुलाम ए सेयो आपणे-आपणे मालको खे बडे आदरो जोगा जाणो ताकि परमेश्वरो रे नाऊंसी री और आसे रे उपदेशो री निन्दा नि ओ। 2 जेस गुलाम विश्वासिये रा मालक बी विश्वासी ए तो से गुलाम आपणे मालको खे इंजी बजअ ते तुच्छ नि समजो कि तेसरा मालक बी मेरे जेडा विश्वासी ए। बल्कि से एबे तिना री सेवा और बी मन लगाई कि करो। कऊँकि जो तिना रे कामो ते फायदा पाओए सेयो साथी विश्वासी ए जिना ते सेयो प्यार करोए। इना गल्ला रे

उपदेश करेया कर और इंजी खे मानणे खे समजयांदा रओ। 3 जे कोई ओरी प्रकारा रा उपदेश देओआ और म्हारे प्रभु यीशु मसीह रे जरिए दिती री शिक्षा और परमेश्वरो री भक्तिया री शिक्षा ते सईमत नि ऊँदा, 4 तो से बऊत कमण्डी ऊईगा और कुछ नि समजदा। एडे लोका खे बईस और बेकारो रे शब्दा पाँद तर्क-वितर्क करने रा रोग ए, इना गल्ला ते डाह, चगडे, निन्दा री गल्ला और बुरे-बुरे शक पैदा ओए 5 इना लोका बीचे बेकार लडाई-चगडे पैदा ओए। जिना रा दमाक खराब ऊईगा रा और सेयो सच्चाईया ते दूर ऊईगे रे। सेयो लोक समजोए कि परमेश्वरो री सेवा करना पैसा कमाणे रा जरिया ए। 6 पर आसा खे येई अच्छा ए कि आसे सई करिए जो परमेश्वरो खे अच्छा लगोआ और तिदे ई सन्तुष्ट रह्ये जो परमेश्वर आसा खे देओआ। 7 कऊँकि ना आसे दुनिया रे कुछ ल्याए और ना ई कुछ लवी जाई सकूँए। 8 और जे आसा गे खाणे खे और पझनणे खे आए, तो इना रेई सन्तुष्टी करनी चाईयो। 9 पर जो अमीर ऊणा चाओए, सेयो एडी परीक्षा और फंदे रे, बऊत मूर्खता और आनिकारक लालसा रे फसोए, जो माणूआ खे बिगाडी देओईया और नाशो रे समुद्रो रे ढुबाई देओईया। 10 कऊँकि पैसे रा लालच सब प्रकारा री बुराईया री जड़ ए। इंजी रे लालचो रे पडी की कुछ लोक तो विश्वासो ते पटकी गे और आपणे आपू खे कई प्रकारो रे दुःखो री छानणी बणाईता रा। 11 पर जे तीमुथियुस परमेश्वरो रे सेवक, तूँ इना सबी बुरे कामा खे करने ते दूर नठ। जो सई काम ए तिजी खे हर तरात ते करने री कोशिश कर। एडी जिन्दगी जी जेते की परमेश्वरो खे आदर मिलो। मसीह पाँद परोसा राख। ओरी लोका साथे प्यार कर। मुसीबत आऊणे पाँद इमत राख। ओरी लोका साथे नरमाईया साथे बर्ताव कर। 12 जिंयां एक अच्छा सिपाई जो आपणी लडाई नि छाडदा तिंयाँ ई तूँ बी आपणे परमेश्वरो पाँद परोसा करना और तिना री आज्ञा मानणा नि छाड। तेस अनन्त जीवनो खे पकडी की राख, जेतेरी खातर तूँ बुलाई राखेया और बऊत सारे लोका सामणे अंगीकार कित्तेया था कि तुसे मसीह पाँद विश्वास कित्तेया था। (aiōnios g166) 13 परमेश्वरो खे आजीर जाणी की जिने जो सबी खे जिन्दगी देओआ और यीशु मसीह खे आजीर जाणी की जिने राज्यपाल पुनित्युस पिलातुसो रे सामणे अच्छी गवायी दिती थी अँऊ तुसा खे ये आज्ञा देऊँआ 14 कि तूँ म्हारे प्रभु यीशु मसीह रे दुबारा वापस आऊणे तक निष्कलंक और निर्दोष रूपो ते आपणी जिम्मेवारी नबा। 15 परमेश्वर एक मात्र अधिपित जो तारीफा जोगा ए, से राजेया रा राजा और प्रभुए रा प्रभु ए तेस ई यीशु मसीह ठीक बखतो पाँद प्रकट करने। 16 अमर सिफ शिर्षे जो आगम्य जोतिया रे रओआ और ना तो से किने माणूए देखेया और ना ई कदी देखी सकोआ। तेसरी प्रतिष्ठा और राज्य जुगो-जुगो तक ऊँदा रण। आमीन। (aiōnios g166) 17 एसा दुनिया रे अमीरा खे आज्ञा दे कि सेयो कमण्ड नि करो और नाशवान पैसे पाँद उम्मीद नि राखो, पर सिफ शिर्षे परमेश्वरो पाँद उम्मीद राखो जो म्हारे सुखो खे सब कुछ बऊत जादा देओआ। (aiōn g165) 18 तिना लोका खे ये आज्ञा देओ कि सेयो पले काम करो और खरे कामो रे अमीर बणो और उद्धार

और मताद करने रे आगे रओ। 19 ईयां तिना आपू खे एड़ा पैसा कट्ठा
करना जेते की आऊणे वाली जिन्दगिया खे एक खरी निँऊ पाई सको
जेतेरे जरिए तिना असली जिन्दगी पाणी। 20 ओ तीमुथियुस, एसा
अमानता री रखवाली कर जो परमेशरे तांगे सम्बाली राखी। जेस जानो
खे जान बोलणा ई पूल ए, तिजी री अशुद्ध बकवास और बिरोदो रिया
गल्ला ते दूर रओ। 21 कुछ लोक एस चूठे जानो खे मानी की और तिजी
रे मुताबिक काम करी की मसीह रे विश्वासो ते पटकी गे रे। आँऊ प्रार्थना
कहँआ कि परमेशरो री कृपा तुसा पाँदे ऊँदी रओ।

2 तीमुथियुस

1 ये चिट्ठी मां पौलुसो री तरफा ते ए। परमेशरे आँऊ यीशु मसीह रा सँकू जेते कि अनन्त जीवन देणे रा वादा परमेशरे करी राखेया जो यीशु मसीह पौंद विश्वास करने ते मिलोआ। **2** आँऊ ये चिट्ठी तीमुथियुसो खे लिखणे लगी रा जो विश्वासो रे मेरे सच्चे पाऊए जेडा ए। आँऊ प्रार्थना करूँआ कि परमेशर पिता और महरे प्रभु यीशु मसीह री तरफा ते ताखे कृपा, दया और शान्ति मिलदी रओ। **3** ओ तीमुथियुस, आँऊ दिन-रात आपणी प्रार्थना रे ताखे याद करदे एउ परमेशरो रा धन्यवाद करूँआ, जिना री सेवा आँऊ आपणे बाप-दादेया री रवाजा पौंदे शुद्ध विकेतो ते करूँआ। **4** और तेरे आसूआ खे याद करी-करी की, दिन-रात तां साथे मिलणे री लालसा करूँआ ताकि आँऊ खुश ऊई जाऊँ। **5** और माखे तेरे तेस निष्कपट विश्वासो री याद आओई, जो पईले तेरी नानी लोईस और तेरी आम्मा यूनीके रा था और माखे निशा ए कि तांदे बीए। **6** इजी बजअ ते आँऊ ताखे याद दलाउँआ कि परमेशरो रे तेस बरदानो रा इस्तेमाल कर, जो मेरे आथ राखणे ते ताखे मिली रा। **7** परमेशर आसा खे डरपोक नि बणांदा। बलिक तेसरा आत्मा आसा खे मजबूत बणाओआ, से आसा खे ओरी साथे प्यार करने और सब्र राखणे रे मताद करोआ। **8** इजी री खातर ओ तीमुथियुस, तूँ ना तो आसा रे प्रभु यीशु मसीह री गवाई देणे ते शर्मिंदा ओ और ना ई मांते जो तेसरा कैदी ए शर्मिंदा ओ। पर परमेशरो री सामर्था पौंदे परोसा राखी की तूँ मां साथे सुसमाचारो री खातर दुःख उठाउंदा रओ। **9** परमेशरे आसा रा उद्घार करी राखेया और पवित्र जिन्दगी जिऊणे खे बुलाई राखेया। तिने ये महरे केसी कामो रे मुताबिक नि, पर आपणे मकसदो और आपणी कृपा ते एडा करी राखेया। से कृपा सनातनो तेरई यीशुए मसीह रे जरिए आसा खे राखी री थी। (aiōnios g166) **10** पर एबे महरे उद्घारकर्ता यीशु मसीह रे प्रगट ऊणे रे जरिए प्रयासा ऊआ। यीशुए मौता रा नाश कित्तेया और जीवन और अमरता खे तेस सुसमाचारो रे जरिए प्रकाशमान करी ता। **11** जेतेरी खातर आँऊ सुसमाचार प्रचारक, प्रेरित और उपदेशक बी ठडीरिया। **12** इजी बजअ ते आँऊ एती कैदा रे दुःख उठाणे लगी रा पर आँऊ इजी ते शर्मिंदा नि ऊँदा कऊँकि आँऊ मसीह खे जाणूआ जेस पौंदे मैं परोसा करी राखेया। माखे ये पूरा निशा ए कि से तेस दिनो तक मेरी अमानता री रखवाली करने रे पूरी तरअ सामर्थी ए। **13** जो सच्ची शिक्षा तैं मांते पाई राखी तिना खे तेस विश्वासो और प्यारो साथे जो यीशु मसीह रे ए, आपणा आदर्श बनाई कि राख। **14** और पवित्र आत्मा री सामर्था रे जरिए जो आसा रे बसी रा, तेसा अच्छी अमानता री रखवाली कर जो तांगे परमेशरे सम्बाली राखेया। **15** तूँ जाणेया कि आसिया प्रदेशो रे रणे वाले बऊत सारे विश्वासिये आँऊ छाडीता रा, जिना बीचे फूलीगुस और हिरमुगिनेस बी ए। **16** आँऊ प्रार्थना करूँआ कि प्रभु उनेसिफुर्स रे कराने पौंदे दया करो। कऊँकि तिने बऊत बार

मेरा कालजा ठण्डा कित्तेया और मांते शर्मिंदा नि ऊआ जेबे आँऊ जेला रे था। **17** पर जेबे से रोम नगरो रे आया, तो बडी कोशिशा साथे टोली की मां साथे मिलेया। **18** आँऊ प्रार्थना करूँआ कि प्रभु न्याय रे दिना रे उनेसिफुर्सो पौंदे आपणी बडी दया दखाओ। ओ तीमुथियुस, जो-जो सेवा उनेसिफुर्से इफिसुस नगरो रे कित्ती, तिजी खे बी तूँ ठीक टंगो रे जाणोआ।

2 ओ मेरे पाऊ तीमुथियुस, तूँ तेसा कृपा ते, जो यीशु मसीह रे ए, तागतबर ऊई जा। **2** तैं मसीह रे बारे से शिक्षा मांते बऊत गवाओ रे सामणे सुणी राखिया। तेबैई आँऊ चाऊँआ कि सेरई शिक्षा तिना विश्वासो जोगे लोका खे सख्या जो ओरी खे बी सख्याणे जोगे ओ। **3** यीशु मसीह रे खेरे योद्धा जेडे, मां साथे दुःख ऊठा। **4** जेबे कोई सिपाई लडाईया खे जाओआ, तो इजी री खातर जाओआ कि जिने से परती करी राखेया, तेसखे खुश करो और आपू खे दुनिया रे कामो रे नि फसांदा। **5** तेबे अखाडे रे लड़ने वाला जे नियमो रे मुताबिक नि लड़े, तो मुकुट नि पाँदा। **6** जो जिमीदार मईणत करोआ, फलो रा पाअग पईले तेसखे मिलणा चाईयो। **7** तूँ मेरी शिक्षा पौंदे विचार कर। प्रभुए ताखे हर गल्ला री समज देणी। **8** यीशु मसीह खे याद राख, से दाऊदो रे वंशो ते ऊआ। परमेशरे से मेरे रेया बीचा ते जिऊँदा कित्तेया और ये सेरई सुसमाचार ए जो आँऊ लोका बीचे प्रचार करूँआ। **9** तेसी सुसमाचारो खे प्रचार करने री खातर आँऊ कुर्कियों जेडा दुःख ऊठाऊँआ, एयो तक कि आँऊ कैद बीए। पर कोई बी केसी खे परमेशरो रा वचन प्रचार करने ते रोकी नि सकदा। **10** इजी बजअ ते आँऊ चूणे रे लोका रे फाईदे खे इताना दुःख सर्झन करूँआ, ताकि सेयो बी तेस उद्घारो खे जो यीशु मसीह रे ए, अनन्त महिमा साथे पाओ। (aiōnios g166) **11** ये गल्ल सच्ची ए कि जे आसे तेस साथे मरी गे रे, तो तेस साथे जिऊँदो बी। **12** जे आसे सब्रो साथे दुःख सर्झन करदे रऊँगे, तो तेस साथे राज्य बी करूँगे, जे आसे तेसरा इन्कार करूँगे, तो तेस बी महारा इन्कार करना। **13** जे आसे मसीह साथे विश्वासधात करूँए, तेबे बी मसीह आसा खे विश्वासो जोगा बणे रा रओआ, कऊँकि से आपू ई आपू खे ना नि करी सकदा **14** सबी लोका खे इना ई गल्ला री याद दलांदा रओ। परमेशरो रे सामणे सबी लोका खे सावधान करी दे कि सेयो शब्दो पौंदे तर्क-वितर्क नि करेया करो। इना गल्ला साथे कुछ लाब नि ऊँदा, बलिक इजी ते सुणने वालेया रा नाश ऊई जाओए। **15** आपणे आपू खे परमेशरो खे ग्रीष्म करने जोगा और एडा काम करने वाला ठराणे री कोशिश कर, जो शर्मिंदा नि ओ और जो सच्चो रे वचनो खे ठीक टंगो रे कामो रे ल्याओआ। **16** बेकारो री और मूर्खता री गल्ला ते बचे रा रओ, कऊँकि एडे लोक और बी अभक्तिया रे बढ़दे जाणो। **17** एपड़िया गल्ला सड़े रे जखो जेडिया फैलादिया जाणिया। हुमिनयुस और फिलेतुस तिना बीचा तेरई एक ए। **18** इने लोके सच्चाईया पौंदे विश्वास करना छाडीता रा। सेयो बोलोए कि परमेशरे मेरे रेया विश्वासिया खे अनन्त जिन्दगी देणे खे पईले ई जिऊँदा करी ता रा। नतीजन सेयो कुछ विश्वासिया खे मसीह पौंदे विश्वास करने ते रोकणे लगी रे। **19** पर परमेशरे जो पक्की निँऊ

पाई राखी से मजबूत ए। तिजी पाँदि ये छाप लगी री, “प्रभु तिना लोका खे पछ्याणोआ जो तिना रे आपणे ए,” और “जो कोई प्रभुए रा नाओं लओआ, से पापे ते दूर रओ।” 20 केसी बी बड़े कअरो रे ना सिर्फ सुईन्ह-चांदिए रेई, पर लकड़ी और माटिया रे बी पांडे ओए। कोई-कोई पांडे खास मकसदो खे और कोई-कोई आम इस्तेमालो खे ओए। 21 ईयां ई विश्वासी बी जो आपणे आपू खे तिना सारी बुरिया गल्ला ते लग राखेगा तो से बी तेस किमती पांडे जेडा ठईरना जो खास मकसदो खे इस्तेमाल ओआ। तेसरी जिन्दगी पवित्र और आपणे मालको खे हर पले कामो रे इस्तेमाल ऊणी। 22 ओ तीमुथियुस, जवानिया री बुरी इच्छा ते नठ। बल्कि तिना सबी लोका साथे धार्मिकता, विश्वास, प्यार और मेल-जोलो रा पीछा कर जो साफ दिलो ते प्रभुए रा नाओं लओए। 23 आँऊ फेर बोलूँआ मूर्खता और अनपढता री बईसी ते दूर रओ, कऊँकि तूँ जाणेया कि तिना ते चगडे ओए। 24 और प्रभुए रे दासो खे चगडालु नि ऊणा चाईयो, बल्कि सबी साथे मिलणसार, सईनशील और शिक्षा देणे रे निपुण ऊणा चाईयो। 25 और बिरोदिया खे नरमाईया रे समजयाओ, क्या पता परमेश्वर तिना खे मन फिराणे रा मन देओ कि सेयो बी सच्चो खे पछ्याणो। 26 सेयो सचेत ऊँ जाओ और शैतानो रे तेस फंदे ते छूटी जाओ जिदे शैताने तिना खे आपणी इच्छा पूरी करने खे जकड़ी राखेया।

3 ओ तीमुथियुस, ये समजी लओ कि अंतो रे दिनो रे मसीहे रे वापस आऊणे ते पईले कठण बखत आऊणा। 2 लोक मतलबी, पैसेया रे लोबी, त्वालिया मानने वाले, कमण्डी और निन्दा करने वाले ऊणे। तिना आपणे माया-बाओ रा कर्हणा नि मानणा। सेयो लोक मतलबी और अपवित्र ऊणे। 3 सेयो लोक दया ना करने वाले, माफ ना करने वाले, ओरी पाँदे दोष लगाणे वाले और सब्र ना राखणे वाले ऊणे। सेयो लोक कठोर और अच्छाईया ते बैर राखणे वाले ऊणे। 4 सेयो लोक विश्वासाधारी, उतावले और कमण्डी ऊणे। सेयो लोक परमेश्वरो खे नि बल्कि सुख बिलासो खेई चाणे वाले ऊणे। 5 तिना भक्तिया रा पेष तो तरना, पर तिजी री सामर्थ नि मानणी जो तिना री जिन्दगिया खे बदली सकोई। एड़िया माणूआ ते दूर रणा। 6 इना ई बीचा ते सेयो लोक ए, जो कअरे दबे पैर कूसी कि आयी जाओए और तिना कमजोर जवाणसा खे वशो रे करी लओए, जो पापो ते दबी रिया और हर प्रकारा रिया बुरी इच्छा रे वशो रेईया। 7 एड़िया जवाणसा सदा नईया-नईया गल्ला सीखिदिया तो रओईया, पर परमेश्वरो रे सच्चे संदेशो खे कदी नि समजी सकदिया। 8 जियां यन्नेसे और यम्ब्रसे मूसे रा बिरोद कितेया था, तिंयां ई यो लोक बी सच्चो रा बिरोद करोए। यो तो एडे माणू ए जिना री बुद्धि प्रष्ट ऊईगी री और तिना रा विश्वास दखावटी ए। 9 पर इना खे कामयाबी नि मिलणी कऊँकि जेडी यन्नेस और यम्ब्रसो री मूर्खता सबी माणूआ सामणे आईनी थी, तेडी ई इना री मूर्खता बी सामणे आई जाणी। 10 पर ओ तीमुथियुस, तूँ पक्का ई जाणोआ कि आँऊ क्या उपदेश देऊँआ और आँऊ कियां रऊँआ, मेरी जिन्दगिया रा मकसद क्या ए और आँऊ क्या

विश्वास करूँआ। तूँ मेरे सब्र, प्यार और सईन शीलता खे तो जाणेया। 11 तूँ ये बी जाणेया कि अन्ताकिया, इकुनियुम और लुस्त्रा जेडे नगरा रे मां पाँदि कितणा अत्याचार ऊआ और माखे दुःख दित्ते। मैं कितणे अत्याचार सईन किते पर प्रभु तिना सबी ते मेरी रक्षा करदा रया। 12 ये बात सच ए कि जितणे यीशु मसीहे रे भक्तिया साथे जीवन विताणा चाओए, सेयो सब सताए जाणे। 13 पर दुष्ट लोक और बईकाणे वाले तोखा देंदे ऊए और आपू तोखा खांदे ऊए लगातार नाशो रे गहुे रे पड़दे जाणे। 14 पर जेथो तक तेरा सवाल ए तूँ इना गल्ला खे जो तैं सीखी रखिया लगातार विश्वासो जोगा बणेया रा रओ और तिदे विश्वास करदा रओ। याद राख कि तैं किना लोका ते यो गल्ला सीखिया थिया। 15 और बचपनो तेर्ह तूँ पवित्र शास्त्रो खे जाणेया। ये ताखे मसीह पाँदि विश्वास करने ते, उद्धर पाणे खे अकलमंद बणाई सकोआ। 16 पूरा पवित्र शास्त्र परमेश्वरो री प्रेरणा ते रखेया राए। ये पवित्र शास्त्र उपदेश देणे, गलती करने पाँदि ढांटणे खे, सुदारने और धार्मिकता री शिक्षा खे फायदेमंद ए। 17 ताकि परमेश्वरो रा जन हर एक खरे कामो खे करने जोगा बणो और त्यार रओ।

4 आँऊ तुसा खे परमेश्वर और यीशु मसीह खे गवा करी की जेस जिऊँदे और मरे रेया रा न्याय करना और तेसरे राजे रे रूपो रे राज्य करने आऊणे री याद दलाई कि चेतावणी देऊँआ 2 कि परमेश्वरो रे वचनो रा प्रचार कर। बखत और बेखत सदा त्यार रओ, सबी प्रकारा री सईन शीलता और शिक्षा साथे लावामे दे और बक और समजया। 3 कऊँकि एडा बखत आऊणा कि लोका खरा उपदेश नि सईणा, और आपणी मन पसंद गल्ला खे सुणने और तिना ते खुश ऊणे खे आपू खे बऊत उपदेशक कहुे करी लगी। 4 तिना लोका सच्चाई नि सुणनी पर मनकडन्त काणियां पाँदे मन लगाणा। 5 पर तूँ सबी गल्ला ते सावधान रओ, प्रभुए खे दुःख सईन करी लओ, सुसमाचार प्रचारो रा काम कर और आपणी सेवा पूरी कर। 6 आँऊ ये आज्ञा तुसा खे इज्जी खे देऊँआ कि मेरी जिन्दगी और परमेश्वरो रा काम पईले ई खत्म ऊणे लागी रा कऊँकि आँऊ जाणूआ कि मेरी मौत नेडे ए। 7 आँऊ अच्छी लड़ाई लड़ी चुकी रा, मैं आपणी दौऱ पूरी करी ली री, आँऊ आखरी तक विश्वासो जोगा बणेया रा रया। 8 एवे प्रभुए स्वर्गो रे माखे एक मुकट राखी राखेया, कऊँकि मैं धार्मिकता ते जिन्दगी जि राखी। आसा रा प्रभु यीशु मसीह जो तर्मी न्याय करने वाला ए, जेबे से न्याय करने वापस आऊणा तेस दिने माखे से मुकुट देणा। पर सिर्फ आँऊ ई से निए जेसखे से इनाम मिलणा बल्कि हर एकी खे जो तेसरे वापस आऊणे रा बेसब्रिया साथे इन्तजार करने लगी रे। 9 तुसे फटाफट मांगे आऊणे री कोशिश करो। 10 कऊँकि देमासे एसा दुनिया री गल्ला खे प्यारी जाणी की आँऊ छाडीता रा और थिसलुनीके नगरो खे चली गा रा और क्रेसकेंस गलातिया प्रदेशो खे और तीतुस दलमतिया प्रदेशो खे चली गा रा। (aiōn g165) 11 बस लूका ई मां साथे ए। जेबे तूँ आएगा तो मरकुसो खे बी आपू साथे लयी आया, कऊँकि सेवा खे से मेरे बऊत कामो राए। 12

तुखिकुस मैं इफिसुस नगरो खे पेजी ता रा। 13 आऊँदे बखते मेरा कोट
बी लदे आया जो आऊँ त्रोआस नगरो रे करपुसो रे गे छाडी आयी रा,
और मेरी कताबा खास करी की चर्मपत्र लयी की आया। 14 सिकन्दर
ठठेरे मां साथे बऊत बुराईया करी रखिया। प्रभुए तेसखे तेसरे लुरे कामो
रे मुताबिक फल देणा। 15 तूँ आपू बी तेसते सावधान रओ, कऊँकि तिने
म्हारी शिक्षा रा बऊत बिरोद कित्तेया। 16 जेबे आऊँ पईली बार आपणे
बचाव खे कचैरिया रे गया था तेस बखते मां साथे कोई नि था बल्कि
आऊँ सबी छाडीत था। आऊँ प्रार्थना करूँआ कि परमेश्वरे खे तिना इजी
रा लेखा नि देणा पड़ो। 17 पर प्रभु मेरा मददगार रया और माखे सामर्थ
दिती, ताकि मेरे जरिए सुसमाचारो रा पूरा-पूरा प्रचार ओ और सब दूजी
जाति सुणी लो और तिने आऊँ मौता ते बचाया। 18 और प्रभुए आऊँ हर
बुरे कामो ते छुड़ाणा और आपणे स्वर्गो रे राज्य रे बचाई की पऊँछाणा,
तेसरी ई महिमा जुगो-जुगो तक ऊँदी रओ। आमीन्। (aiōn g165) 19
बड़ण प्रिस्कल्ला और तेसा रा लाड़ा अविला और उनेसिफुरुसो रे
कराने खे मेरा नमस्कार। 20 इरास्तुस कुरिन्थुस नगरो रे रई गा और मैं
त्रुफिसुस मिलेतुस नगरो रे छाडीता कऊँकि से बमार था। 21 ठण्डी ते
पईले आऊँणे री कोशिश कर। यूबूलुस, पूदेस, लीनुस और कलौदिया
और सब विश्वासी पाईया रा ताखे नमस्कार। 22 आऊँ प्रार्थना करूँआ
कि प्रभु तेरी आत्मा साथे रओ, तुसा पाँदि कृपा ऊँदी रओ।

تیٽوٽس

1 یے چیڑی مان پائلوسو ری ترفاٽا تے ا। اُنک پارمےشરے را داس اُنر ییش مسیہ را پرےیرت ا। اُنک پارمےشரے رے تینا چوپے رے لوكا را ٽیشاس مजبوب کرنے خے پنجی را خېیا اُنر تینا خے سیخانے خے کی سےیو سचھو خے جاونا تاکی سےیو ٽیشريي ڄينڊڻي جي سکو। 2 نرتیجن تینا پارمےشري ساٿي سدا ری ڄينڊڻي ڄيلو ڻي ری ٽرميٽ کرنئي। کوٽکي پارمےشري کڌي بٽ ٺو نی ٻولادا، تینے ٺوٽي ٻاناونه تے پارڊلے ڦي وادا کيتھي ڦا کی تيسرے لوكا سدا ڪالو ری ڄينڊڻي ڄيلو ڻي (alionios g166) 3 اُنر ابے ٽڪد ٿيک ٻڪھو پاٽد پارمےشري اس سوسماڻا را آسا پاٽد ٽڪٽ کرئي را خېیا اُنر آسے ڏڃي خے سڀي ٻوكا خے پرچار کهڻئا! پارمےشري ڄو ڦها را ٽدراڪرٽا ٽي تينے ماخه ڦي ڄيممهواري ٽيرتی کي اُنک تینا خے ڦي کام کهڻئا! 4 اُنک یے چيڻي ٽيٽوٽو خے لٽيختنے لگي را جو ٽي ٽيٽاسو رے مئے سچھو پاٽد ڄيڙا! اُنک پراٽنها کهڻئا کي پارمےشري پيتا اُنر ڦهار ٽدراڪرٽا ٽي ش مسیہ ری ترفاٽا تے تاڪھے ٽپا اُنر ٽاٽنٽ ميلڻي رخاؤ! 5 اُنک ٽاڪھے ٽڪتے ٽاپوٽ رے ڏڃي خے ڇاڻي آيَا ڦا کي ٽوٽ ٻاكٽ ٻڌي ٽي ٽاٽلا خے سुداره اُنر ڄيڙا مئے ٻولئي را خېیا تيني ٽي ٽاٽابيك ٽنار-ٽنارو رے ٻوچو ڻي ٽاراٽ دا! 6 ڦي جسري ٽي ٽي ٻوچو ڻي ٽاٽابيك ٽنار-ٽنارو رے ٽاٽابيك ٽنار-ٽنارو رے ٻوچو ڻي ٽاراٽ دا! 7 ٽڪٽکي ٽڪ ٽاٽابيك ٽنار-ٽنارو رے ٽاٽابيك ٽنار-ٽنارو رے ٻوچو ڻي ٽاراٽ دا! 8 ٽاٽابيك ٽنار-ٽنارو رے ٻوچو ڻي ٽاراٽ دا! 9 ٽاٽابيك ٽنار-ٽنارو رے ٻوچو ڻي ٽاراٽ دا! 10 ٽاٽابيك ٽنار-ٽنارو رے ٻوچو ڻي ٽاراٽ دا! 11 ٽاٽابيك ٽنار-ٽنارو رے ٻوچو ڻي ٽاراٽ دا! 12 ٽاٽابيك ٽنار-ٽنارو رے ٻوچو ڻي ٽاراٽ دا!

کاٽنیان ٽاٽابيك ٽنار-ٽنارو رے ٻوچو ڻي ٽاراٽ دا! 13 ٽاٽابيك ٽنار-ٽنارو رے ٻوچو ڻي ٽاراٽ دا! 14 ٽاٽابيك ٽنار-ٽنارو رے ٻوچو ڻي ٽاراٽ دا! 15 ٽاٽابيك ٽنار-ٽنارو رے ٻوچو ڻي ٽاراٽ دا! 16 ٽاٽابيك ٽنار-ٽنارو رے ٻوچو ڻي ٽاراٽ دا!

2 پار ڦو ٽيٽوٽس، تاڪھے ٽيٽ ٽاٽابيك ٽنار-ٽنارو رے ٻوچو ڻي ٽاراٽ دا! 1 ٽاٽابيك ٽنار-ٽنارو رے ٻوچو ڻي ٽاراٽ دا! 2 ٽاٽابيك ٽنار-ٽنارو رے ٻوچو ڻي ٽاراٽ دا! 3 ٽاٽابيك ٽنار-ٽنارو رے ٻوچو ڻي ٽاراٽ دا! 4 ٽاٽابيك ٽنار-ٽنارو رے ٻوچو ڻي ٽاراٽ دا! 5 ٽاٽابيك ٽنار-ٽنارو رے ٻوچو ڻي ٽاراٽ دا! 6 ٽاٽابيك ٽنار-ٽنارو رے ٻوچو ڻي ٽاراٽ دا! 7 ٽاٽابيك ٽنار-ٽنارو رے ٻوچو ڻي ٽاراٽ دا! 8 ٽاٽابيك ٽنار-ٽنارو رے ٻوچو ڻي ٽاراٽ دا! 9 ٽاٽابيك ٽنار-ٽنارو رے ٻوچو ڻي ٽاراٽ دا! 10 ٽاٽابيك ٽنار-ٽنارو رے ٻوچو ڻي ٽاراٽ دا! 11 ٽاٽابيك ٽنار-ٽنارو رے ٻوچو ڻي ٽاراٽ دا! 12 ٽاٽابيك ٽنار-ٽنارو رے ٻوچو ڻي ٽاراٽ دا! 13 ٽاٽابيك ٽنار-ٽنارو رے ٻوچو ڻي ٽاراٽ دا! 14 ٽاٽابيك ٽنار-ٽنارو رے ٻوچو ڻي ٽاراٽ دا!

लो, जो खेरे काम करने खे आगे रओ। 15 ओ तीतुस, तूँ इना गल्ला
खे पूरे अक्को साथे समजेया और सिखावंदा रओ। कोई ताखे तुच्छ नि
समजो।

3 ओ तीतुस, आपणे विश्वासी लोका खे याद दला कि सेयो हाकिम
और अधिकारिया रे अधीन रओ और तिना री आज्ञा खे मानो और हर
एक खेरे काम करने खे त्यार रओ। 2 तिना लोका खे बताओ कि सेयो
केसी खे बदनाम नि करो और चगड़ालु नि बणो। पर तिना रा नरम
सबाओ ओ और सबी मांणूआ साथे नरमाईया साथे रओ। 3 कऊँकि
एक एडा बखत था जेबे आसे बी पईले नासमज और आज्ञा ना मानणे
वाले थे। आसे बी बईमो रे पढे थे और कईया प्रकारा री इच्छा और सुख-
विलासो री गुलामिया रे थे। आसा री जिन्दगी दुष्टा और डाह् ते परी
री थी और एकी दूजे ते बैर राखूँ थे। 4 पर फेर बी म्हरे उद्धारकर्ता
परमेश्वरे आपणी दया और प्यार आसा पांदे और सबी मांणूआ पांदे
प्रकट कित्तेया। 5 तिने आसे म्हरे पापो री सजा ते बचाए। ये आसा रे
धार्मिक कामो री बजअ ते नि ऊआ जो आसे आपू कित्ते पर तेसरी दया
रे मुताबिक ऊआ। तिने आसा रा नये जन्मो रे जरिए और पवित्र आत्मा
रे नया बनाणे रे जरिए उद्धार कित्तेया। 6 परमेश्वरे खुले दिलो ते आसा
खे पवित्र आत्मा दित्तेया कऊँकि यीशु मसीह आसा रे पापो री खातर
मरी की म्हारा उद्धार करने वाला बणेया। 7 ताकि आसे अनन्त जीवन
पाणे री उम्मीद करी सकिए जेतेखे परमेश्वरे आपणे बच्येया खे देणे
रा वादा करी राखेया। कऊँकि परमेश्वरे आसे आपणी कृपा रे जरिए
तर्मी ठराई राखे। (aiōnios g166) 8 ये गल्ल सच ए और आऊँ चाऊँआ
कि तूँ इना गल्ला रे बारे रे मजबूतिया साथे शिक्षा देओ, ताकि जिने
परमेश्वरो पांदे विश्वास करी राखेया, सेयो खेरे कामो रे लगे रणे रे त्यानो
रे रओ। यो शिक्षा पतिया और मांणूआ रे लाबो रिया ए। 9 पर मूर्खता रे
बईस, वंशाबली, बैर-बिरोद और तिना चगडेया ते, जो मूसे रा बिधानो
रे बारे रे ओ, बचे रा रओ, कऊँकि सेयो निष्फल और बेकार ए। 10
जो मांणू आपणे गलत विश्वासो रे जरिए फूट पाओआ तेसखे एक-दो
बार चेतावणी दई कि तेसते लग रओ। 11 ये जाणी की कि एडा मांणू
सच्चाईया ते पटकी गा रा और आपणे आपू खे दोषी ठईराई की पाप
करदा रओआ। 12 जेबे आऊँ क्रेते टापूए रे तांगे अरितमास या तुखिकुसो
खे पेजूँ तो मांगे नीकुपुलिस नगरो रे आऊणे री कोशिश करनी, कऊँकि
मैं तेथी ठण्ड बिताणे री ठाणी राखी। 13 जेनास वकील और अपुल्लोसो
खे कोशिश करी की आगे पऊँछाई दे और देख कि तिना खे किजी बी
चीजा री कमी नि ओ। 14 सिर्फ येई नि आपणे विश्वासिया खे सखयांदा
रओ कि सेयो बी लोका री जस्रता खे पूरी करने खे खरे कामो रे लगे रे
रओ, ताकि सेयो बी खूब फलो-फूलो। 15 जितणे बी विश्वासी एती मा
साथे ए तिना सबी री तरफा ते ताखे नमस्कार। क्रेते टापूए रे रणे वाले
आसा रे साथी विश्वासी जो आसा साथे प्यार राखोए, तिना खे नमस्ते।
आऊँ प्रार्थना करूँआ कि परमेश्वरो री कृपा तुसा सबी पांदे ऊंदी रओ।

फिलेमोन

१ ये चिट्ठी मां पौलुसो री तरफा ते ए। आँऊ कैदा रे ए कऊँकि आँऊ यीशु मसीहे रे सुसमाचारो रा प्रचार करूँआ। मेरा और आसा रे साथी विश्वासी तीमुथियुसो री तरफा ते ताखे नमस्कार। ओ फिलेमोन मां साथे काम करने वाले मेरे प्यारे दोस्त आँऊ ये चिट्ठी ताखे लिखणे लगी रा। २ आँऊ ये चिट्ठी आसा री विश्वासी बईण अफकिया और पाई अरखियुपुस जो प्रभुए री सेवा एक योद्धा जेडी करोआ और तेसा मण्डलिया के बी जो तुसा रे कअरे कट्टी ओई लिखणे लगी रा। ३ आँऊ प्रार्थना करूँआ कि म्हरे पिता परमेश्वर और प्रभु यीशु मसीही री तरफा ते ताखे कृपा और शान्ति मिलती रगो। ४ जेवे कदी बी आँऊ ताखे प्रार्थना करूँआ तो सदा ताखे परमेश्वरो रा धन्यवाद करूँआ। ५ कऊँकि आँऊ प्रभु यीशुए पाँदे तेरे विश्वास और परमेश्वरो रे लोका खे तेरे प्यारो रे बारे रे सुणने लगी रा। ६ आँऊ प्रार्थना करूँआ कि तेरी से साजेदारी जो विश्वासिया साथे ए और बी बड़दी जाओ। ताकि आसे सब ये जाणी सकिए कि आसे लोक मसीह पीछे चली की कितणे आशीषित ए। ७ ओ दोस्त, माखे तेरे प्यारो ते बजत खुशी और शान्ति मिली, कऊँकि तेरे जरिए परमेश्वरो रे लोका रे मन खुश ऊँईगो। ८ ओ फिलेमोन, आँऊ तुसा ते एक निवेदन करूँआ हालाँकि आँऊ मसीह रा प्रेरित ऊणे रे नाते तुसा खे जो करना चाईयो तिजी खे अकको साथे एसा गल्ला खे करने री आज्ञा दई सकूँआ ९ तेवे बी मां स्याणे पौलुसो खे, जो एबे यीशु मसीह रा सुसमाचार सुनाणे री बजअ ते जेला रे कैद ए, ये और बी खरा लगेया कि प्यारो साथे तुसा ते बिनती करूँ। १० आँऊ उनेसिमुसो खे विनती करूँआ जो मेरे पाऊ जेड़ा ए। से मसीह रे मेरा पाऊ बणीगा जेबे आँऊ जेला रे था। ११ से पईले तो तेरे किजी कामो रा नि था, पर एबे तेरे और मेरे दूँई रे बड़े कामो राए। १२ तेसखे ई, मतलब जो मेरे कालजे रा टुकड़ा ए, मैं से तागे वापस पेजी ता रा। १३ तेसखे आँऊ आपू गे ई राखणा चाँऊ था कि तेरी तरफा ते एसा कैदा रे जो सुसमाचारो री बजअ ते ए, मेरी सेवा करो। १४ पर मैं तेरी इच्छा ते बिना कुछ बी करना नि चाया, ताकि तेरी ये कृपा दबाओ रे नि पर खुशिया साथे ओ। १५ क्या पता उनेसिमुस इजी बजअ ते कुछ दिनो खे नठी ग ताकि से मसीह पाँदे विश्वास करी सको और से ताखे सदा खे मिली जाओ। (aiōnios g166) १६ पर आजो ते दासा जेड़ा नि, बल्कि दासो ते बी खरा, मतलब-पाईए जेड़ा रओ, जो मेरा तो खास प्यारा आए ई, पर एबे माणूआ रे रूपो रे और प्रभुए रे बी, से तेरा खास प्यारा ओ। १७ जे तूँ माखे आपणा साबी समजेया, तो तेसखे ईयां ग्रहण करी लओ, जेड़ा माखे। १८ जे तिने तेरा कुछ नुकशाण करी राखेया या से तेरा कर्जदार ए, तो मेरे नाओं दे लिखी लो। १९ आँऊ पौलुस आपणे आयो साथे लिखूँआ कि मां आपू ई तेसरा कर्जा परी देणा। इजी री बोलणे री जस्तर निए कि तेरी सारी जिन्दी मेरी कर्जदार ए। २० ओ मेरे प्यारे दोस्त, ये खुशी माखे प्रभुए रे तेरी तरफा ते मिलो। मसीह रे मेरे जिझओ खे अरा-फरा करी दे। २१ आँऊ तेरे आज्ञाकारी ऊणे रा विश्वास करी की

ताखे लिखूँआ और ये जाणूआ कि जो कुछ आँऊ बोलूँआ, तां तिजी ते बी केथी ओर बड़ी की करना। २२ और ये बी कि माखे रणे खे जगा त्यार राख, माखे उम्मीद ए कि तुसा री प्रार्थना रे जरिए परमेश्वरो तुसा री प्रार्थना रा जवाब देणा और आँऊ तुसा गे फेर आयी जाणा। २३ इपफ्रास जो मां साथे यीशु मसीह रा सुसमाचार सुनाणे री बजअ ते कैदी ए से ताखे नमस्कार बोलोआ। २४ और मरकुस, अरिस्तर्खुस, देमास और लूका जो मां साथे प्रभुए रा काम करने वाले ए, इना री ताखे नमस्कार। २५ आँऊ प्रार्थना करूँआ कि म्हरे प्रभु यीशु मसीह री कृपा तुसा री आत्मा पाँदे ऊँदी रओ। आमीन्।

इब्रानियों

1 पुराणे जमाने रे परमेश्वरे बाप-दादेया साथे कई बार लग-लग तरीके ते भविष्यवक्तेया रे जरिए गल्ला कित्तिया। 2 पर इना आखरी दिना रे परमेश्वरे आसा साथे पुत्रो रे जरिए गल्ला कित्तिया। परमेश्वरे आपणे पुत्रो रे जरिए ई सारी सृष्टि रची और सेर्ई सारी चीजा रा बारस ठराया। (aiōn g165) 3 पाऊ ई परमेश्वरो री महिमा रा प्रयासा ए। से तेसरे तत्त्वो री छाया ए। सेर्ई सब चीजा खे आपणी सामर्थ्ये रे वचनो साथे सम्बाली राखोआ; से पापो खे तोई की स्वर्गो रे परमेश्वरो रे दाँणे कनारे जाई की बैठेया 4 और स्वर्गदूता ते तिथाण ई खरा ठिरेया, जितणा तिने तिना ते बड़े पदो रा बारस ऊई की खरा नाओं पाया। 5 परमेश्वरे कदी आपणे केसी बी स्वर्गदूतो खे ये नि बोलेया, “तूँ मेरा पुत्र ए, आज आँऊ ए एलान करूँआ कि तूँ मेरा पाऊ ए!” और फेर तिने केसी बी स्वर्गदूतो खे ये नि बोलेया, “आँऊ तेसरा पिता ऊणा और से मेरा पाऊ ऊणा!” 6 जेबे परमेश्वरे आपणा आदरणीया पाऊ दुनिया रे पेजेया तो से बोलोआ, “परमेश्वरो रे सारे स्वर्गदूता तेसगे माथा टेकणा!” 7 और स्वर्गदूता रे बारे रे एड़ा बोलोआ, “परमेश्वर आपणे स्वर्गदूता खे अवा जेडा और आपणे सेवको खे बऊत जादा सुलगी री आगी जेडा बणाओआ!” 8 पर पुत्रो रे बारे रे बोलोआ, “ओ परमेश्वर, तेरा सिंहासन जुगो-जुगो तक रणा। तेरे राज्य रा राजदण्ड न्याय रा राजदण्ड ए।” (aiōn g165) 9 तैं तर्मो खे प्यार और बुरे कामा साथे बैर राखेया; इजी खे बजअ ते परमेश्वर, तेरे परमेश्वरे तेरे साथिया ते बड़ी की खुशिया रे तेलो साथे तेरा अभिषेक कित्तेया। 10 से आपणे पाऊए ते ये बी बोलोआ, “ओ प्रभु! शुरुओ रे तैं तरतिया री निँऊ राखी और स्वर्ग तेरे आथो री कारीगिरी ए। 11 सेयो तो नाश ऊई जाणे, पर तूँ बणे रा रणा और सेयो सब टालेया जेडे पुराणे ऊई जाणे। 12 तां सेयो पट्टू जेडे लपेटणे और सेयो टालेया जेडे बदली जाणे, पर तूँ नि बदलणा और तेरे सालो रा अंत नि ऊणा।” 13 और परमेश्वरे कदी बी केसी बी स्वर्गदूता खे ये नि बोलेया, “तूँ मेरे दाँणे कनारे आदरणीय जगा रे बैठ, जद्गो तक आँऊ तेरे बैरिया खे तेरे पैरा रे थालली पीढी नि बणाई देऊँ?” 14 फेर स्वर्गदूता रा क्या मकसद ए? क्या सेयो सब परमेश्वरो री सेवा-टर्फ़िल करने वालिया आत्मा निए, जो उद्धार पाणे वालेया री खातर सेवा करने खे पेजिया जाओईया?

2 तेबेई आसा खे जो कुछ सिखाई राखेया था तिजी खे मानणे खे आसा खे और त्यान देणा चाईयो। केथी एड़ा नि ओ कि आसे सच्चाईया ते पटकी जाईए। 2 जे स्वर्गदूता रे जरिए दित्तेया रा संदेश इतणा सच सावित ऊआ और हर एक लोक जिने आज्ञा नि मानी तिना खे ठीक-ठीक सजा मिली, 3 तो आसे लोक एडे महान् उद्धारो खे नजरअंदाज करी की किंयाँ बची सकूँए? एस महान् उद्धारो रा एलान सबी ते पर्झेले प्रभु यीशुए आपू कित्तेया। जिने लोके प्रभुए खे सुणेया तिने लोके तिना रे संदेशो खे सच सावित कित्तेया। 4 साथे ई परमेश्वर बी आपणी इच्छा रे मुताबिक चिह्न, अचम्बे रे काम, कई प्रकारा रे सामर्थ्ये रे काम और

पवित्र आत्मा रे बरदानो खे बांडणे रे जरिए इजी री गवाई देओआ। 5 परमेश्वरे तेसा आऊणे वालिया दुनिया खे, जेतेरी चर्चा आसे करने लगी रे, स्वर्गदूता रे वशो रे नि कित्तेया, पर आपणे पाऊए रे वशो रे कित्तेया। 6 पवित्र शास्त्रो रे केसी जगा रे कोई ये गवाई देओआ, “मांणु क्या ए कि तूँ तेसखे याद करो? मांणुआ रे बच्ये क्या ए कि तूँ तिना री फिकर करेया? 7 तैं से स्वर्गदूतो ते कुछ ई कम कित्तेया; तैं तिना पाँदे महिमा और आदरो रा मुकुट राखेया। 8 तैं सब कुछ तिना लोका रे वशो रे करी ता।” तेबे जबकि तिने सब कुछ तिना रे वशो रे करी ता, तो तिने कुछ पनि राखेया, जो तिना रे वशो रे नि ओ। सच्ची आसे एबे ये नि देखदे कि सब कुछ तिना रे वशो रे ए। 9 पर आसा खे प्रभु यीशु, जेसखे स्वर्गदूता ते थोड़े बखतो खे कुछ ई कम कित्तेया था, मौता रा दुःख उठाणे री बजअ ते, महिमा और आदरो रा मुकुट पझेने रा देख्यूँ, ताकि परमेश्वरो री कृपा ते से हर एक मांणूरी री खातर मरो। 10 सब कुछ परमेश्वरो राए और सब कुछ तिना री ई सामर्थ्ये रे जरिए बणाई राखेया, तेसखे येई खरा लगेया कि जेबे से बक्तु पाऊआ खे महिमा रे पञ्चाओआ, तो तिना रे उद्धारकर्ता खे दुःख उठाणे रे जरिए सिद्ध करो। 11 कऊँकि पवित्र करने वाला यीशु और जो पवित्र कित्ते जाओए, सबी रा एक ई पिता ए, मतलब परमेश्वर, इजी बजअ ते यीशु तिना खे पाई और बईण बोलणे ते नि शर्मादा। 12 मसीह परमेश्वरो ते बोलोआ, “मा तेरा नाओं आपणे पाईया गे सुनाणा, सभा बीचे मां तेरी तारीफ करनी।” 13 फेर से ये बोलोआ, “मां तेस पाँदे परोसा राखणा” और फेर से ये बी बोलोआ, “आँऊ एती तिना लोका साथे ए जिना खे परमेश्वरे माखे देई राखेया; सेयो बच्चेया जेडे ए।” 14 तेबेई जेबे परमेश्वरो रे बच्ये मांस और खूनो रे इस्सेदार ए, तो यीशु आपू बी तिना जेडा बणीगा, ताकि मौता रे जरिए तेसखे, जेसखे मौता पाँदे शक्ति मिली थी, मतलब शैतानो खे नकम्मा करी ता 15 और ईंयां यीशुए जितणे मौता रे डोरे रे मारे पूरी जिन्दगी गुलामिया रे फसी रे थे, तिना खे लुड़ाई लो। 16 कऊँकि यीशु तो स्वर्गदूता खे नि, बल्कि अंगाहमो रे वशो खे सम्बालोआ। 17 तेबेई ते तेसखे चाईयो था कि सारिया गल्ला रे आपणे पाईया जेडा बणो, ताकि लोका रे पापो खे प्राश्नित करो। 18 कऊँकि जेबे यीशुए परीक्षा री दशा रे दुःख उठाया, तो से तिना री बी मताद करी सकोआ, जिना री परीक्षा ओई।

3 तो ओ साथी विश्वासियो! तुसे जो स्वर्गिय बुलाहाटा रे इस्सेदार ए, तेस प्रेरित और प्रदान पुरोईत यीशुए पाँदे, जेसखे आसे अंगीकार करूँए, त्यान करो। 2 यीशु आपणे नियुक्त करने वाले परमेश्वरो खे विश्वासो जोगा था, जेडा मूसा बी परमेश्वरो रे सारे कअरो रे था। 3 पर यीशु मूसे ते इतणे बढ़ी की महिमा जोगे समजे, जितणा कि कअर बनाणे वाला कअरो ते बड़ी की आदर राखोआ। 4 कऊँकि हर एक कअरो खे कोई ना कार्ड बनाणे वाला ओआ, पर जिने सब कुछ बणाई राखेया से परमेश्वर ए। 5 मूसा तो परमेश्वरो रे सारे कअरे सेवको जेडा विश्वासो

जोगा रया, ताकि जो गल्ला ऊणे वालिया थिया, तिना री गवाई देओ। 6 पर मसीह पुत्रो जेडा परमेश्वरो रे कअरो रा अक्कदार ए और तेसरा कअर आसे ए, जे आसे आपणी इम्मता साथे और आपणी उम्मीदा रे विश्वास बणाई की राखूँए तो आसे ई तेसरा कराना ए। 7 तो जेडा पवित्र आत्मा बोलोआ, “जे आज तुसे परमेश्वरो रा शब्द सुणो, 8 तो तिजी खे मानणे ते ना नि करो, जेडा कि रोष दलाणे रे बखते और परीक्षा रे दिने सुणसाण जगा रे कित्तेया था। 9 जेती तुसा रे बाप-दादे आँक परखेया और चाली साल तक मेरे काम देखे। 10 इजी बजअ ते आँक तेस बखते रे लोका ते नराज रया और बोलेया, ‘इना रे मन सदा पटकदे रओए, और इने मरिया बाटा नि पछयाणिया।’ 11 तेबे मैं रोषो रे आयी की कसम खाई, ‘सेयो मेरे आरामो रे आई नि सकदे।’” 12 ओ साथी विश्वासियो, चौकस रओ कि तुसा रे एड़ा बुग मन और अविश्वासिया रा मन नि ओ, जो जिउँदे परमेश्वरो ते दूर टाई की लयी जाओ। 13 हर दिन एकी-दूजे खे समजयांदे रओ; जदुओ तक तुसा गे मौका ए, एड़ा नि ओ कि तुसा बीचा ते कोई जणा पापो रे छलो रे आयी की जठर ऊई जाओ। 14 जे आसे आपणे पर्झिले परोसे रे आखरी तक मजबूतिया दे बणे रे रथे तो आसे मसीह रे इस्सेदार बणो रे रणो। 15 जेडा पवित्र शास्त्रो रे बोलेया जाओआ, “जे आज तुसे तेसरा शब्द सुणो, तो आपणे मनो खे जठर नि करो, जेडा कि रोष दलाणे रे बखते कित्तेया था।” 16 पला किने लोके परमेश्वरो रा शब्द सुणी की तिना रा बरोद कित्तेया? क्या सेयो इसाएली लोक नि जो मूसे रे जरिए मिसो ते निकले थे? 17 और से चाली साल तक केस ते नराज रया? क्या तिना तेई नि, जिने पाप कित्तेया और तिना रिया लोथा सुणसाण जगा रेई पड़ी रिया रईया? 18 तिने किना लोका रे बारे रे कसम खाई की बोलेया था कि तुसे मेरे आरामो रे आई नि सकदे? क्या ये सिफ सेयो ई लोक नि थे जिने आज्ञा नि मानी थी? 19 ईयां आसे देखूँए कि सेयो अविश्वासो री बजअ ते आरामो री जगा रे आई नि सके।

4 परमेश्वरो रे आरामो री जगा रे आऊणे रा वादा एबुए तक ए। तो आसे चौकस रईए कि तुसा बीचा ते कोई बी लोक नकम्हे नि ठईरो कि तिजी रे जाणे ते वंचित रई जाओ। 2 कऊँकि आसा खे बी इसाएली लोका जेडा सुसमाचार सुणाया। पर तिना लोका खे सुणे रे वचनो ते कुछ फाईदा नि ऊआ, कऊँकि तिने लोके वचन विश्वासो साथे नि मानेया। 3 इजी खे आसे जिने परमेश्वरो रे वचना पाँदे विश्वास कित्तेया, तेस आरामो रे प्रवेश कराना, जेडा कि ओरी खे परमेश्वरे बोलेया, “मैं आपणे रोषो रे कसम खाई कि ‘सेयो मेरे आरामो री जगा रे आई नि सकदे।’” हालाँकि दुनिया री शुरूआते रे बखते तेसरे काम ऊई चुके थे। 4 कऊँकि सातुरे दिनो रे बारे रे तिने केथी एड़ा बोली राखेया, “परमेश्वरे सातुरे दिने आपणे सारे काम नपट्याई की आराम कित्तेया।” 5 आसे ये बी पढ़ेया कि तिने बादो ते ये बी बोलोआ, “सेयो मेरे आरामो री जगा रे आई नि सकदे।” 6 ये पक्का ए कि कुछ लोका खे आरामो री जगा रे आऊणे री एबे बी खुली आजादी ए और जिना खे तेसरा सुसमाचार पईले सुणाया था, सेयो आज्ञा ना मानणे री बजअ ते तिदे नि जाई सके। 7 तेबेर्ई तो से

कोई खास दिन ठराई की इतणे दिन बाद दाउदो री कताबा रे तिजी खे आजका दिन बोलोआ, जेडा पईले बोलेया, “जे आज तुसे तेसरा शब्द सुणो, तो आपणे मनो खे जठर नि करो।” 8 जे यहोशू इसाएलिया खे परमेश्वरो रे वादे रे मुताबिक आरामो री जगा रे प्रवेश कराई लंदा तो तिजी ते बाद दूजे दिनो री चर्चा नि ठँटी। 9 इजी री खातर जाणी लो कि परमेश्वरो रे लोका खे एबे बी सातुरे दिनो रा आराम बाकि ए। 10 कऊँकि जिने तेसरे आरामो रे प्रवेश करी राखेया तिने बी परमेश्वरो जेडे आपणे काम पूरे करी की आराम करी राखेया। 11 इजी री खातर आसे तेस आरामो री जगा रे आऊणे री कोशिश करिए, एड़ा नि ओ कि कोई जणा तिना जेडी आज्ञा ना मानी की रुड़ी जाओ। 12 कऊँकि परमेश्वरो रा वचन जिउँदा और प्रबल ए, से केसी दोधरी तलवारी ते बी बजत पईना ए। से आत्मा और प्राण, गाठ-गाठ और गूद्ध-गूद्ध खे लग करी की वार-पार छेदोआ। से मनो री इच्छा और सोचा खे परखोआ। 13 और दुनिया री कोई बी चीज परमेश्वरो ते छिपी री निए तेसरी आखी सामणे सब चीजा खुलिया और प्रकट ए। तेसखे ई आसा लेखा देणा पड़ना। 14 तेबे जेबे आसा रा इतणा बड़ा प्रदान पुरोईत ए, जो स्वर्गो रिये ऊई की गया, मतलब परमेश्वरो रा पुत्र प्रभु यीशु; तो आओ आसे आपणे विश्वासो रे अंगीकारो खे मजबूतिया साथे पकड़ी की राखूँए। 15 कऊँकि आसा रा प्रदान पुरोईत एड़ा निए, जो म्हारी कमजोरिया रे आसा साथे दुःखी नि ऊई सको, बल्कि से सबी गल्ला रे आसा जेडा परखेया, तेबे बी पापी नि निकलेया। 16 इजी री खातर आओ, आसे इम्मत बानी की परमेश्वरो रे नेडे चलूँए, जो कृपा ते परी रा। तेबे परमेश्वरो आसा पाँदे दया और कृपा दखाणी और जो जरूरता रे बखते म्हारी मताद करो।

5 हर एक प्रदान पुरोईत माणूआ बीचा ते लया जाओआ और माणूआ खेई तिना गल्ला रे बारे रे जो परमेश्वरो ते रिश्ता राखोईया, ठराया जाओआ कि पेंट और पाप बलि चढ़ाया करो। 2 कऊँकि से आपू बी कमजोरिया ते किने राए, तेबेर्ई से अज्ञानिया साथे और पूले-पटकेया साथे नरमाईया ते व्यवहार करी सकोआ। 3 प्रदान पुरोईत ऊणे रे नाते तेसखे ये जरूरी ए कि जेडा लोका खे, तेडा ई आपू खे बी पाप बलि चढ़ाया करो। 4 ये आदरो रा पद कोई आपणे आपू ते नि लंदा, जदुओ तक हारूणो जेडा परमेश्वरो री तरफा ते नि ठराया जाओ। 5 तियाँ ई मसीहे बी प्रदान पुरोईत बणने री बढ़ाई आपणे आपू ते नि लयी, पर तेसखे तिने ई दित्ती, जिने तेसखे बोलेया था, “तूँ मेरा पुत्र ए, आज आँक ए लालांक रक्खाए कि आँऊ तेरा पिता ए” 6 ईयाँ ई से दूरी जगा रे बी बोलोआ, “तूँ मलिकिसिदको रिया रीतिया पाँदे सदा खे पुरोईत ए।” (aiōn g165) 7 यीशु एते दुनिया रे रणे रे दिनो रे ऊच्चे शब्दो रे आक्का पाई-पाई की ओर आसू बाह्द-बाह्द की परमेश्वरो ते जो तेसखे मौता ते बचाई सको था, प्रार्थना और बिनती कित्ती और भक्तिया री बजअ ते तेसरी सुणी। 8 हालाँकि यीशु परमेश्वरो रा पुत्र था तेबे बी तिने दुःख उठाई-उठाई की आज्ञा मानणी सीखी। 9 और सिद्ध बणी की, आपणे सबी आज्ञा मानणे वालेया खे सदा कालो रे उद्घारो री बजअ ऊईगा।

(aiōnios g166) 10 तेसखे परमेश्वरो री तरफा ते मलिकिसिदको रिया रीतिया पाँदि प्रदान पुरोईतो रा पद मिलेया। 11 इजी रे बारे रे आसा खे बऊत सारिया गल्ला बोलणिया, पर जिना रा समजयाणा बी कठण ए, कऊँकि तुसे ऊच्चा सुनाने लाई गे रे। 12 सच्ची एस बखतो तक तो तुसा खे शिक्षा देणे वाला बणी जाणा चाईयो था। पर तुसा खे तो एबु बी केसी एडे माणूंए री जी जरूरत ए जो तुसा खे परमेश्वरो री शिक्षा री शुरूओ री गल्ला फेरि सिखाओ। तुसा खे तो बस एबु दूद ई चाईयो, अन्न नि। 13 दूद पीदि बच्चे खे तो तर्मं री शिक्षा री पछयाण नि ऊँदी, कऊँकि से बालक ए। 14 पर अन्न स्याणेया खे ए, जिना री समज खे-बुरे रे पेत करने रे पक्की ऊईगी री।

6 इजी री खातर आओ आसे मसीह री शिक्षा री शुरूओ री गल्ला
ते आगे बढी की सिद्धता री शिक्षा पाँदि चर्चा करने खे आगे बढ़े जाऊँए। आसे बुरे कामो ते मन फिराणे जो मौता री तरफा खे लायी जाओए और परमेश्वरो पाँदि विश्वास करने री शुरूओ री शिक्षा री निँँ फेर नि पाईए। 2 और तुसा खे बपतिस्मा रे बारे रे और सिरो पाँदि आथ राखणे और मरे रेया बीचा ते जिऊँदे ऊणे और आखरी न्याय री शिक्षा री फेर गल्ल करने री जरूरत निए। (aiōnios g166) 3 जे परमेश्वर चाओगा तो आसे सिद्धता री शिक्षा री तरफा खे आगे बढ़े। 4 जो लोक आपणा विश्वास छाडी देओए तिना खे फेर मन फिराणे खे वापस नि ल्याई सकदे। तिने एक बार सच्चाई पछयाणी जो परमेश्वरो ते आओई और तिना खे स्वर्गिय बरदान मिलेया और तिने दूजेया लोका साथे पवित्र आत्मा बी पाया। 5 सेयो परमेश्वरो रे खेरे वचनो रा और आऊणे वाले जुगो री सामर्थ महसूस किती। (aiōn g165) 6 जे सेयो परमेश्वरो ते दूर ऊईगी, तो तिना खे मन फिराणे खे वापस ल्याउणा नामुमकिन ए। कऊँकि सेयो परमेश्वरो रे पुत्रो खे फेर कूसो पाँदि चढ़ाओए और सरेआम तेस पाँदि कलंक लगाओए। 7 जो लोक खरी शिक्षा पाओए सेयो एडी जमीना जेडे ओए जो जमीन बर्खा रे पाणिए खे, जो तेसा पाँदि बार-बार पढ़ोआ, पी-पी की, जिना लोका खे से बाई जाओई, तिना रे कामो रा साग-पात जमाओई, से परमेश्वरो ते आशीष पाओई। 8 ओर लोक एडी जमीना जेडे ओए जो जाड़ और काडें-चीट जमाओई, तो से नकमी और सापित ए और तेसा रा अंत फूकणा इए। 9 पर ओ प्यारेओ! तुसे लोक खेरे काम करने लाई रे कऊँकि परमेश्वरे तुसे लोक पईले तेर्ह बचाईते रे। ये चितौनी तुसा लोका रे बारे रे निए। 10 कऊँकि परमेश्वर अन्यायी निए कि तुसा रे काम और तेस प्यारो खे पूली जाओ, जो तुसे तिना रे नाओ री महिमा खे एडा दखाया कि परमेश्वरो रे लोका री सेवा किती और एबे बी करने लागी रे। 11 पर आसे चाऊँए कि तुसा बीचा ते हर एक माणूं आखरी तक पूरी उम्मीदा खे, एडी ई कोशिश करदा रहो। 12 ताकि तुसे आलसी नि ऊई जाओ, बल्कि तिना रा पालन करो, जो विश्वास और सब्रो रे जरिए वादे रे बारस ओए। 13 परमेश्वरे जेबे अब्राहमो ते वादा कित्तेया तो तिने आपणे ई नाओं री कसम खाई। कऊँकि तिना ते बड़ा कोई नि था जेसरा नाओं लायी की से कसम खाओ। 14 तिने बोलेया,

“मां सच्ची ताखे बऊत आशीष देणी और तेरी ल्वादा खे अणगिणत बडांदा जाऊँगा।” 15 अब्राहमे बऊत बखतो तक सब्र राखणे ते बाद वादे रा फल पाया। 16 माणूं तो आपू ते केसी बड़े री कसम खाया करोए और तिना रे हर एक बईसी रा न्याय कसमे की पक्का आओ। 17 येई बजअ ए कि परमेश्वरे बी कसम खाई थी। इजी रे जरिए परमेश्वर तिना लोका खे जिना ते तिने वादा करी राखेया था दखाणा चाओआ था कि से जो बी वादा करोआ तिजी खे से पूरा बी करोआ। 18 परमेश्वर इना दो ना बदलने वाली गल्ला रे जरिए मतलब वादा और कसमा रे चूठा सवित नि ऊई सकदा। इजी ते आसा खे जिने परमेश्वरो री शरण लायी राखी ये बड़ी प्रेरणा मिलोई की आसा खे जो उम्मीद देई राखी तिजी खे पकड़ी राखो 19 से उम्मीद म्हारे प्राणो खे एडा लंगर ए, जो पक्का और मजबूत ए और पड़े दे ते ऊई कि परमेश्वरो रे महा पवित्र जगा तक पऊँछोआ। 20 जेती यीशुए मलिकिसिदको रिया रीतिया पाँदि सदा कालो रा प्रदान पुरोईत बणी की आसा री तरफा ते अगुवा रे रूपो रे आसा ते पईले ई स्वर्गो रे प्रवेश करी राखेया। (aiōn g165)

7 मलिकिसिदक शालेम नगरो रा राजा और परमप्रदान परमेश्वरो रा पुरोईत था। जेबे अब्राहम राजेया खे युद्धो ते अराई की वापस आऊणे लगी रा था, तो मलिकिसिदके तेस साथे मुलाकात किती और तेसखे आशीष दिती। 2 अब्राहमे मलिकिसिदको खे युद्धो ते जीती की ल्याई री सबी चीजा रा दसुआ इस्सा दितेया। मलिकिसिदको रे नाओं रा मतलब “धार्मिकता रा राजा” ए। पर जबकि शालेमो रा मतलब “शान्ति” तो से “शान्तिया रा राजा” बी ए। 3 जेसरा ना पिता, ना माए, ना ई वंश ए, जेसरे ना दिनो री शुरूआत ए और ना जीवनो रा अंत ए। पर परमेश्वरो रे पुत्रो जेडा ठर्डी की से सदा खे पुरोईत बणेया रा रओआ। 4 एबे इजी पाँदि त्यान करो कि मलिकिसिदक केड़ा महान् था जेसखे कुलपति अब्राहमे अच्छे ते अच्छे लूटे रे मालो रा दसुआ इस्सा दितेया। 5 मूसे रा बिधान बताओई कि लेविया रे वंशो बीचा ते जिना खे पुरोईतो रे पदो खे चुणेया जाओआ, तिना खे अज्ञा मिली री कि लोका ते, मतलब आपणे पाईया ते चाए सेयो अब्राहमो रेई शरीरो ते कऊँ निए जम्मे रे, बिधानो रे मुताबिक दसुआ इस्सा लओ। 6 पर मलिकिसिदके जो लेवी वंशो रा पनि था तिने अब्राहमो ते दसुआ इस्सा लया। हालौंकि अब्राहमो गे परमेश्वरो रा वादा था फेर बी मलिकिसिदके अब्राहमो खे आशीष दिती। 7 इदे शक निए कि छोटा बड़े ते आशीष पाओआ। 8 और एती तो मरने वाले माणूं दसुआ इस्सा लओए, पर मलिकिसिदक जेसखे अब्राहमे दसुआ इस्सा दितेया था पवित्र शास्त्र तेसे बारे रे बोलोआ कि से जिऊँदा ए। 9 तो आसे ये बी बोली सकूँए कि लेविए बी, जो दसुआ इस्सा लओआ, अब्राहमो रे जरिए दसुआ इस्सा दितेया। 10 जेबे मलिकिसिदके अब्राहमो ते मुलाकात किती तेस बखते तो लेविए रा जन्म बी नि ऊआ था। कऊँकि लेवी तेस बखते आपणे अब्राहमो रे शरीरो रेई था। 11 हालौंकि मूसे रा बिधानो रे बोली राखेया कि पुरोईत सिर्फ लेविए रे गोत्रो तेर्ह ऊणे चाईयो, पर सेयो पुरोईत केसी खे बी सिद्ध

नि बणाई सकदे। इजी खे लेविया रे वंश हारूण पुरोईतो रे परिवारो रे बदले मलिकिसिदको रे जेडे एक पुरोईतो री जस्तरत ए। 12 कऊँकि जेबे पुरोईतो रा पद बदलेया जाओआ, तो बिधानो रा बी बदलणा जस्त्री ए। 13 आसे ये सब गल्ला यीशु मसीह रे बारे बोलणे लगी रे जो दूजे गोत्रो रा था। तेस गोत्रो रे किने बी माणूप बेदिया पाँदे पुरोईतो रे रूपो रे सेवा नि कित्ती। 14 हर कोई ये जाणोआ कि म्हारा प्रभु यीशु यहूदा रे गोत्रो ते ए और एस गोत्रो रे बारे रे मूसे पुरोईतो रे पदो री कुछ बी चर्चा नि कित्ती। 15 म्हारा दावा और बी स्पष्ट ऊई जाओआ कि मलिकिसिदको जेडा एक और पुरोईत आजणे वाला था। 16 यीशु केसी माणूआ रे नियम या लेवी गोत्रो ते तालुक राखणे वाली बिधानो रे आधारो पाँदे पुरोईत नि बणेया। पर एक अविनाशी जीवनो री सामर्थ्य रे मुताबिक जेते रा कोई अंत निए से पुरोईत बणेया। 17 कऊँकि तेसरे बारे रे पवित्र शास्त्र ये गवाई देओआ, “तूँ मलिकिसिदको रिया रितिया पाँदे जुगो-जुगो तक पुरोईत ए” (aiōn g165) 18 कमजोर और निष्फल उणो री बजअ ते पुराणी आज्ञा लोप ऊझी। 19 कऊँकि मूसे रा बिधान केसी बी गल्ला खे सिद्ध नि करदा और तिजी री जगा पाँदे यीशु मसीह रे एक एडी खरी उम्मीद राखी रिये, जेतेरे जरिए आसे परमेश्वरो रे नेडे जाई सकूए। 20 मसीह री नियुक्ति कसमा साथे ऊई। लेविया रे वंश तो बिना कसमा ते पुरोईत बणे। 21 लेविया रे वंश तो बिना कसमा ते पुरोईत ठराई गए, पर यीशु कसमा साथे, परमेश्वरो री तरफा ते नियुक्ति किते, जिने तेसरे बारे रे बोलेया, “प्रभुए ये कसम खाई और मां कदी बी आपणा मन नि बदलणा, तूँ जुगो-जुगो तक पुरोईत ए!” (aiōn g165) 22 एसा कसमा री बजअ ते प्रभु यीशु परमेश्वरो साथे एक बडे महान् वाचा री जिम्मेवारी लओआ। 23 इजी ते अलावा पुराणी रितिया रे मुताबिक पुरोईता री नियुक्ति बडी सँख्या रे ओ थी। कऊँकि हर एक पुरोईतो री मौता साथे तेसरी सेवा बी खत्म ऊई जाओ थी। 24 पर यीशु जुगो-जुगो तक रओआ, इजी बजअ ते तेसरा पुरोईतो रा पद अटल ए। (aiōn g165) 25 तेवेई तो जो यीशुए रे जरिए परमेश्वरो रे नेडे आओए, से तिना खे हमेशा बचाओआ, कऊँकि से तिना खे बिनती करने खे सदा जिङ्दा ए। 26 एडा ई प्रदान पुरोईत आसा री जस्तरत खे पुरा करी सकोआ, जो पवित्र ओ, निष्कपट ओ, साफ ओ, पापिया रे असरो ते लग रणे वाला ओ और स्वर्णो ते बी ऊच्चा चकेया रा ओ। 27 और तिना प्रदान पुरोईतो जेडा जो लेविया रे गोत्रो रे थे यीशुए खे जरुरी निए कि हर रोज पईले आपणे पापो खे और तेबे लोका रे पापो खे बलि चढाओ, कऊँकि यीशुए आपणे आपू खे बलिदान चढाई की ये काम सदा खे एक ई बार नपटेई ता। 28 कऊँकि मूसे रा बिधान तो कमजोर माणूपा खे प्रदान पुरोईत नियुक्त करोई, पर परमेश्वरो रा वादे जो बिधानो ते बाद असरदार ऊआ, आपणा पुत्र नियुक्त कितेया जो अनन्त कालो खे सिद्ध बणाईता। (aiōn g165)

8 इना गल्ला रा निचोड़ ये ए कि आसा गे एक एडा प्रदान पुरोईत ए, जो स्वर्णो पाँदे परमेश्वरो रे महान् सिंहासनो रे दाँग कनारे बैठेया राए।

2 आसा रा प्रदान पुरोईत महा पवित्र जगा और तेस सच्चे तम्भूओ रे सेवक ए, जो किने माणूए नि, बल्कि परमेश्वरे बणाई राख्या। 3 हर एक प्रदान पुरोईतो खे आपो री माफिया खे पेंट और बलिदान चढाए खे नियुक्त करेया जाओआ, इजी खे जस्तरी ए कि आसा रे प्रदान पुरोईत यीशुए गे बी कुछ चढाए खे ओ। 4 जे यीशु मसीह ततिया पाँदे ऊँदा तो से कदी पुरोईत नि ऊँदा, कऊँकि एती मूसे रा बिधानो रे मुताबिक पेंट चढाए वाले पुरोईत तो आए। 5 ये सेयो पुरोईत ए जो सिक्ख स्वर्णो रिया बीजा रे प्रतिष्पृष्ठ और टवावे री आराधना करोए। कऊँकि जेबे मूसा तम्भू बनाए वाला था, तो तेसखे ये चेतावनी मिली, “देख जो नमूना ताखे सीनै पाहाड़ो पाँदे दखाया था, तिजी रे मुताबिक सब कुछ बनाणा।” 6 पर एबे जो पुरोईतो रा काम यीशु मसीह खे दितेया राए, से ओरी पुरोईता खे दिते रे पुरोईता रे कामो ते बजत बड़ी की ए। कऊँकि से और बी खरी वाचा रा बचोला ठईरया, जो और खरे वादे रे सहारे बानी राखी। 7 जे से पईली वाचा निर्दोष ऊँदी, तो दूजी वाचा री जस्तरत ई नि ऊँदी। 8 पर परमेश्वर लोका पाँदे दोष लगाई की बोलोआ, “प्रभु बोलोआ, देखो, सेयो दिन आओए कि मां इसाएलो रे लोका साथे और यहूदा रे लोका साथे, नई वाचा बानणी। 9 ये तेसा वाचा जेडी नि ऊणी, जेडी मैं तिना रे बाप-दादेया साथे, तेस बखते बानी थी, जेबे आऊँ तिना रा आथ पकड़ी की तिना खे मिस देशो ते निकयाली की ल्याया, कऊँकि सेयो मेरी वाचा पाँदे स्थिर नि रये और मैं तिना री खबर-सम्बाल नि ल्याय। प्रभु यई बोलोआ। 10 फेर प्रभु बोलोआ कि जो नई वाचा मां तिना दिना ते बाद इसाएलो रे कराने साथे बानणी, से ये कि मां आपणा बिधान तिना रे मनो रे पाणी और से तिना रे दिलो रे लिख्नी और आऊँ तिना रा परमेश्वर ठईरना और सेयो मेरे लोक ठईरने। 11 हर एकी आपणे देशवासियो खे और आपणे पाईया खे ये शिक्षा नि देणी कि ‘तूँ प्रभुए खे पछायाण।’ कऊँकि छोटे ते बडे तक सबी आऊँ पछायाणी लणा। 12 कऊँकि मां तिना रे बुरे काम माफ करने और तिना रे पाप फेर याद नि करने।” 13 नई वाचा री स्थापना रे तिने, पईली वाचा पुराणी ठराई और जो चीजा पुराणिया और खराब ऊई जाओईया, तिना रा खत्म ऊणा जस्तरी ए।

9 तेसा पईली वाचा रे परमेश्वरो री आराधना करने रे नियम थे और एसा तरतिया पाँदे परमेश्वरो री आराधना करने खे एक जगा बी बणाई राखी थी। 2 एक तम्भू बणाया जेतेरे दो इस्से थे। पईला, तम्भूओ रे बारले इस्से रे दिउए, एक मेज और तेसा मेजा पाँदे पेंटा रिया पवित्र रोटिया राखी जाओ थिया। तम्भूओ रे एते इस्से खे पवित्र जगा बोलो थे। 3 दूजा, तम्भूओ रा पितरला इस्सा पड़दे रे पीछे था। तेस पितरले इस्से खे परम पवित्र जगा बोलो थे। 4 तेस पितरले इस्से रे सुइनै री तूपदानी और चऊँ कनारे ते सुर्दनी की मडे रा वाचा रा सन्दुक था। सन्दुको रे पितरे मन्ने की परे रा सुइनै रा व्याम और हारूणो री सोठी, जिदे कूँले पत्ते आईगे थे और वाचा रिया पटिया राखी री थिया। 5 सन्दुको पाँदे तेजोमय पंखो वाले करूब बणाई राखे थे। जो प्राश्नितो रे टकणे पाँदे छाएं-

किते रे थे। पर एबु आसे इना गल्ला खे एक-एक करी की समजयाई नि सकदे। 6 जेबे सब कुछ ईयां त्यार उई चुकेया, तेबे तम्बूए रे पईले इस्से रे पुरोईत हर बखते जाई की सेवा रे काम पूरे करोए। 7 पर तम्बूए री महा पवित्र जगा दे प्रदान पुरोईत सालोे रे एक ई बार जाओआ और साथे जानवरा रा खून लयी की बी जाणा पडो था। जो से आपणी खातर और लोका रिया पूल-चूका रिया खातर चढावा चढाओआ। 8 इना गल्ला ते पवित्र आत्मा येर्ह दखाओआ कि जदुओं तक तम्बूए रा बारला इस्सा खडा ए, तदुओं तक कोई बी सादारण लोक बड़ी पवित्र जगा रे जाई की परमेश्वरो री आराधना नि करी सकदे। 9 तम्बूए रा से बारला इस्सा आज-काल के बखतो खे एक उदारण ए। तम्बूए रे तेस बारले इस्से रे पुरोईत पेंट और बलि चढाओ थे। से पेंट और बलि आराधना करने वाले लोका रे विवेको खे साफ नि करी सकदे। 10 ये नियम सिर्फ खाणे-पीणे रिया चीजा और लग-लग नाहे री रवाजा रे बारे रे ए। ये सारे शरीरो ते सम्बन्ध राखणे वाले बाही नियम ए जो सुदरो रे बखतो तक नियुक्त करी ते रे। 11 पर जेबे मसीह आऊणे वालिया खरिया-खरिया चीजा रा प्रदान पुरोईत ऊई की आया। से स्वर्गो रे और बी बड़े और सिद्ध तम्बूए रे गया, से तम्बू आथो साथे बणाया रा निए और ना ई से एते दुनिया राए। 12 मसीह जानवरा रे खूनो रे जरिए नि, पर आपणे ई खूनो रे जरिए एक ई बार आसा सबी खे पवित्र जगा रे गया और आसा सबी खे सदा खे पापो ते छुटकारा दितेया। (aiōnios g166) 13 मूसे रा बिधानो रे मुताबिक पुरोईत जानवरा रा खून और बलिया री स्वा अशुद्ध लोका पाँदे तिना खे शुद्ध करने खे छिड़को थे, ताकि सेयो बाही रुपो ते शुद्ध उई जाओ। जे इना जानवरा रे खूनो रे लोका खे पापो ते पवित्र करने री सार्थ ए 14 तो मसीह रा खून जिने आपणे आपू खे सनातन आत्मा रे जरिए परमेश्वरो सामणे निर्देष चढाया, तुसा रा विवेक मरे रे कामो ते कऊँ नि शुद्ध करना, ताकि तुसे जिऊँदे परमेश्वरो री सेवा करो। (aiōnios g166) 15 इजी बजअ ते मसीह परमेश्वर और लोका बीचे नई वाचा रा बचोला ए, ताकि बुलाए रे लोका खे परमेश्वरो रे वादे रे मुताबिक, अनन्त जायदात मिलो। कऊँकि मसीह तिना रे पापो री सजा ते छुटकारा देणे खे मरेया जो तिने पईती वाचा रे अधीन कितेया था। (aiōnios g166) 16 वाचा एक वसीयता जेडी ए। वसीयता रे मामले रे ये सावित करना जरूरी ए कि जिने वाचा बानी राखी, तेसरी मौत ऊई चुकी री। 17 कऊँकि एड़ी वाचा मरने पाँदे पक्की ओई और जदुओं तक वाचा बानणे वाला जिऊँदा रओआ, तदुओं तक वाचा कामो री नि ऊँदी। 18 येर्ह बजअ ए कि पईली वाचा बी बिना खूनो ते असरदार नि ऊई। 19 जेबे मूसा सबी लोका खे बिधानो री हर एक आज्ञा पड़ी की सुराई चुकेया, तेबे तिने जानवरा रा खून पाणिए साथे मलाई की और लाल ऊना खे जुफा री डालिया रे लपेटी की तिजी साथे, तेसा बिधानो री कताबा पाँदे और सबी लोका पाँदे छिड़की ता 20 और मूसे बोलेया, “ये तेसा वाचा रा खून ए, जेतेरी आज्ञा परमेश्वर तुसा खे मानणे खे देह राखी।” 21 और ईयां ई मूसे तम्बू और सेवा खे इस्तेमाल ऊणे वाले सारे समानो पाँदे खून छिड़केया। 22

मूसे रा बिधानो रे मुताबिक जादातर सारी चीजा खूनो रे जरिए शुद्ध कित्तिया जाओ थिया और बिना खून बाहए पापो री माफी नि ओ थी। 23 पुरोईतो खे ए जरूरी ए कि तम्बू और तिजी रा सारा समान जो स्वर्गो रिया चीजा रा प्रतिरूप था तिजी खे जानवरा रे बलिदानो रे जरिए शुद्ध करेया जाओ। पर स्वर्गों री असली चीजा खे शुद्ध करने खे जानवरा रे खूनो ते बऊत बड़ी की बलिदानो री जस्तरत ए। 24 कऊँकि मसीह आथो साथ बणाई रिया तेसा पवित्र जगा दे, जो स्वर्गीय पवित्र जगा रा नमूना ए, गया नि। से स्वर्गों रेई गया, ताकि से एबे आसा री तरफा ते परमेश्वरो सामणे दिखो। 25 यहूदी प्रदान पुरोईत हर साल जानवरा रा खून लयी की महा पवित्र जगा रे जाओआ। मसीह खे तियाँ ई बार-बार आपणे आपू खे चढाणे री जस्तरत निए। 26 जे एड़ा ऊँदा तो मसीह खे दुनिया री उत्पत्तिया ते लयी की तेसखे बार-बार दुः ख सईन करना पड़दा। पर एबे जुगो रे अंतो रे से एक बार आयी रा, ताकि आपणी ई बलि देई की पापो खे दूर करी देओ। (aiōn g165) 27 जेड़ा माण्णूए खे एक बार मरना और तिजी ते बाद न्याय रा ऊणा नियुक्त ए, 28 तियाँ ई मसीह बी बऊत जणेया रे पाप ऊठाणे खे एक ई बार बलिदान ऊआ। से दूजी बार आऊणा पापो री बजअ ते नि बलिक तिना लोका खे उद्धार देणे खे जो तेसखे न्यालने लगी रे।

10 मूसे रा बिधान आऊणे वालिया खरी चीजा रा सिर्फ एक ट्वांवा

ए, ये ट्वांवा तिना रा असली रूप निया। तेसरे नियमा रे मुताबिक हर साल लगातार बलि ई बलि चढाई जाओ। बिधान तिना बलिदानो रे जरिए आराधना करने वालेया खे कदी बी सिद्ध नि करी सकदी। 2 जे से सिद्ध करी सकदा तो बलिदाना रा चढाणा बंद ऊई जांदा। जे परमेश्वरो री आराधना करने वाले एक ई बार शुद्ध ऊई जांदे, तो तिना रा विवेक तिना खे पापी नि ठरांदा। 3 पर एबे तो तिना बलिया रे जरिए हर साल पापो खे याद करवाया जाओआ। 4 कऊँकि ये ऊई नि सकदा कि जानवरा रा खून पापो खे दूर करो। 5 इजी बजअ ते मसीह दुनिया रे आऊँदे बखते बोलोआ, “बलिदान और पेंट तैनि चायी, पर मेरी खातर एक शरीर त्यार कितेया। 6 ऊम-बलिया और पाप-बलिया ते तूँ खुश नि ऊँदा। 7 तेबे मैं बोलेया, ‘देख, आऊँ एती ए, पवित्र शास्त्रो रे मेरे बारे रे लिखेया राए ओ परमेश्वर आऊँ आईगा रा कि तेरी इच्छा पूरी करूँ।’” 8 मसीह पईले बोलोआ, “ना तैं बलिदान, पेंट, ऊम-बलिया और पाप-बलिया चाईया और ना ई तिना ते खुश ऊआ,” हालाँकि यो बलिदान बिधानो रे मुताबिक चढाए जाओ थे। 9 तेबे ये बी बोलोआ, “देख, आऊँ आईगा रा, ताकि तेरी इच्छा पूरी करूँ।” तिने पईलका बलिदान टाई ता और मसीह रे बलिदानो खे तिजी री जगा पाँदे राखी ता। 10 परमेश्वरो री तेसा ई इच्छा रे मुताबिक प्रभु यीशु मसीह रे शरीरो रे एक ई बार बलिदान चढाणे रे जरिए सदा खे आसे पवित्र कित्ते। 11 पुराणी वाचा रे मुताबिक हर एक पुरोईत तो खड़े ऊई की हर-रोज सेवा करोआ और एक ई जेडे बलिदानो खे बार-बार चढाओआ। पर ये बलिदान पापो खे कदी बी दूर

नि करी सकदे। 12 पर आसा रा प्रदान पुरोईत यीशु मसीह पापो रे बदले एक ई बार सदा खे आपणे आपू खे बलिदान करी चुकी रा। एबे से परमेश्वरो रे दाँणे कनारे बैठिगे। 13 तेस बखतो तेई एकी खेर्ड न्यालने लगी रा, ताकि तेसे सारे बैरी तेसे पैरै निठली चौकी बणो। 14 कऊंकि मसीहे एक ई बलिदानो रे जरिए सेयो सदा खे सिद्ध बणाईते जो तिना खे लग कित्ते रे ए। 15 पवित्र आत्मा बी आसा खे येर्ड गवाई देओआ। पर्द्दले प्रभुए बोलेया था, 16 “प्रभु बोलोआ कि जो वाचा मां तिना दिना ते बाद तिना साथे बाणी, से ये कि मां आपणा विश्वास तिना रे दिलो रे लिखणी और मां तिना रे विवेको रे पाणी।” 17 फेर से ये बोलोआ, “मां तिना रे पाप और तिना रे बुरे काम फेर कटी बी याद नि करने।” 18 और जेबे पापो री माफी ऊईगी री, तो तेबे पापो खे केसी बी बलिदानो री जस्तर निए। 19 ओ साथी विश्वासियो, एबे आसा खे पुरा परोसा ए कि आसे प्रभु यीशुए रे खूनो रे जरिए बडी पवित्र जगा रे इम्मता साथे जाई सकोए। 20 यीशुए आसा खे आपणे शारीरिक पङ्दे रे जरिए एक नई और जिऊंदी बाट खोली ती। 21 और इजी खे कि म्हारा एडा महान् पुरोईत ए, जो परमेश्वरो रे मन्दरो रा अक्कदार ए, 22 तो आओ आसे सच्चे मनो ते, पूरे विश्वासो साथे परमेश्वरो रे नेढे जाऊंए कऊंकि आसे विवेको रा दोष दूर करने खे दिलो पाँद मसीहे रे खूनो रा छड़काओ लयी की और शरीरो खे साफ पाणिए की तुलाईता रा ताकि आसे शुद्ध ऊई जाईए। 23 और आपणी उम्मीदा रे अंगीकारो खे मजबूतिया रे पकडी की राखो। कऊंकि परमेश्वर जिने वादे कित्ते, से विश्वासो जोगा ए 24 आसे ये बी खास त्यान राखिए कि आसे आपू बीचे प्यार और खरे कामो खे करने खे एकी-दूजे खे औंसला देया करो। 25 और आराधना रे एकी-दूजे साथे कट्टा ऊणा नि छाडो, जेडी की बऊत जणेया री रवाज ए, पर एकी-दूजे खे समजयांदे रओ और जियाँ-जियाँ प्रभुए रे वापस आऊणे रे दिनो खे नेडे आऊंदे देखो, तिंयाँ-तिंयाँ और बी जादा एडा करेया करो। 26 सच्चाईया खे पछ्याणने रे बाद जे आसे जाणी-बूजी की पाप करदे रँहए, तो पापो खे फेर कोई और बलिदान निए। 27 आ, परमेश्वरो रे न्याय रे दण्डो री एक डराऊणी उम्मीद और आगी रा चराकडा बाकि ए, जेसा तेसरे सारे बिरोदी स्वा करी देणे। 28 तिना दिना रे मूसा रे विधानो खे ना मानणे वात्ता दो या तीन जणेया री गवाईया पाँदे, बिना दया ते काया जाओ था। 29 एबे सोची लो कि से और बी कितणे बडे-पारी दण्डो जोगा ऊणा, जिने परमेश्वरो रा पुत्र पैरो साथे केसेया और वाचा रे खुने की जेतरे जरिए से पवित्र ठराया था, अपवित्र जणेया और कृपा री आत्मा री बेज्जती किती। 30 कऊंकि आसे तेसखे जाणूंए, परमेश्वरे बोलेया, “बदला लणा मेरा काम ए, मां ई बदला लणा।” तेबे तिने ये बी बोलेया, “प्रभुए आपणे लोका रा न्याय करना।” 31 जिऊंदे परमेश्वरो रे आथो रे पङ्डना डराऊणी गल्ल ए। 32 पर तुसे तिना शुरुआता रे दिना खे याद करो, जिना रे तुसे मसीह री ज्योति पाई और बडे पारी दुःखो रे बी टीके रे रये। 33 कदी-कदी तो एडा ऊआ कि खुले तौरो पाँदे तुसा री निन्दा ऊई और क्लेश सर्झन करदे ऊए तुसा रा तमाशा बणेयो।

कदी-कदी एडा ऊआ कि तुसे तिना साथे साजे ऊए जिना रा बऊत बुरा आल करो थे। 34 कऊंकि तुसे कैदिया रे दुःखो रे बी दुःखी ऊए और आपणी जायदात खुशिया साथे लुटणे दित्ती; ये जाणी की कि तुसा गे स्वर्गो रे एक ओर बी खरी और सदा रणे वाली जायदात ए। 35 इजी री खातर प्रभुए पाँदे आपणा विश्वास बणाए रे राखो। याद राखो कि इजी रा फल बऊत बडा ए। 36 कऊंकि तुसा खे सब्र राखणा जस्ती ए, ताकि परमेश्वरो री इच्छा पूरी करी की तुसा खे वादे रा फल मिलो। 37 जियाँ कि पवित्र शास्त्र बोलोआ, “एबे बऊत ई थोडा जा बखत रई गा रा, जेबे आऊणे वाला आऊणा और तेस देर नि करनी।” 38 पर मेरा तर्मी माणूंविश्वासो साथे जिऊंदा रणा और जे से माणूंडी की विश्वासो ते पीछे आटी जाओगा, तो मेरा मन तेसते खुश नि ऊणा।” 39 आसे तिना लोका बीचा ते निए जो परमेश्वरो ते पीछे आटी की नाश ऊई जाओ। बल्कि आसे तिना लोका बीचा ते जो आपणे विश्वासो रे जरिए जिन्दगी पाओए।

11 एबे विश्वास उम्मीद किती रिया चीजा रा निश्चा और बिना देखी रिया चीजा रा सबूत ए। 2 आसा रे बुजुगा खे ये विश्वास था, सिर्फ इजी री बजअ ते परमेश्वर तिना ते खुश था। 3 विश्वासो तेई आसा खे पता लगी जाओआ कि सारी सृष्टि परमेश्वरो रे वचनो रे जरिए बणी। इजी खे आसे जो कुछ देख्यां, से तिना चीजा ते नि बणी, जो नि दिख्याए। (alōn g165) 4 विश्वासो तेई आदमो रे पाऊ हाबिले आपणे बडे पाई कैनो ते खरा बलिदान परमेश्वरो खे चढाया और तिजी रेई जरिए परमेश्वरे से तर्मी जणे री तरह अपनाया, और जो बलि हाबिले चढाई थी परमेश्वर तेसरे तेस बलिदानो ते खुश था। हाबिल आपणे मरने ते बाद बी आसा खे सिखाओआ कि विश्वास किंयाँ ऊणा चाईयो। 5 विश्वासो तेई हनोक नाओं रा माणूंविश्वासो जिऊंदा ई स्वर्गो खे चकी ता और से मरेया नि, और तेसरा पता केसी खे नि लगेया कि से कई चली गा। कऊंकि परमेश्वरे से स्वर्गो खे चकी ला था। तेसरे चकणे ते पङ्दले तेसरे बारे रे ये गवाई दिती कि तिने परमेश्वर खुश कितेया। 6 सिर्फ विश्वासो रे जरिए ई आसे परमेश्वरो खे खुश करी सकूँ, कऊंकि परमेश्वरो गे आऊणे वालेया खे विश्वास करना चाईयो कि से आए और सेयो जो तेसखे सच्चाईया ते टोलोए से टोलने वालेया खे फल देओआ। 7 विश्वासो तेई जेबे नूह नाओं रे माणूंए खे परमेश्वरे तेसा बाढा रे बारे रे चेतावणी दिनी थी, जो तिने कदी नि देखी थी, चेतावणी पाई की आज्ञा मानी की आपणे कराने खे बचाणे री खातर जाह्ज बणाया। नूह रे विश्वासो रे सामणे बचे रे लोके जिने विश्वास नि कितेया सेयो नाश ऊईंगी। परमेश्वरे नूह खे तर्मी बणाया कऊंकि तिने तेस पाँदे परोसा कितेया। 8 विश्वासो तेई अब्राहमो खे जेबे परमेश्वरे एकी जगा खे जाणे खे बुलाया तो से आज्ञा मानी की तेसा जगा खे निकली गा, जेती परमेश्वरो तेसखे तेसरी जायदात देणी थी और से नि जाणो था कि आऊंके कई चली रा, पर फेर बी चली गा 9 जेते जगा रा परमेश्वरे बादा कितेया अब्राहम तेती परदेशिया जेडा तम्बूए रे रया। तेस साथे तेसरा पाऊ इसहाक और तेसरा पोता याकूबो जेसखे परमेश्वरो ते सई

वायदा मिलेया था सेयो बी तेती तम्बूआ रे रये। 10 कँकि अब्राहम तेती स्वर्गों रे नगरो रे रणे रा इन्तजार करने लगी रा था जो सदा खे बणेया रा रओआ, जेतेरा रचणे वाला और बनाणे वाला परमेश्वर ए। 11 विश्वासो तेई अब्राहमो री लाडिए सारे आपणे आपू स्याणी ऊई की बी गर्भ धारण करने री सामर्थ पाई, कँकि तेसे विश्वास कितेया कि परमेश्वरो आपणा वादा पूरा करना। 12 जेबे अब्राहम बऊत ई स्याणा था और मरेया रा जा था, तेबे तेसे सर्गों रे तारे और समुद्रे रे कनारे रे बालूए बराबर, अणगिणत वंश पैदा ऊए। 13 ये सारे लोक जिने परमेश्वरो पांदि विश्वास कितेया तिना वादे कित्ती रिया चीजा बिना आसिल कित्ते ई मरी गे। पर सेयो समजी गे थे कि परमेश्वरो आऊणे वाले बखतो रे क्या करना। सेयो ये बी समजी गे थे, “आसे तरतिया पांदि परदेशी और बाअरा ते आए रे लोक ए।” 14 जो एडिया गल्ला करोए, कि सेयो तरतिया पांदि परदेशी और बाअरा ते आए रे लोक ए, सेयो कब्जा करी कि ये दखाओए कि, “ये देश आसा राए।” 15 जेस देशो ते सेयो निकली की आए थे, जे तेसरी खबर-सम्बाल लंदे तो तिना खे वापस जाणे रा माका था। 16 पर सेयो एक खेरे मतलब स्वर्णिय देशो रे इच्छुक ए, तेबेई तो परमेश्वर, तिना रा परमेश्वर बोलणे ते खुश ओ था, कँकि तिने तिना खे एक नगर बणाई राखेया। 17 जेबे परमेश्वरे अब्राहमे परखेया तो विश्वासो रे जरिए से इसहाको री बलि चढाणे खे त्यार ऊआ। इसहाक अब्राहमो रा खास पाऊ था। परमेश्वरे तेस पाऊए रे बारे रे अब्राहमो ते वादा कितेया था, “ये इसहाको रे जरिए ऊणा कि तेरे वंशो री गिणती ऊणी।” अब्राहमो खे पूरा विश्वास था कि परमेश्वर मरे रेया खे जिँदा करी सकोआ। ईयां ई अब्राहमो खे इसहाक मरे रेया बीचा ते जिँदा मिलेया। 20 विश्वासो तेई इसहाके आपणे दो पाऊ याकूबो खे और एसावो खे वादे री गल्ला रे बारे रे आशीष दित्ती। 21 विश्वासो तेई याकूबे मरदे बखते यूसुफे रे टँडूई पाऊआ बीचा ते एकी-एकी खे आशीष दित्ती और आपणे डण्डे रा सारा लयी की परमेश्वरो री आराधना कित्ती। 22 विश्वासो तेई यूसुफे, जेबे से मरने वाला था, तो इसाएलो रे लोका साथे मिस देशो ते निकलने री चर्चा कित्ती और तिने तिना खे ये आज्ञा बी दित्ती कि, “जेबे तुसे मिस देशो ते जाओगे तो तुसे मरे मरने ते बाद मरी आहिया खे आपू साथे लयी जाएओ।” 23 जेबे मिस देशो रे राजे इसाएलो रे छोटे बचेया खे काणे री आज्ञा दित्ती तो विश्वासो तेई मूसे रे माए-बाओ तेसरे जमणे ते बाद तीन मीने तक लकोई की राखेया; कँकि तिने देखेया कि बालक बऊत खास ए और सेयो राजे री आज्ञा ते नि डरे। 24 मिस देशो रे फिरैन राजे री बेटिये मूसे खे पाली पोषी की बड़ा कितेया। जेबे मूसा बड़ा ऊईगा तो से विश्वासो ते नि चाओ था कि लोक तेसखे राजकुमारिया रा पाऊ बोलो। 25 कँकि तेसखे पापो रे थोडे दिना रा सुख लणे ते, परमेश्वरो रे लोका साथे दुःख सईन करना जादा खरा लगेया। 26 तिने सोचेया मसीह री खातर दुःख सईन करना मिस देशो रे खजाने ते बऊत बड़ा ए। कँकि से जाणो था कि एडा करने ते तेसखे स्वर्गों रे परमेश्वरो ते इनाम मिलणा। 27 विश्वासो तेई राजे रे रोषो ते नि डरी की मूसे मिस देश

छाडीता, कँकि तिने जाणी ला कि से बिना देखे परमेश्वरो खे देखणे लगी रा। 28 विश्वासो रे जरिए ई मूसे इसाएली लोका खे आज्ञा दित्ती कि सेयो जानवरा रा खून दरवाजे पाँदे छिड़की कि फसह रे त्योआरो री रवाज पूरी करो। ताकि इसाएलो री पइली ल्वादा रा नाश करने वाला दूत, तिना खे छुँई नि सको। 29 विश्वासो तेई इसाएली लोक लाल समुद्रो ते पार एडे उतरी गे, जेडे सूकी जमीना पाँदो ते। पर जेबे मिसिए बी एडा ई करना चाया, तो सब ढूबी की मरी गे। 30 इसाएली लोका रे विश्वासो तेई यरीहो नगरो री शहरपनाह, जेबे सेयो साता दिना तक चँक करने तेजी रा चक्कर लगाई चुके, तो से टली गी। 31 विश्वासो तेई राहाब वेश्या परमेश्वरो री आज्ञा ना मानणे वालेया साथे नाश नि ऊई, कँकि तेसे इसाएली पेतिया खे शरण दित्ती। 32 एबे माखे ओर कुछ बोलणे री जरूरत निए। कँकि बखत नि रया कि गिदोनो रे, बाराको रे, समसूनो रे, यिफतहो रे, दाऊदो रे, शमुएलो रे और भविष्यबक्तेया रे बारे रे बताऊँ। 33 इने विश्वासो रेई जरिए राह्य जीते। सच्चे फैसले साथे राज कितेया। वादे कित्ती रिया चीजा मिलिया और शेर तिना खे खाई नि सके। 34 आगी रिया लुपिया तिना खे फूकी नि सकिया, तलवारी री तेज तारा ते मरी नि सके, कमजोर ऊँदे ऊँदे बी तागतबर बणी गे, लडाईया रे सुरमे निकले, और दुश्मणा री फौज कूटी-कूटी की नठाईती। 35 कुछ जवाणसे आपणे मरे रे लोक फेर जिँदे पाए और कितणे तो मार खादे-खादे मरी गे। तिने लोके छुटकारा पाणे खे परमेश्वरो पांदि विश्वास करना नि छाडेया कँकि सेयो मरने ते बाद परमेश्वरो साथे सदा खे जिँदे रणा चाओ थे। 36 कुछ लोका खे तो मजाक और कोडेया रा सामाणा करना पडेया और कुछ लोक जंजीर की जकड़ी की जेला रे पाइती। 37 कुछ लोका खे पाठ्यर बाए। तिना रे आरे साथे चीरी कि दो टुकड़े करी ते, सेयो तलवारे की काए। सेयो गरीब थे तिना खे दुःख दित्ते और तिना साथे बुरा बर्ताव कितेया। और सेयो पेडा-बाकरिया री खाल टखी की ओर-पोरे मारे-मारे फिरे। 38 और सुणसाण, पाट्ड, डवार, और तरतिया री खीड़ा रिये पटकदे रये। 39 ये बुरी दुनिया विश्वासी लोका जोगी नि थी। विश्वासो रेई जरिए इना सबी रे बारे रे परमेश्वर खुश ओआ, फेर बी तिना खे से चीज नि मिली, जेते रा वादा परमेश्वरे कितेया था। 40 कँकि परमेश्वरो गे सिर्फ तिना खे खीखी गरी गल्ला नि थी पर आसा खे बी थी। परमेश्वर तिना खे बी आसा साथे सिद्धु बनाणा चाओ था।

12 आसा रे चँक करने बऊत सारे लोका री जिन्दगिया रे एडे उदारण ए जो आसा खे बताओ कि विश्वास क्या ए। इजी खे आओ, हर एक रोकणे वाली चीज और उलजाणे वाले पापो खे दूर करी की से दौड़ जो आसा खे दौड़नी, सब्रो साथे दौड़ो। 2 आसे विश्वासो रे कर्ता और सिद्ध करने वाले प्रभु याशुए री तरफा खे ताकदे रईए। याशुए तेसा खुशिया खे जो तेस्ते आगे थी राखी री, शर्मा री कुछ चिन्ता ना करी की, कूसो रा दुःख सईन कितेया और स्वर्गों रे परमेश्वरो रे दाँणे करने बैठेया। 3 याशुए रे उदारणो पाँदे सोचो, जिने पापिया रे जरिए दित्ते रे डराऊणे कष्ट इजी खे सईन कित्ते कि तुसे दुःखी ऊई की इम्मत नि छाडी

देओ। 4 तुसे पापो रे खलाफ लड़दे ऊए एबुए तक तेस साथे एड़ी लड़ाई नि कित्ती कि तुसा रा खून बया ओ। 5 पर तुसे तिना इम्मती उपदेशा खे पूली चुकी रे जो परमेशरे तुसा खे पाऊ मानी कि देई राखे थे, “ओ मेरे पाऊ, प्रभुए री ताड़ना खे अलकी गल्ल नि जाण और जेबे से ताखे थिड़को, तो इम्मति नि छाड। 6 कऊँकि प्रभु जेसखे प्यार करोआ, तेसखे डांटो बी आ और जेसखे आपणा पाऊ बर्णाई लओआ, तेसखे सजा बी देओआ।” 7 तुसे दुःखो खे पिते री डांट समजी की सवी लो। परमेशर तुसा खे पाऊ समजी की तुसा साथे बर्ताओ करोआ। से कुण जा पाऊ ए जेसरी ताड़ना पिता नि करदा? 8 से ताड़ना जो सबी खे मिलोई, जे तेसखे नि मिली री ओ, तो तुसे परमेशरे रे असली पाऊ निए। 9 तेबे जबकि म्हारे शारीरिक पिता बी म्हारी ताड़ना करो था और आसे तिना री इज्जत कित्ती। ये आसा खे ओर बी जरुरी ए कि जेबे आसा रा अतिक्कि पिता आसा खे ताड़ना देओ तो आसे ओर बी बढ़ी की तिना रे वशो रे रईए ताकि आसा खे अनन्तकालो री जिन्दगी मिलो। 10 आसा रा संसारिक पिता तो आपणी-आपणी समजा रे मुताबिक थोड़े दिना तक आसा री ताड़ना करो थे। पर परमेशर आसा री पलाईया खे ताड़ना करोआ ताकि आसे बी तेसरी पवित्रता रे इस्सेदार ऊई जाईए। 11 जेस बखते ताड़ना देई जाओई तेस बखते ताड़ना खरी नि लगादी बल्कि से दुःख देणे वाली लगोई। पर जो ताड़ना रे जरिए शिक्षा पाओए बादो ते तिना खे वैयी साथे धार्मिकता रा फल मिलोआ। 12 इज्जी री खातर उठो और चुस्त ऊई जाओ। 13 सीदिया बाटा रिये चलदे रओ। ताकि जो लोक तुसा पीछे चलोए कमजोर और लंगडे ऊणे रे बावजूद बी सेयो नाश नि ओ पर बची जाओ। 14 सबी साथे मेल-जोल राखो और पवित्र जिन्दगी जिऊणे खे हर तरअ ते कोशिश करदे रओ। जेतेरे बिना कोई बी प्रभुए खे कदी नि देखी सकदा। 15 तुसे चौकस रओ कि कोई बी लोक परमेशरो री कृपा ते बिना रई नि जाओ। त्यान देओ कि तुसा बीचे अविश्वासो री कोई बी कऊँड़ी जड़ निकली की कष नि देओ तिजी साथे बऊत लोक अशुद्ध ऊई जाओ। 16 तुसा बीचे कोई जणा व्याभिचारी नि ओ या अब्राहमो रे पोते एसावो जेडा अर्धमी नि ओ, जिने एक बारा री रोटिया रे बदले आपणे जेठे ऊणे रा पद बेची ता। 17 तुसे जापोए कि बादो ते जेबे तिने आपणे पिते इस्हाको ते आशीष पाणी चायी, तो तेसखे नि दित्ती और आसू बाह्व-बाह्व की आशीष मांगणे पांडे बी मन फेरने रा मौका तेसखे नि मिलेया। 18 तुसे सीनै पाहड़ो रे नेडे नि पउँछे, जेतेखे देखी सको थे और छुँई सको थे। एती ना तो लूपिया जेडी बली री आग ए और ना काले बादल, ना बऊत नहेरा और ना तूफान ए। 19 एती ना तो तुरहिया री आवाज और ना बोलणे वाले रे एड़े शब्दो ए, जेतेखे सुपी की इसाएली लोक बिनती करो थे कि, “एबे आसा साथे ओर गल्ला नि करो!” 20 तिने लोके एड़ा इज्जी खे बोलेया कऊँकि सेयो तेसा आज्ञा खे नि सवी सके जो परमेशरे तिना खे बोली थी, “जे कोई डांगर बी पाहड़ो खे छूँओ, तो पाथर बाए जाओ।” 21 और से दर्शन एड़ा डराऊणा था कि मूसे बोलेया, “आऊँ बऊत डूँआ और थरथराऊँआ।”

22 तुसे लोक सियोनो रे पाहड़ो रे नेडे जो जिऊँदे परमेशरो रा नगर ए पऊँछी रे। ये सई श्वर्गिय यस्तलेम ए जेती लाखो स्वर्गदूत खुशिया रा त्योआर मनाओए। 23 तुसे परमेशरो रे जेठे री सभा रे आई रे, जिना रे नाओं स्वर्गो रे लिखे रे ए। तुसे आपू परमेशरो रे नेडे आयी रे जो सबी रा न्याय करने वाला ए। तुसे स्वर्गो रे तर्मी लोका री आत्मा गे आयी रे जिना खे सिद्ध बणाई राखेया। 24 तुसे यीशुए गे आयी रे जो आसा साथे नई वाचा रा बचोलापण करोआ और छड़काओ रे तेस खूनो रे नेडे आयी रे, जो हाबिलो रे खूनो ते बी जादा खरिया गल्ला बोलोआ। 25 सावधान रओ, और परमेशरो री आज्ञा खे नि टालो जो तुसा के बोलणे लगी रा। कऊँकि जेबे मूसे इस्साएलो रे लोका खे चेतावणी दित्ती थी और तिने आज्ञा नि मानी तो सेयो लोक बी परमेशरो री सजा ते बची नि सके। तेबे आसे बी सजा ते नि बची सकदे, जे आसे बी तेसरी आज्ञा नि मानिए जो आसा खे स्वर्गो ते चेतावणी देओआ। 26 जेबे परमेशरे सीनै पाहड़ो ते गल्ल कित्ती थी तेस बखते तेसरे शब्दे तरती इलाई ती, पर एबे तिने ये वादा करी राखेया कि, “एक बार फेर मां बस तरती ई नि, बल्कि स्वर्ग बी इलाई देणा।” 27 और ये वाक्य, “एक बार फेर” इना गल्ला खे दखाओआ कि बणाई रिया सारी चीजा इल्ली जाणिया और टाई देणियां, ताकि जो चीजा इलाईया नि जांदिया, सेयो अटल बणिया री रओ। 28 आसा खे जो राज्य मिली रा तिजी खे इलाया नि जाई सकदा। तेबैई आसे परमेशरो खे धन्यवाद देंदे रईए और तेसरी इच्छा रे मुताबिक भगित और आदरो साथे तेसरी आराधना करदे रईए जेते कि से खुश ओआ। 29 कऊँकि म्हारा परमेशर स्वा करने वाली आग ए।

13 आपू बीचे पाई बर्दाणा जेडा प्यार राखो। 2 तिना री बी पराऊणचारी करो जो जरुरतमंद मुसाफर ए, कऊँकि इज्जी रे जरिए कई लोके अणजाणे रे स्वर्गदूता री आओ-बैठ कित्ती। 3 कैदिया री बी ईयां खबर-सम्बाल लओ कि मानो तिना साथे तुसे बी कैदी ए। जिना लोका साथे बुरा बर्ताओ कितेया जाओआ, तिना री बी ये समजी की खबर-सम्बाल लया करो जेडे कि तुसे बी तिना रे दुःखो रे साजी ए। 4 व्या सबी लोका रे आदरो री गल्ल समजी जाओ और एस रिश्ते रे दोनो आपू बीचे वफादार रओ, कऊँकि परमेशरो व्याभिचारिया रा और गन्दे काम करने वालेया रा न्याय करना। 5 तुसे आपणी जिन्दगी धन-दौलता रे लालचो ते दूर राखो, जो तुसा गे ए, तिदे ई सन्तुष्टी राखेया करो, कऊँकि परमेशरे आपू ई बोली राखेया, “मां तूँ कदी नि छाडणा और ना ई तूँ पूलाणा।” 6 तेबैई तो आसे परोसा करी की बोलूँए, “प्रभु मेरी मताद करने वाला ए, मां नि डरना। माणू मेरा कुछ नि करी सकदा।” 7 जो तुसा रे अगुवे थे और जिने तुसा गे परमेशरो रा वचन सुणाई राखेया, तिना खे याद राखो। त्यानो साथे तिना रे चाल-चलणो खे देखो कि तिने किंयाँ आपणी जिन्दगी जी, और सेयो मरने तक परमेशरो रे विश्वासो रे वफादार बणे रे रए। इज्जी खे आसा बी एड़ा ई विश्वास करना चाईयो जेडा तिने कितेया था। 8 प्रभु यीशु मसीह काल, आज और जुगो-जुगो तक कदी नि बदलणा। (aiōn g165) 9 इना सारे कई प्रकारा रे और नक्खे उपदेशा खे नि मानो जो

तुसा खे बुरी बाटा रिये लयी जाओए। कऊँकि तुसा रे मनो खे अच्छा ए
 कि परमेशरो री कृपा रे जरिए मजबूत बणो, ना कि तिना नियमा रे
 मानणे रे जरिए जो खाणे रे बारे रे ए, जिना साथे काम राखणे वालेया खे
 कुछ फाईदा नि ऊँदा। 10 म्हारी एक एडी बेदी ए जेते पाँदा ते खाणे रा
 अकंकि तिना लोका खे निए, जो तम्भूओ री सेवा करोए। 11 पुराणे वादे
 रे मुताबिक हर साल प्रदान पुरोईत जानवरा रा खून पाप-बलिया खे
 बडी पवित्र जगा रे तिना रे पापे री माफिया खे लयी जाओआ, पर
 जानवरा रे बली किते रे शरीर लोका रे तम्भूए ते दूर फूके जाओए। 12
 इजी बजअ ते यीशुए बी लोका खे आपणे खूनो रे जरिए पवित्र करने
 खे यरूशलेमो नगरो ते बारे दुःख सईन कित्तेया और मरी गे। 13 तो
 आओ, एबे आसे यहूदी लोका रे विधाने खे छाडी की, यीशु मसीह पाँदे
 विश्वास करी की ठीक तिंयाँ ई तेस साथे शर्मनाक दुःख सईन करिए।
 14 कऊँकि एते दुनिया रे म्हारा कोई बी सदा रणे वाला कअर निए।
 बल्कि आसे तेस स्वर्गिय कअरो री टोळा रे ए जो सदा खे ए। 15 इजी री
 खातर आसे यीशु मसीह रे जरिए आपणे मुंओ ते परमेशरो री स्तुति और
 आराधना करदे रईए। जो परमेशरो खे बलिदान ए। 16 और पलाई करने
 खे और एकी दूजे री मताद करने खे सदा त्यार रओ, कऊँकि परमेशर
 एडे बलिदानो ते खुश ओआ। 17 आपणे अगुवेया री मानो और तिना रे
 अधीन रओ, कऊँकि सेयो तुसा खे देखोए कि तुसे आपणी बाटा ते
 पटकी नि जाओ। तिना खे आपणी सेवा रा लेखा देणा पड़ना। तुसे तिना
 री आज्ञा मानो ताकि सेयो आपणे कामो खे खुश ऊई जाओ, ना कि
 उदास ऊई जाओ। ये तुसा खे बी फाईदे वाला ऊणा। 18 आसा खे
 प्रार्थना करदे रओ। आसा खे परोसा ए कि म्हारा विवेक शुद्ध ए और
 आसे सबी गल्ला रे जो आसे करूँए परमेशरो री महिमा करना चाऊँए।
 19 प्रार्थना करने खे आऊँ तुसा खे ओर बी औंसला देऊँआ ताकि आऊँ
 चट-चारे तुसा गे फेर आयी सकूँ। 20 एबे शान्ति देणे वाला परमेशरे म्हारे
 प्रभु यीशुए खे मरे रेया बीचा ते जिऊँदा कित्तेया। यीशु पेडा रा महान्
 रखवाले जेडा ए, जेसरा खून परमेशरे आपणे लोका साथे अनन्त वाचा
 बनाणे खे इस्तेमाल कित्तेया। (aiōnios g166) 21 परमेशर तुसा खे हर
 एक पली गल्ला रे सिद्ध करो, जेते की तुसे तेसरी इच्छा पूरी करो और
 जो कुछ तेसखे अच्छा लगोआ, तिजी खे प्रभु यीशु मसीह रे जरिए आसा
 रे पुरा करो। जेसरी तारीफ जुगो-जुगो तक ऊँदी रओ। आमीन्। (aiōn
 g165) 22 ओ साथी विश्वासियो, आऊँ तुसा ते बिनती करूँआ कि एसा
 चिट्ठिया रिया गल्ला खे सब्रो साथे सुणी लो, जो मैं तुसा खे इम्मत देणे
 खे लिखी राखी। मैं तुसा खे एसा चिट्ठिया रे बऊत गल्ला नि लिखी
 राखी। 23 तुसा खे ये याद ए कि तीमुथियुस म्हारा पाई जेला ते छूटी गा
 रा और जे से चट आईगा, तो मां तेस साथे तुसा खे मिलणे आऊणा। 24
 आपणे सबी अगुवेया खे और सबी पवित्र लोका खे नमस्कार बोलो। 25 तुसा सबी
 पाँदे परमेशरो री कृपा ऊँदी रओ। आमीन्।

याकूब

1 आँख याकूब जो परमेश्वर और प्रभु यीशु मसीह रा दास ए ये चिठ्ठी

तिना बारा गोत्रा खे लिखूँआ जो दुनिया रे ओऐ-पौरे ऊई की रओए, मेरी तरफा ते नमस्कार। 2 ओ प्यारे साथी विश्वासियो! जेबे तुसे कई प्रकारा री परीक्षा रे पड़ो, तो इजी खे पूरी खुशिया री गल्ल समजो, 3 कऊँकि तुसे जाणो ईं कि जेबे तुसा रे विश्वासो री परख ओई तो तुसे परमेश्वरो पाँदे परेसा राखी की सब्रो साथे और बी पेशानिया रा सामणा करोए। 4 पर सब्रो खे आपणा पूरा काम करने देओ ताकि तुसे पूरे और सिद्ध ऊई जाओ और तुसा रे केसी बी अच्छे चाल-चलणो री कमी नि ओ। 5 पर जे तुसा बीचा ते केसी खे बी दमाको री कमी ओ, तो परमेश्वरो ते माँगो, जो बिना लावामे ते सबी खे उदारता ते खुशीया साथे देओआ; और परमेश्वर सबी खे देओआ। 6 पूरे विश्वासो साथे माँगो कि परमेश्वरो तेसखे देणा और कुछ शक नि करो, कऊँकि शक करने वाला समुद्रो री छालिया जेडा ए, जो अवा साथे हड्डोईया और उछल्तोईया। 7 एड़ा मांण् ये नि समजो कि माखे प्रभुए ते कुछ मिलणा, 8 से मांण् आपणा फैसला नि लई सकदा और आपणी सारी गल्ला रे पोला-पाला ए। 9 विश्वासी पाई जो गरीब ए तेसखे खुश ऊणा चाईयो कि परमेश्वरो ते तेसखे इज्जत मिलणी। 10 और अमीर आपणी नीच दशा पाँदे खुश ओ, कऊँकि तेसरा पैसा काओ रे फूलो जेडा जांदा रणा। 11 सूरज निकलदे ई कड़ाके री तूप पड़ोई और काओ खे सकोई देओई और तिजी रा फूल चढ़ी जाओआ और तिजी री शोभा जांदी रओई, ईंयां ई अमीर आदमी बी आपणी जिन्दगिया रे कामा रे पाऊग-दौड़ करदे ऊए तूडा रे मिली जाणे। 12 धन्य ए से मांण्, जो परीक्षा रे टिके रा रओआ, कऊँकि तेस परीक्षा रे पास ऊई की अनन्त जिन्दगिया रा मुकट पाणा, जेतेरा वादा परमेश्वरे आपणे प्यार करने वालेया साथे करी राखेया। 13 जेबे केसी री परीक्षा ओ, तो से ये नि बोलो, “मेरी परीक्षा परमेश्वरो री तरफा ते ओई” कऊँकि ना तो बुरी गल्ला रे परमेश्वरो री परीक्षा ऊई सकोई और ना ई से केसी री परीक्षा आपू करोआ। 14 पर हर मांण् आपणी ई इच्छा रे खिंजी की और फसी की परीक्षा रे पड़ोआ। 15 तेबे इच्छा गर्भवती ऊई की पापो खे जमाओई और जेबे पाप बड़ी जाओआ तो मौता खे पैदा करोआ। 16 ओ प्यारे साथी विश्वासियो! तोखा नि खाओ। 17 कऊँकि हर एक अच्छा बरदान और हर एक खरा दान स्वर्गो तेईए और जोतिया रे पिते री तरफा ते मिलोआ। परमेश्वर सदा एक जेडा रओआ और ना ई टवांवे जेडा बदलोआ। 18 तिने आपणी ई इच्छा ते आसा खे सच्चो रे वचनो रे जरिए नया जीवन दितेया ताकि आसे तेसरे बणाए रे प्राणिया बीचा ते पईले फलो जेडे ओऊँ। 19 ओ प्यारे साथी विश्वासियो! ये गल्ल तुसे जाणी लो; हर एक मांण् सुणने खे आगे, बोलणे रे धीरज वाला और रोषो रे सब्रखोर ओ। 20 कऊँकि जेबे कोई मांण् गुस्सा करोआ तो से तर्मो री जिन्दगी नि बिताई सकदा जेडा परमेश्वर चाओआ। 21 इजी री खातर मनो रा सारा मईल और सारी दुश्मणदारिया खे दूर करी की

परमेश्वरो रे वचनो खे नरमाईया रे अपणाओ, जो दिलो रे राखी राखेया और जो तुसा रे प्राणो खे बचाई सकोआ। 22 परमेश्वरो रे वचनो पाँदे चलणे वाले बणो, बस सुणने वाले ई नि, जो आपणे आपू खे तोखा देओए। 23 कऊँकि जो कोई वचनो खे सुणने वाला ओ और तिजी पाँदे चलणे वाला नि ओ, तो से तेस मांण् जेडा ए जो आपणी असली शक्ल शीशे रे देखोआ। 24 कऊँकि से आपणे आपू खे देखी कि चली जाओआ और फटाफट पूली जाओआ कि आँख केड़ा था? 25 पर से आदमी जो त्यागे साथे परमेश्वरो रा सिद्ध उपदेश जो लोका खे पापो ते छुड़ाई देओआ, तिजी रा त्यानो साथे मनन करोआ और तिजी खे मानोआ और पुलदा नि जो तिने सुणी राखेया, एड़े लोका परमेश्वरो री तरफा ते आपणे कामा रे आशीष पाणी। 26 जे कोई आपणे आपू खे भग्न समजो और आपणी जीबा पाँदे लगाम नि लगाओ, पर आपणे दिलो खे तोखा देओ, तो तेसरी भग्निं बेकार ए। 27 महरे परमेश्वर पिते रे नेढ़े शुद्ध और साफ निष्कलंक भग्नि ये कि अनाथ और बिदुआ रे क्लेशो रे तिना री खबर-सम्बाल लओ और आपू खे दुनिया रे बुरे कामा ते बचाई की राखो।

2 ओ प्यारे साथी विश्वासियो! तुसे म्हारे महिमाय प्रभु यीशु मसीह रे

चेले ए इजी खे तुसा बीचे पक्षपात नि ओ। 2 मानी लो जे एक मांण् सुईने रे छल्ले और सुन्दर टाले पईनी की तुसा री सभा रे आओ और कंगाल बी मईले-चिथड़े टाले पईनी की आओ 3 और तुसे तेस सुन्दर टाले पईने रे खे बऊत इज्जती साथे बोलो, “तुसे तेती अच्छी जगा रे बैठो,” और तेस कंगालो खे बोलो, “तूँ एती खड़ा रओ या मेरे पैरो गे थाले बैठ,” 4 तो क्या तुसे आपू-बीचे भेद-भाव नि कित्तेया और बुरे बिचारो ते न्याय करने वाले नि ठद्दी? 5 ओ प्यारे साथी विश्वासियो सुणो! क्या परमेश्वरे एसा दुनिया रे कंगाल नि चूणे कि विश्वासो रे तर्मी और तेस राज्य रे अक्कदार ओ, जेतेरा वादा परमेश्वरे तिना ते कित्तेया, जो तेसते प्यार करोए? 6 पर तुसे तेस कंगालो रा मजाक उड़ाया। क्या अमीर लोक तुसा पाँदे अत्याचार नि करदे, क्या सेयो ई तुसा खे कचैरिया रे कसिटी-कसिटी कि नि लीयी जादि? 7 क्या सेयो यीशु मसीह रे खेरे नाओं री निन्दा नि करदे, जेसरे तुसा खे बोलोए। 8 तेबे बी तुसे एस पवित्र शास्त्रो रे वचनो रे मुताबिक, “तूँ आपणे पड़ोसिये साथे आपू जेडा प्यार राख,” सच्ची तेस राज्य रे बिधानो खे पूरी करोए, तो अच्छा ई करोए। 9 पर जे तुसे पक्षपात करोए, तो पाप करोए और बिधान तुसा खे अपराधी ठराओए। 10 कऊँकि जो कोई सारे बिधानो खे मानोआ, पर एक ई गल्ला रे चूकी जाओआ, तो से सबी गल्ला रे दोषी ठद्दीरिया। 11 कऊँकि जिने ये बोलेया, “तूँ व्याभिचार नि करना” तिने ई ये बोलेया, “तैं अत्या नि करनी!” इजी री खातर जे तैं व्याभिचार नि कित्तेया, पर अत्या कित्ती, तेबे बी तूँ बिधानो रा उलंधन करने वाला ठद्दीरिया। 12 तुसे तिना लोका जेडे वचन बोलो और काम बी करो, जिना रा न्याय आजादिया रा बिधानो रे मुताबिक ऊणा। 13 कऊँकि जिने दया नि कित्ती, तेसरा न्याय बिना दया ते ऊणा, दया न्याय पाँदे जयवंत ओई। 14 ओ प्यारे साथी विश्वासियो! जे कोई बोलो कि माखे प्रभु यीशु मसीह

पाँदे विश्वास ए, पर दूजे खे कोई अच्छा काम नि करदा, तो तिजी ते क्या फाईदा? क्या एड़ा विश्वास कदी तेसखे बचाई सकोआ? 15 जे कोई विश्वासी पाई या बईण नांगे-क्वाड़े ओ और तिना खे हर-रोज रोटिया री कमी ओ 16 और तुसा बीचा ते कोई तिना खे बोलो, “बैफिकर ऊई की जाओ, तुसे गरम रओ और रज्जे रे रओ,” पर जो चीजा शरीरो खे जरूरी ए से तिना खे नि देओ, तो क्या फाईदा? 17 तिंयाँ ई विश्वास बी, जे अच्छे कामो साथे नि ओ, तो से आपणे सबाओ रे मरे राए। 18 बल्कि कोई बोली सकोआ, “ताखे विश्वास ए और आँऊ अच्छे काम कहँआ।” पर आँऊ बोलूआ, “तूँ आपणा विश्वास माखे अच्छे कामो ते बिना साबित कर और मां आपणा विश्वास आपणे अच्छे कामो साथे साबित करना।” 19 ताखे विश्वास ए कि एक ई परमेश्वर ए और तूँ अच्छा करेआ। पर दुष्टात्मा बी विश्वास करोईया और थरथराओईया। 20 ओ नकम्मे माणू व्या तूँ ये पनि जाणदा कि अच्छे कामो ते बिना विश्वास बेकार ए? 21 जेबे म्हारे पिते अब्राहमे आपणा पुत्र इसहाक बेदिया पाँदे चढ़ाया, तो क्या से कामो ते तर्मी नि ठड़ीरिया? 22 तो तैं देखी ला कि विश्वासे तेसे अच्छे कामो साथे मिली कि असर पाया और तेसरा विश्वास अच्छे कामो रे जरिए सिद्ध ऊआ। 23 और पवित्र शास्त्रो रा ये वचन पूरा ऊआ, “अब्राहमे परमेश्वरो पाँदे विश्वास कितेया और तेसरे विश्वासो रे जरिए परमेश्वरे से एक तर्मी माणूए रे रूपो रे मानेया” और से परमेश्वरो रा दोस्त ऊआ। 24 तो तुसे देखी ला कि माणू बस विश्वासो तेई नि, बल्कि अच्छे कामो ते बी तर्मी ठड़ीरोआ। 25 तिंयाँ ई रहाहब वेश्या बी, जेबे तेसे सदेश देणे वाले दूता खे आपणे कअरे शरण दित्ती और दूजी बाटा रिये तिना के दुश्मणा ते बची की निकलने रे मताद किती, तो क्या कामे की तर्मी नि ठड़ीरी? 26 इजी री खातर जिंयाँ शरीर आत्मा ते बिना मरे राए, तिंयाँ ई विश्वास बी अच्छे कामो ते बिना मरे राए।

3 ओ प्यारे साथी विश्वासियो! तुसा बीचा ते बऊत मण्डलिया रे उपदेशक नि बणो, कऊकि तुसे जाणोए कि आसे उपदेशक ओर बी दोषी ठईरने। 2 आसे सब कई बार चूकी जाऊए, पर जो कोई बोलणे रे नि चूकदा, सैई तो सिद्ध माणू ए और से आपणे सारे शरीरो खे वशो रे करी सकोआ। 3 जेबे आसे कोडेया खे आपणे वशो रे करने खे तिना रे मुंजो रे लगाम लगाऊए, तो आसे तिना रे सारे शरीरो खे बी फेरी सकूए। 4 देखो जाह्ज बी हालाँकि इतणे बड़े ओए, और तेज अवा रे चलाए जाओए, तेबे बी एक छोटी जी पतवारा रे जरिए मांझियो री इच्छा रे मुताबिक कुमाए जाओए। 5 तिंयाँ ई जीब बी शरीरो रा एक छोटा जा अंग ए और बड़ी-बड़ी त्वालिया मारोई। देखो थोड़ी जी आगी साथे कितणे बड़े बणो रे आग लगी जाओई। 6 जीब बी एक आगी जेड़ी ए, जीब म्हारे शरीरो रे अंगा रे पापो रा एक लोक ए और सारे शरीरो रे कलंक लगाओई और पूरी जिन्दगिया री गतिया रे आग लगाई देओई और जीब बी नरको री आगी जेड़ी फूकदी राओई। (Geenna g1067) 7 हर प्रकारा रे बणो रे डांगर, पंछी, रेंगण वाले जन्तु और पाणिए रे रणे वाले तो माणूआ रे वशो रे ऊई सकोए और ऊई बी गये रे। 8 पर जीबा खे

माणूआ बीचा ते कोई बी वशो रे नि करी सकदा, से एक एड़ी बयाद ए, जो कदी बी रुकदी नि, से जान लणे वाले सापो जेडे विषे की फरी रिये। 9 इजी जीबा साथे आसे प्रभु और पिते री स्तुति कहँए और इजी साथे माणूआ खे जो परमेश्वरो रे रूपो रे बणाई राखे, साप देऊए। 10 एक ई मुंजो ते धन्यवाद और साप दोनो निकलोए। ओ प्यारे साथी विश्वासियो! एड़ा नि ऊणा चाईयो। 11 क्या सूबला रे एकी ई मुंजो ते मीठा और खारा दोनो पाणी निकलोए? 12 ओ प्यारे साथी विश्वासियो! क्या दाऊगले रे डालो रे जैनून या अँगूरा री बेला रे दाऊगले लागी सकोए? तिंयाँ ई खारी सूबला ते मीठा पाणी नि निकली सकदा। 13 तुसा बीचा ते जानी और समजदार कूणे? जो माणू एड़ा ए, से आपणे कामो खे खेरे चाल-चलणो ते तेसा नरमाईया साथे सामगे ल्याओ, जो जानो ते पैदा ओई। 14 पर तुसे आपणे-आपणे मनो रे कऊड़ी जलन और स्वार्थ राखोए, तो सच्चो रे बिरोदी रे कमण्ड नि करना और ना ई चूंठ बोलणा। 15 ये जान से निए, जो स्वर्गो ते उतरोआ, बल्कि संसारिक, शारीरिक और शैतानी ए। 16 इजी री खातर जेती जलन और स्वार्थ ओआ, तेती बखेड़ा और हर प्रकारा रे बुरे काम ओए। 17 पर जो जान स्वर्गो ते आओआ, से पईले तो पवित्र ओआ, तेबे मिलणसार, नरम, खरे बिचार, दया और खरे फले की परे रा और पक्षपात और कपटो ते बिना ओआ 18 और जो लोक मेल-जोल कराणे वाले ए तिना शान्तिया रा बीज बोणा और धार्मिकता री फसल बाडणी।

4 तुसा बीचे लड़ाईया और चगड़े केथा ते आईंगे? पक्का तिना बुरिया इच्छा ते जो तुसा रे अंगा रे लड़दे-चगड़दे रओए। 2 जेबे तुसे इच्छा राखोए पर तुसा खे मिलदा नि तो तुसे अत्या करने खे त्यार ऊई जाओए। तुसे दूजे री चीजा हडपणे री इच्छा राखोए और जेबे तुसा खे कुछ नि मिलदा, तेबे तुसे जली की लड़दे-चगड़दे रओए। तुसा खे इजी खे नि मिलदा, कऊकि तुसे परमेश्वरो ते मांगदे नि। 3 तुसे माँगोए और फेर बी तुसा खे मिलदा नि, कऊकि बुरी इच्छा ते माँगोए, ताकि आपणे भोग-बिलासो रे उड़ाई देओ। 4 ओ अविश्वासी लोको! क्या तुसे नि जाणदे कि दुनिया री चीजा साथे दोस्ती राखणी, परमेश्वरो साथे बैर राखणा रे बराबर ए? तो जो कोई दुनिया रा दोस्त बणना चाओआ, से आपणे आपू खे परमेश्वरो रा बैरी बणाओआ। 5 क्या तुसे ये समजोए कि पवित्र शास्त्र बेकारो रेई बोलोआ कि जिने परमेश्वरे आत्मा आसा रे पीतरे बसाई राखी, से बड़ी इच्छा राखोआ कि आसे सिर्फ तेसरी ई आराधना करिए। 6 से तो ओर बी कृपा देओआ, तेबेई तो पवित्र शास्त्रो रे ये लिखी राखेया, “परमेश्वर कमण्डिया रा बरोद करोआ, पर जो दीन ए तिना पाँदे कृपा करोआ।” 7 इजी री खातर परमेश्वरो रे अधीन ऊई जाओ और शैतानो रा मुकाबला करो, तो से तुसा गे ते नठी जाणा। 8 परमेश्वरो नेडे आओ, तो से बी तुसा रे नेडे आ़कणा। ओ पापियो! आपणी जिन्दगिया ते पापे खे दूर करो और ओ दोगले लोको! आपणे दिलो खे पवित्र करो। 9 आपणे पापो री बजअ ते दुःखी ओ, शोग करो, रोओ। तुसा री आस्सी शोगो रे और तुसा री खुशी उदासिया रे बदली जाओ। 10 प्रभुए सामणे दीन

बणो, तो तेस तुसे आदरो जोगे बनाणे। 11 ओ प्यारे साथी विश्वासियो! एकी-दूजे री निन्दा नि करो, जो आपणे पाईया री निन्दा करोआ या पाईया पाँदे दोष लगाओआ, से विधानो री निन्दा करोआ और विधानो पाँदे दोष लगाओआ, तो तूँ बिधानो पाँदे चलणे वाला निए, पर तेस पाँदे हाकिम ठडीया। 12 विधान देणे वाला और हाकिम एक ईंह, जेसखे बचाणे और नाश करने री सामर्थ ए। तूँ कूणे जो आपणे पढोसिया पाँदे दोष लगाएया? 13 तुसे जो ये बोलोए, “आज या काल आसे केसी ओरी नागरे रे जाई की तेती एक साल बिठाऊँगे और व्यापार करी की फाईदा ऊठाऊँगे।” 14 पर ये नि जाणदे कि काल क्या ऊणा। सुणी तो लओ कि तुसा री जिन्दगी आयी ई क्या? तुसे तो मानो प्वाफो जेडे ए, जो थोडी देरा खे दिशोआ और तेबे राची जाओआ। 15 इजी रे बदले तुसा खे ये बोलणा चाईयो, “जे प्रभु चाओगा, तो आसे जिउँदे रँगे और ये कि से काम बी करूँगे।” 16 पर एबे तुसे आपणी त्वालिया पाँदे कमण्ड करोए; एडा सारा कमण्ड बुरा ओआ। 17 इजी री खातर जो कोई पलाई करना जाणोआ और करदा नि, तेसखे ये पाप ए।

5 ओ अविश्वासी अमीर लोको! सुणी तो लओ! तुसे आपणे आऊणे वाले क्लेशो पाँदे चींगी-चींगी की रोओ। 2 तुसा रा धन नाश ऊईगा और तुसा रे टालेया खे कीडे खाई गे। 3 तुसा रे सुईने चौंदियो खे खई लगी गी और परमेश्वरो जेस दिने तुसा रा न्याय करना तेस दिने तेसा खईया तुसा रे खलाफ गवाई देणी और आगी जेडा तुसा रा मांस खाई देणा। तुसे आखरी जुगो रे धनो पाँदे धन कट्टा करी राखेया। 4 देखो जिने मजदूरे तुसा रे डोरु बाडे, तिना री मजदूरी, जो तुसे तोखा देई की राखी ली री, से परमेश्वरो रे नेडे तुसा रे खलाफ चींगणे लगी री और तिना मजदूरी री दुहाई जिने तुसा री फसल कट्टी कित्ती, सेनाओं रे प्रभुए रे कानो तक पँड्छी गी री। 5 तुसे तरतिया पाँदे भोग-विलासी रे लगे रे रये और बडा पारी सुख पाया। तुसे आपणे पापो रा कअडा परी ता रा और आपू खे परमेश्वरो री सजा खे त्यार करी राखेया। 6 तुसे बेकसुर लोक दोषी ठराई कि काई ते, से तुसा रे विसेद नि करदे। 7 तो ओ प्यारे साथी विश्वासियो! प्रभुए रे आऊणे तक सब्र राखो। देखो, जिम्मीदार तरतिया री किमती फसला री उमीद राखदा ऊआ, पईली और आखरी बरखा ऊणे तक सब्र राखोआ। 8 ईंवा ई तुसे बी सब्र राखो और आपणे दिलो खे मजबूत करो, कऊँकि प्रभुए रा आऊणा नेडे ए। 9 ओ प्यारे साथी विश्वासियो! एकी-दूजे पाँदे दोष नि लगाओ, ताकि तुसे दोषी नि ठरो, देखो, न्याय करने वाला द्वारो पाँदे खडी रा। 10 ओ प्यारे साथी विश्वासियो! जिने भविष्यबक्ते प्रभुए रे नाओं ते गल्ला कित्तिया, तिना खे दुः ख उठाणे और सब्र राखणे रा आपू खे आदर्श समजो। 11 देखो, आसे सब्र राखणे वालेया खे धन्य बोलूँए, तुसे तो अस्युबो रे सब्रो रे बारे रे तो सुणी राखेया और प्रभुए री तरफा ते जो तेसरा फल ऊआ, से बी जाणी ला रा, जेते साथे प्रभुए री बजत बडी करूणा और कृपा प्रगट ओई। 12 पर ओ प्यारे साथी विश्वासियो! सबी ते बडी ये गल्ल ए कि कसम नि खाणी, ना स्वर्गो री, ना तरतिया री, ना किजी ओरी चीजा री, पर तुसा

री गल्ल आ री आ और ना री ऊणी चाईयो, ताकि तुसे परमेश्वरो रे दण्डो जोगे नि ठडीरो। 13 जे तुसा बीचा ते कोई दुः खी ओ तो से प्रार्थना करो। जे खुशिया रे ओ तो, से स्तुतिया रे भजन गाया करो। 14 जे तुसा बीचे कोई रोगी ए, तो मण्डलिया रे बुजुर्गा खे बुलाओ और सेयो प्रभुए रे नाओं ते तेस पाँदे तेल मली कि तेसखे प्रार्थना करो। 15 और प्रभुए रे विश्वासो री प्रार्थना रे जरिए रोगी बची जाणा और प्रभुए से ठवाली की ठीक करना और जे तिने पाप बी करी राखे ऊगे, तो सेयो बी माफ ऊई जाणे। 16 इजी री खातर तुसे आपू-बीचे एकी-दूजे रे सामणे आपणे-आपणे पापो खे मानी लो और एकी-दूजे खे प्रार्थना करो, जेते की ठीक ऊई जाओ, तर्मी जणे री प्रार्थना रे असरो ते बजत कुछ ऊई सकोआ। 17 भविष्यबक्ता एलियाह बी तो आसा जेडा दुः ख-सुख सईन करने वाला मांणु था और तिने पूरे तनो-मनो ते प्रार्थना किती कि बादल नि बरसो और साडे तीन साल तक जमीना पाँदे बादल नि बरसे। 18 तेबे तिने प्रार्थना किती तो सर्गो ते बर्खा ऊई और जमीना रे फसल लगी। 19 ओ प्यारे साथी विश्वासियो! याद राखो, जे तुसा बीचा ते कोई सच्चो री बाटा ते पटकी जाओ और कोई तेसखे मन फिराणे रे मताद करी की फेरी की ली आओ, 20 तो से ये जाणी लो कि जो कोई केसी पटके रे पापिए खे सच्चाईया री तरफा खे फेरी की ली आओगा, तेस एक प्राण मौता ते बचाणा और कई पापो पाँदे पड़दा पाणा।

1 पतरस

1 आँऊ पतरस एसा चिट्ठिया खे लिखणे लगी रा, जो यीशु मसीहा रा

प्रेरित ए। आँऊ ये चिट्ठी परमेश्वरो रे तिना चुपे रे लोका खे लिखूँआ, जो पुन्तुसु, गलातिया, कप्पडुकिया, आसिया और बित्तनिया रे प्रदेशो रे ओरे-पोरे ऊई की परदेशिया रे रूपो रओए। 2 पिता परमेश्वरे बऊत पईले ई तुसे आपणे लोक करी कि चुपी ले और पवित्र आत्मा रे कामो रे जरिए तुसे पवित्र कित्ते। परमेश्वरे ये इजी खे कित्तेया ताकि तुसे यीशु मसीही री आज्ञा खे मानो और तेसरे खुनो रे जरिए शुद्ध ऊई जाओ। आँऊ प्रार्थना करूँआ कि परमेश्वर तुसा खे बऊत-बऊत कृपा और शान्ति देओ। 3 म्हारे प्रभु यीशु मसीहे रे पिता परमेश्वरो रा धन्यवाद ओ। तिने प्रभु यीशु मसीहे खे मरे रेया बीचा ते जिंडे ऊणे रे जरिए, आपणी बडी दया ते आसा खे जिंडी उम्मीदा खे नया जन्म दित्तेया। 4 आसे तेसा जायदाता खे पाणे रा इन्तजार करने लगी रे जो परमेश्वरे आसा खे त्यार करी राखेया। से कदी नि खत्म ऊणे वाली, कदी नि खराब ऊणे वाली और अजर जायदाता ए, जो परमेश्वरे तुसा खे स्वर्गे रे राखी री ए, 5 परमेश्वर आपणी सामर्था ते तुसा री रक्षा करोआ कँकि तुसे यीशुए पांदे विश्वास करोए। तेस तुसा री मसीहे रे वापस आऊणे तक रक्षा काढे रण। तेबे तुसा जाणी लणा कि परमेश्वरे तुसा खे पापो ते और मौता ते उद्धार दई राखेया। 6 इजी बजअ ते तुसे मन ओए, हालांकि जरूरी ए कि एबे कुछ दिनो तक कई प्रकारा रिया परीक्षा री बजअ ते उदास रओ। 7 ये इजी खे ओआ कि तुसा रा विश्वास परीक्षा रे खरा निकलो। नाशवान सूर्दीने खे बी परखणे और शुद्ध करने खे आगी रे तपाया जाओआ पर तुसा रा विश्वास नाशवान सूर्दीने ते केथी जादा किमती ए। ईंयां तुसा रा परखेया रा विश्वास यीशु मसीहे रे वापस आऊणे पांदे तरीफ, महिमा और आदरो री बजअ वणो। 8 तेस साथे तुसे बिना देखे ई प्यार राखोए और एबे तो तेस पांदे बिना देखे विश्वास करी की एडे खुश और मन ऊई जाओए, जेतेरे बारे रे कुछ बोली नि सकदे और जो महिमा साथे फेरे राए। 9 और एस विश्वासो रा इनाम तुसा री आत्मा रा उद्धार ए। 10 इजी उद्धारो रे बारे रे सेयो भविष्यबक्ता और बी जादा जाणना चाओ थे। तिने लोके भविष्यबाणी कित्ती कि परमेश्वरे तुसा लोका रा उद्धार करने खे केडी कृपा करनी जेते जोगे तुसे नि थे। तिने लोके त्यानो साथे इजी रा उतर टोलने खे जांच-पड़ताल कित्ती। 11 मसीह रा आत्मा तिना भविष्यबक्त्या रे था और तिना लोका ते बोलणे लगी रा था कि मसीहे किंयां दुःख सईन करना और तिजी ते बाद किंयां महिमा दिती जाणी। ईंयां तिने लोक ठीक-ठीक ये पता लगाणे खे कि मसीह कुण ऊणा और ये गल्ल कदी ऊणी जांच पड़ताल कित्ती। 12 पर परमेश्वरे तिना भविष्यबक्ता खे बोलेया कि तिना रा ये संदेश आपू खे निए पर आऊणे वाले दिना रे तुसा सबी खे ए। से संदेश यीशुए रे बारे सुसमाचार ए जेतेखे तुसे एबे सुणी चुकी रे। परमेश्वरे आपणा पवित्र आत्मा लोका री मताद करने खे स्वर्गे ते पेजेया कि सेयो तुसा खे सुसमाचार सुणाओ।

ये सब कुछ इतना नौखा ए कि स्वर्गदूत बी इना गल्ला खे त्यानो साथे देखणे लगी रे। 13 इजी बजअ ते आपणे-आपणे मनो खे एडा त्यार करो, जेडा लोक काम करने खे आपणा लक बानोए और ओशा रे रई की तेसा कृपा री पूरी उम्मीद राखो, जो प्रभु यीशु मसीहे रे आऊणे रे बखते तुसा खे मिलणे वाली ए। 14 परमेश्वरो री आज्ञा मानो जिंयां अच्छे बच्चे आपणे बाओ री आज्ञा मानोए। बुरे काम मत करो जिंयां तुसे पईले करेया करो थे जेबे परमेश्वरो खे नि जाणो थे। 15 पर जेडा तुसा रा बुलाणे वाला पवित्र ए, तिंयां ई तुसे बी आपणे सारे चाल-चलणो रे पवित्र बणो। 16 कँकिंकि पवित्र शास्त्रो रे लिखी राखेया, “पवित्र बणो, कँकिंकि आँऊ पवित्र ए!” 17 और जबकि तुसे ओ पिता बोली की तेसते प्रार्थना करोए, जो बिना पक्षपातो ते हर एकी रे कामो रे मुताबिक न्याय करोआ, तो जेबे तुसे तरतिया पांदे परदेशिया रे रूपो रे रण लगी रे तो परमेश्वरो खे जरूर आदर दई कि जिन्दगी बिताओ। 18 कँकिंकि तुसे जाणोए कि तुसा रा नकम्मा चाल-चलण, जो बाप-दादेया ते चलदा आओआ, तिजी ते तुसा रा छुटकारा सुईने-चाँदी, मतलब-नाश ऊणे वालिया चीजा रे जरिए नि ऊआ। 19 पर निर्दोष और निष्कलंक मिन्नू, मतलब-मसीहे रे किमती खुनो रे जरिए ऊआ। 20 एसा दुनिया खे बनाने ते बऊत पईले ई परमेश्वरे यीशु मसीहे खे उद्घारकर्ता रे रूपो रे ठराया। पर से आखरी जुगो रे तुसा री पलाईया खे प्रगट ऊआ। 21 कँकिंकि यीशु मसीहे जो कित्तेया तेसरे जरिए एबे तुसे परमेश्वरो पांदे विश्वास करोए, जिने से मरे रेया बीचा ते जिंडा कित्तेया और महिमा दिती, ताकि तुसा रा विश्वास और उम्मीद परमेश्वरो पांदे ओ। 22 कँकिंकि तुसे सच्चाईया खे मानणे रे जरिए पापो ते पवित्र करी राख्ये तेबई एबे तुसे साफ दिल और तन-मन लगाई की एकी-दूजे साथे प्यार करो। 23 तुसे नयी जिन्दगी परमेश्वरो री तरफा ते पायी राख्यी। तुसा लोका री ये जिन्दगी नाशवान बीजो ते नि पर अविनाशी बीजो ते मतलब परमेश्वरो रे जिंडे और सदा ठईने वाले वचनो ते ए। (aiōn g165) 24 कँकिंकि पवित्र शास्त्र बोलोआ, “हर एक प्राणी काओ जेडा ए और हर एकी री शोभा काओ रे फूलो जेडी ए, काआ सूकी जाओआ और फूल चढ़ी जाओआ, 25 पर प्रभुए रा वचन जुगो-जुगो तक टीके रा रणा” और ये वचन यीशु मसीह रा सुसमाचार ए, जो तुसा खे सुणाया था। (aiōn g165)

2 इजी री खातर तुसे लोक सब प्रकारा रा बुरा बर्ताव छाडी देओ। ओरी खे तोखा नि देओ, कपटी नि बणो। ओरी लोका ते जलन नि करो और ओरी री बुराई नि करो। 2 बल्कि नये जम्मे रे बच्चे जेडे साफ आत्मिक दूदो री उम्मीद करो, ताकि तेसरे जरिए उद्धार पाणे खे बड़दे जाओ। 3 जिंयां कि पवित्र शास्त्र बोलोआ, “तुसे स्वाद चाखी की जाणी ला रा कि प्रभु अच्छा ए!” 4 एबे तुसे यीशु मसीहे गे आयी रे से परमेश्वरो रे मन्दरो रा जिंडा पाठ्यर ए, जो माणूए नकम्मा ठराई की निकाली ता, पर से परमेश्वरो रा चूणे राए और से तेसखे बऊत किमती ए। 5 तुसे आपू बी जिंडे पाठ्यरो जेडे आत्मिक कअर बणदे जाओए, जेते साथे पुरोईता रा पवित्र समाज बणी की एडे आत्मिक बलिदान

चढ़ाओ, जो प्रभु यीशु मसीहे रे जरिए परमेशरो खे पसंद ओ। 6 इजी बजअ ते पवित्र शास्त्रो रे बी लिखी राखेया, “देखो, आऊँ सिय्योनो दे कूणे रे सिरे रा चूणे रा और किमती पात्थर लगाऊँआ और जेस केसी तेस पाँदि विश्वास करना, से कियां बी शर्मिंदा नि ऊणा।” 7 तो तुसा खे जो विश्वास करोए, से पात्थर तो किमती ए, पर जो विश्वास नि करदे तिना खे “जो पात्थर राजमिस्त्रिए नकमा ठराया था, सईं कूणे रा सिरा ऊईगा।” 8 और फेर पवित्र शास्त्र ये बी बोलोआ, “ठेस लगणे रा पात्थर, लोका खे ठोकर खाणे री बट्टान ऊईगी।” कऊँकि सेयो तो वचन ना मानी की ठोकर खाओए और इजी खई सेयो ठराए बी थे। 9 पर तुसे एक चूणे रा वंश और राजपदधारी, पुरोईता रा समाज, पवित्र लोक और परमेशरो री निज प्रजा ए, इजी री खातर जिने तुसे न्हेंते आपणी नक्खी जोतिया रे बुलाए, तेसरे गुण सामणे ल्याओ। 10 पईले तो तुसे परमेशरो री प्रजा नि थे, पर एबे तेसरी प्रजा ए। पईले तो तुसा पाँदि दया नि ऊई थी, पर एबे तुसा पाँदि दया ऊई री। 11 ओ प्यारेओ, आऊँ तुसा ते बिनती कऊँका कि तुसे आपणे आपू खे परदेशी और यारी जाणी की तेसा दुनिया री बुरी इच्छा ते जो आत्मा साथे युद्ध करोई, बचे रे रओ। 12 दुजिया जातिया बीचे तुसा रा चाल-चलण खरा ओ, कऊँकि जिना-जिना गल्ला रे सेयो तुसा खे कुकर्मी जाणी की बदनाम करोए, सेयो तुसा रे पले कामा खे देखी की तिना पले कामा री बजअ ते तिना रे आऊणे रे दिने परमेशरो री महिमा करो। 13 प्रभु यीशुए री ये इच्छा ए कि मांगूआ रे जरिए ठराए रे हर शासको रे अधीन रओ; राजे रे इजी खे कऊँकि से सबी रा प्रदान ए। 14 और राज्यपालो रे बी अधीन रओ, कऊँकि से बुरे काम करने वालेया खे सजा देणे और खरे काम करने वालेया री तारीफ करने खे तेसरी तरफा ते पेजी राखे। 15 कऊँकि परमेशर तुसा ते ए चाओआ कि तुसे खरे काम करने रे जरिए तिना मूर्ख लोका रे मुंओ खे बन्द करी देओ जो अज्ञानता री गल्ला बोलोए। 16 तुसे लोक एबे पापो रे गुलाम निए कऊँकि प्रभु यीशुए तुसे पईले ई पापो ते आजाद करी ते रे। पर एसा आजादिया खे आपणे आपू खे बुराईया री आड़ नि बणाओ। पर अच्छे काम करी की ये दखाओ कि तुसे सच्ची ई परमेशरे रे दास ए। 17 सबी रा आदर करो, विश्वासी पाईया साथे प्यार राखो, परमेशरो ते डरो, राजे रा सम्मान करो। 18 ओ गुलाम विश्वासियो, हर प्रकारो ते पूरे आदरो साथे आपणे मालका रे अधीन रओ और ना बस अच्छे और पले मालका रे अधीन रओ, पर बुरे मालका रे बी अधीन रओ। 19 कऊँकि जे कोई परमेशरो रे बारे रे ये सोची की कि परमेशरो री येई इच्छा ए अन्याय ते दुः ख उठांदा ऊआ क्लेश सईन करोआ, तो ये तिना खे अच्छा लगोआ। 20 कऊँकि जे तुसे अपराध करी की कि मुक्के खाए और सब्र राखेया, तो तिदे बड्याईया री क्या गल्ल ए? पर जे खरे काम करी की दुः ख उठाओए और सब्र राखोए, तो ये परमेशरो खे अच्छा लगोआ। 21 तुसे इजी खई बुलाई बी राखे, कऊँकि मसीह बी तुसा री खातर दुः ख उठाई की तुसा खे एक आदर्श दई गा रा ताकि तुसे बी तेसरे चिह्नो पाँदि चलो। 22 ना तो तिने पाप कितेया और ना ई तेसरे मुंओ ते कोई छलो री

गल्ल निकली। 23 से गाली सुणी की गाली नि देओ था और दुः ख उठाई की केसी खे बी तमकी नि देओ था, पर आपू खे सच्चा न्याय करने वाले रे आथो रे सम्बालो था। 24 जेबे मसीह मरेया तिने कूसो पाँदे आसे रे पापो री खातर सजा सईन कित्ती। तिने एडा इजी खे कितेया ताकि आसे पाप करना छाडी देई और धार्मिकता खे जिझणा शुरू करिए। तेसरे ई जख्मा साथे तुसे ठीक ऊए। 25 पईले तुसे लोक पटकी रिया पेडा जेडे थे, पर एबे तुसे आपणे प्राणो रे रखवाले और चरवाहे वीशु मसीह गे वापस आईंगे रे।

3 ओ लाडियो! ईयां तुसे बी आपणेया लाडेया रे अधीन रओ। ताकि

जे इना बीचा ते किने बी सुसमाचारो पाँदि विश्वास नि करी राखेया ओ तो सेयो तुसा रे कुछ बोले बिना ई तुसा रे सबाओ रे जरिए विश्वासो रे आयी सकणे, 2 कऊँकि सेयो तुसा रे पवित्र चाल-चलण और अच्छे सबाओ खे देखदे रजोए। 3 तुसा रा श्रुगार दखाऊटी नि ओ, जियां लग-लग किस्मा ते बाल गूँदणा, सुझ्ने रे गईणे या कईया प्रकारा रे टाले पईनणा। 4 बल्कि तुसा री छिपी री गुप्त इनसानियत, नरमाई, मनो री दीनता री अविनाशी सजाऊटा ते सज्जी री रओ, कऊँकि परमेशरो री नजरा रे इजी री कीमत बड़ी ए। 5 पईलके जमाने रे पवित्र जवाणसा बी, जो परमेशरो पाँदे उम्मीद राखो थिया, आपू खे ईयां ई सजाओ थिया और आपणे-आपणे लाडेया रे अधीन रओ थिया। 6 जेडी सारा अब्राहमो री आज्ञा रे रओ थी और तेसखे स्वामी बोलो थी। तो जे तुसे बी खरा करो और केसी बी डरो ते नि डरो, तो तेसरी बेटिया ठर्फरनियां। 7 तियां ई ओ लाडेयो, तुसे बी आपणी-आपणी लाडिया साथे समजदारिया ते जिन्दगी जिओ। तुसे ये याद राखो कि सेयो तुसा ते कमजोर ऊई सकोईया, इजी खे तुसे तिना रा आदर करो। कऊँकि तुसे दोनो तेस बरदानो रे इस्सेदार ए जो परमेशरे कृपा ते देई राखेया, और से बरदान अनन्त जिन्दगी ए। एडा ई करो ताकि परमेशर तुसा री प्रार्थना खे सुणो। 8 आखीरी रे ये कि तुसे सब के सब एक मन, दयालु, पाईचरे रा प्यार राखणे वाले, करुणामय और नम्र बणो। 9 बुराईया रे बदले बुराई नि करो और ना गालिया रे बदले गाली देओ, पर इजी रे बदले आशीष ई देओ। परमेशरे तुसे इजी खे बुलाई राखे कि तुसे ओरी खे आशीष देओ। जे तुसे एडा करोगे तो परमेशरो तुसा खे बी आशीष देणी। 10 कऊँकि पवित्र शास्त्र बोलोआ, “जो कोई जिन्दगिया री इच्छा राखोआ और खरे दिन देखणा चाओआ, से आपणी जीबा खे बुराईया ते और आपणेया ओठा खे छल-कपटो रिया गल्ला करने ते रोकी की राखो। 11 से बुराईया रा साथ छाडो और पलाई ई करो, से मेल-जोलो खे टोलो और तिजी री कोशिशा रे रओ। 12 कऊँकि प्रभुए री आखी तर्मिया पाँदि लगी री रओईया और तेसरे कान तेसरी प्रार्थना री तरफा खे लगे रे रओए, पर प्रभु बुराई करने वालेया ते दूर रओआ।” 13 जे तुसे सदा पलाई करने रे आगे रओगे, तो तुसा री बुराई करने वाला कोई नि रणा? 14 जे तुसे सच्ची ई धार्मिकता रे कामो री बजअ ते दुः ख उठाओए, तो तुसे धन्य ए। जेडा कि यशायाह भविष्यवक्ता लिखोआ, “तिना लोका ते

नि डरो जो तुसा खे तमकाओए और तिना गल्ला ते नि डरना कि तिना लोका क्या करना।” 15 पर मसीह खे आपणे दिलो रे आदरो साथे प्रभुए रे रूपे रे बसाई लओ। जे कोई तुसा ते तुसा री उम्मीदा रे बारे रे कुछ पूछो जेतेरे आसे सब विश्वासी इस्सेदार ए, तो तेसखे जवाब देणे खे सदा त्यार रओ। 16 पर ये नरमाईया रे और डरो साथे करो और आपणा विवेक बी साफ राखो। ताकि जिना गल्ला रे बारे रे, तुसा री बेज्जती ऑई, तिना रे बारे रे सेयो जो मसीह दे तुसा रे खे चाल-चलणो री बेज्जती करोए, शर्मिंदा ओ। 17 कँकिंजि जे परमेश्वरो री येर्ह इच्छा ए कि तुसे पलाई करने री बजअ ते दुःख उठाओ, तो ये बुराई करने री बजअ ते दुःख उठाणे ते खरा ए। 18 आँऊ ये इजी खे बोलूँआ कँकिंजि मसीहे बी दुःख सईन कित्तेया और आसा रे पापो री खातर मरेया। से एक ई बार मरेया और इजी खे दुराणे री जरूरत निए। से एक तर्मी मांगू था जो पापिया री खातर मरेया ताकि आसा खे परमेश्वरो गे पडँछाओ। से शरीरो ते तो काई ता, पर आत्मा ते जिङ्दा कित्तेया। 19 तेबे तेसरी आत्मे जाई कि तिना कैदी आत्मा खे प्रचार कित्तेया जेतेखे परमेश्वरो तेते जगा रे कैद करी राखेया जेती मरे रे लोका री आत्मा ए। 20 ये सेई आत्मा ए जेसे तेस बीते रे बखतो रे परमेश्वरो री आज्ञा नि मानी। जेबे नहू आपणा जाह्ज बनाणे लगी रा था तेस बखते परमेश्वर सब्रो साथे ये देखणे खे इन्तजार करने लगी रा था कि यो लोक आपणा मन फिराओए कि नि। पर तेस जाह्जो रे सिर्फ आठ लोक ई खतरनाक जलप्रलय रे ढूबणे ते बची सके। 21 से पाणी बपतिस्मे रा चिह्न ए जो एबे तुसा खे बी बचाओआ। बपतिस्मे रा मतलब शरीरो रा मईल तोणा नि बल्कि साफ दिलो ते आपू खे परमेश्वरो गे सम्बालना ए। पर ये बपतिस्मा यीशु मसीह रे मरे रेया बीचा ते जिङ्दे ऊणे रे जरिए आसा रा उद्धार करोआ। 22 और यीशु मसीह स्वर्गे रे जाई की परमेश्वरो रे दाँणे कनारे बैठी गा और स्वर्गदूत, अधिकारी और सामर्थी तेसरे अधीन करी ते।

4 इजी री खातर जेबे मसीहे आपणे शरीरो रे ऊई की दुःख उठाया, तो तुसे बी सेर्ह इच्छा राखी की दुःख सईन करने खे त्यार रओ। कँकिंजि जे तुसे मसीह खे दुःख सईन करने खे त्यार ओ, तो तुसे पाप करना छाडीता। 2 ताकि आउणे वाले बखतो रे आपणा बाकि शारीरिक जीवन, मांगूआ री बुरी इच्छा रे मुताबिक नि, बल्कि परमेश्वरो री इच्छा रे मुताबिक बिताओ। 3 तुसे पईले ई आपणा बऊत बखत दुजिया जातिया जेडा बुरी इच्छा रे मुताबिक काम करने रे बर्बाद करी ता। सेयो बुरे काम ये ए लुचपणो री बुरी इच्छा, मतवालापण, लीलाक्रीड़ा, शराबी और घृणित मूर्तिपूजा, सेर्ह बऊत ऊआ। 4 इजी री खातर सेयो हैरान ओए कि तुसे एडे पारी लुचपणो रे तिना रा साथ नि देंदे। तेबे ई एबे सेयो लोक तुसा खे बुरा-पला बोलोए। 5 पर तिना लोका खे जिङ्दे और मरे रेया रा न्याय करने वाले परमेश्वरो खे आपणे चाल-चलणो रा लेखा देणा पड़ना। 6 येई बजअ ए कि मरे रेया खे बी मसीह रा सुसमाचार सुणाया। ताकि शरीरो रे तो मांगूआ रे मुताबिक तिना रा न्याय ओ, पर आत्मा रे सेयो परमेश्वरो रे मुताबिक जिङ्दे रओ। 7 सबी गल्ला रा अंत चट ऊणे

वाला ए। इजी री खातर ओशा रे रओ और सब्र राखो और प्रार्थना करदे रओ। 8 सबी ते बड़ी गल्ला तो ये ए कि एकी-दूजे ते जादा प्यार राखो, कँकिंजि प्यार कई पापो खे टखी देओआ। 9 बिना कुङ्कुङ्काए एकी-दूजे री आओ-बैठ करो। 10 हर एकी खे परमेश्वरो रे बरदान मिली रा, से तेस बरदानो रा इस्तेमाल ओरी री मताद करने खे करो। सेयो इना बरदाना रा इस्तेमाल परमेश्वरो रे एक अच्छे दासो रे रूपे रे करो। 11 जे केसी खे प्रचार करने रा बरदान ए तो सेयो परमेश्वरो रा वचन प्रचार करो। जे केसी खे ओरी लोका री मताद करने रा बरदान ए तो सेयो तिजी खे तेसा शक्तिया साथे करो, जो परमेश्वर तिना खे देओआ। तेबे जो कुछ बी तुसे लोक करोगे तिजी ते यीशु मसीह रे जरिए परमेश्वरो खे महिमा मिली जाणी। सारी महिमा और सामर्थ जुगो-जुगो तक तेसरी ई। आमीन्। (aiōn g165) 12 ओ प्यारेओ, जो खतरनाक दुःख तुसे सईन करने लगी रे इजी ते हैरान नि ओ कँकिंजि तुसे यीशु मसीह रे ओ। पर यो गल्ला ये दखाणे खे तुसा पांदे इजी खे ऊणे लगी रिया कि तुसे परमेश्वरो पांदे विश्वास करोए कि नि। इजी खे एडा नि सोचो कि तुसा साथे कुछ नौखा ई ऊणे लगी रा। 13 पर जिंयाँ-जिंयाँ मसीह रे दुःखो रे शामिल ओए, खुशी मनाओ। इजी बजअ ते जेबे जेस दिने यीशु मसीह सबी लोका पांदे आपणी महिमा प्रकट करने वापस आऊणा तो सच्चो खेई तुसे बऊत खुश और मग्न ऊई जाणे। 14 जे मसीह रे नाओं खे तुसा री निन्दा करोए, तो धन्य ए। कँकिंजि महिमा रा आत्मा, जो परमेश्वरो रा आत्मा ए, तुसा पांदे छांयां करोआ। 15 तुसा बीचा ते कोई मांगू अत्यारा, चोर, बुरा काम करने वाला या ओरी रे कामो रे आथ पाणे री बजअ ते दुःख नि पाओ। 16 पर जे मसीह ऊणे री बजअ ते दुःख उपाओ, तो शर्मिंदा नि ओ, पर इजी गल्ला खे परमेश्वरो री तारीफ करो। 17 कँकिंजि से बखत आईगा रा कि पईले परमेश्वरो रे लोका रा न्याय कित्तेया जाओ और जबकि न्याय री शुरूआत आसा तेई ऊणी, तो तिना रा क्या अंत ऊणा, जो परमेश्वरो रे सुसमाचारो खे नि मानदे? 18 जेडा कि पवित्र शास्त्र बोलोआ, “जे तर्मी मांगू ई मुश्किला ते उद्धार पाओगा, तो बिना भग्नि वाले और पापिया रा क्या ठकाणा?” 19 इजी री खातर जो परमेश्वरो री इच्छा रे मुताबिक दुःख उठाओए, सेयो पला करदे ऊए आपणे-आपणे प्राणो खे विश्वासी जोगे आपणे बनाणे वाले परमेश्वरो रे आथो रे सम्बाली देओ।

5 ओ साथी बुजुर्गों, कुछ ओर गल्ल बी ए जो आँऊ तुसा खे बोलणा चाँऊआ कँकिंजि आँऊ बी तुसा जेडा एक बुजुर्ग ए। मसीहे जो दुःख सईन कित्तेया आँऊ आपू तिजी रा गवा ए। जेबे से वापस आऊणा तो आँऊ बी तेसरी महिमा रा इस्सेदार ऊणा। साथी बुजुर्ग ऊणे रे नाते आँऊ तुसा ते बिनती करूँआ: 2 जिंयाँ पेडा चराणे वाला आपणी पेडा री रखवाली करोआ तिंयाँ ई तुसे बी परमेश्वरो रे तेस चूँडो री रखवाली करो जो परमेश्वर तुसा गे सम्बाली राखेया। ये काम आपणी इच्छा ते करो ना की केसी रे दबाओ तो। कँकिंजि परमेश्वर बी येई चाओआ। ये काम नीच कर्माईया खे नि करो, पर ये काम परमेश्वर और लोका री सेवा

करने री इच्छा ते करो। ३ जो लोक तुसा गे सम्बाली राखे, तिना पाँदे अक्क नि जमाओ, बल्कि चूण्डो खे आदर्श बणो। ४ जेबे यीशु मसीह आसा रा प्रदान रखवाला वापस आऊणा तो तुसा खे महिमा रा मुकट देणा, जो मुरजाणा नि। ५ ईंयां ई ओ नौजवानो, तुसे बी बुजुर्ग लोका रे अधीन रओ। तुसे सब के सब एकी-दूजे री सेवा खे दीनता साथे आपणा लक बानो, कऊँकि “परमेश्वर कमण्डिया रा बरोद करोआ, पर जो दीन ए तिना पाँदे कृपा करोआ।” ६ इजी री खातर परमेश्वरो रे तागतबर आथो निठे आपू खे दीन बणाई की राखो ताकि से तुसा खे ठीक बखत आऊणे पाँदे बड़ाओ। ७ आपणी सारी चिन्ता तेस पाँदे ई सेटी देओ, कऊँकि से तुसा रा त्यान राखोआ। ८ ओशा रे रओ और जागदे रओ, कऊँकि तुसा रा बिरोदी शैतान, गर्जणे वाले शेरो जेडा, इजी ताका रे रओआ कि केसखे फाडी की खाऊँ। ९ विश्वासो रे मजबूत ऊई की तुसे जरूर तेसरा बरोद करो। याद राखो कि तुसा रे विश्वासी पाई जो एते दुनिया रे जेती-केथी बी रओए, ईंयां ई सेयो बी दुः ख पुगतणे लगी रे। १० एबे परमेश्वर जो सारी कृपा रा दाता ए, जिने तुसे मसीह रे आपणी अनन्त महिमा खे बुलाए, तुसा रे थोड़ी देर दुः ख उठाणे ते बाद आपू ई तुसे सिद्ध और स्थिर और तागतबर करने। (aiōnios g166) ११ तेसरा ई राज्य जुगो-जुगो तक रओ। आमीन्। (aiōn g165) १२ मैं छोटी जी ये चिट्ठी लिखी और सिलवानुसो री मतादा ते ये तुसा गे पेजी। आँऊ तेसखे जाणूआ से मसीह रे विश्वासो जोगा पाई ए। ये चिट्ठी लिखणे रा मेरा मकसद ये ए कि आँऊ तुसा खे औंसला और परोसा दलाऊँआ कि तुसे लोक जो महसूस करोए से परमेश्वरो री सच्ची कृपा ए। एसा कृपा रे मजबूतिया ते बणे रे रओ। १३ बेबीलोन नगरो रे विश्वासी लोक जो तुसा ई जेडे परमेश्वरो रे चूणे रे लोक ए, तिना री तरफा ते तुसा खे नमस्कार। मरकुस जो मेरे पाऊए जेडा ए तेसरा तरफा ते बी तुसा खे नमस्कार। १४ प्यारो साथे गले लगी की एकी-दूजे खे नमस्कार बोलो। आँऊ प्रार्थना करूँआ कि तुसा सबी खे जो मसीह रे ए, शान्ति मिलदी रओ।

2 पतरस

1 आँऊ शमैन पतरस एसा चिट्ठिया खे लिखणे लगी रा, जो यीशु मसीह रा दास और प्रेरित ए। ये चिट्ठी आँऊ तिना सबी लोका खे लिखणे लगी रा जिने म्हारे परमेश्वर और उद्घारकर्ता यीशु मसीह री धार्मिकता रे जरिए आसा जेडा बऊत किमती विश्वास पाई राखेया। 2 आँऊ प्रार्थना कँऊं कि जियां तुमे परमेश्वर और म्हारे प्रभु यीशु मसीह रे ज्ञाने रे बड्डे जाओए, परमेश्वर तुसा लोका खे और बी जादा कृपा और शान्ति देंदा रओ। 3 परमेश्वरे आपणी ई सामर्था रे जरिए आसा खे से सब कुछ दई राखेया जो ईश्वरीय जिन्दगी जिऊणे खे जरूरी ए। आसे परमेश्वरे खे जाण्यू और तिने ई आसे सब आपणे लोक करी की आपणी महिमा और अच्छे इरादे रे मुताबिक बुलाए। 4 परमेश्वरे आसा सबी खे तेसा ई सामर्था रे जरिए बऊत किमती और बडे वादे दई राखे। ताकि इना वादे रे जरिए तुमे तिना गन्दे कामो ते छूटी की नठी सको जो दुनिया रे बुरी इच्छा ते ओए और ईश्वरीय सबाओ रे शामिल ऊई जाओ। 5 कँऊं कि तुमे ईश्वरीय सबाओ रे शामिल ओ इजी खे सिर्फ तुमे मसीह रे विश्वास करने वाले ई नि बणो पर अच्छे चाल-चलणो ते बी जिओ। तुमे सिर्फ अच्छे चाल-चलणो तोई नि जिओ पर ये बी जाणो कि आसे किंवा समजा साथे बर्ताव करिए। 6 तुमे सिर्फ समजा ते बर्ताव करने वाले ई नि बणो पर अपू पांदे काबू राखणे वाले ई नि बणो पर दुःखो रे सब्र राखणे वाले बी बणो। तुमे सिर्फ दुःखो रे सब्र राखणे वाले ई नि बणो पर ईश्वरीय जिन्दगी जिऊणे वाले बी बणो। 7 सिर्फ ईश्वरीय जिन्दगी जिऊणे वाले ई नि बणो पर एकी दूजे री चिन्ता करने वाले बी बणो जियां पाई-बईण एकी दूजे री चिन्ता करोए। सिर्फ एकी दूजे री चिन्ता करने वाले ई नि बणो पर सबी लोका ते प्यार बी राखो। 8 जे तुसा रे यो सब गुण मौजूद ए और जे तुसा रे इना गुणा री बडोतरी ऊणे लगी री तो इजी री बजअ ते तुमे आसा रे प्रभु यीशु मसीह रे पूरे ज्ञानो रे ना तो नकम्मे ऊणे और ना ई निष्फल ऊणे। 9 पर जेस केसी माण्यू रे ये गुण मौजूद निए तो से अन्दा ए या तेसचे तूँदळा दिखोआ। से पूली चुकी रा कि परमेश्वरे तेसरा से सारा पाप माफ करी ता रा जो तिने मसीह रे आऊणे ते पईले करी राखेया था। 10 इजी बजअ ते ओ साथी विश्वासियो, आपणे बुलाए जाणे और चूणे जाणे खे साबित करने खे ठीक-टंगो रे कोशिश करदे रओ। जे तुमे एडा करदे रओगे, तो कदी बी बाटा ते नि पटकणे। 11 ईयां ई तुसा रा म्हारे प्रभु और उद्घारकर्ता यीशु मसीह रे अनन्त कालो रे राज्य रे बडे आदरो साथे स्वागत कितेया जाणा। (aiōnios g166) 12 हालाँकि तुमे इना गल्ला खे जाणो ईए और मसीह री एसा सच्ची शिक्षा रे, जो तुसा खे सखाई राखी, तुमे बणे रे रओए। तेबे बी आँऊ तुसा खे इना गल्ला री याद दलाणे खे सदा त्यार रँग्गा। 13 जदुओ तक आँऊ एस शरीर रूपी डेरे रे जिंऊं ए तदुओ तक तुसा लोका खे याद दलाई की सावधान करना आपणी जिम्मेवारी समजूँआ। 14 कँऊं कि आँऊ ये जाण्यूआ कि

आसा रे प्रभु यीशु मसीह रे बोले रे वचनो रे मुताबिक मेरे मरने रा बखत नेढे आईगा रा। 15 इजी री खातर मां एडी कोशिश कर्नी कि मेरे मरने ते बाद तुमे इना सबी गल्ला खे याद करी सको। 16 जेबे आसे प्रेरिते तुसा लोका खे आपणे प्रभु यीशु मसीह री सामर्था रा और तिना रे वापस आऊणे रा संदेशा दितेया था, तो आसे चलाकिया ते गढी री मनकडून्त काणियां रा सआरा नि लया था। बल्कि आसे आपू ई आपणी आखी ते तेसरा प्रताप देखेया था। 17 पवित्र पाहङ्गो पाँदे तेस बखते आसे तेस साथे ये जेबे पिता परमेश्वरे तिना खे आदर और महिमा दिर्ती। तेस बखते प्रतापमय महिमा बीचा ते ये आवाज आई, “ये मेरा प्यारा पुत्र ए जेसते आँऊ बऊत खुश ए।” आसे आपू ई स्वर्गो ते ये आवाज आँऊंदे ऊए सुणी। 18 आसे ये बी जाण्यूए कि भविष्यबक्तेया जो वचन मसीह रे बारे लिखी राखेया से एकदम सच ए और आसे तुसा लोका खे मसीह रे बारे रे जो सखाई राखेया था से इजी गल्ला खे साबित करोए। तुमे इना वचना खे आसा रे प्रभु यीशुए रे वापस आऊणे तक त्यानो साथे सुणो, 19 कँऊं कि जियां दिक्का लोका खे न्हेरे रे सई बाट दखाणे खे प्रयासा देओआ तिंयाँ ई एस वचनो तुसा खे समजणे रे मताद कर्नी कि सच क्या ए। तिना रा वापस आऊणा नये दिनो रे प्यासा रे प्रयासे जेडा ऊणा और से प्याणु तरे जेडा चमकणा। तेस बखते तिना री ज्योति तुसा रे दिलो रे चमकणी और तेस परमेश्वर तुसा पाँदे साफ-साफ प्रकट करना। 20 पर सबी ते पईले ये समजी लो कि पवित्र शस्त्रो री कोई बी भविष्यबाणी केसी रे आपणे ई सोचणे ते पूरी नि ऊंदी 21 कँऊं कि कोई बी भविष्यबाणी माण्यूए री इच्छा ते कदी पनि ऊई, पर भविष्यबक्ता पवित्र आत्मा ते परी की परमेश्वरो री तरफा ते बोलो थे।

2 बऊत दिन पईले जियाँ इस्याएली लोका बीचे चूठे भविष्यबक्ता थे, तियाँ ई तुसा लोका बीचे बी चूठे उपदेशका चूठी शिक्षा देणी। सेयो लोक तुसा बीचे आऊले-आऊले कूसी जाणे और तुसा ते परमेश्वरे रे बारे रे सर्वनाश करने वाला चूठ बोलणा। एथो तक तिना मसीह खे बी आपणे प्रभुए रे रुपो रे मानणे ते ना करनी जिने तिना खे पापो ते छुटकारा दई राखेया। तिना एडा काम करी की आपू पाँदे चट ई सर्वनाश ल्याऊणा। 2 बऊत सारे परमेश्वरे रे लोका तिना चूठे उपदेशका री तुमी शिक्षा मानणी और तिजी रे मुताबिक बुरे काम करने। नतीजन, तिना रे बुरे कामो री बजअ ते ओरी लोका सच्चो री बाटा री निन्दा करनी। 3 ये चूठे उपदेशक बऊत लालची ऊणे और तिना तुसा खे मनकडून्त काणियां बाईण की तोखा देणा कि तुसा ते पैसे कमाई सको। परमेश्वर पईले तेई तिना लोका खे सजा देणे रा फैसला करी चुकी रा और से ये करने खे त्यार बी ए। परमेश्वरो पक्का ई तिना लोका रा सत्यानाश करी देणा। 4 परमेश्वरे तिना स्वर्गदूता खे बी नि छाडेया जिने पाप करी राखेया था। पर नरको रे पेजी की न्हेरे कुण्डो रे पाई की जंजीरा साथे बानी ते। ताकि सेयो न्याय रे दिनो तक कैद रओ। (Tartaroō g5020) 5 और नूह रे दिना रे परमेश्वरे दुनिया रे दुष्ट लोका पाँदे दया नि किती। पर परमेश्वर महा जलप्रलय ते धार्मिकता रे प्रचारक नूह समेत कुल आठ लोका खे

बचाई की दुनिया रे सारे लोक नाश करी ते। 6 और परमेशरे सदोम और गमोरा रे नगरो खे नाशो रा एडा दण्ड दित्तेया कि सेयो स्वा करी की स्वाई रे मलाई ते। ताकि सेयो आऊणे वाले बिना भगितया रे लोका खे उदारण बणो 7 पर तिने सदोम नगरो खे नाश करने ते पईले लूत तेथा ते जाणे दित्तेया जो एक तर्मी मांणू था और ईंयां से बचाईता। लूत पापिया रे बुरे चाल-चलणो ते बऊत दुःखी था। 8 लूत जो तर्मी मांणू था तिना लोका बीचे रंदे ऊए और तिना रे पापो रे काम देखी-देखी की और सुणी-सुणी की हर दिन आपणे सच्चे मनो खे दुःखी करो था। 9 जबकि परमेशरे यो सब गल्ला करी राखिया, तो इज्जी ते साफ पता चलोआ कि परमेशर ये जाणोआ कि तर्मिया खे किंयां परीक्षा ते निकालेया जाओ।

10 खास करी की परमेशरो तिना चूठे शिक्षका खे सजा देणी जो गन्धी इच्छा रे पीछे शरीरो रे मुताबिक चलोए और परमेशरो रे अक्को खे तुच्छ जाणोए। सेयो टीठ और हठी ए और तेजोमय स्वर्गिय प्राणिया खे बुरा-पला बोलणे ते नि डरदे। 11 पर एथो तक कि स्वर्गदूत बी जो तिना चूठे शिक्षका ते शक्ति और सामर्था रे बऊत बड़ी की ए, प्रभुए रे सामणे तिना तेजोमय स्वर्गिय प्राणिया खे पला-बुरा बोली की तिना पांदी दोष नि लगादे। 12 पर यो चूठे शिक्षक बिना दमाक वाले डांगरा जेडे ए। सेयो लोक पकडे जाणे और नाश ऊणे खेई पैदा ऊई रे। जिना गल्ला खे सेयो जाणदे ई नि, तिना रे बारे रे औरी लोका खे पला-बुरा बोलोए। पर सेयो आपणे बुरे कामो तेई नाश ऊई जाणे। 13 तिने लोके बुरा करी राखेया और तिना खे तिजी रा फल बुरा ई मिलाण। तिना लोका खे दिने-त्याडे सुख-विलास करना खरा लगोआ। सेयो लोक तुसा बीचे कलंक और दोष ए। तिना लोका खे तुसा री सभा री पाठ्या रे तुसा साथे खाणे रे बावजूद बी तुसा ते कपटो साथे गल्ला करने रे खुशी मिलोई। 14 सेयो जेसा केसी बी जवाणसा खे देखोए तेसा साथे व्याभिचार करना चाओए। सेयो पाप करने ते बिना रूकी नि सकदे। सेयो तिना लोका खे तोखा देई की पापो रे पाई देओए जिना रा कमजौर विश्वास ए। कऊँकि तिना री बड़ी ऊई इच्छा री बजअ ते परमेशरो तिना खे सजा देणी। 15 सेयो सीदी बाटा खे छाडी की पटकी गे रे और बओरो रे पाऊ बिलामो री बाटा रिये ऊईगी, जिने पापो री मजदूरी प्यारी जाणी। 16 पर परमेशर बिलामो खे तेसरे अपराधो री बजअ ते बकेया। एथो तक कि तेसरी अबोल गह्यीए बी मांणूए री आवाजा रे से भविष्यबक्ता गलूत काम करने ते रोकेया। 17 यो चूठे शिक्षक सुके कुँए और तूफानो रे उडाए रे बादल ए, तिना खे अनन्त न्हेरा ठराई राखेया। (questioned) 18 जेवे सेयो लोका खे उपदेश देओए तो सेयो कमण्डो साथे परिया रिया बेकार गल्ला ते लोका खे वासना री शारीरिक इच्छा रे फसाई देओए, जो बाटा ते पटकेया रे लोका बीचा ते एबु ई विश्वासो रे आई रे। 19 सेयो चूठे शिक्षक लोका खे आजाद करने रा वादा तो करोए, पर सेयो आपू ई पापी सबाओ री बजअ ते पापो रे दास ए। कऊँकि जो कुछ बी तुसा खे आपणे वशो रे करी लओआ तो तुसे तेसरे दास बणी जाओए। 20 जे

सेयो आसा रे प्रभु और उद्घारकर्ता यीशु मसीहे रे सारे ज्ञानो रे जरिए दुनिया री कई प्रकारा रिया गन्दगिया ते छूटी की निकलेने ते बाद फेर तिजी रेई फसी की तिजी रे वशो रे ऊईगे रे तो ये गल्ल साफ ए कि तिना री आज की दशा पिछली दशा ते और बी बुरी ऊईगी री। 21 पला तो येई ऊँदा कि तिना खे धार्मिकता री बाटा रा एहसास ऊआ ई नि ऊँदा बजाए एतेरे कि से तिजी खे जाणने ते बाद जो पवित्र आज्ञा तिना गे सम्बाली थी तिजी ते मूँ फेरी लंदे। 22 तिना लोका पांदी ये कहावत ठीक बैठोई, “कुत्ता आपणी ई कित्ती री ऊलिया खे फेर खाओआ और नलवाई री सुंरनी चीकड़े रे लेटणे खे फेर चली जाओई।”

3 ओ प्यारेओ, तुसा लोका खे ये मेरी दूजी चिट्ठी ए। इना दूँहूँ चिट्ठिया रे जरिए आऊ तुसा खे याद दलाई की तुसा रे साफ मनो खे जगआँऊ। 2 मेरा मकसद ये ए कि तुसे तिना वचना खे याद राखो जो परमेशरो रे भविष्यबक्तेया रे जरिए बऊत पईले तुसा लोका ते बोली राखे। आसा रे प्रभु और उद्घारकर्ता यीशु मसीहे री तिना शिक्षा खे बी याद राखो जो प्रेरिता रे जरिए तुसा खे दित्ती थी। 3 सबी ते जरूरी गल्ल ये ए कि तुसे ये समजी लो कि अंतो रे दिना रे आस्सी और मजाक करने वाले आऊणे, जो आपणी ई बुरी इच्छा रे मुताबिक चलणे। 4 तिना लोका बोलणा, “प्रभुए रे दुबारा आऊणे रा वादा कई गया? कऊँकि आसा रे बुजुगा री मौता ते लयी की एबुए तक सब कुछ तेडा ईए, जेडा सृष्टिया री शुरुआता ते था।” 5 सेयो तो जाणी बूजी की ये पूली गे कि परमेशरो रे वचनो रे जरिए सर्ग पुराणे जमाने ते मौजूद ए और तरती बी पाणिए बीचा ते बणी और तिजी रे चऊँ कनरे पाणी ई पाणी ए। 6 एसी पाणिए रे जरिए तेस जुगो री दुनिया पाणिए रे ढूबी की नाश ऊईगी। 7 पर परमेशरे एसी वचनो रे जरिए आजका सर्ग और तरती इज्जी खेई सम्बाली की राखी राखे, कि तिजी खे आगी साथे फूको। और यो बिना भगित वाले मांणूआ रे न्याय और नाश ऊणे रे दिनो तक ईंयां ई रणे। 8 ओ प्यारेओ, ये एक गल्ल तुसा ते छिपी री नि रओ कि प्रभुए रे कअरे एक दिन ह्यार सालो रे बराबर ए और ह्याजार साल एक दिनो रे बराबर ए। 9 कुछ लोक सोचोए कि प्रभु वापस आऊणे रे आपणे वादे रे बारे रे देर करने लगी रा। पर प्रभु आपणे वादे रे बारे रे देर नि करदा। बल्कि से तुसा रे बारे रे सब्र राखोआ और ये नि चांदा कि कोई नाश ओ, पर ये कि सबी खे पापो ते मन फेरने रा मोका मिलो। 10 पर प्रभुए रा दिन चोरो जेडा आऊणा। तेस दिने सर्ग बड़ी-पारी मिडने रिया री आवाजा ते नाश ऊई जाणा और तत्व बऊत गर्म ऊई की गली जाणे। तरती और तिजी पांदले कित्ते रे काम प्रकट ऊई जाणे। 11 कऊँकि परमेशरो यो सब चीजा पकका ई नाश करी देणियां जेडा कि मैं बोली राखेया, तो तुसे पवित्र चाल-चलण और भगितया रे ईंयां जिन्दगी बिताओ जेते की परमेशर खुश ओआ। 12 जेडा कि तुसे तेस दिनो रा बड़ी बेसबरिया ते इन्ताजार करने लगी रे जेस दिने परमेशर दुनिया रा न्याय करने आऊणा और आपणी तरफा ते कोशीश करों कि से दिन चट आई जाओ। तिना दिना रे सर्ग आगी की गली जाणा और नाश ऊई जाणा और सर्गो रे गण

बकुत जादा गर्म ऊई की गली जाणे। 13 पर आसे विश्वासी परमेशरों रे वादे रे मुताबिक एक नये सर्ग और नई तरतिया रा इन्तजार करूँए। जिदे सिर्फ तर्मी लोका ई वास करना। 14 इजी री खातर ओ प्यारेओ, जबकि तुसे इना गल्ला रा इन्तजार करोए, तो ईयां कोशिश करो कि तुसे लोक प्रभुए री नजरा रे निष्कलंक और निर्दोष ठर्ही और तुसा रे शान्तिया रा वास ओ। 15 जे आसा रा प्रभु आपणी सईन शीलता री बजअ ते देर करो बी आ तो इजी खे आपणे उद्धरो रे मददगार समजो। ये सेर्ई गल्ल ए जेतेखे म्हरे प्यारे साथी विश्वासी पौलुसे बी तुसा खे परमेशरों रे जरिए दिते रे ज्ञानो रे मुताबिक चिट्ठिया रे लिखी राखेया। 16 तिंयाँ ई पौलुसे आपणी सबी चिट्ठिया रे बी इना गल्ला री चर्चा करी राखी। तिना चिट्ठिया रे किताणिया गल्ला तो एडिया ए, जिना रा समजणा कठण ए। अनपढ़ और चंचल लोक तिना री चिट्ठिया री गल्ला खे पवित्र शास्त्रो री गल्ला जेडिया ई खिंजी-खांजी की आपणे ई नाशो री बजअ बणाओए। 17 ओ प्यारेओ, तुसे पइले ई जाणोए कि यो सारिया गल्ला ऊणिया। इजी खे चौकस रओ ताकि दुष्ट लोक तुसा खे आपणी चूठी शिक्षा ते बईकाई की तोखा नि देओ। जे तिना री चूठी शिक्षा खे मानोगे तो तुसा सच्चाईया पांदे विश्वास करना बन्द करी देणा। 18 बलिक तुसे लोक म्हारे प्रभु और उद्धारकर्ता यीशु मसीह री कृपा और पछ्याणी रे बड़दे जाओ। तेसरी ई महिमा एबे बी ओ और जुगो-जुगो तक ऊँदी रओ। आमीन्। (aiōn g165)

1 यूहन्ना

1 आसे एक एड़े मांगू रे बारे रे लिखणे लगी रे जो जीवनो रा वचन ए। जो सृष्टिया रे शुरुओ ते था। से आसे सुणेया और आसे आपणी आखी ते देखेया, बल्कि से आसे त्यानो साथे देखेया और आपणे ई आथो साथे छूँयां। 2 से जो जीवन देओआ, तरतिया रे आया और आसे से देखेया और तिजी री गवाई देऊँए और तुसा खे तेस अनन्त जीवनो रा समाचार सुणाऊँए, जो पिते साथे था और आसा पाँदे प्रगत ऊआ। (aiōnios g166) 3 जो कुछ आसे देखी राखेया और सुणी राखेया, तिजी रा समाचार तुसा खे बी सुणाऊँए, ताकि तुसे बी आसा साथे शामिल ओ। आसा री ये शामलता पिते साथे और तेसरे पाऊ प्रभु यीशु मसीह साथे ए। 4 इना गल्ला आसे इजी री खातर लिखूँए, ताकि म्हारी खुरी पूरी ऊई जाओ। 5 जो समाचार आसे यीशुए ते सुणेया और तुसा खे सुणाऊँए से ये कि परमेश्वर जेति ए और तिजी रे कोई बी न्हेरा निए। 6 जे आसे बोलिये कि परमेश्वरो साथे आसा री संगति ए और फेर न्हेरे रे चलूँ, तो आसे चूठे ए और सच्चो पाँदे नि चलदे। 7 पर जेडा परमेश्वर जेतिया रे ए, तियाँ ई आसे बी जेतिया रे चलिए, तो आसे एकी-दूजे री संगतिया रे शामिल ए और तेसरे पुत्र प्रभु यीशु मसीह रा खून आसा खे सारे पापो ते शुद्ध करोआ। 8 जे आसे बोलिये कि आसा रे कुछ बी पाप निए, तो आपणे आपू खे तोखा देऊँए और आसा रे सच निए। 9 जे आसे आपणे पापो खे मानी लँक, तो से म्हारे पाप माफ करने और आसा खे सारेया पापो ते शुद्ध करने रे विश्वासो जोगा और तर्मी ए। 10 जे आसे बोलिये कि आसे पाप निए कित्ते रा, तो परमेश्वरो खे चूठा ठाराऊँए और तेसरा वचन आसा रे निए।

2 ओ मेरे बालको! आऊँ इना गल्ला तुसा खे इजी खे लिखूँआ, ताकि तुसे पाप नि करो। जे कोई पाप करो, तो पिता परमेश्वरो गे एक म्हारा मददगार ए, मतलब यीशु मसीह जो तर्मी ए। 2 और सेई म्हारे पापो खे बलिदान ए और बस म्हारे ई नि, बल्कि सारी दुनिया रे लोका रे पापो रा बी। 3 जे आसे परमेश्वरो री आज्ञा खे मानौंगी, तो तिजी ते आसा खे पता लगी जाणा कि आसे तेसखे जाणूँए। 4 जो कोई ये बोलोआ, “आऊँ तेसखे जाणी गा रा” और तेसरी आज्ञा खे नि मानदा, से चूठा ए और तेसरे सच निए। 5 पर जो कोई परमेश्वरो रे वचनो पाँदे चलो, तेसरे सच्ची परमेश्वरो रा प्यार सिद्ध ऊई रा। आसा खे इजी तेई पता चलोआ कि आसे तेसरे ए। 6 जो कोई ये बोलोआ कि आऊँ तेसरे बणेया रा रऊँआ, तेसखे चाईयो कि आपू बी तेडा ई चलो, जेडा यीशु मसीह चलोआ। 7 ओ प्यारे साथी विश्वासियो! आऊँ तुसा खे कोई नई आज्ञा नि लिखदा, पर सेई पुराणी आज्ञा, जो शुरुओ ते तुसा खे मिली री; ये पुराणी आज्ञा से वचन ए, जो तुसे सुणी राखेया। 8 फेर आऊँ तुसा खे नई आज्ञा लिखूँआ और ये तो मसीह रे और तुसा रे सच्ची ठारेई, कऊँकि न्हेरा मिटदा जाओआ और सच्चो री जोति एबु चमकणे लगी री। 9 जो कोई ये बोलोआ, “आऊँ जेतिया रे चलूँआ,” पर आपणे विश्वासी

पाईए साथे बैर राखोआ, से एबुए तक न्हेरे रेर्ई चलोआ। 10 जो कोई आपणे पाईए साथे प्यार राखोआ, से जेतिया रे चलोआ और ठोकर नि खाई सकदा। 11 पर जो कोई आपणे पाईए साथे बैर राखोआ, से न्हेरे रे ए और न्हेरे रे चलोआ और ये नि जाणदा कि केयी चली रा, कऊँकि न्हेरे तेसरिया आखी अंदिया करी ती रिया। 12 ओ बालको! आऊँ तुसा खे इजी खे लिखूँआ कि यीशु मसीह रे नाओं ते तुसा रे पाप माफ ओ। 13 ओ पिताओ! आऊँ तुसा खे इजी खे लिखूँआ कि जो सृष्टिया ते ए, तुसे तेसखे जाणोए। ओ जवानो! आऊँ तुसा खे इजी खे लिखूँआ, कऊँकि तुसे तेस दुषी पाँदे जय पाई राखी। ओ बालको! मैं तुसा खे इजी खे लिखी राखेया कऊँकि तुसे पिते खे जाणी गे रे। 14 ओ पिताओ! मैं तुसा खे इजी खे लिखी राखेया कि जो सृष्टिया ते ए, तुसे तिजी खे जाणी गे रे। ओ जवानो! मैं तुसा खे इजी खे लिखी राखेया कि तागतबर ओ और परमेश्वरो रा वचन तुसा रे बणेया रा रओआ और तुसे तेस दुषी पाँदे जय पाई। 15 तुसे ना तो दुनिया ते और ना ई दुनिया रिया चीजा ते प्यार राखो, जे कोई दुनिया ते प्यार राखोआ, तो तेसदे पिता परमेश्वरो रा प्यार निए। 16 कऊँकि जो कुछ दुनिया रे ए, मतलब-शरीरो री इच्छा, आखी री इच्छा, कर्माईया रा कमण्ड, से पिता परमेश्वरो री तरफा ते निए, बल्कि दुनिया री तरफा तेईए। 17 दुनिया और तेसा री इच्छा दोने मिटदी जाओई, पर जो परमेश्वरो री इच्छा पाँदे चलोआ, से सदा बणेया रा रण। (aiōn g165) 18 ओ बालको! ये आखरी बखत ए और जेडा तुसे सुणी राखेया कि मसीह रा बिरोदी आऊणे वाला ए, तिजी रे मुताबिक एबु बी बऊत सारे मसीह रे बिरोदो रे उठी रे, इजी ते आसे जाणूँए कि ये आखरी बखत ए। 19 सेयो मसीह बिरोदी तो आसा बीचले ऊँदे, तो आसा साथे रेंदे, पर निकली इजी खे गये कि ये प्रगट ओ कि सेयो सब आसा बीचले निए। 20 पर तुसा रा अभिषेक तो तेस पवित्र यीशु मसीह रे जरिए ऊई रा और तुसे सब सच जाणोए। 21 मैं तुसा खे इजी खे नि लिखेया कि तुसे सच्चो खे नि जाणदे, पर इजी खे कि तिजी खे जाणोए और इजी खे कि कोई चूठ सच्चो री तरफा ते निए। 22 चूठ कुण ए? बस से, जो प्रभु यीशुए रे मसीह ऊणे रा ना करोआ और मसीह रा बिरोदी सेईए, जो पिता परमेश्वर और पुत्रो खे ना करोआ। 23 जो कोई पुत्रो खे ना करोआ, तेसगे पिता परमेश्वर पनिए, जो पुत्रो खे मानी लओआ, तेसगे पिता परमेश्वर बी ए। 24 त्यानो साथे सुणो, जो कुछ तुसे शुरुओ ते सुणी राखेया, सेई तुसा रे बणेया रा रओगा, तो तुसे बी पुत्रो रे और पिता परमेश्वरो रे बणे रे रओगे। 25 जेतेरा तिने आसा साथे वादा कित्तेया, से अनन्त जीवन ए। (aiōnios g166) 26 मैं तुसा खे यो गल्ला तिना रे बारे रे लिखी राखिया, जो तुसा खे भरमाओए। 27 और तुसा रा से अभिषेक, जो प्रभु यीशु मसीह री तरफा ते कित्तेया, तुसा रे बणेया रा रओआ और तुसा खे इजी ते मतलब निए कि कोई तुसा खे सिखाओ। पर जियाँ से अभिषेक, जो तेसरी तरफा ते कित्तेया, तुसा खे से सब गल्ला सिखाओआ जो तुसा खे

सीखणे री जरूरत ए और जो कुछ से सिखाओआ से सब सच ए, चूठा निए और जेडा तिने तुसा खे सिखाया, तेडे ई तुसे यीशु मसीह रे बणे रे रओए। 28 इजी री खातर ओ बाल्को! तेसरे बणे रे रओ, ताकि जेबे से आओ, तो आसा खे इम्मत ओ और आसे मसीह रे आऊणे पाँदे शर्मिंदा नि ओँक। 29 जे तुसे जाणोए कि मसीह तर्मी ए, तो ये बी जाणोए कि जो कोई तर्मी रा काम करोआ, से परमेश्वरो रे बच्चे ए।

3 जरा सोचो तो सई कि पिता परमेश्वरे आसा ते केडा प्यार कितेया कि आसा खे परमेश्वरो री ल्वाद बोलो और सच्ची आसे तेसरी ल्वाद आए बी। पर जो लोक दुनिया रे ए से नि जाणदे कि आसे परमेश्वरो री ल्वाद ए, कऊँकि सेयो पिता परमेश्वरो खे बी नि जाणदे। 2 ओ साथी विश्वासियो! एबु आसे परमेश्वरो री ल्वाद ए और एबुए तक ये निए पता कि आसे क्या कुछ ऊणे, इतणा जाणूए कि जेबे यीशु मसीह प्रगट ऊणा, तो आसे बी तेस जेडे ऊणे, कऊँकि आसा से तेडा ई देखणा, जेडा से आए। 3 जो कोई यीशु मसीह पाँदे ये उम्मीद राखोआ, से आपणे आपू खे तेडा ई पवित्र करोआ, जेडा से पवित्र ए। 4 जो कोई लगातार पाप करोआ, से परमेश्वरो रे विधानो रा बिरोद करोआ और विधानो रा बिरोद करना ई पाप ए 5 और तुसे जाणोए कि मसीह इजी खे आया कि पापो रा नाश करी देओ और तेसरे सबाओ रे पाप निए।

6 जो कोई तेसदे बणेया रा रओआ, से पाप करदा नि रंदा, जो कोई पाप करोआ, तिने ना से देखी रा राखेया और ना से जाणी राखेया। 7 ओ बाल्को! केसी रे भरमाणे पाँदे नि आओ। जो तर्मो रे काम करोआ, सई मसीह जेडा तर्मी ए। 8 जो कोई लगातार पाप करदा रओआ, से शैतानो री तरफा ते ए, कऊँकि शैतान शुरूओ तेई पाप लगातार करदा आयी रा, परमेश्वरो रा पुत्र इजी खे आया, ताकि शैतानो रे कामा खे नाश करो। 9 जो कोई परमेश्वरो ते पैदा ऊई रा, सेयो लगातार पाप नि करदे, कऊँकि परमेश्वरो रा बीज तिना रे बणेया रा रओआ और सेयो लगातार पाप करी नि सकदे, कऊँकि सेयो परमेश्वरो ते जम्मी रे। 10 इजी तेई परमेश्वरो री ल्वाद और शैतानो री ल्वाद जाणे जाओए। जो कोई तर्मो रे काम नि करदा, से परमेश्वरो ते निए और ना से जो आपणे पाईए साथे प्यार नि राखदा। 11 जो समाचार तुसे शुरूओ ते सुणीया, से ये कि आसे एकी-टूजे साथे प्यार राख्यूँ। 12 और आदमो रे पाऊ कैनो जेडे नि बणो, जो तेस दुष्टो ते था, तिने शैतानो री आज्ञा मानी और आपणा पाई हाबिल काया। से किंजी बजअ ते काया? इजी बजअ ते कि तेसरे काम बुरे थे और तेसरे पाईया रे काम तर्मो रे थे। 13 ओ साथी विश्वासियो! जे एसा दुनिया रे लोक तुसा ते बैर करोआ, तो हैरान नि ओ। 14 आसे जाणूए कि आसे मौता रे बन्दना ते छुटी की जिन्दगिया रे पऊँछी रे। कऊँकि आसे पाईया साथे प्यार राख्यूँ, जो प्यार नि राखदा, से मौता रे बन्दनो रे रओआ। 15 जो कोई आपणे पाईए साथे बैर राखोआ, से अत्यारा ए और तुसे जाणोए कि केसी अत्यारे रे अनन्त जीवन नि रंदा। (aiōnios g166) 16 आसे प्यार इजी तेई जाणेया कि यीशु मसीहे आसा री खातर आपणे प्राण दई ते। तेबई आसा खे बी आपणे पाईया री तंई प्राण देणे चाईयो।

17 पर जेस केसी गे बी दुनिया री सम्पति ओ और से आपणे पाईए खे कंगाल देखी की तेस पाँदे तरस नि खाणा चाओ, तो तेसरे परमेश्वरो रा प्यार कियाँ बणी की रई सकोआ? 18 ओ मेरे प्यारे बाल्को! आसे वचन और गल्ला तेई नि, पर काम और सच्चो रे जरिए बी प्यार करए। 19 जेबे आसे दूजे ते प्यार करूँगे तो इजी तेई आसे जाणूए कि आसे सच्चो रे ए और आसा रे मनो रे परमेश्वरो रे सामणे आसा रे मनो रे शान्ति ओई। 20 तेबई जेते गल्ला रे म्हारा मन आसा खे दोष देओगा, कऊँकि आसे जाणूए कि परमेश्वर आसा रे मनो ते बडा ए और सब कुछ जाणोआ। 21 ओ प्यारेओ! जे म्हारा मन आसा खे दोष नि देओ, तो आसा खे परमेश्वरो सामणे इम्मत ओई 22 और जो कुछ आसे मांगूए, से आसा खे तेसते मिलोआ, कऊँकि आसे तेसरी आज्ञा खे मानूए और जो तेसखे अच्छा लगोआ, सई करूँगे 23 और तेसरी आज्ञा ये कि आसे तेसरे पुत्र प्रभु यीशु मसीह पाँदे विश्वास करूँ और जेडी तिने आसा खे आज्ञा देई राखी, तिजी रई मुताबिक आपू-बीचे प्यार राखिए। 24 जो परमेश्वरो री आज्ञा खे मानोआ, से तेसरे और परमेश्वर तिना रे बणेया रा रओआ और इजी तेई, मतलब-तेसा पवित्र आत्मा ते जो तिने आसा खे देई राखेया, आसे जाणूए कि परमेश्वर आसा रे बणेया रा रओआ।

4 ओ मेरे प्यारेओ! हर केसी पाँदे विश्वास नि करो जो आत्मा रे जरिए बोलणे रा दावा करोए। बल्कि आत्मा खे परखो कि सेयो परमेश्वरो री तरफा ते कि नई, कऊँकि बऊत सारे चूठे भविष्यबक्ता दुनिया रे निकली की खडे ऊई रे। 2 परमेश्वरो रा पवित्र आत्मा तुसे ईयां पछायाणी सकोए कि जो कोई आत्मा मानी लओई कि प्रभु यीशु मसीह शरीरो ते ऊई की आयी रा, से परमेश्वरो री तरफा ते ए 3 और जो कोई आत्मा प्रभु यीशुए खे नि मानदी, से परमेश्वरो री तरफा ते निए और सई तो मसीह रे बिरोदिया री आत्मा ए, जेतेरी चर्चा तुसे सुणी चुके रे कि से आऊणे वाला ए और एबे बी दुनिया रे ए। 4 ओ बाल्को! तुसे परमेश्वरो रे लोक ए और तुसे तिना चूठे भविष्यबक्तेया पाँदे जय पाई राखी, कऊँकि जो पवित्र आत्मा तुसा दे ए, तेस शैतानो ते बी बडा ए जो दुनिया पाँदे राज करोआ। 5 सेयो चूठे भविष्यबक्तेया दुनिया रे ए, इजी बजअ ते सेयो दुनिया रिया गल्ला बोलोए और दुनिया रे लोक तिना री सुणोए। 6 आसे परमेश्वरो रे ए, जो परमेश्वरो खे जाणोआ, से म्हारी सुणोआ, जो परमेश्वरो खे नि जाणदा, से म्हारी नि सुणदा, ईयां ई आसे बी सच्चो री आत्मा और बईमो री आत्मा खे पछायाणी लऊँ। 7 ओ मेरे प्यारेओ! आसे आपू बीचे प्यार राखिए, कऊँकि प्यार परमेश्वरो ते ए। जो कोई ओरी ते प्यार करोआ, से परमेश्वरो ते पैदा ऊई रा और परमेश्वरो खे जाणोआ। 8 जो कोई ओरी साथे प्यार नि राखदा, से परमेश्वरो खे नि जाणदा, कऊँकि परमेश्वर प्यार ए। 9 जो प्यार परमेश्वर आसा साथे राखोआ, से इजी ते प्रगट ऊआ कि परमेश्वर आपणा एकलौता पुत्र दुनिया रे पेजी ता, ताकि आसे तेसरे जरिए अनन्त जिन्दगी पाऊँ। 10 प्यार इजी ते नि कि आसे परमेश्वरो ते प्यार कितेया, पर इजी रे ए कि तिने आसा ते प्यार कितेया और आसा खे पापो ते छुड़ाणे खे आपणा पुत्र बलिदान ऊणे खे

पेजेया। 11 ओ मेरे प्यारेओ! जेबे परमेशरे आसा ते इतणा प्यार कित्तेया, तो आसा खे बी आपू बीचे प्यार राखणा चाईयो। 12 परमेशर कदी बी किने नि देखेया, जे आसे आपू बीचे प्यार राखूँ, तो परमेशर आसा रे बणेया रा रओआ और तेसरा प्यार आसा ते सिदु ऊईगा रा। 13 इजी तेर्इ आसे जाणूए कि आसे तेसदे बणे रे रऊँए और से आसा रे, कँकिंकि तिने आपणी पवित्र आत्मा आसा खे देई राखेया। 14 और आसे पुत्र देखी बी लया और गवाई बी देऊँए कि पिता परमेशरे आपणा पुत्र दुनिया रे लोका रा उद्धारकर्ता करी की पेजी राखेया। 15 जो कोई ये मानी लओआ कि प्रभु यीशु परमेशरो रा पुत्र ए, परमेशर तेसदे बणेया रा रओआ और से परमेशरो रे 16 और जो प्यार परमेशर आसा साथे राखोआ, तिजी खे आसे जाणी गे और आसा खे तिजी पाँदि विश्वास ए कि परमेशर प्यार ए, जो प्यारो रे बणेया रा रओआ, से परमेशरो रे बणेया रा रओआ और परमेशर तेसदे बणेया रा रओआ। 17 इजी तेर्इ प्यार आसा रे सिदु ओआ कि तेस आसा खे सजा नि देणी। जेडा यीशु मसीह ए, तेडे ई दुनिया रे आसे बी ए। 18 प्यारो रे डर नि ऊँदा, बल्कि सिदु प्यार डरो खे दूर करी देओआ, कँकिंकि डरो ते तकलीफ़ ओई और जो डर करोआ, से प्यारो रे सिदु नि ऊँ। 19 आसे इजी री खातर परमेशरो खे और ओरी खे प्यार करूँए, कँकिंकि पईले परमेशरे आसा ते प्यार कित्तेया। 20 जे कोई बोलो कि आँक परमेशरो ते प्यार राखूँआ और आपणे पाईए ते बैर राखो, तो से चूठा ए, कँकिंकि जो आपणे पाईए ते, जो तिने देखी राखेया, प्यार नि राखदा, तो से परमेशरो ते बी, जो तिने देखी नि राखेया, प्यार नि राखी सकदा। 21 तेसते आसा खे ये आज्ञा मिली री कि जो कोई आपणे परमेशरो ते प्यार राखोआ, से आपणे पाईए ते बी प्यार राखो।

5 जेसरा ये विश्वास ए कि प्रभु यीशु ई मसीह ए, से परमेशरो ते पैदा ऊई रा और जो कोई पैदा करने वाले ते प्यार राखोआ, से तेसते बी प्यार राखोआ, जो तेसते आज्ञा खे मानूँए, तो इजी तेर्इ आसे जाणूए कि परमेशरो री ल्वादा साथे प्यार राखूँए 3 परमेशरो रा प्यार ये कि आसे तेसरी आज्ञा खे मानिए और तेसरी आज्ञा कठण निए। 4 कँकिंकि जो कुछ परमेशरो ते पैदा ऊई रा, तेसखे दुनिया रे जय मिलोई और से जीत जेते कि दुनिया रे जय मिलोई, से म्हारा विश्वास ए। 5 दुनिया पाँदे जय पाणे वाला कूणे? बस से, जेस पाँदे विश्वास ए कि प्रभु यीशु ई परमेशरो रा पुत्र ए। 6 ये सेईए, जो पाणी और खूने रे जरिए आया, मतलब-प्रभु यीशु मसीह। से ना बस पाणिए रे जरिए, बल्कि पाणी और खून झूँई रे जरिए आया और जो गवाई देओआ, से पवित्र आत्मा ए, कँकिंकि पवित्र आत्मा सच्ची ए 7 सच तो ये ए कि गवाई देणे वाले तीन ए; 8 आत्मा, पाणी, और खून ये तिनो एक ई गल्ला पाँदे सहमत ए। 9 जेबे आसे मांणूआ री गवाई मानी लऊँए, तो परमेशरो री गवाई तिजी ते बडी की ए और परमेशरो री गवाई ये कि तिने आपणे पुत्रो रे बारे रे गवाई देई राखी। 10 जो परमेशरो रे पुत्रो पाँदे विश्वास करोआ, से परमेशरो री गवाई आपणे मनो रे राखोआ, जिने परमेशरो पाँदे विश्वास नि कित्तेया, तिने से चूठा ठराया, कँकिं

तिने तेसा गवाईया पाँदे विश्वास नि कित्तेया, जो परमेशरे आपणे पुत्रो रे बारे रे दित्ती 11 और से गवाई ये कि परमेशरे आसा खे अनन्त जीवन देई राखेया और ये जीवन तेसरे पुत्रो रे ए। (aiōnios g166) 12 जेसगे परमेशरो रा पुत्र निए, तेसगे अनन्त जीवन पनिए। 13 मैं तुसा खे, जो परमेशरो रे पुत्रो रे नाओं पाँदे विश्वास राखोए, इजी खे लिखी राखेया कि तुसे जाणो कि अनन्त जीवन तुसा राए (aiōnios g166) 14 और आसा खे परमेशरो रे सामणे जो हियाव ओआ, से ये कि जे आसे तेसरी इच्छा रे मुताबिक कुछ मांगूए, तो से म्हारी सुणोआ। 15 जेबे आसे जाणूए कि जो कुछ आसे परमेशरो ते मांगूए, से म्हारी सुणोआ, तो ये बी जाणूए कि जो कुछ आसे तेसते मागेया, से पाया। 16 जे कोई आपणे विश्वासी पाईए खे एडा पाप करदे ऊँ देखो, जेतेरा फल मौत नि ओ, तो प्रार्थना करो कि परमेशर तेसखे, तिना खे, जिने एडा पाप करी राखेया, जेतेरा फल मौत निए, जीवन देओगा, पाप एडा बी ओआ, जेतेरा फल मौत ए, इजी रे बारे रे आँक बिनती करने खे नि बोलदा। 17 सब प्रकारा रे बुरे काम तो पाप ए, पर कुछ एडे पाप बी ए, जेतेरा फल मौत निए। 18 आसे जाणूए कि जो कोई परमेशरो ते पैदा ऊई रा, से लगातार पाप नि करदा, जो परमेशरो ते पैदा ऊई रा, तेसखे से बचाए रे राखोआ और से दुष्ट तेसखे छुँई नि सकदा। 19 आसे जाणूए कि आसे परमेशरो ते ए और दुनिया तेस दुष्टी रे वशो रे पट्टी री। 20 और आसे ये बी जाणूए कि परमेशरो रा पुत्र यीशु मसीह एते दुनिया रे आया और तिने आसा खे समज दित्ती कि आसे तेस सच्चे परमेशरो खे पछ्याणुँ और आसे तिदे जो सच ए, मतलब-तेसरे पुत्र प्रभु यीशु मसीह रे रऊँए, सच्चा परमेशर और अनन्त जीवन येईए। (aiōnios g166) 21 ओ बालको! आपणे आपू खे मूर्तिया ते बचाई की राखो।

2 यूहन्ना

1 ये चिट्ठी मां बुजुर्गों री तरफा ते ए। आँऊ ये चिट्ठी तेसा खास जवाणसा खे और तेसा रे बाल-बच्चेया खे लिखणे लारी रा जिना खे परमेश्वरे आपणे लोक करी की चूणी राखेया। आऊ तुसा सबी ते सच्चा प्यार करूँआ, बस आऊ ई नि, बल्कि सेयो सब बी प्यार राखोए, जो सच्चाईंगा खे जाणोए। 2 आसे सब लोक तांते प्यार करूँए करूँकि सै सच्चाईंगा जो आसा रे टीकी री राहोई, और सदा आसा साथे अटल रणी। (aiōn g165) 3 पिता परमेश्वर और पिते रे पाऊ प्रभु यीशु मसीह री तरफा ते कृपा, दया और शान्ति आसा साथे सच और प्यारो रे बणी रणी। 4 आऊ बऊत खुश ऊआ कि मैं तेरे कुछ बाल-बच्चे, तेसा आज्ञा रे मुताबिक, जो आसा खे पिते री तरफा ते मिली थी, सच्चाईंगा पौंदे चलदे ऊए पाए। 5 एबे ओ जवाणसे! आऊ ताखे कोई नयी आज्ञा नि, पर सेई जो शुरूओ तेई आसा गे ए, लिखूँआ। और तांते बिनती करूँआ कि आसे एकी-दूजे साथे प्यार राखिए 6 और प्यार ये कि आसे तेसरी आज्ञा रे मुताबिक चलिए। ये सेई आज्ञा ए, जो तुसे शुरूओ ते सुणी राखी और तुसा खे इजी पौंदे चलणा बी चाईयो। 7 करूँकि बऊत सारे एडे भरमाणे वाले दुनिया रे निकली की आयी रे, जो ये नि मानदे कि प्रभु यीशु मसीह शरीरो रे ऊई की आए। भरमाणे वाला और मसीह रा बिरोदी येर्ई ए। 8 आपणे बारे रे चौकस रजो। जो मईणत आसे सब करी राखी, तिजी खे तुसे खोई नि देओ, बल्कि अनन्त जीवनो रा पूरा फल पाओ। 9 जो कोई मसीह री शिक्षा ते पटकी जाओआ और मसीह री शिक्षा रे बणेया रा नि रंदा, तेसगे परमेश्वर निए। पर कोई तेसरी शिक्षा रे टीके रा रओआ, तेसगे पिता बीए और पुत्र बी। 10 जे कोई तुसा गे आओ और मसीह री सच्ची शिक्षा नि देओ, तेसखे ना तो कअरे आऊणे देओ और ना ई तेसरी आदर-खातर करो। 11 करूँकि जो कोई एडे जणे री आदर-खातर करोआ, से तेसरे बुरे कामो रे साजा ओआ। 12 माखे तुसा खे बऊत सारिया गल्ला लिखणिया ए, पर कागज और स्याईंगा ते लिखणा नि चांदा, पर उम्मीद ए कि आऊ तुसा गे आऊणा और आमणे-सामणे गल्ला करूँगा, जेते की आसा री खुशी पूरी ओ। 13 परमेश्वरो रे जरिए चूणी री तेरी बईणा रे बाल-बच्चे जो एती आसा साथे ताखे नमस्कार बोलोए।

3 यूहन्ना

1 ये चिट्ठी मां बुजुर्ग मांणूए री तरफा ते ए। आँऊ ये चिट्ठी मेरे प्यारे दोस्त गयुसो खे लिखणे लगी रा, जेस साथे आँऊ सच्चा प्यार करूऱ्या। 2 ओ मेरे प्यारे, मेरी ये प्रार्थना ए कि जिंयाँ तूँ आत्मिक तरक्की करने लगी रा, तिंयाँ ई तूँ सबी गल्ला रे तरक्की कर और ठीक-ठाक रओ। 3 कऊँकि जेबे पाईया आयी की तेरे तेस सच्चो री गवाई दित्ती, जेते पाँदे तूँ सच्ची चलेया, तो आँऊ बऊत ई खुश ऊआ। 4 माखे इजी ते बढी की ओर कोई खुशी निए कि आँऊ सुणूँ कि मेरे बाल-बच्चे सच्चो पाँदे चलोए। 5 ओ मेरे प्यारे, जो कुछ बी पले काम तूँ तिना पाईया साथे करेया, जो परदेशी बी ए, से विश्वासी ऊई की करेया कर। 6 तिने परदेशी लोके मण्डलिया सामणे तेरे प्यारो री गवाई दित्ती थी। जे तूँ तिना खे तिंयाँ बिदा करेगा, जिंयाँ परमेश्वरो रे लोका खे पला ए, तो अच्छा करेगा। 7 कऊँकि सेयो मसीह रे नाओं ते अच्छे काम करने खे निकली रे और दुजिया जातिया ते कुछ बी मताद नि लंदे। 8 इजी री खातर ऐड्या रा स्वागत करना चाईयो, ताकि आसे बी सच्चो रे पक्षो रे तिना साथे ओँऊ। 9 मैं मण्डलिया खे एतरे बारे रे चिट्ठी लिखी थी, पर दियुत्रिफेस जो तिना बीचे बडा बणना चाओआ, आसा खे नि मानदा। 10 तो जेबे आँऊ आँऊगा, तो तेसरे कामो री, जो से करने लगी रा, याद करवाणी कि से म्हारे बारे रे बुरी-बुरी गल्ला बकोआ। इजी पाँदे बी तसल्ली ना करी की आपू ई विश्वासी पाईया खे नि मानदा। जेबे मण्डली जो विश्वासी पाई बाअरा ते आओए, तिना खे मानणा चाओई, तिना खे बी मानणे ते ना करोआ और मण्डलिया ते निकयाली देओआ। 11 ओ मेरे प्यारे! बुराईया रे नि, पर पलाईया पीछे चलणे वाले बणो, जो पला करोआ, से परमेश्वरो री तरफा ते ए, पर जो बुराई करोआ, तिने परमेश्वर नि देखेया। 12 देमेत्रियुसो रे बारे रे सबी, बल्कि सच्चे बी आपू गवाई दित्ती और आसे बी गवाई देऊए और तूँ जाणेया कि म्हारी गवाई सच्ची ए। 13 मां ताखे बऊत कुछ लिखणा तो था, पर स्याईया और कलमा ते लिखणा नि चांदा। 14 पर माखे उम्मीद ए कि तां साथे चट ई मिलूँगा। तेबे आसा आमणे-सामणे गल्ल-बात करनी। ताखे शान्ति मिलदी रओ। एथो रे दोस्त ताखे नमस्कार बोलोए। तेथो रे दोस्ता खे नाओं लयी-लयी की नमस्कार बोली देणा।

યુહ્વદા

1 યે ચિઠ્પી માં યુહ્વદા રી તરફા તે એ। આંકું યીશુ મસીહ રા દાસ ઔર

યાકૂબો રા છોટા પાઈ એ। આંકું યે ચિઠ્પી તુસા લોકા ખે લિખ્યણે લગી રા જો પરમેશરે બુલાઈ રાખે। પિતા પરમેશર તુસા લોકા તે પ્યાર કરોઆ ઔર તુસા ખે યીશુ મસીહ રે સયી-સલામત રાખોઆ। 2 આંકું પ્રાર્થના કહુંઆ કિ દગ્યા, શાન્તિ ઔર પ્યાર તુસા ખે બક્ત જાડા મિલદા રઓ। 3 ઓ પ્યારેઓ, આંકું તુસા લોકા ખે તેસ ઉદ્ધરો રે બારે રે લિખ્યણે રી હર તરફ તે કોશિશ કરને લગી રા થા જિદે આસે સબ શામિલ એ જો પરમેશરો રી તરફ તે યીશુ મસીહ રે જરિએ આસા ખે મિલોઆ। પર એવે આંકું એસા ચિઠ્પિયા રે જરિએ તુસા લોકા ખે યે સમજયાણ જરૂરી સમજુંઆ તાકિ તુસે લોક મસીહ રે વિશ્વાસો રે બણે રેણે રે ઔર બી કઠણ કોશિશ કરો। પરમેશરે યે વિશ્વાસ એક ઈ બાર ઔર આપણે સબી લોકા ખે દેઈ રાખેયા ઔર યે બદલી નિ સકદા। 4 આંકું યે ચિઠ્પી તુસા ખે ઇઝી ખે લિખ્યણે લગી રા કહુંકિ કુછ લોક ચોરિએ જે આસા બીચે આયી કી મિલી ગે રે, જો યીશુ મસીહ રે વિશ્વાસ કરને રા દખાવા કરોએ। સેયો લોક બિના ભગ્નિ કરને વાલે એ ઔર ગલત તરીકે તે યે શિક્ષા દેઓએ કિ જેબે પરમેશરો આસે રે પાપ કૃપા કરી કી માફ કરી તે રે તો આસે બુરી જિન્દગી જિ સકુંપા। સેયો લોક યીશુ મસીહ ખે ના કરોએ જો આસા રા એક માત્ર સ્વામી ઔર પ્રભુ એ। પુરાણે બખતો તેઈ પવિત્ર શાસ્ત્રો રે લિખ્યી રાખેયા કિ પરમેશરો તિના લોકા ખે સજા દેણી। 5 આંકું તુસા ખે ઇઝી ગલ્લા રી યાદ દલાળા ચાકુંઆ, હાલોંકિ તુસે લોક એસા ગલ્લા ખે પઈલે તેઈ જાણોએ કિ પરમેશરો ઇસ્સાએલી લોકા ખે ગુલામિયા તે છુડાયા ઔર મિસ્ર દેશો તે બાઅરે લયી કી આયા, પર પરમેશરે બાદો તે તિના સબી લોકા ખે સુણસાણ જગા રે મારી તા કહુંકિ તિને લોકે તેસ પાંદી વિશ્વાસ નિ કિત્તેયા થા। 6 યે બી યાદ કરો કિ પરમેશરે કિંયા તિના સ્વર્ગદૂતા ખે સજા દિની જિને આપણે અક્કો રે પદો ખે બણાયા રા નિ રાખેયા પર ઇઝી રી બજાએ આપણે દિતે રે પદ ઔર આપણી જગા છાડી તી। પરમેશરો ઇના દૂતા ખે હુનેરો કુણ્ડો રે પાઈ કી જંજીરા સાથે બાની તા તાકિ કોઈ બી તિના ખે તેસ ભીષણ દિનો રે ન્યાય તે બચાઈ નિ સકો। (aiōnios g126) 7 તિંયાં ઈ સદોમ, ગમોરા ઔર તિંજી સાથલે ઓરલે-પોરલે નગર બી, જો ઇના જેડે વ્યાભિચારી ઊર્ધ્વે થે ઔર પરાયે શરીરો પિંઢે લગી ગે થે। પરમેશરો તિના નગરા રા આગી રે જરિએ સત્યાનાશ કરી તા ઔર યે આસા ખે પરમેશરો રે ન્યાય રી અનન્ત આગી રે બારે રે ચેતાવણી દેઓાઓ। (aiōnios g166) 8 ઇઝી ઈ વિશ્વાસો રા દખાવા કરને વાલે લોક યે દાવા કરોએ કિ પરમેશરો તિના ખે દર્શણો રે પ્રકટ કરી રાખેયા કિ સેયો લોક આપણે શરીરો ખે ગન્દે કામ કરી કિ અશુદ્ધ કરોએ। સેયો લોક પરમેશરો રે અક્કો ખે તુચ્છ જાણોએ ઔર તેજોમય સ્વર્ગિય પ્રાણિયા ખે પલા-બુરા બોલોએ। 9 પર એથો તક કિ મીકાઈલ જો પરમેશરો રે પ્રદાન સ્વર્ગદૂતા બીચા તે એક એ તિને ઇના વિશ્વાસો રા દખાવા કરને વાલે લોકા જેડા નિ કિત્તેયા। જેબે મીકાઈલે શૈતાનો સાથે ભવિષ્યબક્તા મૂસે રી લોથા રે બારે રે બર્ઝિસ કિંતી,

તો તેસખે પલા-બુરા બોલી કી દોષ લગાણે રી ઇમ્મત નિ કિરીની। પર સિર્ફ ઇતણા ઈ બોલેયા, “પ્રભુ તાખે બકો!” 10 પર યો લોક જિના ગલ્લા ખે નિ જાણદે, તિના ખે પલા-બુરા બોલોએ, પર જિના ગલ્લા ખે નાસમજ ડાગા જેડે સબાઓ તેઈ જાણોએ, તિના રે આપણે-અપૂ ખે પાપ કરને રે જરિએ નાશ કરોએ। 11 ધિક્કાર એ તિના પાંદી, સેયો આદમો રે પાઊ કૈનો જેડે બુરી ચાલ ચલે, જિને આપણા છોટા પાઈ કાયા થા। તિને લોકે બિલામો જેડી સેઈ ગલતી કિંતી જિને પैસેયા રે લાલોચો ખે પરમેશરોને રે લોકા ખે પાપ કરને ખે પ્રેરિત કિરેયા થા। સેયો લોક કોહો જેડે નાશ ઈ જાણે જિને મૂસા રા બરોદ કિત્તેયા થા। 12 જિયાં સમુદ્રો રે લુકી રી ચદ્દાન કરિસ્તિયા ખે ખતરનાક ઓઈ તિંયાં ઈ સેયો વિશ્વાસો રા દખાવા કરને વાલે લોક તુસા ખે ખતરનાક એ, જો પ્યારો રી પાદ્ધિયા રે તુસા સાથે વિશ્વાસિયા રે રૂપો રે સાજા કરોએ। સેયો લોક તેસ બેશ્રમ રખવાને જેડે એ, જો સિફ આપણી ઈ દેખપાલ કરોઆ। સેયો લોક બિના પાણિએ રે બાદલો જેડે એ, જિના ખે અવા ઉડાઈ કી લયી જાଓઈએ। સેયો લોક પદજાડો રે બિના ફલો રે ડાલા જેડે એ, જો દો બાર મરી ચુકી રે ઔર જડી તે પદ્ધી ગે રે। 13 સેયો વિશ્વાસો રા દખાવા કરને વાલે લોક સમુદ્રો રી પ્રચણ લર્ડા જેડે એ, જો આપણી ગન્દગી ચાગો જેડી ઉછાલોઈયા, તિંયાં ઈ સેયો લોક આપણી શર્મા રા કામ કરોએ। સેયો લોક બાટા તે પટકે રે તારે જેડે એ, જિના ખે સદા કાલો ખે અન્દકુપ નેરા રાખી રાખેયા। (aiōn g165) 14 હોનેકે બી જો આદમો તે સાતી પીંડિયા રે થા, ઇના લોકા રે બારે રે યે બોલદે ઊએ ભવિષ્યબાળી કિંતી, “દેખ, પ્રભુ આપણે લાખો પવિત્ર સ્વર્ગદૂતા સાથે આયા, 15 કિ સબી રા ન્યાય કરો ઔર દુષ્ટ લોકા ખે જો બુરે કામ તિને બુરાઈયા તે કરી રાખે ઔર દુષ્ટ પાપિયા ખે જિને પરમેશરો રે બિરોદો રે બુરે શબ્દા રા ઇસ્ટેમાલ કરી રાખેયા, દોષી ઠરાઓ!” 16 સેયો વિશ્વાસો રા દખાવા કરને વાલે લોક સદા પરમેશરો રે બિરોદો રે બુરિયા ગલ્લા કરોએ ઔર આંરે લોકા દે ગલતી ટોલદે રોએ। સેયો આપણી ઈ ઇચ્છા તે લગતાર બુરે કામ કરના ચાઓએ। સેયો લોક આપણે ફાઇદે ખે મું દેખી કી તારીફ કરોએ। 17 પર ઓ મેરે પ્યારેઓ, તુસે ઇના ગલ્લા ખે યાદ રાખો, જો મ્હારે પ્રભુ યીશુ મસીહ રે પ્રેરિત પઈલે બોલી ચુકે રે। 18 સેયો તુસા ખે બોલેયા કરો થે, “આખરી દિનો રે એડા મજાક કરને વાલે ઊણે, જો આપણી અભક્તિયા રી ઇચ્છા રે મુતાબિક ચલાળે!” 19 યે સેયો લોક એ, જો તુસા બીચે ફૂટ પાઓએ। સેયો દુનિયા રી બુરી ઇચ્છા રે વશો રે એ ઔર પરમેશરો રા આત્મા તિના રે નિએ। 20 પર ઓ મેરે પ્યારેઓ, તુસે આપણે બક્ત પત્ર વિત્ર વિશ્વાસો રે તરકિકયા ખે એકી દૂજે રી મતાદ કરદે રઓ। તુસે લોક પવિત્ર આત્મા રી સામર્થ્ય રી અગુવાઈયા રે પ્રાર્થના કરદે રઓ। 21 તુસે લોક અનન્ત કાલો રે જીવનો ખે મ્હારે પ્રભુ યીશુ મસીહ રી દયા રી ઉમ્મીદા તે ઇન્તજાર કરદે ઊએ આપણે આપૂ ખે પરમેશરો રે પ્યારો રે બણાએ રે રાખો। (aiōnios g166) 22 તિના લોકા પાંદી દયા કરો જિના રા વિશ્વાસ મજબૂત નિએ। 23 ઓરી ખે ન્યાય રી આગી બીચે લમખી કી નિક્યાલો બક્ત સારે એડે લોક એ જિના પાંદી જરૂર દયા કરો, પર બક્ત ઈ સાવધાનિયા સાથે એડા કરો। તુસે તિના લોકા રે ટાલેયા તે બી નફરત

करो जो शरीरो रे जरिए कलंकित ऊँझीं रे। 24 सिर्फ परमेश्वर ई एवे तुसा
खे ठोकर खाणे ते बचाई सकोआ और आपणी महिमा री भरपूरिया रे
सामणे, मग्न और निर्दोष करी की खड़ा करी सकोआ। 25 तिने म्हारा
यीशु मसीह रे जरिए उद्धार करी राखेया। तेसी एक मात्र परमेश्वरो री
महिमा, गौरव, पराक्रम और अवक सनातन कालो ते, एवे बी ओ और
जुगो-जुगो तक रओ। आमीन्। (aiōn g165)

प्रकाशित वाक्य

१ ये प्रकशितवाक्य यीशु मसीह री तरफा ते ए, जो परमेशरे तिना पाँदे

इजी खे प्रकट कित्तेया कि से आपणे दासा खे तिना गल्ला, जिना रा चट ऊणा जरूरी ए, दख्खाओ। मसीहे आपणा स्वर्गदूत पेजी की तेसरे जरिए ये प्रकाशन आपणे दास यूहन्ने खे बताया। २ यूहन्ने सेयो सब गल्ला लिखिया जो तिने देखिया थिया मतलब परमेशरो री तरफा ते दितेया रा संदेश और से सब कुछ जो यीशु मसीहे बोलेया था। ३ थन्य ए से, जो एसा भविष्यवाणिया रे वचना खे पढोआ और सेयो बी जो इना वचना खे सुणोए और इदे लिखी रिया गल्ला खे मानोए, कँकिं बखत नेढे आयी रा। ४ ये चिट्ठी मां यूहन्ने री तरफा ते ए। आँऊ ये चिट्ठी आसिया प्रदेशो री सातो मण्डलिया खे लिखणे लगी रा। आँऊ प्रार्थना करूँआ कि तुसा सबी लोका खे परमेशरो री तरफा ते जो आए और जो था और जो आऊणे वाला ए कृपा और शान्ति मिलदी रओ। तिना सातो आत्मा री तरफा ते, जो परमेशरो रे सिंहासने रे सामणे ए, तुसा खे कृपा और शान्ति मिलदी रओ। ५ यीशु मसीह री तरफा ते बी तुसा सबी लोका खे जो विश्वासो जोगे गवा ए, कृपा और शान्ति मिलदी रओ। यीशु मसीह मरे रेया बीचा ते जिँऊँदे ऊणे वालेया रे जेठा ए और से तरतिया रे राजेया रा हाकिम ए। से आसा साथे प्यार राखोआ और तिने आपणे खूने रे जरिए आसे पापो ते छुडाए। ६ यीशुए ई आसे आपणे पिता परमेशरो खे पुरोईता रा राजवंश बणाईते। तेसरी महिमा और पराक्रम जुगो-जुगो तक रओ। आमीन्। (aiōn g165) ७ देखो, से बादलो साथे आऊणे वाला ए और हर एकी आखी से देखणा, बल्कि जिने से ऊजेया था, तिना बी से देखणा और तरतिया रे सारे कुला तेसरी बजअ ते जोरे-जोरे की रोणा। आ, ये ऊणा। आमीन्। ८ प्रभु परमेशर ये बोलोआ, “आँऊ ई पईला और आखीरी ए, मतलब से जो आए और जो था और जो आऊणे वाला ए और जो सर्वशक्तिमान् ए।” ९ आँऊ यूहन्ना जो तुसा रा साथी विश्वासी पाई और यीशुए खे क्लेश सर्झणे और परमेशरो रे राज्य रे और सब्बो रे तुसा रा साथी ए। आँऊ परमेशरो रे वचन और यीशुए री गवाईया री बजअ ते रोमी अगुवो रे जरिए कैदिया रे रूपो रे पतमुस नाओं रे टापूओ रे पेजी ता था। १० प्रभुए रे दिने मतलब जेस दिने विश्वासी लोक आराधना करने खे कट्टे ओए आँऊ तेस दिने पवित्र आत्मा ते परी गा और अचाणक मैं आपणे पीछे तुरहिया जेडी जोरो री आवाज सुणी। ११ तिने बोलेया, “जो कुछ तूँ देखेया तिजी खे कताबा रे लिखी की सातो नगरो री मण्डलिया गे पेजी दे; मतलब इफिसुस, स्मुरणा, पिरगमुन, थुआतीरा, सरदीस, फिलदिलफिया और लौटीकिया खे पेजी दे।” १२ तेबे मैं तेसखे जो मां साथे बोलणे लगी रा था देखणे खे आपणा मूँ फेरेया और पीछे कूमी की मैं सात दिऊए देखे। १३ तिना दिऊएया बीचे माणूँ रे पुपो जेडा एक मर्द देखेया। से पैरा तक टाले पड्ने रे था और तिने छातिया पाँदे सुईन रा पटका बानेया रा था। १४ तेसरा सिर और बाल चिट्ठिया ऊना जेडे थे, बल्कि पाले जेडे चमकणे लगी रे थे

और तेसरिया आखी आगी री लुपिया जेडिया थिया। १५ तेसरे पैर खरे पीतलो जेडे थे मानो आगी री पट्टिया रे तपाई राखे और तेसरी आवाज मुखते पाणिए री छेडा जेडी थी। १६ तिने आपणे दाँणे आथो रे सात तारे लयी राखे थे और तेसरे मुंओ ते पईनी दोरी तलवार निकलने लगी री थी। तेसरा मूँ एडा चमकणे लगी रा था जेडा सूरज कँडक तूपा पाँदे चमकोआ। १७ जेबे मैं से देखेया तो आँऊ तेसरे पईरा पाँदे मरेया रा जा पडी गा। तेबे तिने मां पाँदे आपणा दाँणा आथ राखी की ये बोलेया, “दर नि, आँऊ पईला और आखीरी ए। १८ आँऊ सेर्ईए जो जिन्दगी देओआ। आँऊ मरी गा था और एबे देख, आँऊ जुगो-जुगो तक जिँऊँदा ए। मांगे ई मौत और नरको रिया कुँजियाँ ए। (aiōn g165, Hades g86) १९ “इजी खे जो गल्ला तैं देखिया और जो गल्ला उणे लगी रिया और जो इजी ते बाद उणे वालिया ए, तिना सबी लिखी लो। २० तिना सातो तरिया रा पेत जो तैं मेरे दाँणे आथो रे देखे थे और तिना सात सुईने रे दिऊएया रा पेत ये ए: सेयो सात तारे, सातो मण्डलिया रे स्वर्गदूत ए और सेयो सात दिऊए सात मण्डलिया ए।”

२ तिने माखे ये बी बोलेया, “इफिसुस नगरो री मण्डलिया रे स्वर्गदूतो

खे ये संदेश लिख: आँऊ सेर्ईए जिने सातो तारे आपणे दाँणे आथो रे लयी राखे और सुईने रे साता दिऊएया बीचे चलो फिरोआ। आँऊ ताखे जो बोलूँआ से सुण: २ आँऊ तेरे काम, परिश्रम और तेरा सब्र जाणूँआ। आँऊ ए बी जाणूँआ कि तूँ चुरे लोका खे देखी नि सकदा। तैं सेयो लोक परखी की चूँठे पाए जो आपणे आपू खे प्रेरित ऊणे रा दखावा करोए। ३ तूँ सब्र करोआ और मेरे नाओं री तंदी दुःख सईद्वे-सईदे थकदा नि। ४ पर मां तेरे खलाफ ये बोलणा कि तैं आपणा पईलका जेडा प्यार छाडीता रा। ५ याद करो कि तुसे केथा ते केथी आई की रुडी रे। इजी खे मन फेर और पईले जेडे काम कर। जे तूँ आपणा मन नि बदलेगा तो मां तांगे आयी की तेरे दिऊए तेते जगा ते टाई देणे। ६ पर आहो, तांदे ये अच्छी गल्ल तो आयी की तूँ नीकुलडियों रे कामा ते कृष्ण करेया, जिना ते आँऊ बी कृष्ण करूँआ। ७ जो समजी सकोआ से तिजी खे त्यागो साथे सुणो और मानी बी लओ कि परमेशरो रा आत्मा मण्डलिया खे क्या बोलणे लगी रा। जो जीती जाणे, मां तेसखे तेस जीवनो रे डालो बीचा ते जो परमेशरो रे स्वर्गलोको रे ए, फल खाणे खे देणे। ८ “स्मुरणा नगरो री मण्डलिया रे स्वर्गदूतो खे ये संदेश लिख: आँऊ सेर्ईए जो पईला और आखीरी ए और जो मरी गा था पर एबे जिँऊँदा ए। आँऊ ताखे जो बोलूँआ से सुण: ९ आँऊ तेरे क्लेश और गरीबी जाणूँआ पर तूँ अमीर ए और जो लोक आपणे आपू खे यहूदी बोलोए और आए नि, पर शैतानो री सभा ए, तिना री निन्दा खे बी जाणूँआ। १० जो दुःख ता खे सईन करने पड्ने, तिना ते नि डर। कँकिं देखो, शैतान तुसा बीचा ते कईया खे जेला रे पाणा चाओआ, ताकि तुसे परखे जाओ और तुसा खे दसा दिना तक क्लेश सईन करना पडो। प्राण देणे तक विश्वासी रओ, तो मां ताखे जीवनो रा मुकट देणा। ११ जो समजी सकोआ से तिजी खे त्यागो साथे सुणो और मानी बी लओ कि परमेशरो रा आत्मा मण्डलिया खे

क्या बोलणे लगी रा। जो जीती जाएं, सेयो दूजी बार कर्दी नि मरने। 12 “पिरगुन नगरो री मण्डलिया रे स्वर्गदूतो खे ये संदेश लिखः आँऊ सेईए जेसगे देरी और पैनी तलवार ए। आँऊ ताखे जो बोलूँआ से सुणः 13 आँऊ ए तो जाणूँआ कि तूँ तेती रएया जेती शैतानो रा सिंहासन ए। फेर बी तूँ मेरे नाओं पाँदे खड़ा रएया। तूँ मां पाँदे विश्वास करने ते बी तिना दिना रे बी पीछे नि आटेया, जिना रे मेरा विश्वासो जोगा गवा अन्निपास तुसा बीचे तेते जगा रे काया, जेती शैतान रओआ। 14 पर मां तेरे खलाफ कुछ गल्ला बोलणिया ए, कऊँकि तांगे कई जगे तो एड़े ए, जो बिलामो री शिक्षा खे मानोए, जिने बालाको खे इसाएलिया रे आगे ठोकरा री बजअ ऊणा सिखाया, ताकि सेयो मूर्तिया पाँदे बलिदान कित्ती री चीजा खाओ और व्याभिचार करो। 15 ईँयाँ ई तेरे एती कई एड़े जो नीकुलईयों री शिक्षा खे मानोए। 16 तेबे मन फिरा! नई तो मां तांगे फटाफट आयी की आपणे मुंओ री तलवारे की जो मेरा वचन ए तिना लोका रे खलाफ लड़ना। 17 जो समजी सकोआ से तिजी खे त्यानो साथे सुणो और मानी बी लओ कि परमेश्वरो रा आत्मा मण्डलिया खे क्या बोलणे लगी रा। जो जीती जाणा, तेसखे आँऊ गुप्त मन्ने ते देऊँगा। तेसखे एक चीट्टा पात्थर बी देऊँगा और तेस पात्थरो पाँदे एक नाओं लिखेया रा ऊणा, जो तेस पापे वाले रे सिवाए कोई नि जाणी सकणा। 18 “थुआतीरा नगरो रिया मण्डलिया रे स्वर्गदूतो खे ये संदेश लिखः मां परमेश्वरो रे पुत्र जेसरिया आखी आगी री लुपिया जेडिया ए और जेसरे पैर खरे पीतलो जेडे ए। आँऊ ताखे जो बोलूँआ से सुणः 19 आँऊ तेरे काम, तेरा प्यार, विश्वास, धीरज और सेवा खे जाणूँआ और ये बी जाणूँआ कि तेरे एबुए रे काम पईलकेया कामा ते बड़ी की ए। 20 पर मां तेरे खलाफ कुछ बोलणा कि तूँ तेसा जवाणसा इजेबेला खे रणी देओआ, जो आपणे आपू खे भविष्यबक्तणी खोलोई। से मेरे दासा खे व्याभिचार करने खे और मूर्तिया रे सामणे बलि कित्ती रिया चीजा खाणा सिखाई की भरमाओ ई। 21 मैं तेसा खे मन फिराणे रा मौका दितेया पर से आपणे व्याभिचारो ते मन फेरना नि चाँदी। 22 देख, आँऊ तेसा खे बमारिया री शैया रे पाँऊँआ और जो तेसा साथे व्याभिचार करोए, जे सेयो बी तेसा जेडे कामो ते मन नि फेरेगे तो मां सेयो बड़े क्लेशो रे पाई देगे। 23 मां तेसा रे सरे बालक काई देणे। तेबे सारी मण्डलिया जाणी लणा कि दिल और मनो रा परखणे वाला आँऊ ई और मां तुसा सबी जणेया खे तुसा रे कामो रे मुताबिक बदला देणा। 24 पर तुसे थुआतीरा नगरो रे बाकि लोका ते जितणे एसा शिक्षा खे नि मानदे और जिना गल्ला खे शैतानो रिया गईरिया गल्ला बोलोए, जाणदे नि, आँऊ ये बोलूँआ कि मां तुसा पाँदे और बोज नि पाणा। 25 पर आ, जो तुसा गे ए, तिजी खे मेरे आउणे तक सम्बाली की राखो। 26 जो जीती जाणे और मेरे मुताबिक आखरी तक काम करदा रओगा, मां तेसखे जातिया-जातिया रे लोका पाँदे अक्क देणा। 27 और तेस लोए रा राजदण्ड लयी की तिना पाँदे राज करना और जियाँ कुम्हरो रे माटिया रे पांडे टुटी जाओए, मैं बी एड़ा ई अक्क आपणे पिते ते पाई राखेया 28 और मां

तेसखे प्याणु तारा देणा। 29 जो समजी सकोआ से तिजी खे त्यानो साथे सुणो और मानी बी लओ कि परमेश्वरो रा आत्मा मण्डलिया खे क्या बोलणे लगी रा।”

3 “सरदीस नगरो री मण्डलिया रे स्वर्गदूतो खे ये संदेश लिखः आँऊ

से ए जेसगे परमेश्वरो रिया सात आत्मा ए और सात तारे ए। से ये बोलोआ कि आँऊ तेरे कामा खे जाणूँआ, तूँ जिउँदा तो लगोआ, पर अया मरेया रा। 2 इजी खे सावधान ऊई जाओ और तुसा दे जो कुछ बाकि ए, से बी मेरे रेया जेडा ए। तिदे नई जिन्दगिया री शुरुआत करो। कऊँकि मैं तेरे कोई बी काम आपणे परमेश्वरो रे नेडे पूरे नि पाये। 3 तेबे याद कर कि तैं केड़ी शिक्षा पाई राखी और सुणी थी और तिदे बणेया रा रओ और मन फिराई दे। पर जे तूँ जागदा नि रएगा तो आँऊ चोरो जेडा आयी जाणा और तां कदी पनि जाणी सकणा कि मां केस बखते तां पाँदे आयी की पड़ी जाणा। 4 पर आ, सरदीस नगरो री मण्डलिया रे कुछ एड़े लोक ए जिने आपणे-आपणे टाले अशुद्ध नि कित्ते। सेयो सफेद टाले पईनी की मां साथे कूमणे, कऊँकि सेयो एते जोगे आये। 5 जो जीती जाणे, तिना खे सफेद टाले पणयाए जाणे और मां तिना रा नाओं जीवनो रिया कताबा ते कदी पनि मट्याणा, पर तेसरा नाओं आपणे पिते रे और तेसरे स्वर्गदूता सामणे मानी लणा। 6 जो समजी सकोआ से तिजी खे त्यानो साथे सुणो और मानी बी लओ कि परमेश्वरो रा आत्मा मण्डलिया खे क्या बोलणे लगी रा। 7 “फिलदिलफिया नगरो री मण्डलिया रे स्वर्गदूतो खे एड़ा संदेश लिखः आँऊ से ए जो पवित्र और सच्चा ए और जेसगे दाऊदो रिया कुँजियाँ ए। से जो कुछ बी खोलोआ, तेस खोले रे खे कोई बंद नि करी सकदा और से जो कुछ बी बंद करोआ तेस बंद कित्ते रे खे कोई खोली नि सकदा। आँऊ ताखे जो बोलूँआ से सुणः 8 आँऊ तेरे कामो खे जाणूँआ, देख, मैं तां सामणे एक द्वार खोली राखेया, जेतेखे कोई बंद नि करी सकदा। आँऊ ये बी जाणूँआ कि तेरी सामर्थ थोड़ी जी तो आए फेर बी तैं मेरे वचन मानी राखे और मेरे नाओं खे नि किती। 9 देख, मां शैतानो रे सेयो सभा वाले तेरे वशो रे करी देणे, जो यहूदी बणी बैठी रे, पर आए नि, बलिक चूँठ बोलोए। देख, मां एड़ा करना कि तिना आयी की तेरे पैरा पाँद माथा टेकणा और तिना ये जाणी लणा कि मैं तांते प्यार राखी राखेया। 10 तैं मेरा वचन मानेया और सबो साथे दुःख सईन कितोया। तेबेई मां बी तूँ परीक्षा रे तेस बखते बचाई की राखणा, जो तरतिया पाँद रणे वालेया खे, परखणे खे, सारे दुनिया रे आऊणे वाला ए। 11 आँऊ फटाफट ई आऊणे वाला ए। जो कुछ तुसा गे ए, तेस पकड़ी की राख कि कोई तेरा मुक्त छुड़ाई नि लओ। 12 जो जीती जाणे, से मां आपणे परमेश्वरो रे मन्दरो रे खम्बा बनाणे। से फेर कदी बरे नि निकलने। मां आपणे परमेश्वरो रा नाओं और आपणे परमेश्वरो रे नगर, मतलब-नये यस्तश्लेमो रे नाओं, जो मेरे परमेश्वरो गे ते स्वर्गो ते उतरने वाला ए और आपणा नया नाओं तेस पाँद लिखणा। 13 जो समजी सकोआ से तिजी खे त्यानो साथे सुणो और मानी बी लओ कि परमेश्वरो रा आत्मा मण्डलिया खे क्या बोलणे लगी रा। 14 “लौदीकिया नगरो री

मण्डलिया रे स्वर्गदूतो खे ये संदेश लिखः आँऊ से ए जो आमीन् और विश्वासो जोगा और सच्चा गवा ए और परमेश्वरो री सृष्टिया री मूल बजअ ए। आँऊ ताखे जो बोलूँआ से सुणः 15 आँऊ तेरे कामो खे जाणूँआ कि तूँ ना तो ठण्डा ए और ना गर्म, पला ऊँदा कि तूँ ठण्डा या गर्म ऊँदा। 16 पर तूँ सिर्फ गुलमुला ए। तूँ ना ठण्डा ए और ना गर्म ए, तेरेई आँऊ ताखे आपणे मुंओ ते उगलने वाला ए। 17 तूँ जो बोलेया कि आँऊ अमीर ए और पैसे वाला ऊर्झा रा और माखे किंजी चीजा री कमी निए। पर ये नि जाणदा कि तूँ नबाग, तुच्छ, कंगाल, अन्दा और नांगा ए। 18 इंजी री खातर आँऊ ताखे सला देक्हँआ कि आगी रे तपाया रा सुर्द्धना माते मोले लओ कि तूँ अमीर ऊई जाए और सफेद टाले लयी लो कि पईनी की ताखे आपणे नांगे ऊणे री शर्म नि ओ और आपणी आखी रे लभागे खे काजल लओ कि तूँ देखणे लगो। 19 आँऊ जिना-जिना खे प्यार कँहँआ, तिना सबी खे लवामे और ताड़ना देक्हँआ। इंजी री खातर जोशीला ओ, और मन फेर। 20 देख, आँऊ द्वारा पाँदे खड़ेया रा खटखटाऊँआ। जे कोई मेरा शब्द सुणी की द्वार खोलोगा, तो मां तेस साथे पीतरे आयी की रोटी खाणी और तेस मां साथे खाणी। 21 जो जीती जाणे, मां सेयो आपू साथे आपणे सिंहासनो पाँदे बठालने, जेडा आँऊ बी जय पायी की आपणे पिते साथे तेसरे सिंहासनो पाँदे बैठी गा। 22 जो समजी सकोआ से तिजी खे त्यानो साथे सुणो और मानी बी लओ कि परमेश्वरो रा आत्मा मण्डलिया खे क्या बोलणे लगी रा।”

4 इना सबी गल्ला खे देखणे ते बाद जेबे मैं नजर दित्ती, तो क्या देखूँआ कि स्वर्गो रे एक द्वार खुले राए। तेबे तुरहिया री आवाजा जेडा मैं से शब्द सुणेया जो मैं पईले बी सुणेया था। तिने माखे बोलेया, “एती ऊबे आईजा और मां सेयो गल्ला ताखे दखाणियां, जिना रा इना गल्ला ते बाद पूरा ऊणा जरूरी ए।” 2 आँऊ तेरुई पवित्र आत्मा ते परी गा। मैं स्वर्गो रे एक सिंहासन देखेया और तेस सिंहासनो पाँदे कोई बैठी रा था। 3 जो तेस सिंहासनो पाँदे बैठी रा था से यशबो और माणिक्य रा जा दखाई देओ था। तेस सिंहासनो रे चक्के कनारिये मरकतो रा जा मैथधनुष दखाई देओ था। 4 मैं तेस सिंहासनो रे चक्के कनारे चक्कबी और सिंहासन देखे। इना सिंहासना पाँदे चक्कबी बुजुर्ग सफेद टाले पईनी की बैठी रे थे और इना रे सिरो पाँदे सुर्द्धने रे मुकट थे। 5 तेस सिंहासनो ते बिजली और गिड़ना निकलने लगी रा था। सिंहासनो रे सामणे सात दिऊ रे बलने लगी रे थे। यो परमेश्वरो रिया सात आत्मा ए। 6 तेस सिंहासनो सामणे मानो बिल्लौरा जेडा काँचो जेडा समुद्र था। सिंहासनो बीचे और सिंहासनो रे चक्के कनारे चार प्राणी थे, जिना रे आगे पीछे आखी ई आखी थिया। 7 पईला प्राणी शेरो जेडा था और दूजे प्राणिये रा मूँ बलादा जेडा था, तीजे प्राणिये रा मूँ माणूए जेडा था और चौथा प्राणी उड़दे ऊए उकाबो जेडा था। 8 और चारो प्राणिया रे छे-छे पंख थे। चक्के कनारे और पीतरे आखी ई आखी थिया और सेयो दिन-रात बिना आराम किते ये बोलदे रओ थे, “पवित्र, पवित्र, पवित्र प्रभु परमेश्वर, सर्वशक्तिमान्, जो था और जो आए और जो आऊणे वाला ए।” 9 जेबे सेयो प्राणी तेसरी जो सिंहासनो

पाँदे बैठी रा था और जो जुगो-जुगो तक जिऊँदा ए, महिमा और आदर और धन्यवाद करोगे, (aiōn g165) 10 तेबे चक्कबी बुजुर्ग सिंहासनो पाँदे बैठणे वाले रे सामणे रुडी जाणे और तेसगे, जो जुगो-जुगो तक जिऊँदा ए, माथा टेकणा और आपणा-आपणा मुकट सिंहासनो सामणे ये बोलदे ऊए राखणा, (aiōn g165) 11 “ओ म्हारे प्रभु और परमेश्वर, तूँ ई महिमा और आदर और सामर्थ्यो जोगा ए, कँकिंते तैं ई सारिया चीजा बणाईया और सेयो तेरी ई इच्छा ते थिया और बणाईया गईया।”

5 तेबे मैं तेसरे दाँणे आथो रे एक कताब देखी, जो सिंहासनो पाँदे बैठी रा था। से कताब पीतरा-बारा ते लिखी री थी और तिजी खे सात मुहरा लगाई की बंद करी राखेया था। 2 तेबे मैं एक तागतबर स्वर्गदूत देखेया, जो जोरे की ये प्रचार करो था कि, “एसा कताबा खे खोलणे और इंजी री मुहरा खे तोड़ने जोगा कुण ए?” 3 पर ना स्वर्गो रे, ना तरतिया पाँदे, ना तरतिया ते थाले कोई तेसा कताबा खे खोलणे या तिजी पाँदे नजर पाणे जोगा निकलेया कि तिदे क्या लिखी राखेया। 4 तेबे मेरिया आखी ते आसू निकलने लगे, कँकिंते तेसा कताबा के खोलणे या तिजी पाँदे नजर पाणे जोगा कोई नि मिलेया। 5 तेबे तिना बुजुर्ग बीचा ते एकी जेणे माखे बोलेया, “रोओ नि, देख, यहूदो रे गोत्रो रा से शेर, दाऊदो वंशो रा मूल जयवंत ऊई रा। सेरई एसा कताबा खे खोलणे और इना सात मुहरा खे तोड़ने जोगा ए।” 6 तेबे मैं तेस सिंहासनो गे चारो प्राणिया और तिना बुजुर्ग बीचे एक मिन्टू खड़ेया रा देखेया। से मानो फाटेया रा मिन्टू था। तेसरे सात सींग और सात आखी थिया, यो परमेश्वरो रिया सात आत्मा ए, जो परमेश्वरो सारी तरतिया रे पेंजी राखिया। 7 तिने मिन्टूए आगे आयी की जो सिंहासनो पाँदे बैठेया रा था, तेसरे दाँणे आथो ते से कताब लयी ली, 8 और जेबे तिने कताब लयी ली, तेबे सेयो चारो प्राणी और चक्कबी बुजुर्ग, तेस मिन्टूए रे सामणे माथा टेकणे खे चुकी गे। हर एकी रे आथो रे बीणा और तूपे की फरे रे सुर्द्धने रे कटोरे थे, ये तो परमेश्वरो रे लोका रिया प्रार्थना ए। 9 तेबे सेयो ये नया गाणा गाणे लगे, “तूँ एसा कताबा खे लगे और इंजी रिया मुहरा खे खोलणे जोगा ए, कँकिंते तैं फाटी की आपणे खूने की हर एक कुल, पाषा, लोक और जातिया बीचा ते परमेश्वरो खे लोक मोले लयी राखे। 10 और तिना खे म्हारे परमेश्वरो खे एक राज्य और पुरोईत बणाया और सेयो तरतिया पाँदे राज करोए।” 11 तेबे मैं फेर देखेया, और तेस सिंहासनो, तिना प्राणिया और तिना बुजुर्ग रे चक्के कनारे ते बक्त ते सरे स्वर्गदूता रा शब्द सुणेया, जिना री गिणती लाखो और करोड़ा रे थी, 12 और सेयो जोरे-जोरे की बोलो थे, “फाटेया रा मिन्टू ई सामर्थ, पैसा, ज्ञान, शक्ति, आदर, महिमा और तारीफा जोगा ए।” 13 तेबे मैं स्वर्गो रे, तरतिया पाँदे, तरतिया ते थाले, समुद्रो रिया सब बणाई रिया चीजा खे सब कुछ जो तिना रे ए, ये बोलदे ऊए सुणेया, “जो सिंहासनो पाँदे बैठी रा, तेसरा और मिन्टूए रा धन्यवाद और आदर, महिमा और राज्य जुगो-जुगो तक

रओ।” (aiōn g165) 14 तेबे चारों प्राणिये “आमीन्” बोलेया और बुजुर्ग चुकी की माथा टेकेया।

6 तेबे मैं देखेया कि मिन्टूए तिना सात मुहरा बीचा ते एक खोली और दिशेया और तेस पाँदे जो सवार था, तिने धनुष लयी राखेया था। तेसखे एक मुकट दितेया और से स्वर्गो ते तरतिया री तरफा खे एक जितणे वाले जेडा और बी जय पापे खे निकलेया। 3 जेबे मिन्टूए दूजी मुहर खोली, तो तेबे मैं दूजा प्राणी ये बोलदे ऊआ देखेया जो आगी जेडा लाली रंगो रा था। तेसरे सवारो खे ये अकक दितेया कि तरतिया पाँदा ते मेल-जोल चकी दे, ताकि लोक एकी-दूजे खे फाटो और तेसखे एक बड़ी तलवार दिती। 5 जेबे मिन्टूए तीजी मुहर खोली, तो तेबे मैं तीजा प्राणी ये बोलदे ऊए सुणेया, “आओ।” तेबे मैं तेती एक ओर कोड़ा निकलदा ऊआ देखेया जो काले रंगो रा था। तेस सवारो रे आथो रे एक ताकड़ी थी। 6 तेबे मैं तिना चारों प्राणिया बीचा ते एक शब्द ये बोलदे ऊए सुणेया, “एकी दिनो री मजदूरिया री सेर परी कणक और एकी दिनो री मजदूरिया री तीन सेर जौ, पर तेल और अँगूरा रे रसो रा नुकशाण नि करना।” 7 जेबे मिन्टूए चौथी मुहर खोली, तो तेबे मैं चौथे प्राणिये रा शब्द ये बोलदे ऊए सुणेया, “आओ।” 8 तेबे मैं तेती एक ओर कोड़ा निकलदा ऊआ देखेया, जो तोते रे रंगो जेडा था। तेसरे सवारो रा नाअो मौत ए और नरक तेस पीछे-पीछे आठउणो लाली रा था। तिना खे ये अकक दितेया कि तलवार, काल, मरी और तरतिया रे बणो रे डांगरा रे जरिए लोका खे काआ। (Hadēs g86) 9 जेबे मिन्टूए पांजी मुहर खोली, तो तेबे मैं बेदिया ते निठे तिना लोका रे प्राण देखे, जो परमेशरो रे वचनो रा प्रचार करने री बजअ ते और तेसा गवाईया री बजअ ते कि यीश आसा रा प्रभु ए, जो तिने लोके दिती थी, फाटी ते थे। 10 तिने लोके परमेशरो खे जोर-जोरे की आकका पायी की बोलेया, “ओ स्वामी तूँ पवित्र और विश्वासो जोगा ए! तां कुदुओ तक न्याय नि करना और तरतिया पाँदे रणे वालेया ते म्हारे खूनो रा बदला कदुओ तक नि लाणा?” 11 तेबे तिना बीचा ते हर एकी खे सफेद टाले दिसे और तिना खे बोलेया, “थोड़ी देर आराम करो, जदुओ तक कि तुसा साथले दास और विश्वासी पाई, जो तुसा जेडे फाटणे वाले ए, तिना री बी गिणती पूरी नि ऊई जाओ।” 12 मैं मिन्टूछी मुहर खोलदे ऊए देखेया। तेबे एक बड़ा ईल्लण ऊआ और सूरज काला ऊईगा और प्रयासा देणा बन्द करी ता और पूरा चाँद खूनो जेडा लाल ऊईगा। 13 और सर्गो रे तारे तरतिया पाँदे ईंधां छुटणे लगे, जियाँ बड़े तूफानो ते दाऊगले रे डालों ते काच्चे फल चढ़ोए। 14 तेबे सर्ग एड़ा गाईब ऊईगा, जेडी चिट्ठी लपेटणे ते सिकुड़ी जाओई और हर एक पाहड़ और टापू आपणी-आपणी जगा ते टली गे। 15 नतीजन, तेबे तरतिया रे राजे, प्रदान, सरदार, पैसे वाले, सामर्थी लोक, हर एक दास और हर एक आजाद, पाहड़ो रे डवारा रे और चट्टानी रे जायी की लूकी

गे। 16 तेबे पाहड़ो ते और चट्टानी ते बोलणे लगे, कि आसा पाँदे पड़ी जाओ और आसा खे तेसरे मुंओ ते, जो सिंहासनो रे बैठी रा और मिन्टूए रे प्रकोपो ते लकोई देओ। 17 कऊकि प्रकोपो रा से डराऊणा दिन जिदे परमेशरो और मिन्टूए सबी खे सजा देणे आयी पँक्छी रा और तेसा सजा खे कोई बी सईन नि करी सकदा।

7 इजी ते बाद मैं तरतिया रे चारों कूणेयां पाँदे चार स्वर्गदूत खड़े देखे। तिने स्वर्गदूते तरतिया री चारों अवा पकड़ी राखी थी, ताकि तरती या समुद्र या केसी डालों पाँदे अवा नि चलो। 2 तेबे मैं एक ओर स्वर्गदूतो खे जिङ्गे परमेशरो री मुहर लयी की पूर्वो ते ऊबो खे आऊँदा ऊआ देखेया। तिने तिना चारों स्वर्गदूता ते, जिना खे तरती और समुद्रो रा नुकशाण करने रा अकक दितेया था, जोरे की आकका पायी की बोलेया, 3 “जदुओ तक आसे आपणे परमेशरो रे दासो रे माथेया पाँदे मुहर नि लगाई देँगे, तदुओ तक तरती, समुद्र और डाला रा नुकशाण नि करना।” 4 और जिना पाँदे मुहर लगाई, मैं तिना री गिणती सुणी कि इसाएलो री ल्वादा रे सरे गोत्रा बीचा ते एक लाख चवाली ह्जारा पाँदे मुहर लगाई। 5 स्वर्गदूते हर गोत्रो ते बारा ह्जारा लोका पाँदे मुहर लगाईः यहूदा रे गोत्रो बीचा ते बारा ह्जारा पाँदे मुहर लगाई, स्बेनो रे गोत्रो बीचा ते बारा ह्जारा पाँदे, गादो रे गोत्रो बीचा ते बारा ह्जारा पाँदे, 6 आशेरो रे गोत्रो बीचा ते बारा ह्जारा पाँदे, मनशिशह रे गोत्रो बीचा ते बारा ह्जारा पाँदे, 7 शमीनो रे गोत्रो बीचा ते बारा ह्जारा पाँदे, लेविए रे गोत्रो बीचा ते बारा ह्जारा पाँदे, इस्साकारो रे गोत्रो बीचा ते बारा ह्जारा पाँदे, 8 जबूलो रे गोत्रो बीचा ते बारा ह्जारा पाँदे, यूसुफो रे गोत्रो बीचा ते बारा ह्जारा पाँदे और बिन्यामीनो रे गोत्रो बीचा ते बारा ह्जारा पाँदे मुहर लगाई। 9 इजी ते बाद मैं नजर दिती और हर एक जाति, कुल, लोक और प्राणा बीचा ते एक एड़ी बड़ी पीड़ देखी, जेतेखे कोई गिणी नि सको था। सेयो सफेद टाले पईनी की और आपणे आथो रे खजूरो रिया डालिया लयी की सिंहासनो रे सामणे और मिन्टूए रे सामणे खड़ी रे थे। 10 और सेयो लोक जोरे की आकका पायी की बोलणे लगी रे थे, “म्हारे परमेशरो रा, जो सिंहासनो पाँदे बैठी रा और मिन्टूए री जय-जयकार ओ कऊकि ये सेयो ईं जिने आसा रा उद्धार कित्तेया।” 11 और सारे स्वर्गदूत, तेस सिंहासन, बुजुर्ग और चारों प्राणिया रे चऊँ कनारे खड़ी रे थे। तेबे सेयो सिंहासनो रे सामणे मुंओ रे पारे रुड़ी गे और परमेशरो गे माथा टेकेया, 12 और बोलेया, “आमीन्, म्हारे परमेशरो री स्तुति, महिमा, ज्ञान, धन्यवाद, आदर, सामर्थ्य और शक्ति जुगो-जुगो तक बणी री रखो। आमीन्।” (aiōn g165) 13 इजी ते बाद बुजुर्ग बीचा ते एकी जणे मांते पूछेया, “क्या तुसे जाणोए कि ये सफेद टाले पईने रे लोक कूणे? और केथा ते आयी रे?” 14 मैं तेसखे जबाब दितेया, “ओ श्रीमान् जी, आऊँकि नि जाणदा पर तूँ ईं जाणेया।” तिने बुजुर्ग माखे बोलेया, “ये सफेद टाले पईने रे सेयो लोक ए, जो तेस बड़े क्लेशो ते निकली की आयी रे। इने लोके आपणे टाले मिन्टूए रे खूने की तोई की सफेद करी राखे। 15 इजी बजअ ते, “सेयो परमेशरो रे सिंहासनो रे सामणे ए और तेसरे मन्दरो रे

रात-दिन सेवा करोए और जो सिंहासनो पाँदे बैठी रा, तेस तिना पाँदे आपणा तम्हू ताणना। 16 सेयो फेर पूखे-त्याये नि ऊणे और ना ई तिना पाँदे तूप और ना ई कोई तपन पड़ी। 17 कऊंकि मिन्दू, जो सिंहासनो रे बीचे ए, तेस तिना री रखवाली करनी और सेयो जीवनरूपी सूबला रे नेडे लयी जाणे और परमेशरे तिना री आवी ते सारे आसू ढूसी देणे।”

8 जेबे मिन्दू साती मुहर खोली, तेबे स्वर्गो रे आदे कंटे तक सन्धाटा छाईगा। 2 और मैं सेयो सात स्वर्गदूत, जो परमेशरो सामणे खडे रे रओए, देखे और तिना खे सात तुरहिया दित्यिया। 3 तेबे एक ओर स्वर्गदूत सुझ्ने री तूपदानी लयी की आया और बेदिया रे नेडे खड़ा ऊईगा। तेस स्वर्गदूतो खे बऊत सारा तूप दित्यिया कि सारे परमेशरो रे लोका री प्रार्थना साथे, सुझ्ने रिया तेसा बेदिया पाँदे, जो सिंहासनो रे सामणे ए, चढ़ाओ। 4 और तेस तूपो रा तुआँ परमेशरो रे लोका री प्रार्थना साथे, स्वर्गदूतो रे आथो ते, परमेशरो सामणे पऊँछी गा। 5 तेबे स्वर्गदूते तूपदानी लयी की तिदे बेदिया री आग परी और तरतिया रे पाई ती, तेबे गिड़ना, आवाज, बिजलिया और इल्लण ऊणे लगो। 6 तेबे सेयो सातो स्वर्गदूत, जिना गे सात तुरहिया थिया, फूकर देणे खे त्यार ऊईगो। 7 पईले स्वर्गदूते तुरहिया रे फूकर दित्ती और खूनो साथे मिले रे ओले और आग पैदा ऊई और तरतिया रे पाई ती। इजी बजअ ते तरतिया रा तीजा इस्सा फूखी गा और डाला रा तीजा इस्सा फूखी गा और सारा अरा काआ बी फूखी गा। 8 जेबे दूजे स्वर्गदूते तुरहिया रे फूकर दित्ती, तेबे मानो आगी जेडा बल्दा ऊआ एक बड़ा पाहड़ समुद्रो रे पायी ता। इजी बजअ ते समुद्रो रा तीजा इस्सा खून ऊईगा। 9 और समुद्रो री एक तिहाई बणाई रिया चीजा, जिना रे जिझ था, मरी गिया और जाह्जा रा तीजा इस्सा नाश ऊईगा। 10 जेबे तीजे स्वर्गदूते तुरहिया रे फूकर दित्ती, तेबे एक बड़ा तारा, जो मशाली जेडा बलो था, सर्गो ते टूटेया और नदिया रे तीजे इस्से पाँदे और पाणिए री सूबला पाँदे आयी की पड़ी गा। 11 तेस तारे रा नाओं नागदौना था। इजी बजअ ते एक तिहाई पाणी जईरीला और कडुआ ऊईगा। बऊत सारे मांणू तेस जईरीले और कडुए पाणी पीणे ते मरी गे। 12 जेबे चउथे स्वर्गदूते तुरहिया रे फूकर दित्ती, तेबे सूरजो री तीजे इस्से पाँदे और चाँदो रे तीजे इस्से पाँदे और तारेया रे तीजे इस्से पाँदे मुसीबत आईगी। इजी बजअ ते तिना रा तीजा इस्सा काला ऊईगा और दिनो रे तीजे इस्से पाँदे न्हेरा ऊईगा और तियाँ ई राती रे बी। 13 जेबे आँऊ ये सब देखणे ई लगी रा था, तो सर्गो रे बीचे एक उकाब उड्डे ऊए देखेया और जोरे की ये बोलदे ऊए सुणेया: “तिना स्वर्गदूता री तुरहिया रे शब्दो री बजअ ते, जिना रे फूकर देणी बाकि ए, तरतिया रे रणे वालेया पाँदे हाय! हाय!”

9 जेबे पांजुए स्वर्गदूते तुरहिया रे फूकर दित्ती, तेबे मैं स्वर्गो ते तरतिया पाँदे एक तारा रुड़ा ऊआ देखेया। तेसखे एडे डूगे गड्हे खे खोलणे री कुँजी दिती जेतेरी गईराईया रा कोई अंत निए। (Abyssos g12) 2 जेबे तिने से डूगा गड्हा खोलेया, तेबे तेस गड्हे ते बड़ी पट्ठिया जेडा तुआँ निकलेया

और तेस गड्हे रे तुँगे ते सूरज और सर्गो रे न्हेरा ऊईगा। (Abyssos g12) 3 तेबे तेस तुँगे बीचा ते तरतिया पाँदे टिड्हिया निकलिया और तिना टिड्हिया खे तरतिया रे लोका खे बिच्छुआ जेडी डंग बाणे री तागत दित्ती। 4 तेबे तिना टिड्हिया खे बोलेया कि ना तरतिया रे काओ खे, ना केसी अरयालिया खे, ना केसी डालो रा नुकशाण करो, बस तिना मांणूआ रा, जिना रे माथे रे परमेशरो री मुहर निए। 5 तिना टिड्हिया खे काणे रा तो नि, पर पाँज मीन्ने तक लोका खे पीड़ देणे रा अक्क दित्येया और तिना री पीड़ एडी थी, जेडी बिच्छुआ री डंग बाणे ते मांणूआ खे जोई। 6 तिना पाँज मीन्ने या दे मांणूआ मौत टोल्नी, पर मिलणी नि और मरने री इच्छा करनी और मौत तिना गे ते नठी जाणी। 7 तिना टिड्हिया रा आकार लडाईया खे त्यार किते रे कोडेया जेडा था और तिना रे सिरे पाँदे मानो सुझ्ने रे जे मुकट थे और तिना रे मूँ मांणूआ जेडे थे। 8 तिना रे बाल जवाणसा जेडे लाम्बे थे और दाँद शेरो जेडे मजबूत थे। 9 तिना रा शरीर मानो लोए री डिलमा ते टकी रा था। तिना रे पंखो री आवाज एडी थी, जेडी रथ और बऊत सारे कोडेया री ओई, जो लडाईया रे दौड़ोए। 10 तिना री पूँछ बिच्छुआ जेडी थी और तिना रे डंग थे और तिना खे पाँज मीन्ने तक मांणूआ खे दुःख पऊँछाणे री जो शक्ति देई राखी थी, से तिना री पूँछा रे थी। 11 जेते डूगे गड्हे री गईराईया अंत निए तेतेरा रा दूत तिना पाँदे राजा था। तेस राजे रा नाओं इब्रानिया रे अबद्दोन और यूनानिया रे अपुल्लयोन था। (Abyssos g12) 12 पईली मुसीबत बित्ती चुकी, देखो, एबे इना ते बाद दो मुसीबता ओर ऊणे वालिया ए। 13 जेबे छठे स्वर्गदूते तुरहिया रे फूकर दित्ती, तो जो सुझ्ने री बेदी परमेशरो सामणे ए, तेसा बेदिया रे चउंकू कूणेयां रे सींगो बीचा ते आऊँदा ऊआ मैं एक शब्द सुणेया। 14 मानो कोई तेस छठे स्वर्गदूतो ते, जेसगे तुरही थी, बोलेया, “तिना चारो दूता खे, जो बड़ी नदी फराता गे बाने रे ए, खोली देओ।” 15 तेबे सेयो चारो दूत, जो एसा कअडिया, दिन, मीन्ना और सालो खे त्यार किते थे, मांणूआ रे तीजे इस्से खे काणे खे आजाद करी ते। 16 और फौजा रे सवारिया री गिणती बी करोड़ थी, मैं तिना री गिणती सुपी। 17 माखे एस दर्शनी रे कोडे और तिना रे एडे सवार दिखे, जिना री डिलम आग, थूम्रकान्त और गन्धको जेडी थी। तिना कोडेया रे सिर शेरो रे सिरो जेडे थे और तिना रे मुंओ ते आग, तुआँ और गन्धक निकलो थी। 18 इना तिनो महामारिया, मतलब-आग, तुआँ और गन्धका ते जो तेसरे मुंओ ते निकलो थी, मांणूआ रा तीजा इस्सा काई ता। 19 तिना कोडेया री शक्ति तिना रे मुंओ रे और तिना री पूँछा रे थी। कऊंकि तिना री पूँछ सापो जेडी थी और तिना पूँछा रे सिर बी थे और इना तेई सेयो लोका खे दुःख देओ थे। 20 और बाकि मांणू जो तिना महामारिया ते नि मरे थे, आपणे आथो रे कामो ते मन नि फेरेया कि दुष्टामा री, सुझ्ना, चाँदी, पीतल, पात्थर और काठो री मूर्तिया री पूजा नि करो, जो ना देखी सकोई, ना सुपी सकोई और ना ई चली सकोई। 21 और जो खून, जारू-टोणा, व्याभिचार और चोरिया तिने कित्ती थी, तिना ते मन नि फेरेया।

10 तेबे मैं एक ओर तागतबर स्वर्गदूत बादलों ते किरे रे, स्वर्गों ते

उतरदे ऊए देखेया। तेसरे सिरो पाँदे बादलों रा मेघधनुष था और तेसरा मूँ सूरजो जेडा और तेसरे पैर आगी रे खम्बे जेडे थे। 2 तिने आपणा दाँगा पैर समुद्रो रे और ऊँखा तरतिया पाँदे राखेया। तेसरे आयो रे एक छोटी जी खुली री कताब थी। 3 तेबे से इतपी जोरे की चिंगेया, जेडा शेर गर्जोआ और जेबे से चिंगेया, तो गर्जणा री सात आवाजा सुणिया। 4 जेबे सातो गर्जणा री आवाजा सुणी चुकिया, तो आँऊ लिखणे वाला ई था, पर मैं स्वर्गों ते ये आवाज सुणी, “जो गल्ला गर्जणा रे तिना सात आवाजा ते सुणी राखिया, तिना खे गुप्त राख और लिख नि।” 5 जेस स्वर्गदूतो खे मैं तरतिया पाँदे और समुद्रो रे खड़ेया रा देखेया था, तिने आपणा दाँगा आथ स्वर्गों री तरफा खे चकेया, 6 और तिने तेसरी जो जुगो-जुगो तक जिङ्केदा ए और जिने स्वर्ग और जो कुछ तिदे ए, तरती और जो कुछ तिदे ए और समुद्रो खे और जो कुछ तिदे ए, बणाया, तेसरी ई कसम खाई कि बोलेया, “एबे तो ओर देर नि ऊणी (aiōn g165) 7 तेस बखते जेबे सातुए स्वर्गदूतो तुरहिया रे फूकर देणी, परमेशरो आपणी गुल योजना पूरी करनी जेतेरा संदेश तिने आपणे दास भविष्यबक्तया खे दितेया था।” 8 जो आवाज मैं स्वर्गों ते बोलदे ऊए सुणी थी, से फेर मां साथे गल्ला करने लगेया, “जा, जो स्वर्गदूत समुद्र और तरतिया पाँदे खड़ी रा, तेसरे आयो री खुली री कताब लयी लो।” 9 तेबे मैं स्वर्गदूतो जो जाई की बोलेया, “ये छोटी जी कताब माखे दो।” और तिने माखे बोलेया, “लओ, इजी खे खाई दे और एसा तेरा पेट कङ्गुआ तो करना, पर तेरे मुंओ रे सईतो जेडी मीठी लगणी।” 10 तेबे आँऊ से छोटी कताब स्वर्गदूतो रे आयो ते लयी की खाई गा। से मेरे मुंओ रे सईतो जेडी मीठी तो लगी, पर जेबे आँऊ तेसा खे खाई चुकेया, तो मेरा पेट कङ्गुआ ऊँझगा। 11 तेबे माखे ये बोलेया गया, “ताखे बऊत सारे लोका, जातिया, पाषा और राजेया रे बारे रे फेर भविष्यबाणी करनी ऊगी।”

11 तेबे मांगे नापणे खे एक नगल दितेया और तिने बोलेया, “उठ,

परमेशरो रे मन्दर और बेदिया खे नापी लओ और तिदे भक्ति करने वालेया री गिणती करी लओ। 2 पर मन्दरो रा बारला आँगण छाडी दे, तिजी खे नि नाप कङ्किक से दुजिया जातिया खे देई राखेया। तिना लोका पवित्र नगर यरुशलेम बयानी मीने तक केसणा। 3 तेस बखते, मां आपणे दो गवाओ खे ये अकक देणा कि सेयो टाट टखी की एक ह्जार दो सौ साठ दिन तक भविष्यबाणी करो।” 4 ये दोनो गवाह ई जैतूनो रे दो डाल और दो दिऊए ए, जो तरतिया पाँदे राज करने वाले प्रभुए रे सामणे खडे रतोए। 5 जे कोई तिना खे नुकशाण पँछाणा चाओआ, तो तिना रे मुंओ ते आग निकली की तिना रे बैरिया खे स्वा करी देओई। जे कोई तिना खे नुकशाण पँछाणा चाओआ, तो जस्त ईयां ई काया जाणा। 6 परमेशरे तिना खे ये अकक देई राखेया कि तिना री भविष्यबाणिया रे दिना रे सेयो सर्गो खे बंद करी देओ, ताकि बादल नि बरसो। तिना खे ये अकक बी मिलेया राए कि पाणिए खे खूनो रे बदली देओ और जेबे-जेबे चाओ तेबे-तेबे तरतिया पाँदे हर प्रकारा री

मुसीबत ल्याओ। 7 जेबे सेयो दो गवा आपणी गवाई देई चुकणे, तेबे से डांगर, जो तेते धूगे गहुे ते जेते री गद्दराईया रा अंत निए निकलना और तिना साथे लड़ी की तिना ते जीतणा और सेयो काई देणो। (Abyssos g12) 8 तेबे तिना धूँधू गवा री लोथा जो काई राखे थे, तेस बडे यरुशलेम नगरो रे चौको पाँदे पड़िया री रणियां, जेती तिना रा प्रभु वी कूर्सो पाँदे चढ़ाया था। चिह्नो रे तौरो पाँदे ये नगर सदोम और मिस नगरो जेडा ए। 9 सब लोक, कुल, पाषा और जातिया बीचा ते लोक तिना धूँधू गवा री लोथा साडे तीन दिन तक देखदे रणे, पर तिना री लोथा कङ्गा रे केसी खे बी राखणे नि देणियां। 10 मन्दे ते पईले ये दोनो गवा तरतिया रे लोका खे बऊत सताओ थे। जेबे तरतिया रे लोकाये सुणाना कि सेयो दोनो काईते रे, तेबे सेयो लोक तिना रे मन्दे ते खुश और मन ऊणे और एकी-दूजे गे पेंट पेजणी। 11 पर साडे तीन दिन बाद परमेशरो री तरफा ते जिन्दगिया री आत्मा तिना पाँदे बैठी गी और सेयो आपणे पैरो रे पारे खडे ऊँझे और तिना खे देखणे वाले बऊत डरी गे। 12 तिजी ते बाद तिना धूँधू खे स्वर्गों ते एक बड़ा शब्द सुणेया, “एती ऊबे आओ।” और ये सुणी की सेयो बादलो पाँदे सवार ऊई की आपणे बैरिया रे देखदे-देखदे स्वर्गों पाँदे चढ़ी गे। 13 तेबे तेस बखते ई एक बड़ा-पारी भूकंप ऊआ और यरुशलेम नगरो रा दसुआ इस्सा टली गा और तेस ई भूकंपो ते सात ह्जार मांगू मरी गे, बाकि डरी गे और स्वर्गों रे परमेशरो री महिमा किन्ती। 14 दूजी मुसीबत बित्ती गी, देखो तीजी मुसीबत चट ई आऊणे वाली ए। 15 जेबे सातुए स्वर्गदूते तुरहिया रे फूकर दिती, तो स्वर्गों रे इजी रे बारे रे बडे-बडे शब्द ऊणे लगे, “दुनिया रा राज्य म्हरे प्रभुए रा और तेसरे मसीहा रा ऊँझा और तेस जुगो-जुगो तक राज्य करना।” (aiōn g165) 16 तेबे चउबी बुजुर्ग, जो परमेशरो सामणे आपणे-आपणे सिंहासनो पाँदे थे बैठे रे, मुंओ रे पारे रुड़ी की, परमेशरो गे माथा टेकी की 17 ये बोलणे लगे, “ओ सर्वशक्तिमान् प्रभु परमेशर, जो आए और जो था, आसे तुसा खे धन्यवाद करूँए तुसे बड़ी सामर्था खे कामो रे ल्याई की राज्य करी राखेया।” 18 तेबे दुजिया जातिया खे रोष आईगा और तुसा रा प्रकोप आयी की पड़ी गा और से बखत आयी पँछी रा कि मरेया रा न्याय कितेया जाओ और तुसा रे दास भविष्यबक्तया खे, परमेशरो रे लोका खे और तिना छोटेया बड़ेया खे, जो तुसा रे नाओ ते डरोए, बदला दितेया जाओ और तरतिया खे बगाड़ेने वाले नाश किते जाओ। 19 और परमेशरो रा मन्दर, जो स्वर्गों रे ए, से खोलेया और तेसरे मन्दरो रे तेसरी वाचा रा सन्दूक दिशेया। और तेती बिजलिया, आवाज, गर्जण और ईल्लण ऊणे लगे और बडे-बडे ओले पड़े।

12 इना गल्ला ते बाद स्वर्गों रे एक नऊखा नजारा दिशेया। मैं देखेया

कि एक जवाणस सूरज टखे रे थी और चाँद तेसा रे पैरा निठे था और तेसा रे सिरो पाँदे बारा तारेया रा मुक्ट था। 2 से जवाणस गर्भवती थी और चिंगणे लगी री थी, कङ्किक तेसा खे जमणे रिया पीड़ा लगी री थिया और से बच्चा जमणे रिया पीड़ा रे थी। 3 तेबे स्वर्गों रे एक ओर

नऊंखा नजारा दिशेया और देखो, एक बड़ा लाल अजगर था, जेसरे सात सिर और दस सींग थे और तेसरे सातो सिरो पाँदि सात राजमुकुट थे। 4 तेसरी पूँछे सर्गों रे तारेया रा तीजा इस्सा खिंजी की तरतिया रे पायी ता। और से अजगर तेसा जवाणसा सामणे, जो बच्चे खे पैदा करने वाली थी, खड़ा ऊँझा, ताकि जेबे से बच्चा पैदा करो, तो से तेसा रे बच्चे खे खाई जाओ। 5 तेसा रे पाऊ ऊआ, जो लोए रा राजदण्ड लये रे, सबी जातिया पाँदि राज्य करने वाला था। और तेसा रा बच्चा परमेशरो गे और तेसरे सिंहासनो गे चक्री की पञ्चाई ता। 6 और से जवाणस तेसा सुनसाण जगा खे नठी गी, जेती परमेशरो री तरफा ते तेसा खे जगा त्यार करी राखी थी, ताकि से तेती एक ह्जार दो सौ साठ दिना तक पाली जाओ। 7 तेबे स्वर्गों रे लड़ाई शुरू ऊँझा। मीकाईल और तेसरे स्वर्गदूत अजगरो साथे लड़ने खे निकले, अजगर और तिना रे दूत बी तेस साथे लड़े। 8 पर से अजगर आरी गा और से और तेसरे दूत स्वर्गों ते निकायाली तो। 9 तेबे से बड़ा अजगर, मतलब सर्वे पुराणा साप, जेसखे शैतान बोलोए और सारे दुनिया खे भरमणे वाला ए, तरतिया रे रुँझाईता और तेसरे दूत बी तेस साथे रुँझाईते। 10 तेबे मैं स्वर्गों ते ये बड़ा शब्द आँक्दे ऊए सुणेया, “एबे म्हारे परमेशरो रा उद्धार, सामर्थ, राज्य और तेसरे मसीहा रा अक्क प्रगट ऊँझा। कऊँकि म्हारे पाईया पाँदि दोष लगाणे वाला, जो दिन-रात म्हारे परमेशरो सामणे, तिना पाँदि दोष लगाया करोआ, रुँझाई ता रा। 11 और सेयो मिन्टूए रे खूनो री बजअ ते और आपणी गवाईया रे वचनो री बजअ ते, तेस पाँदि जयवंत ऊए कऊँकि तिने आपणे प्राण प्यारे नि जाणे, एथो तक की मौत बी सवी ली। 12 इजी बजअ ते, ओ स्वर्गों और तिना रे रणे वालेयो मगन रओ, ओ तरती और समुद्र, तुसा खे थिक्कार ए, कऊँकि शैतान बड़े ई रोषो रे तुसा गे उतरी की आईगा रा, कऊँकि से जाणोआ कि तेसरा थोड़ा ई बखत बाकि ए।” 13 जेबे अजगरे महसूस कितेया कि आँऊ तरतिया पाँदि रुँझाई ता रा, तो से जवाणस, जेसा रे पाऊ जम्मेया था, तेसा खे सताणे लगेया। 14 तेबे तेसा जवाणसा खे बड़े उकाबो जेडे दो पंख दिते, ताकि सापो गे ते उडी की सुनसाण जगा रे पऊँछी जाओ, जेती से एक बखत और बखतो और आदे बखतो तक पाली जाओ। 15 तेबे अजगरे तेसा जवाणसा पीछे आपणे मुंओ ते नदिया जेडा पाणी लटेया, कि तेसा खे एसा नदिया ते हडाई देओ। 16 पर तरतिये तेसा जवाणसा री मताद कित्ती और आपणा मूँ खोली की, से नदी, जो अजगरे आपणे मुंओ ते बाहुई थी, पी ती। 17 नतीजन, अजगरो खे जवाणसा पाँदि रोष आईगा तेबेई तेसा री बाकि ल्वादा ते, जो परमेशरो रे ऊक्मो खे मानोए और प्रभु यीशुए री गवाई देणे रे टीके रे थे, लड़ने खे गया

13 और से अजगर समुद्रो रे कनारे पाँदि जायी की खड़ा ऊँझा। तेबे मैं एक डांगर समुद्रो ते निकलदा ऊआ देखेया, जेसरे दस सींग और सात सिर थे। तेसरे सातो सिरा पाँदि दस राजमुकुट थे और तेसरे हर सिरो पाँदि परमेशरो री निन्दा रे नाओं लिखी राखे थे। 2 जो डांगर मैं देखेया, से चीते जेडा था, तेसरे पैर पालूओ जेडे थे, मूँ शेरो जेडा था।

तिने अजगरे आपणी सामर्थ, आपणा सिंहासन और बड़ा अक्क तेसखे देईता। 3 मैं तेस डांगरो रे सिरो बीचा ते एकी पाँदि एक बड़ा-पारी जख्म देखेया, मानो से मरने वाला ए, तेबे तेसरे प्राण लणे वाला जख्म ठीक ऊँझा और सारी तरतिया रे लोक तेस पीछे-पीछे अचम्बा करदे ऊए चले। 4 तिने अजगरो री पूजा किती, कऊँकि तिने डांगरो खे आपणा अक्क देईता था और ये बोली की डांगरो री पूजा किती कि, “एस डांगरो जेडा कूणे? कुण एस साथे लड़ी सकोआ?” 5 तेस डांगरो खे त्वालिया मारने खे और परमेशरो री निन्दा करने खे अक्क दितेया। तेसखे बयाली मीन्ने तक काम करने रा अक्क दितेया। 6 तिने डांगरे परमेशरो री निन्दा करने खे मूँ खोलेया कि तेसरा नाओं और तेसरा तम्बू मतलब स्वर्गों रे रणे वालेया री निन्दा करो। 7 तेस डांगरो खे ये अक्क दितेया कि परमेशरो रे लोका साथे लड़ो, तिना पाँदि जय पाओ। तेसखे हर एक कुल, लोक, पाषा और जातिया पाँदि अक्क दितेया। 8 तरतिया रे सब रणे वालेया तेस डांगरो री पूजा करनी मतलब सेयो लोक जिना रे नाओं दुनिया री शुरुआता तेडे तेस मिन्टूए री जीवनो री कताबा रे नि लिखी राखे थे। से मिन्टू ईए जो काई राखेया था। 9 जो समजी सकोआ से तिजी खे त्यानो साथे सुणो और मानी बी लओ। 10 जेसखे कैदा रे पड़ना ए, से कैदा रे पड़ना, जो तलवारी ते बाओगा, जरूरी ए कि से तलवारी की काया जाणा, परमेशरो रे लोका रा सब्र और विश्वास इदे ई आए। 11 तेबे मैं एक और डांगर तरतिया ते निकलदे ऊए देखेया, तेसरे मिन्टूए जेडे दो सींग थे और से अजगरो जेडा बोलो था। 12 ये तेस पईले डांगरो रा सारा अक्क तेस सामणे कामो रे ल्याओ था और तरती और तिदे रणे वालेया ते तेस पईले डांगरो री पूजा कराओ था, जेसरे प्राण लणे वाला जख्म ठीक ऊँझा था। 13 ये दूजा डांगर बड़े-बड़े चिह्न री बजअ ते, जो तेस डांगरो री सामणे दखाणे रा अक्क तेसखे दितेया था, से तरतिया पाँदि रणे वालेया खे ईयां भरमाओ था कि तरतिया रे रणे वालेया खे बोलो था कि जेस डांगरो रे तलवार लगी थी, से जिऊँदा ऊँझा रा, तेसरी मूरत बणाओ। 15 तेस दूजे डांगरो खे तेस पईले डांगरो री मूरता रे प्राण पाणे रा अक्क दितेया, ताकि डांगरो री मूरत बोलणे लगो और जितणे लोक तेस डांगरो री मूरता री पूजा नि करो, तिना खे काई देओ। 16 तेबे तिने दूजे डांगरे सबी लोको खे छोटा या बड़ा, अमीर या गरीब और आजाद या दास सबी रे दाँपे आथो रे या तिना रे माथे पाँदि पईले डांगरो री छाप लगाणे के मजबूर कित्तेया। 17 ताकि तेसखे छाटी की, जेस पाँदि छाप, मतलब-तेस डांगरो रा नाओं या तेसरे नाओं रा अंक ओ और दूजा कोई लेण-देण नि करी सको। 18 इजी खे समजणे खे दमाको री जरूर ए। पर जेसगे दमाक ए से ये पता लगाई सकोआ कि एस डांगरो रे अंको रा क्या मतलब ए। कऊँकि ये एक माणूए रा नाओं ए। और तेसरा अंक छे सौं छ्याठ ए।

14 तिना गल्ला ते बाद मैं नजर दिती और देखो, से मिन्टू सिय्योनो रे पाड़ो पाँदि खड़ी रा। और तेस साथे एक लाख चवाली ह्जार जणे

ए, जिना रे माथे पाँदे तेसरा नाओं और पिते रा नाओं लिखी राखेया। 2 और स्वर्गों ते माखे एक एड़ी आवाज सुणी, जो बूकत सारे पाणिए री और बड़ी पिड़ने री जी आवाज थी और जो आवाज मैं सुणी, से एड़ी थी, मानो बीणा बजाणे वाले बीणा बजाओए। 3 सेयो एक लाख चवाली ह्जार लोक सिंहासनो सामणे और चारो प्राणिया सामणे और बुजुर्गा सामणे, मानो ये नया गाणा गाणे लभी रे थे और तिना एक लाख चवाली ह्जार जणेया खे छाडी की, जो तरतिया पाँदा ते मोले लयी राखे थे, कोई से गणा नि सिखी सको था। 4 ये एक लाख चवाली ह्जार सेयो लोक ए, जो जवानसा साथे अशुद्ध नि ऊए, पर कुअरै ए, यो सेयो इंई कि जेती केथी मिन्टू जाओ था, सेयो तेस पीछे चली पड़ो थे। यो तो परमेश्वर और मिन्टूए खे पईले फलो जेडे माणूआ बीचा ते मोले लयी राखे। 5 तिना रे मुंझो ते कदी चूनि नि निकलेया, सेयो निर्देष ए। 6 तेबे मैं एक और स्वर्गदूत सर्गों रे उड़दा ऊआ देखेया, जेसगे तरतिया रे रणे वालेया री हर जाति, कुल, पाणा और लोका खे सुनाणे खे सदा कालो रा ईश्वरीय सुसमाचार था। (aiōnios g166) 7 और तिने जोरे की बोलेया, “परमेश्वरो ते डरो और तेसरी महिमा करो, कऊकि तेसरे न्याय करने रा बखत आयी पाँछी रा। और तेसरी भक्ति करो, जिने स्वर्ग, तरती, समुद्र और पाणिए रिया सूबला बणाईर्या।” 8 तेबे इजी ते बाद एक ओर दूजा स्वर्गदूत ये बोलदा ऊआ आया, “रुड़ी गा, से बड़ा बेबीलोन रुड़ी गा, जिने आपणे व्याभिचारो री कोपमय शराब सबी जातिया खे पलाईर्या।” 9 तेबे इना ते बाद एक ओर तीजा स्वर्गदूत जोरे की ये बोलदा ऊआ आया, “जो कोई तेस डांगर और तेसरी मूरता री पूजा करो और आपणे माथे रे या आपणे आयो रे तेसरी छाप लओ, 10 तो तेस परमेश्वरो रे प्रकोपो री छुटी शराब, जो तेसरे रोषो रे कटोरे रे पाई राखी, पीणी और पवित्र स्वर्गदूता सामणे और मिन्टूए सामणे आग और गन्धको री पीड़ा रे पड़ना। 11 तिना री पीड़ा रा तुअँ जुगो-जुगो तक उठदा रणा और जो तेस डांगर और तेसरी मूरता री पूजा करोए और जो तिना रे नाओं री छाप लओए, तिना खे रात-दिन चैन नि मिलणा।” (aiōn g165) 12 कऊकि ये सारिया गल्ला ऊणे वालिया ए इजी खे परमेश्वरो रे लोका रा सब इदे इंई, जो परमेश्वरो री आज्ञा खे मानोए और यीशुए पाँदे विश्वास करोए। 13 मैं स्वर्गों ते ये आवाज सुणी, “लिख: जो मुड़दे प्रभुए रे मरोए, सेयो एबुए ते धन्य ए।” आत्मा बोलोआ, “आ, कऊकि तिना खे आपणी मईणता ते आराम मिलणा और तिना रे काम तिना साथे ओए ए।” 14 तेबे मैं नजर दिती और देखो, एक उजला बादल था और तेस बादलो पाँदे माणूरे पुत्रो जेडा कोई बैठी रा था, जेसरे सिरो पाँदे सुईने रा मुकट और आथो रे पैनी दराटी थी। 15 तेबे एकी और स्वर्गदूत मन्दरो ते निकली की तेसते, जो बादलो पाँदे बैठी रा था, जोरे की आक्का पाई की बोलेया, “आपणी दराटी लयी की बाड, कऊकि बाडणे रा बखत आईगा रा, कऊकि तरतिया री फसल पाक्की चुकी री।” 16 तेबे से जो बादलो पाँदे बैठी रा था, तिने तरतिया पाँदे आपणी दराटी लगाई और तरतिया री फसल बाडी ती। 17 तेबे एक और स्वर्गदूत तेस मन्दरो ते निकलेया, जो स्वर्गों रे ए और तेसगे बी पैनी

दराटी थी। 18 तेबे एक ओर स्वर्गदूत, जेसखे आगी पाँदे अक्कथा, बेदिया ते निकलेया और जेसगे पैनी दराटी थी, तिने जोरे की बोलेया, “आपणी पैनी दराटी लगाई की, तरतिया री अँगूरो री बेला रे गुच्छे बाडी दे, कऊकि तिजी रे अँगूर पाक्की चुकीरे।” 19 तेबे तिने स्वर्गदूते आपणी दराटी लगाई और तरतिया पाँदलिया अँगूर रिया बेली रा फल बाडी की आपणे परमेश्वरो रे प्रकोपो रे बड़े रसकूण्डो रे पाईता 20 और नगरो ते बारे तेस रसकूण्डो रे अँगूर माण्डे और रसकूण्डो ते इतना खून निकलेया कि कोड़ेया री लगामा तक पाँछेया और से सौ कीह तक बईगा।

15 इजी ते बाद मैं स्वर्गों रे एक ओर बड़ा और नऊखा नजारा देखेया, मतलब-सात स्वर्गदूत, जिना गे सातो आखरी मुसीबता थिया, कऊकि तिना रे ऊगे ते परमेश्वरो रे प्रकोपो रा अंत ए। 2 और मैं आगी साथे मिले रा काँचो जेडा एक समुद्र देखेया और जो तेस डांगरो पाँदे, तेसरी मूरता पाँदे और तेसरे नाओं रे अंको पाँदे जयवंत ऊए थे, सेयो तेस काँचो रे समुद्रो रे नेडे परमेश्वरो री बीणा लयी की खड़े देखे। 3 सेयो परमेश्वरो रे दास मूसे रा गाणा और मिन्टूए रा गाणा गायी-गायी की बोलो थे, “ओ सर्वशक्तिमान प्रभु परमेश्वर, तेरे काम बड़े और नऊखे ए, ओ जुगो-जुगो रे राजा, तेरी चाल ठीक और सच्ची ए। 4 ओ प्रभु, तांते कुण नि डरना और केस तेरे नाओं री महिमा नि करनी? कऊकि बस तू इ पवित्र ए। सारिया जातिया तांगे आयी की माथा टेकणा, कऊकि तेरे न्याय रे काम प्रगट ऊईगे रे।” 5 इजी ते बाद मैं देखेया कि स्वर्गों रे मन्दर खोलेया और तिदे साक्षिया रा तम्बू था। 6 और सेयो सातो स्वर्गदूत, जिना गे सातो मुसीबता थिया, मलमलो रे शुद्ध और चमकदे ऊए टाल्ले पईनी की और छातिया पाँदे सुईने री पट्टिया बानी की मन्दरो ते निकले। 7 तेबे तिना चारो प्राणिया बीचा ते एकी जणे तिना सातो स्वर्गदूता खे परमेश्वरो रे, जो जुगो-जुगो तक जिझूदा ए, प्रकोपो ते फरे रे सात सुईने रे कटोरे दिते (aiōn g165) 8 और परमेश्वरो री महिमा और तेसरी सामर्था री बजअ ते मन्दर तुँगे की फरी गा। और जटुओ तक तिना सातो स्वर्गदूता रिया सातो मुसीबता खत्म नि ऊईया, तदुओं तक कोई मन्दरो रे नि जाई सकेया।

16 तिजी ते बाद मैं मन्दरो रे कोई जोरे की तिना सातो स्वर्गदूता खे ये बोलदे ऊए सुणेया, “जाओ, परमेश्वरो रे प्रकोपो रे सातो कटोरे तरतिया पाँदे लटी देओ।” 2 पईले स्वर्गदूते जाई की आपणा कटोरा लटी ता। और तिना माणूरा रे, जिना पाँदे डांगरो री छाप थी और जो तेसरी मूरता री पूजा करो थे, एक किस्मा रा बुरा और पीड़ देणे वाला फोड़ा निकलेया। 3 फेर दूजे स्वर्गदूते आपणा कटोरा समुद्रो बीचे लटी ता और से मरे रे जे माणूरे रे खूनो जेडा बणीगा। और समुद्रो रे सारे जीव मरी गे। 4 तीजे स्वर्गदूते आपणा कटोरा नदिया और पाणिए री सूबला पाँदे लटी ता और सेयो खून बणी गे। 5 और मैं पाणिए रे स्वर्गदूतो खे ये बोलदे ऊए सुणेया, “ओ पवित्र परमेश्वर, जो आए और जो था, तू न्यायी ए और तैं ये न्याय कित्तेया। 6 कऊकि तिने परमेश्वरो रे लोका

रा और भविष्यबक्तेया रा खून बाह्र्द्द राखेया था और तैं तिना खे खून पल्याया, कँडकि सेयो इजी जोगे ईए।” 7 और मैं फेर बेदिया ते ये आवाज सुणी, “आ, ओ सर्वशक्तिमान् प्रभु परमेश्वर, तेरे फैसले ठीक और सच्चे इ।” 8 वौथे स्वर्गदूते आपणा कटोरा सूरजो पाँदे लटी ता और तेसखे माणूआ खे आगी साथे फूकणे रा अक्क दितेया। 9 मांगू बड़ी-पारी गर्मिया ते फूखी गे और तिने लोके परमेश्वरो रे नाओं री, जेसखे इना मुसीबता पाँदे अक्क ए, निन्दा कित्ती और आपणे पापो ते मन नि फेरेया और ना ई तेसीरी महिमा कित्ती। 10 पांजुए स्वर्गदूते आपणा कटोरा तेस डांगरो रे सिंहासनो पाँदे लटी ता और नतीजन, तेसरे पूरे राज्य रे न्हेरा ऊईगा। और लोक पीडा रे मारे आपणी-आपणी जीब चबाणे लगे। 11 आपणी पीड़ और फोडेया री बजअ ते तिने स्वर्गो रे परमेश्वरो री निन्दा कित्ती। पर तिने लोके आपणी-आपणी बुरे कामो ते मन नि फेरेया। 12 छठे स्वर्गदूते आपणा कटोरा बड़ी फरात नदिया पाँदे लटी ता और नतीजन, तिजी रा पाणी सूकी गा, कि पूर्व दिशा रे राजेया खे बाट त्यार ऊई जाओ। 13 और मैं तेस अजगरो रे मुंओ ते और तेस डांगरो रे मुंओ ते तीन अशुद्ध आत्मा मिनके रे रूपो रे निकलदे ऊए देखी। 14 यो बड़े-बड़े चिंह दखाणे वाली दुष्टामा ए, जो सारे दुनिया रे राजेया गे निकली की इजी खे जाऊई, ताकि तिना खे सर्वशक्तिमान् परमेश्वरो रे तेस बड़े दिनो री लड़ाईया खे कटा करो। 15 मसीहे बोलेया, “देख, आँऊ चोरो जेडा आँऊआ, धन्य ए से, जो जागदा रओआ और आपणे टालेया री चौकसी करोआ कि नांगा नि फिरो और लोक तेसखे नांगा नि देखो।” 16 और तिने दुष्टामे राजेया खे तेसा जगा रे कटे कित्तेया, जेतेखे इत्रानी पाषा रे हर-मगिदोन बोलोए। 17 और सातुए स्वर्गदूते आपणा कटोरा अवा रे लटी ता, और मन्दरो रे सिंहासनो ते ये बड़ी आवाज ऊई, “पूरा ऊईगा।” 18 फेर बिजिलिया, आवाज, गर्जन और एक एडा ईल्लण ऊआ कि जदुओ ते माणूआ री उत्पत्ति तरतिया रे ऊई, तदुओ ते एडा ईल्लण कदी नि ऊआ था। 19 इजी ते तेस बडे नगरो रे तीन टुकडे ऊईगे और जातिया-जातिया रे नगर टल्ली गे और बड़े बेबीलोनो री याद परमेश्वरो रे एती ऊई, कि से आपणे रोषो री जलना री शराब तेसखे पल्याओ। 20 और हर एक टापू आपणी जगा ते टल्ली गा और पाढ़ो रा कोई पता नि लगेया। 21 और सर्गो ते माणूआ पाँदे मण-मण परी की ओले पड़े, कँडकि ये मुसीबत बऊत ई पारी थी, लोके ओलेया री मुसीबता री बजअ ते परमेश्वरो री निन्दा कित्ती।

17 जिना सात स्वर्गदूता गे सात कटोरे थे, तिना बीचा ते एकी जगे मांगे आयी की बोलेया, “ओरे आओ, आँऊ ताखे तेसा बड़ी वेश्या रा दण्ड दखाऊँ, जो बऊत सारे पाणिए पाँदे बैठी री। 2 तेसा साथे तरतिया रे राजे व्याभिचार कित्तेया और तरतिया रे रणे वाले तेसा रे व्याभिचारो री शराबो ते नशेडी ऊईगे थे।” 3 आत्मा री मतादा ते स्वर्गदूत माखे सुनसाण जगा रे लयी गा और मैं लाल रंगो रे डांगरो पाँदे जो निन्दा रे नाओं ते परेया रा था और जेसरे सात सिर और दस सींग थे, एक जवाणस बैठी री देखी। 4 एसे जवाणसे बैंगणी और लाल रंगो

रे टाले पईने रे थे और सुईने, किमती मणि और मोतिए की सजी री थी। और तेसा रे आथो रे एक सुईने रा कटोरा था, जो धृणित चीजा ते और तिजी रे व्याभिचारो री अशुद्ध चीजा ते फेरे रा था। 5 तेसा रे माथे पाँदे एक एडा नाओं लिखी राखेया था जो एक राज ए। तिने बोलेया, “बड़ा बेबीलोन तरतिया री वेश्या और धृणित चीजा री माता।” 6 मैं से जवाणस परमेश्वरो रे लोका रा खून और प्रभु यीशुए रे गवाओ रा खून पीणे ते नशेडी देखी और तेसा खे देखी की आँऊ हैरान ऊईगा। 7 तिने स्वर्गदूते माखे बोलेया, “तूँ हैरान नि ओ। आँऊ ताखे एसा जवाणसा रा और तेस डांगरो रा, जेते पाँदे से सवार ए और जेसरे सात सिर और दस सींग ए, पेट बताऊँआ। 8 जो डांगर तैं देखेया, ये पईले तो था, पर एबे निए और जेते डुगे गहुँ री गईराईया रा अंत निए तेथा ते निकली की नाशो रे पड़ना। और तरतिया रे सब रणे वालेया, जिना रे नाओं दुनिया री शुरुआता रे बखतो ते जिन्दगिया री कताबा रे नि लिखी राखे, एस डांगरो री ये दशा देखी की कि पईले था और एबे निए और फेर आयी जाणा, अचम्बा करना। (Abyssos g12) 9 “इजी खे समजणे खे दमाको री जस्त ए। सेयो सात सिर सात पाढ़ ए, जिना पाँदे से जवाणस बैठी री। 10 और सेयो सात राजा बी ए। तिना बीचा ते पाँज तो पईले ई मरी चुके रे। और तिना बीचा ते एक एबुए। और एक एबुए तक नि आयी रा। पर जेबे से आऊणा, तो तेस कुछ बखतो तक ई राज करना। 11 जो डांगर पईले था और एबे निए, से आपू आठुआ ए और तिना सातो बीचा ते पैदा ऊआ और नाशो रे पड़ना। 12 “जो दस सींग तैं देखे, सेयो दस राजा ए, जिने एबुए तक राज्य नि करी राखेया। पर तेस डांगरो साथे कअडिया परो खे राजेया जेडा अक्क बापाण। 13 यो सब दस राजा एक मन ऊणे और तिना आपणी-आपणी सामर्थ और अक्क तेस डांगरो खे देणा। 14 से डांगर और दस राजा मिन्दूए साथे लड़ने और मिन्दूए तिना पाँदे जय पाणी। कँडकि से प्रभुए रा प्रभु और राजेया रा राजा ए। और जो तेसरे बुलाए रे ए, चूणे रे ए और विश्वासो जोगे तिना साथे ए, तिना री बी जय ऊणी।” 15 तेबे तिने माखे बोलेया, “जो पाणी तैं देखे, जिना पाँदे वेश्या बैठी री, सेयो लोक, पीड़, जाति और पाषा ए। 16 जो दस सींग तैं देखे तिना और डांगरा वेश्या ते बैर राखणा और से मजबूर और नांगी करी देणी और तेसा रा मांस खाई देणा और से आगी रे फूकी देणी। 17 कँडकि परमेश्वरो तिना रे मनो रे ये पाणा कि सेयो तेसा री इच्छा पूरी करो और जदुओ तक परमेश्वरो रे वचन पूरे नि ऊई लो, तदुओ तक एक मन ऊई की आपणा-आपणा राज्य तेस डांगरो खे दई देओ। 18 से जवाणस, जो तैं देखी, से बड़ा नगर ए, जो तरतिया रे राजेया पाँदे राज्य करोआ।”

18 इजी ते बाद मैं एक स्वर्गदूत स्वर्गो ते उत्तरदे ऊए देखेया। से बऊत ई सामर्थी था और तरती तेसरे तेजो ते चमकी गी। 2 तिने जोरे की आक्का पाई की बोलेया, “टल्ली गा, बड़ा बेबीलोन टल्ली गा रा। और से दुष्टामा री रणे री जगा, हर एक अशुद्ध आत्मा रा अड्हा और हर एक अशुद्ध और धृणित पंछिया रा अड्हा ऊईगा। 3 कँडकि तेसा रे

व्याभिचारों रे शराबो री बजअ ते सब जातिया टली गी रिया। तरतिया रे सामर्थी राजेया तेसा साथे व्याभिचार करी राखेया और तरतिया रे बपारी तेसा रे बऊत जादा सुख-बिलासो री बजअ ते अमीर ऊईरे।” 4 तेबे मैं स्वर्गों ते केसी ओरी री आवाज सुणी, “ओ मेरे लोको, तिजी बीचा ते निकली की आओ! कि तुसे तिजी रे पापो रे शामिल ना ओ और तेसरी मुसीबता बीचा ते कोई बी तुसा पाँदे नि पड़ो, 5 कऊँकि तेसा रे पाप स्वर्गों तक पऊँछी गे रे और तेसा रे बुरे काम परमेशरो खे याद आयी रे। 6 जेडा तिने तुसा खे दई राखेया, तेडा ई तेसखे बी देझो और तेसरे कामो रे मुताबिक तेसखे दुगणा बदला देओ, जेती कटरे रे तिने परी ता था, तिदे ई तेसखे दुगणा परी देओ। 7 जितणी तिने आपणी तारीफ किंती और सुख-बिलास कितेया, तिथणी तेसखे पीड़ और शोग देओ, कऊँकि से आपणे मनो रे बोलौई, ‘आऊँ राणी ऊईरी री, बिदुआ नि और शोगो रे कदी नि पड़ुँगी।’ 8 इजी बजअ ते एक ई दिनो रे तेसा पाँदे मुसीबता आउणियां, मतलब मौत, शोग, अकाल और से आगी रे स्वा करी देणी, कऊँकि तेसा रा न्यायी प्रभु परमेश्वर तागतबर ए। 9 “तरतिया रे राजा, जिने तेसा साथे व्याभिचार और सुख-बिलास कितेया, जेबे तेसा रे फूकणे रा तुअँ देखणा, तो तेसा खे रोणे और छाती पीटणी। 10 तेसा री पीडा रे डरो रे मारे दूर खड़े ऊई की बोलणा, “ओ बड़े नगर बेबीलोन, ओ मजबूत नगर तुसा खे धिक्कार ए, एकी कंटे बीचे ई ताखे सजा मिलीगी। 11 “तरतिया रे बपारी तेसा खे रोणे और शोग करना, कऊँकि एबे केसी बी तिना रा माल नि लणा, 12 मतलब सुईना, चाँदी, रत्न, मोती, बैंगणी, रेशमी और लाल टाले और हर प्रकारा री खुशबूदार लकड़ी, आथी दाँदो रिया हर प्रकारा रिया चीजा, किमती लकड़ी, पीतल, लोआ और संगमरमरो रे सब प्रकारा रिया चीजा, 13 और दालचीनी, मसाले, तूप, इत्र, लोबान, शराब, तेल, मैदा, कणक, गाय, बलद, पेडा, बाकरिया, कोड़े, रथ, दास और माणूए खे खरीदणे वाला कोई नि रया। 14 “बपारिए तेसा खे बोलेया, ‘एबे तेरे मनचाए फल तांगा गे ते चली गे और सुख-बिलास और पड़कीली चीजा तांते दूर ऊईग्या और सेयो फेर कदी नि मिलणिया।’ 15 इना चीजा रे बपारी, जो तेसा रे जरिए अमीर ऊईगे थे, तेसा री पीडा रे डरो रे मारे दूर खड़े ऊणे और रोंदे और शोग करदे ऊए बोलणा, 16 “ताखे धिक्कार ए, धिक्कार ए, से बड़ा नगर, जो मलमल, बैंगणी और लाल टाले पईनी की था और सुईना, रत्न और मोतियो साथे सजेया रा था, 17 थोड़े बखतो रेई तिजी रा एडा पारी धन नाश ऊईगा। “हर एक मांझी, जलयात्री, मल्लाह और जितणे समुद्रो ते कमाओ थे, सब दूर खड़े ऊईगे। 18 और तेसा रे फूखणे रा तुअँ देखदे ऊए आकका पाई की बोलणा, ‘कुण जा नगर, एस बड़े नगरो जेडा ए?’ 19 तिना आपणे-आपणे सिरो पाँदे तुड़ पाणी और रोंदे और शोग करदे ऊए चींगी-चींगी की बोलणा, “धिक्कार ए, धिक्कार ए, ये बड़ा नगर जेतेरी जायदाता रे जरिए समुद्रो रे सब जाह्ज वाले अमीर ऊईगे थे, थोड़े बखतो रेई उजड़ी गे। 20 ओ स्वर्ग और ओ परमेशरो रे लोको और प्रेरितों और भविष्यबक्तेयो, तेसा पाँदे

खुशी करो, कऊँकि परमेश्वरे न्याय करी की तेसा ते तुसा रा बदला लयी राखेया।” 21 तेबे एक तागतबर स्वर्गदूते एक बड़ी चाकिक्या रे पूड़ो जेडा एक पात्थर चकेया और ये बोली की समुद्रो रे सेटी ता, “बड़ा नगर बेबीलोन एड़ी ई बड़ी तागता ते सेटेया जाणा और फेर कदी तेसरा पता नि मिलणा। 22 बीणा बजाणे वाले, गाणे वाले, बंसी बजाणे वाले और तुरहिया रे फूकर बाणे वालेया री आवाज फेर कदी तांदे नि सुणनी और केसी कामो रा कारीगर बी फेर कदी तांदे नि मिलणा और चाकिक्या रे चलणे री आवाज फेर कदी तांदे सुणनी नि। 23 दिउएया रा प्रवासा फेर कदी तांदे नि चमकणा और लाडे-लाडिया री आवाज फेर कदी तांदे सुणनी नि, कऊँकि तेरे बपारी तरतिया रे प्रदान थे और तेरे जादू-टोणे ते सारी जातिया भरमाईया थिया। 24 भविष्यबक्ता, परमेशरो रे लोक और तरतिया रे सब काये रे रा खून तिदे ई मिलेया।”

19 इजी ते बाद मैं स्वर्गों रे मानो बड़ी पीड़ जोरे की ये बोलदे ऊए सुणी, “हाल्लेलूया, उद्धार, महिमा और सामर्थ म्हारे परमेशरो री ए। 2 कऊँकि तेसरे फैसले सच्चे और ठीक ए। तिने तेसा बड़ी वेश्या रा, जो आपणे व्याभिचारो ते तरतिया खे प्रष्ट करो थी, न्याय कित्तेया। और तेसा ते आपणे दासो रे खूनो रा बदला लया।” 3 तेबे दूजी बार तिने फेर बोलेया, “हाल्लेलूया! तेसा रे फूखणे रा तुआँ जुगो-जुगो तक उठदा रणा।” (aión g165) 4 तेबे चबूत्री बुरुर्जे और चारो प्राणिये थाले पड़ी की परमेशरो गे माथा टेकेया, जो सिंहासनो रे बैठी रा था। और तिने बोलेया, “आमीन, हाल्लेलूया!” 5 तेबे सिंहासनो ते एक आवाज निकली, “ओ म्हारे परमेशरो ते सब डरने वाले दासो, क्या छोटे, क्या बड़े, तुसे सब परमेशरो री स्तुति करो।” 6 तेबे मैं बड़ी पीडा री जी, बऊत पाणिए री जी और गर्जणे री जी आवाज सुणी, “हाल्लेलूया! कऊँकि प्रभु म्हारा परमेश्वर सर्वशक्तिमान् राज्य करोआ।” 7 आओ, आसे खुश ऊई की मग्न औईए और तेसरी स्तुति करिए, कऊँकि मिन्दूप रा व्या आयी पऊँछी रा और तेसरी लाडिए आपू खे त्यार करी ता रा। 8 और तेसा खे शुद्ध और चमकदार बरीक मलमल पईनणे रा अक्क दितेया।” कऊँकि तेस बरीक मलमलो रा मतलब, परमेशरो रे लोका रे तर्मो रे काम ए। 9 तेबे स्वर्गदूते माखे बोलेया, “ये लिख: धन्य ए सेयो, जो मिन्दूप रे व्याओ री पाठ्यार्थे रे बुलाई राखे।” तेबे तिने माखे बोलेया, “यो वचन परमेशरो रे सच्चे वचन ए।” 10 तेबे आऊँ तेसगे माथा टेकणे खे तेसरे पैरा पाँदे पड़ी गा। तिने माखे बोलेया, “देख, एडा नि कर। आऊँ तेरे जेडा ई परमेशरो रा दास ए, जो यीशुए री गवाई देणे रे टीके राए। परमेशरो गे ई माथा टेका।” कऊँकि यीशुए री गवाई, भविष्यबाणिया री आत्मा ए। 11 तेबे मैं स्वर्ग खुले रा देखेया। तेती मां सामणे एक सफेद कोडा था और तेस पाँदे एक सवार था, जेसखे विश्वासी जोगा और सच्चा बोलोए। और से धार्मिकता रे न्याय और लड़ाई करोआ। 12 तेसरी आखी आमी री लूपिया ए, तेसरे सिरो पाँदे बऊत सारे राजमुकट ए। और तेसरा एक नाओं तिजी पाँदे लिखी राखेया, जो तेसखे छाडी की ओर कोई नि जाणदा। 13 तिने खूने

बीचे डबोए रे टाले पर्झने रे थे और तेसरा नाओं परमेश्वरो रा चवन ए। 14 स्वर्गों री बऊत सेना सफेद कोड़ेया पाँदै सबार और शुद्ध मलमल पर्झनी की तेस पीछे-पीछे थी। 15 जातिया-जातिया खे काणे खे तेसरे मुंओ ते एड़ी चोची तलवार निकलोई और तेस लोए रा राजदण्ड लयी की तिना पाँदै राज्य करना और तेस सर्वशक्तिमान् परमेश्वरो रे डराऊग्रे प्रक्रोपो री जलजलाहटा रे शराबो रे कुण्डो रे दाख माण्डणी। 16 तेसरे टाले और खुटिया रे ये नाओं लिखी राखेया: “राजेया रा राजा और प्रभुए रा प्रभु!” 17 तेबे मैं एक स्वर्गदूत सूरजो पाँदै खड़ेया रा देखेया, तिने जोरे की आकका पायी की सर्गों रे बीचे उड़ने वाले सब मांस खाणे वाले पछिया खे बोलेया, “आओ परमेश्वरो री पांडिया खे कट्ठे ऊई जाओ। 18 ताकि तुसे राजेया रा मांस, सरदारा रा मांस, तागतबर मर्दा रा मांस, कोडे और तिना रे सवारो रा मांस और क्या आजाद क्या दास, क्या छोटे, क्या बड़े, सबी लोका रा मांस खाओ।” 19 तेबे मैं तेस डांगरो खे और तरतिया रे राजा और तिना री सेना खे तेस साथे जो कोडे पाँदै सबार था और तेसरी सेना साथे लड़ने खे कट्ठे ऊँदे देखेया। 20 और से डांगर और तेस साथे से चूठा भविष्यवक्ता पखड़ी गा। तिने चूठे भविष्यवक्ते तेस डांगरो री तरफा ते बड़े-बड़े चिह्न दखाए थे और तिना सबी लोका खे तोखा दितेया था, जिने आपणे माथे पाँदै तेस डांगरो री छाल पलयी थी और जो तेसरी मूरता री पूजा करो थे। यो दोनों जिऊँदे जिऊए तेसा आगी री झीला दे, जो गन्धको साथे बळों थी, पायी ते। (Limnē Pyr g3041 g4442)

21 बाकि लोक तेस कोडे रे सवारो री तलवारी ते, जो तेसरे मुंओ ते निकलो थी, कायी ते और सब पंछी तिना रे मासो की रज्जी गे।

20 तेबे मैं एक स्वर्गदूत स्वर्गों ते उतरदे ऊए देखेया, जेसरे आथो रे तेस डूगे गहृे री जेतेरी गईराईया रा अंत निए कुँजी और एक बड़ी जंजीर थी। (Abyssos g12) 2 तिने से अजगर, मतलब पुराणा साप, जो शैतान ए, पकड़ी की ह्जार साला खे बानी ता। 3 तेबे स्वर्गदूते से डांगर तेस डूगे गहृे रे जेतेरी गईराईया रा अंत निए पायी की बंद करी ता। और तेस पाँदै मुहर लगाईती ताकि से ह्जार साल पूरे ऊणे तक जातिया-जातिया रे लोका खे नि भरमाओ। इजी ते बाद जरूरी ए कि से थोड़ी देरा खे फेर खोलेया जाओ। (Abyssos g12) 4 तेबे मैं सिंहासन देखे, तिना पाँदै लोक बैठीगे और तिना खे न्याय करने रा अक्क दितेया। मैं तिना री आत्मा बी देखी, जिना रे सिर यीशुए री गवाई देणे और परमेश्वरो रे वचनों री बजअ ते बाढे थे और जिने ना तेस डांगरो री, ना तेसरी मूरतिया री पूजा किनी थी और ना तेसरी छाप आपणे माथे और आथो पाँदै लगाई थी। सेयो जिऊँदे ऊई की मसीही साथे ह्जार सालों तक राज्य करदे रहे। 5 जदुओं तक ये ह्जार साल पूरे नि ऊए, तदुओं तक बाकि मरे रे जिऊँदे नि ऊए। ये तो पईला दुबारा जिऊँदा ऊणा ए। 6 धन्य और पवित्र सेयो ए, जो एस पईले दुबारा जिऊँदा ऊणे रे शामिल ए, एड़ेया पाँदै दूजी मौता रा कोई अक्क निए। पर सेयो परमेश्वर और मसीहे रे पुरोर्झत ऊणे और तेस साथे ह्जार साला तक राज्य करना। 7 जेबे ह्जार साल पूरे ऊई जाणे, तेबे शैतान कैदा ते छाडी देणा। 8 सेयो जातिया

जो तरतिया रे चऊँ कनारे ऊणिया, मतलब-गोग और मागोग जिना री गिणती समुद्रो रे बालुओ रे बराबर ऊणी, तिना खे भरमाई की लड़ाईया खे कट्ठे करने खे निकलना। 9 तेबे तिना सारी तरतिया पाँदै फैली की और परमेश्वरो रे लोका री छावनी और प्यारा नगर केरी लणा और आगी स्वर्गों ते निकली की सेयो स्वा करी देणियां। 10 तेबे तिना खे भरमाणे वाला शैतान आग और गन्धको री तेसा झीला रे, जिदे से डांगर और चूठा भविष्यवक्ता बी ऊणा, पायी देणा। और सेयो दिन-रात जुगो-जुगो तक पीड़ी की तड़फदे रणे। (aīoñ g165, Limnē Pyr g3041 g4442) 11 तेबे मैं एक बड़ा सफेद सिंहासन, और से जो तिदे बैठी रा था, देखेया। जेसरे सामणे ते तरती और स्वर्ग नठीगे और तिना खे जगा नि मिली। 12 तेबे मैं छोटे-बड़े सब मरे रे सिंहासनो सामणे खड़े रे देखे, और कताबा खोलिया। तेबे एक और कताब खोली गयी, मतलब-जीवनो री कताब। और जेडा तिना कताबा रे लिखी राखेया था, तेडा ई तिना रे कामो रे मुताबिक मरेया रा न्याय कितेया। 13 समुद्रे सेयो मरे रे, जो तिदे थे, देई ते, तेबे मौते और नरके सेयो मरे रे, जो तिदे थे देई ते और तिना बीचा ते हर एकी खे तिना रे कामो रे मुताबिक न्याय कितेया। (Hadēs g86) 14 तेबे मौत और नरक बी आगी री झीला रे पाई ते, ये आगी री झील दूजी मौत ए। (Hadēs g86, Limnē Pyr g3041 g4442) 15 और जेस केसी रा नाओं जीवनो री कताबा रे लिखेया रा नि मिलेया, से आगी री झीला रे पायी ता। (Limnē Pyr g3041 g4442)


21 तेबे मैं नया सर्ग और नयी तरती देखी, कऊँकि पईला सर्ग और पईली तरती खत्म ऊईगे थे और समुद्र पनि रखा। 2 तेबे मैं पवित्र नगर यरूशलेम स्वर्गों पाँदो ते परमेश्वरो गे ते उतरदे देखेया और से तेसा लाडिया जेडा था, जो आपणे लाडे री तंई शूंगार करोई। 3 तेबे मैं सिंहासनो ते कोई जोर की ये बोलदे ऊए सुणेया कि देख, परमेश्वरो रा डेरा मांणूआ बीचे ए, तेस तिना साथे डेरा करना, सेयो तेसरे लोक ऊणे, परमेश्वर आपू तिना साथे रणा और तिना रा परमेश्वर ऊणा। 4 तेस तिना री आखी ते सारे आसू टूसणे, इजी ते बाद मौत नि रणी, ना शोग, ना बिलाप, ना पीढ़ रणी, पईलकिया गल्ला चली गिया। 5 जो सिंहासनो पाँदै बैठी रा था, तिने बोलेया, “देख, आऊँ सब कुछ नया करी देऊँआ।” तेबे तिने बोलेया, “लिखी लो, कऊँकि यो वचन विश्वासो जेगे और सच्चे ए।” 6 तेबे तिने माखे बोलेया, “यो गल्ला पुरिया ऊईगी रिया। आऊँ पईला और आखरी ए, शुरूआत और अंत ए। मां त्याये खे जिन्दगिया रे पाणिए री सूबला ते मुफ्त पल्लयाणा। 7 जो जीती जाणे, सेर्इ इना चीजा रे बारस ऊणे और आऊँ तिना रा परमेश्वर ऊणा और से मेरे पाऊ ऊणे। 8 पर डरपोका रा, अविश्वासिया रा, बुरे काम करने वालेया रा, अत्यरि रा, व्याभिचारिया रा, जादू-टोणे करने वालेया रा, मूर्तिपूजा करने वालेया रा और सबी चूठेया रा इस्सा तेसा झीला रे मिलणा, जो आग और गन्धको साथे बलदी रओई। ये दूजी मौत ए।” (Limnē Pyr g3041 g4442) 9 तेबे जिना सात स्वर्गदूतों गे आखरी सात मुसीबता ते फेरे रे सात कटोरे थे, तिना बीचा ते एक मांगे आया और मां साथे गल्ला करी की बोलेया,

“ओरे आओ, आँक ताखे लाडी, मतलब-मिन्टूए री लाडी दखाऊँआ।” 10 और तिने माखे आत्मा रे एक बड़े और ऊच्चे पाहड़ो पाँदे लयी गा और पवित्र नगर यरूशलेमो खे स्वर्गो ते परमेश्वरो गे ते तरतिया पाँदे उतरदे ऊए दखाया। 11 परमेश्वरो री महिमा तिदे थी और तिजी री जोति बऊत ई किमती पात्थर, मतलब-बिल्लौरो जेडी और यशबो जेडी साफ थी। 12 तिजी री शहरपनाह बऊत ऊच्ची थी, तिजी रे बारा फाटक और बारा फाटको पाँदे बारा स्वर्गदूत थे। और तिना फाटका पाँदे इसाएलिया रे बारा गोत्रा रे नाओं लिखी राखे थे। 13 पूर्वो री तरफा खे तीन फाटक, उत्तरो री तरफा खे तीन फाटक, दक्खणो री तरफा खे तीन फाटक और पच्छमा री तरफा खे तीन फाटक थे। 14 नगरो री शहरपनाह री बारा निकँआ थिया और तिना निकँआ पाँदे मिन्टूए रे बारा प्रेरिता रे नाओं लिखी राखे थे। 15 से स्वर्गदूत जो मां साथे गल्ला करने लगी रा था, तेसगे नगर, तिजी रे फाटक और तिजी री शहरपनाह खे नापणे खे एक सुईने रा गज था। 16 से नगर चकौर बसी रा था, और तिजी री लम्बाई, चौड़ाईया रे बराबर थी। और तिने तेस गजो ते नगर नापेया, तो से साढे सात सौ कोस निकलेया तिजी री लम्बाई, चौड़ाई और ऊच्चाई बराबर थी। 17 तिने तेसरी शहरपनाह माणूप री, मतलब-स्वर्गदूतो रे नाओं ते नापी, तो एक सौ चालाली आथ निकली। 18 तेसरी शहरपनाह यशबो री बणी री थी और नगर एँडे चोखे सुईने रा था, जो साफ काँचो जेडा था। 19 तेस नगरो री निकँआ हर प्रकारा रे किमती पात्थरे की सजाई राखी थिया, पर्दीली निकँ यशबो री थी, दूजी नीलमणिया री, तीजी लालडिया री, चौथी मरकदो री। 20 पांजी गोमेदको री, छठी माणिक्य री, साती पीतमणिया री, आठी पेरोजो री, नऊई पुखराजो री, दसी लहसनिए री, ग्यारी धूमकान्तो री और बारी याकूतो री थी। 21 बारा फाटका बारा मोतिया रे थे और एक-एक फाटक, एक-एक मोतियो रा बणी रा था। और नगरो री सङ्का साफ काँचो जेडी चोखे सुईने री थिया। 22 मैं तिदे कोई मन्दर नि देखेया, कऊँकि सर्वशक्तिमान प्रभु परमेश्वर और मिन्टू तिजी रा मन्दर ए। 23 तेस नगरो रे सूरज और चाँदो रे प्रयासे री कोई जरूरत निए, कऊँकि परमेश्वरो रे तेजो ते तिदे प्रयासा आओ और मिन्टू तिजी रा दिँज्ञा ए। 24 जातिया-जातिया रे लोक तेसरे प्रयासे रे चलणे-फिरने और तरतिया रे राजेया आपणा-आपणा आदरो रा सामान तिदे ल्याऊणा। 25 तिजी रे फाटक दिने कढी बंद नि ऊणे और रात तेती नि ऊणी। 26 जातिया-जातिया रे लोका एस नगरो रे हर प्रकारा रा महिमा और आदरो रा सामान ल्याऊणा। 27 तिदे कोई अपवित्र काम करने वाला या धृषित काम करने वाला, या चूठ बोलणे वाला किंयाँ बी जाई नि सकदा। पर बस सेयो लोक ई जाई सकणे, जिना रे नाओं मिन्टूए री जीवनो री कताबा रे लिखी राखे।

22 तेबे स्वर्गदूते माखे बिल्लौरो जेडी छलकदी ऊई जिन्दगिया रे पाणिए री एक नदी दखाई, जो परमेश्वर और मिन्टूए रे सिंहासनो ते निकली की तेस नगरो रे बीचो-बीच बहाओं थी। 2 नदिया रे वार-पार, जिन्दगिया रा डाल था, तिदे बारा प्रकारा रे फल लगो थे, से हर मीने

फलो था। और तेस डालो रे पतेया ते जातिया-जातिया रे लोक ठीक ओ थे। 3 फेर साप नि ऊणा, परमेश्वर और मिन्टूए रा सिंहासन तेस नगरो रे ऊणा और तेसरे दासा तेसरी सेवा करनी। 4 तिना परमेश्वर आमणे-सामणे देखणा और तेसरा नाओं तिना रे माथे पाँदे लिखे रा ऊणा। 5 और फेर रात नि ऊणी और तिना खे सूरज और दिँज्ञे रे प्रयासे री जरूरत नि ऊणी। कऊँकि प्रभु परमेश्वर तिना खे प्रयासा देणा और तिना जुगो-जुगो तक राज्य करना। (aien g165) 6 तेबे तिने माखे बोलेया, “यो गल्ला विश्वासो जोगिया और सच ए। और प्रभुए, जो भविष्यबक्तेया री आत्मा रा परमेश्वर ए, आपणा स्वर्गदूतो खे इज्जी खे पेजेया, ताकि आपणे दासा खे सेयो गल्ला जिना रा चट पूरा ऊणा जरूरी ए, दखाओ।” 7 “देख, आँक चट आऊणे वाला ए, धन्य ए से, जो एसा कताबा रिया भविष्यबाणिया री गल्ला खे मानोआ।” 8 आँक सई यूहन्ना ए, जिने आपू ये सारिया गल्ला सुणिया और देखिया। ये सब सुने और देखणे ते बाद आँक तेस स्वर्गदूतो रे पैरा पाँदे माथा टेकणे खे पड़ी गा, जिने माखे ये सब दखाया था। 9 पर तिने स्वर्गदूते माखे बोलेया, “देख, एडा नि कर। कऊँकि आँक तेरा और तेरे पाई भविष्यबक्तेया री और तेसा कताबा री गल्ला खे मानणे वालेया जेडा ई परमेश्वरो रा दास ए। सिर्फ परमेश्वरो गे ई माथा टेक।” 10 तेबे तिने माखे बोलेया, “एसा कताबा रिया भविष्यबाणिया रिया गल्ला बंद नि कर, कऊँकि बखत नेडे ए। 11 जो अन्याय करोआ, से अन्याय ई करदा रओ, जो मईला ए, से मईला ई बणेया रा रओ और जो तर्मी ए, से तर्मी ई बणेया रा रओ और जो पवित्र ए, से पवित्र ई बणेया रा रओ।” 12 तेबे प्रभु यीशुए बोलेया: “देख, आँक चट आऊणे वाला ए; और हर एकी रे कामो रे मुताबिक बदला देणे खे फल मागे आए। 13 आँक ई पईला और आखरी, आगला और पिछला, शुरुआत और अंत ए। 14 “धन्य ए सेयो, जो आपणे टाले तोई लओए, कऊँकि तिना खे जिन्दगिया रे डालो गे आऊणे रा अक्क मिलणा और सेयो फाटका रिये ऊई की नगरो खे जाणे। 15 पर कुर्ते, जादू-टोणा, व्याभिचारी, अत्यारे, मूर्तिपूजा करने वाले और हर एक चूठ बोलणे वाला और चाणे वाला बारे रणा। 16 “मैं यीशुए आपणा स्वर्गदूत इज्जी खे पेजेया, ताकि तुसा रे आगे मण्डलिया रे बारे रे इना गल्ला री गवाई देओ। आँक दालदो रा मूल, वंश और प्याणु तारा ए।” 17 परमेश्वरो रा आत्मा और मिन्टूए री लाडी दोनो यीशुए खे बोलोए, “आ!” और सुने वाला बी बोलो कि “आ!” और जो त्याए ए, से आओ और जो कोई चाओ से जिन्दगिया रा पाणी मुफ्त लओ। 18 मां हर एकी खे, जो एसा कताबा री भविष्यबाणिया री गल्ला सुणोआ, गवाई देँज्ञा कि जे कोई माणू इना गल्ला रे कुछ बड़ाओ, तो परमेश्वरे सेयो मुसीबता, जो इना कताबा रे लिखी राखिया, तेस पाँदे बड़ाणियां। 19 जे कोई एसा भविष्यबाणिया री कताबा री गल्ला बीचा ते कुछ निकयालो, तो परमेश्वरो तेस जिन्दगिया रे डालो और पवित्र नगरो बीचा ते, जेतेरी चर्चा एसा कताबा रे ए, तेसरा इस्सा निकयाली देणा। 20 जो इना गल्ला री गवाई देओआ, से ये बोलोआ, “आ, आँक चट आऊणे

वाला ए।” आमीन्। ओ प्रभु यीशु आयी जाओ! २१ औँक प्रार्थना करूँगा
कि प्रभु यीशुए री कृपा परमेश्वरो रे लोका साथे रओ। आमीन्।



H. PISAN.

तेबे मैं पवित्र नगर यरुशलेम स्वर्गों पाँदो ते परमेशरो गे ते उतरदे देखेया और से तेसा लाड़िया जेड़ा था, जो आपणे लाडे री तंई
श्रृंगार करोई। तेबे मैं सिंहासनो ते कोई जोरे की ये बोलदे ऊए सुणेया कि देख, परमेशरो रा डेरा माणूआ बीचे ए, तेस तिना साथे
डेरा करना, सेयो तेसरे लोक ऊणे, परमेशर आपू तिना साथे रणा और तिना रा परमेशर ऊणा।

प्रकाशित वाक्य 21:2-3

Reader's Guide

बघल्याणी at AionianBible.org/Readers-Guide

The Aionian Bible republishes public domain and Creative Common Bible texts that are 100% free to copy and print. The original translation is unaltered and notes are added to help your study. The notes show the location of eleven special Greek and Hebrew Aionian Glossary words to help us better understand God's love for individuals and for all mankind, and the nature of afterlife destinies.

Who has the authority to interpret the Bible and examine the underlying Hebrew and Greek words? That is a good question! We read in 1 John 2:27, “*As for you, the anointing which you received from him remains in you, and you do not need for anyone to teach you. But as his anointing teaches you concerning all things, and is true, and is no lie, and even as it taught you, you remain in him.*” Every Christian is qualified to interpret the Bible! Now that does not mean we will all agree. Each of us is still growing in our understanding of the truth. However, it does mean that there is no infallible human or tradition to answer all our questions. Instead the Holy Spirit helps each of us to know the truth and grow closer to God and each other.

The Bible is a library with 66 books in the Protestant Canon. The best way to learn God's word is to read entire books. Read the book of Genesis. Read the book of John. Read the entire Bible library. Topical studies and cross-referencing can be good. However, the safest way to understand context and meaning is to read whole Bible books. Chapter and verse numbers were added for convenience in the 16th century, but unfortunately they can cause the Bible to seem like an encyclopedia. The Aionian Bible is formatted with simple verse numbering, minimal notes, and no cross-referencing in order to encourage the reading of Bible books.

Bible reading must also begin with prayer. Any Christian is qualified to interpret the Bible with God's help. However, this freedom is also a responsibility because without the Holy Spirit we cannot interpret accurately. We read in 1 Corinthians 2:13-14, “*And we speak of these things, not with words taught by human wisdom, but with those taught by the Spirit, comparing spiritual things with spiritual things. Now the natural person does not receive the things of the Spirit of God, for they are foolishness to him, and he cannot understand them, because they are spiritually discerned.*” So we cannot understand in our natural self, but we can with God's help through prayer.

The Holy Spirit is the best writer and he uses literary devices such as introductions, conclusions, paragraphs, and metaphors. He also writes various genres including historical narrative, prose, and poetry. So Bible study must spiritually discern and understand literature. Pray, read, observe, interpret, and apply. Finally, “*Do your best to present yourself approved by God, a worker who does not need to be ashamed, properly handling the word of truth.*” 2 Timothy 2:15. “*God has granted to us his precious and exceedingly great promises; that through these you may become partakers of the divine nature, having escaped from the corruption that is in the world by lust. Yes, and for this very cause adding on your part all diligence, in your faith supply moral excellence; and in moral excellence, knowledge; and in knowledge, self-control; and in self-control patience; and in patience godliness; and in godliness brotherly affection; and in brotherly affection, love. For if these things are yours and abound, they make you to be not idle nor unfruitful to the knowledge of our Lord Jesus Christ,*” 2 Peter 1:4-8.

Glossary

बघल्याणी at AionianBible.org/Glossary

The Aionian Bible un-translates and instead transliterates eleven special words to help us better understand the extent of God's love for individuals and all mankind, and the nature of afterlife destinies. The original translation is unaltered and a note is added to 64 Old Testament and 200 New Testament verses. Compare the meanings below to the Strong's Concordance and Glossary definitions.

Abyssos g12

Greek: proper noun, place

Usage: 9 times in 3 books, 6 chapters, and 9 verses

Meaning:

Temporary prison for special fallen angels such as Apollyon, the Beast, and Satan.

aïdios g126

Greek: adjective

Usage: 2 times in Romans 1:20 and Jude 6

Meaning:

Lasting, enduring forever, eternal.

aiōn g165

Greek: noun

Usage: 127 times in 22 books, 75 chapters, and 102 verses

Meaning:

A lifetime or time period with a beginning and end, an era, an age, the completion of which is beyond human perception, but known only to God the creator of the aiōns, Hebrews 1:2. Never meaning simple endless or infinite chronological time in Greek usage. Read Dr. Heleen Keizer and Ramelli and Konstan for proofs.

aiōnios g166

Greek: adjective

Usage: 71 times in 19 books, 44 chapters, and 69 verses

Meaning:

From start to finish, pertaining to the age, lifetime, entirety, complete, or even consummate. Never meaning simple endless or infinite chronological time in Koine Greek usage. Read Dr. Heleen Keizer and Ramelli and Konstan for proofs.

eleēsē g1653

Greek: verb, aorist tense, active voice, subjunctive mood, 3rd person singular

Usage: 1 time in this conjugation, Romans 11:32

Meaning:

To have pity on, to show mercy. Typically, the subjunctive mood indicates possibility, not certainty. However, a subjunctive in a purpose clause is a resulting action as certain as the causal action. The subjunctive in a purpose clause functions as an indicative, not an optative. Thus, the grand conclusion of grace theology in Romans 11:32 must be clarified. God's mercy on all is not a possibility, but a certainty. See ntgreek.org.

Geenna g1067

Greek: proper noun, place

Usage: 12 times in 4 books, 7 chapters, and 12 verses

Meaning:

Valley of Hinnom, Jerusalem's trash dump, a place of ruin, destruction, and judgment in this life, or the next, though not eternal to Jesus' audience.

Hadēs g86

Greek: proper noun, place

Usage: 11 times in 5 books, 9 chapters, and 11 verses

Meaning:

Synonomous with Sheol, though in New Testament usage Hades is the temporal place of punishment for deceased unbelieving mankind, distinct from Paradise for deceased believers.

Limnē Pyr g3041 g4442

Greek: proper noun, place

Usage: Phrase 5 times in the New Testament

Meaning:

Lake of Fire, final punishment for those not named in the Book of Life, prepared for the Devil and his angels, Matthew 25:41.

Sheol h7585

Hebrew: proper noun, place

Usage: 66 times in 17 books, 50 chapters, and 64 verses

Meaning:

The grave or temporal afterlife world of both the righteous and unrighteous, believing and unbelieving, until the general resurrection.

Tartaroō g5020

Greek: proper noun, place

Usage: 1 time in 2 Peter 2:4

Meaning:

Temporary prison for particular fallen angels awaiting final judgment.

Glossary +

AionianBible.org/Bibles/Mahasu-Pahari---Baghlayani-Bible/Noted

Glossary references are below. Strong's Hebrew and Greek number notes are added to 64 Old Testament and 200 New Testament verses. Questioned verse translations do not contain Aionian Glossary words and may wrongly imply *eternal* or *Hell*. * The note placement is skipped or adjusted for verses with non-standard numbering.

Abyssos

लूका 8:31
रेमियों 10:7
प्रकाशित वाक्य 9:1
प्रकाशित वाक्य 9:2
प्रकाशित वाक्य 9:11
प्रकाशित वाक्य 11:7
प्रकाशित वाक्य 17:8
प्रकाशित वाक्य 20:1
प्रकाशित वाक्य 20:3

aidios

रेमियों 1:20
यहूदा 1:6

aiōn

मत्ती 12:32
मत्ती 13:22
मत्ती 13:39
मत्ती 13:40
मत्ती 13:49
मत्ती 21:19
मत्ती 24:3
मत्ती 28:20
मरकुस 3:29
मरकुस 4:19
मरकुस 10:30
मरकुस 11:14
लूका 1:33
लूका 1:55
लूका 1:70
लूका 16:8
लूका 18:30
लूका 20:34
लूका 20:35
यूहन्ना 4:14
यूहन्ना 6:51
यूहन्ना 6:58
यूहन्ना 8:35
यूहन्ना 8:51
यूहन्ना 8:52
यूहन्ना 9:32
यूहन्ना 10:28
यूहन्ना 11:26
यूहन्ना 12:34
यूहन्ना 13:8
यूहन्ना 14:16

प्रेरितों के काम 3:21
प्रेरितों के काम 15:18
रेमियों 1:25
रेमियों 9:5
रेमियों 11:36
रेमियों 12:2
रेमियों 16:27
1 कुरिन्थियों 1:20
1 कुरिन्थियों 2:6
1 कुरिन्थियों 2:7
1 कुरिन्थियों 2:8
1 कुरिन्थियों 3:18
1 कुरिन्थियों 8:13
1 कुरिन्थियों 10:11
2 कुरिन्थियों 4:4
2 कुरिन्थियों 9:9
2 कुरिन्थियों 11:31
गलातियों 1:4
गलातियों 1:5
इफिसियों 1:21
इफिसियों 2:2
इफिसियों 2:7
इफिसियों 3:9
इफिसियों 3:11
इफिसियों 3:21
इफिसियों 6:12
फिलिप्पियों 4:20
कुलुस्सियों 1:26
1 तीमुथियुस 1:17
1 तीमुथियुस 6:17
2 तीमुथियुस 4:10
2 तीमुथियुस 4:18
तीतुस 2:12
इब्रानियों 1:2
इब्रानियों 1:8
इब्रानियों 5:6
इब्रानियों 6:5
इब्रानियों 6:20
इब्रानियों 7:17
इब्रानियों 7:21
इब्रानियों 7:24
इब्रानियों 7:28
इब्रानियों 9:26
इब्रानियों 11:3
इब्रानियों 13:8
इब्रानियों 13:21
1 पतरस 1:23

1 पतरस 1:25
1 पतरस 4:11
1 पतरस 5:11
2 पतरस 3:18
1 यूहन्ना 2:17
2 यूहन्ना 1:2
यहूदा 1:13
यहूदा 1:25
प्रकाशित वाक्य 1:6
प्रकाशित वाक्य 1:18
प्रकाशित वाक्य 4:9
प्रकाशित वाक्य 4:10
प्रकाशित वाक्य 5:13
प्रकाशित वाक्य 7:12
प्रकाशित वाक्य 10:6
प्रकाशित वाक्य 11:15
प्रकाशित वाक्य 14:11
प्रकाशित वाक्य 15:7
प्रकाशित वाक्य 19:3
प्रकाशित वाक्य 20:10
प्रकाशित वाक्य 22:5

aiōnios

मत्ती 18:8
मत्ती 19:16
मत्ती 19:29
मत्ती 25:41
मत्ती 25:46
मरकुस 3:29
मरकुस 10:17
मरकुस 10:30
लूका 10:25
लूका 16:9
लूका 18:18
लूका 18:30
यूहन्ना 3:15
यूहन्ना 3:16
यूहन्ना 3:36
यूहन्ना 4:14
यूहन्ना 4:36
यूहन्ना 5:24
यूहन्ना 5:39
यूहन्ना 6:27
यूहन्ना 6:40
यूहन्ना 6:47
यूहन्ना 6:54
यूहन्ना 6:68

यूहन्ना 10:28
यूहन्ना 12:25
यूहन्ना 12:50
यूहन्ना 17:2
यूहन्ना 17:3
प्रेरितों के काम 13:46
प्रेरितों के काम 13:48
रोमियो 2:7
रोमियो 5:21
रोमियो 6:22
रोमियो 6:23
रोमियो 16:25
रोमियो 16:26
2 कुरिन्थियों 4:17
2 कुरिन्थियों 4:18
2 कुरिन्थियों 5:1
गलातियों 6:8
2 थिस्सलुनीकियों 1:9
2 थिस्सलुनीकियों 2:16
1 तीमुथियुस 1:16
1 तीमुथियुस 6:12
1 तीमुथियुस 6:16
2 तीमुथियुस 1:9
2 तीमुथियुस 2:10
तीतुस 1:2
तीतुस 3:7
फिलेमोन 1:15
इङ्ग्रानियों 5:9
इङ्ग्रानियों 6:2
इङ्ग्रानियों 9:12
इङ्ग्रानियों 9:14
इङ्ग्रानियों 9:15
इङ्ग्रानियों 13:20
1 पतरस 5:10
2 पतरस 1:11
1 यूहन्ना 1:2
1 यूहन्ना 2:25
1 यूहन्ना 3:15
1 यूहन्ना 5:11
1 यूहन्ना 5:13
1 यूहन्ना 5:20
यहूदा 1:7
यहूदा 1:21
प्रकाशित वाक्य 14:6

eleēsē

रोमियो 11:32

Geenna
मत्ती 5:22
मत्ती 5:29
मत्ती 5:30
मत्ती 10:28
मत्ती 18:9
मत्ती 23:15
मत्ती 23:33
मरकुस 9:43

मरकुस 9:45
मरकुस 9:47
लूका 12:5
याकूब 3:6
Hadēs
मत्ती 11:23
मत्ती 16:18
लूका 10:15
लूका 16:23
प्रेरितों के काम 2:27
प्रेरितों के काम 2:31
1 कुरिन्थियों 15:55
प्रकाशित वाक्य 1:18
प्रकाशित वाक्य 6:8
प्रकाशित वाक्य 20:13
प्रकाशित वाक्य 20:14

Limnē Pyr
प्रकाशित वाक्य 19:20
प्रकाशित वाक्य 20:10
प्रकाशित वाक्य 20:14
प्रकाशित वाक्य 20:15
प्रकाशित वाक्य 21:8

Sheol
उत्पत्ति 37:35
उत्पत्ति 42:38
उत्पत्ति 44:29
उत्पत्ति 44:31
गिनती 16:30
गिनती 16:33
व्यवस्था विवरण 32:22
1 शमूएल 2:6
2 शमूएल 22:6
1 राजा 2:6
1 राजा 2:9
अय्यूब 7:9
अय्यूब 11:8
अय्यूब 14:13
अय्यूब 17:13
अय्यूब 17:16
अय्यूब 21:13
अय्यूब 24:19
अय्यूब 26:6


भजन संहिता 6:5
भजन संहिता 9:17
भजन संहिता 16:10
भजन संहिता 18:5
भजन संहिता 30:3
भजन संहिता 31:17
भजन संहिता 49:14
भजन संहिता 49:15
भजन संहिता 55:15
भजन संहिता 86:13
भजन संहिता 88:3
भजन संहिता 89:48

भजन संहिता 116:3
भजन संहिता 139:8
भजन संहिता 141:7
नीतिवचन 1:12
नीतिवचन 5:5
नीतिवचन 7:27
नीतिवचन 9:18
नीतिवचन 15:11
नीतिवचन 15:24
नीतिवचन 23:14
नीतिवचन 27:20
नीतिवचन 30:16
सभोपदेशक 9:10
श्रेष्ठीत 8:6
यशायाह 5:14
यशायाह 7:11
यशायाह 14:9
यशायाह 14:11
यशायाह 14:15
यशायाह 28:15
यशायाह 28:18
यशायाह 38:10
यशायाह 38:18
यशायाह 57:9
यहेजकेल 31:15
यहेजकेल 31:16
यहेजकेल 31:17
यहेजकेल 32:21
यहेजकेल 32:27
होशे 13:14
आमोस 9:2
योना 2:2
हबवकूक 2:5

Tartaroō

2 पतरस 2:4

Questioned
मत्ती 7:13
मत्ती 7:19
2 थिस्सलुनीकियों 2:3
2 पतरस 2:17




विश्वासो तेर्द अब्राहमो खे जेबे परमेश्वरे एकी जगा खे जाणे खे बुलाया तो से आज्ञा मानी की तेसा जगा खे निकली गा, जेती परमेश्वरो तेसखे तेसरी जायदात देणी थी और से नि जाणो था कि ऑँकु केर्द चली रा, पर फेर बी चली गा -

इब्रानियों 11:8



"When Pharaoh had let the people go, God didn't lead them by the way of the land of the Philistines, although that was near; for God said, 'Lest perhaps the people change their minds when they see war, and they return to Egypt'" Exodus 13:17



कहेंगे कि आँक माणूरा पुत्र इसी खे नि आया कि मेरी सेवा करो, बल्कि इसी खे आया कि से अपूर्सेवा करो और बहुत जागीया छुड़णे खे आपणा प्राण देवो। - मरकुस 10:45



आँऊ पौलुस एसा चिट्ठिया खे लिखणे लगी रा जो यीशु मसीह रा दास ए। परमेश्वरे आँऊ प्रेरित ऊणे खे चुणी राखेया। तिने आँऊ सुसमाचारो रा प्रचार करने खे लग करी राखेया। - रोमियों 1:1

Creation 4004 B.C.

Adam and Eve created	4004
Tubal-cain forges metal	3300
Enoch walks with God	3017
Methuselah dies at age 969	2349
God floods the Earth	2349
Tower of Babel thwarted	2247
Abraham sojourns to Canaan	1922
Jacob moves to Egypt	1706
Moses leads Exodus from Egypt	1491
Gideon judges Israel	1245
Ruth embraces the God of Israel	1168
David installed as King	1055
King Solomon builds the Temple	1018
Elijah defeats Baal's prophets	896
Jonah preaches to Nineveh	800
Assyrians conquer Israelites	721
King Josiah reforms Judah	630
Babylonians capture Judah	605
Persians conquer Babylonians	539
Cyrus frees Jews, rebuilds Temple	537
Nehemiah rebuilds the wall	454
Malachi prophesies the Messiah	416
Greeks conquer Persians	331
Seleucids conquer Greeks	312
Hebrew Bible translated to Greek	250
Maccabees defeat Seleucids	165
Romans subject Judea	63
Herod the Great rules Judea	37

(The Annals of the World, James Usher)

Jesus Christ born 4 B.C.

New Heavens and Earth

1956	Christ returns for his people
1830	Jim Elliot martyred in Ecuador
1731	John Williams reaches Polynesia
1614	Zinzendorf leads Moravian mission
1572	Japanese kill 40,000 Christians
1517	Jesuits reach Mexico
1455	Martin Luther leads Reformation
1323	Gutenberg prints first Bible
1276	Franciscans reach Sumatra
1100	Ramon Llull trains missionaries
1054	Crusades tarnish the church
997	The Great Schism
864	Adalbert martyred in Prussia
716	Bulgarian Prince Boris converts
635	Boniface reaches Germany
569	Alopen reaches China
432	Longinus reaches Alodia / Sudan
397	Saint Patrick reaches Ireland
341	Carthage ratifies Bible Canon
325	Ulfilas reaches Goth / Romania
250	Niceae proclaims God is Trinity
197	Denis reaches Paris, France
70	Tertullian writes Christian literature
61	Titus destroys the Jewish Temple
52	Paul imprisoned in Rome, Italy
39	Thomas reaches Malabar, India
33	Peter reaches Gentile Cornelius
	Holy Spirit empowers the Church

(Wikipedia, Timeline of Christian missions)

Resurrected 33 A.D.

Where?

Who?

When?

		When?									
		Innocence		Fallen			Glory				
Who?	God	Eternity Past	4000 BC Creation	Fall to Sin No Law	1500 BC Moses' Law	Advent of Christ 0-33 AD	Church Age Kingdom Age	Great White Throne	New Heaven and Earth		
		God's Perfect Fellowship	John 10:30	Living in Unapproachable Light, 1 Timothy 6:16					God's Perfectly Restored Fellowship with All Mankind in the Holy City		
		Son		Pre-Incarnate, John 8:58	Incarnate, John 1:14	Paradise, Luke 23:43					
		Holy Spirit		Everywhere, Psalm 139:7	Indwelling Believers, John 14:17						
	Mankind	Living Mankind	Adam in the Garden of Eden	Serving the Savior or Satan on Earth, Ephesians 2:1-5					All Restored		
		Deceased Believing Mankind		Blessed in Paradise, Luke 16:22							
		Deceased Unbelieving Mankind		Punished in Hades until the final judgment, Luke 16:23 and Rev 20:13							
	Angels	Holy Angels	No people	Serving Mankind at God's Command, Hebrews 1:14					No Hades No Dead Rev 20:3		
		Imprisoned Angels		Imprisoned in Tartarus, 2 Peter 2:4 and Jude 6							
		Fugitive Angels		Rebelling Against Christ Thalaasa, Rev 20:13							
		First Beast Demon	Gen 1:1	Accusing Mankind			Lake of Fire Revelation 19:20	Lake of Fire Prepared for the Devil and his Angels	Fallen Angels Forgiven? Col 1:20 Yes?		
		False Prophet Demon		1 Peter 5:8 and Revelation 12:10							
		Satan		Abyss Revelation 20:2							

Destiny

बघल्याणी at AionianBible.org/Destiny


The Aionian Bible shows the location of eleven special Greek and Hebrew Aionian Glossary words to help us better understand God's love for individuals and for all mankind, and the nature of after-life destinies. The underlying Hebrew and Greek words typically translated as *Hell* show us that there are not just two after-life destinies, Heaven or Hell. Instead, there are a number of different locations, each with different purposes, different durations, and different inhabitants. Locations include 1) Old Testament Sheol and New Testament *Hadēs*, 2) Geenna, 3) Tartaroō, 4) Abyssos, 5) *Limnē Pyr*, 6) *Paradise*, 7) *The New Heaven*, and 8) *The New Earth*. So there is reason to review our conclusions about the destinies of redeemed mankind and fallen angels.

The key observation is that fallen angels will be present at the final judgment, 2 Peter 2:4 and Jude 6. Traditionally, we understand the separation of the Sheep and the Goats at the final judgment to divide believing from unbelieving mankind, Matthew 25:31-46 and Revelation 20:11-15. However, the presence of fallen angels alternatively suggests that Jesus is separating redeemed mankind from the fallen angels. We do know that Jesus is the helper of mankind and not the helper of the Devil, Hebrews 2. We also know that Jesus has atoned for the sins of all mankind, both believer and unbeliever alike, 1 John 2:1-2. Deceased believers are rewarded in Paradise, Luke 23:43, while unbelievers are punished in Hades as the story of Lazarus makes plain, Luke 16:19-31. Yet less commonly known, the punishment of this selfish man and all unbelievers is before the final judgment, is temporal, and is punctuated when Hades is evacuated, Revelation 20:13. So is there hope beyond Hades for unbelieving mankind? Jesus promised, "*the gates of Hades will not prevail*," Matthew 16:18. Paul asks, "*Hades where is your victory?*" 1 Corinthians 15:55. John wrote, "*Hades gives up*," Revelation 20:13.

Jesus comforts us saying, "*Do not be afraid*," because he holds the keys to *unlock* death and Hades, Revelation 1:18. Yet too often our *Good News* sounds like a warning to "*be afraid*" because Jesus holds the keys to *lock* Hades! Wow, we have it backwards! Hades will be evacuated! And to guarantee hope, once emptied, Hades is thrown into the Lake of Fire, never needed again, Revelation 20:14.

Finally, we read that anyone whose name is not written in the Book of Life is thrown into the Lake of Fire, the second death, with no exit ever mentioned or promised, Revelation 21:1-8. So are those evacuated from Hades then, "*out of the frying pan, into the fire?*" Certainly, the Lake of Fire is the destiny of the Goats. But, do not be afraid. Instead, read the Bible's explicit mention of the purpose of the Lake of Fire and the identity of the Goats, "*Then he will say also to those on the left hand, 'Depart from me, you cursed, into the consummate fire which is prepared for... the devil and his angels,'*" Matthew 25:41. Bad news for the Devil. Good news for all mankind!

Faith is not a pen to write your own name in the Book of Life. Instead, faith is the glasses to see that the love of Christ for all mankind has already written our names in Heaven. "*If the first fruit is holy, so is the lump*," Romans 11:16. Though unbelievers will suffer regrettable punishment in Hades, redeemed mankind will never enter the Lake of Fire, prepared for the devil and his angels. And as God promised, all mankind will worship Christ together forever, Philippians 2:9-11.



Disciple All Nations

तो, तुसे जाओ और सब जातिया रे लोका खे चेला बणाओ, और तिना खे पिता, पुत्र और पवित्र आत्मा रे नाओं ते बपतिस्मा देओ - मत्ती 28:19